

indicantes duo iudei tribus Israhel

Simon ecce Sathanas expe

ui tuus sicut triticum. Ego autem

non deficiat fides tua. Et tu ali

co confirma fratres tuos. Qui

tecum perambulans sum et in carce

re. Dille dixit. Misisti te




*Teol. 3872*




X. b. 6.









A

C  
D

T  
CA  
fo

G  
C  
at



OPERV  
ASCETICORVM  
REVERENDI PATRIS  
GASPARIS  
DRVZBICKI

*è SOCIETATE JESU,*

TOMVS SECVND<sup>9</sup>  
CATALOGUM TRACTATUM A-  
sceticorum hujus TOMI & Capitem  
omnium, vicina post dedicationem  
pagina indicabit.

*Domus  
Cracoviensis  
ad S*



*Professd  
Sol. J. G. U.  
Barbaram*

*12. IV. 42*



POSNANIÆ,  
Typis Collegij Societatis IESU.  
Anno Domini 1691.





58995  
111





ILLVSTRISSIMO DOMINO  
D. SAMVELI  
DE KOSIECZYN  
PROSKI.  
EQUITI MELITENSI,  
*S. R. M. Poloniarum,*  
Ad Augustissimum Romanorum  
Imperatorem  
ABLEGATO.  
*Domino Patrono & Mecænati Amplissimo.*  
EQUES ILLUSTRISIME,



Pus, materiâ & Auctore Tibi dilectum,  
impendio, & usu Tuum; Tuo prælegi-  
mus Nomine, Tuocensemus Stemmate,  
ordine consecramus, sanguine, titulis,  
meritis Tuis illustramus, ut magis ornatum videatur;  
attollimus, ut plus aestimetur; ampliamus, ut  
communius & publicè proſit. Et hoc officio Tibi  
non ingrati sumus; futuri & illis utiliores, in quibus  
perfectiõis æſtum, quem Liber hic ſpirat, docet;  
Tuæ probitatis exemplo, efficacius afflabimus. Ha-  
bet enim invictam ſuadendi vim claritas Generis,  
quam exaggeravit Pietas, cum neceſſitas quædam ſit  
imitationis, admiratio. Te verò quis non niſi vidit?  
qui Opalenios, quot viris, tot Senatoribus claros; &  
quot Regni noſtri ſunt decora, toties & ampliùs ma-

*Domus Craſſi Craſſi deſcendit ad J. Barbaram*

gnos



gnos scivit. Qui Zamoyfcios ad clavas Martiales  
Duces: Signatorijs Regni annulis aureos: & toto Po-  
loniæ thesauro cariores Patriæ vidit. Gninscios  
quicunq; per Insulas Curulesq; numeravit, Te, sine  
veneratione nemo præterit. His enim debes Tu-  
um sanguinem; quem magnum, meritorum paritate:  
antiquum gloriæ immortalitate: declaras, vel illu-  
stras. Confanguinea enim Rostra, Opalenia Na-  
vis, Oriente, Occidenteque, clarum habent Polonia  
Tullium; Hastæ Zamoyfcia, Avito Tuo gloriantur  
Samsone, & Te Melitenti gaudent Herodæ. Corona-  
tus verò Gninsciorum Draco, Te Capitis sui gem-  
mam præstituit.

An enim aliud videbaris ad portam Othomani-  
cam annis novem Polonia Internuntius, quem ad-  
versa probarunt constantem, fecerunt invictum:  
fidelem laudarunt Provinciæ, Senatus, Regnum, vel  
ut brevius dicam omnia, laudavit Rex. Ipsi æsti-  
maverunt barbari: in quo cum suam audirent lin-  
gvam; animum intelligere sola Polonia potuit, suo  
tam integrum Principi, ut in aula Lechica agere cre-  
dereris non in Thracia, in conclavi IOANNIS III.  
versari, non Bizantijs. Quod quàm sanctum est, illi  
norunt, qui Rempublicam sciunt, & solam æstimant;  
generosæ Fidei non degeneres, in gratiam venalis  
potentiæ. Et hic erat gloriæ Tuæ Oriens Majesta-  
tem Poloniam barbaris asserere constantiâ inflexâ,  
hostium exantlare consilia studio Patriæ, invidiam  
crudelis aulae officio lenire, magnanimitate reprime-  
re; ferocem barbariei fastum Regis Tui majestate  
& victorijs inclinare; & vivendi licentiam impugna-  
re morum gloriâ. In aliud hinc exijt fama Tua the-  
atrum, cum in Neoburgicam domum, quam Princi-  
pum, Regum, Cæsarum locale decus, jure dicam,  
præires



præires Legatum, Serenissimo Poloniarum Principi  
IACOBO, Principem Sponsam deducentem. Huic au-  
gusto nexui, quoties Polonia suam debebit fortu-  
nam, toties fœdera gloriæ ex illo annulo evoluta a-  
gnosceret, quem triumphalis Principis Sponsi Nomi-  
ne Paranympheus detulisti. Quo ita, felicissimum  
hoc signasti Connubium: ut gloria in orbe nulli se-  
cundo; meritis per regna, amore in Patriam, inter  
Poloniæ Reges Primo IOANNI III, Te ipsum alti-  
us imprimeres. Et sufficit ut dici possis gloriosus,  
ab immortalis probari Principe. Nec iners laudis  
Nomen esse potest illi Regi placuisse, qui sæculo-  
rum negotia hic inter Reges agitatur, quasi regnaret  
ubiq; & consilijs conciliet regnorum pacem

Eam mentem suam curis regnorum plenam, &  
adhuc orbis capacem Tibi aperuit, suo in aula AVGV-  
STI LEOPOLDI I. arcanorum Arbitro, ut pericula com-  
munia Tu disceres, ille elideret: publicæ tranquilli-  
tati perniciofa consilia, Tu explorares, ille rumpe-  
ret: bella surgentia Tu prævideres, ille seu victorijs  
frangeret in triumphum; seu mitiori studio compo-  
neret in decus pacis. Ergo aula illa habet Te inter  
Procures, generis dignitate Magnum, inter diversi  
sermonis Provincias; toties non Polonium tantum,  
quoties Italiam, Germaniam, Galliam, Belgiam, Persiamq; re-  
spondes, unus ferè tot linguarum pretium, quoties  
Europa & Asia suos Reges alloquitur. Thesaurum  
verò hunc regnis tam necessarium, quam rarum  
collegeras, diuturna exteri soli consuetudine, &  
multiformis gentium Genij usu, mores, quibus in  
exemplum & elogia vivitur, hausisti; recessurus ab  
eo, quod carpit gloriam, ad decus ijs artibus connisu-  
rus, quas laudabas, inquirendo in totius orbis inge-  
nia; quæ, ut nobilissima non nisi flumina in mare.



rosa hac in gloriam Tuam, agere Provincia, ne inter  
elogia Tua domesticam etiam pingamus telam.  
Quod propriè Tuum est, quod Auctorem Alcesis hu-  
jus, non magis nostrum putas, quàm Tuum, quod &  
pretij est illius, & Tuarum altissima commendatio  
virtutum. Cum similitudinis argumentum est,  
Sancta in alio diligere; & grande optimi animi te-  
stimonium scimus, amari ab optimo.

Hoc Tu ipse, seu affectus fiducia seu gratitudi-  
nis constantia profiteris, Sacram Druzbiciani Nomi-  
nis memoriam, solatorum Tuorum fontem esse & lit-  
tus aureum. Nec miramur adeò propensam opti-  
mi Patris in Te benevolentiam. Non enim arcti-  
us sol & astra suo inhaerent cælo; quàm tota Domus  
Tua beneficijs, studio; affectu in Societatem no-  
stram clara, pectori illius fuit intima. Et ius  
quoddam erat, in pios Druzbicki affectus P R O-  
S C I A N Æ Domus Leonis vel ungven esse.  
Tu ipse Eques laudatissime, non sine sacro quo-  
dam solatio; illius in Te narrare soles propensio-  
nem, quæ Te septennem adhuc in aterna erigebat  
studia, Sanctissimis firmabat monitis crescentem, ad  
magna animum & ut vigilantissimum pro Aris for-  
maret SAMUELEM; ipse Te coram, perfectionis  
exemplar vixit, Tu discebas. Quod vel inde nobis  
constat, cum nihil Tibi carius sit, Druzbiciani spiri-  
tus memoria: nulla solidior. Te Iudice, perfectionis  
Christianæ eruditio, quàm quæ in animo Druzb-  
cij nata, in moribus adolevit

Hæc tamen ipsa Christianæ vitæ doctrina, quod  
posterorum religioso profectui ampliùs vivit, Tuæ  
gratiæ debet, quod à calamis oculisq; paucorum do-  
mesticorum, in manus ulumq; publicum venit.  
Et quod jam in Secundum Tomum evolvatur spiri-  
tus



præstantissimus quisq; sanguis ad cor caputq; suum  
confluunt in Italiam. Illam tu pene decennio lu-  
straveras, & imitationis necessitate gloriosâ præscri-  
psisti id esse, quod in Magnis amabat Roma & Or-  
bis. Id videbâris consecutus Innocentij XI. judi-  
cio, bis in Te Paternum suum animum, & colloquij  
beatitudine, & muneribus sanctissimis confirmante.  
Melitâ Heroum Patriâ plenum annum Heroicas  
virtutes Tuas mirante, in suam dignitatem adlegen-  
te, & Italiae decus faciente, quod erat Polonia, non  
sine pretio Tuæ fortitudinis cum diceret, Te, Gen-  
tilitium Samsonem Leonemq; in animi robur trans-  
tulisse. Et tanta est, virtutum decorumq; Tuo-  
rum Proviacia; nos symbolum fecimus, quod viden-  
tibus breve esse solet, capax verò spectantibus ul-  
tra picturam; & intelligentibus virtutis Tuæ com-  
mendationem in summis Europæ, ac Asiae aulis in-  
tegræ, inter Regum negotia, indefessæ, inter barbaros  
invictæ, inter præcipitia ingenia constantis, inter  
plausus modestæ, nec (quod alias solet) ipsis secun-  
dis rebus fatigatæ. Nec insolens assentatio est; priva-  
tæ præxim probitatis commendando, publicas virtu-  
tes pertexere, sed invitamur veterum exemplis, qui-  
bus didicimus, in æmulationem etiam anachoreticæ  
pietatis, solitam proponi innocentiam purpuratam,  
legimusq; complures religiosas animas denissius se  
abjecisse, consideratione virtutis in publico adoratæ,

Vel si quid & amplius religiosum, citra injuri-  
am verecundiæ Tuæ licet loqui, dicemus per amplis-  
simas Turcarum provincias Scythicam solitudinem,  
missiones Apostolicas, Tuo consilio ceptas, Tua pro-  
motas opera, & propè Tuo animatas zelo in pericula  
valido, contra commoda contumaci, in animarum cæ-  
lestia lucra avaro. Prohibe ortamen plura, de ope-  
roia



tus tanti Magisterium, Tuo reddimus id favori,  
Tuo consilio, quo, faminam, ingenti virtutum glo-  
ria viuentem, nec sexus sui pietate contentam, in  
religiosorum perfectionem, suæ virtutis exempla  
studiumq; proferentem, Illustrissimam Regni The-  
saurariam induxisti, ut illius impendio, tam utilis  
sanctimoniarum officina in communius commodum vul-  
garetur. Auctor certe novo titulo, Tibi obligabi-  
tur, superstite gratia, & in Te manebit gloria in-  
nocentiarum, quam legendo haurient, perfectionis  
sanctissimarum, avararum mentes. Nos ipsi, quoties Li-  
brum hunc non jam nostrum, sed censu & gratia  
Tuam legemus, toties nobis aurea Tua occurret  
munificentia, toties in Societatem, in Auctorem  
amicissimum Tibi olim, in Collegium nostrum,  
Tuus affectus pleno huius Libri margine affluet.  
Quare cum beneficiis animos obligas, exemplis i-  
mitationem virtutum suades, quo efficacius id a-  
gas, gloria, cui vivis, magnitudinis & fortunæ,  
quam mereris diuturnitatem Tibi vovet.

ILLUSTRISSIMO NOMINI TUO

*Devotissimum*

Collegium Posnaniense Societ. IESU.



# INDEX

## OPUSCULORUM.

1.  
Exercitia in 12. Menses num: 1.

2.  
Novellus Religiosus, seu de Vita Novellorum Religiosorum. n. 112.

3.  
Vota Religiosa seu Tractatus de Votis Religiosis in communi & in particulari, n. 126.

4.  
De Mancipio Religioso n. 255.

5.  
De soliditate virtutis in Religioso Societatis IESU, n. 280.

6.  
De Caritate perfectorum, n. 353.

FACUL-



# FACULTAS

R. P. Visitatoris & Vice Provincialis Poloniæ.

**S**ecundus Tomus Opusculorum, in quo continentur Exercitia in:  
*12. Menses: Novellus Religiosus, seu de Vita Novellorum Reli-*  
*giosorum: Vota Religiosa, seu Tractatus de Votis Religiosis: Man-*  
*cipium Religiosum: De Soliditate virtutis in Religioso Societatis 7 E.*  
*SV: De Caritate perfectorum: à R. P. GASPARE DRU-*  
**ZBICKI, Nostræ Societatis Sacerdote Conscriptus, & ab aliquot**  
*Theologis ejusdem Societatis ad revidendum deputatis lectus & pro-*  
*batus, concessa mihi potestate ab Admodum R. P. N. THYRSO*  
**GONZALEZ, Præposito Nostrò Generali, ut imprimatur conce-**  
*do: si tamen id videatur illis, ad quos pertinet.* Cracoviæ 20.  
 Maij, Anno 1691.

IGNATIVS DIERTINS Societatis IESV.  
 mpp.

# APPROBATIO

**I**ncipientium, proficientium, & perfectorum, in spiritu religioso for-  
 mando & instruendo, facile Princeps, Magister, & Manuductor  
 Admodum Rehdus in Christo Pater Gaspar DRVZBICKI Soc. IESV.  
 iam aliàs sicut religiosæ perfectionis idea & exemplar consummatum,  
 ita & tot operibus publico bono editis clarissimus, jure merito exi-  
 git ut & in hoc præclarissimo Opere suo, prodeat in lucem ad commo-  
 dum & utilitatem tironum Religiosorum, ita censeo, dum Authorem,  
 & Authoris partem veneror demisse, semper obligatissimo toti  
 Societati affectu, & amore.

STEPHANVS MORESKI S. T. D.  
 Canonicus Cathedralis, & D. M. Ma-  
 gdalenæ Præpositus Posnaniensis, Censor  
 Librorum Synodalis. mpp.





# IN EXERCITIA TIRONUM RELIGIOSORUM,

Per Duodecim Menses distributa

## P R Æ F A T I O



*Ecce gloriosissimus Doctor Ecclesie, Spiritualisq; vite præcipuus Magister Basilus (Reg. fus. disp. Interr. 15.) Tirones Religiosæ disciplinæ, puerulis comparat, eosq; non minus mente, quàm istos corpore infantes vocat. Vt enim aliæ complures similitudinis hujus rationes prætermittantur, illa est non postrema: quod quemadmodum ij, quos non pridem nature partus in hanc lucem effudit, adeo miseri sunt atq; ab omni apud seipsos ope destituti, ut nisi Matrum, nutricum, gerularum, pedagogorumq; curâ de omnibus provideantur, inq; omnibus formentur, prius in absurda specie moribusq; monstra, quàm in aliquos humanâ dignitate dignos Iuvenes virosq; adulturi sint: ita isti, quos à corruptæ corruptricisq; nature maculis ac nævis abstractos, melior Mater ac Nutrix Gratia in Religiosi Spiritualisq; Mundi lucem producit, nisi à Spiritualibus Patribus Instructoribusq; perpetua, ejusq; diligentis ac longinquæ industriæ lacte nutriti primùm, deinde solidiorum ciborum substantiâ roborati fuerint, prius in monstrosa quedam sceleratorum portenta hominum, quàm in probatorum Dei servorum, dignorumq; Religiosæ perfectionis ac Sanctæ Professionis Filiorum indolem, sint assurrecturi.*

*Quò in genere, tantò miserabilior est conditio spiritualiū puerorum, quàm Corporalium, quantò infelicior est monstrositas Animarum quàm Corporum, vitiositasq; morum quàm mēbrorum. Quare si magni in-*

A

terest

*Pro loco professu*



terest quomodo prima pueritiæ tenella membra formentur: longè pluris sine dubio intererit quomodo primos Sacra militiæ atq; adeò infantia tironum Spiritus, conformari contigerit.

Hanc in rem, opera pretium facturus mihi videor: si certam quandam seriem, ob oculos, quâ tironibus ipsis, quâ eorû Instructoribus proponam: juxta quam & à seipsis, & ab Instructoribus suis, ab initio suæ conversionis, toto Tirocinij tempore conformari & instrui, atq; ad ipsam usq; perfecti in Christo viri formâ, aliquatenus educari possint. Aliquatenus inquam: Nam hic neq; complector omnia: imò nō pauca utilissima sciens præmitto: atq; Instructori Tironum accurate tradenda reservo: neque etiam hac ipsa quæ hic tracto, cum omni curâ explano: quia Tironū capacitati servo, quos hic non ad plenam eruditionem, sed ad aliquam proxim exercitationemq; manuduco. Quod si alicubi etiam has metas transilio: in eo vel dignitati materiæ, vel Tironum necessitati prospicio: vel ad minimum, quid adhuc Tironibus desit, quo nam si non eniti, at saltem aspirare possint, ostendo. Secutus Apostolum, qui suis quam novellis discipulis perfectiorem adhuc vitam demonstrat: utq; Charismata meliora æmulentur, eosdem invitat.

Placuit hanc seriem per Menses parti: quod tempus neq; nimis longum, neq; etiam arctum nimis credimus, ad unam quamq; seu vitiosam mentis labem abstergendam, seu meliorem Virtutis sementem Cordi inferendam, ad maturitatemq; aliquam deducendam. Dummodò & agricola, & ipsius agelli non desit industria: quæ cœlestis gloriæ semina, à Deo præpotenti ut plurimum tironum mentibus infundi liberaliter solita, fovere, ad debitumq; incrementum producere, studiosè constanterq; adlaboret.

In unoquoq; Mense pluscula (quatuor aut quinq; plurimum) proponuntur Tironi puncta, in quibus exerceat se: tum ut multitudine non obruatur, tum ut fastidio unius ejusdem soliusq; exercitij, non absterveatur. Qui capaciores videbuntur, ijs facile erit plura ostendere: sicut & ijs qui gravari vel his quinq; credentur, non difficile erit, unum alterumve detrabere.

De Ordine porrò punctorum seu materiæ, etsi aliquam rationem habui incipientium proficientium & perfectiorum: nequaquam tamen eam exactam esse volui, considerans potissimum, tironibus ea scribi. Quanquam nolim diffiteri, alijs quoq; eadem exercitia cum suâ seriè servire posse illis præsertim, qui in tepiditatem, & ex hac, in aliqua alia graviora errata lapsi esse, in ijsq; inveterasse videbuntur. Porro, tiro-

nibus




inibus ea scripta esse non diffiteor: quos nisi fallor, ut plurimum hac serie deduci de cet atq<sup>3</sup> oportet. Etsi habenda sit quandoq<sup>3</sup> ratio dispositionis ejus Tironis, qui peculiari ex causa, vel prolongari, vel anticipari, vel immutari, vel etiam omitti aliqua desiderabit exercitia.

Quam ad rem, duas res Instructori auxilio futuras credo præcipue: Prima est, si Tironem ipsum in probatione cognoscere, seu ex confessione generali totius vite, seu ex ratione conscientia, seu ex colloquijs studuerit. Secunda est, si non statim hac exercitia, etiam qua in primo Mense proponuntur, (nisi fortè aliqua saltem) non inquam, statim ut ex prima probatione ad secundam prodierit Tironi tradere, sed aliquot per dies inter alios vivere, & se se statumq<sup>3</sup> suum & domus ac domesticorum nonnihil condiscere permittatur. Hoc enim nisi prius fiat, sed statim exerceri in his qua hic ponuntur capitibus jubeatur: ipsa Novitas vite, loci, temporum, occupationum, personarumq<sup>3</sup>, ne quidquam proficiat, satis magno impedimento erit.

Hæc tamen omnia, sicut & alia ad hoc instituendorum Tironum negotium servientia, Prudentia, Experientia, Iudicio, & arbitrio unuscujusq<sup>3</sup>, sic permitto, ut hujus à me propositæ seriei, nullam rationem ab ullo Instructorū haberi desiderē, nisi si ita ipsi è Majore Dei gloriâ, & bono eorum quos instruendos habet, in Deo Domino Nostro visum fuerit. Quam etiam ob causam, nullam hoc loco præterea rationem scripti hujus mei offerendam lectori putavi. Quoniam, si quid cuiquam in eo minus placuerit, huic, tam ex toto, quam ex parte, ab ejus usu, & ipsi abstinere, & alios arcere, per me penitus liberum concessumq<sup>3</sup> sit.







# SYLLABVS MATERIARUM.

*Quæ in Exercitiis 12. Mensium tra-  
ctantur.*

1. Mense, Vacandum 1. Contritioni & Dolori de Peccatis.
  2. Pœnitentijs Exterioribus, & Pœnis Corporalibus.
  3. Amori, æstimationi, appretiationi, Vocationis.
  4. Instructionibus Tironum practicandis.
  5. Oblivioni mundi, rerumq; mundanarum.
2. Mense, Vacan. 1. Pœnitentijs frequentandis.
  2. Excubijs super peccata Venialia.
  3. Silentij & Taciturnitatis Amori.
  4. Colloquijs spiritualibus.
  5. Acquiescentiæ Providentiæ circa se Divinæ.
3. Mense, Vacan: 1. Amori, æstimationi, reverentiæ Superiorum.
  2. Caritati Fraternali.
  3. Vitæ ordinatæ.
  4. Orationi vocali attentè recitandæ.
  5. Fugæ colludendi tentationibus.
4. Mense, Vacan: 1. Intentionis rectitudini & Renovationi.
  2. Fugæ censurandi facta & dicta aliena.
  3. Censurationi, acculationi &c, factorum suorum.
  4. Confidentiæ, manifestationi, &c, coram Patre Spirituali.
  5. Fugæ familiaritatum & amicitiarum privatarum.
5. Mense, Vacan: 1. Perfectioni operum quotidianorum.
  2. Custodiæ, exercitio, Amori munditiæ externæ.
  3. Resignationi in Dei voluntatem.
  4. Victoriæ, abnegationi, fugæ curiositatis.
  5. Contemptui respectuum humanorum.

6. Men-



6. Mense, Vacan: 1. Cognitioni, Contemptui, Humiliationi sui practicae, quotidianae.  
 2. Affectibus Humiliationis practiciis.  
 3. Humilitatis fructibus colligendis.  
 4. Exercitio practico humilitatis.  
 5. Humilitati ejusque perfectioni à Deo postulanda.
7. Mense, Vacan: 1. Exercitio patientiae, confectioni asperitatum &c.  
 2. Exercitio prudentiae Christianae.  
 3. Exercitio Timoris Divini.  
 4. Exercitio simplicitatis & Candoris Religiosi.  
 5. Exercitio Veritatis amplectendae & confitendae.
8. Mense, Vacan: 1. Exercitio misericordiae & compassionis super proximum.  
 2. Exercitio Iustitiae specialis.  
 3. Exercitio fortitudinis, Magnanimitatisque Christianae.  
 4. Exercitio Temperantiae, Abstinentiae, Sobrietatis.  
 5. Exercitio Pietatis, Religionis ac vitae spiritualis.
9. Mense, Vacan: 1. Exercitio Fidei Christianae Theologicae.  
 2. Exercitio spei Theologicae, Fiduciaque in Deum.  
 3. Exercitio postulandi, & emendicandi à Deo necessaria.  
 4. Exercitio Gratitude, Gratiarum actionis pro Beneficijs, &c.  
 5. Exercitio dilatationis Cordis in servitio Divino.
10. Mense, Vacan: 1. Exercitio fugiendi minima peccata, & Imperfectiones.  
 2. Exercitio minimas Regulas, Ordinationes, observandi.  
 3. Exercitio usurpationis minimarum occasionum ad profectum.  
 4. Exercitio minimarum Mortificationum internarum & externarum.  
 5. Exercitio occupandorum minimorum temporum.
11. Mense, Vacan: 1. Amori & sustentiae Delationum ad Superiorem.  
 2. Vitae solitariae: abstractae, & recollectae.  
 3. Paci internae cum Deo, & omnibus.  
 4. Abrenuntiationi & Exspoliationi sui in omnibus.  
 5. Unioni & Conformitati cum Dei voluntate ejusdemque Amori.



12. Mense Vocan: 1. Charitati Dilectioniq; Divinae.

2. Exercitio Zeli animarum & siti salutis proximorum.

3. Exercitio Præsentia Dei.

4. Exercitio Deum laudandi, amandi, glorificandi.

5. Exercitio sanctæ in bono Perseverantiæ.

Pro Conclusionem, ponuntur Septemdecim Mentis & Spiritus Exercitia  
Meditationi & inflammationi Cordis servientia.



EXER-





# EXERCITIA

## PRIMI MENSIS.

**P**ostquam per aliquot jam dies Tiro inter alios admissus, prima Novitia tū atq; hospitalitatis rudimenta posuisse satis videbitur: proponetur ei & ipse sibi proponet exercitia, quæ illius præsentī statui accommodata sint, isq; illis per mensem, cum omni diligentia in Domino vacabit: reddens rationē singulis, vel alternis diebus. (vel quam crebro videbitur necessarium) exercitationis suæ; quæ scilicet diligentia, crebritate, facilitate, suavitate, profectu, contentationeq; animi, unumquodq; exerceat.

*Primo vacabit* Dolori de peccatis, Contritioniq; Cordis sui: ac detestationi peccatorum cordiali, amaræ, crebræ. Non quidem in specie ac particulari peccata sibi revocans, attamen in genere & in confuso ea recolens, ac detestans tanquam Summi, Optimi, Dignissimi Dei, Domini, Amatoris, Patris, Benefactoris, Redemptoris offensas, ab ingratisimo, simulq; indignissimo ac vilissimo vermiculo, audacissime & injuriosissime commissis. Indulgebit aspirationibus affectibusq; ad dolorem testandum facientibus: qualia illa esse possent Publicani *Deus propitius esto mihi peccatori: Luc. 18. 13.* vel illa Filij prodigi, *Peccavi Pater in cælum & coram te: non sum dignus vocari filius tuus: fac me sicut unum de mercenariis tuis. Lu. 15. 19.* vel illa Davidis: *Miserere mei Deus, secundum magnam misericordiam tuam. Tibi soli peccavi & malum coram te feci. (Psal. 50.) Domine ne in furore tuo arguas me. (Psal. 37.) Domine sacrificium tibi spiritus meus contribulatus, cor contritum & humiliatum Deus non despicias. Ps 50.*

Hunc in finē proderit meditando repetere Exercitia S. Patris Ignatij de Peccatis: atque adeo solius primæ hebdomadæ. item per 2dum. orandi Modum, vel totum Psalmum 50 qui est *Miserere.* vel aliquas ejus sententias dolori concipiendo idoneas: vel formulam aliquam Contritionis perfectæ: quæ etiam condiscatur memoriter ipso usu. Ad eundem finem proderit, legere ea quæ animo imprimant odium & horrorem peccatorum omnium: uti sunt Carthusianus & Costerus de Novissimis. Lobetius de peccato. Drexelij Rogus damnatorum. &c.

Eidem exercitio serviet istud, quod statim subjungo, secundum Exercitium, dummodo prius præmittam unum adhuc circa præsens exercitium: quod est, ut huic dolori de peccatis ex proposito concipiendo eliciendoq; habeat homo certa tempora, atq; etiā spatia temporum, quibus ea omnino exerceat: ejusq; exercitij, tum sibi in Examine Conscientiæ quotidiano, tum Spirituali Patri rationem reddat, ut supra monui. Tempora autem erunt hæc præcipua 1. *Meditatio*, in cujus initio & fine, quin & sæpius, dolor de peccatis, opportunè elicietur. 2. *Sacrum*, cujus aliqua pars certa assignetur dolori de peccatis. v.g. *Confiteor*: vel dum dicitur, Nobis quoq; peccatoribus: vel paulo ante Communionem Spiritualem, quæ fiat Sacerdote Sacramentaliter communicante. 3. *Examen Conscientiæ* quodlibet. 4. *Omnis reflexio* super actam aliquam occupationem. 5. *Tempus aliquod*, quod impenditur in eundo huc illuc, de loco ad locum: vel quando visitatur Sanctissimum Sacramentum. 6. *Quandocunq;* etiam homo uel ipsemet advertit, vel ab alio notatur moneturq; peccasse: tunc semper & de commisso modo, & de omnibus unquam commissis



com missis peccatis ingenuè & ex Cordis intimo doleatur, propter summæ Dei bonitatis dignitatēq; amorem & appretiationem super omnia, cum proposito firmo nunquā peccandi &c. Atq; hæc Praxis in alijs Exer- citijs servanda.

*Secundo vacabit.* Pœnitentijs exterioribus, pœnitentijsq; corporalibus cum consilio & concessione Patris Spiritualis: desiderans quidem quam plurimas & acerbissimas subire, & corpori infligere pœnas ac mortificationes, nullas tamen sine facultate assumendo: ne imprudenti fervore in valetudinis detrimentum incurrat: & ad multa bona majoraq; viam sibi vel impediat, vel omnino præcludat. Offeret ergo pro suis peccatis præteritis & præsentibus omnes quidem quotidianas à Religione præscriptas actiones: (Religiosa enim vita, est natura sua vita pœnalis & status pœnitentiæ.) & potissimum afflictivas, tam quas publicè in Triclinio subibit, ut moris est omnibus, quam etiam eas quas privatim de licentia faciet.

*Tertio vacabit.* Amori, æstimationi, appretiationique Vocationis suæ ad Religionem: impensè, crebrò, ex corde agens Deo gratias pro hoc maximo DEI dono, infinitorum aliorum bonorum tota deinceps vitæ Religiosæ percipiendorum seminario. Invitans alios qua in cœlo Sanctos, qua in terra sodales & amicos ad agendas pro se hoc nomine Majestati Divinæ gratias. Complacerebit & applaudet sibi cum humilitate de Gratia vocationis. Quam indignus eā, quantis ex capitibus fuerit recolet: atq; exinde profusam in se Dei bonitatem agnoscet, prædicabit, amabit. Inijciat sibi sollicitudinem de eā gratia excolendā, conservandā, fundandā medullitus in corde. Alia præterea media huic Amori Vocationis conciliando & augēdo opportuna adhibebit. Uti esse poterunt: Colloqui de Vocationis gratiā. Meditari de eadem. Patris Hier. Plati, Lucæ Pinelli de Religiosi status bono Tractatus legere. Offerre actiones suas & mortificationes, tum etiam Orationes, Sacra, Communiones, in gratiarū actionem pro perseverantia in Vocatione, pro usu bono Vocationis &c.

Hic Amor Vocationis, est fundamentū omnis reliqui ædificij & laboris profectusq; Spiritualis in Religione: qui si decreseat vel effluat ex corde, succedatq; parva & frigida Vocationis appretiatio, necesse est q-

omnia alia opera exercitiāq; quaq; levissima in difficultatula & occasione amaritudinis, labascere & ruinam apostasiamq; seu recessum à Deo ad seculum minitari. Proinde Amorem Vocationis suæ Tiro studebit fervare semper, in se omnino inconcussam. Optabitq; sibi hanc pro omni vitæ consolationem ab ipso Religiosæ vitæ exordio ductam servare, quod nunquam vel minimum (teste Conscientia & Deo) in Vocationis amore, inq; perseverandi proposito, titubaverit. Omnia enim alia stare facile est, aut si fluctuent aliquo casu, commodè solidari poterunt: si Vocationis fundamentum steterit inconcussam. Usurpabitq; Tiro hunc in finem crebrò ejusmodi affectus, qui Deo protestentur amorem, gratitudinem, appretiationem, curam, sollicitudinem, culturam Vocationis. v.g. *Domine bonum est, O verè bonum est. O quam bonum est nos hic esse!*

Matt. 17. 3.

*Domine melior est dies una in atrijs tuis, super millia Psal. 83. 11.*

*Misericordias Domini in æternum cantabo, usq; in generationem & generationem. Ps. 88. 1.*

*Elegi abiectus esse in Domo Domini, magis quàm habitare in tabernaculis peccatorum. Ps. 83. 11.*

*Domine ad quem ibimus? verba vitæ æternæ habes. Ioann. 6. 68.*

*Domine ne proicias me à facie tua, & Spiritum Sanctum tuum ne auferas à me. Psal. 50.*

*Benedicta sit Sanctissima Trinitas atq; indivisa unitas, quia fecit nobiscum misericordiam suam.*

*Non fecit Dominus taliter omni nationi, & iudicia sua non manifestavit eis. Psal. 147. & 10.*

*Laqueus contritus est & nos liberati sumus. Psal. 123. 7.*

*Misericordia Domini quia non sumus consumpti. Psal.*

*Nisi quia Dominus adiuvisset me paulò minùs habitasset in inferno anima mea. Ps. 123.*

*Benedictus Deus Pater Domini mei IESU Christi, qui vocavit me in Societatem Filii sui. 1. Cor. 1. 9.*

*Dominus regit me, & nihil mihi deerit: in loco pascuæ ibi me collocavit super aquam refectiois educavit me & animam meam convertit &c. Psal. 22. 1.*

*Quis ego sū servus tuus, quia respexisti super canem mortuum similem meis? 2. Reg. 9. 8, dicebat id David Miphiboset debilis pedibus ad mensam Regiā vocatus.*

Porro Amator & æstimator Vocationis suæ, dabit operam sedulo, ut ita Vocationem suam amet: ut hic amor non sit speculativus, sed practicus: non sit tantum in corde

vel



vel ore, sed maxime in opere: quod fiet si una cum Vocatione amabit & aestimabit, reverebitur omnia, quae sunt connexa cum Vocatione: id est, omnia quae invenerit ordinata, instituta, praep̄ta, recepta in Religione, observans ab initio statim omnia & singula, tanquam res magni in Religione momenti: cito non omnium rationem initio cognoscat: neq; ullius exemplis oppositis, aut transgressorij induci se ad transgrediendam sinat. Religiosus enim omnis non ita debet vivere ut alij forte vivunt, sed ut alij ex mente Religionis, ac Regulae superiorumq; vivere, debent. Hoc est enim vivere in Religione ut pauci: quod diligenter commendat cuilibet Tironi Cassianus. Sed huic monito, subserviet etiam sequens Exercitium.

**Quarto vacabit:** Instructionibus (quas Tirones praescriptas habet,) practican-  
dis. Instructiones vocantur, quod Tironē hujus vitae quam iniit rudem, seculari autem (quae multum ab hac dissonat) assuetū, instruant sensim & suaviter in moribus Religiosis, dedoceant autem consuetudines saeculares: Ob quod & minutae, & multae, & circa omnes ferē eas quae in Domo Religiosa sunt actiones praescriptae sunt: ut in omnibus normam habeat Tiro, quam sequatur. Quam etiam ob causam initio statim legendae proponuntur: & singulos in menses ab omnibus, relegendo, earum memoria renovatur: ut sic quotidianum in usum introducat, omnes Religionis filios in omnibus vitae Christianae actionibus conformes, atq; per omnia sibi mutuū similes efficiant. Quocirca magni aestimandum erit Tironi hoc exercitium, ab initioq; Vitae Religiosae arripiendum, & in connaturales mores convertendum; neq; unquam deinceps in tota vita Religiosa negligendum.

Potissimam autem rationem ducat Tiro Religiosus Regularum, quae de Modestia à S. Patre Nostro praescriptae sunt: laboretq; in eo speciali diligentia, ut se ijs regulis per omnia ad unguem prorsus conformem in omnibus membris membrorumq; motibus ac moribus, efficiat. Modestia enim exterior, una est ex singularibus proprijsq; Nostrae Societatis hominum notis & indicijs, quibus illi primo statim intuitu cognoscuntur: & ab alijs omnibus dignoscuntur discernunturque.

Ad hujus exercitij citam & perfectam assentionem, tribus potissimum auxilijs ex sua parte Tiro juvari poterit. *Primum est si*

magni aestimaverit apud se, sicut omnia quae in Religione recepta invenit, ita & has (de quibus sermo est) Instructiones, Modestiaeque regulas & observationes, omninoque apud se statuerit eas ediscere usu & praxi quotidiana. *Alterum est,* si se super se ipsum revertere quotidie studuerit: advertendo nempe ad se frequenter, an in hac vel in illa occupatione quotidiana & usitata observaverit Instructiones? quas omiserit oblivione vel neglectu, vel contemptu, vel pudore? &c. in qua reflexione juvabitur maxime particularis Examinis super hac re usu. *Tertium est.* Si Instructorem suū aut quempiam alium, libenter audierit exponentem sibi quas in se transgressiones Instructionum regularumq; notaverit: quin etiam melius faciet Tiro, si in simplicitate & candore ultrò ipse exquisierit has in sese animadversas ab Instructore transgressiones: sic enim fiet ut & sincerius illi omnia exponantur, & ipse humilitatis sanctae exercitiū coram Deo gravior, atq; ad Dei dona recipienda capacior efficiatur.

**Quinto vacabit:** Oblivioni Mundi rerumq; omnium mundanarum, quas dereliquit, & à quibus recessit: sive ex sint Parentes, sive Consanguinei & affines: sive familiares, & socij: sive loca & habitationes, ipsa etiam quoad fieri poterit nomina atq; simulacra rerum, studebit abstergere ab animo suo. Sic enim citò perveniet ad puritatem cordis, & vacuitatē ab imaginibus & imaginationibus, cogitationibus, & tentationibus. Sic etiam fiet ut evagationibus animi & distractionibus, quam minimum sit obnoxius: cum quibus luctu Tironibus potissimum inter Meditandum & orandum longa & difficilis esse solet. Hanc porro oblivionem rerum praedictarum assequetur, si nec de eis cogitet, nec loquatur, nec in memoriam eas admittat: quae si se aliquādo sponte intrudant, eas mox deserat, & ad alias res, cogitandas se illicò convertat.

**Item assequetur hoc:** si initio statim assuescere studuerit, cogitare de rebus statui suo novo consentaneis: nimirum de pijs & sanctis, de Deo, de Christo, B. Virgine, sanctis: de Virtutibus his aut alijs, de rebus quas videt, audit, legit; de suis exercitijs, quibus juxta praesens praescriptum occupatur, ruminando, recogitandoq; ita ut semper habeat mentem bonis, & sanctis, utilibusque rebus occupatam: quam diabolus nunquam otiosam inveniat, spatiumq; proinde nugae munda.



4 *Mensis II. Exer: 1. De usu Pœnitent: & Mortific:*

mundanas menti obtrudendi nunquam habeat.

Huic exercitio si ab initio statim insuescet seseq; tradet Tiro, experietur acceleratam in Anima munditiam, in conscientia pacem, à tentationibus immunitatem, & ab evagationibus libertatem, mundi & omnium mundanarum rerum oblivionem, cum quibus rebus multas necesse habent luctas & pugnas subire, qui in hoc exercitio non ponunt operam: Unde etiam à Patribus spiritualibus doceri & dirigi hac in re debent Tirones, ipsiq; ab eis rationem petere, quâ possint ad hanc oblivionem devenire, & quomodo possint cor suum, memoriam, intellectum, voluntatem, imaginationemq; jugiter, utilium & sanctarum mate-

riarum recogitatione occupare atq; etiam implere. Ad quam rem præter jam dicta juvabit, tum hæc quinque huic Mense assignata exercitia, praxi ipsâ exercere, tum libellos ejusmodi, qui de talibus tractant legere: quales sunt, Iacobi Alvarez de Vita Religiosa. Majeri Industriæ. Vitæ Sanctorum, potissimum ex quæ specialiter Societatis occupationes practicæ explicant, modumq; quod à Sanctis sunt exercitata in exemplis ostendunt, qualis est Secunda pars Vitæ B. Aloysij: Item vita P. Petri Fabri. Item, tota vita Ioannis Berchmans. Item D. Bonaventuræ Speculum disciplinæ, Regula Novitiorum, Memoriale, & alia opuscula similia. Item P. Baltasaris Alvarez. &c.

# EXERCITIA SECUNDI MENSIS.

**P**ostquam Primum Tirocinij sui Mensem novellus Dei miles, in supradictis exercitijs ita posuerit, ut non mediocrem in eis profectum fecisse videatur, ad alia Secundi Mensis exercitia gradum faciet.

*Primò igitur vacabit:* Pœnitentijs exterioribus frequentandis, atq; supra priorem Mensem (non sine consilio Magistri Spiritualis) augendis: potissimum autem applicabit animum ijs, quæ cum interna mortificatione conjunctæ sunt, & à quibus se plus abhorrere metu confusionis atque pudoris, vel ob molliem repugnantia sensualis experietur: citra tamen corporeæ valetudinis detrimentum. Unde ne decipiat fervore suo, de omnibus Spiritualem suum Patrem consulat: easq; solas facitabit pœnitentias, quas ille permisit. Tales pœnitentias ceseo: culpam suam in triclinio dicere, vel ut dicatur ab alio postulare: Emendicatô cibô potuq; in triclinio vivere: foras ad mendicandum prodire: hospitalia visitare, publicas reprehensiones suorum erratorum in recreatione flexis in medio fratrum genibus (capitula vulgò vocant) audire, aut eandem reprehensionem in triclinio

super mensam subire. Internas etiam cordis sui ineptitudines, studia & desideria frivola, passionum & judiciorum effervescentias seculares permittit Superioris publicè ad se confundendum exponere. Poterit etiam aliquid addi ad flagellorum & catenulae usum, ut crebrius in hebdomada adhibeatur. Expedit enim plurimum ut Tirocinia talibus initijs consecrentur: ut & animus Tironi ex profectu addatur, & ipse animus fiat magis idoneus, atq; capax ad sentimenta Crucis Christi, percipienda, & fervor primigenius, cum Vocationis gratia assumptus, de cœlo conservetur, roboretur,augeaturq;.

*Secundò vacabit:* Indagationi & excubijs super peccata Venialia, superq; defectus suos, in quos incidit peragendo occupationes exteriores suas, atq; etiam interiores. Excubabit super peccata venialia, tum ut ea non committat facilè: tum ut ea committere timeat, periculoq; magno Vicinum, & omnino ruinæ Spiritualis fundamentum primum sibi persua-deat. De odio ergo, & damnis & malitia peccatorum venialium meditabitur, leget, loquetur: ipsa etiam venialia ex aliquo catalogo seu indiculo cognoscet: nihilq;



hilq; magis ab animo suo repellat quàm contemptum peccatorum venialium: in quem labi Tirones facile & crebrò sciat, ante quam hoc malum advertant, deducunt eos in hanc nassam, non tantum fraude diaboli, sed etiam ipsius propriæ conscientie securitate incauta: qua illa gaudens, se per gratiam Dei, perq; statum & Domicilij Religiosi beneficium, procul à gravibus peccatis, imò & ab occasionibus, degere ac vivere, sensum incipit agere securius, & quasi certa de peccato mortali non committendo, circa leviora incautiùs agit: donec leviorum experta damnositatem ferò ad ea excutienda aspiret: si tamen aliquando adspiciat. Nam experientia constat frequenti, jugum peccatorum venialium admittendorum semel susceptum rarissimè excuti plenè & in perpetuum. Proinde eligat Tiro nunquam devenire in facilitatem & contemptum venialia committendi, potius, quàm postmodum agrè ab hoc contemptu facilitateq; se posse expedire.

Excubabit etià super defectus qui quavis peccata plerumq; non sint, vicini tamen peccatis venialibus, & fontes eorum sunt, inter quæ imperfectiones meritò recensentur. Ejusmodi esse solent, *Libertas & dispersio* sensuum exteriorum, maximè oculorum, aurium, manuum. *Libertas* etiam ac facilitas visus: *libertas & cupiditas* cognoscendi, indagandi, inquirendi quid? quis, quare agat, dicat, vocetur? hoc vel illo occupetur? quis ille quis ibi strepitus loci, rei, forium, sit? quis advenerit, quis se moverit, quis accesserit? *Libertas quoq;* & facilitas subsistendi ubi alios contingit subsistere: videndi quid agant? Similiter otiositas mentis, quæ, (ut ait quidam,) est Mater nugarum, & noverca virtutum, *Item levitas mentis* transferentis se ab hoc objecto ad illud: ab hac re cogitanda ad aliam, ab hac volenda ad illam: *Levitas quoq;* corporis è loco ad locum, à parte ad partem, à situ ad situm, ab hujus rei aspectu, ad aspectum alterius: à tali motu ad talem motum, ab hac compositione membrorum ad aliam. *Item Dilatio* occupationis de tempore in tempus: exercitij quoq; aliqujus reflexionis, renovandæ intentionis. &c. *Item facilitas* judicandi ac censurandi alienos actus, motus, defectus, gestus; *Item fastidium & tedium*, in hac vel illa occupatione & lectione, in hoc vel illo loco, in hujus vel illius associatione: super se attentione. *Ex hoc enim fastidio*, nasci solet nausea præsentium, appetitus libertatis juxta sensum suum, aspiratio ad hujus vel illius amicitiam, favorem, colloquium,

congressum, viciniam, quæ omnia si raro procedat, si prohibeantur: nascitur tristitia, dolor, impatientia, conatus occultus in contrarium, ac non leves alij, ad difficultates graves molestasq; fonticuli aperiuntur.

Accenseri his potest etiam facilitas aversionis animi à personis, à sodalibus, ab occupationibus, ab exercitijs, &c. *Apprehensio & dolor* ex proprio aliquo contemptu, aut neglectu, aut non satis ad mentem fixatione. Huc etiam accedit studium æmulandi, habendi, acquirendi reculas & nugulas minutas quidem illas, sed tamen nec necessarias, nec occasione turbandæ mentis vacuas: cum circa parva objecta, magni soleant esse in Tironibus affectus: parumq; intersit diaboli astutiæ: parvæ an magnæ, dum modo robusto & impotenti affectu hominem capiat, detineat, & pro arbitratu ducat, reducat, perturbet & inquietet, sæpè etiam perdat, vel in perditionis periculum introducat.

Assuescat igitur Tiro talibus in se se cognoscendis imperfectionibus: easq; omnes prout in se deprehensæ fuerint ad Spiritualem Magistrum sponte & libè cum magnâ simplicitate animiq; sinceritate adducat: certò certius sciens, nulla se ratione faciliùs ab his expediendum, quàm hoc sui manifestandi candore, experieturq; non raro se ipsa sola talium expositione coram Superiore, lorum omninò ab iisdem effectum esse. Et revera docet experientia nulla ferè alia de causa Tirones parum proficere. alioquin ad id paratissimos, quàm hac unâ quia se non fatagunt in talibus imperfectionibus cognoscere: & quia, si eas cognoscant, tamen erubescunt, pigritantur, aut aliis alijsq; humanis ratiunculis atq; respectibus timent, differunt, negligunt ad Spirituales Patres eas deferre: potiusq; sinunt eas in se adulescere ac roborari, & in occasionem ac segetem tum peccatorum, tum perturbationum, tum difficultatum, tum tentationum converti, quàm maturè, & in ipso veluti semine elidi, atq; Paternâ Spiritualium Magistrorum manu industriaq; obstetricante à visceribus animæ extrahi.

*Tertiò vacabit.* Silentij & taciturnitatis amor, studio, exercitationi; ita ut nisi necessitate compellente loqui audeat, idq; breviter, & non absq; concessione. Sciat & persuadeat illud sibi Apostolicum, atq; adeò Spiritus S. pronuntiatum: *Qui non refrenat linguam suam: huius vana est Religio:* (Iac. i. 26.) Non potest enim frare

Reli-



Religio cum garrulitate. Quia garrutio & loquela vix unquam potest esse sine aliquo peccato, aut saltem defectu. Amabit ergo Tiro silentium ex corde: ita ut loqui sit ei in necessitate: filere autem in desiderio. Neq; enim ulla citius facilius & commodius ratione ficcabit in se scaturiginem assiduorum & variorum peccatorum quam filendo: Neq; etiam ulla ratione facilius & certius pacem animæ, puritatem cordis, fervorem spiritus, devotionem mentis, visitationes & consolationes gratiasq; cælestes obtinebit conservabitq; quam filendo: Sicut è contra, nulla ratione citius hæc prædicta bona perdet. peccatorum autem assiduam illuviem & sæditatem numerosam, incurret quam loquendo. Est enim silentium mors & extinctio peccatorum, passionum frenum, desideriorum, carcer: crux propriæ voluntatis, alligatio & vinculum diaboli. Est silentium Mater pacis internæ: sedes Dei, Virtutum plantatio: devotionis & fervoris vita, Orationis Nutrix. Consolationum & gratiarum incrementum. Mortificationis internæ & externæ compendium. Cælum hujus vitæ. Regnum & Scutum disciplinæ Religiosæ. Victoria temptationum. Exilium Nugarum, otij, & divagationum, triumphus de se ipso sine labore & periculo partus. Ianua contemplationis, Magisterium benè & securè loquendi. Sanctissimarum & Sapientissimarum cogitationum, imò & Sapientiæ ipsius seminarium. Hæc omnia bona ex silentio custodito amatori illius indubiè dimanant quæ Tiro per experientiæ propriæ Magisterium discere atq; obtinere curret potiùs: quam ut post vitiosæ garrulitatis damna atq; vulnera sæpius sæpiusq; reportata, de remedio silentij serò nimis cogitet.

Ad silentij porrò observationem juvabunt potissimum hæc duo. Primum: Extra tempora mutæ colloctioni assignata, atq; concessa: nunquam accedere ad alium fratrem, neq; in vicinia ejus morari: nec ad alium, vel alios alicubi consistentes subsistere accedereq; sed tanquam ad aliquid urgens festines, præterire atq; abire. Secundum est: quid de te, deq; tua taciturnitate alij sentiant aut loquantur sus deq; habere. Dicant scrupulosum, dicant nimium observantem, dicant timidum, dicant melancholicum, dicant tetricum ac morosum: dicant solitarium, non conversativum, & ad sociale conversativamq; vitam non idoneum: dicant ineffabilem, inamænum, tristem, dicant quidquid volent: Tuum sit, hæc surda aure, animo super ista, elevato, &

in Deum, diuinamq; erecto, ac in solius silentij fructuumq; ex eo manantium amore ac possessione conquiescente, præterire. Sufficiat tibi, Deum semper habere collocutorem, & amicum, & confabulatorem, cum quo tantò frequentius & facilius colloquendi otium & commoditatem habes, quantò cum sodalibus & creaturis plus taces. Venient tempora: quibus Homo Societatis, plus nimio necessitate loquendi, occasionibus cum proximis omnibus agendi abundabit: tunc loquetur ad satietatem hæc fortè usq; ad nauseam: nunc autem dum Tirocinia Virtutis & perfectionis ponit: discat loqui, non loquendo, discat, inquam, benè, utiliter, ædificativè, spiritualiter, salutariter loqui, tacendo & filendo. Nam loquendo non discitur loqui, sed malè, otiosè, inutiliter, peccaminosè loqui: eritum siquidè est proverbium Sapientum: loqui eum nescire qui non didicit tacere. Qui ergo olim loqui benè vult: tacere discat, tacendo loqui discat. Habemus exemplum, omni exceptione majus: ipsius scilicet Christi Domini, qui fuit & Verbum & Sapientia, & tamen 30 annis siluit, & triennio tantum locutus est. Imò annis 30. tacuit, ut triennio loqueretur: Non quod ille periculum in loquendo metueret aut haberet aliquod: sed quod nobis exemplum dare vellet, ut nos per multorum annorum arctum silentium præmissum, ad sequentium annorum cum proximis colloquia utilia & salutaria erudiri vellemus studeremusque. Et certè experimento novimus: eos qui maxime quondam garruli fuere, minimum deinde inter proximos, sermonibus suis, vel autoritatis habuisse, vel fructus fecisse.

*Quartò vacabit* Colloquijs de rebus spiritualibus, amandatis procul fabelis & historijs secularibus, atq; rumusculis & novitatibus. Discet Tiro loqui Spiritualibus de rebus, tempore colloctioni & relaxationi animi destinato. Et omnibus, quidem Religiosis ea res incumbit: potissimum tamen Tironibus commendata esse debet propter quatuor.

Primò, propter oblivionem nugarum. mundanarum: quam nunquam acquireret si in quotidianis recreationibus de eis loquendo loquentesq; audiendo, earum memoriam renovabit: speciesq; ac imagines secularium rerum, locorum, personarum, temporum, actionum, quotidie in sua anima & imaginatione depinget. Quarum renovatio atq; depictio, assiduum erit diuturnumq; seminarium temptationum, distracti-



onum, evagationumq; maxime inter orandum ac meditandum, à quibus se Tiro expedire nunquam poterit, nisi eas oblivione deleverit: aliarum autem rerum & specierum imaginibus & copia memoriam, mentem, phantasiâq; suam impleverit & veluti depinxerit: ad quod opus est mundanas quidem res nunquam cogitando, loquendo, legendo, vîdendo recolere; Spirituales autem materias, assidua lectione, meditatione, recogitatione, colloquutione, tractatione combibere, animamq; totam ijs tingere & imbuiere.

Secundò: propter conservationem & augmentum quotidiani fervoris spiritualis, cui sunt inimicissimæ colloquutiones seculares: ad infrigidandum fervorem sufficit loqui etiam de rebus necessarijs: quantò magis Spiritui oberit loqui secularia, quæ sunt spiritui infrigidando planè nata. Si quando ergo loquendi licentia est, spirituali colloquutioni impendatur, ut carbones mentis nostræ, isto colloquutionum flatu accendantur atq; ignescant. Quod fieri semper experiuntur omnes ij, qui amandatis à Recreatione: rerum frivolarum narratiunculis, spirituales purè & candidè pertractant. Experiuntur enim se ab huiusmodi colloquijs magis calidos spiritu recedere, quàm ab ipsis Meditationibus. Experiuntur suppleri in se per talia colloquia defectus in Meditatione acceptos. E contra, experiuntur se post frivolarum rerum, in Recreatione, tractationem, abire cum remorsu & inquietudine conscientia, dispersos & vagos & magnopere sæculari spiritu distentos, fervore & devotione vacuos: fructibus ex Meditatione & lectione perceptis destitutos & spoliatos. Quædamna an Tironi expediant, an Deo placeant, an disciplinæ Domesticæ prosint, an non diabolicis consolationibus serviant? cuique facilè pròptèque iudicare.

Tertiò, Propter contrahendam facilitatem colloquendi spiritualiter cum res fortè tulerit, vel officium postulaverit inter proximos. Ex quotidianis enim sanctè transactis colloquijs, plurima unus ab alio discit, quæ longa & multa lectione cognoscere debuisset. tum verò ipse usus loquendi, Sacerasq; materias tractandi, animo tribuit facilitatem loquendi, & à secularium materiis indifferentibus. ad Spirituales sermones materia sçq; jucundè & suaviter deflectendi. Quæ res homini Societatis ad animas tractandas convertendasq; magno solet esse adjumento, ut experientia constat.

Quartò; propter devitanda peccata plurima, quæ ex colloquijs non spiritualibus &

nasci in communitate domoq; Religiosa inter fratres domesticosq; consueverunt. Dum enim non loquuntur domestici Spiritualia in Recreationibus: loquuntur vana frivola, ridicula, irrisoria, sarcastica, punctiva, detractoria, censoria, contradicentia, contententia, disputativa, suspiciosa, temeraria, falsa, iracunda, inimica: ex quodrica, iræ, odia, scissiones, factiones, amaritudines. contristationes, judicia & inquisitiones, pænæ, aversiones, mendacia, testimonia, judicia varia, inquisitiones, examina, metus: inter æquales, & inter inæquales fieri necesse est: unde sapissimè pax domestica tollitur offensæ diffidetiæ, querelæ confurgit: quibus magnæ industriæ mederi satis nō possunt. Unica porrò de Spiritualibus rebus Colloquendi cura, nullo negotio medetur. Unde cauti Superiores Domorum Societatis id præcipuas inter curas ponunt, ut inter suos Colloquia Spiritualia urgeant, alterius autem generis deq; rebus ut vocant indifferentibus, revera autem, multas sæpe inter domesticos differentias seminantibus, procul, aut ut plurimum exulent. Hac enim unâ solâq; industria, & pacem inter domesticos tuentur: & plurima defectuum etiam non levium genera à Domibus suis emanant. Atq; hæc 4. Spiritualium colloquiorū utilitates, tales sunt, ut propter unamquamq; solam earum, colloquia Spiritualibus omnibus Religiosis commendatissima esse debeant: quantò magis, dum omnes 4 concurrunt.

Non omitam autem duo quædam hic perstringere quæ Tironi expedit nosse. Duo sunt, quæ Tironibus difficultatem de rebus pijs loqui cupientibus parere solent. Primum est, Verecundia quædam & metus prodendæ inscitia suæ. Sed hoc facilè Tiro à se expedit, si recordabitur, omnes utiq; scire eum Tironem & Novellum esse, cu errare nequaquam sit pudor in eis quæ primum discere vult: ad quod etiam juvabit si Tiro non per modum narrantis & asseverantis aut docentis, sed potius per modum referentis audita vel per modum interrogantis, consulētis, discereq; volentis loquatur. Secundum est, Ignoratio quibusnam de rebus loqui debeat. Secularia quidè fortè sciret narrare: at locū non habent; Spiritualium locus & voluntas est, at materia, copia, & notitia deest. At huic rei ponit remedium facilè hoc unum: si Tiro ex Meditatione, ex lectione libri quem legit, quem lectum ad Mensam audivit, ex Conferentijs aut exhortatione, adferat aliquid, & ex vicino suo amanter quærat quid hoc, quid illud sibi velit? quomodo observari possit? quibus



quibus mediis, quo fructu, quæ hujus impedimenta, quæ, si negligatur, damna, &c. Qua de re optimum est à Tirone legi ea, quæ hac de Materia sunt in Vita nostri B. Aloysij Gonzagæ, pariter & in vita Ioannis Berchmans; ibi enim discet Tiro percommode praxim colloquia spiritualia ferendi & continuandi: quo etiam facit extremum Monitorum Generalium, ubi de colloquiis talibus præcipitur: & indiculus Materialium, de quibus sermo fieri possit, textitur.

*Quintò vacabit.* Cognitioni, & indagationi, experientia, amori, & acquiescentia Providentia Dei circa se quotidiana, imò perpetua, in rebus etiam minimis. Maximorum & plurimorum bonorum Spiritualium, hoc est, fundamentum Tironi, si Divina Providentia circa se ordinem, vigilantiam, curam, suavitatem assiduitatem dispicere atque odorari & venari poterit & assueverit. Fruetur imperturbabili pace in omnibus rebus: agnoscat, & manu palpabit Dei curam sibi semper adesse: oculis penè videbit Deum omnia agere circa se atque ordinare, & semper in suum bonum, commodum securitatem profectum, à malis certis & gravibus liberationem, molestiarum à se aversionem, à lapsibus & periculis præsertionem convertere atque procurare. Experietur non tantum votis suis quæ alioquin habet, sed etiam quæ haberet si circumstantias nosset, Deum amantissimè obsequi & radices desideriorum suorum dignantissimè adimplere. Explicari hoc bonum, atque exercitium non potest paucis: & melius experimentò discitur: Qua in re utinam Tirones, quin & omnes omnino perfectionis sectatores, sed tamè maximè Tirones & possint habere, & velint audire Instrutores. Longè illis suavius transirent rudimenta Vitæ Religiosæ: non tam sæpè nec tam graviter, imò nunquam prorsus cespitarent prolaberenturque in via & vita Spiritualis: nescirent quid sit amaritudo mentis: non paterentur umbrositates: suspiciones, dissidentiasque, non nosset excusationes, recusationes, repugnantias, tædia, tristitias in superiorum circa se ordinationibus & dispositionibus. Non essent solliciti de futuris, non tristes de præsentibus, non amari præteritis adversitatibus: Nulla experiretur adversa, sed omnia sentirent palparentque esse sibi prospera: Deo omnia moderante & temperante, ex qualicunque tandem aliquis hominis voluntate ac intentione proficiscerentur.

Assuecat ergo Tiro in Tirocinio suo omnes eventus a Deo providente sibi ordinator agnoscere, credere acceptare. Quisquis socius ad deambulandum, ad colloquendum, ad collaborandum, ad assidendum assignatus obtigerit: quisquis in communi hipocausto vel dormitorio, vel Refectorio, vel Recreatione locus venerit. quodcumque officium assignatum, quæcumque vestis, pallium, pileus, liber, res subministrata fuerit: quidquid prohibitum, imperatum, negatum, concessum, injunctum, oblatum, ablatum, ordinatum, immutatum fuerit: totum hoc Dei providentia futurum, committat, factum adscribat, & suo id bono actum certissimo credat & sciat.

Neque solum sua, sed etiam cujuscunque, alteri loci, rei, & personæ, negotij, temporis, circumstantia eventa seriemque, omnem à Deo proficisci debere atque ordinari, à Deo profecta & ordinata esse & in bonum imò in optimum, certò persuasum habeat. Instat tempus mutandorum officiorum: nullum Tiro timeat, nullum cupiat sibi: sed relinquat Deo curam hanc, dicens: Dominus providebit: Dominus regit me: Pater, fiat voluntas tua. Sapientior est, melior est, Amantior mei est, Potentior est Deus quam vel ego, vel ulla creatura: illi credo, illi committo, illi permitto me, mea, omnia, omnes meos, omnia omnium creaturarum cogitata, statuta, eventa, disponenda & temperanda. Ille faciat, ille ordinet, ille curet, ille sollicitus sit. Ille me, ille omnes, ille omnia regat, ille regit, ipse me enutriet. Talem spiritum, talem fiduciam in Dei providentiam naturalis ratio docet, sed fides magis comprobatur præ omnibus tamen suavissimè experientia crebro cognita edocet. Hanc experientiam frequenti reflexione Tiro condiscere studeat, & inueniet multam requiem, inveniet tanquam fluvium esse pacem suam.

Ab hoc experimento discet Resignationem, indifferentiam, fiduciam in Deum. Spem erectam etiam contra spem, devotionem, Charitatem, securitatem de Deo, Orationem efficacem & omnia potentem; quibus nihil utilius hominibus, nihil majus speciosiusque coram Deo in Spiritualis vita Hoc providentia Divina experimentum, hic ejus gustus, est prima merces Religiosorum, est dos renuntiatio mundo & seculo & sibi: est Reditus ejus hæreditatis, quam Religiosi, pro relictis omnibus quæ habebant accipiunt à Deo: est centuplum promissum & simul præstitum, ijs qui omnia propter Deum abijciunt: Est Nutrix & Ma-



ter cui Deus nutriendos tradit avulsos ab uberibus & ablactatos à lacte concupiscen-  
tiae carnis & oculorum, & superbiae vitae, &  
voluntatis propriae. Hanc providentiam  
debet Deus ex fidelitate atq; pacto suo. **A**  
quod, cum Religionem ineuntibus in-  
statuit, si modo illi pro sua parte eam  
contenti esse ex animo velint. Hanc pro-  
videntiam exigunt a Deo Vota tria Pauper-  
tatis, Castitatis, Obedientiae, quae Religiosi  
primum in praeparatione & desiderio, ut No-  
vitij, deinde in facto & re ipsa nuncupant:  
ut pacto Novitiatu omnes. Hujus pro-  
videntiae administri executores, dispensato-  
res sunt Regulae Religionis, sed maxime **B**  
superiores, apud quos penus & clavis & di-  
spensatio hujus Providentiae residet in om-  
nium eorum bonum, qui se Deo non tan-  
tum statu aut votis, sed etiam fiducia & fa-  
cilitate atq; resignatione & secunda conten-  
tatione credunt.

Nulla res vitam Religiosam reddit sua-

ven: certam, securam delicatam, sine fa-  
stidio, sine fatione, sine labore, nisi haec  
providentia Dei experimento comperta,  
gustata, possessa, quod experimentum ex  
parte facti & rei, a Deo quidem pendet,  
sed est infallibile, quia Deus fidelis est, &  
fallere pactumq; suum pravaricari non po-  
test: ex parte tamen gustus & perceptionis  
atq; delectationis, pendet à Religiosi ipsi-  
us consideratione, reflexione, amore, fidu-  
cia, acquiescentia & contentatione. Si-  
cut ad saporem & cibum & sumens cibum  
concurrere debent: ita ad Providentiae Dei  
experimentum, & Deus eam exhibens Re-  
ligioso, & Religiosus eam à Deo percipies,  
percipereq; se agnoscens, convenire necesse  
habeant. Deus in exhibendo deficere nun-  
quam potest ob fidelitatem. Religiosus  
in exhibitionis cognoscente & acquiescen-  
te perceptione, nunquam deficiat per con-  
stantem in Deum fiduciam.

## EXERCITIA TERTII MENSIS.



Am in Mense tertio no-  
vellus militiae Religiosae  
candidatus.

*Primo vacabit.*

Superiorum suorum a-  
mori, aestimationi, vene-  
rationi: cujus exercitij nucleum in eo col-  
locabit, ut discat in Superioribus suis De-  
um agnoscere, & in persona humana Chri-  
stum latentem praesidentemq; intueri; at-  
que id non in majoribus solum Superiori-  
bus, sed etiam in officialibus subordinatis,  
& derivatam ad imperandum potestatem,  
aliquantulum habentibus, nullò prorsus,  
quoad amorem & obedientiae promptitu-  
dinem discrimine. Assuescet itaq; Tiro  
magis aestimare & revereri vice Manu-  
ductoris, Manu-ductoris, Instructoris sui, illius  
quoq; Fratris, qui in aliquo officio sibi cum **D**  
ipso inuncto primas partes habet, v.g. pri-  
oris lectoris, prioris credentiarij, prioris  
in culinæ obsequijs, in deambulatione ali-  
qua, in officina. Ab his omnibus quaecumq;  
fuerint acceptabit imperia, voluntates, di-

rectionesq; ipsorum prorsus ac si ipsi pri-  
marij Superiores essent, dummodo illi ul-  
tra suam sphaeram seu facultatem, aut a-  
liquid peccato obnoxium non imperent.

Hisce autem imperijs parebit, ex persua-  
sione illa apud se omnino firma: Deum  
esse prorsus qui imperet. Deo se paritu-  
rum vel non pariturum, si obsecutus vel  
non obsecutus fuerit.

Quo in passu, tantò plus perficiet, quan-  
tò majore cum candore atq; simplicitate  
mentis progredi studuerit, quanto, inquam,  
sinceriore mentis suae affectione obedire  
propter Deum omnibus, agnoscereq; & in-  
tueri Deum in omnibus qualitercumq; Su-  
prioribus studuerit. Imò verò, sic apud se  
statuat, quàm firmissimè semper majori pro-  
ptitudine subordinatis ac minoribus Supe-  
rioribus obedire, quàm alijs eminentiori-  
bus: ut pateat non eum aliqua alia quàm  
Dei solius autoritate apprehensa in Supe-  
riori ad obediendi promptitudinem impelli,  
haec enim ratio magis elucescit in obedi-  
endo minoribus quàm altioribus Superiori-  
bus: quippe ad obediendum prompte supre-  
mis



mis superioribus, humana rationes nos per-  
 movere facile possunt, sicut & in promptu  
 sunt: ad obediendum verò cum humili ala-  
 critate Minoribus Officialibus, nisi nos soli-  
 us Dei intuitus amorque traxerit, non facile  
 aliquid aliud quod trahat apparebit. Quo-  
 circa certius est obedienti, perfectæ & veræ  
 obedientiæ signum, obedire parvis quam  
 magnis Superioribus: si uti etiam obedire  
 in minutis & parvi momenti rebus rerum-  
 que circumstantijs, quam in serijs & pon-  
 derosis graviterque valde imperatis occupati-  
 onibus. sicut etiam obedire ad minimi vo-  
 luntatis natum vel signum, quam obedire  
 post acceptum expressum imperium. Si-  
 cuti denique obedire ad imperium solum &  
 nudum, etiam durum, quam obedire ei qui  
 molliter imperet, & magis oranti quam ju-  
 benti suadenti; & pro amicitia desideran-  
 ti similis aliquid iungat, & non simplici-  
 ter ac nude potestate utatur.

*Secundo vacabit.* Charitati fra-  
 ternæ: eamque exercebit amando & assiman-  
 do unumquemque fratrum fraterno affectu:  
 ita ut verè & re illi quilibet charissimus sit,  
 prout compellatione vocis est. Exercebit  
 eandem charitatem, quemlibet fratrum ho-  
 nore, obsequioque præveniando, sicut supe-  
 riorem suum reputando, Christum in quo-  
 libet agnoscendo ac venerando: Deum in-  
 quolibet elucescentem eminentemque; intu-  
 endo, de ejus bonis ac donis non minus  
 quam de suis proprijs gaudendo, gratulan-  
 do, Deumque laudando: de malis cujusque, suc-  
 cessibus ex animo dolendo, compatiendo,  
 subveniando. Deum pro eorum quolibet  
 exorando. Supportando invicem mores &  
 morositates, atque imperfectiones: & onera  
 mutua. Cuilibet potiores, priores, melio-  
 res partes concedendo. Indigenti & infirmi-  
 tatem patienti ministrando, injurias facile  
 condonando, & quasi non injuriæ essent sic  
 tacite transmittendo: obloqui vitando, &  
 obloquentibus, fratremque iridentibus, vel  
 deprimentibus aurem auxiliumque, non dan-  
 do, bonum potius nomen alienum mode-  
 stè & cum charitate omnium conservan-  
 do. Unò verbo sic vivere Tyro discat in  
 communitate Religiosa atque domo, ut nemi-  
 ni gravis, omnibus gratus sit, esse saltè me-  
 reatur: ut toto tempore quo cum aliquibus  
 unà vivit, neminem offendant; non verbò,  
 non factò non signò. Id quod assequetur,  
 tum supradictis operibus charitatis, tum si  
 eligat potius ferre quam inferre injuriam,  
 si assuescat non vinci à malo, sed vincere in

bono malum, si non malum pro ma-  
 lo reddat: si non se vindicet de alio,  
 nec vindicari optet aut curet ab alio, si in-  
 juri intem vel contemptorem, vel ingra-  
 tum, vel neglectorem, vel obtrecentorem  
 suum, hoc ipso nomine sincerius, amplius,  
 tenerius, constantius, amet, laudet, benefi-  
 cijs cumulet. Hic est enim Spiritus  
 Christi, quem qui non habet hic non est e-  
 jus. Neque enim quid sit esse mitem & man-  
 suetum & humilem corde, didicit ab ipso in  
 schola ejus.

Hæc autem oportet à Tironibus initio  
 statim vel edisci, vel saltem ad ediscendum  
 assumi & præsentari: ut tanquam generosi  
 Aquilæ pulli Spiritum germanum Christi  
 in ipso Tiocinio nidulo ediscant gustare,  
 audeantque, prodire, & specimina ad IESU  
 Christi mansuetudinem Charitatemque, imi-  
 tandam natæ indolis maturè ostendere.

*B.* Quod nisi fiat ab initio, certi sint Tirones  
 nunquam ab eis futurum. Non mirabun-  
 tur autem Tirones eam à se Reverenti-  
 am & exercitationem fraternæ charitatis in  
 ipso Tiocinio exigi, si cognoverint Beatū  
 Basilium velle ut quisque, in Religione sic se  
 gerat, ac si esset omnium domesticorum su-  
 orum mancipium, admissum ad aliorum  
 convivium, ex pura eorum super se miserati-  
 one. Quod ipsum & Cassianus tradit soli-  
 tum fuisse ab Antiquis illis Religiosis Patri-  
 bus inculcari Tironibus, quos ad cōmunē  
 aliorum convivium admittebant. Quo spi-  
 ritu si Tirones persuasi atque imbuti sint:  
 non erit illis difficile omnium aliorum  
 fratrum charitatem venerationem, obser-  
 vantiamque, persuadere. Quomodo enim  
 mancipia domestica filios Dominorum suo-  
 rum venerentur & observent, facile est cui-  
 libet cognoscere. atque, ab his exemplum si-  
 bi desumere.

*Tertiò vacabit.* Vitæ ordinatæ:  
 cujus quidē multæ sunt partes: sed interim  
 eam Tiro. assumet atque, observare diligenter  
 assuescet, quam à Religiosa domo præscribi  
 atque, per disciplinam domesticam ab omni-  
 bus & à se exigi invenerit. Ea propter 1.  
 totam seriem actionum omnibus præscri-  
 ptarum cognoscet, ut sciat, quid tota die à  
 mane ad vespeream, à prima surrectione, us-  
 que ad ultimam obdormitionem factitan-  
 dum sit. 2. Discet quantum cuique, actioni  
 præscriptæ temporis sit concessum & assi-  
 gnatum, ut unicuique, illud impendat: neque,  
 pro suo placito tempus vel protrahat, vel  
 anticipet, vel differat. Quamvis enim in

quibus-



quibusdam actionibus aliquid horum interdum fieri pro arbitrio possit. Tiro tamen id sibi non permittet, nisi didicerit à bene rerum Religiosarum peritis, qui docere possint quid in quaque actione fieri per tempus & cum tempore liceat. 3. Discet punctualiter servare tempora, & sese ab actione una ad aliam in puncto temporis transferre: quantum prudentia & obedientia id exiget atque sinet.

De alijs partibus Ordinatæ Vitæ, alijs in Mensibus Tironi præscribetur exercitatio, quæ sicut perfectior, ita etiam difficilior erit: & hanc de qua hic tradidimus præsupponet, proinde hanc bonum erit, primam, & solam à Tirone edisci & in usum suum quotidiana diligenti observatione converti. Obiter tantum adjungo, hanc ordinatam vitam esse præcipuam Religiosæ disciplinæ partem: nec non Religiosi boni perfectionis, cupidæ virtutem, ab ea pendere plerasque Virtutes Religiosas: potissimum Obedientiam, Indifferentiam, Humilitatem, Voluntatis & judicij & affectuum abnegationem: Vitæ communis observationem, quæ omnes in Religioso statu & homine primas tenet. Non ergo parvi faciet Tiro exercitium hoc sed potius tanquam rem magni in sua professione Vocationeq, momenti & ornamentum æstimans, in ejus executione accuratus erit. Habens semper ob oculos mentis & in memoria Deum & Sanctissimam ejus voluntatem omnino esse, quæ præcipiat actionem tempusq, actionis, quæ ad illam vocet, ab hac autem avocet, sive signo, sive verbo, sive alio modo, & veluti ad aurem cordis dicat: Hoc age, vel, Venit hora, vel, Fili observâ tempus: Omnia tempus habent &c. Religiosus autem respondeat, Ecce ego Domine, quia vocasti me. Pater noster, fiat voluntas tua, sicut in cælo & in terra. Ita Pater: quoniam sic placitum est ante te &c. Qui sic discit in Religione vivere: non potest Deo non placere.

*Quarto vacabit:* Orationi vocali attentè faciendæ. Causam assignandi hujus Exercitij hanc habeo. Ordinariè Tirones ad Religionem veniunt plus assueti vocalibus Orationibus quam Mentalibus, harum enim sæpè etiam ipsum nomen ignorant, nedum naturam: Vocalibus porro memorias habent imbutas etiam plurimis. Unde etiam fit, ut initio Tiocinij sui promptiores sint ad usum vocalium orationum, utpote quarum habent usum & ex usu facilitatem. Progressu autem temporis

ab hoc ipso usu & facilitate patiuntur difficultatem: postquam non cognoscunt requiri ad Orationem quamlibet, ut devotè & attentè fiat, idq, illi servare inter orandum volunt: mox in attentione experiuntur difficultatem, eò quod facillè evagentur in orando, & quamvis ore ac lingua promptè orent, mente tamen varia interim cogitant, & attentè ad ea quæ lingua loquuntur, non sunt. Inde labor in attentione, inde molestia, tristitia, perplexitas, scrupuli, sæpè etiam intermissio ac fastidium Orationū.

Ab his ergo malis, ab hoc labore, ab hac difficultate ut Tiro se expediat, exercebit se in Oratione Vocali attentè recitanda. Nequæ nunc plus ab eo requiro, nisi ut attentionem discat, nam devotio, intentio, & alia faciliora erunt: ubi attentioni se se assuefecerit. Quod ut assequatur, servabit hæc quæ sequuntur pauca documenta.

Primò, & primam diligentiam ponet in eo ut Orationes vocales, eas maxime quas usitatissimas habet, quam minimum ex usu recitet: sed ita eas recitabit, ac si eas modò primum edisceret: Non eas ex memoria sensibili, & phantasie suggestionem, sed ex memoria rationali, ex reflexiva advertentia promptas dicet.

Secundò, ad hoc proderit statutum apud se habere, non multas orationes recitare, sed potius paucas, verum benè & attentè & cum advertentia ad dicenda, & ad ea quæ dicuntur ore, ita ut non prius os illa pronunciet, quam advertentia suggerat, neq, pronuncientur à lingua nisi simul (vel etiam præviè) à mente discernantur. Dum enim multas preces orare propositum habemus, in ijs festinare (præsertim in temporis penuria) solemus: festinatio autem inimica est attentioni simulq, devotioni. Unde etiam Dominus monet, *Orantes, nolite multum loqui.* Matth. 67.

Una enim Oratio Dominica attentè recitata, prævalet pluribus distractè fuis, nequæ Pater cælestis eger nostrorum multitudinis verborum, sed delectatur instantia & assiduitate rationalium supplicatione submissioneq, mentium. Quocirca etiam Oratio est Rationis & Voluntatis supplicis actio: ideoquæ in Oratione bonâ non verbis, sed corde, nec lingua, sed mente opus est. Mens porro non est, quæ sibi ipsi præsens non est. Multa ergo menter, non multa voce in Oratione cum Deo agendum est. In quo valdè se falli agnoscant illi, qui parum solliciti sunt, quomodo orent, hoc tantum curant, ut plurimas sibi



sibi solitas vel placitas orationes vocaliter decurrant. Qui præter jacturam temporis & laboris quam serè faciunt: etiam à Deo non audiuntur: quippè qui neq; seipsos audiunt. Certè si quis hominum, etiam alioqui amicorum, cum talibus Orationibus, cum eadem volubilitate linguæ, alienatione verò inattentæ animæ loqueretur, citissimè se illis onerosum fabulatorem redderet: quo tamen supplicandi ritu ipsi Deo suo se gratos esse, amabileq; obsequium præstare credunt. Iterum ergo dico prodesse multum ut quis in negotio orationis vocalis proficere cupiens, multum oret, non multis: Non multas orationes agglomeret, sed paucas bonas cum reverentia & attētionē mentis Deo supplex fundat. *Ad quod rursum.*

Tertiò, valde juvabit Orationes quaslibet, etiam sibi notissimas usitatissimasq; recitare non tanquam notas usitatasq; sed tanquam modò primum ex plenitudine instantiaq; fecundæ & ficundæ mentis à se formatas coram Deo proferat, orationes enim quas ipsi nunc primum formatas ex ardore cordis fundimus, absque attentione insigni mentis, vix proferre possumus. Sicut è contra quas ex usu longo perceptas, vel ex libello lectas promimus, in eis facile mente vagamur: quia de proferendo solliciti, ibi quidem ad singula mentem advertimus, hic verò, quia advertentia ista non egemus, facile ad alia distrahimur.

Quartò, juvabit ad attentionem in oratione vocali, omnem sensuum distractionem, distractionisq; occasionem declinare. Quæ diligentia maximè oculis & auribus est adhibenda. Nam si inter orandum quolibet oculos fleximus, tot evagationum ansas, illico habemus, quot res variæ sunt in quas oculos conijcimus; quod ipsum & de auribus (licet non ea sit hujus sensus efficacia quæ oculorum) experimur. Eam ob rem demissis vel defixis unum in locum oculis orandum est ei, qui in orando, ab oculis in diversas distractiones, rapi nolit. Bonum est etiam oculis ea quæ oramus legere, legendo, oculos, cumq; oculis mentem in attentionis officio continere.

Quintò, juvabit tempus Orationis, vel ipsam actionem, potiùs Orationis tenerè, amare, maximiq; facere: ita ut cupiat Tiro Orationis tempus quàm primum venire, quàm tardissimè effluere, ipsaq; Oratione nunquam satiari: quod quidem Deum amantibus sincerè, atq; per hoc conversationem, colloquium, convictumq; cum Deo ambientibus famelicè, non est arduum vel per-

suadere vel experiri. Ab hac porrò fame & dilectione orandi fiet, ut minimè in oratione festinetur, minimè tædium sentiatur, minimè ad finem respiciatur sed potiùs omne orandi tempus breve videbitur. Id quod usu tenendum est tam in Vocali quàm in mentali Oratione. Estq; signum indubitatum tepidi Oratoris, vel tepidæ orationis, qui inter orandum stimulos festinationis & ad finem prospectationis experitur. Et enim tepidè amantis amicum est, qui ad colloquium venientem illum citò à se expedire in animo proponit. Veri & vere amici, finem confabulationis non habent, etiam si horas, horis diesq; noctibus jungat.

Quæret autem aliquis: quomodo non sit breviter & festinè orandum, quando orationis est tempus omninò abbreviatum? Ad quod respondeo: Si tempus in nostra potestate est, illud prolongandum esse: si non est, tantum in eo quantum commodè illud patitur orandum est. Neq; tamen in eo festinabit, qui multum non multis orare propositum & usitatum habebit. Addo si omninò tempus breve est: Oratio ipsa quæ illo tempore sit, tantò ferventiùs atq; attentius quanto brevius facienda est: sicq; Oratio etsi tempore brevissima, fervore tamen & efficacia sua erit longissima.

Adhuc autem aliquis quærat: Quomodo non sit multa vocali oratione utendum: quando vel Rosarium B. Virginis, vel Psalmi Pœnitentiales, vel Horæ Canonica, vel Officium B. V. vel Officium Defunctorum, vel aliqua alia Orationes longiores voce persolvendæ incumbunt?

Respondeo, hujusmodi preces etiam esse ita absolvendas ut sunt ordinatæ, in ijs tamen servandum, & ut non festinetur, & ut attentè oretur. Multa autem in his nondicuntur, quando ea quæ dicenda sunt dicuntur, dummodo prout sunt dicenda, attente devotèq; dicantur. In talibus porrò longioribus Orationibus vocalibus: prodest per intervalla excitare seu attentionem, seu fervorem, seu reverentiam: puta post Psalmos singulos, post decades singulas: sic enim Oratio longa brevis erit, & omnia requisita habebit.

Præterea quæret aliquis in quo consistat, & qualis debeat esse attentio in Oratione Vocali? qua de re ita brevissimè respondeo.

Attentio in Oratione potest esse multiplex. Prima est, in quâ integritati vocum pronunciandarum attēditur: ut non breviantur, præcidantur, absorbeanturq;.

Secunda est, in quâ sensui verborum attendi-

tenditur  
quod  
rum  
gere p  
Tert  
integri  
plus ali  
oratur  
nus, sec  
le affect  
tētijs e  
vel ex  
desum  
V. vel  
in pro  
Deo, v  
tem, v  
tranda  
vel eff  
admir  
dignit  
feratio  
attent  
est, est  
tentio  
modò  
tur: si  
exple  
dem q  
bat, T  
dicta  
tionis  
jori  
Se  
quor  
vocali  
cunq;  
Deum  
venia  
quàm  
quàm  
tur, n  
& ips  
alloq  
qui es  
adeat  
quan  
cedi  
7  
esse  
atten  
hoc e  
do pa  
utru  
tunt  
neq;  
tione



tenditur: & hæc est eorum qui intelligunt quod dicunt: nam illa prima esse potest eorum qui tantum legere, non autem intelligere possunt quod recitant.

Tertia est, in qua non tantum attenditur integritati & sensui verborum, sed etiam, plus aliquis affectus exercetur in Deum qui oratur, sive ille affectus sit unus, sive non unus, sed modo unus, modo alius. Itē sive ille affectus lateat in Oratione verbisq; ac sententijs ejus, sive non lateat, sed ex abundantia, vel ex indigentia orantis, Dominiq; largietis defumatur. v. g. Si recitando Coronam B. V. vel Psalmos, dejicias interea cor tuum, in profundam tui humiliationem coram Deo, vel accendas in ignitam Dei charitatem, vel prosternas coram Deo, pro impetranda aliqua gratia, tentationisve victoria, vel effundas in laudes, in adorationes, in admirationes Divinæ Majestatis, bonitatis, Dignitatis, Pulchritudinis, Dulcedinis, Misericordie, immensitatis, Iustitiæ &c. quod attentionis genus optimum & præcipuum est, esto aliquando impediatur per eam attentio ad sensum integritatemq; verborum, modo ne ipsa prolatio integritatq; impediatur: sed potius inter illos affectus, sensus, expleatur. Ut autem hæc omnia fustius quidem quam præsentis tractatus ratio exigebat, Tironum tamen necessitas exposcebat dicta sunt, commodius à Tirone executioni mandari possint, & cum suavitate majori ejus labor superari.

Sexto, Iuvabitur magnopere Tiro, si quotiescunque ad orandum (mentaliter aut vocaliter) se conferre voluerit, & quotiescunq; orationi se dederit, non quærat alibi Deum sed intra se, in se, coram se, illi inveniatur, præsentemq; imò præsentiore, quam se sibi agnoscat & intueatur, & tanquam cum tali agat, oret, loquatur, versetur, moretur. Revera enim Regnum Dei & ipse Deus, intra nos est, Cælum, in quo alloquimur Patrem dicentes, Pater Noster qui es in cælis. Nos sumus, ibi ergo illum adeamus & ibi alloquamur; ibi ab eo nunquam recedamus sicut & ille nunquam recedit inde.

7. Ad extremum sciendum est, aliud esse attendere ad Orationem, & aliud attendere ad ipsam Attentionem; passim in hoc errant & impingunt, qui inattentē orando patiuntur laborem, attendunt enim ad hoc utrum attentē orent, & interim non advertunt (quia nec possunt) ad orationem ipsam neq; ad id quod orantes dicunt, ipsa attentione impediti, sed attentione non ad orati-

onem, verum ad attentionem. Ridiculus scopulus: sed tamen seminarium scrupulorum in hac materia ex eo ferè confurgit: omnesq; hic impingunt, qui in orando attentē laborant. Hæc sint satis interea: quæ Tironem non tantum ad Orationem, vocale sed etiā, ad omne Mentalis Orationis genus & gradum, ad omnem quoq; Virtutis & perfectionis partē juvabunt, à plurimis autem, & alias inextricabilibus molestijs Tironem in vitæ Spiritualis non tantum initijs, sed etiam progressibus promovabunt.

*Quintò vacabit:* Fugæ colloquendi, colludendiq; cum tentationibus & suggestionibus diabolicis, carnalibus mundanis, tristitiæ, iracundiæ, amaritudinis, suspitionis, umbrositatis, ineptæ lætitiæ, sensuallitatis, superfluitatis, alijsq; similibus. Voco autem colloquia & collusionem cum tentationibus, omnem moram & reflexionem cum iisdem, advertentiam & audientiam earum: quæ res etsi non in omni tentationum genere videtur esse periculosa: in veritate tamen loquendo in omnibus est periculosa, etsi in alijs minus in alijs amplius propter materiæ diversitatem, propter naturæ nostræ communis, aut etiā individuae cujusque ad quasdam peccatorum materias pronitatem; habilitatemque. Universaliter tamen loquendo, simpliciter expedit ab omni omnino tentatione quam primum oculos mentis avertere, nec ad eam velut auscultando, & quid sibi velit inquirendo advertere. Si enim hoc fiat, in primo limine ac nullo negotio, omnis tentationis vis extinguatur: nec in incendium scintilla crescere sinitur: quod si non fiat, parvus ignis, maximam sylvam incendit. Hoc sibi certè voluit Sapiens in illo consilio. Tanquam à facie colubri fuge peccatum, quis enim unquā occurrentem habens colubrum, non illico vestigium retorfit? quis scintillam in manus, vel vestem insipientem morari permisit, neq; quamprimum excussit aut oppressit? Ita omnino cum omni tentatione procedendū, cum omni inquam, cujuscuq; materiæ sit, cum omni quoq; cujuscuq; violentiæ, impressionis & importunitatis sit. Imò quantò est importunior tentatio: tantò minus curanda & attendenda est, sed surda mentis aure atq; ad aliquid aliud disparatum conversa attentione excludenda deferendaq; nec quid sibi velit aut sonet attendenda. Eo modo quò Muscas advolantes ad nos, contenti sumus modico



motu manus repellere, neq; quonam illæ sevolvendo conferant, laboramus. advertere, vel quomodo nobis curru equove pergentibus, canes hinc inde egressos præterimus, neq; eorum abigendorum causa subsistimus: curru equové descendimus, sed ijs spretis latratu illorum neglecto, viam nostram, pergitur: canesq; latratu fessos nullo alio operæ pretio reportato, redire ad sua loca facimus. Quod nisi faceremus præterquam quod moram faceremus, viæ, stultitiæque ab omnibus argueremur, insuper non tantum à canibus nos, non expediremus, sed potius eorum nos moribus, latratibus, importunitatib; obijceremus, non absq; nostro quâ damno, quâ periculo. Credat Tiro his quæ hic proponuntur: nec velit suo damno periculoq; discere utilitatem: sed ab initio vitæ spiritualis discat nunquam cum tentationibus quocunq; prætextu morari. Loquor quocunq; prætextu quia non raro quidam hoc protextu cum eis morantur, ut eas scilicet postmodum cognitæ repellant, sed hi sciant non melius repelli eas, quàm cum surda aure prætereuntur, quàm cum neq; subsistere sinuntur, quàm cum nec responso, nec aspectu dignantur, sed mente aliò conversa, in sese consensescere evanescereq; coguntur.

Sanctus Gregorius Magnus eam ratione conterendi contemnendiq; tentationes magnæ perfectionis esse & aditū & culmē censeat, dicit enim. (*Quidam in tantum culmen perfectionis proficiunt, ut ab eis quidquid à carne quidquid à mente ingeritur leviter superetur, dnm convenire in pugnam non finitur*) lib. 5. in c. 11. Regum libri I. Et revera nihil æquè diabolus, malè torquet, quàm sic expediri, ut nec unius momenti advertentiam ipsius ineptijs & fabulis quocunq; prætextu boni velatis contingat concedi. Hoc etiam monuit inter alios Magistros Spiritualis S. Bonaventura in spec: discipl: Novit. p. 1. c. 2. n. 2. dicens. *Tentationum & cogitationum malarum viriliter principis & absq; mora dispendio est obstandum.* Idemq; alio loco fusiùs (de profectu Religiosorum 15. tradit.) *Statim cum sentit Religiosus, se aliquo mali interius pulsari, vel exterius occupari: scilicet ab otiosis verbis, à iocis, ab actionibus infructuosis, & maxime à cogitationibus vanis, & affectionibus vitiosis, & carnalibus concupiscentiis: que nec ad horam debemus in corde permittere morari: ne offendamus Deum, & Sanctos Angelos præsentis, & conscientiam sordemus, & penam mereamur, & bona quæ possemus cogitare & agere interim negligamus.* Ex

quibus Sancti Doctoris verbis discimus.

1. non tantum cum diabolicis seu à diabolo immixtis sed etiam cum carnis & mundi tentationibus, nec tantum suggestis, sed etiam exterius aliquomodo inchoatis, sic procedendum esse, ut nulla mora in eis ponatur, sed statim præscindatur & cessetur.

2. Moræ hujus damna esse non modica nec pauca, si forte cum tentationibus fiat. Nam & Deus & Angeli præsentis offenduntur, & conscientia fædatur, & pænæ reatus incurritur, & bonis cogitandis agendisq; tempus aufertur, ipsaq; bona negliguntur.

3. Scopum inimici nostri in talibus suggestionibus non semper esse crassum illum ut nos in peccatum impellat: hunc enim ille sæpè in bonis mentibus magis optat quam sperat. Sed in lucro etiam magno apud se ponit: si nos sordibus suis maculet, si memoriam & imaginationem ineptis obiectis pingat, eaq; menti imprimat, si tempus melioribus curis auferat, si inquietum hominem reddat, si contristet, si perplexum faciat. A quibus omnibus diabolus excidit, si absq; morâ, & colloquio cum ipso, quis à tentationibus ejus, ad alia disparata illico se convertit, & suis attendit.

Sit ergo hæc res Tironibus magnopere commendata: incredibilem enim in viâ spirituali ab hac unâ arte & doctrina consequuntur, & facilitatem, & quietem, & securitatem, & à tentationibus immunitatē. Neq; enim unquam sibi experientur molestas esse tentationes ullas, nisi quando per injuriam, vel per inscitiam ad colloquium sive ad advertentiam & examen, etiam sub prætextu abjectionis, aut securitatis admiserint illas. Quodsi ita cui videatur importunus esse tētator, ut neglectu & contēptu istiusmodi repellī videatur non posse, tum Tiro nī sequendū erit consilium, quod superius tradidimus hujus Mensis Exercitio 1. & infra etiam dicemus plenius M. 4. Exer: 4. (Item Mense 2. Exer: 2. ante finem) quodq; etiam D. Bonaventura tradit, loco supra in primis citato, ubi sic loquitur. Quodsi tentationum cogitationumq; malorum insultus spiritum inquietent: Non solum familiaris confessor: verum etiam fratres alij Seniores in adjutorium advocandi: ut unus debilitas multorum adjutorio sustentetur. *Frater qui adiuvatur, fratre* (Prov: 18. 19) *quasi civitas firma.* Qui autem vulnus detegere, vel auxilium petere negligit, suâ non immeritò negligentia perit. Hæc Sanctus.

EXER-



# EXERCITIA

## QUARTI MENSIS.



Quartum Mensē Tirocinij sui novus Religiosus impendit sequentibus exercitijs.

### Primo vacabit:

Intentionis rectitudini & renovationi. Duas res complector ut patet in hoc exercitio, illasq; à Tirone exigo. Una est, ut rectam intentionem habere in omnibus suis operibus curet, atq; adeò in tota vitâ sua Religiosa: sine qua nihil utilitatis, nihil sanctæ indolis in ulla actione humana certum est reperiri. Intentio mala, & intentio nulla, ad invicem pestes sunt omnis operis nostri. Mala quidem intentio facit, ut sit opus malum, nulla autem ut nullum. Mala intentio est, quæ non Deum, vel non propter Deum spectat, nulla quæ non spectat quid aliud mali, non tamen spectat etiam aliquid boni, præsertim Divini. Quidquid agunt homines intentio judicat omnes. Intentionem rectam, bonam sanctam, quin & perfectam luculenter descripsit nobis S. Pater Ignatius, prout in summano habemus Regula 17. Omnes rectam intentionem habere studeant: non solum circa vitæ suæ statum, verum etiam circa res omnes particulares: id semper in eis sincere spectantes, ut serviant & placeant Divinæ bonitati, propter semetipsam, & propter Charitatem, & eximia beneficia quibus prævenit nos, potius quam ob timorem poenarum, vel spem præmiorum, quamvis hinc etiam invari debeant, & in omnibus querant Deum, exuentes se quantum fieri potest amore omnium creaturarum, & affectum universum in ipsarum Creatorem conferat, eum in omnibus creaturis amando, & omnes in eo iuxta sanctissimam & Divinam ipsius voluntatem. Hæc S. Pater: ex quibus luculenter cognoscit quisq; qualem intentionem rectam habere debeat in suis actionibus: qualem malam non debeat. Bona intentio est agere, ut poenas æternas evadas, Melior ut beneficia spiritualia, gratiæ gloriæq; apud Deum obtineas: Optima ut Deo placeas, ut sanctissimam voluntatem ejus expleas: ut eum glorifices & exaltes.

quia ille dignus, quia bonus est. Hanc intentionem S. Ignatius perpetuò nobis obtrudit, toties repetendo. *Maiorem Dei gloriam, Maius Dei obsequium, &c.* Ut autem.

A hæc intentio servetur, suggerit Sanctus fundamentale medium, *exuere se affectu omni ad creaturas seipsum inter eas numerando*, ita ita ut nec te, nec ullam creaturam ames nisi in Deo, propter Deum, infra Deum; supra omnia autem unum & solum Deum, sic conferendo omnem amorem tuum, per creaturas divisum, in solum Deum.

B Ex quo colligi debet, quod facere aliquid propter seipsum, propter suum commodum, voluptatem, honorem, vel propter alius creaturæ alicujus bonum non referendo alterius in Deum, neq; respiciendo Deum, sit intentio mala & prava & pestilens, hoc est enim amare plus ipsum se, vel creaturam quam Deum: quæ est iniquitas maxima. Quamquam autem hæc de intentione bonâ vel malâ dicta sufficere possent alicui, tamen ut Tirone melius ejus Exercitij ratio constet, & usus succedat, addenda sunt aliqua explicatius: atq; potissimum de varietate bonarum intentionum.

C Sciendum ergò quatuor genera esse intentionum. *Unum esse facere aliquid* propter obligationem præcepti sive imperantis, sive prohibētis: quod genus intentionis licet sit imperfectissimum inter bonas, est tamen fundamentum omnium aliarum optimarum: qui enim præcepta negligit, frustra ad consilia & perfectiones adspirat. *Secundum* intentionis genus est, facere aliquid opus propter exercendam vel assquendam Virtutem, aliquâ speciale suam (nam in genere virtutis intendere valde sterile est,) puta obedientiam, charitatem Dei, proximi, Patientiam, mansuetudinem, humilitatem &c. Hæc intentio priore perfectior est. *Tertium* intentionis genus est, facere aliquid propter plures speciales simul virtutes exercendas assquendasve, quod perfectionis genus melius est priore propter multitudinem: quæ isthic deest. Talis est intentio: cum quis prævidens, v. g. patientiæ vel humilitatis occasionem, acturus aliquid humile vel passurus



surum, aliquid durum, suscipit & obit illud, ut Patientiā exerceat, ut se vilificet, ut māsuetudinem discat, ut obediat, ut charitatē fratri præstet, ut in Deum amorem testetur, tu imitetur Christum, ut fiduciam in Deum exerceat c&c. Ex tali intentione plurimum virtutum specificarum studio, tot habitus virtutum specificè in anima crescunt, quot hac ratione intenduntur, præter alios fructus. *Quartum* intentinis genus est agere aliquid ex mero puroq; studio conformandi se voluntati beneplacitoq; Divino, & quia id Deo placet quæ una solaq; intentio purior, defæciatior, altior, solidior, sufficientior est omnibus superioribus, adeo ut nihil insit illis bonitatis, nisi quantum hanc unam includunt ab eaq; participant. Proinde huic potissimum intentioni inhærendum & assuescendum est. omnes autem aliæ possunt illi vel tanquam inclusæ supponi vel majoris nostræ diligentiae exercitationisq; causa expressæ per singulas adjungi.

Porro pro majori horum declaratione, B simulq; pro bene operantium ad ferventer & diligenter operandum inflammatione: ac deniq; pro majori in laborando consolatione, sciendum est quintuplicem usum, atq; adeo fructum cujuslibet boni operis esse si modò ab operante intendatur. *Primo* omne bonum opus est meritorium gratiæ sanctificantis & gloriæ æternæ, juxta bonitatem, tum operis, tum operationis, tum etiam operantis. *Secundo*, bonum quoq; opus omne est Adoratorium & laudatorium Dei. Imò & Sanctorum, juxta placitum operantis. *Tertio*, similiter omne opus bonum & Gratiarum actorium Deo pro beneficijs, atq; etiam Sanctis pro intercessione. *Quarto*, est quoq; opus omne bonum impetratorium cujuslibet boni sive spiritualis sive temporalis, tam petenti ipsi quam alteri, pro quo is offerat: juxta placitum Dei, & juxta dispositionem eius, qui, quid, & cui petit operaturvè. *Quinto*, deniq; est quodlibet bonum, opus satisfactorium pro pœnis tam illius futuræ quam hujus præsentis vitæ, tam pro temporalibus quam pro spiritualibus, tam pro ejus qui operatur proprijs, quam pro alienis, vivis, defunctis; modo indigentes & capaces sint, pro alijsq; offeratur. Omni igitur bono opere possumus mereri gratiam & gloriam apud Deum, laudare & honorare Deum, gratias illi agere, impetrare apud ipsum, satisfacere justitiæ ipsius, dummodò hæc omnia intendat is qui operatur: quantum cunq; enim suam dilataverit intentionem tantam operi suo bono addet

latitudinem. Has autem omnes intentiones oportet ut subdat illi quartæ superius explicatæ: ut nimirum omnia ista intendat, secundum Dei voluntatem, & propter Dei voluntatem: sive ideo, quia Deo placet, & quantum placet, & ut placeat. &c.

Atq; de Rectitudine Intentionis, (quod fuit unum ex supra positis initio) hæc sufficiant pro informando intellectu Tironis. Iam de Renovatione aliquid ut dicamus oportet. Intentio enim recta, quam est utilis ac necessaria ad bonitatem, utilitatemq; spirituale operum nostrorum, tam est fragilis & in momenta mutationi corruptioniq; obnoxia, in omnibus quidem hominibus & potissimum in incipientibus & imperfectis, affectusq; compositos & impotestate non habentibus, maximè verò ab amore proprio non satis expurgatis, ad minimam enim quamlibet occasionem proprii commodi everti, mutari, inflecti, corrumpi intentio recta præfixa potest ac solet, nisi vel valde homo attentus sit ad vias cordis sui, vel frequenter innovet, repetat, restauretque suam bonam intentionem. Quare bonus & diligens quisq; Religiosus in hoc maximam & assiduam curam ponere debet, ut omnibus operibus suis, atq; adeo toti vitæ suæ rectam quin & sublimem intentionem præfigat: & si fortè, imò ne fortè mutata sit per occurrentem aliam pravam, & proprio commodo creatore bono infectam intentionem: primam suam bonam identidem innovet, confirmet, stabiliatq; intentionem. Circa quod observanda erunt hæc.

*Primo*, non erit opus quoties placuerit innovare intentionem, toties eam de integro repetere eò modò quò, fortè initio, v. g. dici aut operis facta fuerit: id enim & longum, & molestum esset, & præ festinatione non bene fieret, tandemq; fastidiretur & negligereetur cum multiplici & gravi spirituali damno: sed sufficit mentem tantum, ad intentionem factam conijcere, eamque brevissimè seu mentis, seu etiam oris, verbis, reassumere & ratam habere, dicendo: v. g. Propter te Domine propter te, vel Domine quæ volui, volo: vel, Domine quæ intendi, intendo, rata habeo, vel, Placeat Domine quod statui, quæ intendi, &c. Tali enim vel simili compendio: & innovabitur omnis intentio, & fastidium tolletur, & cursus operis non retardabitur, & mens nec fatigabitur, nec distrahetur, & prospicietur fructus boni operis, & prava, si quæ irrepererat intentio abrumperetur, & excludetur



ceditur, inq; viam & cursum debitum mens  
forſitan incurvata & devia revocabitur.

*Secundo.* Hæc intentionis renovatio, eſſi  
tantò erit utilior, quantò frequentior; ne  
tamen frequentatio & frequens renovatio  
nimia fiat, capitiq; nocumentum, & vim  
inferat ſicq; agentì, damnum & impedimẽ  
tum, Diabolo ſolatium & lucrum è damno  
ejus pariat. Frequentatio iſta renovatio  
nis moderata erit, & initio quidẽ rarior,  
& in progreſſu crebrior, ac demum creber  
rima, quantum prudentia memoriaq; di  
ctaverit. Optimè faciet, qui ad ſingularũ  
actionum initia intentionem præmittere  
curabit, ſaltem eam reaſſumendo quæ in  
initio diei facta fuerit.

*Secundò vacabit,* fugæ dijudicã  
di, inq; deteriorem partem cenſurandi &  
exponendi facta aliena; deq; eis cum alijs  
loquendi ac ſententiam ferendi. Hoc exer  
citium pro totã vita, pro omni loco, tem  
pore, ſtatu, perſona eſt neceſſarium, neq;  
quidquam eo conditionis excedet, in qua  
non ſit ei ab hoc malo malorum, tam vul  
gariffimo quàm maligniſſimo cavendum,  
immo quantò quis in virtute virtutiſq; pro  
feſſione ac poſſeſſione videbitur progreſſus  
vitæ riuſ, tantò magis ab hoc malo ſibi ca  
vere debet. Etenim experientia diſcimus,  
plerofq; juſtorum ac perfectorum coram  
hominibus tantò eſſe vicinioreſ, malo ac  
vitio cenſurandi alienoſ mores, facta, talen  
ta, & intentioneſ, quantò longiùſ ab alijs  
vitijs receſſerunt.

Ac ſemper quidẽ & univerſaliter abſti  
nendu m eſt ab alienarum rerum cenſura  
ac dijudicatione: tunc tamen potiſſimum,  
quando id quod cenſurandum eſſet, tale eſt,  
quod perinde benè fieri poteſt, ac malè. &  
in quo agendo, intentio agentis non appa  
ret, ſed non minus poteſt ſubeſſe bona ali  
qua, quàm mala. Ad quod ſi reſpiciatur,  
vix aliqua actio hominiſ aliquando ſe of  
feret, ſecùs omnino interpretanda, & non  
potiùſ bonam facienſ explicationem. Ex  
cuſa ait S. Bernardus *intentionem, ſi opus non  
poteſ, puta ignorantiam, puta ſubreptionem, pu  
ta caſum;* puta te errare poſſe, puta illum  
habere cauſas, rationeſq; ſui facti, quæ te  
lateant, deniq; puta illum quidẽ hodie  
peccaſſe, te autem peccaturũ & quidẽ gra  
viùſ eras, puta illum poſt peccatum pani  
tuiſſe, etiam juſtificatum eſſe juſtiorẽ quẽ  
te: te interim cenſurando peccare & in pec  
cato eſſe, ſi non in alio, in hoc tamen ipſo  
cenſuræ alienæ. In quo enim alium judi

cas, teipſum condemnas, eadem enim agiſ,  
affirmat Apoſtoluſ.

Abſtinendum igitur ab alienæ vitæ per  
verſa cenſura; aut ſi cenſurandum eſt, ſem  
per in meliorem partem: præſtat abſoluti  
one quàm damnatione proximi peccare,  
ſaltem ſuſpende judiciũ, & dic: *non liquet.*  
*Nefcio: oportet me aurem alteram alteri parti  
ſervare. Nemo me conſtituit iudicem. Quid ad  
me alienarum habeo meorum d. ſ. ſuum ſatis. Me  
um cor non novi: alieni cordis claveſ non ſunt  
mihi credere. Domino ſuo ſtat ſervuſ, & Domi  
no ſuo cadit, potens eſt autem Deus ſtatuerẽ il  
lum. (Rom: 14. 4) Angelo non eſt conſeſſum  
cor alienum intueri: & ego quomodo illud ſer  
vans non errabo? Si Angelo aliena referenti ſa  
tis credere tu d. non poſſum, quantò magis vel mi  
hi videnti, vel alteri homini narranti, non tu d.  
aſſentiar?* Hæc ſimiliq; ratione prurituſ  
judicij de alieniſ rebus reſprime in te, eſto  
illuſ oculiſ cernuſ, & manibuſ palpeſ. Non  
ſit lingua tua o Religioſe lima virtutiſ ali  
enæ, quæ poliat virtutẽ & nitidam faciat,  
ſe autem corrumpat ipſam. Non ſiſ emũ  
ctoriuſ, quod lucernam purgat, & clariùſ  
lucere facit, ipſum autem adurit & deni  
gratur. Experimentuſ eſt hiſ, ipſiſ noſ  
vitijs deniq; ſcatere, in quibuſ alioſ taxavi  
muſ: imò etiam in majoribuſ. Trabem  
portamuſ in oculiſ, nec videmuſ, nec ſen  
timuſ ponduſ ejuſ: feſtucam in oculiſ ali  
eniſ diſcernimuſ, & ferre inibi non poſſum.  
C Qui alieniſ moribuſ dijudicandiſ linguam  
& mentem ſuam occupat, ex lingua ſua de  
licatuſ & opiparuſ, diabolo epuluſ pa  
rat, quia illam alieniſ peccatiſ, & injurijs  
ſaginat, & ſaginatam, maceratam, condi  
tamq; diabolo propinat. Quod vitium,  
omniuſ quidẽ eſt, ſed ſpeciali ratione  
bonoruſ propriuſ eſſe videtur: non quod  
eo, alijs quoq; non laborent, ſed quod boni  
eo ſolo pleruſq; ſcateant, cum ab alijs im  
muneſ ſint. Præcipua porro ratione adhæ  
rere ſolet, hæc peſtiſ illiſ, qui judicio inge  
nio experientiã, prudentiaq; poſſeant, vel pol  
lere videri volunt: uade etiam inter eoſ, qui  
doctrinam, ſcientiam, virtutẽ, honoreſ,  
opinioneſ, excellentiam, in pretio habent,  
frequentiſſimè reperiri ſolet.

Bonuſ igitur & cautuſ, ac profeſtuſ ſui  
amans Tiro, à primo tirocinio ſuo, ac de  
incepſ in omni vita ſua, injiciet habenas ju  
dicio, linguæ, cenſuræ, de alieniſ moribuſ,  
caſibuſ, operibuſ, talentiſ, &c. Neq; fa  
ciet diſcrimina inter reſ parvaſ, vel magnaſ,  
inter perſonaſ primariaſ, vel vulgareſ: ſed  
fugiat omne omnino judiciũ de altero  
in.



in malam partem ferre, quando illi ex officio iudicare de alijs non incumbit. Optet sibi sortem illam, atque curet evenire: quam Deus, Veritas prima, & sapientia aeterna, toties inculcat. *Nolite iudicare & non iudicabimini: nolite condemnare, & non condemnabimini: dimittite, & dimittentur: in quo enim iudicio iudicaveritis, in eodem iudicabimini &c.* Matth. 7. 2. Sat insanus est, ac revera infidelis: qui haec à Christo prolata, credens ea tamen postponit, & aliena dijudicare praesumit. Verè iste vel iudicari vult, atque damnari, vel Christum falsum locutum esse opinatur, qui sciens dictum esse. *Nolite iudicare & iudicabimini*, iudicat tamen proximum.

Denique Cor misericors, & aliena, esto errata, esto notata, esto notatu digna, tam benignè & misericorditer interpretari, potius eligit, quam severa notare censura: talibus dictum est, atque promissum cordibus à Domino. *Beati misericordes, quoniam & ipsi misericordiam consequentur.* Matt. 5. 7. Quanta premia promissa sunt, non censurantibus aliena? Non iudicari, non damnari: imò etiam misericordiam consequi apud Deum, quo quid optabilius? E contra verò: poena ordinaria iudicantium alios est, excidere à Dei gratia, ut ait S. Macar: hom. 7. *Et fieri remotum à Deo*: ut ait Cathon: Sen. dial. c. 97. quo quid horribilius, & formidabilius?

*Tertiò vacabit* Censurationi, dijudicationi, inculcationi, factorum, morum, talentorum, operum propriorum. Haec solet esse potissima causa multorum malorum in Religiosis: quia circa suas res & actiones, atque dotes discutiendas, non libenter neque prout debent occupantur. Si nos ipsos diiudicemus non iudicemur à Domino, nunc autem à Domino corripiamur, ut non cum hoc mundo damnemur: asserit Apostolus. 1. Cor. 11. 32. quae verba sunt omni dignissima consideratione, sed multò magis observatione & executione. Si enim nos ipsos nostraque opera, & tam internas, quam externas mentis nostrae dispositiones accuratè vestigaremus, imperfectionesque & defectus in omnibus prospectos, habere curaremus, plurimas & maximas utilitates inde reportaremus. 1. Habermus intimam nostri notitiam, & peritiam experimentalem: quae est caput omnis humilitatis, ac proinde & salutis, atque perfectionis. 2. Non vacaret nobis ad aliena discutienda, & censuranda opera, facta talenta, ut

tempus enim daremus nobis discutiendis, proinde deesset noscendis alienis. 3. Sed etsi quid incideret alieni defectus in notitiam, illico pueret nos aliena (leviora forte) discutere, qui sciremus bene in nobis, nostrisque operibus & cordibus longè amplius mali delitescere. 4. Habermus semper uberem materiem contemnendi nos, & alijs supponendi, alios verò nobis praefere-di. 5. Habermus etiam copiosam & paratam segetem, rerum à Deo emendandarum, Deo proponendarum & confitendarum, in Orationibus, Meditationibus, communionibusque. 6. Habermus denique paratam contra iram Divinam munimen. Nostra enim discussione nostri, averteremus scrutationes, imò & punitiones Dei: quippe si nos ipsos diiudicemus, à Domino non diiudicemur: qui non punit huiusmodi in ipsam.

Solent quidem aliqui circa se, & suas reactionesque discutiendas multum occupari sed ita, ut se ipsos mirentur, magnificiant coram se, alijs praeferant semetipsos. quasi non sint sicut ceteri homines: (Luc. 18. 12) ita se examinat, & ita sua inspicunt, ut imperfecta sua videre, multò magis lugere noliunt, sed tantum quae speciem bonitatis & excellentiae esto saepe vanae ac fallae, haec sibi ob oculos ponunt, quo fit ut dum nunquam lutum super oculos suos positum habeant: nunquam etiam illuminentur: sed potius in caecitate deferantur. Hi, qui tales sunt, sicut bona sua ob oculos semper suos ferunt: ita illos ab alienis aestimandis avertunt, aestimandis inquam: nam & deprimendis & infra sua deiiciendis non abstinent: Idem quoque sicut à suis imperfectionibus videndis oculos avertunt, ita ad alienas dispiciendas defectuositates oculati Argi & lynci sunt. Est igitur homini spirituali & Religioso, praesertim Tironi, per oppositum incedendum: Bona sua nunquam, mala autem sua semper ante oculos habeat: è contra, bona proximi semper, mala nunquam inspicat. Nisi forte aliquando bona in se Dei cognoscat, ut pro eis non extollatur, sed Deo gratias agat, alacerque ad obsequium Dei reddatur: mala quoque proximi videat: non tamen ut insultet, ut condemnet, aut inflatur: sed ut compatiatur, ut eum adjuvet, ut alieno malo ipse cautior fiat.

Sciendum porrò hanc sui ipsius suarumque rerum censuram & dijudicationem hisce partibus & actibus constare. Quisque hominum, vel bonus, vel malus est. partimque bona, partim mala habet: partim bene, partim male agit: qui censor sui esse

vult



vult cum utilitate & profectu spirituali: ad utrumq; rerum & operum suorum genus oculos intendat, ita ut in bonis videat.

1. Illa non sua, neq; ex se: verum Dei & ex Deo esse: sine quo nihil possumus facere, imò & cogitare boni: sed omnis sufficientia nostra ex Deo est.

2. Videat eadem bona, magis esse imperfecta, quàm perfecta: hoc est, plus imperfectionibus scatere, quàm perfectionis habere, & quidè se ipsum solum, aliūq; neminem esse authorem illarum imperfectionum, quibus ipse opera & bona Dei inficiat, impediāt, & quominus perfecta sint obfistat.

3. Videat eadem bona: à se conservari continuari, perficiq; non posse sine Deo, imò nisi à Deo, qui dat velle & perficere, quia omnia bona in nobis, & nobis operatur, secundum Isaiam: & cui Ecclesia supplicat: ut actiones nostras dignetur aspirando prevenire & adjuvando prosequi: ut cuncta nostra Oratio & operatio ab illo semper incipiat, & per ipsum capta finiatur.

4. Videat eadem bona, hoc ipse sibi fieri non bona: quod ea sibi arroget, vel ex illis infletur: tunc enim peccatum, ut appareat peccatū, propter bonum, operatur homini stulto atq; superbo mortem: & sit peccatum supra modum peccans, ut ait Apostol. Paulus, (Rom: 7. 13.)

5. Videat eadem bona: esse quidem aliquomodo in se ex Dei munere: sed valde in humili gradu, & valde multum ab excellenti & supremo gradu, & à consummata perfectione, quàm ista bona haberi deberent: si homo esset dignus, siq; idoneus, si non impediret manum Dei, si non esset fur & raptor, infidelis Deo: si non esset prodigus, bonorum Dei dissipator, si non esset servus piger, & malus, qui bona & talenta Dei involvat sudario, & in terra otiositatis defodiat.

6. Videat eadem bona esse in alijs, & quidem fortè uti sapissimè accidit, in ijs, quos ipse minoris aestimat apud se, longè plura, ampliora, perfectiora, solidiora; ad qualia ipse nunquam fortè perventurus sit impediēte illum sua superbia, & ignavia, & ingratitude, & aliorum contemptu.

Accedit enim frequentissimè, ut Deus ei, qui ab aliquo alio temerè, superbeve contemnitur, sugillatur, censuratur: propter hoc ipsum, quia contemptus est ab alio injustè, det gratiam illam ipsam, quam tanquam desitutus iniquè, fuerat sugilla-

tus & damnatus. Potens est Deus, ait Apostolus, imò, solet Deus statuere illum, & donare ijs bonis, quibus tu illum velut carentem carpebas & mordebas. Cujus exemplum apertum, Dominus ostendit in Publicano & Phariseo, atq; in duobus illis filiis, quorum unus prodigus fuit, alter adhaerebat Patri, in Phariseo & Magdalena, &c. Unde etiam accidit sèpè, quod notat D. Augustinus: ut quando nos aliquem censuris nostris damnamus; tum planè ille vel convertatur à Deo, vel conversus sit jam ad Deum: sitq; melior & justior cēsoribus suis.

7. Videat bona sua, (sive sint talenta nostra, sive gratia gratis data, sive virtutes, sive actiones bonæ) longè alia, hoc est, longè imperfectiora esse in ipso fundo conscientia propria, quàm in superficie, & in exteriore specie ipsi, vel alijs esse videantur: sèpè contingit nobis vanissimis hominibus ut liquido in conscientia nostra, & in lumine internæ rationis, cognitionisq; discernamur valde imperfectum esse hoc, vel aliud bonum, talentum factum: revera tamen vel ideo, quia hoc alij non vident, uti sunt in se, vel quia etiam perfectum credunt & uocant, nos avertamus oculos à luce interna, & aures à voce conscientia, atq; ab iudicio & testimonio veritatis, aliena verò ignorantia, & erroris vocibus adhaereamus, & non credentes, licet tamen credi velimus, & credi gaudeamus, sicq; non tantum vanissime, sed etiam mendacissime, atque his stultissime extollamur: impleaturq; illud in nobis mentita est iniquitas sibi: & illud: Diligitis vanitatem, & quaritis mendacium.

Videat deniq; eadem bona sua, adeo parum bona esse, ut non pervenerint, neq; attigerint illas omnes, esto paucas & minime sublimes regulas perfectionesq; quas ipse homo habet in suo iudicio, vel etiam voluntario proposito, quas inquam ille ipse apud se statuerat, adungere illis bonis, illis operibus, illis exercitiis. &c. v. g. videat, non habere illam devotionem, illam charitatis concitationem, & infermentationem: illam vacuitatem à distractionibus ab ariditatibus, à complacentijs, à studio vel opinione placendi alijs, & laudis referendæ ab alijs: illam constantiam & perseverantiam, illam aversionem à seipso, illam plenitudinē conversionis ad Deum & ad purum, solum maximumq; Dei gustum, & placitū, & gloriam, quam vel poterant, vel debebant habere, &c. Hæc similiaq; si in bonis



nis suis, omnia vel aliqua saltem considerabit: non habebit materiam superbiendi, imò habebit multiplicem causam, de alijs quid longè melius, de se autem, deq. suis bonis longè abiectius & humilius sentiendi: ad perfectioraq; conitendi, & Deo supplicandi, atq; coram Deo imperfectum suum lugendi.

Iam verò in suis malis & peccatis, & meritis imperfectionibusq; etsi satis superq; est videre quot sint mala, quot peccata, defectus, imperfectiones & miseria: ut merito per eas humilis in suis oculis, infraq; omnes dejectus esse possit Religiosus homo: Si tamen in suis his malis attendere volet, aggravantes & exaggerantes circumstantias & conditiones difficilius longè erit spiritu efferri: facilius autem in vili & abiecta de se opinione stare atq; permanere, quæ res, unus est summus fructus, qui & à nobis debet, & à Deo solet, vultq; colligi ex nostris imperfectionibus, atq; erroribus & peccatis & meritis, & malis. Sic enim impletur illud Apostolicum: ubi abundavit delictum abundavit & gratia, quia abundavit & humilis abiectaq; sui æstimatio, intimaq; cognitio. Circumstantiæ porro istæ plurimæ reperiri possent, sed hic brevitatæ præfinitæ causâ, ne numerari quidè, nedum exaggerari omnes possunt. Obiter attingo aliquas, ut eas Tiro in suis malis, ac potissimè actibus videns: tanto plus abominetur mala sua, seq; Deo & omni propter Deum creaturæ subijciat, diligentiorq; in cura sui fiat.

Videat ergo in suis malis. 1. quod sint in ipso homine, & ex ejus intrinsicis essentialibus principiis, nihili non entisq; promanantia.

2. Videat quod sint Dei naturæ, essentia, perfectioni, dignitati, bonitati, charitati, legi, voluntati, iustitiæ, potentiæ, misericordiæ, beneficijs, auxiliis, repugnantia, & inimica.

3. Videat in malis suis, quod repugnent Christi moribus, exemplis, doctrinis, meritis, gloriæ.

4. Videat, quod mala sua repugnent luminis rationis, conscientia, rectitudini, honestati, decoro.

5. Videat in malis suis: quod repugnent fidei Christianæ, spei suæ, Timori Dei, charitati in Deum: Professioni, Vocationique suæ, Regulis suis. Obedientiæ debitæ Deo, rationi, superiori Regulæ, Religioni.

6. Videat in malis suis, quod priuèt Deum gloria, Sanctos lætitiæ, Ecclesiam auxi-

lio, Religionem & communitatem exemplo, ac communicatione meriti. Animam & hominem ipsum merito gratiæ & gloriæ profectu virtutum, auxilijs Dei specialibus.

7. Videat in malis suis, quod diabolus lætificent & honorent: iram Dei provocet, & exacuant, poenam futuræ & hujus vitæ mereatur, gratiam sanctificantem & Dei amicitiam impediunt, diminuuntq;. Gratias actuales & inspirationes & motiones Dei excludant, profectum in bono & in fervore constantiam tollant. Mala & vitia radicient atq; stabiliant in animâ, alios scandalisent, idq; vel ad similes actus malos, exemplo provocando audacioresq; ad malum faciundo, vel contristando, & amaritudini, displicentiæq; occasionem dando.

8. Videat in malis suis, fragilitatem & labilitatem suam, inconstantiam in propositis & cæptis bonis, infirmitatem ad superandas tentationes, molestias, difficultates etiam alioqui leves, cæcitatem suam ignorantiam, malitiam, & pondus in malum liberæ voluntatis, vehementiam passionum & affectuum, quos ratione frenare debite non possit, nesciat, non curet, non velit.

9. Videat in malis suis, Rebellionem suam, & mentis suæ cum Deo, ratione, virtute, gratia. Rebellionem, etiam pravæ voluntatis, concupiscentiæ, sensualitatis, sensuumq; tam internorum, quam externorum.

10. Videat in suis malis: quanta sit inter eum & alios, propter hoc differentia, qui longè minoris industriæ, scientiæ, gratiæ, ætatis, experientiæ sint licet, tamen se vincunt strenuè, resistunt tentationibus, frangunt passiones, obsequuntur gratiæ: defectibus paucioribus, minoribusq; abundant.

11. Videat in suis malis, numerum, multitudinem, frequentiam, gravitatem; cum propositis, cum gratijs divinis, tam frequentibus repugnantiam. Hæc atq; similia, si consideraverit quis in suis malis, nunquam ea, certè non facile parvi faciet: sed minimi (ut quidè vulgò vocari, sed erroneè & periculose solent) defectus magni videbuntur, sicut revera magni, vel ex eo solo sunt, quia summæ bonitati Dei summè displicet, & charitati repugnant. Facile etiam se humiliabit coram Deo & hominibus: nequè illi ad alienam morum censuram vacabit vel libebit proflire.

Præter voluntatem meam immoratus sum hujus Exercitij explicationi: erit tamen operæ pretium, si executio diligens accesserit,



sit, quæ ut fiat, in compendium rem omnem redigo. Accuratus censor suarum imperfectionum bona sua sic censurabit, ut agnoscat. 1. Aliena esse. 2. Valde imperfecta. 3. Ut sint perfecta, debita potius sunt, & tanto quidem maiora magisque prementia ad reddendum, quanto sunt maiora. 4. Non esse in eis securam certamque perseverantiam. 5. Metuendum, ne hic aliquibus temporaneis ac maxime vanis laudibus compensentur, futura autem gloria præmioque fraudentur.

Mala autem sua sic censurabit: ut agnoscat. 1. Vera & propria sua esse, tum ob naturalem defectuositatem, tum ob voluntariam inclinationem. 2. Pejora gravioraque esse, quam ab ipso homine sibi semper blandiente, & in omnibus suis naturaliter cœcutiente existimantur, maxime, si ad iudicium Dei veniant, & si cum gratijs a Deo homini collatis conferantur: ingratitude enimque vitio infecta esse attendantur. 3. Esse contra Dei legem, voluntatem, dignitatem, charitatem, contra tot beneficia &c. 4. Esse tam nociva damnoque, non ipsi tantum homini, in quo & a quo sunt, sed alijs plurimis, maxime propter scandalum. 5. Subiacere pœnæ multiplici purgatorii, (nō dico interni) temporali, & quam præcipue timendam puto, spirituali, quæ in subtractione auxiliorum Dei specialium consistit: & sæpe reservatur a Deo, etiam alijs condonatis. 6. Multis præterea bonis impedimento esse, quæ alioqui fieri potuissent: si mala hæc abfuissent. Bona hæc esse solent gloria Dei, profectus proprius: salus aliorum, aversio iræ Dei &c. quorum opposita mala advocantur ab irato Deo, scilicet contemptus aliquis Dei, ejusque gloriæ injuria, pœnæ & plagæ in communis: obstinatio propria, & aliena in malo, inefficacia laborum circa proximos &c.

Hæc consideremus in nobis, & in rebus nostris, & prout sapius dixi, aliena considerare non vacabit, non libebit.

*Quarto vacabit* Confidentia, recursum, candori, manifestationique sui, in omnibus necessitatibus suis, (præcipue autem internis) coram Patre, & cum Patre suo spirituali. Nulla res æquæ est odiosa diabolo, quam hic recursus ad Spirituales Patres, sui que manifestatio in Tironibus. Nullam rem majoribus pluribusque occultioribus & manifestioribus etiam artibus, diabolus impedire ac disturbare conatur, & solet in animo & corde teneri Religiosi, quam

recursum cum suis tentationibus, dubitationibus, necessitatibusque, ad Patres Spirituales. Hoc studium quamdiu diabolo apud Tironem succedit, quamdiu, inquam, illum in hoc obsequentem habet, ut non recurrat, ut se, suaque non aperiat, tamdiu diabolus in pacifica possessione est Religiosi, & securus est, & pro arbitrio suo tractat, tentat, vexat, exagitat, & versat miserum hominis animam conscientiamque: tunc tantummodo illi remittens & indulgens modicum, quando advertit miserum parare accessum ad Superiorem Spiritualemq; Patrem, tunc enim tantisper cessat, levitatem materiæ & meras nugas proponit, quibus aures Parris obtundere indignum sit: Vides (ait interius ad aurem diabolus) nihil esse, jam cessarunt molestiæ, quid afferes, aut dices? Ridiculus eris hæc narrans. Potes tu tuo Marte hæc abijcere, & vincere, hæcenus nihil damni retulisti. Occupatus est interea Superior: impeditum invenies: molestus inturbator aderis. Deperdes de opinione apud Superiorem: putabit te tentatum, inconstantem: Adibis postea, non modo &c. His similibusque suggestionibus astutus diabolus avertit imprudentem a Superioris accessu, & in suis retibus tenet miserum, atque ex intervallo rursus aggreditur, & tanto maiore fiducia, audaciaque infestat, quanto illum fidiorem in tacendo, sequi occultando, iam expertus est, & quanto minus in eo animi resolutionis, ad sese manifestandum Superiori agnoscit.

Est hæc ratio agendi cum Tironibus demoni, & hæc ratio obsequendi demoni apud Tirones adeo vulgata, adeo quotidiana: ut ex 100, aut 1000 Tironibus, vix unus reperiatur, qui hac ratione non sinat sibi a diabolo illudi. Et quamvis experientia propria alienaque doceantur, pestilentiam istam, nequaquam tamen post experimeta, satis discunt eam fugere, atque animum simulant, quo se audeant Spiritualibus Patribus aperire. Usque adeo tenax est natura humana sui juris in amore proprio, inque indulgendo amor eidem: quæ indulgentia potissimum in sui occultatione apud Superiores exercetur. Potissimum dico apud Superiores & Spirituales Duces, nam experimento quotidiano scimus Tirones, facilius cuilibet alteri tentationes afflictionesque suas internas & pericula manifestare, quam suis Patribus atque Magistris Spiritualibus: a quorum notitia & communicatione nescio quo naturalis vitiositatis morbo libenter abhorrent, eorumque congressus conspectusque vitant: ab ijsque ignorari &



ri & curant, & gaudent. Perversissima prorsus ratione, & ad animarum ruinas, atque damna accuratissime prorsus facta: Cū enim substantia & essentia Spiritualis vitæ sistat in hoc, ut Religiosi à Deo gubernentur: fitq; hoc eorum, quod à Deo pro sæculo relicto referunt, unicum & summum hujus vitæ præmium: & propter hanc Divinam obtinendam gubernationem, providentiæ ejus circa se curam, & mundum deferunt, & curam sui omnem deponunt, & libertati omni ad se regendos, ad commoditates, ad possessiones omnes abrenuntiant, idq; etiam voto firmat: Deusq; ex pacto inito hanc Religiosis providentiam suam curamq; obligat, eamq; per solos Superiores, Spirituales exercet, & impendit, fidemq; suam Religiosis exsolvit: versutiā diaboli, & perversitate amoris proprii induci Religiosi, à Superioribus suis ab eorūq; congressu, recursu, notitiā, regimine, manibus, atq; pedibus refugiunt: ipsiq; se se omni quā possunt ratione occultant, occultariq; gaudent, quō misero agendi modo, id efficiunt, 1. ut rescindant pactum suum cum Deo, 2. ut reiiciant Deum à sui curā. 3. ut excidant à Providentiā Dei. 4. ut relinquatur sibimetipsis, & à Deo illis non provideatur, neq; opportuna auxilia in temptationibus offerantur, utpotē qui ordinariā viam, quā Deus gubernat, & quā sola solet, teneturq; ex fide conventā, gubernare Religiosos, reiecerint, reliquerintq;. Inde impossibilis est Religiosis talibus profectus, in virtute impossibilis est securitas, ac immunitas à tentationibus, impossibilis est declinatio casus, & ruinæ. Non enim habitantales Religiosi in adiutorio Altissimi, non sunt, nec morantur in protectione Dei cœli, exciderunt ab eius Providentiā, relicta est, eis domus sua deserta. Mundata est aliquatenus domus illorum scopis: sed interea vacant à custode & inhabitatore provido, & Rectore Deo, unde ad sic inventam vacuum, diabolus, redit ad eam assumptis secū 7. spiritibus nequioribus se, & intrant omnes in eam, & habitant ibi, & fiunt Religiosi illius novissima, prioribus pejora. Quæ utinam experimentis non probentur quotidianis, nimio plus vera esse.

Hæc si movent (& certē movere maximē debent) animum Religiosi: statuat ergo apud se, cum omni simplicitate, filialiq; cā-dore, in omnibus recurrere ad suum Ducē Spiritualem: deq; omnibus cum eo conferre: neq; se frivolis illis suggestionibus à Di-

abolo atq; amore suimet obijci oggeriq; solitis, à recursu, ab accessu manifestationeq; sui coram Spirituali suo Patre avocari sinat. Certissimē & plenissimē sciens, tamdiu se tutum fore ab omni diaboli impetitione, ab omni ruina Spirituali, ab omni retardatione in profectu, quamdiu recurrere non desinet ad Magistrum spiritus sui: è contra autem: infallibiliter futurum credat sci-atq; tamdiu se in vinculis diaboli fore, tādū illusionibus diaboli obnoxium mansurum, tamdiu nec in Spiritu virtutibusq; profectum facturū, tamdiu Spirituale prudētiā discretionisq; donum non gustaturū, tādū extra Ordinem & curam tutelamq; Providentiæ Divinæ futurum, quamdiu se occultaverit Spirituali suo Patri. Habebit ergo Tiro certa & conventa sive assignata tempora à se, & à Patre suo, quibus recurrat, & quorum rationem reddat, quibus tamen semper addet omne id quod interea extraordinariē sibi cum animæ suæ statu acciderit: sicut etiam, non expectabit tempus solitum, sed veniet quoties opus esse sibi judicabit.

Concludam hoc caput: si mentem Sancti Patris Ignatii Fundatoris nostri, eā de re Tironibus proposuero, etsi illam in sum-mario habeant, satis frequenter expressam. Regulā sum. 6. sic habetur. *Quisq; suum stabilem habeat Confessarium, cui ipsius Conscientia prorsus aperta sit.* Et mox Regulā 7. dicitur: *Debet quisq; suo Confessario totam suam conscientiam aperire, ut nihil ignorando, quod ad eam pertinet, melius in Domino possit eundē iuvare.* Sed potissimū res hæc urgetur Regulā sum. 41. ubi sic ait S. Pater. *Nullam debent celare tentationem: quā Præfectorerū Spiritualium, vel Confessario, vel Superiori non aperiant, Imò verò totam animam suam illis integrè manifestam esse pergratum habeant: nec solum defectus aperiant, sed etiam penitencias, vel mortificationes, vel devotiones, ac virtutes omnes: pura voluntate optantes ab illis dirigi sicut à rectitudine desisterent, nolentes suo proprio sensu duci, nisi conveniat cum iudicio illorū, quos Christi Domini Nostri loco habeat.* Totam hanc doctrinam idem S. Pater Noster, in Regulis ad Spiritus dignoscendos assignatis Regulā 13. hac similitudine appositissimā illustrat. *Inimicus noster diabolus morem sequitur nequissimi, cuiuspiam amatoris, qui puellam honestorum parentum filiam, vel uxorem viri alicuius probi volens seducere, summo opere procurat, ut verba & consilia sua occulta sint, nihilq; reformidat magis ac agrè fert, quam si puella*

Patri



Patri suo, vel uxor marito illa patefaciat: cum sciat hoc pacto de votis & conatibus suis actum esse. Ad eundem modum obnixè satagit diabolus, ut anima quam circumvenire cupit ac perdere, fraudulentas suas suggestiones teneat secretas. Indignatur verò maxime & gravissime cruciatur, si cui vel Confessionem audienti, vel Spirituali homini molimina sua detegantur, à quibus ita excidere se funditus intelligit. Hæc S. Pater ad omnium quidem, at potissimum, ad Tironum usum utilissimè.

*Quintò vacabit* Fugiendis familiaritatibus, amicitijsq; & confidentijs privatis, cum uno vel altero, vel pauculis, in præjudicium communis & omnibus debite charitatis. Hoc solet contingere, quando unus & alter, inductus sive morum, naturarumq; similitudine, sive affectuum adhæsione, sive ingeniorum, ætatis, vicinitatis, munerum, officiorum, eventuumq; non valde disparium occasione, eam inter se contrahunt, non dico amicitiam, sed cōspirationem, consociationem, confederationemq; qua sibi solis tantum adstringuntur & adhærent, alios autem non alia de causa, quam quia similes non sunt, excludunt: neq; tantum excludunt, sed etiam repellunt, fugiunt, averfantur, quin etiam (malo vires fumente) persequuntur. Ab hac connexionione privata fit, ut qui sic nexi sunt, ipsi tantum esse velint secum, & quærunt: ut secum assidue sint, cum possunt, cū autem non possunt, vel prohibentur esse, tædio afficiuntur, indignantur, clandestinas artes occasionesq; conveniendi suffurantur, quantoq; magis ab invicem separantur, tanto ipsi impotentius mutuo alligantur, & in mutuum occursum ardent.

Hoc malum, communitatum est pestis, charitatis venenum, dissidiorum, discordiarumq; seminarium, murmurationum, suspitionum, diffidentiarum, schismatumque seges, disciplinæ convulsio, Religiositatis ruina, Apostasiæ janua; De hoc malo imprecatur Apostolus, dicens: *Vtinam abscindatur, qui vos conturbant:* (Gal: 5. 12.) revera enim tales, particulariter impotentibus affectibus inter se connexi colligatiq; aliud sunt nihil, quam conturbatio fratrum, & pacis atq; Unionis animorum exilium, excidiumq; Hæc labes potissimū dominari, atq; etiam nocere solet inter juvenes: quorum ut ætatis ita & affectionum paritas immortificationi conjuncta commodior, & vehementior esse solet ad conspirandum,

adhærendumq; mutuo, quare quàm maxime advigilare debent juvenes Religiosi, sibi met ipsis, (atq; etiam ab alijs qui præsunt advigilari debet,) ne in hunc diaboli laqueum, opinione perniciosiorem, vitiositate agglutinationeq; affectuum tuorum incendant. Curent æqualiter adhærere omnibus, æqualiter amare omnes, & æqualem omnibus charitatem, benevolentiam, officiositatem, reverentiamq; adhibere & exhibere. Quod si aliquando sentiunt, se ad aliquos affici vehementius, esto videatur id ab occasione, & à fonte bono promanare, puta quod ab illis plus juventur in spiritu, quod ab eorum colloquio, & exemplo videantur sibi meliores effici: tamen ob hoc ipsam cautiùs & rariùs cum eis agant, quod se affici illis teneriùs, impotentiusq; agnoscent: illa enim ipsa teneritudo, impotentia & vehementia, ardorq; affectus adhærentis, & tendentis, & conversari cupientis, potest ac solet dare diabolo, magnam non tantum occasionem, sed etiam fundamentum inædificandæ pestilentissimæ privatæ conspirationis: efficereq; ut tandem qui in spiritu cæperant, carne consummentur, & consumantur.

Quamobrem his indicijs nascentem, vel natam in se hanc pravam affectionem cognoscet, quisquis volet: si ad alium afficitur, sic ut tædio afficiatur eum non videns, atq; non alloquens, vel non assidens. Si illum alium præteritis alijs quærat, expectet, eiq; assidendi & loquendi occasionem veniet. Si ab eo sejungi, vel cum eo non cōjungi molestè fert, atq; impatienter. Si in occasione loquendi cum ipso, effundit se plenius, viscerosius, cum contestatione amoris sui erga illum, cum cupiditate ut ille nōrit, quod & ametur, & multum ametur, atque ut vicissim respondeat amor, amore. Si missitatio munusculorum & schedularum intervenit: si loca remota, obscura, occulta, clam arbitris, colloquendi quæruntur. Si contrectatio manus, vestis, brachii, aliaque similis non vitatur. Si aperiuntur mutuo consilia, proposita, & approbatio eorum exquiritur: Si de alijs obloquutiones judicijq; & narrationes feruntur: Si aversio & abalienatio, saltè verò occultatio Superioribus locum habet. Si alii ac præsertim meliores, magisq; disciplinæ observantes contemnuntur, fugiuntur, irridentur, atque exagitantur, scommatis, sarcasmis, diceriisque lepidis, amaris, subobsæanis perstringuntur. Si oculis, nutibusque



busque oculorum, frontis, nasi, manuum, aliarum partium corporis, colloquia & consensus animi, vel à longè vel à propè manifestantur. Hæc similiaque prout magis vel minus locum alicubi, aliquorumve in moribus & convictu habent, ita etiam plus minusque adultam vel nascentem hanc pestem, manifestis, indubitatisque, indiciis demonstrant. Ab his ergo Tiro & juvenis Religiosus erit, quam remotissimus ipse & alium quemlibet se suaque, tali conjunctione removebit, & si quam vel in se ad alium, vel

in alio ad se, vel ad aliquem alium in alio, hujus ignis maligni scintillam notaverit, eam quàm primum, cum omni candore atque charitate Patri suo Spirituali detegerit, atque manifestabit, prout cognitam habuerit: ut maturè extingatur malum: ne si forte serpat, usque eo invaleseat, ut non possit nisi cum aliquorum perniciem, & excisione restingui ac sanari. Ita enim fieri amat in hoc malo: ut nisi maturè obviatur & prudenter, sanari demum aliter nequeat, nisi ejectione aliquorum ex Religione.

## EXERCITIA QUINTI MENSIS.



Quintum Tirocinij Mensis, Religiosus impendet exercitijs subsequendis.

*Primo vacabit.*

Operum quotidianorum perfectioni, seu perfectæ, exactæque, & omnibus quoad potest fieri numeris absolutæ transactioni. Summa, tota, compendiosaque perfectio est hæc Religiosi hominis, ordinaria benè perfectæque peragere. Hoc primum, hoc solum, hoc semper in vita præstare Religioso sufficit: plura ab illo non requiruntur: imò nec acceptantur, si omissis aut obiter perfectis ordinariis, quamlibet magna & insignia alia obtrudantur. Dicitur talibus à Deo: *Quis quasiuit hæc de manibus vestris?* Isa: 1. 12. *Ecce in leivinis vestris invenitur voluntas vestra* &c. Is. 58. 3. Magna insania est, & tamen inter Religiosos quoque, vulgatissima, ac idè iam non insania, sed recepta consuetudo, negligere, vel neglectim ordinaria, communiaque facere: aliqua autem alia, tanquam scilicet opera supererogationis, & perfectionis amplioris peragere. Nullo quidem alio operæ pretio, quàm prævaricatione Divinæ voluntatis, Vitæque communis ac disciplinæ corruptione, meriti amissione, diabolica illusione, & insultatione, temporis & laboris iactura. Magna enim & mera est iactura temporis, bona non benè agere: illusio etiam manifesta:

quia homo satis esse putat, bonum egisse: absque cura benè agendi, qui est intolerabilis error in vita spirituali, maxime Religiosa, in qua diabolus non hoc curat, ut Religiosi non agant bonum: id enim difficile fieri potest, ob vigilantiam disciplinæ: sed hoc maxime satagit, ut bona quæ agere coguntur, negligenter, & non benè agant: ad hoc enim non pertingit cura Superiorum, & disciplinæ, cum in interiori applicatione consistat: & à fervore Spiritus charitateque procedat, quæ si non est, mox tepor regnat, & perfunctoriè bona, ad oculum solum, metu penæ peragit. Inter prima igitur documenta, suum per Tirocinium Religiosus novus observanda seponat, atque ad extremam prorsus senectam, servare pergat Ordinariorum perfectam transactionem.

Sciendum porrò. 1. Aliud esse bonum agere: aliud benè, illud substantiam, hoc modum operum, actionumque dicit. Religiosi habent hoc à Religione beneficium, quod ab ea constitutas, præscriptasque habeant omnes pro tota vita actiones, ita ut hac eos cura distineri minime sit opus, quid agant, quid agere debeant. Habent enim hoc à Religione, & à Superioribus præscriptum & designatum, à quibus quidquid designatum est, hoc ipso rectum & bonum, censeretur: nisi manifestum peccatū designatum esset: quod nec Religio, nec Prælati Religiosis potest: quin continuò

nomen



**M**omen & jus suum, quoad hoc amittat. Sola & una est Religiosis cura relicta, bene peragendi ea, quæ ordinata sunt: & hæc quidem non integra etiam. Nam & eadem curam non parum ex parte aufert providentia ordinantis, quæ non tantum quid agendum, sed etiam ubi, quando, quandiu, cum quo, juxta quam normam agendum sit, ordinat & præscribit: in quibus non modica bene agendi portio consistit: sed unica illa Religiosis agentibus & actoribus est cura relicta, quæ ab internâ cujusq; devotione, piaque voluntate descendere debet. Hæc etsi plurimas complecti potest rationes, quibus opera nostra sublimari & perfici magnopere, cum ingenti merito gratiæ atq; gloriæ supernaturalis, nec non præterea cum multiplici aliorum bonorum accessione: quas recēdere longum & ab hoc loco valde alienum est: tamen ad pauca præcipua capita revocari possunt. Sunt autem hæc: 1. Intentio, 2. Attentio, 3. Devotio, seu fervor 4. Conscientia, seu

**P**erseverantia, ad quæ omnia deducit Charitas Dei, hæc enim docet nos omnia, quæ agēda sunt, Agere dignè Deo: seu, ita, quomodo dignus est Deus, quomodo placet Deo, ut placeat Deo, sub quâ una re, quàm multæ perfectiones excogitari possunt, sublimitatesque inveniri, tam multas contineri, manifestum est cuilibet, si modo sensum verborum percipit.

Igitur Tiro, quidquid agat maximum, juxta ac minimum: Curabit ut sit in substantiâ suâ vel bonum, vel saltem non malum, sed à circumstantiâ aliqua honestabile, quod potissimum ab Intentione, obedientia, charitateq; fieri debet. Curabit deinde ut agat suo tempore, loco, modo, suo inquam, id est eo, quo in Religione præceptum, receptumq; est, & juxta ea, quæ sunt de hoc, vel illo opere in Regulis, vel Instructionibus præscripta, consuetudineque maiorum laudabili recepta & approbata. Curabit præter hæc, ut agat Intentione bona supernaturali, sublimi, perfecta, plena: quæ de re supra satis dictum est. Curabit etiā ut agat cum attentione, applicatione, diligentia, & reverentia, tanquam in oculis Dei præsentis & spectatoris. Curabit ut agat devotè seu ferventer, non in charitate tantum & gratia, sive amicitia Dei, (hoc enim supponitur in Religioso, quod non sit in peccati mortalis statu, in quo nulla opera hominis, Deo sunt grata,) nec solum ex charitate, vel pro charitate, quia hæc

intentio secum adfert, sed etiam cum charitate, eaq; ferventi ignita, & tali, qualis est ardentè, amantium propria. Curabit ut agat constanter, exactè, omnibus numeris absolutè & perseveranter, juxta præscriptum. Curabit, ut agat unitè ad merita Christi: ad instar etiam Christi. Curabit, ut agat semotis imperfectionibus, non tantum intrinsecè, opus ipsum vitiantibus, sed etiam extrinsecè adiunctis, sive operi, sive operanti: quales sunt levitates aliquæ externæ ac immodestiæ: Curiositas sensuum: cognitiones de rebus impertinentibus, aut non pijs: intuitus ad gustum hominum, aut ad proprium commodum, puta laudem approbationem: garritio non necessaria: præcipitatio in agendo, vel lentitudo & mora inutilis, aliæq; id genus imperfectiones, ex quibus navi adhærent, coram Deo ipsi agēti, ac propter eum etiam sæpè ipsi actioni. Sic agere est dignè Deo agere: vel ut de Salomone dicitur, hoc est: *Magnificè Sapientiam tractare.* (Mach. 2. 9.) vel ut in Apocalypsi à quodam requiritur, hoc est: *plena opera habere coram Deo, vel solitè ambulare cum Deo, vel dies plenos possidere*, ut scripturæ loquuntur. Sic agere, est Ordinaria, non ordinariè, sed perfectè ac sublimiter, Heroicèq; agere. Sic agere Sanctitas est, & quidem sine periculo admirationis & humanæ laudis, sed est humilis, & solis nota Divinis oculis, & maxima in minimis: pretiosissima in vilissimis. Sic agere, qui didicerit legem implevit. Sic agere, qui assuevit, & in morem sibi induxit, huic, non est lex posita: sed ipse sibi, & alijs lex est. Sic agere, est & *lucentem & ardentem lucernam esse.* Sic agere, est quodlibet opus, Heroicum & Superogatorium opus facere, est Deo cælum in terra repræsentare: est sic in terra voluntatem Dei, sicut & in cælo adimplere. O sic agere condiscat Tiro, & in sic agendo, ad ultimam mortem perseverare assiduè curet Tiro. Sic enim agens omnibus veteranis par erit Tiro: & in brevi explebit tempora multa.

**S**ecundò vacabit Custodiæ exercitioque, & amoris Munditiæ externæ circa seipsum, in vestitus sui munditia & compositione, in lectuli, in loci sui, seu cubiculi mundo & decenti nitore: in rerum omnium quibus utitur munditia, ordine, conservacione. In officii sui, nec non rerum ad suū officium pertinentium, munda & integrâ conservacione, esto res sint viles, sint vetustæ.



Haec cura atq; Virtus, Iudicio S. Patris nostri utilis est, ad valetudinem conservandam, & ad ædificationem proximorum, proinde vult illam nostris hominibus magnæ curæ, estq; omnino necessaria his, qui cum proximis versari volunt. Est etiam index castitatis, est comes paupertatis: est exactæ obedientiæ propria filia, soror modestiæ, deniq; alumna diligentæ. Discat ergo Tiro, ab initio conversionis suæ, pro tota vitâ suâ mundè & decenter tam circa seipsum, quàm omnia habere, atque conservare, operamq; dare, ut quàm diutissimè in sua integritate conserventur. Quod quidem facillè assequetur: si Domum Religiosam esse domum Dei, domumq; Sanctorum cogitaverit: si Res omnes quæ domi, quæ apud illum sunt, pretium esse sanguinis Christi ejusdemq; patrimonium sibi persuaferit: si res suo usui vel curæ cõcessas, commissasvè Christi Divitias, & famulorum Dei usibus deputatas res crediderit. Itaq; nec dispersas res suas, nec temere possitas, nec luto infectas, nec pulvere oblitatas, nec laceras, nec immudas, nequè confractas esse sinet: sed in competenti ordine, munditiq; conservabit collocabitq; tanquam si quotidie ab aliquo magnæ auctoritatis viro essent, vel inspiciendæ, vel in usu habendæ. Revera enim & à sanguine Christi pretium habent: & de Patrimonio Dei sunt: & nobis tantum ad usum, aut ad conservationem dantur: & servire adhuc aliis debebunt, & in Angelorû in Sanctorum, in Dei filiorum oculis manibusq; versari solent. Accedit quod à singulorû munditia, totus confurgit domûs, & ordo, & mundities: Sicut è contra singulorum esto paucorum immundities, totam domû reddit inquinatam, & externorum inventium, vel videntium fugillationi expositam. Magni ergo estimabitur à Tirone hæc virtus, ejusq; exercitatio inter curas non postremas habebitur. Dicebat S. Bernardus. *Paupertatem quidem amo: & sordes non amo.*

*Tertiò vacabit.* Exercitio Resignationis in Dei voluntatem, nec non Indifferentiæ ad omnia, & in omnibus etiam minimis. Maxima Virtus Resignatio: & revera apex, consummatioq; Virtutum, ipsius etiam Charitatis: si in sua latitudine, tota sumatur resignatio: cæterum hoc loco paulo pressius tam sumimus eam, quàm

præcipimus: etsi extra dubitationem cuilibet Religioso, potissimum autem Nostræ Societatis eam virtutem, in omni perfectione sua, maximè necessariam esse confirmemus. Sed quia in præsentī hoc non agimus: quod ad Tironis exercitium satis erit, tractamus.

Resignationis exercendæ in Tirocinio sunt minimæ quidem frequentes, tum occasiones: & ex quidem ideo, ut in minimis pudeat Tironem non vincere, in frequentibus autem facile sit discere practicè victoriam propriæ, sequelam Divinæ Voluntatis. Quod Tironibus in hebdomadas, dies, horasvè, studia, exercitia, labores, socij, loca, lecti, vestes, libri, mutantur: quod consultò ea quæ cupiunt, negentur, subtrahanturq; ea, quæ nolunt, imperentur operanturq; quod consultò festinantibus mora, morantibus festinatio injungatur: quod tali vel tali modo tractetur: hæc & similia non alio consilio sunt, quam ut Tirones obedientiam, subjectionem, dependentiam, tractabilitatem, mansuetudinem Spiritus, mortificationem cupiditatis, designationumq; abnegationem propriæ voluntatis & iudicij, Resignationis & indifferentiam ad omnem nutum Dei projectionem & fiduciam, sui in Providentiam Divinam, ediscant penitus, imbibantque medullitus: & fiant instar senilis Scipionis & baculi, instar mortui cadaveris, quod se tractari versariq; finit, juxta omnem voluntatem alienam, absq; ulla resistantia, cumque omni in omnibus mutationibus æqualitate & imperturbabili pace. Sciat ergo Tiro valde miserum turpe & à statu Vocationeq; sua alienum esse in supradictis occasionibus turbari, passione moveri, obmurmurare, conqueri, hæc enim qui faciunt servum se propriæ voluntatis, non Divinæ amatorem ostendunt: & nisi se strenue nunc inter hæc minutas occasiunculas vincere addiscat, maximis se versaturum jactandumq; in difficultatibus toto vitæ suæ tempore certò sciat. imò se ad Religionem hanc ineptum nòrit.

Sciat etiam Tiro turpe esse prævolare cogitatione, quid de se, deq; alijs sit statuendum, colloqui hac de re cum alijs, designare apud se, in desiderio quid potissimum velit aut speret, quidvè nolit præcurrere ante tempus, vel ante alios ad Tabellam, in quâ officia nova sint proposita. Bonus & prudens Tiro talia omnia importunæ voluntatis



tatis, cupiditatisq; immortificatae argumē-  
ta rescindet à se uno Resignationis & San-  
ctæ Indifferentiæ argumento, dicens. Do-  
minus regit me: & nihil mihi deerit. Dominus  
providebit sibi victimam. Pater mi, fiat volun-  
tas tua sicut in cælo & in terra. Pater non mea  
voluntas, sed tua fiat: Non quod ego volo, sed  
quod tu. Meus cibus est, ut faciam voluntatem  
Patris mei, qui in cælis est. Sicut mandatum  
dedit mihi Pater, sic faciam. Calicem  
quem dedit mihi Pater, non vis ut bibam illum.  
O Domine venit hora, ut frangatur rebellis vo-  
luntas mea. O Domine ad te nostras etiam rebel-  
les compelle propitius voluntates. Hic est Spi-  
ritus, hic est genius Sanctæ Resignationis,  
ad hunc solem exploret se, quilibet Socie-  
tatis Tiro, tanquam aquilæ pullus utrum ge-  
nuinus sit & non adulterinus fætus. Si enim  
talis ei Spiritus non sapit: spurium vitula-  
men esse non est dubium: si talem amat,  
& deliderat facilitatem & tractabilitatem  
mentis, non est alienus: sed est filius ejus  
qui dixit: Non veni facere voluntatem meam,  
sed eius qui misit me, Patris. Expe-  
ctet ergo omnem de se dispositionem, qui-  
libet Societatis Filius, tanquam de manu  
Dei: acceptet, osculetur, veneretur, exe-  
quatur, ut talem, pro ea gratias agat cor-  
diales Deo, qualiscunq; demum ea fuerit;  
certò sibi persuadeat eam esse sibi, hoc tem-  
pore convenientiorem, indubitateq; ad sa-  
lutem & profectum magis, quam si per om-  
nia gustui suo factum fuisset satis. Hoc  
enim nihil est periculosius coram Deo: quia  
hoc est tradi in reprobum sensum, & in de-  
sideria nociva, & animo irreverenti & in-  
frunito.

Quocirca hoc censere debemus. optimū  
nobis quod Deus vult & ordinat per Supe-  
riores, in quacunq; demum circumstantiā  
eveniat ordinatio ista: Novit namq; Deus  
omnia quæ circumstant: novit eventus fu-  
turos. Novit bona nostra & commoda:  
amat ut vult & curat illa nobis melius im-  
pensiusq; quam nos. Magis enim diligit  
nos Deus, quam ipsi nos, quia magis no-  
vit nos suos esse, quam nostros, quocirca  
cum summo gustu, absq; ulla amaritie for-  
bendus est de manu Dei oblatus calix: quia  
non poterit non esse salutaris, quibuscun-  
que demum sit mixturis temperatus. Hoc  
ingenium qui sortitus, qui assecutus est à  
Deo, factus est supra mundum, supra om-  
nem mutationem, excessit aëra & nubes,  
adeptus est pacem, quæ exsuperat omnem  
sensum, omnem Crucem exhaustit, & ver-

tit in delicias: non reliquit sibi ad inquietu-  
dinem, ad sollicitudinem, ad molestias vi-  
am, adeptus est Dei omnipotentiam: & cum  
voluntate Dei, ita coaluit, ut tam illa ipsi-  
us, quam ille ejus juris sit: fitq; dubium.  
Deusne suam voluntatem, ejus voluntati,  
an ille suam Divinæ resignaverit vel con-  
formaverit: usq; adeo non tam homo Dei,  
quam Deus hominis obsequitur in hoc sta-  
tu voluntati. Supra quod virtus in hac  
vita altiùs non ascendit: estq; status Beatus  
in cælo hoc uno felicior supra istum, quia  
immutabilior isto. Ad quem utinam non  
tantum Tirones, sed etiam Tironum Ma-  
gistri: ipsorumq; Magistrorum Patres per-  
veniāt, pervenireq; satagent! Sed de hoc  
Exercitio plenior recurret tractatio inferi-  
us, Mense scilicet II. Exer: 5. ubi de Unione  
& conformitate cum voluntate Dei ejusde-  
que amore tractabitur.

*Quartò vacabit.* Victorix abne-  
gationi, & fugæ curiositatis in noscendo,  
indagando, sciendo, narrando, conjectan-  
doq; res ad se non pertinentes. Vulgare tri-  
tumq; est de Novitijs proverbium. *Novitius*  
*est animal curiosum*, etiam non videndo vi-  
der: clausis inspicit oculos: ignota conjicit:  
& libenter denarrat ut sapiens atq; sciens  
rerum non cuilibet cognitarū videatur. Pe-  
riculosa vitiositas, & opinione vulgari ma-  
jus habens incommodum, non admittens  
tantum diabolum ad animam, sed etiam  
inducens, imò invitans & attrahens. Pro-  
pter Curiositatem, non possunt Religiosi de-  
discere mores antiquos, nec oblivisci mun-  
di, nec inolitas vitiorum ex animo delere  
imagines: Curiositatis enim vitio, & nar-  
rationibus, ac indagationibus novitatum,  
semper renovantur, & iteratò in anima &  
in memoria imaginationeq; quasi novis co-  
loribus repinguntur. Hoc igitur ager No-  
vitijs, ut ubicunq; eum esse contigerit, ni-  
hil eorum inter quæ versabitur, nullas re-  
rum personarumque imagines animo reci-  
piat, vel receptas cito oblivione deleat,  
quod faciet non commemorando apud se,  
non narrando. Non erit spongiæ similis,  
quæ etsi aquam vix tetigerit, tamen illam  
mox imbibit, leviterque compressa, eam  
statim fundit: sed sit lapidis instar, qui eti-  
am centum annis in aqua jacens, eam ta-  
men non imbibit, neq; mollescit, & quam  
primum extrahitur, mox desiccatur tam fo-  
ris, quam intus. Talem esse Religiosi a-  
nimium decet, inter externas res, personas,  
curasq;



curasq; versantem: qui aliter se habet, is inquietudines animi, evagationes, maximè inter orandum, vanissimas imaginationes, somnians, atq; vigilans pati cogitur. Neque hoc solus sustinet, verum & alios suis malis inficit; eos nempe quibus audita aut visa, aut cognita retulit. Necessè est, nimirum, impleri dictum Sacrae Scripturae. *Qui addit scientiam, addit dolorem, qui minoratur actu, Sapiens.* Quæ etiam ideo admonet: *Fili audisti verbum: serva illud: non enim te disrumpet,* sunt enim aliqui, qui quacunque re cognita, visa, audita, ita afficiuntur atq; pruritum patiuntur linguæ, ut si disrumpendi foret, si non illico apud alios, opportunè, importunè effutiverint. Similes illi apud Comicum dicenti. *Crepo erepo: plenus rimarum sum: totus hac illac persuo.* (Plautus) Quos eadè Sacra Scriptura comparat cani sagittâ vulnerato: ait enim: *Sagitta in femore canis, sic verbum in ore stulti.* Confixus canis tamdiu currit & eiulat, quamdiu sagitta non excidit: ita isti audita aliqua novitate aut curiositate, tamdiu quæritant & obambulant, donec aliquem inveniant, cui rem cognitam infunderent. Res omnino indignissima: & summè dedecens omnem quidem hominem, & maximè Religiosum spiritualemq; quibus vivendum monet Apostolus: Sicut decet Sanctos: agendaq; omnia prout ipsorum addecet gravitatē, sive honestatē.

*Quintò vacabit* Contemptui respectuum humanorum: atq; extirpationi studii satisfaciendi placendiq; hominibus, eorum judicia evitandi. Protestatur Apostolus Paulus: *Si adhuc hominibus placerem servus Christi non essem.* Et iterum: *Mihi proximimo est, ut à vobis aut ab humano iudice die.* Gravissimè autem Christus Dominus interminatur: *Qui me confessus fuerit coram hominibus, confitebor & ego eum coram Patre meo, qui autem me erubuerit, coram hominibus erubescam, & ego eum coram Patre meo, & coram Angelis.* Causa tantarum Christi & Apostoli asseverationum est, quia & Apostolus, & Christus Dominus sciens infelicissimam captivitatem, quâ vulgò etiam optimæ mētes teneri solent, ab amore proprio primū, tum deinde à studio placendi, à metu verè displicendi oculis & iudiciis hominum, quod malum, vulgò Spirituales homines vocant *Respectus humanos*, volens autem eas hac Captivitate liberare, tam prægnantes ponderosafq; uterq; protulit sententias, quibus omnia Respectuum humanorum

vincula omnesq; cippi disrumpi & executi possent. Quo etiam consilio, aliàs sapius Dominus noster exaggeratissimis sententiis respectuū humanorū servitutem à suis sectatoribus arcet. Nunc quidem docendo, eos, qui hanc servitutem serviant, incapaces esse non tantum salutis, sed etiam ipsius fidei: cum ait: *Quomodo vos potestis credere, qui gloriam ab invicem queritis?*

Nunc verò omnes istos exclusos à regno Dei, vilissima mercede contentatos pronūciando: *Amen dico vobis, receperunt mercedē suam:* Nempè vani vanam. Nunc dicendo: *Nolite timere eos qui occidunt corpus.* (graviſſimum scilicet malum, quod homo ab homine perpeti potest in exemplum ponit) *post hæc autem non habent quid faciant:* *Ostendam autem vobis, quem timere debeatis: Time-te eum, qui postquam occiderit corpus, habet potestatem mittere animam in gehennam: ita dico vobis, hunc time-te.* Quæ verba Domini, & alia plura his similia, satis indicant, non tantum curam ejus in absterrendis nobis ab hoc vitio, sed etiam malignam, pestiferamq; naturam hujus vitij. A quo vix quisquam etiam robustè perfectorum, liber planè ab experimento comprobatur. Sanctus Franciscus Xaverius Noster, respectum humanorum morbum solebat vocare *Idolum*, cui universus mundus etiam fidelium genua flectat, & sacrificia faciat: hoc autem *Idolum* vocari dicebat, *Quid dicent?* cuius idoli metu infiniti infinita, seu mala committunt, seu bona omittunt, seu bona faciunt, seu à malis abstinere: Quo etiam sensu idem Sanctus amara & alta voce repetebat verba illa. *O opinio, opinio, quanta mala in mundo fecisti, facis, & factura es?* Re-vera enim opinione mundus gubernatur, & peccat, & perit. Tolle opiniones, tolle metum opinionum, tolle spem opinionum: omnes malos sustulisti, omnes bonos fictē in verè bonos verosq; Dei servos commutasti. Hoc ergo malum opinione latius patet, validiusq; dominatur, & subiectos premit: & quod sine dolore dici nequit, in perfectorum virorum genus potissimum delavire contendit, non absq; frequenti successu.

Contra hoc malum pugnare multi nolunt, multi nesciunt, multi differunt, multi etiam dedignantur, & nescio an puerile, an supervacaneum credunt. Cum tamen hoc malum, vel maximè formidandum sit ijs, qui illud minimi faciunt. Hoc enim malum ex eadem radice, cum superbia &

vana



vanā gloria, & hypocrisi, & amore proprio, & pusillanimitate, & tepore acediaque excre-  
scit: omnibusque his fidelissimè famulatur,  
& alimentum copiosum subministrat.

Contra hoc malum (mea quidem senten-  
tia) ab initio statim conversionis, vitæque  
spiritualis pugnandum est, hæcque pugna,  
semper continuanda donec ad finem vivē-  
di pugnandique veniatur. Sed, uti dixi, ab  
initio statim huic pugnae afuescendum est:  
nam alias si initio non fuerit expugnatum  
aut saltem oppugnatum strenuè, deinceps  
fiet malum domesticum intrinsecumque:  
ac per hoc inexpugnabile: quia nimirum  
familiare. Adeo quidē, ut etiam inter vir-  
tutes, prudentiæ potissimum & discretio-  
nis, sit cum tempore collocandum & con-  
numerandam. Tiro igitur Respectuum  
humanorum erit, & ab initio & tota deinceps  
vita Religiosa, implacabilis acerrimus  
vigilantissimusque hostis: occinens illud  
sibi vel Apostolicū: *Mihi pro min. mo est, &c.*  
*Si adhuc hominibus placerem, servus Christi non*  
*essem, vel Christi Domini Qui me erubuerit co-*  
*ram hominibus.* Vel illud nescio cuius. Pro-  
pter te Domine, propter te: vel illud Bernardi:  
Non propter te cæpi, neque propter te finiam. vel  
illud cuiusdam ex nostris priscis Patribus.  
Ecce ego Domine & omnia mea coram te: Non  
propter me, non propter consuetudinem, non  
propter alios, sed propter te Domine Deus meus  
& omnia &c. vel illud Christi Domini. Si-  
cut mandatum dedit mihi Pater, sic facio. Et ita  
Pater quoniam sic placitum est ante te. vel il-  
lud Davidis: *Et exalteretur Deus saluti meæ.*

Ad hanc pugnam bene feliciterque per-  
agendam primarie juvabit Tironem inten-  
tiones bonæ, rectæ, & puræ studium frequē-  
tatioque, de qua supra dictum est, cum re-  
spectus homini directe intentionem bonā  
avertant. Iuvabit etiam. Præsentia Dei  
æstimati super omnia, atque amati, ei-  
que soli placendi studium. Invabit etiam (&  
nisi fallor maxime, quanquam & ab aliis  
juvanda est auxilijs) sancta Spiritus liber-  
tas, atque Dominium in Virtute, qua ho-  
mo tanquam in suo Regno tanquam in sua  
domo, tanquam in suo fundo plantat ope-  
ratur ædificat opera virtutis, cum omni li-  
bertate, & uti phrasis est Evangelica, tan-  
quam potestatem habens. Ad eum modum  
planè quo sæculares homines] sæcularia  
sua opera studiaque etiam peccaminosa o-  
perantur libere inter se & absque pudore:  
ita etiam Religiosus, vel potius Religiosi o-  
perari debent, opera virtutum & perfectio-

num & sanctitatis omnis receptæ atque cu-  
jusvis in Religione absque metu, absque  
verecundia, absque retardatione, & rever-  
beratione seu reverentia alienorum oculo-  
rum, & scientiæ.

Sicut enim mundus est regnum vitiōrū,  
ita Religio est Regnum Virtutum: & sicut  
virtus abscondit opera sua in sæculo, in quo  
vitia perfricta fronte incedunt: ita in Reli-  
giosa domo Virtus quidem sine verecundia  
(ut sic loquar) incedere debet: vitia verò  
in angulis delitescere, vel potius exulare.  
Alioqui vix & decies vix Religioni illi &  
communitati illi in qua Virtus quidē pro-  
bro & verecundiæ est, angulosque & latebras  
querere cogitur irrisores, censores, osiores,  
& discolos, vitia frontem palam sunt & ef-  
frontem ostentant, & inter mores, urbani-  
tatesque cōputantur. Talis enim comuni-  
tas non tantum est ruinæ vicina, sed corrui-  
tam. Nullatēque furorē Dei expectat pro-  
pter abominationem desolationis stantem  
in loco sancto, in quo non debet.

Maximi ergo faciat, & maturè consue-  
scat, Tiro huic exercitio contemnendorum  
respectuum, evertendi-que Idoli. Quid  
dicent: Studeat Domino in Virtute & ma-  
gna Spiritus libertate conservet heredita-  
tem suam, sibi atque Virtuti & Disciplinæ  
Religiosæ, palam profitens se ad nullius  
gratiam Deum velle offendere, vel virtutē  
deferere, vel Regularum disciplinæque obser-  
vationem, integritatemque negligere. Eli-  
gatque potius: pati propter iustitiam, quā  
cum lupis (ut ajunt) ululare, & aggregari  
discolis, stareque vel abire in via tepidorum,  
ad provocandam iram Dei super omnes.  
Stet potius ex adverso & opponat se murū  
pro Deo: cum omni humilitate mansuetu-  
dine patientiā, constantia: neminem da-  
mnando & judicando, nulli tamen in-  
malis moribus communicando, propter  
nullius censuras aut irrisiones, aut gratias,  
à recta virtutis via deflectendo. Talibus  
enim servis delectatur Deus, & pluris u-  
num talem præ multis tepidis facit, per ta-  
les, alios plerumque confundit & emendat:  
alios verò infirmos corroborat & erigit:  
ut & ipsi audeant propter virtutem aliquid  
tum agere, tum pati. Talibus dicit Do-  
minus de talibus *Dedi faciem tuam valentio-*  
*rem faciebus eorum:* Et *Dedi te in murum fer-*  
*reum.* Talem fuisse Ioannem Baptistam:  
asseruit Christus de eo dicens. *Quid ex istis*  
*in desertum videre? Arundinem vento agitata?*  
Veri enim Dei servi, ac præsertim in hac



minimā Societate debent esse Lucernæ ardentes & lucentes, neutrum deesse illis debet. Est enim (ut ait Bern:) tantum lucere vanum, tantum ardere parum: lucere & ardere perfectum. Lucent porrò servi Dei, quando proximis per bona opera viam vivendi monstrant: ardent autem, quando bona quæ faciunt ardore charitatis Divinæ conservant, secundum illud Domini quoq; dictum: *Sic luceat lux vestra coram hominibus, ut videant opera vestra bona: & glorificent:* (nō vos quidem, ait August.) *sed Patrem vestrum qui in cælis est.* Sic enim iusti vivere debent inter alios, ut bona opera illorum etiam alij videant quæ imitentur: quod est lucere: propter bona tamen illa, non ipsi operantes laudari velint, sed Pater cælestis communis, omnium bonorum dator, exaltetur. Timorem ergo hominum o Tirones Religiosi ne timueritis, sed si propter virtutem, disciplinam, observantiam, aliquid perferendum occurrerit, hoc inter lucra & beatitudinem reponetis. Beati enim qui persecutionem patiuntur propter justitiam, quoniam ipsorum est regnum cælorum: non tantum illud futurum: sed etiā in præsentī, Regnum conscientie bonæ; imò etiam successu temporis, Regnum bonæ famæ: Tales enim, qui nec displicendi motu, nec placendi studio, dimoveri à Religiositate disciplinæq; observantia, & tramite Virtutis se sinunt, tandem in admirati-

one, in reputatione, in honore, in amore, denique, quod maxime optandum, in imitatione sunt. Ita ut qui antea irridebantur tanquam scrupulosi, postmodum honorantur, tanquam boni & solidi Religiosi: & qui antea fugiebantur tanquam morosi & tetrici, postmodum æstimentur & assumantur, tanquam morum specula, & vivendi Magistri. Sic nimirum Deus glorificantes se glorificat, diligentes se diligit, & eos qui magis obediunt Deo quam hominibus, exaltat & præfert cæteris hominibus: qui autem contemnunt illum erunt ignobiles quia dilexerunt magis gloriam hominum, quam Dei.

Notandam hanc observationem atque Mutationem, notavit Augustinus, & retulit his verbis: *Cum quisq; Christianus ceperit bene vivere, fervere bonis operibus, mundumq; contemnere: in ipsa novitate operum suorum patitur reprehensores, & contradictores frigidus Christianos. Si autem perseveraverit, & eos superaverit perdurando, & non defecerit à bonis operibus, iidem ipsi iam obsequuntur, qui antea prohibebant. Tandem enim corripunt, & perturbant & vetant, quamdiu sibi cedi posse præsumunt. Si autem victi fuerint perseverantia proficientium, convertunt se, & dicere incipiunt, Magnus homo, Sanctus homo, felix cui Deus concessit. honorant, gratulantur, benedicunt, laudant.* Aug: ser: 18. de verbis Domini: secundum Matthæum.



EXER.



# EXERCITIA SEXTI MENSIS.



Exti Mensis Exercitia Tiro habebit hæc quæ sequuntur.

*Primò vacabit,*

Cognitioni, contemptui, humiliationi, sui met practice quotidianæ: ita ut humiliatio sui, & vilificatio & exinanitio, & abiectio, & contemptus proprius, tam à se, quam ab aliis quibusq; susceptus, efficiatur homini panis quotidianus, esca electa, & cibus delicatus atq; præ omnibus mundanis honoribus, successibus, voluptatibusq; appetibilis. Hunc petat, hunc intelligat, hunc tota cordis fauce, tota mentis fame esuriat quotiescunq; dicit. *Panem nostrum quotidianum da nobis hodie.* Quod est ros sitienti terræ: quod est sal insulso cibo, quod est aqua pisci extracto, quod est medicamentum infirmo, hoc sit humiliatio, & contemptus Religioso: & inprimis quidem Novitio: qui quoadiu ab hoc spiritu humiliationis sui non inceperit: quoadiu hanc insatiabilem contemnendi se, & à se, & ab aliis, famem avaritiæq; non didicerit, tandiu nullum solidum in virtute profectum facturum se fecisseq; sciat. Inde incipiendum, hac pergendum, hic perseverandum usq; in finem, plene sibi persuadeat.

Quotidie igitur Tiro Religiosus, certum à se numerum, humiliationum, externarum, internarumq; cordialium, & ex animi de se abiectissimæ, (hoc est veracissimæ, debitissimæ, iustissimæq;) persuasi profectarum, tamquam irremissibile pensum exigat, quas ipse sibi ultro ingesserit, vel ingeri curaverit, vel sine cura aliunde sponte ingestas hilariter exceperit: adeo ut tristis dormitum concedat vespere quoties sibi parcus, extitisse videbitur in humiliatione, aut rarius se humiliatum invenerit ab aliis in die.

Scio, angere sæpe, atq; dubitare & inquirere Tirones, unde & quomodo se contemnāt atq; humiliēt? Unde, quærunt? quia sui notitiam non habent. Quomodo dubitat? quia praxim humiliationis non didicerunt.

Quamquam si verum fateri velimus, neutra in nobis deest notitia, sed tantum deest, utriusq; notitiæ ad nos applicatio debita & practica. Cujus rei manifestum indicium & notitia illa, quam de aliis habemus: illa inquam notitia quæ novimus, & unde, & quomodo alios humiliemus atq; contemnāmus quam notitiam, si ab aliis abductam ad nos transferremus, citò, atq; adeo statim perfectissimi in humiliandi nos arte, scientiaq; evaderemus. Ex quibus enim capitibus alij apud nos solent esse abiecti: eiusdem, & nos apud nos ipsos, (apud aliosq;) esse debemus: quoniam line dubio, nullo illorum capitum caremus. Pari modo: quibus affectibus alios quos viles ducimus prosequimur, ipsi dem nosmetipsos, & ipsi persequi: & ab aliis, ut item afficiamur optare debemus. Sed quamvis hoc ita sit, quamvis inquam, satis in promptu sit materia seu causa, simulq; modi nos humiliandi: erit tamen operæ pretium. Tironibus fontes horum omnium, atq; adeo hujus Exercitij praxim, digito monstrare.

Humilitas, seu animi demissio, utri nomē utramq; sonat, est parva & vilis, abiectaq; de semetipso opinio: Nota ex cognitione suæ propriæ vilitatis: quæ cognitio, quanto est intimior & exploratior, tanto opinio de se vilior: quanto autem opinio de se vilior, tanto animus demissior, atq; ita homo totus est efficiturq; humilior. Humilitas ergo prærequirit & supponit, tanquam fundamentum notitiam sui: producit autem tanquam fructum, abiectionem & despicientiam sui, cum alijs ad hoc ipsum, fervientibus, quæ omnia uno nomine comprehensa vocantur Humiliatio & contemptus sui. Est autem Humiliatio sui nascatur ex humilitate, sicut hæc à sui notitiā tamen vicissim humilitas propagatur, & fovetur, & radicitur, & alitur Humiliatione sui: utriusq; succum salutarem, subministrante Cognitione sui. Cognitione ergo opus est, inprimis ad humilitatē, & ad humiliationem sui.

Cognitio sui paratur tribus modis. I. Sui



Sui inspectione. 2. Sui ad alios comparisonem. 3. Sui quotidiano experimento.

Quantum ad primum inspiciat se, originemque suas homo: & cognitione, humiliatione humilitatemque; illico abundabit homo. Benè S. Bern. meditatus de homine ait: *Cuius conceptio culpa, nasci miseria, vivere poena, necesse mori.* Sed profundior est origo hominis, & fons, anima originis ejus: simulque caput abjectionis ejus: nimirum Nihil & non Ens, seu non esse, Quo fonte & capite, nihil est miserius, vilius, abjectius, contemptibilius, fragilius, indignius insufficientius. Quid enim mali & incommodi non à nihilo? Sicut in Deo nihil non est Boni: sed est omne bonum, & summum bonum, ideò quia non est ex nihilo, neque ex non esse, sed est Ens à se: est id quod est. *est Qui est: Ex 3. 14.* ut ipse in scriptura loquitur: ita per contrarium in homine, nihil non est mali, sed est omne malum: & summum malum, & pondus in omne malum: ideò, quia est ex nihilo & nihil, & non Ens, neque ullis viribus potest extrahi ex nihilo, ita perfectè & plenè, quin infinities plus non sit, & nihil sit, vel bonum sit. Semper enim homo (& id de omni creatura judicium) quantumcunque perfectus sit infinities plus habebit de imperfectione, & de non Ente ac nihilo, quam habebit de perfectione & Ente. Quod non discursu rationis, sed manibus palpare possumus. Da hominem debitæ staturæ, quoad corpus atque formæ, & valetudinis, & elegantie, & roboris, da quoad animam magnæ memoriæ ingenij, sapientiæ, judicij, gratiæ, sanctitatis, scientiarum, artium multarum &c, tamen in hoc homine ad staturam ejus infinita deerit staturarum multitudo, infinitæ formæ, valetudines, elegantie, vires: quæ in tot alijs sunt extra unum istum. Similiter memoria hujus, non complectitur in se omnes memorias: nec ingenium omnia ingenia, nec sapientia, omnes sapientias, neque sanctitas omnes sanctitates &c. Quātulus est homo respectu unius domus, unius urbis, unius regni, unius terræ, quota est particula mundi totius homo unus? infinitum ergo illi deest, quoad statum: etsi habere videatur, staturam, cui tamen ille (ut ait Dominus noster) *non potest addere cubitū unum,* non tamen cogitando, sed etiam omnes possibiles suas vires exendo. Hæc ergo & omnis alia defectuositas manat in homine, à nihilo ex quo est homo, imò quod est, & impossibile est ut

non sit Homo. Dixi omnis defectuositas: quia & Naturalis, & Moralis, quæ quidem est longe priore miserabilior, quia damnableior homini, & odibilior Deo. Miseria nempe peccati, vulgo peccaminositas. Eset homo & centies, milliesque esset ex nihilo: esset miserrimus naturæ conditione: si non esset peccaminosus: magna & abundas hæc esset consolatio. Sed quis est homo, ut non peccet? *Nemo mundus à sorde: inventum* non tantum peccati, sed multo profundius peccaminositatis. Itaque non est peccatum quod fecit homo: quod non possit facere alter homo. Ergo quod homo peccare potest: quod tendit natura, nihiloque suo in peccatum: satis est ad contumeliam, satis ad vilitatem, satis ad contemptum, satis ad humilem de se opinionem, satis ad humilitatem. Cui si accedit, imò quia accedit Originale peccatum, tot mortalia commissa actualia: tot venialia quotidiana: tot habitus pravi qui vitia vocantur: tot propensiones ad mala ad pessima, ad malorum monstra: tot passionēs ad nequitiam præcipitatissimi duces, tot cæcitates, ignorantia, dubia, opiniones, errores, etiam in naturalibus, etiam suis proprijs, multoque magis in alienis & supernaturalibus: tot malitiæ perversitates, obstinationes, & obdurationes voluntatis, tot maculæ vulneraque in Anima & corpore ex peccato relicta: tot rebelliones & absurditates ipsis etiam bestijs pudendæ ac ignotæ, tot reatus culparum poenarumque culpis debitarum: de quibus dictum: *multa flagella peccatoris: Psal: 31. 10.* tot genera suppliciorum: ipsa æternitas eorum, ipsa impossibilitas virium ad surgendum à peccato, ipsa tentationum moles, vis, assiduitas: ut *Tentatio vita sit nostra appellata: (Iob: 7. 1)* tot modi peccandi pereundi: ipsa mortis corporeæ genera morborum infinita sunt: quanto infinities plura mortis Spiritualis & animæ? Impossibilitas etiam non peccandi ac sine peccato vivendi proprijs viribus. Ipsa denique (repetere enim illam oportet, vel millies, superbiatque nostræ retundendæ inculcate) ipsa inquam, & una solaque peccaminositas, & in omnia peccata corruendi possibilitas, pronitas, tendentia, festinatio, conatus, impetus, præcipitatio plusquam iucitatissima, & nullis absolutè viribus ex nobis radicitus excindenda: pro quantum est monstrum, quantum chaos, quam inexhaustum mare, sicut miseriarum, ita & humiliationum nostrarum: esto etiam si in ipso Beatorum statu es-



tu essemus: adhuc tamen hæc cogitantes meritò humiliaremur, sicut certè Beati humiliantur, hæc in se etiam intra Beatitudinis statum intuentes.

Quantum ad Secundum. Comparet se homo aliis, Deo, Christo, Creaturis. Hominem Deo comparare possumus dupliciter. 1. Secundum se utrumq; sumendo Deum in se, hominem quoq; in se, (esto etiam si non cogitetur homo ex Deo esse, & habere tam ipsum se, quam alia omnia,) hoc quidem modo, pudet hominem Deo conferre; quia non sic scintilla coram sole, non sic atomus coram universo: non sic guttula roris coram mari: non sic folij unus strepitus coram vastissimo nemore disperit, quam homo compositus Deo in natura, in essentia, in perfectionibus. Nec est quod in hac collatione morer, tantum dico, etiam si per impossibile Deus, non esset conditor & autor hominis, adhuc tamè homo deberet se abiectissimum scire & reputare, humiliareq; tum Deo, tum omni alteri rei. propter Deum, propter sui nihili, ejus dignitati perfectioniq; comparati, vilitatem.

2. Potest comparari Deo homo, prout est in Deo, & Deus autor ejus conservator, ejus gubernator, provisor, tolerator, nutritor, sanctificator, Redemptor, Benefactor, Glorificator ejusdem. Hujus comparationis instituendæ fñis non erit, si per omnia eundum erit. Sufficiat homini hoc scire, apprehendereq; & semper in oculis habere: quod à Deo fit. Ex hoc enim quod à Deo fit homo: omnis causa & materia humilitatis & humiliationis confurgit homini. Ex hoc confurgit omne jus in hominem, in omne id quod est, quod facit, quod potest homo: ex hoc confurgit omne debitum, quod homo debet. (omnia autè debet, quia & ab illo omnia habet) Deo. Ex hoc confurgit, quia tam modo homo nihil est ex se, nihilq; habet, nihil potest, nihil meretur, quando à Deo est id, quod est, quàm nihil fuit, potuit, habuit, merebatur, quando à Deo nondum conditus fuit, sed in suo nihilo latuit: sed quidquid est, potest, habet, meretur, totum id Dei est, Deoq; debet. Ex hoc confurgit, quia tam nunc & semper debet esse subiectus, omniaq; attribuens Deo, quam tunc fuit, quando primò ex nihilo educabatur, potentia Divina manu.

Ex hoc surgit, quia tam modo est in potestate Dei ipse ejusq; bona omnia: quam

fuit in primo creationis suæ instanti: tamq; est liberum Deo eundem non creare, nihilque illi dare: & tam modo homo indigus est indignusq; omnibus, & ipso se dum omnia est, indigusq; est, inquam, Dei conservatrice Sapientia, Bonitate, Potentiaq; quàm indigus fuit, antequam crearetur: tamq; modo quatenus ex se homo infixus est, tenditque tota nihili sui naturalis pōderositate in nihilum suum, & in non esse nativum, quam fuit infixus eidem, immò quam fuit exstititq; nihilum idem antequam crearetur.

Christo Domino collatus homo: ab exemplo & vitæ, à doctrina ejus, & præceptis, nihil aliud discet, quàm sui contemptum. *Qui cum in forma Dei esset, non rapinam, sed naturam arbitratus est, esse se equalē Deo, sed exinanivit semetipsum, formam servi accipiens in similitudinem hominum factus, & habitu inventus ut homo, factus obediens Patri,* usq; ad contemptum, in humano viscere, usq; ad nativitatem, in stabulo, usq; ad Circumcisionem; quasi esset obnoxius peccato, & egens peccati remedio, usq; ad paupertatem mendicitatemq; ipsarum vulpiū, & volucrum egestate maiorem, usq; ad contemptum vermis non hominis, usq; ad stulti & dæmoniaci, & insani, & blasphemii cognomen, usq; ad diaboli portitoris manus & ad Iudæ proditoris pedes. *usq; ad mortem, mortem autem crucis.* (ait Apost.) usque ad principatum latrociniorum & latronum, usq; deniq; ad sepulturam & sepulchrum. Ohe Christiane: hic tuæ humiliationis contemptusque fige metam, ubi Christus posuit suam. Non est discipulus super Magistrum: disce ab eo, quia mitis est & humilis corde: *quia non venit ministrari, sed ministrare,* (ait ipse:) *quia nisi efficieris sicut paruulus Deus isic, non intrabis in Regnum celorum.* (ait idem:) Ubi Christum in humilitate æquaveris: tum te humiliare & contemnere defines. Ubi Christum contemptu digniorem, quam te inveneris, tum te contemptui subducere poteris: quod si desperas aliquando fore: semper ergo ad Christum clama, & pete pro Christo, contemni & pati.

Quamquam superbiæ quædam species videtur homini, velle contemni pro Deo, vel pro Christo, cum Deo vel cum Christo, quasi aliàs non humiliandus sit, nisi prævium habuerit exemplum Dei Christi. Non sic, non sic: sed contemnatur homo, quia Natura & Essentia illius est contemptibile & vi-



& vilem esse plus quam cogitare potest, plus quam contemni vel vilificari potest, quod si eo vel stultitiæ venit, ut nihilum suum non esse contemptibile, nec contemnendum putet, vel eo superbiæ ut etiam illud extolli secum & in se velit: aspiciat contemptum Deum, & sicut Deus tractavit Dignitatem suam humiliando, sic tractet abiectionem suam homo vilificando: saltem propter exemplum Dei: si non vult aut nescit propter essentialem vilitatem suam.

Comparet se adhuc homo Sanctis & Beatis Dei: & inveniet non eandem tantum, sed multo etiam uberiores sibi inesse materiam humiliandi contemnendiq; sui.

Comparet se etiam omni creaturæ, omni peccatori, omni etiam damnato: & inveniet in quolibet quo se viliores putet. Certè diabolus hominem tota natura superat, sed & in hoc minus nocens est, quia spatium pœnitentiæ non accepit à Deo, quo, saltem semel lapsum suum, si corrigere potuisset, in æternum eum non repetiisset: homo autem infinities à peccatis, absolutus & liberatus pretioso etiam sanguine Dei sui: nunquam tamen hæcenus à peccando cessavit, esto credat & scia, quantum causam sui à peccatis abluendi, laboraverit impenderitq; Deus suus: quantos Sacramentorum Sacrificiorum remedia thesauros reliquerit, totiesq; in tuarum virium remediū lavacrum, subsidium, pastum deprompserit: quorum nihil impensum in dæmonem: si autem vel umbram harum dignationum habuisset, mille millia infernorum potius, quam peccare subiisset. Videat ergo homo, an infra dæmonum malitiam atq; miseriam, ejus non sit malitia & miseria, & contemptibilitas, humiliandiq; meritum, & debitum, & necessitas. Hoc certè fundamento, atq; hac consideratione homines Sanctissimi, perfectissimique ducti, peiores se pessimis quibusq; & latronibus agnoscebant, atq; fatebantur, non minus humiliter quam verè: omniumque se criminum & pœnarum, & malorum quæ in mundo fierent reos, suis peccatis arbitrabantur.

Quomodo homo-comparatione creaturarum omnium humilitatem discere possit, atq; exercere: legat diligenter Collyrium Spirituale S. Francisci Borgiæ.

Quantum ad Tertium. Ex sui quotidiano experimento, cognitionem, humiliationem, contemptumque sui, discet Tiro, si quotidie in suis quotidianis operibus, non

tantum malis aut manifestè malè factis, sed etiam in bonis, etiam in optimis, judicioque communi probatis & perfectis, imperfectiones miseriaq; suas inspexerit, & quotidiano experimento imperfectum suum viderit planxeritque. Qua de re, quia jam superius dictum est, Mense scilicet 4. Exercitio 3. illuc Tironem remittó interea, neque enim opus est scribendo repetere: quod utilissimè semper exercendo, practicandoque repetetur. De Humiliatione dequè humiliationis affectibus, & de praxi eorum, quoniam præsentis Exercitij explicatio, multum producta, est in sequenti exercitio commodius dicetur.

### Secundò vacabit Affectibus hu-

miliativis, quos pariet in Tirone cognitio sui, jam modo explicata. Notitia enim sui sterilis & insipida fiet, nec Virtuti, sed Theoriæ speculationique deputabitur, nisi ad idoneos, competenteq; affectus & fructus deducta fuerit. Hi affectus practici esse debent, seu in praxim deducendi sunt: sunt autem duplices.

1. Affectus interni humiliativi hominis: 2. Actus externi, operaque & officia, & munia humilia abjecta ex spiritu, & cum spiritu contemtionis sui suscepta exercitaq; sive ex propria electione salva particularitate & ostentatione, sive ex obedientiæ assignatione, aut concessione. Affectus humiliationis sui, non difficile quisque discet ex affectibus humiliationis aliorum: quomodo enim afficiemur erga alios, dum illos ob eorum vilitatem humiliamus: eodem modo, si erga nos quoque afficiemur, condignis humiliationis affectibus abundabimus. Possunt autem esse plures & varij affectus hujus humiliationis, præcipui erunt hi.

Primus Affectus Contemptivus, seu contemptus sui, desiderium vehemens & ardens sui contemnendi, à se quidem imprimis, deinde etiam ab alijs omnibus, & infra omnes creaturas. Si enim verè homo se agnoscit, id esse quod verè est, & talem esse, qualis revera est: facto sano & sobrio judicio, non potest non cōcludere apud se, dignissimum se contemptu esse, indignissimum autem omni æstimatione & reputatione. Quis enim habens cerebri micam, non judicet neq; censeat, rem adeò vilem, miseram, malam, inutilem, pestilentem, qualis est homo ex se, non esse dignissimam contem-



contemptu summo atq; omnimodo? Hunc igitur contemptum impendat sibi ipsi quem talem per omnia esse novit ex se, in se, & sibi ipsi, tractet se contemptibilissimè, æstimet appetiet contemptissimè, nominibus vocibusq; compeller abiectionibus; ab aliis omnibus tractari, æstimari, vocitari cupiat, curet, querat, gaudeat contemptissimè: eo solo & uno nomine quia est, & scit se esse contemptissimum.

Secundus affectus est Odij sui ipsius, & odij quidem implacabilis, infestis, perpetui. Tale enim sibi odium homo debet ex iustitia rigorosa, & ex ratione recta, & ex lege publica. Amare debemus lege Dei etiam inimicos: sed ab hac lege exceptus est unusquisq; respectu sui: debet enim seipsum odisse, & inimicus sibi esse hoc nomine, quia sibi est plusquam inimicus. Mirabile hoc est quod dico, sed tamè verum est, & ita sicut dico. Homo se ipsum amando perdit: ut nimis in Christiana lege notum est, quia ergo amando se perdit, & quidem perditione æternæ damnationis, quali perditione nemo ab alio ullo, ne à Diabolo quidem, perdi potest, nisi ab uno & solo semetipso inordinato sui amatore & amore: idcirco tantò se ipsum odisse magis impensè implacabiliterq; tenetur, quanto scit & experitur sibi amorem sui esse perniciosiorem.

Quanta homines mutuò exercent odia inter se propter res & injurias, & damna, & causas nihili penitus: iidem tamen homines, semetipsos odisse nolunt, non audent, non possunt: licet habeant causas odiendi se gravissimas & iustissimas. Odimus diabolum quia nos tentando ad malum culpæ, perducere simul vult ad participationem sui mali pænæ. Atq; nullus diabolus, ne omnes quidem simul pertrahere nos possunt ad culpam si nos nolumus, nulli retrahere possunt à culpa, si nos peccare volumus: cur ergo nos ipsos non magis damone odimus? Certum est nullum malum gravius esse peccatò, & gratiæ Divinæ vitæque æternæ damnò: atqui nemo nos in hac damna præcipitat unquam nisi nosmetipsi. Certum est nullum malum (dicam mitius, nullum panè malum) immitti, vel permitti nobis à Deo, nisi propter peccata nostra: quorum nemo nobis causa nisi sola malitia nostra: ita ut sicut peccatorum, sic & malorum omnium reliquorum sola, & una, & adæquata sit causa malitia nostra: quomodo ergo non erit nobis sufficiens adæquata, iusta, necessaria odiendi nos causa malitia nostra? Præsertim cum ea sit adeò infinita, adeò altè ra-

dicata, adeò obstinatè in nobis defixa, ut nullis viribus possit ex nobis, quamdiu creatura sumus penitus & plene expelli ac eradicari. Hoc qui perpendet profundè, inveniet utiq; perpetuam perpetui odii contra se causam: amoris autem sui reperiet nullam.

Tertius Affectus, Accusatio & proditio sui: suæ inquam culpæ, suæ imperfectionis, suæ malignitatis, suæ infirmitatis, suæ dolositatis, suæ, unò verbo dicam vitiositatis: sequitur hic affectus ex præcedente. Quos enim odimus hos facile accusamus, eorumque vitia publicamus, & penas protrahimus. Si igitur odimus nos, restat etiam accusemus: Iustus in principio accusator est sui: sicut impius semper est excusator sui: non est opus Iusto torturis, ut fateatur culpas suas: sponte sua agnoscit & fatetur: impiis, gravior morte, errorum, peccatorum, defectuum suorum manifestatio, unde iustis venia semper obvia, impiis autem obligata est semper pæna. Ex hoc ergo quisq; iustitiam salutemq; metiatur suam, si facilis est ad accusandam imperfectionem suam, tantumq; se sciat in humilitate profecisse, quantum in manifestatione & agnitione errorum suorum comperit facilem se esse.

Quartus Affectus, neq; credere, neq; fidere sibi quidquam unquam: in hoc solo & uno debet sibi credere, quod non debeat sibi credere: in hocq; solo etiam debet, sibi fidere quod nullam possit in seipso fiduciam collocare. Omnis homo est mendax, assertore Spiritu Sancto, diligit mendacium, cæcus est & plusquam cæcus in intellectu & prudentia sua, præter intellectum autem, & prudentiam, nullam aliam habet in se cognoscendi veri potentiam & facultatem: quomodo igitur & qua ratione aut prudentia credet suo intellectui atq; prudentiæ. Si lumen intellectus ac prudentiæ, quod in homine est, tenebræ sunt, & cæcutiunt, & innumeris erroribus, ignorantis, dubiis, suspicionibus, perplexitatibus scatent, ipsæ tenebræ quantæ erunt? immensæ utiq; & palpabiles erunt. Verus ergo humilis, diligensq; humiliationis discipulus nunquā sibi credet, eritq; hæc una ejus summa Sapientia, ignorantiam suam nosse, & semper suspectam habere. Sicut autem propterea quod omnis homo sit mendax: credere sibi nemo potest, ita etiam quod omnis homo sit infirmus, & fragilis, & (uti Salvator ait) nil potest omnino, sed est cæcus, pauper, nudus, miser, miserabilis, nunquā sibi, nunquam suis viribus, potentijs indu-



strisquē confidet, sed suprema ejus erit fortitudo, nihil sibi ipsi, per omnia verò Deo & ejus auxilio confidere.

Quintus Affectus est oblivio sui: resultat hic affectus ex præteritis omnibus affectibus: potissimum autem exercetur per puritatem, seu nuditatem intentionis, qua homo nunquam in ullo bono, in ullo opere, respicit ad se, ad suavē commodā ulla, sed semper purē solum unumq; Deum spectat. Exercetur etiam oblivio sui, per projectionem sui, in curam Providentiæ Dei: quantò enim se homo magis, projicit & negligit in curā Divinā, tantò magis recedit à memoriā & curā sui ipsius. Magna & sublimis, & primæ omnino Notæ virtus, coincidens cum Resignatione sui in Deum, ad quam tamen, introducit, quasi naturali suoquē jure, cognitio sui & humilitas.

Exemplum hujus virtutis discant homines ab infantulis, qui sui curam nullam gerunt, sed toti sunt, totiquē pendent positi in sinu & ulnis, & ad ubera Matris, sive Nutricis. Nescientes, (ut ait Scriptura,) quid sit inter dexteram & sinistram: sed sive ad sinistram, sive ad dextram mamillam applicantur: sive sinistra, sive dextra manu portentur, ac stringantur perinde habent. Talis est verus humilis, qui sui oblitus, ac Dei securus ab uberibus nutricis omnium gratiæ (hoc eam nomine appellat Sapiens) securissimus dependet: de prosperis & adversis nihil discernens, de futuris, præteritis, præsentibus, nihil cogitans: hoc unum solumq; curans, ut Dei curā contētus sit, Deo se totum remittat, in Dei curā & dispositione, totum se negligat, atq; adeo sepeliat, sic Divina bona curet, ipse in se ipso, atque etiam pro suo modulo in aliis, etiam in universis creaturis, ac si omne bonum Dei, omnisq; honoris ejus integritas & auctio ab illius unius cura dependeat: sua verò bona omnia, (præsentia & futura, temporalia, spiritualia, gratiæ & gloriæ, meriti & Præmij) omnesq; successus & progressus industriarum & laborum & intentionum suarum, sic in Dei providentiam transferat & projiciat, ac si isthæc omnia non sua, sed Divina forent, nec ad se ullatenus, sed ad Deum ex toto pertinerent. Sic affici revera (ut ait Bernardus) deificari est: est inquam non tantum ad humilitatis fundum, verum etiam ad charitatis apicem pervenisse. Nimirum, ubi homo sibi perit, ibi Deo vivit: & ubi se relinquit, ibi Deum invenit: & ubi Deo fidelis factus est,

ibi Deum sibi, & se, & sua omnia fidentem, permittentem, impendentemq; accipit.

Hos affectus humilitationis curet Tiro quam optimè perfectos praxiq; & exercitio possessos habere. Modico enim compedio maximos, & quidem perceptu magis, quam explicatu faciles experietur. Tantummodo sibi à communi vulgatoq; pusillanimitiū, & tepidorum terculamento caveat: quo solent isti, tam se, quam alios præsertim teneros adhuc in spiritu, veluti prudentiam & cautelam Dei habentes, præmonere quidem ipsi vocant, revera autem deterrere dicentes. Ardua sunt ista: non statim ad ista: perfectorum sunt ista: &c & non intelligūt hi. Religionis etiam ipsos candidatos: perfectionis esse non dico professores, sed sectatores: proinde vel ab ipso initio meditari & moliri debent perfecta, & quanquā non statim peruenturi sunt ad summa, statim tamen ab initio talia jacere debent fundamenta, ut in eis pervenire ædificatio illorum possit ad summa.

Id quod speciali ratione in Humilitatis studio, & rursū in Societatis IESU Tiro ne atq; candidato locum habet. Nam humilitas quantaquanta ea sit, nisi planè consummata sit, ædificij spiritualis altissimam molem periculosè subit: tantòq; citius & ex insperato subidet, quantò illi veluti perfectæ, revera tamen imperfectæ, altius ædificium perfectionis incumbet. Et ex altera parte, Tironi illi, qui quondam Societatis filius, & in eā Dei, ejusq; Ecclesiæ miles atq; operarius futurus est, ministeriaq; Societatis hujus propria, tam varia, quam ardua obiturus, salutemq; & perfectionem proximi salvā, imò incrementum etiam majus capiente suā perfectione curaturus, & semper contentis passibus, Majorem Dei gloriam, inter innumera difficultatum impedimenta promoveretur: usq; adeo necessaria est Humilitas, omnibus quidem, & supremis gradibus numerisq; potissimum absoluta: ut nisi ea talis sit, in filio Societatis: nomen, quidem ille Societatis filij portare in se poterit, at obligationem, vim, Virtutemq; ejus nominis implere non poterit. Quare ex hoc se Candidatus nostræ Societatis, ad eam natum factumq; cognoscat: si per omnes Humiliationis passus, & vias, strenuum & indefessum se decursorem, à primo Tiocinio, per omnem deinceps sequentem vitam exhibuerit, & exhibere fixum ratumq; habuerit.



*Tertiò vacabit* Humilitatis fru-

ctibus colligendis, dicam, an potius Humiliationis effectibus, operibusq; exercendis. Effectus istos operaq; præcipua subjungam, in quibus, alia omnia opera, aliiq; effectus omnes inclusi reperiuntur. Propterea verò tertium etiam hoc Exercitium, in hoc eodem Mense de Humilitate pono, ut vel hoc ipso persuadeam Tironi, maximi momēti hoc negotiū esse, cardinemq; perfectionis hic verti, ut proinde ille non defatigetur, neq; cadat, neq; cedat animo laboriq; sed tantò plus indefessi adferat animi, quātò eā perfectionis Religiosæ portione, uberiùs sibi viderit propositam, Certus atq; planè persuasus, si hunc unum Humiliationis laborē exhausturum, si inquam plenum, & solidum. Humilitatis fundamentum jecerit: in uno hoc labore, omnem alium, qui in via studioq; perfectionis esse potest, confecturum, exhausturum. Humili enim cordi nihil difficile: humili cordi nihil importabile, humili cordi nihil sublime: quia omnia ad illud desuunt, & in illud descendunt: sesequē humilitati subdunt, adeò, ut ipse Deus gratiam suam illi det atq; donet: & quidem tanto uberiùs quanto fidentius. Nulli autem fidit Deus, nisi humili: quia solus humilis est fidelis, tantumq; de fidelitate, quantum de humilitate possidet. Ad Effectus & opera veniamus.

Primus Effectus humilitatis est amare, & ambire, & obire humilia & abiecta vulgò opera, officia, munia. Ejus animi debet esse, omnis quidem Religiosus: potissimum tamen Candidatus (ut ab initio primò statim huic Spiritui assuescat, eundem tota vita continuaturus) ut nihil in Religiosā vitā, inq; obsequio Divino putet vile & abiectum: hoc enim ipso, quod ad Dei obsequium spectat, dignissimum est, esto natura, vel opinione sit abiectissimum.

Si tamen, imò quia tamen dandum est aliquid usui humano, nec summo jure agendum semper: si inquam sunt aliqua abiecta & vilia in Religione, & Dei obsequio, munia & opera: si sunt aliqua talia, quæ vulgò alij & erubescunt, & fugiunt, & indigna reputant, & contemptibilibus personis relinquunt, ea Religiosus homo, & humilitatis ambitiosus discipulus, sua esse, sibi competere, sibi relicta persuadeat, ad ea tantquam, ad suum patrimonium, ab humilitate imò à vilitate sua naturali Matre, sibi relicta, provisumq; festinet, hæreditarioque

jure possideat & exerceat, & excolat, quod si se ab aliquo ad ea præventum viderit, vel si ea sibi negata ab obedientia habuerit: dolore tangatur, & sanctè invideat, & modos quibus sibi restituatur inquirat, & si hoc non succedat, animo tamen & affectu in eis sit, ac versetur: dulciterq; coram Domino, injuriam sibi factam esse, alium injus suum immisum esse, aut invasisse conqueratur.

**A** Habeat etiam in Indiculo, omnia aut saltem quàm plurima humilium operum genera, quæ quotidie opere & manu, plura etiam voto & affectu obeat, in his prima erunt, quæ sunt à Religione vel imperata, vel ad aliquas actiones requisita, vel certè permissa, vel cum officio connexa.

Curet etiam omnia aut plurima opera Ordinaria Religionis, & officii sui: Spiritu humiliationis imbueret, atq; eas humiliationes sui facere, quod minimè erit arduum aut difficile, si seriò spiritum humilitatis, quæsierit.

**B** Secundus effectus sive fructus, est amare, esurire famelicè Orationem ad Deum, eaque nunquam satiari, nunquam in ea fatigari. Ad Orandum & Mendicandum, maximè idoneus est infirmus, cæcus, pauper. Extremo in periculo constitutus, omniq; auxilio & ope, apud seipsum destitutus, quælibet harum conditionum sufficit ad faciendos petaces, & supplices homines: quantò magis si concurrant in unum hominem omnes istæ causæ? Qui se novit bene novit nullam harum sibi deesse: habet ergò maximas & plurimas causas & necessitates orandi, mendicandi, supplicandiq; ad Deum, Maximè quando ab his necessitatibus nunquam erui potest plenè: sed semper in eis, volens nolens hæere cogitur, etiam si maximis undiq; à Deo beneficiis cumuletur, imò tunc maximè oratione, & mendicatione indiget, quandò plurima & maxima Dei dona habet: quatenus maximè mendicus est coram Deo, maximus debitor Dei, maximè facilis ad perdenda, ad prodigenda, ad corrumpenda bona Dei, maximè egens auxilio Dei, ad conservanda tutandaq; dona Dei.

**C** Quarè verus humilis semper habet propositam mendicitatem suam: ex eaque infert semper ad orandum necessitatem, obligationemque suam: ex eadem Mendicitate & insufficientia suā insatiabilem orandi famem insatigabilemque in orando laborem discit, ex eadem etiam vires maximas sumit ad orandum, ex eadem intelligit nullum



nullum sibi superesse malorum suorum necessitatumque remedium, (quod quidem in sua sit potestate) præter Orationem. Quamobrem idem verus humilis, & suam paupertatem videns, ad Orationem, tanquam ad omnium bonorum suorum promptuarium, tanquam ad unicum malorum suorum solatium, tanquam ad unicum necessitatum levamen, tanquam ad præsentissimum periculorum suorum remedium accurrit: ideoque nunquam oratione fatigatur, nunquam satiatur, nunquam non ditatur, nunquam non eget.

Hoc fundamentum Orationis, ejusque necessitatis, imò & ad illam innata nobis obligationis, si quis bene penetrat, non tantum non miratur, dici à Spiritu Sancto, tum per Christum Dominum, tum per Apostolum: *Oportet semper orare, & nunquam deficere, Et, Sinè intermissione orate. Et Vigilate in Orationibus;* sed potius miratur esse aliquem hominem, cui grave sit laboriosumque ac fastidiosum negotium orare: (cujus modi tamen infiniti sumus, etiam qui Religiosi, scilicet filii Orationis sumus) cum revera major, non certe minor sit necessitas homini, orare quam vivere: quandoquidem vivere, non habetur sinè orare.

Concludendo igitur hunc effectum & fructum Humilitatis secundum: dico tam Tironibus, quam non Tironibus: ille se in humilitate profecisse sciat, qui libenter, infatigabiliter, insatiabiliter orat, seu per orationes, obsecrationes, postulationes, petitiones, gratiarum actiones apud Deum, necessitates suas innotescere facit, nec cessat. Bene dictum est: *Qui nescit orare, eat ad mare:* ego autem explico: eat ad nihil suum: & ibi discet orare: quia ibi inveniet non unum mare? An non mare: Nihil esse à se? an non mare: ad nihil boni sibi ne pro momento quidem sufficere, sed alienæ opis egeret? An non mare: peccaminosum esse, peccasse, peccare posse, in peccatum semper conniti, præcipitanter rueret? An non mare: posse semper à gratia Dei excidere, nihil sine gratia posse de perseverantia in bono incertum esse, de salute securum non esse? An non mare, infinitis undique cingi periculis animæ & corporis, & fortunarum, & honoris, in finitis implicatum, esse erroribus, dubiis, incertitudinibus, necessitatibus, lapsibus, labendi occasionibus, mutationibus? An non mare: certum esse de culpa & multa, & gravi, deq; damnationis æternæ reatu, incertum autem de

pœnitentiæ sufficientia, de obtentâ veniâ, de indulgâ gratiâ: ô quantum mihi mare: qui scio me odio millies dignum esse, nescio me amore semel dignum esse. An non mare: quantumcunq; perfectus sis: adhuc tamen infinitis scatere imperfectionibus, & carere perfectionibus: nec mensuram gratiæ Dei adæquasse, & in momenta omnibus excidere per culpam posse, & ut excidam, mereri, vel in unius venialis culpæ pœnam posse? An deniq; non mare, tam in esse naturæ, quam in esse gratiæ, quam in esse gloriæ, ne atomum quidem unam esse, aut posse ex se, sed per omnia, & ad omnia totaliter Dei auxilio, Dei donatione, inq; omnibus conservatione continuata egere? Hocq; in omnia momenta à Deo privari finaliter æternaliterq; posse?

Hoc nihili proprii multiplex adeò, adeoque impervadabile & verè abyssale mare, quem non docet orare, nulla ars docebit, nullum docebit mare. Quandocunq; ad orandum acedimus: maria hæc nostri nihili ob oculos nostræ mentis statuamus, omnes nihili nostri abyssos, omnesq; Mendicitatis & miseriæ & cæcitatatis, & infirmitatis, & periculositatis, & peccaminositatis vires contrahamus, ipsq; celos viribus, sine viribus expugnemus, & aures oculosque Divinæ miserationis obfideamus, & ad miserandum adigamus. Exemplo Sanctissimi Davidis, qui in hoc multiplici nihili sui miserabilitatisq; mari altè demersus, clamavit ad Deum dicens: *De profundis clamavi ad te Domine: Domine exaudi orationem meam, fiant aures tue intendentes in vocem deprecationis meæ, &c.* Psal: 129.

Tertius effectus atq; fructus humilitatis est Humanarum linguarum censurarumq; sive laudantium, sive vituperantium contemptus, & læta pacataq; sustinentia. Nec laudes, nec vituperia ferre potest, qui solide humilis non est. Sciat Tiro hunc esse ordinem tentationum quibus servos Dei ad servitium hoc bene resolutos animatosq; oppugnat. Ubi enim ab eorum resolutione compererit, frustra illos ad malum apertè tentari: hoc agit i. ut eos à bono & perfecto absterreat: ad quod nullum instrumentum habet commodius, quam linguas censuras, judicia, jocos, irrisiones, sarcasmos, perfrictiones obliquas, directasve aliorum sodalium, æqualium, aut inæqualium, contra quæ linguarum tela, nisi homo fuerit charitate Dei, imprimis autem humilitate, & sui contemptu obarmatus, in-

sensibi-



sensibilisq; ac impenetrabilis factus: nulla ærea, nulla ferrea chalybeaq; arma & scuta illi protegendo, virtutiq; ac spiritui ejus quantumvis ferventi, attamen adhuc tene-ro tuendo & conservando satis erunt. Qui autem in solido nihili contemptusque fun-damento steterit: ridebit irrisiones, judicia calcabit, censuras non attendet, coram I-dolo denique *Quid dicent?* (de quo supra Mense 5. n. 5.) genua non curvabit, sed pro minimo illi erit ab hominibus & ab humano die judicari.

Linguarum obtreptantiū aciem Tiro ubi superaverit, supererit illi gravior tantò, quāto & dulcior, sed venenosior pugna pugnāda. Aggredietur enim illum diabolus 2dò, lin-guis item, sed jam non mordentibus, & pun-gentibus, sed potiùs adulantibus blandien-tibus, laudantibus, admirantibus, præferē-tibus, comparantibus, idque seu ex vero, seu falso animo dicentium procedat, diaboli nihil refert, cum utrinque id Animæ peri-culum creatur, quæ sic adulatione & laude patiatur.

In hac pugna verus humilis securus est. si verus & verè humilis est, si verè se novit, si quid ex se, quid ex Deo sit, quid Deo, quid sibi debeat, meminit: si in se justus, in De-um fidelis est. Ridet, nec attendit, præte-rit & fugit laudes, cruciatur ijs: & eas ad Deum toto corde, plenaq; fide, ad novissi-mum quadrantem remittit, dicens: *Tibi Do-mine, Tibi gloria, mihi autem confusio faciei.* Et *Regi seculorum immortalì & invisibili, soli Deo honor & gloria.* Et *Non nobis Domine non nobis, sed nomini tuo da gloriam istam, & omnē aliam.*

Hæc scientia, ab humilitate notitiæque sui discitur: si quem, autē vel laudes oble-ctant, vel censuræ contristant: manifestum est, non esse domum perfectionis super fir-mam petram positam: sed in sabulo fluctu-are, & in arenoso ruinam præstolari, & in glacie fragili adificatam esse. Etenim cla-rum est, quod quisquis talis est: hic non no-vit imperfectum suum, nec illud nosci-vult ab aliis: vult & ab aliis pluris aliterq; æstimari, quam in veritate est, & ipse se a-liter vendit, ostentataq; aliis, quā in vero est. Non discernit inter sua & Dei, sed quæ Dei sunt, arrogat sibi: & tanquam de suis laudes arrogat sibi: vult quoq; mala sua palpari, aut ignorari, aut laudari, quod iniquum est. Propter justitiam & virtutē, & Deum pati abnuit: quod etiam injusti, & male virtuti, pejus Deo, affecti est.

Verus humilis cum reprehenditur gau-det, quia justè secum agi novit, cum lauda-tur dolet: quia se alienis bonis onerari me-minit, & aliena non tantum rapere per se, sed etiam per alium rapta, sibi que oblata, perinde inter furta injustitiaq; computat. Pro iustitia, pro virtute, pro Deo, pro cō-scientia, pro disciplina, pro veritate pati, & linguis morderi gloriosum putat, & inter beatitudines numerat.

Quartus effectus fructusque Humilitatis magnanimitas & libertas, spiritus in rebus præsertim quæ Dei obsequium, & conscientia virtutisquē integritatem, ac profectum spectant. Nulla res, nulla ratio, nulla au-toritas, nullum periculum, nulla difficul-tas, nullum impedimentum, humili homi-ni ligat manus, præter solius Dei voluntatē, atq; dispositionem. Nihil animosius ve-ro humili: nihil in spe obfirmatius, nihil in conatu constantius, nihil in benè ceptis perseverantius, nihil in difficultatibus ani-mosius, nihil in periculis securius, nihil in adversis quietius, nihil in prosperis solidi-us atque fidelius. Causa in promptu & ra-tio evidens promanat à notitia sui perfectæ. Humilis enim dum se novit: novit suarum virium nullum opus esse.

Deinde etiam dum se novit: novit ex se, etiam omnem aliam creaturam, perinde nihil sinè Deo posse: sed omnes creaturæ cuiuslibet conatus, esse à Dei voluntate cō-cessionemque ponderatos & mensuratos, un-dè humilis indubitatè scit omnes conatus, seu proprios, seu alienos, non plus valere, nec plus effecturos, nec plus impedituros, nec plus promoturos, rem negotiumve ali-quod esse, quā à Deo datum concessumq; fuerit. Quocircà omnia quæcunq; vel à se, vel à creatura quavis, circa rem, cau-sam, personamve aliquam iuvandam, impe-diendamve fiunt, nihili æstimat, nihil ti-met, nihil in eis confidit, potiùs etiam irri-det, sed totaliter ad Deum respicit, à Deo pendet, Deo remittit, Deo adscribit, con-tra spem creatam, in Spem increatam inni-titur, sciens tam se, quā creaturam nihil posse ex se, aut invito Deo, omnia autem Deum posse, contra quælibet impedimen-ta, adeò, ut quæ sint hominibus impedimen-ta & obstacula, hæc sint Deo media & in-strumenta ad effectum optatum.

Atque hæc humilis sciens, in se desperat plenè, in Deo confidit plenissimè, agitque omnia liberè, animosè, quietè, securè, con-fidenter, certus impediri non posse opera & virtutem



virtutem Dei, cui soli innixus agit, inde dicit cum Apostolo: Omnia possum in eo, qui me confortat: & apud quem non erit impossibile omne verbum, & cui subest cum voluerit, omnia posse, & in cuius ditione cuncta sunt posita, nec est qui possit resistere volunrati eius.

Videat autem Tiro Religiosus, atq; Humilitatis candidatus, quod humilitas non pariat pusillanimitatem, nec faciat timidum humilem, sed potius animosissimum reddat: idq; per hoc, quia hominem tantò magis securum tutumque facit de Dei auxilio, viribusque, quanto illum certiores facit de sua propria insufficientia, & fragilitate. Unde homo humilis, quanto sibi minùs, tantò Deo plus fidit: & quanto certior est de propriarum virium industriarumq; , insufficientia & ineptia, tantò certior est de Dei omnipotentis auxilio & gratia: ad cuius implorationem, tantò ardentius & audentius convertitur, quanto exploratiore sui notitia instructus, quàm parum, imò quàm nihil ipse de se possit informatur. Hoc punctum in presenti de humilitatis materia, valdè notandum est: ne quis incaute procedens, pro humilitate, pusillanimitatem, pro sui dissidentia, dissidentiam in Deum discat, pusillanimitas enim & dissidentia in Deo, ex ignorantia tam sui, quàm Dei, & ex superbia nascitur.

Quintus effectus atque fructus Humilitatis est tractabilitas, mansuetudo, modestia, & mollities cordis, flexibilitasq; voluntatis humanæ in Deum, ad ejusque voluntatis, etiam minutissimo signo nutu ostensum placitum. Quam virtualiter expressit in se David sæpissimè: maximè in illa maledictione pessima quam à Semei pertulit, cum fugeret a facie filii sui Absalonis. Sic enim David illam probrosam maledictionem, à vilissimo homine suscepit, quasi ab ore ipsius Dei egressa esset. *Sinite* (ait) *illum Dominus enim præcepit ei, ut malediceret David, & quis est, qui audeat dicere, quare sic fecerit?* Et rursus hac eadem fugæ suæ occasione dixit ad Sadoc Sacerdotem: *Reporta Arcam Dei in Urbem, si invenero gratiam in oculis Domini, reducet me & ostendet mihi eam, & tabernaculum suum, si autem dixerit mihi, Non places: præsto sum: faciat quod bonum est coram se:* Tale est & illud eiusdè, *Obmutui & filii à bonis, quoniam tu fecisti,* Talis fuit tractabilitas Iobi, illà laudatissima voce expressa: *Dominus dedit, Dominus abstulit: Sicut Domino placuit, ita factum est. sit nomen Domini benedictum.*

Sed maximè in universa Christi Domini vita, moribus, verbisq; eluxit hæc submissio cordis, ad omne beneplacitum Patris: hinc illa verba ejus: *Meus cibus est, ut faciam voluntatem Patris. Non mea voluntas, sed tua fiat. Non quod ego volo, sed quod Tu, fiat voluntas tua. Sicut mandatum dedit mihi Pater, sic facio. Ego quæ placita sunt ei, facio semper. Ita Pater, quoniam sic placitum est antè te. Calicem quem dedit mihi Pater, non ves ut bibam illum. Iota, unum aut unus apex non præteribit à lege, donec omnia fiant.* Atq; hæc genuina humilitas, ita esse cereum & mollem in manu Dei, ut quidquid placuerit Deo, formet, faciatq; ex homine, & de homine in omni circumstantia: non secus, ac figulus habet potestatem sui luti.

Neq; est ulla certior probatio veri humilis, quàm ista, Dei omnem manum, vultumq; posse sustinere cum æquabilitate, immutabilitate, dulcedineq; animi. Hoc enim est demum esse desponsatum voluntati Divinæ: hoc quoq; est transire in affectum Divini cordis. *Sic affici*, (ait S Bernar:) *deificari est.* Sic autem affici discat & assuescat Tiro, in minutissimis occasionibus atq; circa se, vel vel circa alios eventibus, ut in omnibus illis, sive ad mentem, sive contra mentem, sive præter spem, sive contra spem sive juxta spem, sive honorificis, sive vilificantibus, sive per hæc, sive per talia media, sive cum his sive cum illis conditionibus, condimentis, circumstantiisque accendant & accedant, ad Deum & Dei voluntatem respiciat, hocq; unum illi ad omnem contentationem sufficiat, super omnes rationes sit. *Ita Pater quoniam sic placitum est antè te. Sicut Domino placuit, ita factum. Voluntas Domini fuit &c.* An non licet illi facere quod vult. An oculus meus erit nequam, quia ille bonus? Uno veluti passu, Sanctus perfectusque evadit: quisquis hanc tractabilitatem cordis sui, Deo ejusq; voluntati exhibere in omnibus novit.

Sextus effectus fructusq; Humilitatis est Charitas in Deum, omniumq; propter Deum seu in Deo. Etenim quanto se magis humilis deprimat, tantò altius Deum extollit: planè sicut in balance fieri videmus, si descendit una pars, ascendit altera in eadem mensura. Et certè hoc unum perpetuo homines faciunt in omni vitæ suæ, inque actionibus, maximè autem hoc negotium peragitur humanis intentionibus, quod se cum Deo, Deumque secum, velut in lance quadam ponderent, in una lance est

*Me*  
est homo ip  
homo per h  
um per ex  
hoc est p  
per sui prop  
per ejus con  
norem Dei  
ptam & neg  
us. Intend  
hoc ipso co  
rogat Divin  
ipso in Deu  
confidit ho  
Hocq; el  
mo ad cor al  
& alitabitur  
amores, dua  
contemptum  
Nimirum a  
ti arbores f  
fructus ge  
plantario,  
proprii arb  
ptus & vili  
In arbore a  
tur poma I  
exaltationis  
verè ac ger  
temptus, a  
stimulatio  
& contra fa  
luntatem &  
sunt indig  
ptorisq; i  
militate r  
Sed de h  
hæc sint di  
non sint, f  
prehensi fi  
presentis i  
militatis p  
alis vitæ p  
nulla pars  
reineriq; p  
tatio late f  
ultior est  
humilitate  
est, quand  
perfectio  
ut homin  
virtutis e  
multiplex  
tica Tiro  
Qua  
tico hum



est homo ipse, in alterâ Deus: deprimit se homo per humilitatem, elevat apud se Deum per exaltationem atq; appretiationem, hoc est per charitatem. Elevat se homo, per sui proprium amorem: deprimit Deum, per ejus contemptum. Intendit homo honorem Dei solius? intendit hoc ipso contemptum & neglectum, oblivionemq; sui ipsius. Intendit commodum proprium suum? hoc ipso conculcat & negligit, imò sibi arrogat Divinum. Diffidit homo sibi? hoc ipso in Deum confidit: non confidit Deo? confidit hoc ipso sibi &c.

Hocq; est illud Davidicum: *Ascendet homo ad cor altum, (profundum, humile,) & exaltabitur Deus.* Et illud D. Augustini: *Duo amores, duas sibi fecere Civitates. unus usq; ad contemptum sui, alter usq; ad contemptum Dei.* Nimirum amor sui, & contemptus, sui veluti arbores fructiferæ, sed dispares extreme fructus generant. In uno cordis humani plantario, hortuloq; plantatæ. In amoris proprii arbore nascuntur fructus contemptus & vilipensionis, offensionisq; Divinæ. In arbore autem contemptus proprii, nascuntur poma Divinæ charitatis, æstimationis, exaltationis. Estq; indubitatum signum, veræ ac genuinæ humilitatis, propriiq; contemptus, ardens in Deum charitas, ejusq; æstimatio & appretiatio magnifica. Sicut è contra faciles in Deum, ejusq; legem, voluntatem & honorem offensæ: certissimum sunt indicium superbiæ, & rebellis contemptorisq; in Deum animi: ac proinde ab humilitate remotissimi.

Sed de fructibus effectibusq; humilitatis hæc sint dicta satis: non quod longè plures non sint, sed quod in jam dictis alii comprehensi sint: & omnes speciatim persequi, præsentis instituti non sit. Quia verò humilitatis perfectæ possessio, tam est Spiritu alis vitæ perfectioni necessaria, ut sine illâ, nulla pars Spiritualis perfectionis, acquiri retineriq; possit: tam verò est ejus exercitatio latè fusa, ut in ea semper progressus ulterior esse possit: imò tum maxime in humilitate laborandum, atq; desudandum est, quando maximè in aliarum virtutum perfectionem perventum est. Quamobrè ut homini Religioso ad manum sit, ejus virtutis exercende, tum assidua praxis, tum multiplex occasio: appono hic puncta practica Tironum in gratiam.

*Quartò vacabit.* Exercitio practico humilitatis, humiliationibus in quo-

tidianis, in assiduis occasionibus, per assiduas item quotidianasq; actiones: quarum, & actionum & occasionum farraginem sequens indiculus uberrimam suppeditabit.

Amator itaq; & studiosus humilitatis Tiro, imò quilibet Religiosus.

*Primo,* Silentij erit rigidissimus observator: ut loqui sit ei in mera necessitate, tacere autem in desiderio. Quodsi quando necessitas justa loqui coget, loquetur paucissimis verbis, submissa voce, timide seu verecundè, festinans ad tacendum quamprimum, reputans se omnino indignum, qui aliquem alloquatur, sciens etiam se loquendi cautè ac sine lapsu aliquo, & ad rem prorsus ignarum. Indubitatum enim, signum & opus superbiæ præsumptionisque esse constat: promptum esse ad loquendum, multiloquum, sonorum, imperiosum, contemptum, jocosum, ostentativum sive doctrinæ, sive pietatis, sive experientia, sive alicujus talis circumstantia, quæ in laudem propriam vergat. Verus quippè humilis tales sermones fugit: non ille originem & familiam, non officia & munia, non res a se gestas magnas, non negotia magni momenti tractata confectaq; non familiaritatem, notitiam, amicitias magnorum, non magnam apud magnos, doctos, pios, multos æstimationem sui, non perfugia aliorum ad se, non se multorum conscium gravium, negotiorum, secretorum, non quidquam tale ampullatum honorificumq; commemorat in sermone: sed omnia ista sepulta, & obruta in profundo oblivionis silentijque continet. Præterea verus humilis humilitatisq; studiosus, abstinere in loquendo à subtilibus, & acutis, & ingeniosis dictariis, abstinere à proverbij, à superlariis, ab Hyperbolicis exaggerationibus: ab admirabilibus, & admirationem cientibus, à monitionibus, à consiliis ultro ingerendis, à documentis etiam præceptisq; dandis. Hæc enim loqui, vel auctoritatem arrogatam, vel ostentationem, videri cupidam redolent: proinde humilitatis Spiritui non consonant. Uno verbo: quo quis humilior est: eo loquendi parciore, tacendi studiosior esse solet.

*Secundo,* Verus humiliationis amator, creber est, atq; adeò continuus recogitator nihili, vilitatis, infirmitatis, cæcitatæ ignorantia, insufficientia, peccaminositatis, stultitia, defectuum, errorumq; suorum. Mortem meditatur & vitæ finem. Iudicia Dei tremenda, profunda, occulta formidat. Pericula



icula cadendi, & à gratia excidendi, ob oculos habet: cum timore & tremore salutē operatur. Sciens quia *Iustus rix salvabitur*, & in Angelis reperta est pravitas: & *columnæ cœli ceciderunt, confractæq; sunt*: nequē habet obſignatam in bono perseverantiam.

*Tertio*, Verus humilis à curiositate interna, externaq; procul abest. Nihil cupit ſci- re, quæ ad ſe non pertinent, & ſine quibus eſſe poteſt. Non curat noſſe illuſtres perſo- nas, nova ſpectacula, inſignia ædificia, cla- boratas picturas, magnificos apparatus, hiſ- quē ſimilia pompam redolentia: ſed nequē talia viſiſſe magnificat, nec aliis refert à ſe viſa, nec miratur qui viderunt. Interim tamen etiam ex harum curioſitatum con- temptu non gloriatur, nequē ex eorum ne- glectu laudes venatur. Habet, neceſſitatis, urbanitatis, charitatis, obedientiæ, in omni- bus rationem, quoniam virtus virtuti non nocet, nec alia aliam impedit vel tollit.

*Quarto*, Verus humilis, omnes honorat exacte pro cuiuſque gradu: imò honorat omnes pluſquam debet: nec præſumit ſedere coram Superiore, vel Sacerdote, vel aliquo grandi natu. Relinquit & cedit omnibus meliora commodioraq; eligens & præſcri- bens pro ſe poſtrema, viliora, incommodi- ora: in loco, officio, victu, potu, habitacu- lo, veſtimento: perinde ac ſi non eſſet par aliis, neq; ex aliorum ordine, ſed vilius quiddam, puta mancipium, jumentum, pe- riſſema, mendiculus. Certum eſt enim, quòd Pater filiis prius, quàm mancipiis; prius familiæ, quàm mendicis providet. Talem ergo ſe humilis Religioſus apud ſe ſtatuat, ac ſi ex pura miſericordia omnium qui in hac domo, vel Religione ſunt, rece- pitus admiſſuſq; eſſet ad Religionem, & ad conſuetudinem aliorum. Cui propterea quid- quid boni ſit, ex mera miſeratione fiat, ſie- ri q; debeat. Perſuadeat ſibi, quòd quæ vi- liſſima deterrimaq; erunt domi, hæc illi da- buntur, & danda ſint, propter ipſius vilita- tem, & infra omnes poſtremiſſimam.

Perſuadeat ſibi cautū eſſe vel lege, vel ordi- natione Superioris peculiari, ut illi omnes officiales, poſtrema quæq; & ultima viliffi- maq; dent ad uſum in cibo, potu, lecto, veſti- tu & aliis, utq; ea, quæ alijs uſui eſſe non- poſſūt, ipſi offerantur conſumēda, ac finaliter deterenda. Quo ſcilicet fiat, ut alii omnes pluſ de bonis; minimum autem de malis Domūs ac Religionis participant; ipſe ve- rò contra, minimum quidem de bonis, & commodis, & ſolatijs: plurimum autem de

malis & incommodis, & laboribus, mole- ſtiſq; participet, exhauriatque. Perſua- deat ſibi quoq; quod ſibi plura & meliora ſemper dentur, quàm mereatur, ſive apud Deum, ſive apud Religioſam communita- tem; ita ſemper potiùs nimium quàm pa- rum, potiùſq; bona quàm mala habebit; & nunquam indigebit, nunquam invidet, nunquam murmurabit, nunquam pluſ alijs habere deſiderabit; imò ne minimum fra- trum ſuorum, in aliqua commoditate vel conſolatione ſuperet, ſemper laborabit.

*Quinto*, Verus humilis, ſemper ſeipſum, accuſat, increpat, & manifeſtat, atq; caſti- gat, nec ſinit quenquam eſſe, vel celerio- rem ad accuſandum ſe, vel ſeveriorem ad ſe puniendum ſemetipſo: imò ſi ab aliquo arguitur vel punitur, uſq; adeo gratum ha- bet, ut etiam pro arguente, puniente, accu- ſante Deum oret, ſibi autem ampliùs etiam de poena adjungat. Nimirum omnes alijs videntur illi eſſe erga ſe miſericordes, mul- tum indulgentes; propterea ille horum in ſe indulgentiam ſuā ſupplet ſeveritate: at- quē id tunc maximè facit, quando ſua erra- ta vel ignorari, vel propter aliquem reſpe- ctum impunita noſcit relinquere.

*Sexto*, Verus humilis, nullam aliam i- maginem ſui habet, quàm acervum ſordi- um, & ſentinam cloacamq; omni ſædita- tum genere ſætentem ac bullientem: ob- quod & Deo, & Angelis, & fratribus, & pro- ximis, & dæmonibus, & creaturis, & ſua ipſius Animæ, ſe intolerabiliter ſætere cre- dit, miraturq; patientiam Dei & creatura- rum in ſe ſuſtinendo: contra quem juſtiſſi- mē omni rabie meritò deſevire deberent.

*Septimo*, Verus humilis neminem judi- cat, neminem damnat: ſed etſi quem videat aliquid agentem quod culpari poſſet: ita coram ſe, ita coram alijs occultat, excuſat, rationeſq; ad juſtificandum excogitat, pror- ſus, ac ſi patronus & advocatus eſſet illius: quodſi aliquid ſit inexcusable prorfus, ille tamen potiùs vult de hoc vel nescire, vel non loqui, vel non cogitare, quàm damna- re, ſed avertit mentem alio, vel compati- tur, vel ſibi ne cadat timet, vel vehementi- am tentationis opponit.

*Oſtavo*, Verus humilis, nulli contradicit, cum nullo animoſè diſputat, de ſua ſenten- tia facile cedit, contradicente alio ſibi pro- tinuſ filet, & quaſi ſurdus ignarùs, convi- ctuſq; foret, manſuetus obmuteſcit, nequē ullo ſigno nūquē oſtendit, habere ſe quæ obijciat ſi velit. Neminem etiam contri-

ſtat



stat non verbo, non signo, non factu, sed si quid contingit fieri directè à se, quod alteri molestiam generet, ita dolet in animo suo, ac si membrum aliquod sibi laxatum esset: quod dolere non desinit, priusquam loco suo restituatur.

Melior est uncia pacis, quàm libra victoria: pretiosiorq; uncia charitatis, quàm centum libræ discordiæ. Christum sibi lassisse videtur, quando fratrem contristat: si tamen contristatio alterius accadat propter obedientiam, vel charitatem, vel officium vel necessitatem; hæc non repugnant humilitati, modò sit locus etiam tunc discretioni. Contristatus vel lassus ab aliquo humilis, non dolet se esse, sed potius Deum & conscientiam offendenti violatâ esse: nequè ut quis veniat, petat, expectat; sed ultro ipse causam dedisse, plusq; reum se esse fatetur, & veniam poscit satisfactionemq; facit, orat pro lædente. Deniq; sic se gerit, ac si non lassus sit, sed ipse læserit. Lædentes, adversariosq; & obrectatores, & inimicos humilis nec habet, nec vocat: sed potius, si qui tales sunt ei, eos inter benefactores & amicos ponit, servire, benefacere, orare, laudare, demereriq; eos promptus est, compati & occurrere eorum adversis gaudet, & tanquam de suis contristatur, meritis illorum se apud Deum tuetur, perq; illorum interpositionem Deum precatur, ita fit, ut humilis à nemine lædatur unquam, nullum habeat inimicum, omnes in bono vincat, omnes plus amet in Deo, quàm ametur, vel non ametur ab ullo: deniquè de nullo conqueritur, nullius convictum, cohabitationem, associationem refugit, sed eis, quos adversarios experitur, hoc ipso nomine, ut benefactoribus affectus est, eosquè veneratur, ut suos Patronos, illisq; & amorem & honorem, & obsequium peculiare exhibet, quod alias non exhiberet, nisi adversarios sibi injuriosq; in se cognovisset.

*Nonò.* Verus humilis, si ab aliquo accipiat beneficium, finem non facit, ejus reddendi, commemorandi, prædicandi. Si alteri benefaciat ipse, parvi hoc facit, ut potius accepisse, quàm dedisse beneficium sibi videatur: ostenditq; potius obligationem explevisse, pro qua sibi nihil debeatur: quàm charitatem & benevolentiam monstrasse.

*Decimò.* Verus humilis omnes portat, omniumq; sustinet mores & morositates, & acerimonias, & necessitates, & infirmitates, planè ac si baculus aut asinus omnium ipse

esset: suos porrò à nullo supportari vult, ideoquè nulli ulla re gravis, esse sustinet. In omnibus manibus & potestatibus, & voluntatibus, judicijq; esse, ponit omnia sua, etiam honorem, famam, & æstimationem: ita ut quantum ex ipso, liberè liciteq; omnes possint uti ejus fama, honore, & æstimatione, sine ulla, quantum in ipso sit restituendi illam obligatione: ipse tamen simile jus nullò modò usurpat aut permittit sibi in aliorum famam, sed potius eam tanquam rem sacram, tanquam Sacramentum, nullo modò tangere videreq; sibi fas ducit; usquè adeò nulli molestus onerosusq; esse curat humilis, ut libenter videat, si ignorent eum omnes secum domi esse, sic pacatus est, sic incurrit in memoriam, ac si non esset in hoc loco, ita nec oberrat angulos domus, non consistit in circulis colloquentium, vel stantium, non alloquitur obvios quosq; ac si eos non nosset, vel loqui nesciret, ac si ad solum cubiculum suum fas adeundi haberet, ab alijs autem sibi non necessarijs locis ac si proscripseret.

*Undecimò.* Verus humilis sicut se, ita & sua desiderat esse occulta, & omnibus abscondita, si aliquid facit boni, non canit tubam, ante se: si aliquid patitur mali in corpore vel anima, si famem, sitim, nuditatem, aliudvè gravamen, si dolorem, morbum aliquem, non omnino prostermentem: molestiam non ad mortem, præcipuum remedium patientia illi est. 2dò Silentium. 3tio Mansuetudo. 4to Paupertas præ omnibus autem, humilitas, quæ judicat se compassione & cura indignum esse. Etsi secundum discretionem fatagit ad labores, vitæq; crucem obeundam conservare valetudinem, in ejus tamen cura, neq; scrupulosus, neq; superstitiosus, neq; pretiosus, neque onerosus, nec in satisfactibilis est, sed omnibus ostendit extra se contentum; intus etenim indignum sentit, vilisq; & postrema sibi exhibita ad usum, vel necessitatem, propter hoc solum avidè accipit, quia scilicet postrema & vilia, crassa & lacera, hoc est sibi propria condigna & debita sunt.

*Duodecimò.* Humilis verus, est perpetuus sui persecutor, implacabilisq; adversarius, in hoc semper unum intentus, quomodo sibi in omnibus ægrè faciat, molestiamquè & dolorem, & contemptum ingerat. Religio enim est perpetua naturæ violentia, & inversus quidam mundus. At hoc non præstat nisi humilis, & humilitatis discipulus, qui non attendit quid caro possit, sed quid



quid spiritus velit. Potissimum est autem hostis honoris, amoris, voluntatis, & iudicii proprii, omnisq; singularitatis, & speciositatis; etiam bona non vult, si ad ea propria voluntate inclinatur, illam obedientiam suspectam habet, quæ illi condescendit, atq; cum eo blandè affabiliterque procedit: mavult Superiorem atq; imperium austerum, imperiosum, severumq;: quia hoc à suo amore remotum novit, utilius autem suæ mortificationi experitur. Quod totum in eo fundatur, quia humilis nullum invenit sibi infideliorem, pestilentiorum, stolidiorumq; quam seipsum: propterea quidquid se velle aut sentire videt suspectum habet, perniciosum timet, erroneum cavet: & in suam perditionem, deceptionemq; à diabolo per suam propriam voluntatem subordinatum suspicatur ac veretur. Unde fit quod humilis absq; obedientiæ ductu, videtur sibi esse velut cæcus sine duce, velut puer sine Pædagogo, velut effrenis & indomitus equus sine perito sessoris; deniq; alienum consilium, ductumque hoc ipso quia alienum (modò peccato non conjunctum) præfert proprio sensui etiam meliori, propter solam proprietatem. Minimè dubius supplendum humilitate quod defuerit à prudentia in alieni consilij acceptatione.

*Decimotertio.* Verus humilis non potest difficultatem Superioribus facere in regimine sui: sed ita Superioribus est fidelis, ut ij minime dubitent factum iri, quod illi præceperint faciendum: cælum & terra transibunt, verba autem, nutus, signum, voluntatis Superioris apud humilem non præteribunt, donec omnia fiant. Non expectat imperium expressum, neq; sub peccato, sufficit nutus, sufficit conjectura & opinio Superiorem hoc vel illud velle aut nolle. Non tanget, non aspiciet, rem ullam quam tangi vel aspici à se credit Superiorem nolle vel non probare. Etsi nemo illum videat, nemo factum ejus sciat, vel scire possit: abstinet tamen & cavet facere, quod scit vel opinatur Superiori non probari. Mentem ac voluntatem Superioris habet in suâ conscientia: sicq; illam ubiq; formidat, ac si esset in reali Superioris vel etiam ipsius Dei præsentia: Intellectum suum in nulla re habet humilis: sed tota ejus Sapiencia est in obedientia. Summa ratio cujusq; rei Imperatum esse, vel Superiorem sic velle. Citius & certius obedit Superiori quàm Angelo, vel Christo apparenti: in his enim decipi sensu suo potest, in Superiore

non potest. Sicut nihil pulchrius & certius est in mundo Sole & ejus lumine: ita in mundo & corde Religiosi humilis nihil est securius certius & clarius, quàm id quod obedientiæ, Superiori, Regulæq; placuit imperare. Et sicut molarem lapidem oportet optimumque est deorsum tendere ac ibi esse, ita Religioso tutissimum est, naturalissimum, optatissimumq; obedientiam facere, illudque præ omnibus sapientissimum, & maximi momenti hic & nunc quod obedientiæ placuit, ordinare.

*Decimoquarto.* Verus humilis Omnes hujus mundi creaturas etiam irracionales amat ut sorores: & earum nomine Deum laudat, tanquam revera pro eis hoc præstare obligatus, & mercede obsequiorum suorum ad id ab eis omnibus conductus: cæterum homines & amat & reveretur ut Superiores suos. Porro Superiores honorat diligitque plus quam Superiores, nempe tanquam Deos suos, itaq; ijs etiam malis servit, illos etiam odientes amat, illos etiam abjectos æstimat, etiam simplices non secus ac Dei sapientia ad se regendum plenos audit, contra illos etiam percutientes non murmurat: illis etiam conculcantibus se subternit, illos etiam injuriose secum agentes juste secum agere credit: illis obstrepere vel obmurmurare vel resistere, vel eos judicare non minus peccatum putat, quàm vel in adulterium, vel in Idololatriam, vel in parricidium, vel deniq; in Deicidium labi: scriptum est enim *Dis non detrahes.* Et *Quos spernit, me spernit.* Et *Non te abiecerunt sed me ne regnem super eos &c.* Non ita Infans ab ubere pendet Matris: sicut humilis à mente, voluntate, & directione sui Superioris, nec ita candidè simpliciterq; conquiescunt infantuli in sinu & inter brachia parentum, quomodo humilis confidenter & simpliciter innocenterque concedit se conquiescitque in omnibus apud suæ animæ Patrem. Quantum de hac confidentia sinceritateque habet Religiosus, tantum possidet de securitate atque salute sua, tantum enim habet de obligata sibi omnipotentè Providentia Divina; quantum verò de hac deperdit, tantum se à Dei cura elongat, atq; à corona gloriæ suæ se subtrahit.

*Decimoquinto.* Verus humilis: nullum peccatum parvum, nullum meritum vile, nullam regulam, minutam, nullam Dei inspirationem & gratiam abijciendam, nullam bene agendi, Deoque placendi occasionem negligendam putet. Sed potius in minimis

nimis  
scit se ad  
opera  
lius gratia  
eum pecc  
committ  
extraordin  
commun  
vore, con  
fatagit ess  
singularis  
minima,  
esse, sitq;  
git, ut q  
ex omni  
Deo dign  
in prælati  
cut asinu  
fructibus  
ex ea fru  
folia fran  
ad sua re

*Decimo*  
la in suo  
licet. Ego  
in sermon  
prehendit  
autem co  
na in ejus  
& sermon  
nanquam  
& plenitudo  
1. 3. de  
fusa exp  
superbia  
se: & in r

*Decimo*  
Spirituali  
latiaque  
rit: quia  
multo mi  
humilitas  
mes quoq;  
humilitat  
difficiles,  
longe ad  
etione su



nimis maximus esse, vult laboratque, quia scit se ad magna & Heroica admirandaque opera idoneum & dignum non esse. Nullius gratia aut placito id tribuit, ut propter eum peccatum imperfectionemve minimam committat. Non vult magna, & mira & extraordinaria facere, sed in ordinariis & communibus exacta diligentia, insigni fervore, constanti assiduitate extraordinarius fatagit esse. In hoc uno vult esse maxime singularis, quod nunquam in ulla re etiam minima, nec a communi usu recepta velit esse, sitque singularis. Quidquid agit, ita agit, ut quantum humanitus assequi potest, ex omni circumstantia opus perfectum & Deo dignum sit. In honore, in dignitate, in praelatione aliqua positus, ita se gerit, sicut aliquis sacra portans, aut sicut arbor fructibus onusta, quam omnes carpunt, & ex ea fructus baculis decutiant, ramos & folia frangunt: decerpitis autem omnibus, ad sua redeunt illam relinquentes.

*Decimosextò.* Verus humilis tria vocabula in suo sermone atque sensu ignorat: videlicet. Ego, Meum, Me, nunquam enim hæc in sermone suo usurpat, nisi quando se reprehendit, & accusat, & vilificat, in aliis autem colloquiis nunquam hæc pronomina in ejus ore perstrepunt. Sicuti ab ore, & sermone superbi, amantiisque seipsum, nunquam eadem absunt, quæ de re exactius & plenius videatur Theophilus, Bernardus, l. 3. de præfidiis persever. c. 12. & sequ. ubi fuse explicat singillatim versutiam nostræ superbix, assiduitatemque in respiciendo ad se: & in repetendo Pronomine Ego &c.

*Decimoseptimò.* Verus obediens etiam in Spiritualibus rebus est humilis: favores, solatiaque, & visitationes, & gustus non appetit: quia se his indignum ex animo credit: multo minus mirabiles desiderat: quas humilitas, & vilitas sua non capit. Sublimes quoque materias non meditatur, nisi cum humilitate & abiectioe sui: libros quoque difficiles, & arcana Dei mysticæque viæ a longe adorat, contentus peccata & imperfectiones suas deslere, vilitatem nosse, vitam,

mores, doctrinam, passionem, labores, contemptus Christi Domini & Sanctorum ejus meditari & imitari. Virtutes exercere, Dei voluntatem implere, beneficia recollere, & semper plus proficere, ampliusque Deo placere. Votis, Regulis, Vocationique suæ per omnia satisfacere, in omnibus, & ad omnes, & apud se imprimis, abiectum, postremumque esse: & sic ad mortem persequere.

Satis opinor hæc erunt Tironi Religioso, atque humilitatis candidato, ex quibus humilitatis opera, materiam, occasiones, artesque condiscat: tum etiam ut quantum sibi ad ejus consummationes adhuc desit, dispiciat. Nunc quoniam huic Mense quatuor jam Exercitia circa solam Humilitatem assignavimus etiam quintum, circa eandem assignemus.

*Quintò vacabit.* Humilitati, e. jusque perfectioni & exercitationi a Deo postulanda: Nemo enim potest evadere humilis spiritu, nisi Deus det. Tiro igitur adibit & deprecabitur Dominum pro ea: clamabitque semper, ut in se deponatur, augeatur, conservetur. Sapientissimus Pater Franciscus Suarez, aliquando a quodam familiariter interrogatus: uter Deo plus deberet: ipse Pater Franciscus cui Deus claves Sapientix dedisset: an Hispaniarum Rex, quem Deus tot Regnorum Dominum fecisset: respondit modeste, simulque verè: Ille plus debet Deo, cui Deus notitiam sui & Humilitatem dedit. Nimirum omnibus Sapientis præponderat Humilitatis possessio. Quare præter alias hujus argumenti obvias Orationes: Uti poterit qui volet Oratione Ecclesiastica, quæ ad idem propositum familiaris fuit Bellarmino Cardinali de nostra Societate. *Deus qui superbis resistis, humilibus autem dat gratiam, auge in nobis veræ humilitatis virtutem, cuius in se formam, Unigenitus tuus, fidelibus exhibuit: ut nunquam indignationem tuam provocemus elati, sed potius pietatis tue capiamus dona subiecti, per Christum Dominum Nostrum.*





# EXERCITIA

## SEPTIMI MENSIS.



**I**N Septimo Mense Tirocinii sui Religiosus,

### Primò vacabit

Exercitio Patientia, cōfessionem asperitatum, & earum rerum à quibus experitur se abhorre, à quibus se ad impatientiam & iram permoveri novit. Item Amori Crucis Christi, eiusq; desiderio & quaestioni, amori quoq; eorum, qui Crucis & Patientia materiam occasionemque praeberint. Intellego autem Patientiam illam, quae facit hominem adversa perferre modeste primū ac tacite, & pacate, deinde constanter & fortiter, tandem etiam alacriter & libenter, insuper sponte, & cum quaestione acceptationeque adversarum & molestarum rerum, cum amore & inter benefactores connumeratione eorum qui molesti sunt, molestiasq; causant; denique cum humilitate ac humilatione ex patientia: ut non superbiat homo ob patientiam, utq; non tantum non conquatur, sed etiam non gloriatur apud se, vel alios de patiēdo: sed potius humilietur & abiectus modestusq; reddatur: sicut solet reddi castigatione modestior, ille qui ob suum aliquod malum factum à Magistratu plectitur. Sine Patientia in mūdo isto, vitaque ista non vivitur omnino: nec est possibile ullus in hac vita status in quo non sit quod patiat hominem, sed sicut non est corpus sine umbra, sic etiam non est vita sine patiendi materia, consequenterque necessitate,

Neq; id mirari debet quisquam. Constamus & componimur contrariis. Corpore & anima, materia & Spiritu experie materiae. Calido, frigido, sicco, humido, levi, gravi &c. Contrariis etiam nutrimur, alimur, augemur, crescimus; contrariis circumdamur, & undiq; circum obsitumur. Quomodo ergo fieri potest ut non perpetuo alteremur, oppugnemur, immutemur, patiamur? quomodo non insanit qui sine Cruce & patiendi materia esse cupit, quiq; irasci-

tur & inquietatur dum aliquid adversi experitur. Oporteret totum mundum à suo statu prorsus dimoveri, & sursum deorsum omnia perverti, ut possit dari momentum, quo homo non sit inter adversa, nec patiat aliquid adversi.

Quare, non est laborandum homini in hoc, ut nihil patiendum habeat, quia hoc naturae & hominis & mundi totius huius visibilis repugnat, sed in hoc tota industria ponenda illi est, ut adversa omnia patienter, id est, modeste, mansuete, quiete, libenter, constanter ferat, semperq; ad alias & alias molestias cruceq; se praearet.

Hanc linguam discat Tiro Religiosus: & in totam vitam ea loquatur. Ac quemadmodum omni vita panem à Deo postulat, accipitq; eoq; se sustentat: ita patientia panem ab eodem Domino semper mendicat, semper accipiat, semperq; se eo faginet. Hoc enim pacto semper ei dulcior fiet patientia: adeo ut etiam tedium sit passurus si quando senserit se patiendi occasione carere.

Prodest hoc etiam Tironi cognoscere: quod Impatientia, & inquietudo iraq; in adversis aut contra adversarios: multiplicet Crucem & patiendi materiam. Ita, ut hoc differat impatiens à patiente, quod ille praeter molestiam quam fert, habet aliam graviolem, ex eo ipso quod impatienter fert: semper enim impatientia illius, & aggravat malum, & est ipsa gravior illo ipso malo: & insuper repellit à se meritum gratiae quod habebat paratum apud Deum, si modeste malum pertulisset: & praeterea peccat in Deum, quo volente & ordinante, evenit adversitas omnis; peccatoq; illo meretur poenam temporalem, quandoq; etiam aeternam, cum est impatientia gravis & impotens: evadit homo incorrigibilis, rebellis Deo, & desertus ab ipso: & novae majoriq; adversitati obnoxius. Quocirca qui vult omnem Crucem adversitatemque sibi esse levem, optet illam, & amet, & pro ea Deo se subdat, humiliet, gratias agat: sic faciet ut Crux non sit illi Crux, sed gaudia; & molestia, non sit molestia, sed solatium.

Omit-



Omitto Exemplum Christi, Sanctorumque præsertim Martyrum. Omitto item exempla hominum, qui infinites graviores patiuntur propter suas cupiditates, & propter alios homines: ut sunt milites, ut mercatores, ut Coloni, ut Mendici, ut Malefici. Omitto etiam præmia patientiæ, & penas impatientiæ. Omitto peccata præterita & præsentis etiam vitæ, pro quibus satisfaciendum est tolerantia adversitatum. Omitto subsidium animarum purgatorij, efficaciam orationum ad Deum, patientiæ virtute augeri. Hæc similiaque omitto quibus ad patiendum excitari, incitarique debent omnes quidem, & præcipue qui à sæculo ad Dei obsequium conversi, scire debent, quod in patientia sua possidere animas suas in hac vita debeant. Hæc igitur sit cura Tironis: quam maxime resolutum esse ad patiendum: Crucemque sufferendum: ad idque ab initio statim assuescere laboret, ut molestias instar panis quotidiani & expectet, & exoptet, & excipiat, & deglutiat. B. Divini beneplaciti & amoris gratia, & propter IESU Christi Crucifixi amorem ac imitationem, propter Sanctorum exempla, pro suis & alienis peccatis, peccatorumque poenis: gnarus & certus, impossibilem esse vitam sine molestia & Cruce: fugiendoque & excutiendo Crucem, augeri & graviore reddi Crucem.

Habeat notas, notatas, prævisasque crucis & molestias, earumque occasiones loca, tempora, personas, causas, ad easque se invocato Deo præmuniat, præparet, offerat. Excitet in se crebro in dies, (assignatis ad id tum vicibus, tum temporibus, seu actionibus) desiderium propositumque patiendi, perferendi subeundi hanc illam, aliquam molestiam, adversitatem, crucem. Protestetur coram Domino se velle, se cupere, se paratum esse pati, petere tantum occasione auxiliumque in occasione, sine quo nihil posse se confiteatur ultro Deo.

Optet etiam & optationem sæpiusculæ, cum ardore, cum fiducia in Deum, repetat, & sibi ipsi vel invito huiusmodi optationes intrudat, imperetque, nec ob horrorem debilis mentis vel affectus, carnisve aut sensus averfantis cesserit, sed vel ipsis duntaxat verbis, optationis, propositi, desiderii, amorisque molestiarum, actus & proposita pronuntiet, Deoque offerat. His verò exercitijs examen particulare addat: atque contra impatientiam, pro patientia, auxilio hujus examinis pugnet.

Præter hæc autem, duo quædam, in acquirendæ patientiæ studio, multum proficua, servet. Primum est, ut nullam molestiam, crucem, adversitatemve excipiat, & aspiciat, tamquam à creatura, ejusve malitia sibi oblata irrogatamve: sed omnino tamquam à Dei manu voluntate, providentiâ, imperioque sibi ad sufferendum impositam injunctamque: & quidem ex summo specialique valde amore Dei erga se, in signum amoris & pignoris, & stabilis fiducialisque affectus erga se Divini. Creaturas autem & earum qualescunque tandem animos, affectus, & conatus, esse Dei mera instrumenta, meros famulos & ministros: quorum opera Deus utatur offeratque sibi pignora charitatis suæ, & materias merendi, occasionesque majorem, apud se gratiam, gloriamque ineundi. Ex hac persuasione fiet, ut nulli creaturæ afflictionis causam attribuat, nulli irascatur, de nulla queratur, potius illam amabit, & tanquam Deo ministrantem observabit, aggetque, gratias, & pro illa Deo supplicabit, illi bene volet ac faciet. Sicque dilectione inimicorum facili opera discet, sic etiam facili negotio: Resignationem in Dei voluntatem (cujus præcipua pars in adversorum placidâ tolerantia consistit) acquirat.

Secundum est, (quod etiam manat ex priore, ut consideranti patet) ut non faciat delectus in patiando: Non, inquam, hoc quidem pati velit: illud autem non. hic velit, ibi autem nolit, ab illo velit, ab alio autem nolit, tantum, tamdiu, toties velit, aliter autem nolit: Verum simpliciter absoluteque ad omnem Crucem, Crucisque circumstantiam æqualiter sit paratus, resignatus indifferens: certus, omnia esse à Deo provisâ, ordinata, imperataque sibi ad sustinendum, tam quoad substantiam, quam quoad circumstantias omnes & singulas: ita ut aliquam admittere, aliquam autem excipere, nihil credat esse aliud, quam Deum velle docere, aut etiam reprehendere, totumque patiendi fundamentum, ac omnem patientiæ dignitatem pervertere: quod est *Pati quia Deo placet, quidquid placet, ut placeam, & secundum & propter eius placitum atque gustum.* Stabilire verò aliud fundamentum patiendi, nempe Idolum, & honorem propriæ suæ voluntatis: quod est. *Pati id solum quod volo, & quod iudico ego, quia volo, quia iudico ego.* Quo nihil perversius est in obsequio Divino, odibilisque Deo.



*Secundò vacabit* Exercitio Prudentiae Christianae, usuiq; rationum æternarum, & quidem quoad fieri à Titone poterit etiam suum olimium & excelsarum.

1. Prudentia & Sapientia Christiana est cognoscere se & Creaturas omnes: quod nimirum ex se ipsis nihil sint, nihil possint, nullum meritum, nullum pretium, nullam dignitatem, nullum robur habeant, sed, quod sint ex Deo, & ab ipso habeant omnia quæ sunt, quæ habent, quæ possunt.

2. Deinde verò ejusdē Sapientiae est Deum nosse: quod scilicet sit solus, summus, optimus, super omnia, nullius creaturæ indigens, omnium ex sua infinita effusaq; bonitate pater & parens.

3. Item Sapientiae hujus est, se continere, & omnia creata parvi facere tum propter annatā vilitatem, tum propter infinitam à Dei perfectione distantiam.

4. Præterea ejusdem Christianae Prudentiae, Sapientiaq; est Deum super omnia æstimare, amare, collocare, exaltare, se, & omnia Deo subdere, dignitati ejus augendæ servire & studere, voluntatem ejus omnem explere, eiq; se ad omnem usum, ad omne obsequiū, ad omnem nutum tradere, & permittere, in ejus misericordia, liberalitatem potentiam, spem, fiduciamq; collocare: ejus solius iustitiam tenere, sapientiam mirari, charitatem amare, potestatem timere, atq; sic semper perseverare, neq; ob ullius creaturæ vel metum, vel spem, amorēq; ab hoc latum pilum recedere: sed prius faciliusq; promptiusq; & sui & mundi totius jacturam, ipsasque inferorum pœnas æternaliter subire, quam in Dei minutissimam inimicitiam consentire.

5. Ejusdem Prudentiae Sapientiaq; Christiana est leges, & vitam & mores Christi Domini, quos ille inter homines prædicavit, tenuitque nosse amare, æstimare, æmulari, & exprimere in suis moribus: nequē quidquam sapientiam mundi, aut prudentiam, carnalis morari: sed potius per omnia contra vicio modo moribus legibusque mundi & sapere, & loqui & vivere. Mundi namq; sapientia, verissima, est stultitia, mergens homines in interitum & perditionem, inimicum Dei constituens, & Christi adversarium Antichristumque faciens.

Hujusmodi Prudentiam Divinam, omnes quidem homines, potissimumque Christiani at præ omnibus maximè tenentur ediscere, & nosse, & tenere, tuerique homines Religiosi, qui ex professo cultui obsequioq;

Divino dedicantur: ac speciali quadam insuper ratione debent omnes Filii Societatis IESU ad eam prudentiam Divinam, notitiam, observantiamq; perfectam eniti: utpote qui ipso suo & instituto & nomine mentem & Sapientiam IESU Christi profitentur confitenturq;: Ex quo sequitur Tironi Societatis, tam esse ediscendam, exercendamque ab initio suo statim ac strenuè hanc Scientiam IESU Christi prudentiamque, quam certum est, ad eum pertinere ut ediscat malitiam, vitam, imitationemq; morum IESU Christi: alioqui nulla ex parte Vocationi, imò nec nomini vocationis suæ respondere poterit. Igitur in id Tiro Religiosus, ac inprimis Societatis incumbet, ut secundum illa s. superius posita capita, vitam suam omnem dirigat, & eximat: Hac enim ratione Prudentiam Spiritus, & Sapientiam Dei, & scientiam supereminentem IESU Christi moribus ac vita quotidiana exercendo discet, & discendo exercebit.

Quam ad rem conducet multum Tironi perlegisse, ac meditando etiam perpenderit omnem quidem Christi Domini vitam, ab Evangelistis descriptam, sed cum primis caput quintum, & sextum, & septimum Matthæi Evangelistæ, quibus potissima legis sapientiaq; suæ Capita Dominus complexus est.

Ad eandem rem conducet Tironi, & cognititas & profundè ad animum demissas, cordique insculptas habere rationes, ut vocant æternas, ad quas omnem suam vitam partem, omnem actionem, omnem animi designationem, commotionemq; dirigat: quemadmodum etiam è contrario oportet ut cognititas quidem bene, verumtamen animo exosas detestatasque habeat, rationes humanas & carnales, & temporales, quibus prudentia carnis, & sensus, & mundi, diabolique præcipuè innititur, & gubernatur. Ut æternas quidem totis viribus, & perpetuo interni hominis, Superiorisque portionis oculo sequatur ac intueatur: humanas verò & caducas, totis quoq; animi viribus detestetur, inferioremque sui partē, ab earum cupiditate, & appetitu, & gustu, tota rationis & libertatis imperantis potestate, efficaciq; abstrahat, & avellat.

Rationes porro æternæ, Divinæ, sublimes illæ sunt & vocantur: in quibus hæc aut similia his agendi motiva, rationisq;ue distamina sunt. Hoc faciam, vel hoc non faciam, quia Deum amo, qui hoc jubet, cui hoc placet, qui prohibet hoc, cui displicet hoc



et hoc. Quia Deus hoc punit in hac aut altera vita. Quia per hoc merebor apud Deum gratiam, veniam, æternam vitam, profectum in virtute, vel alia spiritualia bona, naturaliaq; opportuna, juxta voluntatem Dei, & salutis meæ bonum. Quia hoc rationi luminiq; naturali repugnat, vel congruit. Quia hoc ratio recta & honestas exigit, vel respicit. Quia hoc bono communi proximorumq; prodest, aut nocet. Quia hoc ipse mihi fieri vellem, vel nollem ab aliis. Quia hoc legibus humanis publicis, justis, receptis Ecclesiæ statutis, in Religione positis, meo statui præscriptis cautum, receptum, prohibitumq; est. Quia hoc me ducunt Leges Christi & mores, & vivendi exempla. Quia hoc exempla & instituta & consulta, Sanctorum prudentum, probatorum, honestorum, suadent, docent, damnant. Hæ similesq; ut dixi sunt rationes æternæ, quæ ideo æternæ dicuntur, quia sempiternæ veritatis, & primæ rationis sunt ex Æternæ Dei Sapientiæ arcanis fontibus manant, in immortalis ac spiritualis naturæ nostræ portione, æternaliter, ac indelebiter scriptæ sunt, nec eis ratio oblectari ullatenus potest, & denique ad æternam vitam deducunt, æternaliterq; recto & honesto inhaerent.

E contra rationes humanæ, Terrenæ, Carnales, mundanæ, belluinæ illæ sunt, quæ non Deum non legem ejus, non rationem, rectam, non honestum, non commune ac cum alijs conjunctum bonum spectant, sed tantum temporalia commoda & propria cum injuriis Divinæ legis. Rationis rectæ, boniq; communis, & æquitatis. Tales sunt. Hoc faciam vel non faciam. Quia suave est sapit delectat, vel molestum & horridum est sensui, carni. Quia pulchrū splendidum, speciosum, gloriosum, ad famam nominis propagandam, ad excellentiam, ad nomen alijs illustrius, alijsvè par comparandum conducit. Quia ob hoc æstimabor, honorabor, timebor ab alijs, contemnar, despiciar, ridebor, abijciar. Quia judicabor timidus, vilis, abiectus, parvus, sordidus, egenus, impar, simplex, agrestis, ignarus, rudis. Quia pulchrum est digito monstrari & dici, hic est. Quia hoc & hoc de me dicent. Quia hoc mihi & meis commodis meosves spectantibus prodest, obest, conducit, impedit. Quia ita nunc eunt res, isti sunt nunc mores seculi? ita expedit, ita vulgo fit ab omnibus &c. Breviter: Rationes humanæ sunt, quæ respiciunt

vanitatem, curiositatem, speciositatem, voluptatem, jucunditatem, delicias, opes, honores, sensuum oblectamenta; otium, ludos, jocos, excellentias, glorias, laudes, opiniones humanas, præsentis, privatas, proprias, sensuum, transeuntes, cum morte vitæq; imò & ante vitam, mortemque deficientes.

*Item Rationes humanæ sunt:* Metus damni temporalis, honorum, voluptatum, opinionum, molestiarum, propter quem metum æterna & divina & animæ bona negliguntur, amittunturque.

*Item Rationes humanæ sunt:* Ratio & cura studium conservatioq; privati, proprii sui sensus, voluntatis, judicii, honoris, vitæ, famæ, opum corporis.

*Item Rationes humanæ sunt exempla aliorum prava, & exemplis Sanctorum, Deique legibus opposita, munita, dicteria, scommata, irrisiones, persuasiones minæ.*

*Deniq; Rationes humanæ sunt, quæ semper annexum habent unum aliquid ex his Ego, & Meum, & Me.* Hæ rationes sunt dicunturq; humanæ & sensuales, & caducæ, & carnales, & temporales, & privata, cum tempore & carne, & sensu, & mundo transeuntes, terminumq; accipientes, solidi, æterni, honesti, supernaturalis Divini æterni, vitæq; beatæ & gratiæ Dei digni, nihil habentes, sed omnia vana, carnalia, voluptuosa, & fere cum peccato conjuncta, aut vicina habentes.

*His Rationibus totus mundus vivit, & ideo totus perit.* His rationibus ut Religiosus non vivat, Religiosus evadit, & Religionē init, mundoq; renunciat, paupertatem, carnis voluptates, commoditatesq; etiam licitas refecat per castitatem, sui amorem, suam voluntatem, libertatem, judicium, famam abnegat, abijcitq; per obedientiam, perq; Regularum, & ad exemplar vitæ doctrinæq; Christi ordinatam, restrictamque disciplinam, ideoq; Religiosus perpetua naturæ inferioris & sensualis violentia appellatur. Etenim omnia sunt studia opposita in Religione studiis mundi: uti conferenti rationes æternas, humanasq; patet, quarum prioribus Religio posterioribus, mundus gubernatur. Quod ipsum ex infra positis oppositionibus mundanæ Religiosæque vitæ evidenter cognosci potest, quantum enim cælum terræ, ignis aquæ, lux tenebris, Spiritus materiæ, veritas vanitati, contrariatur tantum hæc duo genera vivendi repugnant.

Mundani



*Mensis VII, Exer: de Exercitio Prudentiæ Christianæ*  
**LEGES MUNDANÆ & RELIGIOSÆ PRUDENTIÆ**

Mundani hominis est:

- 1 Corpus curare, animam negligere.
- 2 Sensum fovere, spiritum extinguere.
- 3 Rationi suæ prudentiæq; inniti.
- 4 Voluntatem propriam libertatemque sequi.
- 5 Honori suo inhiare, studereque.
- 6 Mala agere, bona velle recipere.
- 7 Malum esse, bonum dici videriq; velle.
- 8 Excusare se, alios accusare.
- 9 Deum, & divina negligere.
- 10 Seipsum in omnibus querere.

- 11 Sapientem, Magnum, Nobilem, doctum &c, videri velle.
- 12 Temporalium & præsentium spe ali.
- 13 Irresignatum esse, in seipso stare, se ipsam mensurare, omnes eventus ex bono suo atq; desiderio æstimare.

Ex his legibus Mundanæ Religiosæque prudentiæ discet Tiro, quibus vivere debeat, quas fugere. Oportet autem, ut eas bene insculpat animo: perpetuoq; in id ab ipso sui Tirocinij initio invigilet: ut ad rationes humanas, legesq; mundanas nunquam oculus cordis convertat, nunquam concupiscentia abripi se sinat, sed tanquam à facie colubri & aspidis, perniciosissimo cursu fugiat, omnemq; earum titillationem igne citius excutiat: omnes autem cogitationes & actiones suas ad normam divinarum æternarumq; ac Religiosarum Rationum exigat & conformet.

Ad quam rem perficiendam magnopere juvabitur, si in meditationibus atq; examinationibus suis quotidianis contra humanas rationes, pro divinis æternisq; in seipso depugnaverit tamdiu, donec humanarum rationum sensum & gustum amittat, odium vero horroremq; imò & oblivionem concipiat. Æternarum contra, sensum, gustum, amorem, usum, habitumq; contrahat, inque omnibus suis actionibus & commotionibus, ad eas respicere, & ijs convinci in officioq; contineri consuescat, naturalemq; sibi faciat. Tunc enim experietur atque experimento comprehendet: *quæ sit longitudo & latitudo, & sublimitas, & profundum, & quæ sit superminens scientia Christi: quod nimirum Apostolus tantopere fidelibus optat.*

*Tertio vacabit Exercitio Timoris Divini: Sapientiæ, Prudentiæq; ac omnis*

Religiosi hominis est:

- 1 Animam curare, corpus affligere.
- 2 Spiritum fovere & augere, sensum mortificare.
- 3 Alieno arbitrio stare fidereq; potius quam suæ.
- 4 Alienam voluntatē imperiumq; expectare, exequi.
- 5 Honorem suum conculcare, contemni velle.
- 6 Bona agere, mala (pro eis etiā factis) pati.
- 7 Bonum esse: malum videri diciq; velle.
- 8 Se accusare, alios excusare, tueri. (æstimare)
- 9 Deum & divinum beneplacitū pro omnibus æ-
- 10 Deū solū eiusq; gloriā in omnibus querere: se nihil curare.
- 11 Velle stultū, ignobilē, indoctū, ineptū, inutile, vilem, haberi, & existimari.
- 12 Alternis tantū inhiare: præsentia non curare.
- 13 Totaliter & per omnia se Dei voluntati resignare: in Deumq; tendere & referre, & solā unāq; Dei voluntate, continē esse.

pietatis Religionisq; in Deum est cognatus maximè Timor Domini: adeo ut etiam Initium Sapientiæ dicatur à Spiritu Sancto. Est autem in Timoris Divini exercitio usu advertendus & vitandus error sanè tam pestilens quam non infrequens. Persuasio quædam, quod non sit ex timore Deo servendum, quod citò sit transeundum à Timore ad Amorem Dei, quod imperfectum sit timere, & timore duci in Dei obsequio, quod perfecta charitas mittat foras timorem &c. Adeoq; hæc persuasio nonnunquam invalescit apud incautos, ut etiam Tirones pudori sibi ducanti, Timore Dei & non charitate gubernari in Dei obsequio existimantes omnem Timorem charitatē repugnare: cum tamen oppositum sit: cum inquam nusquam sit perfectus magis, magisq; tener ac delicatus Timor quam in perfecta & consummata charitate. Adeo, ut non tantum non sit fugiendus Tironibus Timor Dei, sed potius sit etiam Sanctis ac Perfectis hominibus retinendus ac assiduò exercendus. Non enim sine causa monet Spiritus Sanctus: *Time Domini omnes Sancti eius*: quod utiq; non de Tironibus intelligendum est, Apostolus etiam absolutè monet omnes, *ut cum timore & tremore operentur salutem suam*: quam certè non soli Tirones, sed etiam Sanctissimi quiq; operantur. Alludere autem videtur his verbis Apostolus ad illam Davidicam admonitionem maximè perfectis servientem. *Servite Domino in timore, & exultate ei cum tremore.*

Exultate



Exultare enim Deo non est incipientium, sed Proficientium, imò Perfectorum.

Sciendum ergo est, triplicem esse Timorem Dei bonum: Unus est Servilis, alter Mercenarij, Filialis tertius, qui etiam Castus vocatur: primus timet supplicium æternum, secundus timet damnum cœlestis patriæ, tertius timet iram & privationem gratiæ amicitiaq; Divinæ. Nostri salus, & ad Deum conversio, ordinariè à timore primo nempe gehennæ damnationisq; æternæ: tum verò in progressu transit ad 2dum quod timet amittere gloriam cœlestem, at demum ascendit ad tertium, quo nec pœnam nec damnum, sed iram metuit. Non pœnâ, inquam, Domini, ut malus servus; nec damnum mercedis, ut negligens operarius; sed iram patris ac Amici & sponsi amabilissimi, ut optimus filius, ut sincerus Amicus, ut sponsa castissima, & fidelissima, quæ nihil æquè metuit quàm displicere, aut minus placere, sponso amantissimo: Atq; hic timor non mittitur foras à charitate perfecta, sed potius est ipsa charitas: certè sine illo non est charitas, & nunquam est illo carendum, sicut & charitate: imò semper est in illo morandum, sicuti & in charitate. Tironibus ergo, secundum mensuram profectus sui in Timore semper est manendum, & etiam exacto Spiritualis vitæ Tirocinio, in eo perdurandum. Si enim absq; timore esse voluerint, non poterunt justificari, & iusticiam conservare.

Estq; hæc una causa ex præcipuis (quod diligenter pro omni vitâ & statu graduque perfectionis notari debet) ob quas quandoque solidi perfecti, antiqui Religiosi post laudabiliter decursam in Iuventute Religiosam vitam, in gravi & matura ætate, in graves turpesq; lapsus incidunt: à quibus iuvenes longè aberant. Nimirum in prioribus conversationis Religiosæ annis stabant in Timore Dei, cauti circa semetipsos, non fidentesq; sibi, tntationes cum Patribus Spiritualibus communicabât, consilijsq; eorum inhærebant, mediâ ab illis & à Religione præscripta servabant: Maturiores verò facti, & perfectionem possidere se rati confidunt sibi & præteritæ vitæ annis pluribus sine offensa traductis, remissius agût, occasiones non evitant, in occasionibus tã imprudenter, quàm confidenter versantur, moranturq; à gratiâ, quàm non sollicitè tractant & servant, imò ejus perdendæ periculo se ingèrunt, relinquuntur sibi ipsis à Deo quem non invocant, & in ejus timore

non sunt, sicq; capiuntur, cadunt, ruunt, & tanquam columnæ cœli collapsæ confringuntur, & tanquam fulgur cum Sathana decidunt in terram: impleturq; illud in eis: Si non in timore Domini tenueris te instanter, citò subvertetur Domus tua. Et illud: qui sine timore est non poterit iustificari.

Quocirca Tiro Religiosus, ab initio conversionis suæ fundabit se in timore Divino ita, ut ejus augmentum in seipso semper conquirit: semper Dei abyssalia judicia, suamq; fragilitatem & indignitatem recogitando, sibi virtutiq; suæ præteritæ nihil omnino confidendo, nè à Deo derelinquatur, nè à facie Dei projiciatur, nè Spiritus Sanctus Dei auferatur ab ipso humillimè postulando. Sic enim Deum timebit semper: timendo autem in ejus servitio & cultu diligens erit: quia qui timet, nihil negligit. Sic etiam nullam omnino creaturam formidabit: quia timor Domini ejus est virtutis & efficacis, ut omnem alium timorè pellat. Quemadmodum per contrarium, qui Deum non timet, omnia timere debet. Verus autem Sanctus Dei timor ex hoc cognoscitur, quod creaturas non timeat, sed tantum timere illas timeat: atq; ita timor Domini facit verè fortem, verè magnanimum, verè generosum, verè diligentem, verè fidelem, verè securum. Etenim qui timet Dominum nihil trepidabit: & non pavebit, quoniam ipse est spes eius.

Atq; hoc est illud, quod Sanctus Bernardus à suo proprio experimento confirmans dicit. In veritate didici nihil æquè efficax esse ad Dei gratiam promerendam, retinendam, & recuperandam, si amissa sit: quàm si omni tempore coram Deo inveniaris, non altum sapere, sed timere, secundum illud Salomonis: Beatus homo qui semper est pavidus.

Timeat ergo perpetuo aut quam creberimè & ex usu propositoq; singulis diebus statis vicibus repetitis actibus quilibet homo Deum suum. Timeat propter dignitatem & maiestatem & potentiam ejus, timeat propter tremenda & inscrutabilia judicia consiliaq; ejus, timeat propter absolutum abyssaleq; Dominium ejus. timeat propter Iusticiam rigorosam inflexibilemque æquitatem ejus, timeat propter suam propriam vilitatem quam exuere non potest, etiam si in Seraphinum commutetur, timeat propter peccata præterita præsentiaque, timeat propter peccata in quæ cadere potest, aut fortè cadit, si iram Dei provocaverit, & à gratia Dei desertus fuerit: timeat propter ingra-



ingratitude suam, timeat propter bona omiſſa, propter bona minus bene facta, propter gratias auxiliaq; Dei & inspirationes neglectas, timeat propter malitiam, timeat propter inconstantiam, timeat propter aliena peccata, quibus vel causam dedit, vel se immiscuit, timeat propter infinitas tentationes cadendiq; pericula, timeat propter infinitos crudelissimos, assidueq; suæ proditioni inhiantes hostes infernales.

Hoc timore ex his causis orto assidue humiliet castigetq; animam suam, excitet negligentiam suam, exacuat diligentiam suā, excutiat securitatem periculosa, expellat fiduciam sui præsumptuosam, provocet se ad Dei reverentiam, quam profundissimam, conservet in se & deriver ad se Dei gratiam copiosam: deniq; disponat se ad constantem in bono perseverantiam.

*Quarta vacabit.* Exercitio Simplicitatis & candoris Religiosi. Est autem Simplicitas omnium quidem Christianorum, ita propria, sicut omnes Christiani in ipso Baptismo renunciant mundo & pompis fallacisq; ejus: & sicut Christianismus est oppositus à Christo Domino Pharisææ hypocrisis simulationiq; attamen potiori jure ad Religiosos spectat: ut pote speciali ratione vitam mundo contrariam profitentes. Ulterius autem peculiari ratione Tyronebus Religiosis ea virtus quadrat, quippe quia hac Virtute ab initio tanquam lacte infantes nutriri, & à secularis duplici-ratis fallaciæq; intoxicato nutrimento separari atq; veluti ablactari opus habeant.

Simplicitas itaq; est Virtus opposita omni duplicitati, astutiæ, curvitati, fallaciæ simulationi, hypocrisi, mutabilitati, vaftrici, fictioni, fraudulentia, dolositati.

Simplicitas ista, potest, imò mavult decipi & falli, quam ipsa fallere & decipere. Simplicitas hæc facit hominem Deo valde similem, & consequenter valde gratiosum ac familiarem. Etenim cum simplicibus sermocinatio ejus: qui mos est proprius amicorum, familiarium, domesticorum, intimorumque.

Simplicitas hæc, alienos mores sermonesq; non pervertit, non suspicatur de alij's malum, hoc quod in mente habet etiam ore profert, de nullius malo exultat, de nullius bono tristatur, nulli invidet, neminem carpit, nulli adulatur, mentitur nunquam, moribus antiquis & prisca probitate

vivit: omnia bona de omnibus & loquitur & credit: omnibus bene vult, de omnibus meliora, quam de se opinatur polliceturq;. Ideoq;, ut scriptura loquitur, qui ambulat simpliciter, ambulat confidenter: ex sua enim innocencia, & conscientia, omnes alios metiendo, nullum & nihil metuit.

A Simplicitas quoq; ista Deum in simplicitate timet & colit, & reveretur, neq; erubescit obedientiam legibus, voluntatiq;, ejus perinde palam, atq; clam omnibus præstare. Non erubescit Evangelium, non deterretur sermonibus linguisq; à bono & recto, debito virtutis, status munerisq; sui, officio & cursu.

Hæc eadem simplicitas Deo confidit, eique tanquam infantulus maternæ curæ se permittit, & providentiæ innititur, securè & sine metu in Dei protectione habitat, atque prorsus in bonitate de Deo sentit, Eadem simplicitas obedientia est comes vel mater: à simplicitate namq; habet obedientia, quod non examinet cui, in quo, quatenus, quomodo imperanti obediat, sed agnoscens imperatum aliquid esse, simplicissime perficit.

Eandem simplicitatem, Fides Christiana in omnibus difficillimis quamvis mysterijs comitem habet, ejusq; opera captivat omnem intellectum in obsequium.

Hæc simplicitas, suos defectus, errores, insufficiencies, insipientias, aliasq; his similes imperfectiones cum humilitate aperit, ac manifestat, doceri, corrigi, moneri, dirigi, emendari facilis, confusionis non metuens, sed veritati insistens.

Hæc simplicitas, est inimica & odiosa mundo: qui totus est in malignitate & versutia fallacisq; ac vanitatibus constitutus. Unde Iob ingenium mundi bene prænoscens ait *Deridetur (à mundo) Iusti simplicitas:* quæ verba perpendens S. Gregorius mores mundi per omnia simplicitati Christianæ contrarios depingit hoc modo. *Huius mundi sapientia est, Cor machinationibus tegere, sensum verbis velare: quæ falsa sunt, vere ostendere: quæ vera sunt falsa demonstrare.* Hæc nimirum prudentia usu à iuvenibus scitur: hæc à pueris pretio discitur: hanc qui sciunt, ceteros despicendo superbiunt: hanc qui nesciunt, subiecti & timidi in aliis mirantur, quia ab eis hæc eadem duplici-ratis iniquitas nomine palliata diligitur dum mentis perversitas, urbanitas vocatur. Hæc sibi obsequiis præcipit honorum culmina querere: adeptâ temporalis gloriæ vanitate gaudere: irre-

re: irre-



ce: irrogata ab aliis mala multiplicius reddere: cum vires suppetunt nullis resistantibus cedere: cum virtutis possibilitas deest, quidquid explere per malitiam non valent: hoc in pacifica bonitate simulare. Hæc Gregorius de moribus & indole mundi, mundanæq; sapientiæ, seu veriùs fraudulentæ; quàm Religiosus Tiro in totâ suâ vitâ manibus pedibusq; remis, velisque defugiet, ore autem & corde & opere detestabitur ac execrabitur, sectabitur autem pleno corde animoque ea omnia quæ superius de indole simplicitatis exposita sunt: & quæ idem S. Gregorius ibidem ad idem propositum subiungit dicens: At contra, Sapientia iustorum est, nil per ostensionem fugere, sensum verbis aperire, verum sunt diligere, falsa devitare, bona gratis exhibere, mala libentiùs tolerare quàm facere, nullam iniuriæ ultionem querere, pro veritate contumeliam lucrum putare. Hæc & plura Gregorius. Hæc ab initio ipso conversionis suæ discat, & totâ vitâ exerceat omnis Religiosus Tiro, minimè dubitans sibi inculcari illud à S. Apostolo Quasi modo geniti infantes rationabiles, sine dolo, lac concupiscentes. Et illud quod alius Scriptor Divinus monet. In simplicitate cordis Deum querite.

**Quintò vacabit,** Exercitio Veritatis & amplectendæ, & confitendæ. Coniuncta est hæc virtus simplicitati: & vulgò amor veritatis, atq; veracitas vocatur: quia nimirum veritatem & amplectimur si dicatur, & fatemur si requiratur. nec habet locum illud, Veritas odium parit: vel illud: Di minute sunt veritates à filiis hominum ponentium spem suam mendacium.

Est autem Veritas, mentis cum re, verborum cum mente, operum cum verbis conformitas: quando cognoscitur res prout est in se, est Veritas mentis: quando dicitur ore hoc quod est in mente, est Veritas oris: quando fiet opere quod assertum est ore, est veritas operis. Et quia Deus est Veritas, inde qui amat vel odit veritatem, is amat, vel odit Deum, qui confitetur vel negat veritatem, confitetur, vel negat Deum. Et sicut os quod mentitur occidit animam, quia scilicet cordi ac menti (quæ est animæ uedulla & vita) violentiam facit: ita quoque os, quod veritatem amat, fateturquæ, vivificat animam, quia concordat menti, ejusq; vitam scilicet notitiam, propagat per linguam aut operationem. Veritatem cognitam negare; vel sufficienter propositam

agnoscere nolle, oppugnare, obscurare, obvelare: est in Spiritum Sanctum peccare, & quidem peccato tam in hoc, quàm in futuro sæculo, irremissibili, prout ipsa Veritas Christi Domini affirmavit.

Proinde nulla res periculosius & ignoratur, & odio habetur, & impugnat & negatur quàm veritas. Ignorata enim. Veritate autem missa, nihil super est quod sciatur, vel ametur, vel habeatur, nisi nihil, falsum, & malum. Quare etiam nulla est honestas, nulla virtus, nullus pudor, nulla fides, nulla benevolentia inimicis Veritatis, sed exosus est omnibus, quisquis male affectus esse noscitur veritati: adeò ut ipsi illi, qui mendacium faciunt vel falsum dicunt: & volunt videri veraces, erubescuntq; deprehendi aut credi mendaces, & alios mentientes reprehendant atq; devitent: quod maximum est signum: nihil esse magis connaturale homini, quàm veritatem, & amorè Veritatis: odium autem fugamq; falsitatis.

Quamobrem Religiosus Tiro, assuescat amare, audire, dicere, confiteri tueri Veritatem: odisse autem & fugere falsum ac mendacium. Amabit Religiosus Tiro Veritatem, plus quàm animam suam: quippe amabit illam sicut Deum ipsum. Amabit Veritatem ita, ut propter nullum detrimentum vitandum, propter nullum commodum assequendum dicat tenuissimum mendaciû, quia major est jactura veritatis, & major est perniciēs mendacij, quàm jactura cujuslibet alterius boni, aut perniciēs alicujus alterius mali. Ex hoc evidenter satis cognosci potest malitia & damnoitas Mendacij: quod nunquæ pro totius generis humani, neq; pro omnium spirituum damnatorum salute jocosum levequæ mendacium dici debeat. Plus enim odit & horret Deus tantillam injuriam veritatis, quàm ut pro ea velit emere omnium salutem, qua ergo fronte poterit homo repugnare Veritati, & eam mentiendi violare, quàm usq; adeò cordi esse Deo novit & videt. Dixit Christus & non semel quidem. Cælum & terra transibunt: verba autem mea non pertransibunt: quod est dicere, tam sibi caram & tam Curæ, & tam pretiosam esse verborum suorum Veritatem, ut pro veritate unius Iota, & unius Apicis conservanda, cæli terræq; facile subiturus sit jacturam. Unus Sanctus coram Deo pretiosior est, quam totum hoc visibile Universum cum omnibus in se contentis: & tamen videmus in Ecclesiâ Christi,



sti, innumeros Martyres numerari: quos omnes propter veritatis suæ cognitionem, confessionem, defensionem, iussit animam vitamque suam, per extrema tormenta ponere potius, quam tantillum vel ad momentum in veritate titubare.

Ex quorum consideratione si homines maxime Religiosi non discant amare Veritatem, & fugere mendacium: equidem nescio unde discant. Exercitium amandæ dicendæque Veritatis fugiendique mendacii ideo Tironibus debet esse commendatissimum, ab initio suæ conversionis à sæculo, ut quamprimum ponant in suis animabus solidum fundamentum ædificio cœlesti & habitaculo Divino, eijciant autem ex cordibus suis usum mentiendi, quem forsitan contraxerunt in sæculo, & propter quem non possunt (nisi sublatus pœnè sit) securè constanterque inhabitari à Deo. Etenim anima mentiri non erubescens nec metuens, uxor est diaboli: qui & mendax est, & pater, omnis tam mendacis quam mendacii: ergo qui mentitur, diaboli partum parit, & qui amat, fovet, ruetur mendacium, is diaboli filios educat, & nutrit.

Religiosus ergo tam esse curabit amicus & custos, & servus Veritatis, quam esse curat amicus & servus Dei. Contra autem adeo erit inimicus omni mendacio, quam est inimicus diabolo. Et sicut in nullâ occasione atque conditione veller, (certè velle deberet) Deum vendere aut perdere, diabolum verò emere & acquirere: ita in nullâ causa, occasione, circumstantiâ, conditione debet in veritatem peccare, aut mendacium quantillumcunque dicere. Qui facilis est ad mentiendum, ita ut vel ob metum, vel ob damnum: vel ob jocum mentiri audeat, is ostendit se ineptum esse ad moriendum pro Christi fide, & Dei Veritate, si enim ob tantillas causas negat Veritatem, quæ Deus est: quomodo ob jacturam Vitæ honorumque, ob Cruciatum immanes sibi propositos, aut inflictos non negaret Deum, & ejus fidem?

Concludo punctum hoc: Amet & super omnia æstimet Religiosus Veritatem & Veracitatem, turpissimumque credat mentiri

quomodocunque. Proponat sæpè & tantò sæpius, quanto se novit in hoc passu infirmiore, omne mendacium in omni occasione, circumstantiâque fugere; & libere, ingenuèque Veritatem fateri semper. Oret Deum pro amore & servitute Veritatis: optetque sibi maximè titulum hunc ut sit dicaturque servus Veritatis, sive audita, sive lecta, sive cognita, sive promissa, sive exprobrata, sive aliter proposita: à quocunque demum intimata, & ad noticiam deducta. Oret Deum simulque curet diligenter & constanter nosse veritatem amare, desiderare, inquirere, facere, pati veritatem, & propter veritatem. Docere quoque eandem & dicere ac profiteri: sequi, defendere, enucleare, ac illustrare Veritatem. Servire veritati, liberari per Veritatem, perfrui & gaudere Veritate, possidere Veritatē, & possideri à Veritate. Hoc si quis impetravit, si quis obtinuit: obtinuit omnia bona, & omnis boni medullam. Sine veritate enim nihil bonum est, quia illud solum est bonum, quod est verum, & vere bonum. Itaque omnia bona sine Veritate non sunt bona, sed mala, quia sunt falsa bona: Unicum autem verum bonum, etiam minimū: prævalet omnibus non veris bonis, etiam maximis. Imò bonum maximum non verum: est maximum & verum malum.

Quocirca cuilibet certum esse debet; nullam esse majorem possessionem veritate: nullum exercitium pretiosius exercitiō veritatis. Exercetur illa, amando & dicendo. Amor ejus exercetur, dum acceptatur in omni occasione: sive inspiretur, sive legatur, sive audiat, sive videatur, sive aliter proponatur: idque amicè, inimicè, obiter sermō, objurgatoriè, suavoriè, blandè, acerbè. A majori, à pari, à minori.

Confessio ejus exercetur: dum de peccatis confitemur sacramentaliter, dum rationem conscientie reddimus, dum in periculis animæ, dubijsque ad spirituales Magistros recurrimus. dum sponte culpas errataque fatemur, dum accusati non negamus: dum moniti doctique acquiescimus. Hic abundè occasionum est Exercenda Veritatis.

EXER.



# EXERCITIA

## OCTAVI MENSIS.



N. Octavo Tirocinij sui.  
Mense Religiosus.

### Primò vacabit.

Exercitio Misericordiae, atq; Compassionis super proximum. Et Misericordia quidem consistit in benefaciendo egentibus, & in condonando injurias lædentibus propter Deum: quod utrumq; quantò promptius & liberalius fit, tantò est major perfectiorq; Misericordia: Conjungenda autem sunt hæc duo, quia sine ijs ambobus non est plena misericordia. Nam conferre beneficia in indigentes, odio autem habere injuriantes: non est misericordia, sed inimicitia. Cum major sit longè misericordia juvare proximum in malo spirituali, quale est esse injuriosum, in alium) quàm in afflictione temporali: quare magis est misericors, qui proximo condonat offensam, eumq; ab hoc animæ damno, quantùm in se est absolvit, quàm qui temporalibus ejus necessitatibus subvenit.

Ille verò est prompte ac libenter misericors, qui & facit benè, & prompte & sponte, & etiam non rogatus ac ne expectatus quidem: & tamdiu, quamdiu vel potest, vel opus est, consulendo rubori indigentis benefacit. Similiter ille est liberaliter misericors, qui & condonat: nec ultionem in occasionem vel in aliam aliquam personam rejicit: neque deprecationem injuriatoris requirit aut expectat, sed sponte ac non rogatus veniam offert: satisfactionemq; condonatione prævenit, & magis dolet de lædētis culpa, quàm de læsione sua, neq; de malo ejus eventu gaudet: imò avertit ab illo malum quod potest: eumq; suis orationibus apud Deum sublevar: & insuper bonū pro malo reddit, malumq; in bono vincit. Deniq; totum hoc non ita, nec ideo facit, quia se à Deo vindicari sperat, optat, aut mavult: (id enim longè major esset crudelitas ac immisericordia, quàm ulla alia vin-

dictæ species) vel quia alias novit sibi à Deo non esse remittenda sua peccata: vel quia modum vindicandi se non habet, sed merè ac purè, quia charitati Dei donat offensam suam, voluntatemq; ejus circa hanc materiam sibi ex Christi doctrina satis notam implere cupit: & insuper, quia proximo suo in animam suam peccati compatitur, eumque ab injuriæ illatæ peccato quantùm in se est eliberare, quàm primùm desiderat. Hæc est vera Misericordia, quam Deus super sacrificia & holocausta pluris facit.

Iam verò Compassio quatenus aliquomodo à misericordia differt, & latius se extendit: & non solis proximis impenditur. Etenim cōpassio potest fieri supra Deum, supra Christum, supra proximum: supra animas purgatorij.

**B** Compatitur quis Deo, qui sincere amaro & amoroso corde perpetuò deflet injurias contemptusq; Divinæ majestatis, quæ illi perpetuò irrogantur, & olim irrogatæ sunt, & insuper olim etiam irrogabuntur ab hominibus, & à dæmonibus: cum infinita jactura gloriæ ipsius, creaturarumq; (hominum scilicet & Angelorum) ad ejus amorē & honorem, obsequium, fruitioneq; ab ipso conditarum.

**C** Compatitur etiam Christo Domino ille, qui omnes illius quas in hac mortali vitâ subiit injurias, contemptus, dolores, egestates, misérias, fatigationes, contumelias, cruciatus, plagas, Cruces, persecutiones ab hominibus, & pro hominibus, ita credit, ita deflet, ita sentit cordialiter, ac si verè nunc in præsentī hæc omnia Christum sustinentem ex summā in nos charitate, Patremq; obedientiā; ex summā hostium iniquitate ac rabie intueretur.

**D** Adhuc etiam Christo compatitur, qui sincero corde deplorat ingratitudinem hominum erga Christum, cujus pro se tantorū laborum dolorumq; susceptorum, usque adeò sunt ingrati, ut eligant passim animas Christi sanguine redemptas, ablutasque, potius Diaboli obsequio, consortio supplicioq; in æternum addicere, quàm Deo & Christo



Christo, pro ejus beneficiis servire, quasi operibus ipsis protestentur ingratiissimi mortales: plus sibi placere diabolus cum sua aeterna damnatione, quam Deum Christum cum suis beneficiis, cum sua charitate, cum sua beatitudine. Quam injuria, cum nulla possit cogitari enormior: habet quisquis oculos & sensum mentis habet, unde cordialissime Deo & Christo compatiatur.

Compatitur quis proximo: afflictionem, miseriamque; patienti, sive in corpore, sive in fama, sive in anima, qui omnem proximi molestiam reputat & sentit, tanquam propriam suam: non attendens, sit ne proximus notus, an ignotus, vicinus, an remotus, junctus, an abjunctus sanguine, amicus, an inimicus: sed tantummodo inruetur quod sit proximus, & quidem affligitur: cui & fert opem re ipsa, si potest, & saltem corde compatiatur, ore consolatur, oratione apud Deum suffragatur, cum aliter non potest. Maxime vero proximo compatitur, qui de animae illius malis, damnis, periculisque ex corde cruciatur, & ad eius auxilium, quaecumque illi afferre pro suo statu potest, efficaciter excitatur.

Compatitur etiam animabus Purgatorij ille, qui ex animo condolet animabus illis, quod in illo saeculo acerbissimas penas sustinent, quod omnis miserationis Divinae sint incapaces, quantum ex seipsis: solique, rigorosae justitiae obnoxiae sint: quod a desideratissimo Dei conspectu, fruitioneque arceantur: quod sibi met. nullam omnino in miseris illis opem ferre, non precibus, non lacrymis, non crucialibus, non ipsa charitate apud Deum possint: His autem omnibus, vere illis compatiens, excitatur ad opem illis ferendam, Sacrificiis, Sacramentis, Orationibus, injuriis, afflictionibus corporis, Eleemosynis, Indulgentiis, & aliis in Christi Ecclesia receptis, consuetisque modis: estque in hac pia pro animabus istis sollicitudine assidue liberalis, & liberaliter assiduus, tam per se ipsum, quam per alios, quos ad eandem compassionem, sollicitudinemque, ratione qua potest induci.

Hoc omne tam miserationis, quam compassionis genus potest Religiosus exercere: imò si primam aliquomodo misericordiae partem, quae in succursu rerum temporalium atque largitione consistit, cuius commoditatem non ita Religiosi habent, ut ij qui propria non possident, (quam commoditatem tamen omnium perfecta obrenun-

tiatione, votoque paupertatis abunde compensant & evincunt) imò inquam, in suo Religioso statu summam commoditatem illorum exercendorum habet. Proinde illorum exercitio assuescet à primis Religiosae vitae incunabulis.

1. Orando singulis diebus statisque vicibus ac temporibus, pro omnibus omnium hominum, totiusque adeò Universi necessitatibus naturalibus, & personalibus, Spiritualibus, & corporalibus, Temporalibus, & Officialibus, sive ad officium, munusque cujuslibet spectantibus.

2. Condonando etiam ex corde, omnes, magnas juxta atque parvas offensionculas, peculiarique benevolentia & officio prosequendo eos, qui molestiae, alicujus causa forte fuerint. Ignorando nomen inimici & ultionis: nesciendo linguam querulosam: sed omnes tanquam benefactores, (uti revera sunt, modo nos malefactoris aliorum bene uti, sciamus velimusque) reputando: amore beneficiis, oratione pro ipsis, commendatione ad alios prosequendo. Afflictos ab alijs vel aliunde adjuvando (sine censura & insultatione illius) consolando, erigendo, quantum necessitas, charitas, salusque communis, aut privata permittit afflictioni obstitendo, & medicinam faciendo, aut fieri procurando.

3. Dolendo & lugendo nomine totius mundi, de offensis injuriisque Divinae majestatis, & charitatis, & voluntatis: de ingratitudine quoque erga Deum, ac potissimum Christum.

4. Detestando etiam, & deslendo, tum impedire ne fiant, expiare autem quae jam facta sunt, tam propria, quam aliorum omnium hominum peccata laborando, pro salute, conversione, perseverantia hominum, in via de statu salutis orando, agendo, laborando, patiando, omnesque praesentes labores, tum futuros Deo pro gloria ejus, proque salute proximorum offerendo, appetendo, seseque illis idoneum juxta statum suum reddendo, & re ipsa applicando, impendendoque.

Animabus purgatorij de tenerrimo corde compatiendo, atque omnem quae commodè fieri possit opem illis ferendo. Haec faciendo Religiosus assequetur illas comprecationes optatissimas, quarum una est Prophetæ Davidis: *Beatus qui intelligit super egenum & pauperem: in die mala liberabit eum Dominus.* altera est ipsiusmet Christi Domini.



Domini. Beati misericordes: quoniam & ipsi misericordiam consequentur.

**Secundò vacabit.** Exercitio Iustitiæ, non illius generalis, quæ sicut omne Virtutem, bonitatemq; complectitur, ita etiam in omni Virtute exercetur: sed specialis, cujus nimirum officium, est reddere unicuique quod suum est, reddere quæ sunt Dei Deo: quæ Cæsaris Cæsari, cujuslibet proximi cuilibet proximo.

Iustitia ad Deum exercetur, cum Deus ut super omnia est, super omnia diligitur, æstimatur, & colitur: cum voluntas ejus omnis plenè adimpletur: cum gloria ejus ubiq; promovetur, defenditur, quæritur: cū omnia quæ ex beneficio & auxilio illius habentur perficiuntur ejusdem Gratiæ & bonitati candidè attribuuntur. Cum omnia adversa, modestè, humiliter, ac patienter veluti de paterna illius manu venientia recipiuntur. Cum peccata in charitatem, voluntatem, dignitatem ejus commissa, penitendo, retractando, emendando, expiantur, ac corriguntur. Cum omnia, neglecta, neglectim facta in ejus obsequio & cultu, & causa facta, fervore, diligentia, incremento compensantur & exæquantur: denique cum in cultu Divino, nihil aliud præter unum solumque cultum Dei attenditur & spectatur: non lucrum aut commodum, non supplicium aut detrimentum: sed præcise Divinum debitum, & quidem propter dignitatem Dei, superq; omnia emittens Dominium, propter subjectionem, autem creaturæ omnimodam ad Deum debitam. Hæc est Iustitia ad Deum: cujus omnia puncta: (ait hominibus Christus:) Cum omnia feceritis, dicite: Servi inutiles sumus, quod debuimus facere fecimus. Atq; talibus hostiis promeretur Deus.

Iam Iustitia ad proximum exercetur, cū ex toto servatur illa una lex: Quodcunque vultis, ut faciant vobis homines: & vos facite illis. Itemq; quod tibi non vis fieri, alteri ne feceris. Hæc est enim lex & prophetæ ait Dominus. Igitur Iustitia ad proximū est, reddere unicuique quod suum est: hoc est autē proximi, quod & tuum in iisdem circumstantiis & juxta rectæ rationis arbitrium. Non est opus multis sermonibus: nec prolixis legibus, aut variâ doctrina. Voluntas tua, o homo sit tibi lex. Vis beneficia capere? confer beneficium alteri: Vis misericordiam consequi? misereare proximi. Vis laudari? lauda alium. Vis a-

maritama. Vis partibus primis potiri? cede prius alteri. Tu sis Index, tu sis legis tuæ legislator. (Chrysost: hom: 13. ad populum Antiocha)

Ista lex est toti mundo, toti inquam humano generi lata: in visceribus animæ rationalis insculpta & signata characteribus indelebilibus. Et quanto magis Christianis cum Stigmate Christi in Baptismo impressa? Deniq; quantò magis Religiosis & speciali jure, rationeq; ad sui cultum: id est: ad suæ legis observationem perfectam ex seculi Ægypto in Religionis desertum, aut potius terram promissionis evocatis & introductis, intra viscera cordium, conscientiarumq; radicata censerī debet: erga omnes quidem, at maxime ad domesticos fidei & ad consortes ejusdem vocationis atque gratiæ. Cum his, namq; prout auctiori quodam nexu stringitur quilibet Religiosus: ita etiam majori obligatione ijs hoc tenetur præstare, quod sibi præstari ab aliis vult: hoc tenetur ijs non facere, quod ipse sibi non vult fieri.

Arctiori porro vinculo stringi Religiosos inter se, quàm vel Christianos, vel homines inter se, illud argumentum est sane evidentissimum: quod homo homini proximus est tantum naturæ similitudine & communicatione: Christianus verò tantum, fidei Christianæ & Vocationis ad eam participatione: Religiosus verò Religioso nequitur præter supra dictos nexos, insuper alio strictiori, nobiliori, altiori, pressiori vinculo: Cujus gratia omnia vincula naturæ, etiam maxima, qualia sunt parentum, filiorum, fratrum, sororum &c. negliguntur, imò rumpuntur, & deponuntur: juxta illud Christi Domini edictum. Qui non odit Patrem, Matrem, fratrem &c. non est me dignus, non potest esse meus discipulus. Christianis autem communia vincula, vinculis Religiosis arctantur insuper, & abjectis omnibus ijs, quæ inter etiam Christianos inimica esse solent conjudicationi & Iustitiæ, charitatiq; qualia sunt: Meum & Tuum: in unum cor, & in Animam unam omnes coadunantur, coalescuntq;: ita ut sint omnes, tam nomine, quàm re, servi Iustitiæ, omnes ad alterutrū fratres in gratia, non in natura: in Spiritu Sancto, non in carne & sanguine: in visceribus charitatis Christi, non in massa propagationis, vel similitudinis humanæ.

Itaq; Firo Religiosus ab ipso sui Tirocinij primordio, per totum deinceps vitæ Religiosæ progressum, agnoscat attendatq; ne-

xum



xum hunc suum, quo fratribus, domesticis, ejusdemque Religionis secum consortibus in Christi charitate adstringitur: ex eoque vitam suam omnem, ad omnes quibus cum vivit ordinet ac transigat: ut neminē omnino, non majorem, non parem, non minorē lædat unquam, non animo, non verbo, non signo, non facto, non consilio, non proposito, non voto; impendat autem ea omnia, quæ sibi ipsi rationabiliter ab aliis optet. Applicando hanc Christi Regulam, in omni occasione in qua cum fratribus suis quocumque modo concurrat: ex eiusque norma omnem suam actionem alios quomodo concernentem dirigat & peragat. Sic enim adimplebit omnem Iustitiā Deo, & propter Deum omni proximo.

Dum verò eam quam proximis fratribusquē suis debet Iustitiā impēdet: meminerit etiam inter proximos fratresquē imò inter Parentes ac Superiores numerare Communitatem ipsam atque Matrem Religionē. in qua sic vivere semper discet studebitque ut ei omnimodis quidem subsidio & auxilio: nullatenus autem gravamini & dedecori sit, ut eam oratione ad Deum, sermone ad proximum vitæ probatissimæ disciplinatissimæque; exemplo, salvam & incolumem conservet, atque posteris ad eandem accedentibus, eam quam maxime florentē, ordinatam, urgentem, juxta Regularum literam, juxta Præceptorum Patrum Ideam transmittat. Magna enim est injustitia, ne dicam impietas Religionem Matrem, quam in tuis maioribus integerrimam acceperis, corruptam, laxatam, indisciplinatamque; per tuos mores redditam posteris tradere.

Huic proposito serviet etiam, ut Religiosus & à Tirocinio & semper omnia quæ sibi à Religione concederentur munia qualiacumque; illa tandem erunt, quam perfectissime semper obeat, & expleat omnibus numeris: secundum integritatem Religionis: secundum Antiquorum Patrum normam: secundum boni exempli odorem, tam ad domesticos, quam ad externos propagatum secundum suum in Spiritu & virtute progressum: secundum Superiorum mentem: ita ut in ejus curâ, fide, prudentiâ, diligentia, securè conquirere possit & audeat Religio. Est enim etiam hæc non postrema, imò præcipua atque prima pars Iustitiæ, quæ impendi debet proximo.

Quemadmodum etiam illud ex Iustitiæ

debitio curandum cuivis Religioso incumbit: ne in communitate Religiosa, aliis laborantibus ipse magna parte otiosus sit vel adeo modicum labore, ut suo quotidiano labore sumptum quotidiani sui victus, commodorumque aliorum quæ à Religione percipit, vix, ac ne vix quidem fortassis adæquet. Sanè, tales etiam in sæculo exosi, intolerabilesque sunt, vel si filii sint apud parentes, hac conditione onerosi, ijs & molesti sunt. Quantò magis hoc in domo Dei inque patrimonio Christi, in labore & sudore Sanctorum, in Eleemosynis & meritis Piorum Benefactorumque; intolerabile, probrosumque videri debet. Quocirca Tiro Religiosus in hoc etiam justus esse studebit: ut in omni vita sua, tantum laboris industriaque in commune juxta muneri, ætatis, conditionisque; qualitatem conferat: quantum illi sit satis, ut sine probro, sine exprobratione otij, (à Deo & conscientia) quotidianas impensas à communitate Religiosa, cum humilitate ac modestiâ, expectet atque recipiat: non autem cum acerbitate extorqueat.

*Tertiò vacabit.* Exercitio Fortitudinis, magnanimitatisque Christianæ. Eius officium est continere in officio, (hoc est sub rectæ rationis, Divinæque, legis obsequio ac dominio) semetipsum, gubernareque se libero suo arbitrio, tunc, quando in hominem consurgunt tentationes, sive ad superbiam & elationem super alios, sive ad complacendum & confidendum, arrogandumve aliquid sibi: sive ad iram & impatientiam, & impotentiam, sive ad invidiam, sive ad delectationes ac voluptates, indulgentiasque sensus, & carnis, sive ad vanam gloriam, & placendi innotescendique aliis studium: sive ad timorem, maorem, diffidentiam, pusillanimitatem, tristitiam, ac tædium; sive ad vanitates & curiositates, superfluitatesque; in cognoscendo, in videndo, in habendo, in colloquendo: sive ad quascumque alias imperfectiones, inordinationes, malitiasque; rationi Virtuti, conscientia, statui Religioso, perfectioni, & Deo displicentes, repugnantesque. His enim omnibus fortitudo Christiana, seu animus illius studiosus, strenuè fortiterque resistit, & sui dominatur; eosque rebellantes, ac effervescentes cupiditates, & commotiones comprimit, calcitrat, abjicit, detestatur, ulciscitur.

Atque in hisce operibus fortitudinis Christianæ exercitium consistit: quam tantum



æstimat Spiritus Sanctus ut aſſetat. *Meliorum eſſe eum qui dominatur animo ſuo, quam expugnator urbium, debellator exercituum, occupator regnorum. jugulator leonum &c.* Etenim talia fortitudinis opera in ſpeciem miranda & inſignia perfecerunt Davides, ſamſones, aliiq; complures, qui tamen cupiditatibus ſuis frenos non ſemper injece- runt, ſed ijs ſædè ſuccubuerunt, imbellesq; fuiſſe comprobati ſunt. Quamobrem Tiro Religioſus magnopere accendetur ſtudio acquirendæ per Exerçitium Fortitudinis hujus, quâ dominetur cupiditatibus, paſſionibus, conſuetudinibusq; ſuis pravis, cujus exercitij tot habebit occaſiones, quot tentationes à diabolo, à mundo, à carne, à ſeipſo, ab alicujus verbo vel exemplo, ab aliqua creatura experietur. Tot item habebit occaſiones exercendi fortitudinem, quot in ſe, in animo, in corpore, in ſenſibus, in intellectu, in voluntate, in libertate, in amore proprio ſentiet commotiones, impulſusq; inordinatos contra rationem, contra Dei voluntatem, contra Regulas & inſtructiones, contra propoſita ſua, contra virtutem quamcunq;.

Cæterum fortitudinem hanc maximè acquirere ſolent, conſequenter & debent homines, per ardentem, ſtrenuam ſaporofamq; ac cordialem Dei dilectionem, itemq; per ſincerum & caſtum, filialemq; ejuſdem Timorem ac venerationem. Nam qui Deum ex corde amat & timet, honorique & voluntati ejus impenſè ſtudet: huic nulla tentatio gravis, nullus terror terrori, nulla difficultas difficilis, nulla delectatio munda- na, carnalis, ſenſualis, vana, curioſa, in- pretio & deſiderio eſt aut eſſe poteſt: ſed omnia hæc abſorbentur ab amore Dei, omnia hæc expugnantur, expungunturq; à Timore Divino.

Fortem ergo facit & magnanimum amor & timor Dei: hæc enim duo confirman- tis & bonitatis Sapientiæ quoq; ac juſti- tiæ, & potentia: voluntatem verò ejuſdem hominis inflammant ad Deum, & ad proximum, & ad placendi Deo ſtadium, ad ſalu- tisque ſuæ operationem & curam. A cor- de verò hominis eadem illa duo. (ſcilicet amor & timor Dei) auferunt amorem & timorem creaturæ, imò contemptum ejus inducunt, adeò ut homo Deum amans & timens indignum reputet creaturæ amore vel

timore ſeparari à Deo, vel ad momentum, vel ad latum pilum.

Inde eſt quod verus amator Dei, verè ſit etiam fortis & magnanimus. Nullam cre- aturam æſtimat aut miratur, aut amat a- ut cupit. Nullam item timeret: ſed tantum amare & timere creaturam timeret. Cum è contra qui ſunt frigidi in amore, timo- requè Dei: ij facillimè incidunt in amorem & timorem creaturarum, avocanturq; vel abſterrentur à Dei cultu & voluntate, quo- libet timore amoreq; etiam viliffimarum, vaniffimarumq; cupiditatum & creatura- rum. Qui enim Deum non amat, neceſſe eſt, ut aliquid aliud quod non eſt Deus, amet eiufq; ſervus ſit contempto Deo. Itè qui Deum non timet caſtè ac filialiter, ne- ceſſario cogitur omnem creaturam timere, & ubi non eſt timor, formidabit, trepidabit- que à timore: atq; omnibus rebus, cupidi- tatibus, tentationibus, cogitur ſuccumbere, ſervuſq; eſſe ac mancipium tot dominorum quot tentationum, quot cupiditatum, quot vitiorum, quot creaturarum. Licet autem videatur talis homo ſibi animoſus, audax generoſus, potèſ ad faciendum ſcilicet ma- lum, ad offendendumq; Deum, ad tranſ- grediendum ejus mandatum, ad proſtituen- dam ſuam ſalutem, ad lædendam propriam conſcientiam: in veritate tamen eſt timi- diſſimus & imbecilliſſimus, ignaviſſimuſq; ſicut in veritate eſt infirmiſſimus ille ho- mo, qui ex infirmitatis febrisque vehemen- tia phreneticus eſt ac inſanit: ſupraq; ſuas vires conando, caſu ſubito concidit & in- terit. Talis eſt omnis ille, qui in peccan- do ſtrenuus & fortis eſſe vult: quiq; in nul- là re mala, frenum cupiditatibus ſuis ponit.

Tiro itaq; Religioſus ex timore ac amore Dei ſtrenuo, caſto, ardenti, deſumet ſuam fortitudinem: qua ſeſe armabit contra omnes extraneas tentationes, contra omnes internas cupiditates, contra omnes veteres conſuetudines, contra omnia prava, exem- pla aliorum, contra linguas cenſorum, irri- ſorum, detractorum; contra difficultates in virtute, inq; operibus bonis & in victoria ſui, contra terrores dæmonum, contra il- lecebras ſenſuum, contra vanitates munda- nas, contra opiniones hominum, contra proprii amoris, libertatis, judicii, honoris, famæq; dulcedinem, contra diuturnitatem, temporum, laborum, moleſtiarum, contra dolores, infirmitatesq; corporis, Contra i- ras, minas, injurias, contumelias pœnas, crucelq; inimicorum & tyrannorum.



Hæc omnia Religioſus non tātum timere non debet, ſed potius ridere, atq; tanquam puerilia terriculamenta exſufflare, & veluti merendi, coronamque & gratiam augendi, & in Deum fidelitatem atq; charitatem conſeſtandi, & omnes diaboli vires ope quīdem Divinā, ſuam infirmiſſimam cōfortante, conculcandi materiam, ſegetemq; expetere, excipere, & in uſum convertere.

Efficiet autem hoc Religioſus Tiro ſine magna imo ſine ulla difficultate, ſi armatus divina ope & gratia, inq; divinam opem, fiduciā, & ad illam per orationem recurſu, in minutis quibufq; quotidie & affidue ſe offerentibus occaſionculis ſe ſe animoſe gerere, fortiterq; vincere ſtuderit, & inſueverit. Ex minimarum enim victoriarum ſui uſu, & ex conſuetudine minimas tentationes, cupiditateſq; ſuas vincendi ac frangendi, inſenſibiliter quidem, & inſallibiliter diſponet ſe ſe ad vincendas quoq; maximas tentationes, cupiditateſque, ac terrores.

E contra autem ſi ex ſtultitia vel ignavia non conabitur ſibi ſuiſq; cupiditatibus reſiſtere in minimis: is non tantum nunquam poterit eſſe victor in maximis: ſed etiam, quotidie fiet infirmior ad ſuperandas etiam minimas difficultates, ac appetitiones. Uſu enim ſuccumbendi illis, ac cedendi & indulgendi, fiet illarum ſervus, ab eiſque tanquam jumentum vile raptabitur: & omnis etiam minima alicui tentatio, erit illi maxima & robuſtiſſima: ut pote quæ illi calcare vincereq; jam affuevit, & cui ille ſuccumbere didicit, ſuccumbendoq; mancipium eiſ factus eſt. Utinam hoc capiant corda Tironum.

*Quartò vacabit.* Exercitio Temperantiæ, & Abſtinentiæ, atq; Sobrietatis. Quam latè pateat: quā neceſſarium ſit hoc iſtius Virtutis exercitium, patebit ex illius ſubiecta explicatione. Eſt igitur officium & exercitium Temperantiæ, moderatē, & tantum ſecundum neceſſitatis exigentiam uti rebus ad cibum & potum, ceterūque victum neceſſariis, in veſtitu quoque, in lecto, in habitatione, in ſuppelleſtili, in omnibus denique rebus, quas hæc vita requirit, reſecando omnem ſuperfluitatem, curioſitatem, vanitatem, pretioſitatem, elegantiamque indēbitam: habita ratione valetudinis atq; ſtatus aliarumq; circumſtantiarum, quæ cum honeſtæ ſunt, inter neceſſarias computari poſſunt.

Sciendum autem eſt, Temperantiā Religioſam arctiorem eſſe debere, quā aliorum ſtatuum. Non tantum enim ſuperflua reſecare debet, verum etiam neceſſariorum aliquem defectum modeſtè ſuſtinet, aut ſponte quærit & ſubit. Eligat potius viliora quā pretioſa, minus ſapida præfert delicatis, aſpera mollibus præponit. Temperatiā quoque vitat ſumptus quos poteſt: vitat & reſecat non neceſſarias occupationes, curas, converſationes, collocutiones, apparatus & apparentias, viſus & joſcos, & ſpectacula nova curioſaq; pompas, item & concuſus, amicitias & viſitationes merè politicas & Spirituali fructui non cōmodatas, & ad ſolam temporis pretioſi, Spiritualiſq; pacis & fervoris, jacturam opportunas.

Temperantiā hæc (ut ex dictis utcuq; iam colligi poteſt) maximam mortificationis internæ, externæq; partem in ſe continet, ac proinde ad Religioſam Virtutem perfectionemq; valde utilis, imò neceſſaria eſt. Illa ſervat puritatem, tam mentis, quā corporis: Illa bonis doniſq; Dei utitur prudenter, hoc eſt in Dei gloriam, in ſuam verò & proximi ſalutem. Illa orationibus ſubſidium & efficaciam impetrandi largitur, utpote quæ eſt Vigiliarum & Jejunii & Eleemoſynarum parens: & ſobrios aptoſq; homines ad orandum reddit. Illa valetudini & vitæ multum conducit: Illa Religioſam Paupertatem, Patientiam, modeſtiam, mediocritatem, Puritatem quoq; ut ſupra dixi cuſtodit, propagat, conſervat. Sine Temperantiā, verò omnia ſecus eveniunt, omnia prædicta bona concidunt, oppoſitaq; damna incurruntur.

Itaq; Tiro Religioſus addiſtiſſimus erit Temperantiæ. Studebit curabitq; quā pauciſſima habere: eaq; minimi pretii, & tantum neceſſaria omnino: & de licentia Superiorum. Studebit res ſibi ad uſum conſeſſas quā diligentiffime conſervare, ut quā diutiſſime durent: ſciens pro certo, omnia quæ ſibi ad uſum in domo Religioſa dātur, eſſe Patrimonium Chriſti pretiumque eiſ ſanguinis, & Divinæ Providentiæ effectum atq; fructum. Studebit ſemper eſſe contentus communibus in victu & veſtitu, & in aliis rebus, occupationibus officiis, oneribus, neque exceptiones aut immunitates privilegiaque ſpecialia deſiderabit, vel admittet. Studebit eſſe parcus ſomni vitabitq; molliem lecti. Studebit eſſe



efſe parcus ſermonis etiam neceſſarii: tardus ad loquendum: & nonniſi invitus fere loquetur, idque cum præmeditatione: nec loquetur ad ſatietatē, ſed feſtinabit ad ſilentium. Studebit eſſe parcus cibi & potus: nunquam comedet ad ſatietatem: multo minus ad gravedinem: ſed ſemper à mēſa ieiunus ſurget: hoc eſt talis ut ſe ſentiat plus adhuc comedere poſſe: poſt menſam enim talem, diſcet experimento, ſatis ſumptum eſſe: & illam famem quam aliquātenuſ in fine ſenſit non fuiſſe à neceſſitate, ſed à cupiditate ac voluptate comeſtionis. In comedendo non erit feſtinus, nam feſtinatione intemperantiā arguit. Non inhibet cibis potibꝫq; delicatis vel pretioſis, neque delectum ciborum faciet, neque condimenta per ſe adiiciet, quibus ſaporem gulamq; oblectet: Patiatur aliquid ſibi deeſſe, vel incommodè eſſe. Certo ſibi perſuadeat, ut plurimum omnes morbos hominum eſſe ab intemperantia, nimietateque viſtus: proinde & ſemper in ediam amabit, jejuniūque: & malet declinare in parvā quam in plenā comeſtionem: imò dum male ſe ſentiet in valetudine diſponi, omnium primum medicamentum experietur, aſſumetque ab inedia. Extra tēpora ſolita, neque comedet, neque bibit unquam: cavebitque conſuetudinem contrahere bibendi inter prandium & cœnam, aut veſperū poſt cœnam. Si ſitim ſentiet aliquando, eam per breve tempus ſuſtineat: & experietur mora illa omnem elanguiſſe atque abiiſſe, quod ſignum illi erit nequaquam ſeriam ſitim fuiſſe. Omnis cibus ac potus extra tempora ſumptus, abſurdus eſt in Religioſo: ac maxime ſi apud externos extra domum fiat. Non ſibi illudat illa excuſatione non infrequenti, quod cum facultate aliquid bibat, vel comedat: nam illa facultas impedit quidem peccatum in obedientiā, ac paupertatem Religioſam: ſed non tollit peccatum in Temperantiā. Etenim facultas illa ſupponit neceſſitatem, & in neceſſitate hac ſuppoſita concedit uſum, ſi ergo ſi neceſſitas ſit, facultas illa gulæ non obſiſtit. Studebit amator Temperantiæ Religioſæ: vitam, moreſque ſuos potius in aſtinitatem virilem declinare, quam in molitiem mulieres decentem. Turpe eſt, nimis comptum, nimis mundum, nimis compoſitum eſſe Religioſum: decet enim eum aliquantula ſui negligentia: dummodo caveatur ſingularitas. & offenſio aliorum.

Hæc aſtinitas maximè in tactu exercenda eſt Religioſo. Nam mollibus veſtiri, mollibus inſidere, mollia molliterque tangere, faciem, manum alienam, vel veſtem leviuſculè tangere, luxuriā ſapit, vix certè honeſtum eſt. Obambulare Civitatem ad videnda Palatia, ſumptuoſa ædificia, elegantias, Nobiles, vel perſonas, pompas, ſpectacula: hæc quidem me ſuaſore Religioſus omnis, ac maximè à ſæculo noviter digreſſus, non tantum devitabit, ſed etiam deſpiciet, & tempus talibus inſumendum, in meliora collocabit. Insuper ſtudebit temperantiæ cultor, temperare ſibi, & ſuo proſuſo affectui, in res quaſlibet, quaſ illum facere, tractareq; delectat, etto ad ejus officium, eas tractare pertineat. Iſta delectatio in ſtudento, in converſando, in colloquendo, in concionando, in colludendo, in diſputando, in operando, refrenanda eſt: & non ex delectationis, quæ ſentitur inde motivo, ſed ex Divini amoris, ex obedientiæ, ex charitatis proximi intuitu, exercenda ac peragenda erit.

Atq; hæc temperantiæ exercitatio multo magis adhibenda eſt a Religioſo in mercede ſenſuali exigenda, paſcenda, ſperanda pro laboribus ſuis ordinariis, aut extra ordinem ſuſceptis. Eſt enim revera miſerum, ac etiam probroſum, nihil agere, aut velle agere Religioſum, ex obedientia liberali atq; ſupererogatoria: ſine ſpe aut pacto compensationis cujuſpiam, quæ tanquam merces omnino exigatur. Nam cur illius modi Religioſus non accenſeatur illis, quibus Dominus dicit: *Receperunt mercedem ſuam*: equidem non video. Hic enim non tantum recepit, ſed etiam exegit, etiam extorſit, etiam murmuratione, etiam indignatione ruſtica, pueriliq; explevit, opuſq; ſuum quod Deus ſeipſo remuneraturus erat pro viliffimo poculo, ſordide divendit, atq; proſtituit. Nimirum ad eas ſordes deſcenduntur mancipia gulæ, & ſervi intemperantiæ, hoſtes autem ſobrietatis, mortificationis, & abſtinentiæ. Horum autem germani fratres, aut etiam hiſ deteriores, majoreq; cenſura & nota in Religionibus digni ſunt illi, qui prandia & convivia externorum non refugiunt, imò exambulant, aut etiam ſine fronte ſe ſe iis offerunt inferuntq; tam verò in iſtâ temperantiâ, abſtinentiâ, ſobrietatis, modeſtiæ obliti, diu, effuſe, ſpontè immorantur.



*Quinto vacabit.* Exercitio Pietatis, Religionis, ac Vitæ Spiritualis. Consulto & convenienter hoc exercitium, priori Exercitio temperantiæ subjungo, ut nimirum majus pondus, roburq; & à priori habeat, & eidem rursus addat hæc vitæ Spiritualis, pietatisque Religiosæ exercitatio. Neque opinor opus esse immorari in hujus Exercitii commendatione: cum ipsorum nominum mentio personis Religiosis eam abundè per se se faciat & ingerat. Tantùm ergo vitæ Spiritualis istius officium & munera proponenda sunt Tironibus, ut ad eorum exercitationem plenis cordium affectibus accingantur.

Igitur vitæ Spiritualis illa est, quæ contraria Vitæ carnali, sicut Spiritus contrarius est carni, de qua contrarietate rotundè affirmavit Apostolus: *Caro concupiscit adversus Spiritum, & Spiritus adversus carnem: hæc enim sibi invicem adversantur.* Et quia caro, mundus, diabolus, unius ejusdèq; sunt farina, ideo etiam uniformes cum spiritu, spiritusq; cum ijs inimicitias assiduò exercent: adeò ut dum spiritui repugnat caro: subito & mundus & diabolus repugnet: & dum repugnat spiritus, mundus mox repugnat cum carne & diabolo: & dum spiritui repugnat diabolus in comitatu suo habet carnem & mundum: ita vicissim, dum spiritus repugnat uni horum adversariorū, repugnat omnibus tribus. Quare qui spiritualiter vivit, seu vivere vult, & carni, & mundo, & diabolo repugnet oportet: alioqui parum intererit uni horum repugnasse, si contigerit in alicujus ex reliquis duobus: cæcasses manusve incidisse.

Quibus interpositis, iam dico cum Apostolo, Iacobo: quod *Religio munda, & spiritualis vitæ sit, abundare operibus bonis, & Immaculatum se custodire ab hoc sæculo, & à carne, hujus sæculi iniquitate, & à diabolo hujus sæculi Domino.* *Religio munda, & spiritualis vera Vitæ est, evitare & abhorre- re diligentissimè ab operibus mortuis sæculi hujus, & à peccatis tam carnalibus, quàm spiritualibus, hoc est, carne & mente patra- ri solitis, compressas habere omnes terre- nas, carnales, naturalesq; cupiditates, ac affectiones, pasci autem & nutrirî celesti- bus & æternis.* Item *Religio munda, & Spi- ritualis Vitæ est, amare & sectari patienter fortiter, libenter, prudenter vitam corporis & sensui & amori, & honori, & arbitrio*

proprio amaram, ingratham, oppositam. Etenim afflictio carnis, est consolatio spiri- tūs, & unde corpus infirmius, inde spiritus robustior redditur. Item *Religio munda & Spiritualis vitæ est, desperare de seipso, spe- rare in Deo, fugere perinde præsumptione ac desperationem: stare semper in agnitio- ne, & expectatione potentia virtutis Dei, propriam autem vilitatem, fragilitatem, mutabilitatem ob oculos jugiter habere.* Item *Religio munda & Spiritualis vitæ est, su- dicia Dei timere & revereri: quoniam ter- ribilis est Deus, in consiliis super filios ho- minum, & judicia Dei abyssus multa, & horrendum est incidere in manus Dei vi- ventis.* Ex hoc autem judiciorum Divino- rum metu, debet emanare omnis peccati di- ligens fuga, pro omni peccato seria & cita, & gravis satisfactio, omnium bonorum o- perum diligens consecratio, omnium do- norum, gratiarumq; Dei, tam sibi privatim quam cum toto simul mundò collatarum, avara & ambitiosa conquestio, magna æ- stimatio, adæquata usurpatio, sollicita con- servatio, humilis & fidelis pro eis Deo gra- tiarum actio, earumq; in Deum refusio: ut nullam inveniatur in vacuum accepisse, nullam Deo suffragatus esse, nullius ratione reddere inveniatur non paratus esse.

Item *Religio munda, & Spiritualis vitæ est, omnia adversa, omnia infortunia, om- nes molestias, qualitercunq; sibi evenien- tes excipere tanquam sibi à Deo ex summa charitate, bonitateq; provisæ & liberalita- te paterna donatas, ac propterea non cum- murmuratione & tædio, sed cum gratiarū actione, & gaudio recipiendas, interq; gra- tias & thesauros reponendas.* Item *Religio munda ac Spiritualis vitæ est, carnem & sen- sum spiritui, rationi, voluntatiq; Divinae subjugare: vitam non tantum animæ, sed e- tiam corporis, obsequio Dei totaliter impen- dere.* Lucra & commodà spiritus & ani- mæ, ita sentire, æstimare, quærere, corra- dere, sicut mundani temporalibus commo- dis bonisque solent inhiare. Damna, vul- nera, impedimenta, pericula spiritus & ani- mæ sic propulsare, sic vitare, sic sanare, ac sarcire, quomodo mūdani homines damna & pericula vulneraq; corporis noscuntur repellere, refugere, restaurare, ac sanare. Inimicos spirituales ita capitaliter odisse, sicut homines vulgo inimicis suis solent infensi & irreconciliabiles esse. Auxilia & media, incrementa & nutrimenta, & or- namenta



amenta spiritualia sic captare & amare: sicut homines temporalium corporaliumq; bonorum & deliciarum, vias, occasiones, spes, augmenta, solent aucupari & arripere

Item Religio munda & spiritualis vita est: ita se ad labores animæ Spiritusq; salutis ac profectui utiles cogere, ita ad mediorum Spiritui promovendo, inflammando, conservando idoneorum, præscriptorumve exercitationem usurpationemq; sese adigere & impellere, omnemq; repugnantiam ab eorum usu vincere & excutere, sicut Medici & amici solent infirmos adigere ad usum medicamentorum, & subsidiorum corporalium, quantumlibet illi respuant, nauseant, & moleste ferant. Item Religio munda est spiritualisq; vita: sic se totum dare & permittere regendum, tractandumq; Medicis & Magistris, ac Ducibus Spiritualibus in cura animæ, inq; profectu & exercitio Spiritualis, sicut totum credit aliquis corporaliter infirmus, totumq; se manifestat & aperit, ac sine morâ ad consulendum recurrit consiliisq; acquiescit Medicorum corporalium

Deniq; Religio munda & spiritualis vita est, per omnia carni, & mundo, & diabolo contrarium esse: In carne non secundum carnem militare, ipsam carnem carnalitate suâ exuere, & eam spiritui, desiderisq; spiritualibus insuefacere, imbuere, ac planè spirituales reddere, spirituiq; ipsi non tantum obediens, sed etiam præeuntem ad spiritualia studia, & opera facere: ad eum ipsū modum, quo carnales etiam ipsam suam animam carnalem & bestialem, brutamq; nimio amore, & assiduo usu appetituque & gustu carnalium solent reddere: ita ut Divinorum fiat hostis, & incapax, & ad mentionem memoriamq; eorum, sit non solum stupida, sed etiam exhorrescat.

Hæc Religio, hæc pietas, hæc Vita spiritualis, à primo prorsus limine domus Religiosæ Tironibus, sicut est proponenda, & diligenter explicanda per eos, à quibus recipiuntur: ita quoq; ab ipsis Tironibus est toto pectore haurienda, ebibenda, & nunquam ab animo dimittenda, sed potius amabatur manibus tenenda, querenda, curanda, vivendaq; Sanctus Bernardus Tironibus Religionem suam intrantibus inclamare solebat: Relinquitte corpora, soli Spiritus ingrediantur. Non imaginentur sibi Tirones, neque se decipiant illa persuasione, quod non à principio vitæ Religiosæ huic

ita descriptæ spirituali vitæ exercendæ manum admove, sed nescio quos annos quæve tempora debeant expectare. Utq; dum ad Religionem admitti postulat, dumque ad eam pedem, inferunt: animosè profitentur, se paratos ad hanc vitam carni, & mundo, & proprio amori contrariam, Christoq; Crucifixo, pauperi, stulto, contempto, conformem, eam querere, ejus causa ex sæculo ad Religionem convolare. Ecce ergo non statim ab hujus vitæ cōsecratione, praxi, studio, usu, fame, exercitio, incipiant? quandoquidem ad eam paratos se esse cum Dei gratia, & professi sunt, & promiserunt, & ejus causa mundum, & omnia in mundo reliquerunt? Imò verò dum ferum ignitum est, cudendum est: dum molle udumque lutum est, fingendum est. Si Tiro dum primitijs gratiæ fervet, dum Spiritus Sancti unctione emollitus est, ab initio conversionis suæ, statim animosè quæ desideravit experiatur, carnis vitam dediscat, se se exuat. Spiritualem vitam arripit, ex ejusq; norma se fingat, Christum, Crucifixum induat, & totus transmutetur in virum alterum: & sicut mutat statum, ita & naturam mutet: sicut ex sæculari Religiosus efficitur, ita ex carnali fiat Spiritualis.

Proderit ad hujus rei pleniorē intellectum, videre ea, quæ sunt superius Mense 7 Exercitio 2. allata, tum ea quæ de diversis motibus naturæ & gratiæ habet piissimus Thomas de Kempis, lib: 3 c. 54. Ego huic Exercitio, atq; adeo & Mense huic Octavo finem impono verbis Sancti Augustini, quibus carnalem vitam aliquatenus describit, ut ex contrariis juxta se positis melius cognoscant Tirones, qualem vitam fugere & exuere, qualem contra vitam induere & tenere in Religioso habitu, statuiq; debeat. igitur S. ait Doctor: Ille secundum carnem vivit, qui pergit quo vult: dormit quando vult & quamdiu vult, loquitur quæ vult, cui vult, & ubi vult. Manducat & bibit quando vult & quantum vult. Ridet, ioculatur turpiter, inter quos vult, & quando vult. Postremo quidquid naribus suave est querit, quidquid tactui blandum, quidquid oculis delectabile, quidquid corpori suo iucundum exercet & sequitur qualiter vult, & quando vult, quia omnia licita & illicita carnalia vult. Deinde delectatur pulcherrimis vestimentis, & equis, & armis, quando vult & sicut vult. Et sic non secundum Deum, sed carnaliter vivit & delectatur,



4 *Mensis IX. Exer: de Exercitio Fidei Christianæ Theol:*

tur, & omnia desideria carnis sue perficit, sicut vult & quando vult. Hæc Sanctus August: Quibus nihil aliud addo, quàm hoc. Si hoc est carnaliter vivere, oppositum hujus, per omnia erit spiritualiter vivere; atque hoc modo tenetur omnis Religiosus semper vivere: & per hoc illud monitum Spiritus Sancti. *Vi non quæcunq; vultis, illa faciatis: vivendo adimplere.* Neque existimet id officii tantum initio status Religiosi suscepti

sibi incumbere, sed potius certissimus sic se quidem in Tirocinio fundamenta tantum jacere, in toto autem vivendi adusq; mortem decursu, reliquum vitæ spiritualis, jam explicata ædificium, usq; ad extremam coronidẽ, debere sine intermissione superædificare, alioqui cõputabitur inter cõfusibiles operarios, (verba sunt Richardi Victorini) qui cum in auro inchoaverint, consumant in luto.

# EXERCITIA

## NONI MENSIS.



N Mense Nono Tirocinij sui Religiosus.

*Primò vacabit.*

Exercitio Fidei Christianæ Theologicæ. Etsi enim omnes quotquot ad Religionem veniunt, supponuntur esse fideles & Christiani, hoc est, Divinâ Fide præditi, quæ credunt omnia mysteria & dogmata fidei Religionisq; Christianæ: alioquin nunquã in eis vocatio Religiosa locum habere potuisset, nisi ex compluribus fidei Articulis enata fuisset: permagni tamen refert perfectam, vivam, robustamq; fidem in corde suo habere de omnibus à Deo revelatis. Quod quidem exercitatione actuum fidei crebra peragitur: ut proinde expediat valde horum actuum exercitio frequẽti insuefcere, vivacitatem assentiendi omnibus, quæ à Deo per Ecclesiam nobis revelata habemus, usu comparare. Maxime cum non raro contingat dormire fidem in nobis & languere: ita ut ex modo actionum nostrarum, quas Dei scilicet causa peragimus, liquido appareat eas ex debili languidaque fide suscipi atq; provenire.

Nam v. g. unde est quod tam crebro si-  
gno crucis nos munientes, Orationem Dominicam recitantes, Confessionis & Communionis Sacramenta obeuntes, Sacramentales vel audientes: in templis commorantes, Dei mentionem in ore habentes: aliaq; plurima assiduò peragentes, quæ sine fide fi-

eri nequeunt: tam parum tamen inter hæc piè commovemur, tam infructuose hæc peragimus: tam perfunctorie ista facimus? Nulla certe magis radicalis causa hujus rei assignari potest, præter hanc, quod fides nostra in talibus actionibus langueat, dormiat, & efficacem vivacitatem non habeat, neq; exeat in prædicta opera, quo fit ut frequenter efficiantur fructu suo cassa. Ad infinitas ergo & quotidie inter oculos, manus, aures, phantasiam, imaginationem, memoriam, intellectum, voluntatemque positas occasiones, exercendæ fidei: hoc præterea adhibendum est industria, ut actus fidei exerceantur cum reflexione hac, quod actus fidei sint, & exerceantur præterea cum ipsa interioris fidei vivacitate: quàm vivacitatem energiamq; repetitione illius, exercitationeq; cordiali, & applicatione deinde ad actus omnes speciali comparari, docent Magistri Spirituales. Etsi enim fidei donum à Deo postulare bonum est: etsi actus ex fide manantes exercere melius est. Etsi gratias agere pro dono & lumine fidei, proq; vocatione ad fidem gratias agere: pro conservatione in fide, pro augmento fidei supplicare, etiam laudabile ac utile est. Tamen ipsos expressos, explicitosq; actus fidei, quatenus fidei ipsius sunt, exercere cum diligentia & fervore, longè melius, longè, inquam, ad vivacitatem fidei obtinendam, efficacius est.

Tale est: profiteri fidem, expressè credendo, & quod credas, omnia & singula protestando: quodq; omnia propter unam & solam



solam Dei veri ac veracis, fallere & falli nescij revelationem, assertionem, auctoritatemq; credas contestando, & protestando, quæ scilicet in symbolo Apostolorum, aut symbolo Nycæno, aut symbolo Athanasij continentur: aut quæ à Sancta Catholica Romana Ecclesia, ad credendum tanquam à Deo, qui est prima & Summa Veritas revelata proponuntur.

Tale est etiam speciales articulos fidei, seu ex proposito, seu oblata occasione fidei firmâ, robustâ, vivâ, expressâ, gaudente corde profiteri, confiteri, repetere, Dei in ejus revelatione veritatem agnoscere & venerari. Veritati eidem inhærere, omniâq; in animo & corde suo radicare confirmando, & confirmare radicans: sive quod idem est, animum ad assensum vivum, stabilemque assuefaciendo. Talis fides in cujus corde est, non exigit probationes & discursus subtiles, non requirit miracula: non terretur minis & tormentis; non languescit tempore. Talis fides fuit in S. Ludovico Rege, cui cum esset nuntiatus, in vicino apparere miraculosè visibiliter Christum, in Eucharistia, non se loco movit ad videndum, sed affirmavit se hoc firmitus credere non videndo, quam si videret: eo quod Verba Domini sui plus haberent apud se fidei, quàm quævis miracula. Talis fides fuit in Martyribus Sanctis. Talis fides est fundamentum omnis Virtutis, est irrigatrix omnis fervoris in Dei obsequio. Talis fides est vita omnis diligentia, & perfectionis ac perseverantia in bono. Etenim tantum quisq; credit articulos fidei, quantum credit Deum veracem esse, tantum fidei Deo, quantum credit fidelem, & in promissis constantem, tantum timet, quantum credit justum, tantum amat, quantum credit bonum, tantum præsentem reveretur, colit & honorat, quantum dignum credit & immensum, tantum reveretur & humiliter orat, quantum adesse præsentem, & se illo indigentem credit. Verbo dico: ad mensuram fidei est mensura in nobis omnis Virtutis & perfectionis. Quod expressè voluit Apostolus cum dixit: *Iustus autem ex fide vivit.* Hoc & S. Hieronymus cum ita scripsit: *Ad orationem assisto: Non orarem, si non crederem: sed si verè crederem, illud cor quo Deus videtur, munderem: tunderem pectus, manibus, genas lachrymis rigarem, corpore horrescerem, ore pallerem, iacerem ad Domini mei pedes &c.* Nimirum vivam fides face-

ret orationem. & orantem me vivum. & sibi proportionatum.

Neq; tamen volo, ut quis ad omnem suam actionem præmittat actum expressum fidei: hoc enim etsi bonum, non tamen necessarium, aut possibile multis imperitisq; est, sed hoc tantum suadeo, ut aliquanti temporis diligentia, studiumq; in eoponatur exercitio, quo mens nostra, intellectusq; noster fidei soliditati, strenuitatiq; credendi ac vivacitati assuescat, ita ut data quavis occasione implicitè, sive explicitè credendi ex fidevè operandi, ex fide robur. strenuitasq; accedat operationi: non secus ut accedit diligentia agendi, dum constat nobis præsentem esse Regem, vel Superiorem &c.

Illustrabo documentum hoc exemplo uno, quod ad alios articulos fidei, imò & ad alias plerasq; actiones applicare non erit difficile. Desiderat quis sumptionem Venerationemve Sanctissimi Eucharistia Sacramenti, in se, & à se peragi, cum magna utilitate, pietate, religione, devotione, attentione: is se in fide hujus mysterij exercet atq; confirmet: hoc modo: recogitet, nimirum quid Sacra Scriptura, quidve Ecclesia de hoc Sacramento affirmet & fidelibus credendum proponat, hæc omnia firmiter & indubiè credat, credere se contestetur tam se hoc credere, aut saltem credere cupere pronuntiet, quàm crediderunt Sancti, quicunq; singuli, vel omnes Apostoli. B. Virgo, quam credit universa Ecclesia. C. vocet ad se omnem eam fidem quæ fuit, est, erit, in ullo hominum, in ullo Sanctorum, in tota Ecclesia de hoc mysterio: eamque corde suo animoq; velut complectens & exerens coram Deo, se omni illa mysterii hujus veritatem credere, tenereq; protestetur, repetat, enuntiet. Paratum se, imò prorsus cupere se asserat mori & vivere, in hac fide, pro hac fide: cupere se potius omnia tormenta & genera mortis subire, quàm hæsitare in hoc articulo, cupere se pro ejus articuli fide propaganda inter homines, omnes labores, molestias, pœnas, mortes subire, detestari omnes errores qui sunt circa hunc articulum: ex corde condolere se omnibus errantibus, omnibus ignorantibus, omnibus debilitè credentibus hunc articulum. Hoc & simili exercitio circa veritatem Eucharistici Sacramenti stabilitur roboraturq; fides in corde hominis, efficiturq; vivax: & ex hac vivacitate consurgit reverentia, spes, amor, devotio, desiderium,



rium, tedium amerosum, ad hoc recipiendum, visitandumq; &c. Par modus & praxis, cum pari profectu fructuq; fieri potest, circa articulos Sanctissimæ Trinitatis, Incarnationis, Passionis & Mortis Christi. Item Beatissimæ Virginis, Patriæ coelestis, Animarum Purgatorii, Iudicii Divini particularis, aut universalis, poenarum inferni.

*Secundò vacabit.* Exercitio Spei

Theologicae, fiduciæq; in Deum. Cujus Exercitium in duobus consistit, sicut & ipsa spes Christiana duo potissimum spectat. Spectat, seu sperat, spes Theologica Primò & Primariò Deum tanquam summum bonum, vitamq; æternam hominis, possidendam scilicet ab homine, ex gratia donoq; Dei, ex meritis Christi Domini, ex bonis operibus, propriis quidem homini, sed tamē ex gratia, & in gratia Dei factis, & Christi Domini sanguine meritoq; dignificatis. Omnes enim ad vitam æternam, seu Dei possessionem conditi, vocati, redempti sumus: sed ad eam obtinendam tribus his (1. Gratia Dei 2. Meritis Christi. 3. Operibus nostris bonis) mediis pervenire debemus, adeò necessario, ut sine aliquo ex tribus his, nullus hominum ratione utentium æternam vitam consecuturus sit. Quocirca quo ad hanc Spei partem: ejus Exercitatio in hoc consistit, Semper bona opera exercere, & frequentare: non tamen his operibus suis confidere, de quibus an placeant Deo, sicuti & de semetipso, nullus hominum naturaliter potest scire; sed in abundantissima Dei misericordia, verissimâq; ac fidelissimâ ejus promissione, & in meritorum Christi Domini efficacia, atq; communicatione sperare, vitamq; æternam sibi promittere.

Eadem spes, & Spei Exercitatio, in hoc etiam consistit, ut media ad salutem nobis à Deo in Ecclesia suâ, & in statu Religioso ordinata, diligenter exequamur, Dei auxilium imploremus ut detur, exerceamus cooperando dato, cooperatione disponamus ad ulterius dandum augendumq; Nequē difficultate, aut labore, aut impedimentis, aut tentationibus, aut longitudine temporis frangamur in procuranda salute nostra, in proficiendo in Virtutibus, in repugnando difficultatibus, in exequenda Dei Voluntate. Spes ista non timet, sed timere timet difficultates, neq; cedit, sed timere cedere molestiis, laboribus, ac tentationibus, in via Dei occurrentibus. Sumit ex

difficultatibus animos, tanquam ex certissimis signis, tam voluntatis Dei, nos ea agere quæ Dei salutisq; causa agimus, quoniam diabolus & ejus instrumenta nobis repugnare sentimus, quam auxilii Divini certissimò nobis affuturi, quoniam ideò nos oppugnari finit, & auxiliari nobis, per nostramque infirmitatem, diaboli nequitiam expugnare, suam autem potentiam, demonstrare possit.

**A** Inde etiam ulterius Spes, quando certa est voluntatis, gloriæq; Dei, salutisq; ac utilitatis suæ, vel proximi: non tantum non timet ulla creatas impeditores, difficultatesque, sed potius eas optat, & ex eis gaudet conjecturamq; de certo ac felici exitu facit: & pro certo difficultates inter auxilia, subsidiaq; & boni successus incrementiq; prosperi causas & media recenset. Inde ulterius Spes contra spem surgit: tum maxime sperat in Deo, quando omnia desperata & deplorata, & collapsa auxilia videntur: **B** quia nimirum ea, quæ hominibus desperationē iniiciunt boni successus, Deo & ejus potentia, atq; sapientia serviunt ad bonum successum, suntq; illi media consecutionis optatæ, quæ hominibus, eorumq; judiciis ac sensibus esse videbantur media deplorationis & desperationis causæ. Ira venditio Iosephi à fratribus suis, quæ illis erat medium impediendi dominatus ejus super se, Deo fuit medium deducendi Iosephi ad Dominatum super fratres: unde dicebat Ioseph fratribus. **C** Vos cogitastis de me malum: Deus autem vertit illud in bonum. Ac talium exemplorum infinitus & quotidianus est in mundo numerus sed oculi nobis desunt, quibus videamus. Essentq; etiam plura ejusmodi experimenta & exempla: si plures essent qui Deo fidere auderent: & difficultates non ut tales, sed ut media providentiæ Divinæ subservientia agnoscere, acceptare, quæ vellent.

Eadem Spes Theologica, secundo atque secundario innititur Deo, Deiq; auxilio & Providentiæ, non jam respectu assecutionis vitæ æternæ, auxiliorumq; ad ipsam consequendam per Dei gratiam, & Christi meritorum influxum, quæ respicit spes primariò ut dixi, sed respectu rerum, in hac vita homini occurrentium: quas omnes in omni circumstantia earum, Deo permittit hominibus curandas, ordinandas, immutandas, differendas, accelerandas, cum plena & omni moda sui rerumque suarum in Deum, pro-

viden,



videntiamq; & opem illius, protectione iactatione, resignatione, & pœnē dicam neglectu. Ex cuius spei mente dicebat David: Iacta cogitatum tuum in Domino, & & ipse te enutriet. Item Dominus regit me & nihil mihi deerit. Item Apostolus: omnem sollicitudinem projiciētes in eum, quoniam ipsi est cura de vobis. Ad hujus spei exercitiū Divina prorsus sua eloquētia, Christus Dominus exhortatur nos exemplis volatiliū cœli, & fœni, seu liliorum agri, quæ nec ferunt, nec metunt, nec in horrea congregant neque nent: & tamen Pater noster cœlestis pascit & vestit ea.

Ad hujus rei exercitiū idem Dominus nos invitat, cum assiduitatem orationis ad Deum toties tanto cum conatu nobis suadet, adeo ut in oratione omnem impossibilitatem desideriorum nostrorum assequēdorum collocet. Ad hujus spei exercitiū Deus specialiter Religiosos omnes eligit & advocat: soliq; suæ providentiæ de omnibus necessitatibus animi corporisq; præsētis & futuræ vitæ securos, adeo inniti jubet & vult: ut velit eos voto, perpetuò hanc fiduciam suam in Deum firmare, quod faciunt, dum tribus Substantialibus Religionis votis, Paupertatis, castitatis, obedientiæ, eos facit sibi nuncupare. Illa enim vota, si revocantur ad primas causas suas: in Providentiam Dei, & in fiduciā humanā, de illa certitudinem necessario resolvi debent. Quare omnes Religiosi merito appellati, censeri possunt Filij providentiæ Divinæ: & filij excussum ab omni & proprietatis possessione, & sui suarumq; rerum procuracione. Merito etiam Religiosi omnes, tanquam in propria specialiter sibi virtute se se exercere, perpetuoq; perficere tenentur. Merito etiam Tirones Religiosi, ab hujus virtutis exercitio, Rudimenta suæ vitæ auspicari debent. Quare etiam, maximus pudor esse debet Religioso, cogitare de se, deq; suis rebus, de cibo, de potu, de vestitu, de lecto, de loco habitationis, de officio, de socio, de tempore, de quacunq; demum circumstantiā & conditione, aut necessitate. Sed omnem harum rerū curam in Deum remittere, reiicereq; debet: sibiq; perpetuò illud Christi Domini monitum, imò præceptum ob mentis oculos ponere. Nolite solliciti esse de Crastino. Nolite solliciti esse animæ vestræ, quid manducetis, neq; corpori vestro, quid induamini. Scit enim Pater vester cœlestis, quia his omnibus indigetis. Qui

secus facit Religiosus, qui cogitat de se, qui providet sibi, qui contentus providentia non est, hic mentitur se Religiosum, & excidit à Dei pro se cura, & non meminit quid Deo voverit: & injuriam Dei Sapientiæ, bonitati, ac providentiæ facit, & est infidelis Dēo, infidelemq; Deum apud se facit: & se Deo prudentiorem, amantiorem, quē sui ostendit. Quam improbitatem, plusquam improbiſſimam, quia scilicet Deo probrosissimam ulcisci solet, Deus punireq; in Religiosis gravissimè, deferendo illos, atq; providētia sua tam supernaturali, quā naturali excutiendo, atq; suæ ipsorum curæ, provisioniq; infelici relinquendo.

Quotidianum ergo sit hoc Religiosi exercitiū, omnem sollicitudinem, a se amoliri, & in Deum projicere, omnemquē cogitationem in eundem iactare, & de providentia ejus suavissima gratanter cuncta acceptare: atq; hoc Deo semper protestari, & contestari, & omnem omnium creaturarum naturalem, supernaturalemq; spem, in cor suum cogere, eamq; in Deum assidue totis viribus effundere. Egi de hac fiducia speiq; in providentiam Divinam parte supra Mense 2. Exercio 5. ideo hoc loco amplius non immoror, duo tantum puncta nō parvi momenti suggero ad præsentem materiam spectantia.

Unum est, ut Religiosus, ita per omnia Deo fidat, omnesq; eventus sibi incidentes, ita de solius Dei manu acceptet, ut ipsos etiam defectus, ipsas quantumlibet molestas indigentias, tanquam providentiæ Divinæ ejusq; curæ paternæ effectus ac affectus recipiat: quemadmodum infirmi omnia medicationum genera sive amara, suavia: sive subtrahentia, sive applicativa Medici directioni, diligentiaq; attribuunt & grato animo recipiunt.

Alterum est: ut Religiosus inter maxima Dei beneficia computet, (prout revera summū beneficium est) hoc quod Deus dignetur hominis, utiq; putredinis ac vermis, canisq; mortui, curam gerere, eiq; ex pacto providētiā suam, & cum hac sapientiā bonitatem, potentiam, charitatemq; obligare, ad hoc, ut de minimis, ejus maximisq; necessitatibus, quin & commoditatibus sollicita esse obligetur illa majestas. Quæ ut vel cogitet de nobis, vel de se cogitari sinat à nobis, nos omnino indignissimi sumus, ita ut merito obstupescere debeamus deficereq;



reque admiratione cum illo Sancto, qui deficiens dicebat Deo. *Et tu dignum ducis operire oculos super huiusmodi.* & cum illo altero simili in causa dicente ad Deum. *Quid est homo, quod memores eius: aut filius hominis quoniam reputas eum?*

*Tertiò vacabit.* Exercitio postulandi atque emendicandi à Deo bona, dona, auxilia, media, remedia, necessariaque omnia Spei & Fidei convenienter hoc exercitium nectitur. Est enim oratio præsertim postulatoria, Spei in Deum filia: nam fieri non potest, ut quis aliquid ab alio petat, si impetrare vel obtinere non sperat. Prius ergo sperat, antequam orat. Porro huic Exercitio, nequaquam omne orationis genus assigno, sed illud solum quod servit impetrationi, & emendicationi necessariorum, à Deo, quia hoc Exercitium est homini cuilibet summè necessarium, summè utile, summè honorificum, summè facile, summè denique; (quod ex his confurgit) suave. Necessarium est: quia pauperrimi sumus: neque aliud medium supplendæ paupertatis huius est, quàm mendicare à Deo: Omnes sumus mendici, quotidie astamus ad januam magni Patris familias, dicentes ei: *Pater noster: &c.* Utile est, quia quidquid cogitari potest in rem nostram opportunum, oratione obtinetur. Domini dictum est: *Petite & accipietis.* Honorificum: nam, quid est honorificentius vilissimis nobis, quàm quod omni hora, omni loco, omni situ & ita adire alloqui, orare Deum possumus, absque repulsa, absque mora interposita, absque impediti vel occupati Principis causatione, quasi essemus plus quàm amici, plus quàm domestici, plus quàm filij, plus quàm sponsæ Dei nostri. Facile: nam, hic labore, sumptu, apparatu, nullo opus est: ne verbis quidem, sola mente, sola voluntate, etiam in momento perficitur negotium omne, & effectum habet. Suave denique: partim propter jam dicta, partim, quia quid cogitari potest inveniri; suavis conversatione confabulationeque; amicissima ac fiducissima hominis cum Deo, creaturæ cum Creatore, subditi cum Rege, discipuli cum Magistro, infirmi cum medico, egentis cum liberalissimo divite, filij cum patre, infantuli cum matre, aut nutrice, amici cum amico, sponsæ cum sponso, animæ cum Verbo? Hic homo, si est verus; pauper, ditatur, si afflictus, recreatur,

si fatigatus reficitur, si frigidus calefit, si abjectus honoratur: si ignarus eruditur, si reus absolvitur, si infirmus sanatur, si in periculo eruitur, si mortuus vivificatur. Quid in his ad suavitatem requiras? Neque immorari, in his necesse est: ad experimentum remitto, in promptu cum sit, experiatur quilibet.

Sed cogitat aliquis: cum sint infinitæ panem hominum necessitates, eaque non solum communes cum omnibus, aut pluribus, verumetiam cuilibet propriæ: Ecquis sufficiet ad omnes Deo proponendas, ad quas non sufficit cognoscendas? Ecquis modus erit, ad eas per orationem apud Deum sublevandas, quibus impar est, vel enumerandis?

Optimè Salvator hunc modum expedivit dicens: *Cum oratis, nolite multum loqui.* Et certè cum formulam orandi præscriberet, proposuit brevissimam: cui nihil demmi, nihil addi possit, in qua nihil desit, re-redundet nihil, in qua una & sola, est quidquid sub materiam postulationis cadere potest. His tamen non obstantibus brevior oratione ipsum usum esse constat in Horto. *Pater non mea voluntas, sed tua fiat. Non quod ego volo, sed quod tu.*

Ergo omnibus nostris necessitatibus coram Deo proponendis abundantissimum compendium est oratio Dominica: omnium orationum, supplicationum, emendicationumque; epitome, quam solam usurpare omnibus Dei misericordiam requirentibus, mendicantibusque; sufficit.

Est tamen reperire & alios compendiosos mendicandi modos, quibus Sancti usi sunt. In Vitis Patrum l. 5. libello 12, n. 10. legitur: Abbatem Macarium, rogatum à fratribus, quomodo orandum esset: respondisse verbis Dominicis: Non est opus multum loqui in oratione: sed frequenter dicere, *Domine sicut scis & vis miserere mei.* Si autem bellum instat in animo: dicere. *Adiuva me.* quia enim Deus scit, quæ nobis expediant, facit misericordiam nobiscum. Alia quædam Sancta: sic Dominum legitur orasse. *Domine IESU, sicut vis, & sicut scis miserere mei.* Isaac Abbas apud Cassianum Coll. 10 c. 10. mirus & multus est in commendatione orationis, medicationisque; apud Deum perpetuæ: cujus perficienda causa asserit inventum, institutum, usurpatumque; à patris illis Sanctis orandi modum valde methodicum, sed simul valde universalem, & ad omni-



omni modas necessitates Deo proponendas appositum, illum scilicet versiculum Psalmi. Deus in adiutorium meum intende. Domine ad adiuvandum me festina. Nescias quid prius mirere in Verbis Isaaci Abbatis loco citato adductis. Multiplicemne necessitatem humanam, an unius ejusdemq; versiculi ad omnes illas Deo proponendas accommodationem? compendiumne mendicandi, an utilitatem mendicationis? frequentiamne & assiduitatem, an commoditatem, facilitatemq; Orationis perpetuæ, & quodammodo nunquam intermissæ cum Deo conversationis, colloctionis, & ejus præsentis, tum contemplationis, tum venerationis?

Sed verbis Isaaci aut Cassiani præstat specimen ejus rei proponere. Hæc igitur ille: Tradenda vobis est Spiritualis Theoriæ formula, ad quam semper tenacissime vestrum intuitum dirigentes, vel eandem salubriterolvere indurpata iugitate discatis, vel sublimiores intuitus scandere illius usu ac meditatione possitis. Hæc igitur vobis huius quam queritis (Spiritualis) disciplina, atq; orationis formula proponitur, quam unusquisq; Monachus ad iugem Dei memoriam tendens incessabili cordis volutatione meditari, expulsa omnium cogitationum varietate, consuecat. Erut itaq; ad perpetuam Dei memoriam possidendam, hæc inseparabiliter proposita vobis formula pietatis. Deus in adiutorium meum intende: Domine ad adiuvandum me festina. Hic namq; versiculus non immerito de toto scripturarum excerptus est instrumento: Recipit enim omnes affectus, quicunq; humana inferri possunt nature: & ad omnem statum, atq; universos incursus propriè satis, & competenter aptatur. Habet siquidem adversus universa discrimina invocationem Dei, habet humilitatem piæ confessionis: habet sollicitudinis ac timoris perpetui vigilantiam, habet considerationem fragilitatis sue, exauditionis fiduciam, confidentiam præsentis semperq; assistentis præsidii. Qui invocat iugiter suum protectorem, certus est eum esse semper præsentem. Habet amoris & charitatis ardorem, habet insidiarum contemplationem, inimicorumq; formidinem, quibus perspicuus semetipsum die nocteq; vallatum, confitetur se non posse sine sui defensoris auxilio liberari. Hic versiculus omnibus infestatione demonum laborantibus, inexpugnabilis murus est, impenetrabilis torica ac munitissimus Clypeus. Iste in acedia & anxietate animi collocatus, seu tristitia, vel cogitationibus quibuscunq; depressos salutis remedia de sperare non patitur, ostendens illum, quem

innocat, inspicere iugiter nostra certamina, atq; à suis supplicibus non abesse. Iste nos in Spiritualibus, cordisque letitia constitutos, admonet, extolli penitus non debere, nec inflari de prospero statu, quem sine protectione Dei retineri non posse testatur, dum eum non solum semper, sed etiam velociter, ut sibi auxilietur, implorat. Iste inquam versiculus unicuiq; nostrum in qualibet qualitate degendi necessarius, & utilis invenitur. Nam qui semper se & in omnibus desiderat adiuvari, manifestat, quod non tantum in rebus duris ac tristibus, sed etiam in secundis ac letis pari modo Deo egeat adiutore: ut quemadmodum ex illis eruit, ita in istis eum faciat immorari: in neutro sciens humanam fragilitatem, sine illius opitulatione subsistere.

Enumeratis deinde plurimis occasionibus, in quibus omnibus usurpandus est hic idem Versiculus, deniq; ita concludit. Huius igitur versiculi meditatio in tuo pectore indurpata volvatur: Hunc in opere quolibet, seu ministerio, vel in itinere constitutus decantare non desinas. Hunc & dormiens & resiciens, & in ultimis nature necessitatibus meditare. Hæc volutio cordis velut formula tibi salutaris effecta, non solum te illa sum ab omni demonum incursione custodiet, sed etiam cunctis te vitis terrena contagionis expurgans, ad illos invisibiles Theorias (contemplationes), celestesq; perducet, atq; ad illum ineffabilem ac perpauca expertum provehet orationis ardorem. Hunc versiculum tibi meditati somnus obrepas, donec ineffabili exercitatione formatus etiam per soporem eum decantare perpetuo consuecas. Hic tibi expersa factio primus occurrat, is te evigilante cogitationes anticipet universas, iste te de tuo surgentem cubili curvationi genuum tradat, atq; illinc deinceps ad omne opus actusq; deducat, hic te omni tempore prosequatur, hunc meditaberis secundum præcepta legislatoris sedens in domo, ambulans in itinere, dormiens atq; consurgens: hunc scribes in limine & ianuis oris tui: hunc in parietibus domus tue, ac penetralibus tui pectoris collocabis, ita ut hæc ad orationem procumbenti sit tibi acclivis decantatio, & ex inde consurgenti, atq; ad omnes usus vite necessarios incendenti fiat erecta, & iugis Oratio. Hucusque Cassianus. In cuius sententia habet Religiosus veteranus juxta ac Novitius & causam seu materiam, id est necessitatem, occasionemque mendicandi à Deo, & praxim simul formulamq; mendicationis. Habet utilitates proinde maximas ac plurimas. Habet in summo compendio facilitatem, simulq; ad usum tam nobili exercitio efficacem.



atque exstimulationem: superest ut manus admoueat operi; quilibet Religiosus, & hoc exercitium sibi perpetuo faciat usu familiare, & se huic Exercitio, magis autem per exercitium Deo reddat exhibeatq; domesticum ac familiarem.

*Quarto vacabit.* Exercitio Gratitude, seu Gratiarum actionis pro beneficiis, benefactoribus suis, siue ij sint homines, siue Calites ac ipse Deus. Et erga Deum quidem gratitudo posita est in eo. Ut is qui accepit beneficia, magni illa aestimet, se se iis indignum reputet, ac propterea Deum intime revereatur amet, repetitisque gratiis & laudibus Deum exaltet. Etenim ita videtur, vel ipsa natura duce, docenteq; institutum: ut cum homo considerat diligenter Excellentiam Dei beneficientis, vilitatem autem sui ipsius, & indignitatem, & indigentiam, & invisibilitatem, & insuper antegressam ingratitudinem ac in benefactorem malitiam, beneficiorumque abusum: cum considerat assiduitatem, varietatem, provisionem, & veluti obstinatam prodigamq; beneficentiam. Cum attendit cor animum voluntatemque dantis Dei, quam sincero scilicet quam toto, quam benevolo, quam gratuito corde faciat bene. Cum item attendit excellentiam dignitatem, utilitatemque ac magnitudinem beneficiorum, in quorum scilicet omnibus & singulis etiam minimis, præter alia inclusa bona etiam se ipsum, suam entitatem, Sapientiam, bonitatem, pulchritudinem, suavitatem, omnipotentiam: immensitatem includit ac elargitur. Cum attendit usum, utilitatemque beneficiorum: quod videlicet sint utilia ad cognitionem, ad amorem, ad laudationem, ad affectionem, ad fruitionem Dei beatitudinisq; ipsius, nec non ad innumeras alias commoditates vitæ humanæ, ejusq; tam naturalis, quam supernaturalis. Cum attendit motiva, Deum ad benefaciendum inducentia, aut spe aliqua propria non metu aut coactione, sed purissima & solidissima sua charitate. Cum deniq; attendit æquitatem, obligationem, honestatem, utilitatem gratitude: iniquitatem verò & probrositatem, ac damnositatem ingratitude: quam ipsas belluas efferatasque animantes natura dedocuit, gratitudinem autem & beneficiorum cognitionem memoriamq; cultum autem & amorem benefactorum docuit. Cum inquam hæc con-

siderat & attendit homo, nullo modo fieri potest, ut non ad gratitudinem & gratiarum actionem adstringatur erga Deum.

Quodsi homo aliquando id in se non experitur, (non experitur verò frequentissime) id ex defectu considerationis jam expositæ evenit: accipit enim homo beneficia, & ad benefactorem non respicit, & sic officium gratitude non rependit: Similis porcello qui glandem ex arbore cadentem colligit & cum gustu ac satietate devorat, sed fursus ad arborem arborisq; ramos non suspicit, neq; beneficam arborem ullo affectu bono prosequitur.

A quo ingratitudinis vitio, præter immane & belluis ipsis exoso scelere, manant in hominem à Deo plurima mala. Manat subtractio datorum beneficiorum, manat denegatio novorum. Manat reprobis sensus, quo beneficia vertuntur homini in venenum & ruinam, & peccatum: manat oblivio Dei, manat superbia & exaltatio, præsumptioq; cordis. Manat derelictio à Deo, & gratiarum ejus exsiccatio.

Quamobrem omnibus viribus suis Religiosus quilibet, & maxime Religionis, beneficiorumq; cum Religione à Deo acceptorum candidatus, exhorrescet vitium ingratitudinis, amplectetur autem studium quotidianæ, ejusq; quam creberrimæ sincerissimæq; gratiarum actionis Deo, pro beneficiis, tam communibus sibi cum aliis, quam privatim & propriè sibi à Deo collatis conferri captis, conferendisq; per omnem etiam æternitatem. Aget gratias non tantum corde vel affectu, non tantum ore aut verbis, sed etiam operibus, & ipsis rebus actibusque, faciendo & offerendo eos in gratiarum actionem Deo, pro beneficentia & gratiis ejus. Ita ut quidquid susceperit agendum laborandumve, quidquid se obtulerit perferendum: siue pugnabit cum vitiis, siue resistet temptationibus, siue se vincere volet, in aliqua rebellionem naturæ, siue virtutes conquirit, exercebit, siue pro Dei gloria, aut proximi salute, aut communi bono ædificationeq; laborabit, siue alicui obligationi naturæ, charitatis, justitiæ, obedientiæ, libertatisve satisfaciens, id totum etiam gratiis agendis Divinæ bonitati destinat ac applicet. Sic enim sibi præter alia bona plurima, sinum Divinæ pietatis aperiet, fontiumq; Divinorum effluxus dilatabit: sic beneficia accepta confirmabit sibi fecundaq; reddet: sic novis donis se idone-



um & dignum exhibebit. Sic in sui cognitione & abiectione profundas radices mittet: sic fidelitatem suam in Deum sinceritatemq; mentis ac soliditatem testabitur: sic ignem inextinguibilem fervoris devotionisq; in Dei obsequium semper conservabit, fovebitq; sic illi Deum amandi, æstimandi, laudandi, extollendi, reverendi, admirandi, degustandi, tum materia semper suppetet, tum stimuli semper, infixi, admotiq; adhærebunt.

Magni ergo faciendum sibi putet Religiosus, Exercitium gratæ mentis in Deum, ut se faciat beneficiorum Dei dignum: & ut Deum eò modò tractet, quomodo benefactorem tantum & talem tractari, à tam miseræ inæqualisq; cum Deo sortis homine beneficiario est condignum. Porro cum Deus non tantum tunc benefaciat homini, quando ad mentem & voluntatem facit hominis, faciendo ut prosperè cuncta fluant: sed etiam tunc (immo sæpè maximè tunc) quando adversis exercet hominem. Ideo verus & perfectus gratitudinis cultor, non solum in prosperis, sed etiam (imò maximè) in adversis agat cordiales Deo gratias. Sicut ægroti non tantum dubia, sed etiam amara propinanti, & sectiones adhibenti Medico manus osculantur, gratiasq; agunt. Elucetq; multò solidior Virtus, quando in adversis gratia Deo aguntur, vel semel, quàm quando millies in prosperis offeruntur. In prosperis enim non tam est virtus gratias agere, quàm vitium turpè gratias non agere. In adversis verò non tantum non conqueri sed insuper etiam grates dicere: hoc est, Deum, heroica, constanti, solida virtute colere & exaltare.

Dum autem Religiosus, Tiro in gratitudine Deo debita se se exercebit: simul etià in debita hominibus benefactoribus suis gratitudine exercere sese meminerit. Et gratitudo, namq; hominibus debita, virtus est homine dignissima, & est portio bene magna gratitudinis Deo debita: quoniam sicut beneficia plurima homini per homines præstat Deus, ita etiam ad gratiarum actionem sibi in hominibus præstandam obligat nos Deus; quamobrem non potest homo satis plenè gratus esse in Deum ipsū, nisi sit etiam gratus in homines, per quos effundit beneficia Deus in ipsum. Tantò autem cupio diligentius efficaciusq; Tironibus Religiosis commendatum hoc gratitudinis erga homines, sibi benefacientes E-

xercitium, quantò vulgariùs est frequentiusq; hoc ingratitudinis etiam inter Communitates personasq; Religiosas, vitium. Id quod eò est tum mirabilius, tum ad dolorem inferendum acrius: quod nusquam videatur esse major usus beneficiorum in alios, quàm inter personas Religiosas mutuò inter se beneficiis & beneficentia comunicantes imò etiam plane viventes.

Expendere hoc fulius non est hujus propositi: hoc tantum vel breviter dicere & oculis spectandum manibusq; palpandum obijcere possum, quod qualibet persona Religiosa tot semper benefactores (& hoc assero, minimum quidquam tantum asserendo, nam revera longe plures) habet: quot sunt ij, cum quibus in eadem domo manet: Etenim si rectè attendit omnium, cohabitatorum suorum occupationes, munera, actiones, labores, curas, cum ille unus omnium sit particeps, cum omnes illæ in unum ipsum redundant, utiq; fateri debet, se tot habere semper benefactores, quot collegas, totq; beneficia, quot collegarum opera. Quod in aliis statibus actibusq; hominum non ita est. Nam alibi multi sunt, qui necessestare, qui mercede, qui natura serviunt aliis, & in Religiosis domibus omnes uni, unus omnibus, juxta ordinem, suum obsequitur mercedis charitatis, Obedientiæ, Religionisq; in Deum & proximum ductu, ac proinde beneficentiæ in alios virtute, nec alia, quam præmij apud Deum, gratitudinis apud alios mercede. Quod cum ita sit: sane evidens est, Religiosum quemlibet, ac etiam omnes simul, beneficijs, beneficentijsq; aliorum vivere: consequenterq; ad mutuam gratitudinem exhibendam, plus quam aliorum statuum homines inter se obligatos esse.

Omissis ergo interea aliis considerationibus & ad gratiarum actionem, gratæq; mentis exercitium suadendum stimulis, repeto probrum hoc ingratitudinis usitate expellendum esse ex domibus cordibusq; Religiosorum: quod fiet, si cum lacte Religiosa vitæ discant assuescentq; omnes Religiosi mutuò sese tanquam benefactores agnoscere & amare & gratiarum actione (mentis, oris, operisque) prosequi, si omnem cujuslibet domestici, fratrilque actionem, tanquam suam (uti revera est) agnoscat acceptet, æstimetq; beneficium.

Quàm multi Religiosarum communitatum navi hac via, hocq; unò remedio adhibito



hibito emaculabuntur consideranti facile pater. Cessabunt sanè vilipensiones tum personarum, tum officiorum, tum laborum: cessabunt murmuraciones, querelæ, cavilli, derisiones, tædia, invidiæ, æmulationes, pusillanimitates, excusationes, ac recusationes, seu detractiones laborum, officiorumque: statim, inquam, cessabunt hæc, hisque similia, si unusquisque laborem suum aliis, tam utilem quam gratum esse experietur. Si & subditis superiorum curæ, ac vigiliæ, & Superioribus subditorum conatus, laboresque: & parium impariumque multa obsequia, & in rem communem studia cordi, amor, æstimationi, gratiarum actioni esse comperta experimento quotidiano & crebro fuerint, & quando par pari, Impar Superiori, Superior inferiori obstrepat, & obgannit, & obmurmurat, & obtrectat, & cõtemnit, & elevat, & despectat, & inter beneficia non reputat, sed indignis modis, acerbis verbis, amaris, dictariis, surdis oblivionibus, ingratissimis moribus ac silentiis, & ignorantioribus sepelit & obruit. Quomodo sapere possunt officia, & quomodo dulcescere labores, quomodo gratiores, levioresque curæ reddi? Tantum nimirum est, vel mali vel commodi, in cõtibus Religiosis ab unius gratitudinis mutua, vel neglectu, vel exercitio.

Ergo Tiocinium suum quilibet Religiosus ab exercitatione gratæ mentis, tam in Deum, quàm in homines auspicabitur: totiusque sequentis vitæ decursu, eodem exercitii cultu, ac usu occupabitur. Non existimet autem Religiosus, me, gratitudinis in homines alios omnes, qui quomodocumque sunt, (& plurimi si attentum sunt) in eum etiam intra domum aut Religionem, suam benefici sint, idè hic non fecisse mentionem: quasi Religiosus non sit eis quoque hoc gratitudinis officio obligatus. Absit hoc: omni enim beneficio, & omni benefactori debetur gratitudo, ab eo qui beneficii est particeps: sed idè id dicere noli, quia ex iam dictis, hoc quoque innotescere non dubitavi. Maximè cum in Religiosis domibus ab ipsa cõmuni disciplina, majorumque providentia, soleant erga benefactores, tam domorum quàm personarum, tam antiquos quàm quotidianos, gratitudo, & gratitudinis obsequia imperari: ut me minimè hac in re commendanda, opus fuerit immorari.

### Quintò vacabit Exercitio dilata-

tionis, liberalisq; affectus in servitio Divino. Ad hoc genus Exercitij S. Pater noster Ignatius hortatur omnes filios suos: adjiciens adhortationi, etiam pretiū operæ quod habetur ex hac liberalitate cordis in Deum, & in ejus obsequium. ait enim *Magnopere conferet, devotè*, (quod est ferventer, strenuè, liberaliter) *quoad fieri poterit, ea munia obire*. **A** in quibus magis exercetur *Humilitas & Charitas*. Et in universam loquendo, *quantò aliquis se arctius Deo adstrinxerit, & liberaliorem erga summam maiestatem se præsiterit, tantò eum in se liberaliorem etiam experietur, & ipse in dies magis idoneus, erit ad gratias & dona spiritualia uberius recipienda*. Abundè Sanctus Fundator, & hortatur ad liberalitatem in Deum, & materiam in qua exerceri possit, scilicet in humilitatis, charitatisque operibus, explicat, & insuper fructus liberalitatis hujus, mox ad futuros ostendit, nempe vicariam Dei in hominem liberalitatem, nec non dispositionis & capacitatis acquisitionem, ad uberrima gratiarum divinarum dona.

Nec est quod quis obijciat eam liberalitatem, arctamque adstrictionem in Deum, Tironum non esse. Nam præterquam quod Sanctus Fundator omnibus omnino (æquè novis ac veteranis) hanc Regulam, adhortationemque præscribit, nullo prorsus discrimine: specialem quadam ratione Tironibus, hæc in Deum liberalitas convenit: primo quidem propter illas, quibus ordinariè præditi esse solent Spiritus ferventissimas, & ad omnia aggredienda pares paratasque Primitias: ut eis conveniat campum aperiri, in quo æstus ille recentis gratiæ, exundantisque spiritus spatium, & magno cum lucro exerceri ab ijs possit: quamquam non absque moderatione necessaria majorum, quorum est frenos ut laxare, ita & adducere: Ita siquidem nautæ dum secundi spirant ventis cursum accelerant, & oportunitate utuntur navigandi: gnari quod subsidentibus ventis difficilius futura sit navigatio: sic etiam dum spiritus primitiæ fervent, & exundant in Tironibus, dilatare debent ipsi affectus suos, animosque, & ad magnasque resolutiones festinare, easque experiri, moderantibus tantum dirigentibus cursum & impetum ijs, qui ad clavum sedent.

In quo magna opus est animadversione Spiritualium Magistrorum, qui Tirones curant:



rant. Primò quidem ut eum, quem adferunt, à Deo cum gratiæ vocationis haustu, fervorem non finant in eis torpore quodâ, & cessatione ignarâ, an ignava obrui: statimq; ab initio in tepiditatem & lentitudinem degenerare: sic enim fermè irreparabile damnum primævi fervoris sui Tirones incurrunt, quia scilicet ferrum dum ignescebat, tractatum à fabro & formatum, scoriaquè mundatum non est: ubi amisso calore rediit ad frigus, naturæ consueto pondere, ac etiam nonnullo languidè in Religione vivendi & agendi usu: magno quam vis & diuturno labore, pænè tamen frustra tunditur, & ad incudem revocatur. Deinde verò ut magnâ curâ eis attendatur, ne primævi sui fervoris æstu intemperantius acti præpropere currentes, ultraq; vires adniteutes frangantur, viresq; amittant, ac planè in ipso ad cursum egressu, tum desinant posse, quando maximè debuerant ipso usu fervoris sui, majores fervoris vires acquirere, inveterato & robusto fervore, totam deinceps vitam constanti & crescente semper fervore producere. Experimento enim constat, ad Religionem Tirones fervorem adferre, lumen autem prudentiæ desiderare. Hoc illis Religiosa moderatio suppeditat: fervorem autem illorum discreta stimulatione suscitando confirmat. Verùm his omisiss, ad propositum redeundo, id quod dixi: repeto, Tironibus liberalitatem in Deum ab ipsa primigenia Gratia quæ fervens esse assolet: & concedi, & facilem reddi; proinde illis minimè negandam esse.

Addo autem non solum facilem & concessam, verùm etiam necessariam esse Tironibus hanc cordis latitudinem, liberalitatē, adeo ut ad eam exercendam, exercendoquè acquirendam & ampliandam manu duci debeant. Cujus ratio illa est, quia Tirones, fervent illi quidem, sed cæci sunt: atq; ideo plerumq; fervent, quia cæci sunt. Ardua enim Religionis opera & munera, quia ignorant, quia experti rebus ipsis non sunt, ut plurimum facilia & prona sibi futura existimant, ac promittunt: maximè quia vires Gratiae Divinæ in rumpendis laqueis cætenisque sæculi, experimento probârunt, unde non absimiles sibi ab eadem in reliquo progressu, hoc est in superandis vitæ novæ, seu Religiosæ difficultatibus (sane non absre) promittunt. At enim ubi sensim experimento difficultates aperire se, horridamq;

faciem ostentare Tironibus incipiunt: Ubi experimento sentire incipiunt, quid sit ex alieno nutu in minimis & maximis vivere: omnia ad Regulam agere pro arbitrio nihil posse: omnem motum suum observationi subesse: item ubi natura & consuetudo pristina incipit ures suas attollere, ubi in memoriam & imaginationem vel sponte sua, vel fraude diaboli veniunt pristina sæculi desideria & studia: tum verò his similibusq; objectis, terriculamentis novitiorum, fervores restringi, ardores frigesce, impetus cohiberi, ferocia Spiritualis terreri, constringi, & in dissidentia de viribus, de possibilitate, trahi arctariq; incipiunt: in quo passu post Divinam gratiam opus est Spiritualis Ducis prudentia, ut terriculamenta illa, doceat ostendatq; esse aliud nihil, quam terriculamenta: ostendat autem, sensim animum addendo, sensim animum, ad vincendas illas difficultates inducendo, & veluti immittendo: dum experimento discant monstra illa esse tantum monstra, nihil, ob quod timeantur, in se habere, videndo & ludendo calcari posse: ubi calcata sint maximam animo pacem, voluptatemq; inde nasci, eamq; tantò certiore ac majorem, quantò animosius resolutiusq; contra difficultates insurgitur. Ita fit ut animus Tironis dilatetur, dilatatione, major seipso reddatur, feraturq; ad vincendum se, & sua desideria, & diaboli tentamenta, & labores difficultatesq; majori in dies æstu, impetu, & profectu. Atq; ita dilatando augetur, auctus plus audet, audèdo proficit, proficiendo avarior, redditur victoriarum, Meritorum, coronarumq; spiritualium: ergo plus fervet, ergo redditur liberalis in Deum, vicissimq; Deus in ipsum, & efficitur idoneus, ut S. Pater promittebat, magis ac magis ad gratias & dona spiritualia, in dies uberiora recipienda. Atq; ex his, quæ dixi, ostenditur luculenter Tironibus, facilem & necessariam esse liberalitatem in Deum, & cum Deo, ut hac sua, qualiquali, qualem, nempe initia ipsorum dare possunt, resolutione, audacia, liberalitate, reddant & suos animos magis dilatatos animosofq; usu, & Deum in se liberaliorem vicissim experiantur, sicquè victi evadunt hoc ipso liberaliores, magnoq; fænore, & puchro certamine, Deum veluti irritent sua liberalitate, ad majorem effundendam in ipsos: quàm dum excipiunt, evadunt dilatatiores, liberalioresq; rursus, & sic redeunte in orbem, & pugna, & victoria,



ria, Deus homines vincat, victi autem eo ipso robustiores quod victi sunt evadant.

Satis hæc sunt ad suadendum Tironibus exercitiū liberalitatis in Deum: sed tamen duo adhuc mihi in eorum commodum præstanda video: primum quibus in rebus liberales esse possint in Deum; secundo, quibus modis ad eandem liberalitatem exstimulari, in eaq; promoveri ac conservari?

Quod ad Primum attinet: id quidem uno pæne verbo expediri posset, si dicatur hominem in omnibus affectibus operibusq; suis debere esse quàm liberalissimum in Deum: ita ut, & quàm plurima, & quàm excellentissima, & quàm profusissimo affectu voluntatis operetur serviatq; Deo, & quidē sine cessatione quantum ad affectum: talis enim decet plenitudo eos omnes, qui Domino infinitæ Majestatis atq; bonitatis serviunt, proderit tamen Tironibus ali qua assignare & proponere particularia, in quibus liberalitatem animorum suorum erga Deum, quàm poterunt sapissimè in omni vitâ exacuere, exercere, exerere.

Primum sit. In hoc Religiosi liberales profusiq; in Deum sint, ut omnem perfectionem, omnesq; gradus perfectionis, virtutis atq; sanctitatis, affectu, desiderio, propositoque animi sui comprehendant: certumque ac destinatum in corde suo habeant, omnem illam cum Divina gratia quærere, & curare, juxta modulum, mensuramq; instituti sui: Hanc vastissimam capacitatem, & ad procurandam omnem perfectionem nostri animi destinationem filij Societatis omnes imperatam habent à suo S. Fundatore, ita præscribente. *Omnes constanti animo incumbamus, ut nihil perfectionis, quod Divinâ gratiâ consequi possimus, in absoluta omnium constitutionum observatione, nostriq; instituti peculiari ratione adimplenda prætermittamus. Afferri & conservari hanc aviditatem perfectionis omnimodæ à Religiosis, adeo magni momenti est, ut ferè ab hoc principio posito, vel neglecto dimanet omnis vel diligentia atq; fervor: vel socordia atq; tepor, qui demum in quolibet Religioso invenitur.*

Secundum sit. In hoc Religiosi etiam liberales sint in Deum, ut quotidiana ordinariaq; opera sua omnia, cum omni perfectionis exactione semper faciant, Divinisque oculis ea absq; ulla imperfectione, & maculâ, cum omni autem perfectione & sublimitate repræsentent. Sitq; hæc eorū

quotidiana inter primas sollicitudo exquisire ac discere rationes ac modos quibus ordinaria, familiaria, communiaq; sua opera perfectius, sublimius, Deoq; gratius possint perficere. Hanc curam in operibus ordinariis, & vulgatis, omnibusq; qui cōtemnunt aut negligunt, aut tanquam puerilem ridant: perfecto ipsi ridiculi sunt, imò in Dei dignitatē & charitatem, statusq; sui perfectionem profitentis, naturam & eminentiam injurii sunt, tepidorum haud dubie tepidissimi, & quantumlibet sibi in Religione veterani ac seneciones videntur, revera tamen coram Deo centum annorum pueri, nec Tironibus ipsis annuerandi. Etenim ut docet D. Thomas, Perfectionis & perfectorum est proprium, omnia perfectè elaborare: quod si ita est: utiq; etiam ad perfectionem tendentium proprium erit, omnia perfectè elaborare conari.

Quocirca sciendum est, communem quidem, sed enormem errorem esse amatorum vel potius professorum perfectionis: exercitium & praxim perfectionis ponere in eo, ut bona, optima, grandia, rara, exotica, specialia operentur, non autem in eo ut omnia (sive parva, sive magna, sive omnia, sive singularia) operentur, quàm optimè. Errant hi toto cælo: & tam perfectioni, quam perfectionis Magistro Censoriq; exactissimo contradicunt Christo Domino: qui inter profusores pecuniæ in Gazophylacium, mulierem pauperulam, duo minuta jacentem, plus omnibus dedisse affirmavit: quia scilicet etsi minus omnibus proiecerat. Minimum bonum optimè factum, prævalet maximis & optimis & honorificentissimis, non optimè peractis, imò unum illud pluribus istis prævalet. Quare perfectionis cupidi in eo vim suam exerant, conatumq; ut ordinaria communia, familiaria, pauca, faciant, quàm optimè, & in perfectione quàm elaboratissimè.

Neque hoc in damnis ponent, quod pauciora, & vulgaria operentur, nec illustrioribus operibus distineantur, quia paucorum operum perfectio, evincit multitudinem illustriorum, sed non ita perfectè factorum: sicut unum aureum vas, multa stannea, vel lutea superat: & unus sol multis faculis aut stellis præstat &c. Ita studiosi perfectionis, & Deo placere, inq; Deum divites esse cupidi, ante omnia, discant operari omnia (esto pauca & vilia & communia) bene, perfectè, optimè. Deinde procedent huc, ut opera-

peratur plur  
prima ratio  
pluralitatis  
bene: liberal

Tertium

sint erga De  
per alpiren  
riis ac præce  
cumbentibus  
ut facere, &  
imò cupidit  
gantur, face  
munia, sive  
potius quàm  
cti & ignav  
tū, ea qu  
Oportet ut  
ad præstan  
onem exce  
charitas, v  
luntas, (est

Et hoc o  
decer: Cui  
rietas, mul  
mi, quàm  
cilia perfo  
do necessi  
absentiam  
diosum pe  
ferre oper  
frati vel  
munere,  
Ita fuit  
ut unus  
promana  
it, ut nem  
aut mune  
in quàm p  
privata cu  
pos esse p  
dubio est

Quarta

erga Deum

endum p

perat: pro

mercedem

expecta

guis de

tium, &

interpre

tium, ni

laboris &

mnis per

vel aggre

aliquid o



peratur plura, sed tamen elaboratè, ita ut prima ratio habeatur elaborationis non pluralitatis. Si operabuntur & multa & benè: liberales in Deum erunt maximè.

Tertium sit: in hoc Religiosi liberales sint erga Deum: ut ad supererogationis operà aspirent (non neglectis tamen ordinariis ac præceptis, vel ex officio per se incumbentibus: scriptum est enim. *Hæc oportet facere, & illa non omittere*) paratq; sint imò cupidi etiam ea, ad quæ minimè obligantur, facere: sive ea sint privata, sive communia, sive speciosa, sive abiecta: imò hæc potius quàm illa, utpote securiora. Abiecti & ignavi est animi Religiosus: qui tantum, ea quæ tenetur facere contentus est: Oportet ut etiam facilis sit, & spontaneus ad præstanda ea quæ officium aut obligationem excedunt, si ita vel casus, vel res, vel charitas, vel necessitas, vel majorum voluntas, (esto non imperans) ferat.

Et hoc quidem maxime filios Societatis decet: Cum enim in Societate tanta sit varietas, multitudoq; occupationum, tam domi, quàm foris: Non semper autem domicilia personis abundant, incidatq; aliquando necessitas supplendi defectum, morbum, absentiam alicujus ex domesticis: ad studiosum perfectionis spectat in tali casu offerre operam suam ultrò vel Superiori, vel fratri vel communitati, ad fungendum ejus munere, unà cum sua propria occupatione: Ita fuit sane in Societate olim usitatissimū: ut unus multorum instar esset. Id autem promanabat ab eo, quia etiam usitatum fuit, ut nemo se uni tantum alicujus officio, aut muneri aptaret: sed in omni aut certe in quàm plurimis se exerceret spontaneā & privatā curā, ut olim ad plura ministeria aptus esse posset. Atq; hic Spiritus ardor sine dubio est eorum, qui sunt Divites in Deum.

Quartum sit: In hoc etiam Religiosi sint erga Deum liberales: ut parati sint ad patiendum propter justitiam: propter bona opera: propter strenuos conatus: nec aliam mercedem expectent, imò hanc sine dubio expectent, materiam nempe patiendi à linguis detrahentium, iridentium, fugillantium, elevantium, impredientium, finistrè interpretantium, mala pro bonis retribuendum, nihili æstimantium, nullam rationē laboris & fatigationum habentium. Omnis perfectionis studiosus, quotiescunque vel aggredi statuit vel defacto aggreditur aliquid operandum, statim cum proposito

operandi, faciat propositum aliud præter illud bonum opus, patiendi: Bona agere, & mala pati servorum Dei est; separari hæc non debent ab operario Dei: unum sit illi meritum & opus; aliud, merces operis & præmium. Adeoq; non deterreatur ab operando, seu difficultate, seu impedimentis, seu ingratitudine, seu celsuris, seu malo successu: ut hæc potius reputet sui laboris auxilia, & subsidia, præmia quoq; & stipendia: evidentiissima quoq; quod conatus sui Deo quidē placeant, diabolus autem urant, indicia. Etenim opus omne, quod crucis signatur accipiet à Deo: malum esse nequit, sed signum est, gratū esse illi: ideoq; ut fiat gratius & pretiosius, & majore certioreq; in cælo præmio dignius: amaritudinibus & afflictionibus expolitur, & illustratur à Deo. Ament ergo hanc partem liberalitatis in Deum Religiosi & Divini operarii, tunc erunt sine dubio in Deum divites: sed & Deum experientur in se se divitem.

Quantum sit: In hoc etiam Religiosi sint in Deum divites: ut propositis, ipsiq; arduis ac Heroicis abundant: aspirent scilicet ad magna & vix hominibus possibilia, aspirent & imaginentur sibi labores Apostolorum, cruciatus Martyrum: Doctorum & Pastorum Ecclesiæ, Vigiliis ac sollicitudinibus pro domo Dei. Religiosorum in desertis, in cænobijs, disciplina Religiosæ observantias, mortificationes, orationes, paupertatē, obedientiam, omnis virtutis studium. Antiquorum suæ religionis Patrum exempla perfectionis atq; sanctitatis, sudores quoq; & pro Deo, pro Ecclesia, pro Religione conatus, hosq; omnes sectari, & assequi cupiant, desiderant, contentur, petant. Multa etiam ardua in quotidiana conversatione vitæque sibi permitti à Superioribus postulent: quæ etsi negabuntur: nequaquam desideria, & postulata, & proposita erunt sine ingenti fructu. Nam postulatione ac præparatione animi parabitur meritum: dilatabitur animus, gratiæ & inspirationi divinæ, quantum in homine, locus dabitur, ad novam etiam majoremque homo disponetur. Ita non frustra petitur, quod non concedendum petebatur.

Addo, esto etiam desideria, proposita sterilia esse videantur, nec simpliciter in animo sentiantur ob pusillanimitatem: hoc tamen non obstante, fiant proposita vel solis verbis, vel debilibus sterilibusque desideriis: quod modo solis verbis optatur, quod debili-



debiliter desideratur, ipsa repetitione operationum, & propositorum, quamvis sterili, disponitur tamen animus ad hoc, ut, quod languide volebat, velit robustius, quod steriliter proponebat, proponat efficacitate facundius: incutitur pudor menti non facere aliquando, quod toties voluit, non velle aliquando, quod toties ore protulit, aut proposuit, aut conscio Deo, Superiore, ipso suo corde cogitavit, postulavit. Plurimam in hac re utilitatem esse experientia docebit volentem experiri.

Sextum & ultimum addo, alijs prætermis. Religiosi etiam liberales in Deum sint: in postulando à Deo, & in orando Deo. Liberalis in Deum qui esse vult, aut est: ostendat liberalitatem hanc in petendo à Deo, quam plurima, quam maxima, quam difficillima: cum omni in Dei voluntatem resignatione: (quæ resignatio etiam liberalitas in Deum est.) Ostendat liberalitatem eandem in petendi frequentia, instantia, ardore, reverentia, humilitate, modestia, labore, patientia, fiducia. Etsi nihil omnino ne unum terræ pulverem impetrasse sibi videatur homo: innumera tamen revera impetrabit, obtinebitque bona. Hoc ipsum erit summum bonum, orationisque præmiū: quod ad Divinum admittetur homo & colloqui, & conspectum, at præterea innumera alia obtinebit bona: quæ secundum Dei sapientiam, providentiam, bonitatemque sunt homini meliora, quam quæ ipse excogitare aut exoptare potuisset. Certet ergo Religiosus cum Deo liberalitate postulandi & orandi: & Deus cum illo certabit liberalitate concedendi & donandi, vel ipsa postulata, vel ea quæ meliora postulatis erunt postulanti.

Inter maximas causas, cur Deum parcū experimur in dando: est hæc, quia Deus nos parcos experitur in postulando: tepidosque ac segnes in orando. Sed de his hætenus sit satis. Secundum ex propositis caput erat, quibus modis exstimulari possimus ad liberalitatem in Deum.

Primus modus, consideratio & æstimatio Dei: Etenim propter suam dignitatem, bonitatem, charitatem, in nos liberalitatem, nobiscumque jugem præsentiam, dignus est sine dubitatione ullâ, Deus, ut cum eo, & propter eum, & in eum quam liberalissimi simus. Certè nullum est evidentius signum exiguæ, nostræ, in Deum charitatis, Reverentiæque, quam parcitas, morositas, inurbani-

tas, sterilitasque; Divina obsequia peragendi: quis enim dubitet ita agentem non diligere Deum ex tota mente, neque ex toto corde, neque ex tota anima, virtute, fortitudineque sua?

Secundus modus, consideratio, quod homo, sicut ex se nihil habet, aut est: sed totum Dei & ex Deo: inde consequens est, ut Deo debeat omnia, & quantumlibet profuderit se totum Dei causa, nihil suum profunderit, neque ullius atomi sumptum, jacturamve de proprio faciet: sed totus sumptus, totus conatus, tota iunctura erit Dei & ex divino penu desumpta, ac proinde non est quod ad calculum revocet, aut mensuris angustis includat suos pro Deo labores.

Accedit tertius modus, ex vicina priori consideratione haustus, quod cum totus homo, cum suis omnibus operibus, viribus & capacitatibus, & Dei sit, & ex Deo, & quidem minutissima portio, seu participatio Deitatis: quantumlibet se totum profuderit, tamen id quod profunderit, & alienum & minutissimum quid erit: proinde non habebit homo causam, ob quam parcus sit in Deum. Etenim in Deum parcum esse, est prorsus idem, quod suum illi negare, & insuper atomum partiri.

Quartus modus, consideratio, quod esto per impossibile, esset homo non ex Deo, sed ex sese aliquid: tamen respectu Divinæ magnitudinis comparatus, erit aliud nihil, quam folium crepitans in aliquo surdissimo seu vastissimo nemore. Comparatus porro suo debito, quo revera est obligatus Deo, item præmio, quod illi Deus promittit in totam æternitatem, quomodo poterit existimare se aliquando nimium esse, in impendendo se Deo, aut propter Deum? Sane: amat Charitas, amat Immensitas, ipsa scilicet Deus hominem, homo autem reppendit vicem cum mensurâ, eaque valde tenui.

Quintus modus, consideratio illa, quam S. Pater exposuit, quod quanto se quis liberaliorem erga Deum præstiterit, tanto eum expectetur in se liberaliorem, efficieturque magis capax donorum & gratiarum Dei. Quibus verbis duos in Deum liberalitatis fructus effectusque explicat.

Unum extrinsecum: qui est provocare sua liberalitate Deum ad liberalitatem, & quidem majorem. Neque enim Deus vincit se patitur à creatura: qui est infinities melior, consequenter magis communicativus

effusi-



effusivusq; sui, quàm illa. Ergò liberalis in Deum obruitur à Deo liberalitate Dei. sicut facula accensa soli opposita obruitur à solis lumine. Quare qui vult inexhaustam Dei liberalitatem sibi obnoxiam facere, & ejus cataractas aperire ac derivare in se, suam omnem in Deum liberalitatem exerat: sic enim prægnantem beneficiis Dei naturam, & manum, totam ad se defluere fecundissimo effluxu faciet.

Alter fructus effectusq; naturæ in Deum liberalitatis à S. Patre explicatus est intrinsecus: qui est, animum ipsum liberalem in Deum, ipsa liberalitate dilatare & amplia-

re, idoneumq; ac vastum & capacem donorum Divinorum reddere. Sicut enim fontes quò plus manant, plus aquæ acquirunt: si autem manare cessent, perennit & siccantur, ita naturæ potentia in actus, præsertim Dei causa, profusæ dilatantur, faciuntur, tum ad amplius propter Deum operandum, tum ad amplius à Deo capiendum: si autem parca ac steriles sunt in operando: hebetantur, & veterascunt, & inutiles redduntur, tam ipsæ quàm earum animæ, atq; homines. Hæc de stimulis ad liberalitatem in Deum, atque de ipsa liberalitate sint satis.

## EXERCITIA DECIMI MENSIS.



N Mense Decimo Tirocinij sui Religiosus, circa curam minimorum: quam in 5 partes partietur, prout etiam 5 genera reperiri possunt minimorum, Igitur.

*Primò vacabit.* Exercitio fugiendi minima peccata atq; imperfectiones: De fuga gravium peccatorum non est hic sermo, nam his non tantum in ingressu, sed etiam ante ingressum Religionis valedicendum est. Quia enim in Religione servaturi consilia sumus, æquum est ut in sæculo prius præcepta servare discamus: alioquin si hoc fiat, continget ingredientibus non raro, ut innocentiam Religiosam peccatis gravibus maculent: ideò cum gravium peccatorum consuetudine ad Religionem venerunt, quod non fieret, si aliquantò saltem tempore ante ingressum suum, à gravibus peccatis abstinere, atq; ut dixi, præcepta Dominica servare aliquantulum insuevissent. Verum hoc, tanquam ad aliorum prudentiam (qui Religionis ingressu consuluntur, aliosq; in re tanti momenti dirigunt,) spectans remittentes, ad propositum nostrum accedamus.

Dico igitur Religioso Tironi fugienda

esse minima quæq; peccata, in eaq; re diligentiam esse magnam illi ponendam. Exigit hoc ipsa peccati natura: imò nomen, quid enim fugiet homo, si peccatum non fugiet? cum peccatum id dicatur, quod refugit, & horrent omnes. Neq; verò militat excusatio sumpta à levitate peccati: nam si quis ideo parvi facit & facile committit, quia leve est: cur non etiam magni facit valdeq; timer committere, quia peccatum est. Num aliquis ideo gustat venenum, quia leve est, & non potius fugit ideò quia venenū est. Numquis ideo excipit puncturam acūs, quia exiguum foramen facit, & non ideo fugit ac repellit, quia puncturam & dolorem facit? Accedit, quod levitas ista peccati esto sit, nescio unde levitas: ex hoc tamen non est vere levitas, quia dispositio est ad grave peccatum. quis enim dicet leve malum, quo disponitur ad maximum, quis dicat levem morbum, quo disponitur ad mortem, quis dicat levem ruinam, quæ hostis ingredi & occupare, diripere, necareq; potest omnes.

Discernendum est bene quidnam & quare, & quando peccatum dicitur leve: tunc enim leve dicitur, quado invitè, involuntariè, obreptitiè, ex fragilitate committitur, commissum verò statim deletur, retractatur, punitur, vitatur, emendatur. Tale enim peccatum commissum plus ferè prodest quam



quàm nocet homini: excitat enim hominē ad curam sui ad circumsp̄ctionem, ad humiliter de se sentiendum: & hoc sensu diligētibz Deum etiā peccata cooperantur in bonum; at verò peccatum quod dicitur leve, sponte, voluntariē, ex negligentia ac tepore, vel quod pejus omnibus est, ex motivo levitatis contemptusq; commissum: hoc leve nemo sanus dicit, ne dum perfectionis studiosus, hoc enim leve jam non est, nisi secundum nomen leve, re ipsa autem est grave: leve fuisset, si involuntariē, factum fuisset: at quia scienter & sponte factum est, leve non est. Sicut premere pedem Regis, vel aspergere sordē aliqua vestē ejus casu, & nolenter leve est, sponte & scienter crimen est.

Errant ergo qui levia idē patrāt, quia sunt levia: hoc enim ipso ex tali persuasione patrata non sunt levia, sed gravia. Et talia sunt quæ disponūt (ut dixi) ad gravia. Imò ostendunt talem hominem esse in animo dispositum jam ad gravia, hancq; dispositionem in actum prodire per levia. Omnia enim peccata mortalia, à levibus venialibus incipiunt: sicut omnis mors à levibus morbis venit, & omnis ruina domus à parvulis rimulis exorditur. Deniq; in pigritijs manuum stillabit domus: stillicidia verò expellunt domo, ut ait Scriptura.

Omitto adducere ad persuadendam fugam minimorum peccatorum, puritatem conscientia & munditiem cordis, sine qua nemo videbit Deum, nemo enim placebit Deo: quæ non potest habere locum, ubi voluntaria peccata habent locum. Quomodo enim mundus corde sit, aut esse velit, qui sponte sordibus cor & animam maculat? Omitto etiā adducere ad idem persuadendum charitatis Divinae fervorem, quem est impossibile in animo esse, ubi voluntaria peccata sunt. Charitate fervere, ac peccata parva non fugere, sunt opposita: & qui hæc stare simul putat in suo corde posse, non is errat, sed insanit. Sicut charitas cum peccato mortali, ita charitas fervens cum peccato veniali voluntario pugnat.

Ergo nemo reputet parva, quamlibet parva, si scienter delinquere vincatur, ait S. Bernardus. Ipsum enim hoc quod voluntariē & deliberatē committitur aliquid mali, leve esse non potest, respectu malitia committentis, esto non sit grave respectu ipsius mali commissi. Nam hac ratione commit-

tens parva mala, si se benè examinaverit, inveniet in se voluntatem, nec in charitate Dei fundatam ferventemq; nec à peccatis simpliciter, sed potius tantum à panis peccatorum, oneribus ad ea sequentibus (confusionis, jacturæ boni nominis &c.) averfam, ita ut non peccare metuat, sed ardere. Nam si plenè aversa esset mens à peccato: magis millies optaret ardere, quàm vel levissimè semel peccare. Cujus rei notabile habemus exemplum in optimo fratre nostro Alphonso Rodriguez: cujus illa fuit jugis ad Deum interpositis etiā Sanctorū in horas singulas aliorum intercessionibus: ut potius permetteretur millies mori, ipsaque inferorum pænas (salvo gratia statu) ad diem judicii sustinere, quàm vel semel minimum aliquid veniale peccatum committere.

Hoc igitur curabit Religiosus Tiro, ut se se in hoc quàm firmissimum obstinatissimumq; faciat, in hocq; Dei gratiam adjutricem sibi semper in promptu esse demereatur, ne peccet deliberatē, voluntariē, scienter unquam. Item ut involuntariē, aut indeliberatē, si quando cadat, non cadat in graviora venialia, non in multa, seu pluries repetita, non etiā in varia, seu variorū generum aut specierum, ut ea in se quo ad frequentiam & pondus admittendi, diminui sentiat & curet, ut ad commissum ex obreptione aliquid malum sit in sentiendo teneri, in expellendo diligens, in puniendo securus, in cavendo cautus, in occasionibus providus, & circumsp̄ctus: ita ut etiā umbram, speciemq; peccati non parvifaciat: sed ab omni specie mali (uti monet Apostolus) absteat: Ubi per speciem mali, intelligit Apostolus, etiā imperfectiones quæ peccata non sunt, reprehensibiles tamē sunt, quia cum sunt, non advertuntur, si autem adverterentur fieri, recta ratio ostenderet inconveniēter fieri.

Ad hoc porro exequendum proderit Tironi nosse & notatos habere vel legisse defectus, qui in quacunq; ordinaria actione solent, ac possunt committi, ac reprehendi. Non est autem hujus loci catalogos horum texere defectuum: & possunt non difficulter cognosci, tum ex Regulis instructionibusq; ac uno quoq; officio, ac opere præscriptis, tum ex aliorum præsertim Superiorum admonitione. Proinde illuc interim Tirones remittimus.



*Secundò vacabit.* Exercitio mi-

nimas Regulas, ordinationes, instructio-  
nesq; observandi: Ideò enim præscriptæ  
habentur, ut omnia (juxta Apostoli præce-  
ptum) in nobis, hoc est, in Religiosis cari-  
tibus, honestè & ordinatè fiant. Non autè  
fierent, si uniformes Regulæ & instructio-  
nes de uno quoq; opere, ac munere obeun-  
do præscriptæ non essent. Quoniam unus-  
quisq; in suo sensu abundaret, & innumera  
essent dissensionum, aversionum, querelarū,  
materiæ ac occasiones: plurimi etiam defe-  
ctus & errores, plurima inconvenientia, &  
impedimenta mutua in actionibus ac offi-  
cijs. Quibus omnibus similibusq; malis  
obviatur prudenter præscriptione & simul  
observatione Regularum, instructionumq;  
unde non sunt ea parvi faciendæ, sed poti-  
ùs exactè ab omnibus observandæ: nequè  
ob minutiarum specimè, aut nomen, negli-  
gendæ. Et si enim minutæ sint in se, attamè  
plurimis magnisq; malis medentur, cum  
servantur: viam autem aperiunt cum ne-  
gliguntur: ut vel hoc solo nomine, curam,  
diligentiamq; nostram mereantur.

Ac quam inconveniens sit eas non ser-  
vari, etiam ab uno, ex hoc facillè conjici  
potest, si imaginemur eas servari à nullo:  
si enim hoc esset valdè turpè negligi ab o-  
mnibus, non potest etiam turpè non esse  
non servari ab uno: multitudo enim pec-  
cantium nihil suffragatur uni ad excusati-  
onem: sed aggravat turpitudinem.

Accedit, hæc regulas, quamlibet parvas,  
esse rectæ rationis partus, desumptas ab ex-  
perientiâ & prudentiâ Sapientissimorum, &  
Religiosissimorum Patrum, usu ipso anti-  
quitus receptas, probatas, firmatas: quas à  
Tironum vel posterorum aliquo negligi,  
hoc utiq; aliud non est, quàm Magistros à  
discipulis argui & confundi.

Sed nihil ampliùs hanc observationem  
minimarum Regularum, debet Tironibus,  
sicut & omnibus commendare, quàm hoc,  
quod sint Effectus Divinæ voluntatis, imò  
ipsamet Divina voluntas, nobis ad servan-  
dum, esto in minimis occasionibus mate-  
rijsq; proposita: ita ut Regulæ ipsæ non sint  
revera minimæ, sed tantum ordinatæ circa  
res minimas: alioqui ipsæ per se, & in se,  
sunt maximæ, quia Prudentiæ Rationisq;  
Primæ seu Divinæ. Non secus ac formæ  
quædam operum artefactorum, ipsæ quidè  
sunt per se elegantes: licet earum materia

auri vel plumbi sit, non perinde æqualis  
pretij.

Hic autem diligentia, in observandis  
Regulis, de quâ in præsentì sermo est, debe-  
ret amans perfectionis Tiro subijcere, non  
tantùm Regulas publicè omnibus ad obser-  
vandum propositas: sed etiam alias omnes  
instructiones privatas, sive à Superioribus,  
sive à Confessarijs, sive à prudentibus ami-  
cis ac socijs, sive à libris Spiritualibus, sive  
à bonorum exemplis, sive à Divinis inter-  
nis instinctibus acceptas, & à communi u-  
su nequaquam recedentes. Etenim etiam  
istæ, hunc in finem à Dei Sapientiâ volun-  
tatequè nobis providentur, ut à nobis ser-  
ventur, servatæ autem, ut nostra opera faci-  
ant, Deo gratiora & perfectiora: consequen-  
terq; & nos ipsos coram Deo magis acce-  
ptos, atq; in virtute perfectos. Eam ob  
rem, nequaquam Tiro consuetudines suas  
(quos sponte sua, Magistro Spiritu Sancto  
servandas assumpserit,) facile negliget, sed  
aut semper retinebit, aut non nisi cum me-  
lioribus perfectionibus commutabit. Et-  
enim etiam vitæ consuetudines, sunt quæ-  
dam Regulæ privatæ, privatim homini à  
Dei bonitate indultæ: ut eas sine piaculo &  
nota inconstantiæ, aut teporis, negligere  
non possit.

Concludens hoc præsens exercitium il-  
lud Tironibus in memoriam revoco: quod  
ad observationem hanc urgendam reti-  
nendamq; magnopere potest excitare: nimi-  
rum hanc observationem minimarum  
Regularum, instructionum, observationū,  
praxium, ideo à Tironibus esse magni-  
faciendam, quia in omni vitâ suâ Religiosa  
deinceps observanda, retinendaque erit.  
Hoc enim debet esse illis inter omnia per-  
suasissimum, se ideo exerceri in Tirociniò,  
ut ea, quæ hic discunt, semper sciant, quæ  
hic faciunt, semper faciant, quæ hic funda-  
menta perfectionis & virtutum, & mor-  
tificationis, tam internæ, quàm externæ ja-  
ciunt, ea deinceps perficiant in sequenti to-  
tâ vitâ, ad culmenquè perfectionis abso-  
lutæ deducant: nisi ergo hic inceperint,  
nisi lineamenta duxerint, nisi fundamen-  
ta posuerint, non video quomodo sint per-  
fecturi, siquidem perfici non possunt, nisi  
inchoata. Ut verò post Tirocinitum spe-  
rent se inchoaturos, hoc tam difficile, ne  
dicam impossibile, quàm serum est.

Porro existimare ac persuasum habere  
apud se, quod finito Tirocinii tempore, li-  
cebit



cebit sibi vel omnia, vel pleraq; vel aliqua Tirocinij exercitia deferere, certius, manifestiusq; futura Tironis, post Tirocinium, defectionis ac ruinæ indicium, atq; prognosticon, imo principium, nec opus est queri, nec potest inveniri. Certè si hoc ita esset in Religiosa institutione, & rudimentis perfectionis, ut exacto Tirocinij tempore fas sit ac spes de abiectione cogitare eorum, quæ sunt hausta in Tirocinio: dicendum est nullam esse infeliciorem artem in humanis, quàm hanc Spiritualem ac Religiosam: Etenim in omnibus facultatibus, tam mechanicis, quàm literariis: quæcunque in Tirocinij suis à candidatis ediscuntur: ea deinceps in consequentibus, gravioribus artis, ejusdem præceptis, tanquam notissima, & plenissimè possessa supponuntur: tanquàm fundamèta necessaria prærequiruntur: neq; quidquam absurdius est in arte omni, quàm artis principia non edidicisse, vel cognita oblivioni tradidisse. Quà ergo fronte potest Tiro sibi polliceri ac persuadere, quod exacto Tirocinij tempore, licebit illi omnia Tirocinij exercitamenta, quæ sunt tanquam perfectionis & vitæ Religiosæ rudimenta abijcere, & in neglectu oblivioneq; sepelire. Profectò quicumque Tironum ita, vel tenuissimè sperant, persuasumq; habent: ij certissimam ruinam minantur, ac proinde indubitatè illam expectent.

Exerceant ergo Tirones sese in minimarum quarumq; regularum, præceptionumque observatione: & exerceant hoc animo, ut nunquam deposituri sint eam exercitationem, sed vel eandem ad perfectionem, ultimamq; ætatem deducturi, vel quod idè est, cum perfectioribus commutaturi: scientes ex S. Bonaventuræ doctrina, Tirocinium aliud esse ad Professionem & vota, aliud esse ad perfectionem, illud finiri anno, vel biennio: hoc finiri perfectionis assecutione, vel vitæ termino. Tirocinium prius esse fundamentum alterius: illius finem esse, alterius inchoationem: & emissionem professionis dari initium Tirocinio perfectionis. Sed hæc alibi plenius, in gratiam Tironum tractata reperies, Tractatu scilicet vitam novellorum Religiosorum, inferius ponendo. nunc alia.

*Tertiò vacabit.* Exercitio usurpationis minimarum occasionum ad profectum, ad mercedumq; gratiam & gloriã

cælestem, idq; potissimum per Virtutum exercitationem. Ut intelligatur, quænam sint partes hujus exercitij, & quis scopus: advertendum est in Religiosa vita, & domo reperiri, quædam tum opera, tum officia per se notabilia, & in oculos seu communis, seu Superiorum certius incurrentia, diligentiamq; & requirementia, & habentia: alia verò ex se, vel ex quodam usu haberi obscuriora & minutiora, quorum executione neglecta minùs sentitur, notaturvè, ita executio non usq; quaq; rigorosè & acutè urgetur: & tamen non parum est revera, seu incommodi inconvenientiaq; si passim neglecta jaceant, neglectimve fiant, seu commoditatis, si in executionem veniant. In idem recidit advertere, in Religiosis domibus esse quasdam occasiones virtutum. & consequenter meritum, quæ ut temerè & non ex ullius proposito intentovè offeruntur, ita etiam passim, & absq; censurâ ac notâ prætereunt, negligunturq; sine usu sui, ad quas tamen diligens negotiator Spiritualium lacrorum lynceos habet mentis oculos, neq; eas effluere sinit vacuas: sed vel tanquam sibi à Deo oblatas, vel tanquàm reservatas, ac sepositas à providentia Divina arripit, colligit, & in fructum spirituale lucrumque convertit. Ad eum modum, quo Matrona illa Sancta Ruth, Moabitis paupercula, & ex alienigenis nata, veniens in agrum, in quo Messores ditissimi Patriarchæ Booz metebant fruges, illa vestigia messorum sequebatur, & spicas quæ fugiebant manus messorum, colligebat in cumulum, quod studium adeò gratum fuit Patrifamilias, ut præceperit operariis suis, ne illi Matronæ molesti essent, imò ut ultro spicas post se præterirent, quo illa plures sine verecundia, majoreq; cum suo commodo colligere posset, insuperq; etiam cum iisdem operariis suis, eam cibum & potum capere jussit.

Hæc est illustris figura hujus exercitij, de quo loquimur: In magna enim Dei nostri domo, agro, ac messe magni servi Dei, & perfecti permittendi sunt gravia munia, & magnos labores circa proximos, vel circa Religionis commune bonum, sustinere ac obire, & veluti plenius manibus messum facere: at paupercula Tironis anima, sed tamen profectus Spiritualis cupida, nequè adhuc ad grandes labores idonea, colligat spicas, messorum manus, effugientes: nec dubitet industriam suam Deo Patrifamilias

M  
miliars cor  
ligentiam  
di famen  
um merito  
operatorum  
non minor  
arumq; & g  
illis major  
pro mensur  
præmia sol  
veritas in  
Tractat.  
P. Iacobus  
etum S. R  
instantis  
spicarum,  
hic assero,  
tualibus:  
mendicant  
ut cibi sum  
rentibus de  
ones, quæ  
ga in sum  
em vite tu  
innumerab  
dis. Sign  
& tu in le  
us te ad su  
Ecce unan  
ses ample  
rem vici  
laboribus  
at cum  
femiaca  
mentis re  
corporis  
& interna  
cum oran  
ois causa  
tur, pu  
tum offert  
in saltem  
inusu  
pauper  
cultura  
ne in  
Cum a  
accassa  
am de  
lamq;  
vine in  
vocanti  
re nihil  
corone  
die esse



miliis cordi fore: acceptabit enim ejus diligentiam, & ad explendam ejus proficiendi famem, providebit illi occasiones, talium meritorum amplas, & ad mensuram operantium, eandem admittet, dando illi non minores consolationes internas, gratiarumq; & gloriæ cælestis merita: quàm suis illis majoribus operariis: quoniam Deus pro mensurâ fervoris & studij in operando præmia solet distribuere, esto sit magna diversitas in operibus ipsis.

Tractat, atq; ad hoc propositum adducit P. Iacobus Alvarez, to: i. l. 5. c. 24. adductum S. Ruth exemplum, illudq; illustrat instantiis sive exemplis, talium spiritualium spicarum, seu occasionum, quas summarie hic afferro, ut ex his conjectura fiat de spiritualibus: sic ergo ille: Considera Religiose mendicantem, & expende famem tuam, quam ut cibi sumptione compescas, collige spicas à merentibus derelictas, & modicas proficiendi occasiones, quas magni in oculis suis spernunt, congrega in sinum tuum. Rogo te unum tantum diem vite tue attentè considera, & videbis in eo innumerabiles proficiendi occasiones, quas perdis. Signum est datum ad surgendum è lecto: & tu in lecto aliquantùm moraris, ac si non Deus te ad surgendum orandumq; signo illo vocaret? Ecce unam spicam seu occasionem, quam si suisfises amplexus, sociam & diabolum te retinentem vicisses, & bonum fervidum diei initium, laboribus assignasses. Ad orationem accedis, at cum posses genuflexus, non ita, sed sedens aut semiacens assistis. Ecce aliam: nam si debitam mentis reverentiam, erga divinam maiestatem, corporis situ monstrares: te ipsum ad devotionem, & internam suavitatem disponeres, & alios tecum orantes edificares. Triclinium refectiois causa ingrediens, panis tibi durus, niger apponitur, pulmentum insulsum, & malè apparatus offertur, cuius tu causa tristaris, & interius saltem coqui oscitantiam, & prælati duritiâ incusas. Ecce aliam, debuisses enim ut Christi pauper verus, illâ penuriâ & incommoditate exultare, panem pulmentumq; in Christi sanguine intingere, & Regum deliciis præferre. Cum aliâ colloquens remissionis gratiâ, oblata occasione, te ipsum laudasti, aut sententiam tuam defendere contendisti, aut historiam fabellamq; inutilem narraisti. Ecce aliam, quia si Divine inspirationi te interiorius ad mortificationem vocanti paruisses: nec te ipsum laudasses, nec pro nihili contendisses, nec secularia narraisses, corone gloriæ in celis te expectanti gemmam adiecisses. Defectus aliqui parvi momenti, tibi

innocenti occultè vel publicè ab aliis obiicitur, & tu statim miraris, milleq; modis id ipsum excusas. Ecce aliam, quia non magni momēti ignominia admittenda esset, & pœna à Prælato imposita acceptanda. Domo aliquâ causâ egressus, aliqua pulchra quæ videas, curiosa quæ audias, iocosa quæ dicas, passim occurrunt, quibus tu ac si secularium unus esses, implicaris & sedaris. Ecce aliam, oportebat enim oculos vanitatis claudere, aures adversus curiositatem munnire, & linguam indomitam bestiam continere. Ita Pater Alvarez.

His addi possunt alia, v. g. 1. Supplemente libenter (& quoad fieri potest, absq; censurâ & notâ alienæ negligentia) pro aliis ex charitate in serviendo sacro, mensa primæ vel secundæ, in legendo ad mensuram, in lavandis lancibus. 2. Offerre se ad talia supplementa Superiorum alicui, ut operâ tuâ liberè uti possit, cum eguerit, nec alium quærat. 3. Perficere & curare ea, quorû curâ, nulli in particulari commissa sit, ut lavacrum commune curare, mundam aquâ afferre. Lumen si quò opus sit, necdum verò illatum sit, inferre. Primo pulsu campanæ obedire in puncto, etiam si nemo adsit qui videat. Res ex Mense colligere: atq; in purgandis ijs aliquantùm juvare. Conversationes, confessionesq; nobilium alijs cedere, pauperibus operam propriam, adjicere. Dum res ad usum distribuuntur, ultimò ad accipiendum accedere, atq; ultimas accipere. Officiali etiam infimo in ejus officio deferre, & subesse, atq; ab eo dependere. Non tantùm fratres, verùm etiâ res quibus illi usi sunt æstimare, osculari ex spiritu illo, quo fratres nobis præponimus. Non facere discrimina, neq; delectû in fratribus, in sociis, cum quibus manens exeas, colloquaris.

In his similibusq; latent virtutum maximarum occasiones & commoditates, simulq; virtutes maximæ, quæ passim & occurrunt, & à plerisq; negliguntur, non tamen absq; summo profectu observantur: continent enim hominem mirificè in disciplinâ: non sunt exposita vanæ gloriæ, & admirationi: invidiam non excitant: non frangunt vires, non absumunt tempus: corroborant virtutum habitum, atq; usum in animo, familiaremq; reddunt virtutem. Unum tantùm ad hanc praxim est necessarium, eâ volenti uti; nempe, ut sciat atque in promptu habeat virtutes, quæ in unaquaq; occasione exerceri possint: quas quidem,



dem ipsarum occasionum natura suppeditat, vel sponte propria, quis assignare potest. Neq; opus est exoticas & difficiles quærere, sed optimum est communes & quotidiano usui necessarias designare. Quales sunt ferme hæ. Charitas in Deum, charitas in proximum, reverentia majorum, parium, minorum. Humilitas & humiliatio, sui contemptus, ac submissio, fervor spiritus: studium proficiendi, merendi, placendi Deo, amor Regularum & disciplinæ, Obedientia, Resignatio, Indifferentia, simplicitas & candor. Studium puritatis conscientie, &c. Has Virtutes inveniet in his occasionibus, quicumq; erit pauper ac fervens spiritu: tepidis verò ac superbis, & in suo sensu abundantibus, nunquam ista satis probabuntur, & laudabuntur: absconsa enim hæc sunt sapientibus, & prudentibus, revelata autem parvulis à Patre cœlesti.

*Quarto vacabit* Exercitio minimarum mortificationum, tam in rebus externis, quàm in internis. Convenit hoc exercitium cum præcedente, ideoq; paucioribus expediri poterit. ejus propositio verbis differt tamen in eo, quod illud virtutum, hoc mortificationum exercitiū commendat: deinde in eo, quod illud magnas virtutes, in parvis occasionibus: hoc etiam minimas mortificationes, in quibuslibet occasionibus suadeat. Cum enim non omnium, ac præcipuè non incipientium sit. Magnas mortificationes aggredi & sustinere: sanum & sobrium consilium est, ut in parvis se exerceant, qui ad magnas idonei non sunt. Sic enim omnia à minimis sumunt initium: donec ad magna convalescant, capita maximorum fluviorum, exigua sunt.

Præterea docet experientia minimas mortificationes, non tantum sternere viam ad majores, sed etiam quandoq; æquivalere, imò & prævalere magnis. Magnæ enim, in usum raro venire possunt: parvæ perpetuæ esse possunt. Magnæ, ipsa raritate parvæ sunt, magnitudine autem suspectæ sunt: utroq; autem periculosa sunt: contra, minutæ, & debite & possunt esse assiduæ, vix notabiles sunt, sapissimè non sunt, ob exiguitatem; grandes sunt & difficiles, ob continuationem; nullum periculum creant corpori, propter suam ad vires proportionem; nullam animo suggerunt superbiam,

quia non trahunt secum admirationem. Insuper autem semper hominem continent in disciplinâ, semper in sui dominio ac potestate. Et quia innumera sunt, ideo semper commoditatem habent: Deniq; & contra indiscretionem, & contra vanitatem, regulis cautelisq; non egent, aut vix egent.

Eam ob rem, exiguæ mortificationes Tironi debent esse commendatissimæ, & usitatissimæ: adeo quidem, ut si fieri possit nusquam & nunquam se absq; mortificationis alicujus experimento, usq; inveniat & commoveat, sed semper aliquid in præsens habeat, quo sibi tam intus, quàm extra molestiam & disciplinam ingerat. Et ad internas quidem maximè invigilabit & inhabitat, quia hæc magis necessaria, magis utiles, magis perfectioni & cordis puritati atque charitati subservientes. Nihilominus & externas semper complectetur, & in minutissimis, sive sponte inflictis à se, sive aliunde advenientibus, & non quæsitis se se exercebit.

Non est autem opus sollicitudinem ponere magnam in occasionibus habendis: quoniam facilius ferme est hominem, aliquid ad patiendum adversi habere, quàm vivere. Vita quippe ipsa ex contrariis constat: proinde & sine patiendi occasionibus non stat.

Quod si etiam insuper homo industriam ponet, & à sua voluntate, quod patitur habeat, conspirante natura cum voluntate, impossibile est, ut homo patientiæ, mortificationisq; materiâ careat. Modica duntaxat, est opus vigilantia, ut homo advertat, in quo, vel sibi contrarius esse valeat, vel quomodo contrarium se sibi aliqua ex causa, modestè, cumq; virtute sustineat. Non est enim creatura, quæ homini molestiam parere non possit; non est particula corporis in homine, quæ molestia non possit esse subjecta: non est potentia in anima, quæ suâ inordinatione non soleat esse animæ, rationive onerosa: non est actio, quæ operatur homo, in qua ne vel per excessum, vel per defectum impingat, regimen, vigilantia, moderatioq; non sit illi necessaria.

A quibus omnibus oneribus usq; adeo sese homo expedire nullo modo prævalet, ut hoc ipso quod expedire attentet, magis etiam malum & miseriam cumulet ac aggravet. Etenim fugere molestiam, & pati nolle, est multiplicato sanore, molestia uni, & minori multas & graviores superappone-



re. Usq; adeo, ut ad diminuendas allevi-  
andasq; (nam amoveri hac in vita non pos-  
sunt) tribulationum & mortificationum  
occasiones vix ulla sit commodior ratio,  
quam modesta, & mitis suimet ad illas sub-  
jectio. Sed de hac ipsa re, quoniam aliquid  
actum est Mense 7. Exer: 1. ad ea Tironem  
remitto: ad amorem autem, usumq; mini-  
marum mortificationum verbis illis S. A.  
postoli exhortor: *Momentaneum & leve tri-  
bulationis nostrae, supra modum in sublimitate æ-  
ternæ gloriæ pondus operatur in nobis.* Non  
ergo horreat assidua, non etiam conte-  
minat mortificationem: ex qua æternæ glo-  
riæ pondus sibi nasci, & promitti ore  
Apostolico cognoscit.

*Quinto vacabit.* Exercitio oc-  
cupatorum minimorum temporum. Huc  
nos ducit monitio Sapientis: particula boni  
diei non te prætereat. Non est autem ser-  
mo præfens, de Temporis universum sum-  
pti nobis à Creatoris bonitate ad operandam  
salutem nostram induti appretiatione & æ-  
stimatione, bonoq; usu: hoc enim per Dei  
bonitatem in vita Religiosa, ita usu venit:  
ut monitione vix sit opus: cum omnes diei  
noctisq; horæ ita distributæ sint, ut cujusque  
pars suæ occupationis ab obedientia dome-  
sticæq; ordine assignata sit: sed loquor in-  
præfenti de observatione minimarum tem-  
poris particularum, ac veluti micarum,  
quæ complures reperiri possunt, in ordina-  
ria vita, & à diligentibus sine fructu Spiritu-  
ali amitti non debent.

Ejusmodi sunt tempora illa quæ fluunt  
nobis inter eundum redeundumq; huc aut  
illuc de loco in locum pro exigentia occu-  
pationum ac necessitatum. Hæc minuta  
tempora, si in unum colligantur, justum  
facient tempus: si verò bene impendantur:  
maximos spirituales conferunt thesauros.  
Habemus in Vitæ SS. Patrum narrationem  
de quodam Anachoreta, qui remotiusculè  
casam suam habebat à puteo, necesseque  
erat hominem, aequatum ire & redire non  
absq; labore tam viæ, quam portandæ aquæ,  
sensim tædere illum cepit laboris illius: eo-  
quæ demum tædio inductus est, ut statueret  
casam suam propius aquam transferre,  
seq; labore illo levare: antequam autem  
id perficeret, interim aequatum eunte  
se, persensit nescio quem, quasi post se eun-  
tem, & aliquid numerantem, conversus re-  
trorsum vidit Angelum Dei omnes illos su-

os passus, quos ad puteum faciebat nume-  
rantem, metientemque. Quo ille animad-  
verso: correxit errorem, & promota etiam  
remotius casam laborem, quem Dei Ange-  
lis, ipsiq; Deo ita curæ esse cognovit, auxit.

Hoc exemplo edocemur, non perire tem-  
pora minus quamvis, si ea Deo impendi-  
mus: at ex hoc etiam amplius confirma-  
mur, tantò amplius Deo placere, apudque  
Deum mereri nos, quanto melius temporū  
similes minutias expendimus. Nullus est  
dies, quo non ex nostræ mansionis loco, in  
templum Sacri dicendi audiendive causa,  
in triclinium cibi sumendi gratia progre-  
dimur, atq; rursus regredimur: tempus il-  
lud eundi redeundiq; si non tantum boni  
operis aut ab obedientia, aut à charitate im-  
perati causa, insumamus, sed insuper acti-  
bus quibusdam piis, actibus inquam, virtu-  
tum aliquarum siue continuatim, siue repe-  
rito exercitiis occupemus: quis potest dubi-  
tare cum maximâ spirituali utilitate, eaquæ  
multiplici nos id facturos. Etenim si quis  
attendat ad hæc vel uno die: & talibus tem-  
poribus actus (charitatis Divinæ, v. g.) per-  
breves eliciat: actus illi charitatis omnes ad  
millenarium, & amplius numerum excre-  
scent, uti sua quilibet experientia probare  
potest. Et putat aliquis Spiritualis vitæ stu-  
diosos, parum esse mille charitatis Divinæ  
actuum, vel iacturam, vel lucrum facere:  
meritumq; gratiæ & gloriæ cœlestis, iisdem  
respondens amittere vel obtinere? Quid?  
quod talibus temporibus, si eo quo dico  
modo non occupentur, mens nostra, otiosa  
soleat cogitare, oculi vagi esse, imaginatio-  
nes sparsæ &c: quibus omnibus incommotis  
remedium sit, per hoc unum, si illis tempo-  
ribus assignatæ sint certæ & statæ sanctæ  
cogitationes, virtutum actiones internæ,  
etiam ore murmuratæ.

Hoc igitur Tironibus debet esse commē-  
datum pro omni vitæ & mansionis loco, ut  
ita vivere assuescant semper, & ubiq; à Ti-  
rocinio inchoando, ut hæc temporum re-  
liquias observatas notatasq; habeant, juxta  
officium suum quod obeunt, obibuntve a-  
liquando: ipsiq; temporum micis certas, sta-  
tas pro suo placito, vel pro convenientia  
temporum, occupationumq; ipsarum, in-  
ternas piæq; virtutum variarum exercita-  
tiones assignent, quas labente tempore sua-  
viter exerceant: tempusq; utilissimè ac san-  
ctissimè insumant. Neq; unquam hoc e-  
xercitium, aut ob contemptum parvitatatis,  
aut



aut ob tepiditatē fugamq; laboris negligāt. Revera enim non est parva res: & labor non tollitur, sed mutatur duntaxat: nam sine dubio licet mens eorum, sub ista tempora nihil Sanctum versabit, versabit tamen aliquid aliud, vel otiosum, & leve, vel saltē non spirituale, ac proinde idem erit menti, in cogitando labor, sed nequaquam idem respondebit labori fructus.

Quod autem dixi Tironibus servandum esse in usu bono temporum parvorum otiosē penē transvolantium: idem velim censere à me sibi proponi, suaderiq; in usu aliorum temporum, quæ non quidem ita vacua sunt, ut ista de quibus modo dixi, sunt tamen occupata & destinata operibus potius exterioribus quàm interioribus, quapropter in eis fere homo solo corpore, corporisquē potentiis, ac membris occupatur,

mens porro interea sine fructu est: hoc ne fiat, danda est opera, ut inter exteriora ista, nec mentis attentionem ex se poscentia opera, mente & corde exerceantur citra fatigationem. capitis actus aliqui sancti, orationes ejaculatoriæ, cogitationes de rebus cœlestibus, de mysterijs, exemplis, dictis Christi Domini aut Sanctorum. Sic enim fiet, ut illa opera exteriora, tum ex se propter obedientiam, charitatem, intentionē, aliaq; accidentia placeant Deo, tum insuper propter mentis devotam exercitacionem gratiora reddantur, cumuloq; novorum meritorum comitata, ad Deum deferantur: efficianturq; ferē magis interna ac spiritualia, quàm corporalia & externa gradiente scilicet per ea spirituali & sublimi operatione divinæq; gratiæ efficacitate.

## EXERCITIA UNDECIMI MENSIS.



**I**n Mense Undecimo Tironij sui Religiosus.

*Primò vacabit.*

Exercitio amoris & sustinentiæ Delationum sui ad Superiorem, penitentiarumq; sibi pro defectibus injunctarum. Peculiariter eam rem S. Pater Ignatius Fundator voluit omnium Sociorum animis esse, tum commendatam, tum infixam. Ea propter ab ipso statim ingressu Religionis hujus in Primâ probatione voluit S. Pater Tironem expressē hac de re præmoneri, edoceri, interrogari. An contentus sit futurus, ut omnes errores, ac defectus ipsius, & res quæcunq; que notata in eo & observata fuerint, Superioribus per quemvis, qui extra confessionem eas acceperit, manifestentur. Num etiam boni consulturus sit. (quod & ipse & quivis alius facere debet) ab aliis corrigi, & ad aliorum correctionem iuvare. Ac num manifestare se se invicem sint parati, debito cum amore & charitate, ad maiorem Spiritus profectum. Præsertim ubi à Superiore, qui illo-

rum curam gerit, fuerit ita præscriptum, aut interrogatū ad maiorem Dei gloriam. (Exam: c. 4. n. 8.) Et rursus eodem ipso Examinis capite sic habet S. Pater. Ad maiorem firmitatem omnium. (quæ sic narrata, & Tironi proposita sunt in examine) & ad maiorem spiritualem profectum eius qui examinatur, interrogetur, an omnino obedientem se exhibere in omnibus, (quæ hic dicta & declarata in Examine,) velit, subeundo & implendo quasvis penitentiæ, quæ propter defectus & negligentiam suam, vel quodvis aliud, fuerint iniunctæ. Penitentiæ verò (additur in Summario Cœnstit. (Reg. 37.) huiusmodi promptâ voluntate quisq; admittere debet, cum vero emendationis proposito, & profectus spiritualis desiderio, etiam si propter defectum inculpabilem iniungerentur præterea hoc loco id quod idem S. Pater, omnibus præcipit, ut singulis annis omnes aliquoties à Superiore sibi penitentiæ iniungi, propter defectum observationis regularum petant, ut hæc cura indicium sit illius, quam de suo profectu spirituali in viâ Dei quisq; habet.

Hoc addo, quod in congregatione Generali Societatis, jta. decreto 58. decretum, decla-



declaratumq; sit substantialia Instituti Societatis esse hæc duo. 1. Contentum esse debere, quemq; ut omnia quæ in eo notata fuerint, per quemvis, (qui extra confessione ea acceperit) Superioribus manifestetur. 2. Paratos esse omnes debere, ut se se invicem manifestent debito, cum amore, & charitate.

Ex quibus omnibus, tum constat, quanti momenti, quovè loco sit præsens materia in Societate nostra, tum quam serio diligenterq; oporteat nos omnes in hoc genere Exercitij versatos atq; perfectos esse, tum quam necesse sit Tirones ab initio sui ingressus huic Exercitio insuescere. Tria porro capita hoc exercitium complectitur, ut ex prædictis, manifestum est.

1. Caput est, ut quilibet nostrum, qui in Societate vivimus, atq; serio proficere studemus in Spiritu: contenti simus deferri nostros omnes defectus, errores, aliasq; omnes res extra confessionem sacramentalem cognitatas, Superioribus manifestari à quocunque.

2. Caput est, ut ipsi vicissim parati simus aliorum defectus Superiori manifestare: cum ita vel Superior censuerit, vel charitas Communitatis, aut fraterna requisiverit, vel aliqua alia necessitas rationabilis suaserit: excluso odio, vindicta, aliove inordinato affectu.

3. Caput est, ut pœnas seu penitentias, pro defectibus nostris, nobis injunctas, (esto illi defectus sint inculpabiles ac valde minuti, & excusabiles) simpliciter, & modestè adimpleamus. In his tribus Capitibus exercebit se Tiro Societatis: & primū quidem, ac secundum tanquam substantiale instituti æstimabit: tertium verò tanquam summè necessarium suæ paci & quieti.

Non est quidem propositi præsentis, de hisce capitibus disputare: attamen, ut tanto alacrius in horum capitum exercitio procedatur: eorum necessitas rationabilitasq; vel brevissimè declaranda est. Omnia culpæ semper ita comes, tanquam pedissequa pœna, ideo in omni communitate etiam pessimè coalita, est tamen aliqua delictorum castigatio: quæ necesse est, ut fiat per Magistratum: hic verò opus est, ut delicta noverit, discernat, pœnas assignet & exigat. Nolle delicta, Magistratus omnia nō potest, quoniā ubiq; præsens non est, ideo cognosci aliorum relatione ea oportet. Inde elucescit delationis ad Superiores necessitas penitentiærumq;. Cum verò nemo sit à cul-

pā immunis in hac vitā, nemo etiam à pœnā, à correctione nemo, à delatione consequenter ad Magistratum nemo. Peculiariter Religiosi catus, sunt emendandorum delictorum defectuumq; & penitentia locus, non tantum pro præsentibus erratis, sed etiam pro præteritis, in sæculo commissis, pro quibus ut satisfiat Deo, status Religiosus, tanquam status locusq; penitentia agenda initur.

Ad hæc in Religiosis catibus, nullum est delictum gravius, quam incorrigibilitas, ob hoc enim unum, tandem ad extrema remedia venit. in catibus Religiosis: quando quis talis reperitur, qui peccare quidem solet puniri autem nolit, vel punitus non resipiscat. Vigor & disciplina omnis Religionis, & domus Religiosa non est in eo sita, ut defectus nulli in ea inveniatur: hoc enim inter hujus vitæ mortales optari potest, sperari non potest, sed in hoc quod nulli defectus, quicunque, & in quocunque reperiantur, impuniti transmittantur: sed qua monitione, qua pœna corrigantur.

Ita sumus omnes, ut plurimum constituti, ut defectus nostros, vel non agnoscamus, vel leves putemus, vel dissimulemus: unde non corrigimus eosdem, atq; ita in eis aetatem trahimus, cum nostro & communi damno, cui nulla ratione commodius occurriri potest, quam si nostri defectus ab aliis ad Superiores referantur, qui eos pro natura eorum discernant, ac remedium correctionis adhibentes, nos sanent, scandalum tollant: & disciplinam conservent, inq; Spiritu & Dei servitio ac perfectionis via promoveant. Ex quo sequitur plus utilitatis redundare in ipsum peccantem, quando ejus peccatum ab alio noscitur, corrigiturq; quam si ipse illud norit aut corrigat: Efficacius enim hoc peragitur, & in bonum commune melius.

Ex quibus omnibus colligitur manifestè quàm utilè, quàm rationabile, quàm necessarium sit & deferri, & deterre defectus ad Superiorum notitiam, & ab ipsidem corrigi: Sine hoc enim nulla esset communitas, sed belluina vita: & pejor quàm prædonū aut dæmonum congregatio: quoniam & inter hos est pœna peccantibus constituta. Quare vix potest inveniri nomen, quod exprimat malitiam hominis, peccantis quidē, de peccato autem deferri, moneri, puniri, non sustinentis. Hic enim revera pejor ipso dæmone: quia etsi illi sit par in incorrigibilitate, in eo tamen est nequior, quia puniri



puniri non vult, cum tamen constet damones inferiores, a suis majoribus puniri & castigari. Viderit ergo quis sit, ille qui pro dilectis suis, nec moneri, nec puniri vult, qui odit delationem sui ad majores: qui insensus est delatori &c.

Colligitur etiam ex supradictis, quam iuste prudenter, & candide procedat Societas cum suis filiis, quos ab ipso Tiocinio in hoc informat, ut & deferri suos, & deferre alienos defectus, & puniri pro omnibus erratis suis parati sint. Hac enim via, & suae integritati, & suorum omnium salutis, profectuique providet Societas. Quocirca Tirones debent intelligere, se una cum ingressu suo ad societatem, cedere juri suo, quoad hoc punctum delationis, dareque omnibus omnino jus deferendi suos quoscunque defectus & errores ad Superiorem suum, modò ij extra confessionem Sacramentalem, aut extra suam propriam consilii remediijve causa, sub naturali secreto revelationem factam cogniti fuerint, adeoque molestè ferre nec debent nec possunt, si deferatur ad Superiorem in aliquo defectu, sed meminisse juris à se dati, & cessionis factae.

Simili modo debent iidem Tirones intelligere, debere se Superioribus, sive id requirentibus, sive non requirentibus denunciare defectum alienum: neque posse se frivolis rationibus tueri, si hanc delationem negligat facere. Sic enim fiunt, & pravaricatores suae promissionis initio Tiocinij factae, & Regulæ de hac re praescriptae, & complices fiunt alienorum peccatorum: & quantum in ipsis est nolunt fratrem suum ab errore & peccato sanari, cui remedium non curat adhiberi, imò etiam curant (per silentium suum) non adhiberi, sunt etiam perfidi in Religionis bonum commune, bonumque nomē, & proditores, prostitutoresque ipsius: Unde etiam meritò hujusmodi tacentes gravius puniuntur, quam ipsi qui noxae alicujus per illos calatae rei fuerunt: quoniam saepe fit, ut illorum silentio reddatur malum insanabile, quod facillimè paternam Superiorum curam, salvo & sanato delinquente sanari potuisset, si isti maliciosè tacentes discreti & secreti, nequiter non fuissent.

In Ordine S. Benedicti decretum est hujusmodi, *Si quis in quacunque parte viderit illicitum quid operari, & distulerit Priori publicare, cognoscat se esse nutritorem peccati, & per omnia aequalem peccanti, quia & anima sua,*

*& illius quem tegit est durissimus inimicus.* In Ordine etiam S. Francisci, opinionem hanc de non denunciandis aliorum delictis apud superiores: decretum est tum à S. Bonaventura, tum ab aliis Magistris Generalibus Ordinis, *periculosum esse, & in destructionem ordinis, & Regularis disciplinae excogitatum, cum Praelatos nosse oporteat subditorum excessus, non solum ut puniant, sed etiam ut oportune praecavere possint.*

**A** Maneat ergo fixum & ratum in omnium Religiosorum cordibus, praeparatio haec. 1. ad modestè sufferendum cum sui defectus superiori manifestantur. 2. ad modestè item & submisso subeundas penitentias, cum ab iisdem injunguntur. 3. ad deferendos alienos defectus Superioribus, cum cognoscuntur, & in prioribus quidem ut dixi, modestia cum humilitate servanda est: in tertio autem charitas, tam in fratrem, quam in commune bonum, deinde candor ac veritas adhibenda est, ut non ex odio & rancore fiat delatio, & nihil per exaggerationem exasperetur in denuntiatione. sed quemadmodum quis suum defectum denunciari cuperet, sic vicissim alienum & ipse, cum commiseratione & moderatione denunciaret, neque unquam ad denunciandum, nisi praemissa ad Deum oratione, affectusque & intentionis purificatione accedat. Sic enim fiet ut denuntiatio sua juxta mentem Regulæ fiat.

Quod verò ad perferendas delationes sustinendasque penitentias attinet: sequentia commodè observari poterunt, qui in hoc Exercitio proficere cupiet.

Primum ita vivere curet quisque, ut quod de eo deferri possit ad Superiorem, non sit; quod ut plurimum fiet, si quis silentij & cubiculi sui egregius custos fuerit, & occupationi suae intentus immersusque, se se alienis rebus, & conversationibus ad se non pertinentibus non immiscuerit.

2. Universaliter suos defectus omnes, & ipse deferat & deferri cupiat, non gravatè feret se deferri is, qui non gravatè se ipsum solet deferre.

3. Bonum est, ut opportunis temporibus se quisque obarmet, ad sustinendum patienter, hilariterque delationem aut penitentiam, ad eamque se praevidente & conjecturante animo praeparet: ita ut dicat secum ipse. *Nihil quidem mihi conscius sum, sed non in hoc iustificatus sum: etenim qui me iudicat, Dominus est.*



4. Nunquam se putare innocenter delatum aut punitum: sed etsi quis vere se in hoc uno innocentem sciat: meminerit multorum aliorum se se reum esse ac fuisse ob quæ delatus, punitusq; non fuit: ergo hac immerita poenâ eluat, tot illas meritas.

5. Nunquam esse, nunquam velle esse, nunquam putare esse se extra disciplinam, extra correctionem ac penitentiam, recorderetur illius Apostolici dicti. *Quodsi extra disciplinam es: ergo non filius: sed adulter.* *quis enim filius quem non corripit Pater?* quare quâto quisq; in Religione: Major est, tantò magis debet esse disciplinatus & disciplinæ subiectus, & penarum, tolerandarum, modestè tolerans.

6. Non putare infamiam esse, quòd delatus, quodve etiam punitus sis. Nam & cessasse te meminisse debes juri famæ quoad hoc, & delatio ad patrem sit: & esto sequatur poena, remediabilis est: & major ignominia infamiæq; penitentiam pati noluisse, aut non potuisse, aut de ea querulum murmuratoremq; fuisse, quam punitum fuisse.

7. Cognita delatione: vel punitione: sui facta: pro ea Deo gratias agere: & non parare linguam excusationi aut pernegationi, aut altercationi, aut alicui perturbato, affectuosoq; sermòni, sed, si res ordinaria sit, etiam si non vera quæ obijcitur: non admodum negetur factum, sed dicatur fieri potuisse, ut à se commissâ sit. Si verò gravius sit: peti potest, ut reddere rationem liceat, reddaturq; modestè, & totum iudicio Superioris permittatur, Dei q; voluntati acquiescat &c.

8. Impleatur penitentia quælibet: juxta mentem imponentis, & morem Religionis. Ea q; impleta, addatur etiam aliquid ex superabundanti, tum in cumulum expiationis, tum in gratiarum actionem Deo, qui te hic corrigi vult, nec alteri vitæ reservat: tum pro Superiore, tum pro patientiæ autore seu delatore.

9. Non loqui, non conqueri, ulli de penitentia data cum ullo: multoq; minus expostulabitur cum Prælato, sed quietus, sedatusq; animus conservabitur, & ac si nihil tale intervenisset amaro corde sermo quiespiam bonus, utilisq; à penitentia dispar inchoabitur. Si quis sociorum sermonem de penitentia incipiat, qui amaritudinem sapiat abruptatur.

10. De delatore neq; sermo, neq; conjectura, neq; tale quidpiam ullo modo fieri:

imò etiam si sciatur, tanquam usus suo jure, & functus boni Religiosi officio commendetur, & in corde ametur, & aliqua ratione Deo commendetur, beneficentiâ quæ devinciatur. Aliis non propaleatur, neq; ut fugiendus in odium, invidiamvè apud alios vocetur.

His similibusq; artibus, & Exercitiis huic præsentis Exercitio fiet satis, & magnum humilitati, modestiæ, patientiæ, charitati fraternæ, communi disciplinæ, Spirituali profectui, Superiorum in gubernatione facilitati incrementum accedet; alias, si oppositum fuerit, infinita mala in communitatè invhentur, peccatorumq; præsertim linguæ, charitati & paci, & disciplinæ, & superiorum reverentiæ inimicantium, perpetuam messem habebit, is qui est omnis pacis osor, omnis perturbationis autor Diabolus.

*Secundo vacabit.* Exercitio Vitæ solitariæ abstractæ, & recollectæ. Non est mihi sermo de eo, ut Tiro faciat annuas aut semestres recollectiones quales in Societate fieri consueverunt: neq; de mensuris aut Hebdomadariis, quales etiâ non pauci ex sua de Spirituali profectu solitudine peragere aliquanto tempore (puta unius, aut saltem mediæ diei assolent.) verum loquor de assidua quadam sollicitudine vivendiq; abstractâ ratione: quàm à Religioso potissimum Tirone servari semper, neq; se ab eâ unquam extrahi sinere convenit, Hæc de qua loquor solitudo, principaliter in eo consistit: ut Religiosus, cor & mentem suam abstrahat & eliberet, quàm maxime potest à solitudine & curis, ab occupationibus actionibusq; à colloquiis & conversationibus, à delectationibus, & cogitationibus exterioribus & creatis, & cum creaturis: omnes verò affectiones, desideria intentiones, curasq; suas, semper directas & collectas teneat penes Deum, ac in Deum, ac propter Deum: nunquam se elongans, nunquam abstrahi sinens à Deo aliis consolationibus, conversationibusq; creatis, quæ non sint propter Deum.

Ex hac solitudinis explicatione non excluditur necessaria à charitate ab obedientiâ, à vocatione præscripta conversatio & occupatio cum creaturis, & circa creaturas: quia talis conversatio est à Deo, & propter Deum, & ex Deo: ac proinde per eam non tantum non receditur à Deo, sed potius inhæretur Deo, quaritur Deus, & crea-



creatura reducit ad Deum. Quod addo propter sapientulos quosdam, qui dum audiunt commendari solitudinem, vel vident aliquem inhærere vitæ recollectæ: illicò carpere & sugillare non verentur ejusmodi, dicentes id esse ab Instituto Societatis IESU alienum, quæ scilicet tota sit ad homines, ad zelum animarum. Ex quo putant inferri, Societatis homines, & ita institutos, & tales esse debere, ut omne solitudinis ac recollectionis genus fugiant, ut perpetuò sint effusi in conversationes, confabulationesq; immersi negotiis, toti extra. &c. Ejusq; modi vitæ insuescendum esse Societatis filiis etiam à juventute.

At enim hujusmodi sapientuli in multis falluntur. Neq; norunt discernere, inter zelum animarum purum, & inter conversationes cum creaturis, propter oblectamenta propria assumptas: contra quas hic sermo est. Zelus Divinæ gloriæ, & animarum salutis, non tantum non excludit, sed potius requirit & prærequirit solitudinem: acuitur in solitudine, vires instaurat solitudine. Quam ideo ipse Christus Dominus non ad necessitatem suam, sed ad instructionem nostram sectatus est, & discipulos suos sectari docuit. Quæ solitudo tantum abest, ut impediatur aut excludatur zelum, ut potius sit instructio & schola zelantium, & zelo se se parantium, quod est videre vel maxime in ipsa Societate, quæ filios suos multis annis erudit & excolit intra privatos parietes, & in solitaria vitâ, cum aliquantulâ interdum degustatione, & experimento, atq; prolusione zeli animarum, ut discant milites Christi in otio, quales olim debebunt esse in multiplici, propter zelandas lucrandasq; animas prælio. Quod non fieret in Societate, si solitudo & abstractio incommodaret vocationi suæ, & animarum zelo.

Quare, hæc de qua loquimur solitudo, debet esse valde commendata omnibus Societatis filiis, sive ijs, qui etiam nunc ad eam disponuntur præparanturq; illis quidem ideo, ut quod curando alienæ salutis comoda de suis deterunt, hæc quotidiana solitudine cordis instaurent: his vero ideo, ut prius impleantur ipsi, quam effundant in alios, exhibeantq; se conchas, non canales: illæ enim non prius effundunt, quam superfluunt: isti autem tam cito dimittunt, quam citò recipiunt aquam, quo nihil perniciosius zelatoribus animarum, etenim tales, cum alijs

prædicaverint, ipsi reprobi efficiuntur. Quod maxime evenit illis, qui non tam in zelum alieni boni effunduntur, quam in suæ sensualitatis otiositatisque commoda conquirenda, in varias curas disperguntur, simul ac disperduntur.

Ea propter Tirones Religiosi assuescent, servabuntq; hoc semper, (si boni æmulatores Spiritualis sui profectus esse volent:) ut corporalem solitudinem ament: ut dum licet, soli aut quasi soli semper sint: extra cubiculum, extra locum suum, vix unquam conspiciantur, nisi cogente rationabili causa, puta officij, obedientiæ, communis vitæ, charitatisque. Sicut enim pisces extra aquam, ita Religioso extra suum locum, aut cubiculum morari nocet.

Deinde servabunt hoc: ut nulli sint familiares, cum nullo intricati. Ut quam paucissima ex his, quæ domi, nihil ex his, quæ foris sunt, sciant, scireq; velint, scire admittant. Non velint, non curent scire, quis venerit, quis discesserit, quò jerit, unde venerit, quæ causa. Non divinent, neque conjecturas faciant de futuris dispositionibus, eventibus, discessionibus, mutationibus. Non designent, non disponant, non afferant, hoc illud ita fore, ita esse debere, ita futurum esse, idcirco ad id factum ordinatum mutatum esse. Non agant multa: sed minorentur actu, & sibi tantum, suisq; officiis ac obedientiæ, & communi disciplinæ tantum intenti sint. Non velint neq; curent noti esse externis, ac ne domesticis quidem, neq; eosdem curent cognitos habere. Decet juvenem Religiosum secum tantum esse: paucos & quidem tantum eos, cum quibus agere necessario debet nosse. Cubicula aliorum ignorare. Turpissimum & probrosissimum est, quando juvenculus omnes novit, omnium ætates, munia, qualitates, conditiones, gesta, eventus, Religionis annos, talenta in numero habet, discutit, discernitq;: quando omnium novorum, rumorumq; casuum, secretorum, ordinationum, præsentium, futurorum, possibilium, receptaculum, vehiculum, seminarium, spongia, & sentina est: quando ut novitates, rumusculos, dispositiones, ordinationes, arcana cognoscat, senioribus se adjungit, blanditur, arridet, immiscet; quando primus ille, vel inter primos omnia novit, omnia narrat, omnia spargit, omnia indagar, omnia discutit, omnia vulgat, quando nihil auditum silere potest, nihil

nihil diffini  
star plen  
perflit  
omnium  
horum fere  
vulgo dici  
mal &c.

Est autem

ac efficax.

tere libenter

in curritori

ter, audita,

ac ne tener

Non quare

familiarem

Hæc talis

mala ab ani

te Religio

producit in

perat omnem

& intell gen

tales perfec

tantum in

proventu.

Sapiens: Q

iteru: Fili

temere anti

in manum

lento, soli

colligata;

Sicut aut

secum ne

nem virt

diant Re

nime Rel

sopho. (

innocenti

Tert

interna, cu

de cum om

unt, asseq

tiunt

bonum, fu

Deo, & cu

turis in u

pallim o

quam in

pacem i

iunctur

cem un

luntati r

ad Deum

cit volunt

Pax multa



nil dissimulare: sed instar pertusi dolij, instar pleni rimarum, vasis, totus hac illac perfluit. Hæc probra Religiosorum sunt omnium, & maximè juvenum: & tamen horum ferè sunt hi morbi proprii: undè vulgò dici solet Novitius curiosum, animal &c.

Est autem his omnibus remedium facile ac efficax. Attendere sibi, & suis rebus: latere libenter: extra cubiculum non morari, in currioriis non subsistere, tacere libenter, audita, visa, cognitaq; apud se tenere, ac ne tenere quidem, sed mox oblivisci. Non querere plausum, ex notitia novitatu. familiarem sodalem intimum esse nulli. Hæc talis vivendi ratio infinita proscrit mala ab animo Religiosi, & à communitate Religiosorum, infinita verò commoda, producit in iisdem. Etenim Pax quæ exspirat omnem sensum inhabitat & occupat cor, & intelligit gentes, & voluntates talium. Apud tales perfectio Spiritualis, in omni virtute tanquam in suo loco, latissimo excrescit proventus. Neque enim sine causa dixit Sapiens: Qui minoratur ætate: hic Sapiens. Et iterum: Fili mi: ne in multis sint ætus tui. neq; temerè antiqui Patres Spirituales dederunt in manum claves perfectionis Orationi, silentio, solitudini, quæ tria sunt inter se, ita colligata: ut ab invicem separari nequeant: Sicut autem ista sine se esse nequeunt: ita secum necessario, ubicunq; sunt perfectio nem virtutum introducunt. Deniq; audiant Religiosi dictum religiosè, etsi à minimè Religioso, à Seneca inquam Philosopho. (solitudinem querit, qui vult cum innocentibus vivere. Sen. lib. de moribus.

*Tertiò vacabit.* Exercitio Pacis internæ, cum Deo quidem in primis: deinde cum omnibus: quam etsi omnes ambiunt, assequi tamen & servare paucissimi sciunt. Ambiant quidem, quia est summè bonum, summè jucundum habitare cum Deo, & cum omnibus fratribus, imò creaturis in unum. rarissimi tamè sciunt: quia passim omnes in omnibus alijs rebus pacè, quam in quibus deberent ponunt. Ponunt pacem in expletione cupiditatum, & voluntatum suarum: cum tamen nemo pacem unquam habuit, qui Deo ejusve voluntati restitit. Pax enim vera est, Pax ad Deum: quam ille habet, qui diligit & facit voluntatem Dei, juxta illud Prophetæ: Pax multa diligentibus legem tuam. Pax eti-

am vera est concordare cum virtutibus & bonis moribus, litigare autem cum vitijs & proprijs cupiditatibus: Hæ sunt quæ omnè inquietudinem, & perturbationem in hominibus faciunt, quando unusquisq; requirit quæ sua sunt, non autem quæ aliorum aut quæ Dei. Ideo homines superbi, elati, invidi æmulatores, seipsos amantes, voluntatis & libertatis, & judicij proprii sectatores: neq; ipsi unquam pacem habent, neque alios habere sinunt.

Et quoniam hæc mala inquietudinis semina, pacisq; inimica maximè in vividis ætatibus solent etiam vivere ac regnare, idcirco talibus maximè incumbit pacis, amatores esse, & ea quæ sunt pacis sectari, cupiditatibus suis resistere, passiones frenare, voluntates frangere, non abundare in sensu suo, non inflari adversus quenquā non æmulari, non invidere, facile cedere, facile, acquiescere, facile obedire: facile omnium potius rerum, quàm pacis, unionis, charitatisq; damnū pati & subire. Hoc utiq; voluit Dominus cum monebat: ut percutiētī mæxillam, unam præbeamus & alteram, ut tollenti pallium, demus & tunicam, trahenti ad unum milliare comites simus. & ad alia duo, ne scilicet repugnando & oblectando, ad contentiones dissidiaq; & pacis damna veniatur. Quod carnalium, immortificataq; passiones habentium esse proprium, ostendit Apostolus, cum dixit: Si zelus & contentio sunt adhuc inter vos, nonne carnales estis, & secundum hominem ambulatis? cum item inter opera manifesta carnis, contentiones, emulationes, rixas, dissidia recensuit, & homicidiis adulteriisq; æquavit.

Dabit igitur operam Tiro, ut pacis sit amantissimus: quod quidem efficiet. Si se Deo tractabilem, & voluntati ejus subiectū semper in omnibus exhibuerit. Si à Deo æqualiter adversa, ac prospera receperit: si peccata omnia & singula, minima ut maxima vitaverit. si operibus boni & virtutum studiis, si divinis obsequiis totus & semper, & omni conatu, exclusis etiam minimi, Deo tamè ingratis imperfectionibus vacaverit. Si proximis omnibus (superioribus, paribus, minoribus) juxta Dei voluntatem, juxta charitatis legem convenerit, nulli se æquaverit, omnibus submiserit, omnes honore prævenerit, omnium onera portaverit, omnia quæ alij in eo portare debeant, à se proscripterit, idem cum omnibus (salva Dei & veritatis lege).



ge) senserit dixerit, feceritq; . Neminem scandalizaverit : neq; infirmis ullo facto dictove suo (quod facere, ac non facere dicere, ac non dicere perinde licitum sit,) occasionem tristitiæ, ruinæ, periculi, scandalive præbuerit.

Si præterea carnem, sensus, affectus, appetitus suos Spiritui & rationi, hanc verò fidei & virtuti, & Divinæ legi, & IESU Christi crucifixi imitationi subjugaverit. Si omnes actus, sermones, cogitatus suos, ratione, fide, perfectione, æternisq; rationibus, charitatis Dei & proximi legibus fermentaverit & direxerit. Si neglectis alienis, & ad se non pertinentibus, curis studiisq; sibi & Deo, & obedientiæ attenderit: Si nihil singularitatem redolens in vita, & moribus, & opinionibus habuerit: si omnem actionem, omnem locum, omnem hominem, omnem occasionem, ex qua pax aliena turbari, aut sermonibus locus dari possit, vitaverit. Si nunquam quenquam lædere, potius autem lædi, & injuriam pati elegerit: si non se vinci à malo permiserit, sed malum in bono vincere studuerit, si aliena mala & mores, quibus obviare non potest cum mansuetudine & compassione toleraverit, si virtutem, quietem, pacemq; suam in Deo & in se ipso, suaq; patientia & perfectione, non autem in aliena potestate collocatam habuerit: Si factus ad alienos mores & ad aliena opera, furdus, cæcus, & mutus, quid illi agant, quid audeant, quid studeant, quid loquantur, quid laudent, quid culpent, quid habeant, quo in statu sint aut esse cupiant, non magis quam surdi, cæci, muti, insensibiles, mortuiq; solent attenderit, curaverit, discusserit. Si animo super omnes creatos, eventus, abstractus, elevatusq; Deo singula & omnia remisit ac permiserit. Hæc si fecerit, si sectatus fuerit, hic erit *filius pacis*: super hunc requiescet pax Dei, in hoc erit locus pacis & requietionis Divina, ad eumq; Pater cum filio & Spiritu Sancto venient, & mansionem apud eum facient: in eum quasi flumen pax Divina descendet.

Contra quisquis fecerit; pacem nunquam non dico habere, sed neq; sperare in corde suo poterit: quia fontes inquietudinis, & semina amaritudinis, intra se habebit. Et quantumvis aliquando pacatus esse videbitur, eò quod nihil præter mentem, nihil contra voluntatem acciderit: tamen ubi aliquid etiam minimum, sensui & affectui, e-

jus repugnans evenierit, vel ut eveniat ab aliquo tentatum cogitatumve etiam leviter fuerit: pax illa omnis subito evolabit, & omnia erunt plena tristitiâ, dolore amaritudine, inquietudine, odijs, minis, vindictis. alijsq; turbata mentis monstrosis fatibus, Quia nempe pax illa non fuit interna, sed externa, in alienâ virtute ac potestate, non autem in propria virtute, nec in propriarum passionum mortificatione, nec in debitâ, propriæ voluntatis ad Divinam voluntatē subiectione fuerat constituta. Vnde turbatis exterioribus turbari necesse fuit etiam hujus interiora. Sicut sentina immota non fæteret, at si extrinsecus commota sit, protinus gravi odore omnibus onerosa est. Sic iste quiescentibus alijs quietus fuit: commotis alijs turbatus est, pacemq; ut non suam ita alieno ex arbitrio perdidit, At tale esse: aliud nihil, quam prima virtutis & patientiæ, multoq; magis perfectionis & perfectæ internæ pacis ignorare.

*Quartò vacabit.* Exercitio Abrenunciationis & exspoliationis sui ab omnibus creaturis. Est hoc monitum: imò hoc est requisitum ab ipso Christo ad discipulum suum, perfectamq; sui imitationem *Nisi quis* (ait ille *abrenunciaverit omnibus, que possidet*, (affectu vel effectu, re vel spe) *non potest esse meus discipulus.* Estq; hæc abrenunciatio, sumptus necessarius omnino ad Evangelicæ perfectionis turrim ex toto edificandam atq; complendam, sine quo sumptu qui ædificandi consilium suscipit, is teste iudiceq; Christo Domino *sumptus non computavit*: ac proinde quantum libet posuerit fundamentum, perficere tamen non poterit, sed ridiculus omnibus erit, qui de eo dicet: *quia hic homo cepit edificare & non potuit consummare.* Quo ex Dominico sensu facile est colligere quanti momenti sit hæc abrenunciatio in studio religiosæ præsertim perfectionis: quamobrem absq; hoc Exercitio Tirocinium Religiosæ vitæ, nequaquam decurrendum erit, sed omnino perfectissimæ absolutæq; Abrenunciationis sumptus ad hoc studium adferendus est, ut totius vitæ sequuturæ molem exædificare, complere, omnibusq; partibus absolvere possit. Alioqui frustra ad perfectam IESV Christi imitationem conicitur: si hunc conatum à labore abrenunciationis non aggreditur. Quamobrem Tironi Religioso in abrenunciationis labore primum erit seriò constanterq;



terq; defudandum, atq; in eo his veluti paf-  
fibus magna cum diligentia, finceritateque  
procedendum.

Primo abrenuntiabit omnibus peccatis.  
atq; vitiis tam magnis quam parvis, non-  
faciens ullum, (quo ad fugam detestatione-  
que) discrimen inter magna & parva pec-  
cata, sed omnia reputans magna ex eo, quod  
sint coram Deo displicita, & ad innocentissi-  
mam IESU Christi vitam imitandam im-  
pedimēta. Avertet ergo ab ijs omnibus to-  
tum cor suum, neq; ullum in corde, in affe-  
ctu, in consuetudine in cogitatione pecca-  
tum residere ullatenus patietur.

Secundò abrenuntiabit omnibus omni-  
no creaturis, in quantum creaturæ sunt, de  
nulla earum quoad hæc vita patitur cogi-  
tans, de nulla sollicitus, nullius cupidus,  
nullius amans: esto sint illæ maxime homi-  
ni conjunctæ, necessariae, gratæ, utiles: esto  
sint amici, familiares, sodales: esto sint ho-  
nores, magistratus, tituli, dignitates, ma-  
gni nominis estimationes, esto sit lauitas,  
valetudo, vita propria, esto sint omnia his  
adjuncta, hisq; conservandis ac tutandis  
necessaria. Exuet se affectu ad hæc omnia  
eumq; in ipsarum creatorem transferet: di-  
cens cum Davide: *Quid enim mihi est in celo,  
& à te quid volui super terram? Deus cordis  
mei, & pars mea Deus in eternum*, paratus i-  
mò & cupidus sic exspoliatus, sic affectu &  
effectu nudatus, & hic vivere, & in futuro  
saeculo Tribunali Christi apparere.

Tertiò abrenuntiabit plene omnibus u-  
sibus, commoditatibus, solatijsq; creatis,  
non tantum prohibitis & illicitis, sed etiã  
licitis & concessis: cupiens & optans quan-  
tum ex se absq; illis & absq; experimento,  
usq; illorum esse, quod quoniam mortalis  
hujus vitæ fragilitas non fert, neque actu  
compleri finit: nihilominus omne solatium  
omnemq; creaturæ usum sine quo esse non  
poterit, admittet non ex suâ inclinatione,  
neq; tanquam solatium vitæ suæ, sed tanquã  
voluntatis Divinæ exequendæ materiam,  
tanquam Dei glorificandi eiq; obtemperan-  
di occasionem.

Quartò abrenuntiabit ipsi sibi, suæq; cre-  
atæ substantiæ omni naturæ, personæ, ani-  
mæ, corpori, potentijs, facultatibus, passio-  
nibus, actionibus, desideriis, inclinationi-  
bus, capacitatibus omnibus. Ita ut vivat,  
non sibi, imò vivat, non quasi ipse, sed Deo  
& quasi in ipso Christus. Vivat, nunquã

& nusquam se, suumvè bonum privatum,  
proprium creatum quærens: vivat nullam  
curam rationemvè sui propter se habens,  
sed semper Deum & bonum Dei, (quod est  
amor & honor & beneplacitum ejus) quæ-  
rens ac intuens. Vivat non suum uspiam  
bonum attendens, sed in omnibus, etiam  
in suis bonis & solatiis, hoc præcipue quod  
communi bono, quod aliorum sensui, quod  
Christo IESU patienti & afflicto similis,  
vicinius, accommodatus, quantum verò  
ad se ipsum, id quod propriæ voluntati &  
voluptati & honori ingratus ac inimicus  
elicens, amplectens, & tenens.

Quintò abrenuntiabit adhuc sibi suoq;  
esse ac suæ entitati: eam omnem, quantum  
in se est, in nihilum redigendo, seu annihili-  
lando, & tanquam nihilum, (si utiverè ni-  
hilum & nihili est) reputando æst mandoq;  
Ex semet namq; ipso, homo revera nihil est,  
nihil habet, nihil potest, nihil valet, nisi so-  
lum purumq; nihil & peccatum. Hæc e-  
nim duæ sunt, proprietas & possessio, & di-  
vitia, & substantia, & pretium hominis.  
Extra quæ duo, si quid est in homine, non  
est ex homine, neq; est hominis, sed Dei,  
& ex Deo, donumq; Divinum gratuito &  
liberaliter concessum. Huic ergo quod  
ex Deo est, & quod à Deo habet, renuncia-  
bit, illudq; Deo, tanquam Domino, & fonti  
refundet & restituet: suum autem nihilum  
cum omnibus ejus proprietatibus ac doti-  
bus, (peccato, cæcitate, malitiâ, infirmitate,  
& his similibus) sibi reservabit, & in eo ta-  
quam in nidulo suo, tanquam in patrimo-  
nio suo, tanquam in natali solo, tanquam  
in nativis plumulis suis, conquiescet.

Sextò abrenuntiabit omnibus beneficiis,  
gratis donisq; Dei, tam naturalibus quam  
supernaturalibus, datis & dandis, in præsen-  
ti & futuro, in tempore & æternitate, non  
ita quasi absq; iis esse possit, aut quasi ijs ca-  
rere velit: sed ita quia illis per omnia indi-  
gnus, impar, ingratus est. Fateatur se o-  
mnibus creaturis coram Deo & inferiore,  
& miseriorem, & malitiosiore, & detesta-  
biliorem: fateatur, nullam creaturam esse  
magis indignam, magisq; simul ingratham  
bonis Divinis. quam ipse sit. Fateatur  
nullam creaturam pejus, indigniusq; Deo  
servire, Deiq; voluntati subiacere, Dei ho-  
norem promovere. quam se. Fateatur se  
omnino scelerum, quæ & actu commisit,  
& quæ non commisit, sed committere, nisi  
Deus.



Deus præsuerasset) quantum ex se aptus paratusque fuit, & quæ ab alijs committuntur reum esse coram Deo. Fateatur se omnium scelerum & cladum humani generis esse causam: ut qui peccatis suis Deum ad iram provocet totique mundo infensum reddat, ut qui gratis Divinis nullatenus respondeat, quas si Deus alijs omnibus daret, omnes illi melius illis uterentur, Deoque obsequerentur, ut qui denique nec penitentiam pro suis alienisque peccatis condignam agat, nec misericordiam Dei flectere, iramve avertere, prout tenetur contendat: ut proinde merito sibi omnia mala, omnes mundi calamitates imputare debeat, merito totius humani generis omnis creaturæ, totiusque mundi odium, & nausea, & execratio esse, censeat; debeat, merito omnes tam huius vitæ calamitates, quam futuri sæculi infernales pænas, pro omnibus & præ omnibus sustinere, merito nullam Dei, nullam ullius creaturæ, commiserationem experiri, sed purum rigorem iustitiæ Divinæ, tam in hac, quam in illa vita perpeti mereatur.

Septimò abrenuntiabit omni juri accessuique ac potestati suæ ad bonum, & successum, prosperitatemque: sed propter plenioris sui abjectionem, abnegationem, annihilationem, persecutionem, atque secundum æquitatis sibi debitæ condignam satisfactionem accipiet pro se contemptum potius quam honorem, odium potius, quam amorem, neglectum potius sui, quam curam, contumeliam potius, quam venerationem, reprehensionem potius, quam laudationem, contradictionem potius, quam assensum, egestatem potius quam sufficientiam, acculationem, quam excusationem, afflictionem potius, quam solatium insultationem potius, quam commiserationem, probrum potius, quam decus, dolorem potius, quam voluptatem, laborem potius, quam quietem, ingratitude potius, quam gratiarum actionem, oppressionem potius quam sublevationem, adversa potius quam prospera, contraria potius omnia voluntati, quam servientia votis & voluntati, servitutem potius quam libertatem, infirmitatem potius, quam sanitatem, mortem potius, quam vitam, idque etiam si par utrinque Dei gloriæ, par meritum gratiæ atque gloriæ, par Dei voluntas & placitum foret: tantum quia hoc quod est, amariùs est, & IESU Christi Crucifixi imitationi

propius, & propriæ vilitati, malitiæque & indignitati digne tractandæ accommodatius & perfectè abrenuntiationi, amorisque ac voluntatis & voluptatis propriæ abnegationi, & summet exspoliationi congruentius.

Hanc abrenuntiationem. Tiro sectetur in suo Tiocinio, ad eamque omnibus viribus & ut ajunt manibus pedibusque velis remisque ascendere connitatur. Ne verò putet, plus à se requiri per me quam Tironum gradus ferre videatur; recolat mecum quod in ipso sui ingressus ad Societatem initio in examine generali sibi propositum legit, quodque in summarij Regula habet: *Unusquisque eorum, qui Societatem ingrediuntur, consilium illud Christi Domini sequendo: Qui dimiserit Patrem, Matrem, Fratres, & sorores &c. existimet sibi Patrem, Matrem, & quidquid in mundo habebat, relinquendum. Imò sibi dictum existimet verbum illud: Qui non odit Patrem & Matrem, insuper & animam suam, non potest meus esse discipulus. Et ita curandum ei est, ut omnem carnis affectum erga sanguinem iunctos exuat, ac illum in spiritualem convertat, eosque diligat eo solùm amore quem ordinata charitas exigit: Ut qui mundo ac proprio amoris mortuus Christo Domino soli vivit, eumque locò parentum, fratrum, & rerum omnium habet. Hæc Sanctissimi Fundatoris verba, aliud nihil sonant, quam ea omnia, quæ de hoc abrenuntiationis exercitio à me. fusiùs proposita in compendium redacta. Ad quod compendium etiam revocari possunt verba illa ejusdem Sancti Patriarchæ, quæ humilitatis tertium modum explicans habet. *Etiamsi laus Dei par foret, ad maiorem tamen imitationem Christi, eligam potius cum eo pauperem, spreto & illuso, pauperiem, contemptum, & insipientia titulum amplecti, quam opes, honores & sapientia estimationem.**

*Quintò vacabit.* Exercitio Unitatis & Conformitatis cum Dei voluntate ejusdemque amoris. Omnes præceptiones Magistrorum perfectionis, omnia Divina, humanaque (iusta) præcepta & monita, omnes nostri in vita sanctiore sectanda, inque vita æterna consequenda conatus in hoc unum colliment. ut Divina voluntas sicut in celo & in terra fiat & adimpleatur, Huc si non iter, si non pervenitur: frustra labor omnis susceptus est, imò verò labor omnis peccatum est. Huc si perventum est, satis est: nec virtus altius ire, nec Deus amplius à cre-



creatura requirere potest. Quid enim amplius velit Deus præter suam voluntatē? aut quò altius ascendat virtus quàm ad Dei placitum?

Est hoc igitur Exercitium Exercitiorum, est, inquam, initium, medium, finis, summa, compendium, vertex, complexio Exercitiorum omnium. A quo incipiendum Tirionibus, in quo decurrendum consummatis, in quo consensendum singulis & omnibus tam hic perfectis, quàm in cælo Beatis. Quid quæso discet, quid docebitur Tiro, si non agnoscere, amare, facere, pati, induere, imbibere Dei voluntatem? quo cōtendat proficiens, nisi ad Dei voluntatem? ubi quiescet perfectus, nisi in Dei voluntate? quo beatus efficietur beatus, nisi Dei voluntate? Primum omnium quod in Deo amari potest, quodq; solum debet, quodquē unum Deus vult, est Dei voluntas. Ama in Deo imò & habe ex Deo quidquid vis. si id voluntas Dei non est, si præter Dei voluntatem est, frustra est, perniciosus est, damnatio est. Ama unam solam voluntatem ejus: hoc, ad omnia satis est.

Compendiū omnis iustitiæ, omnis officij humani, omnis sanctitatis, omnis virtutis, omnis legis, omnis consilij, omnis perfectionis, omnis præmij, omnis beatitudinis, velle quod vult Deus, quia vult Deus. Non hoc frustra appono. (Quia vult Deus,) nam plurimi sunt, qui volunt hoc quod etiam vult Deus, sed quia non ideo volunt quia vult Deus, vel quia sciunt Deum velle: verum quia volunt suæ propriæ voluntati, & non Divinæ obsequi; non verè volunt quod vult Deus. Volebant enim Iudæi Christum occidi, poscebant ad mortem & Crucem, quod etiam volebat Deus, & optabat Christus, sed quia non ideo volebant, quia volebat Deus, aut Christus, nequaquam volebant quod volebat Deus. Amare ergo & velle non rem hanc, quam Deus vult, sed quia Deus vult, seu voluntatē, quā Deus vult, hoc propriè est velle, quod Deus vult, hoc est conformem habere voluntatem suam, cum voluntate Dei, hoc est resignatum esse in voluntatem Dei. Propterea Dominus IESUS cum nos doceret orare: non præcepit dici à nobis, Fiat quod tu vis: sed *Fiat voluntas tua*: ut doceret voluntatem Dei esse amandam & faciendam. Nam quod vult Deus, multi imò omnes faciunt: sed quia non propter amorem volun-

tatis Dei, sed potius propter amorem voluntatis suæ propriæ faciunt: ideo non faciunt voluntatem Dei, sed potius contra voluntatem Dei. Voluntas ergo Dei amanda est, ante omnia, & propter amorem ejus amanda, volendaq; reliqua omnia.

Et hic est unus ac solus Deum honorandi supremus modus, sine quo nullus alius Deo placet, nobisve prodest Deum honorandi modus: toto corde amplecti voluntatem Dei: in ejusq; beneplacito se totaliter depocere & inconcussè requiescere, in omni circumstantia & occasione, in quacunq; deum se Dei voluntas ostendet specie, colore ac ueste, & conditione eam, fideliter agnoscere, reverenter amplecti, tota substantiæ fortitudine exequi, tota plenitudine virium diligere & exaltare, semperq; ingeminare: *Fiat voluntas tua sicut in cælo & in terra. Non mea voluntas, sed tua fiat Domine. Ita Pater, fiat, quoniam sic placitum est ante te.*

Propono irrefragabile, omniq; majus exceptione tum argumentum, tum exemplū: Christi nimirum Domini nostri, qui cum sit Sapientia increata & æterna, novit utiq; omnes delicias, divitias, medullasq; Divinitatis, dedit etiam ei Pater omnia in manus: omnes Thesauros Sapientiæ & scientiæ, aliorumq; bonorum Dei, in se depositos habet: hic tamen Christus, ex omnibus deliciis Divinis ad se sustentandum, nutriendum, saginandumq; nihil accommodatius reperit hactenus, reperietve in æternitates omnes: quàm hunc unum: *Meus cibus est, ut faciam voluntatem Patris.* Obsecro, Mortales: obsecro Spiritualis vitæ sectatores: quò consilio in consulto, quàm amente mente, quæritis alios cibos, sive in Deo, sive in creaturis, hōc uno Divinæ voluntatis Cibo, qui solus Sapientiæ æternæ sapit, neglecto? Sed ad Tirones sermo meus sit. Voluntatem Dei amare & pati, facere & indagare, discant, ea saginari, nutririq; gaudeat. Hæc sit eorum lac, dum parvuli sunt, hæc sit eorum solidior cibus, dum proficiunt in Christo, & dum perveniunt ad mensuram ætatis plenitudinis Christi. Hæc enim est mensa lactescens lactentibus, hæc est panis juvenescentibus, hæc est substantia robustorū, hæc est beatitudo consummatorum.

Itaq; hoc sit eis persuasissimum, nulli se exercitio prius, nulli continuatius, nulli finalius vacare debere, quàm huic conformitati cum Divina voluntate. In hoc omne



deat collocentq; operam, hunc ex omnibus his, aliis exercitiis colligant ultimariè fructum ut sint melius, plenius, totalius conjuncti, subditi, conformes, inhaerentesq; Divinae voluntati. Si quo exercitio Spirituali ad hanc conjunctionem se non sentiunt, non vident duci, certi sint, non esse Spiritus sed carnis & superbiae exercitium. Quæ admodum vident, experiunturq; farinam à fermento, mel à dulcedine, spongiam ab aqua penetrari: ita ipsi curent satagantque à Dei voluntate possideri. Ferrum ab igne ita ignescit, ut penè magis sit ignis quam ferrum. Aquæ gutta multo vino infusa absorbetur transiq; tota in vinum: Aer iste luce solis, sic penetratur ut non aer sed lux ipsa esse videatur: hac prorsus ratione servi Dei, totos se dare, subdere, permittere Dei voluntati debent, ut ab ea ita possideantur, ita penetrentur, ita transformentur, ut penè voluntas eorum creata transisse videri possit in Divinam, absorptaq; in eam. & unum idemq; facta cum ipsa, adeo ut idem velint, nolintq; quod Deus: ideo quia vult vel non vult Deus, adeo ut sic transeat voluntas creata, in increatam, ut nec illa possit (ob plenam conformitatem, non ob sublatam libertatem) aliud velle, quam quod Deus vult: nec ita nempe Divina, dedigne-  
 xur, indignumq; se reputet hoc velle quod creata voluntas vult. Sic affici, quid aliud quam Deificari est? Sic servire Deo non tam servire, quam regnare cum Deo: imò & ipsi Deo, est. S. Bern: ser: ad Fratres de monte Dei.

Si possibile est, quoties homo spirat, respiratq; quoties sive oculum, siue aliquam sui partem, potentiamve corporis aut animæ movet, toties, non aliud mente, ore, corde, sensu, affectu volvat. & sonet. & somniet nisi hoc: *Fiat Domine voluntas tua.* Tota substantia corporis & animæ, totaq; capacitate illius semper sentiendo dicat, dicendo sentiat. *Fiat Dne: voluntas tua in me, per me, circa me, in tempore & æternitate.* *Fiat voluntas tua Domine cum vita & morte mea.* Vis me vivere? fiat voluntas tua, vis mori? fiat voluntas tua. Volo mori, volo vivere, si hæc est, & quia hæc est, & ut fiat de me, à me voluntas tua. *Fiat voluntas tuà cum vita, cum valetudine, cum sanitate, cum statu, cum occupatione, cum omni conditione & circumstantia meà.* Vis Domine me infirmum, debilem esse diu,

morosè, acerbè, fiat voluntas tua. Vis hic esse, vis tam diu esse? fiat voluntas. Vis hinc abire, hinc mutari, fiat voluntas tua. Vis ad hoc applicari; vis ab hoc amoveri loco, officio, fiat voluntas tua. Vis me recreari lætitia, solatio, successu, bono nomine fiat voluntas tua. Vis me affligere, vis me linguis, aculeis, censuris, sarcasmis, infamiis, tristitiis, malis, adversisq; successibus involvere, & sic diu, sic ubiq; sic semper esse? fiat voluntas tua. Vis mundum, vis omnem creaturam, vis omne genus humanum, vis illos homines, illos meos, illi meum prospere, vel adversè agere, vivereq; fiat voluntas tua. Vis aeris talem vel talem esse temperiem, vis æstus, aut frigus, vis serenum, aut pluvium calum, vis fertiles, aut steriles agros? fiat voluntas tua. Vis pacem aut bella: cladem aut victoriam, pestilentiam, aut salubritatem, famem aut abundantiam, orbi, Regno, Regioni Civitati, loco esse? fiat voluntas tua. Vis mihi spiritualia exercitia ex voto meo, ex gustu & sapore fluere: vis Exilio cordis, & sterilitate me damnare, fiat voluntas tua. In omnibus Domine & singulis creaturis, fiat voluntas tua: in tempore & æternitate, in miseratione, & iustitia; in damnatione & beatitudine, in omni circumstantia & conditione, fiat Sanctissima, Adoranda, suavissima omnipotentissima voluntas tua. Sicut calculus computatorius, omnia est & nihil, secundum voluntatem calculatoris & modo mille aureos, modo semioبولum, modo ne id quidem valet aut signat, sed totus nutum, calculatoris adorat. ita Domine in me, de me, per me, & in omni & de omni creaturâ fiat voluntas tua, propter hoc solum & unum, ut fiat voluntas tua. & quia placet voluntas tua, & quia digna est fieri voluntas tua, & quia tu vis fieri voluntatem tuam. Unum est Domine: in quo nolo ut fiat voluntas tua: ut scilicet peccem, ego vel nulla creatura in voluntatem tuam, mereaturq; iram tuam. Quia hoc nunquam vult, nunquam velle potest voluntas tua.

Hic est talis est, talis esse debet spiritus atq; succus amantium voluntatem Dei, & exercentium se in amore, cultu, gustu, voluntatis Dei, & ambientium desponatione vitam, possessionem, unionemq; cum voluntate Dei. Hæc sapientia est, hoc quisquis non sapit, omnino desipit. Hæc est vita & sine hac alia quævis, mors est potius quam vita.



vita. Hæc est omnis creaturæ, potissimum rationalis, natura, hæc essentia, hæc constitutio, hæc quidditas, hæc salus, hæc vita. Hæc est omnis & tota, & sola virtus, perfectio, sanctitas, hæc est tota sola summa felicitas, beatitas, dignitas, hoc totum solum omne pretium, valor, pondus, decus creaturæ, hoc omnium causarum, rationum, questionum, silentium & clausula: nosse nimirum Dei voluntatem, amare Dei voluntatem, facere Dei voluntatem, subesse Dei voluntati, transire in Dei voluntatem, desponsari Dei voluntati, plenarie perfecte, finaliter, æternaliter, propter saginandum, exsatiandum, oblectandum guttum, ejusdem Sanctissimæ, dignissimæ, laudabilissimæ, Beatissimæ, suavissimæ, Æternæ, Dominatricis Dei voluntatis.

Vix effugiam indiscretionis notam, hæc tam alta, perfecta, absolutaq; Tironibus præscribens: quemadmodum hæc esse videatur: at utiq; ille qui in hoc me reprehendendum putabit sine me, hoc Tironibus Religiosis, perfectionisq; candidatis, hoc ad pertentandum præscribere, eosq; adhuc ad rependum stimulare quò naturalis luminis ductu ethnici conscendere. Legatur quod hanc in rem Epictetus Philosophus in suo Enchiridio scribit, & fallar. si non ruborem incusserit. Et uno quidem in loco: conjunctioni, conformitatq; cum Dei voluntate desiderat immori: Epictetus Ench: l. 3. cap. 5. *Vi loqui cum Deo possim, num tua (Deus) præcepta prætergressus sum? Num appe-*

*titionibus, quas à te habeo, ad alia obtinenda fui usus? Num sensibus aliter? Num anticipatis notionibus? Aliquando accusavi te, aut reprehendi tuam dispensationem? Egrotavi, quando tibi visum fuit, sed & alii, & ego patienter. Inops factus sum, cum tu ita velles, sed gaudebam. non præfui gubernando aut gessi magistratum, quia nolisti, ideo ne experiri quidem, nec vidiisti hanc ob causam metristiorem. An occurri tibi aliquando parum læto vultu? semper paratus si quid mihi manderes, si quid significes. Nunc ex conventu illo, si vis me decedere, decedam. Gratias ago verò tibi quod me tuum conventum celebrare permiseris, atq; inspicere opera tua, ac voluntati tue in omnibus obedientem feceris. O utinam hæc cogitantem, hæc scribentem, hæc legentem mors opprimat. Ibidem c. 26. Hucusque Ethnicus, cujus sunt etiam illa Quæ Deo se adiunxerit, tunc transurus est huius vite iter, latrocinis infectum. Quid vero est quod appellas se se Deo adiungere? ut quod ipse voleat ipse quoq; velit, & quod velit (Deus) ab eodem ipse (Homo) abhorreat. Obsecro liceat ad hæc Christianos exhortari, ad quæ pervenire aspirare certè potuerunt Ethnici. Liceat candidatis perfectionis Christianæ ista vel tentare vel gustare, in quibus Ethnicis desinere ac immori (voto saltem) licuit. Liceat: (amplius dico:) teneatur huc Religiosorum filij, vel Ethnicos sequi: quò alioqui tanquam siti æstuant, cervi ad fontem, contento cursu rapi debeant ad Dei scilicet voluntatem amandam, noscendam, exequendam. Clim. gr. 25.*





# EXERCITIA

## DUODECIMI MENSIS.



In Mense Duodecimo  
Tirocinij sui, Religiosus.

### Primo vacabit

Exercitio Charitatis, dilectionisq; Divinae. Ad hoc Exercitium inflammare, nullum Dei servum est opus. Apparet quod non amet, qui inflammari indiget. Quanquam verum est, quod nemo satis ardens, in amore, nemo satis exercitatus sit in charitate. Deus charitas est: & hoc est torum quod dici potuit in commendationem charitatis. Deus charitas est. Quidquid ergo charitas est, Deus est, quidquid charitas non est, Deus non est: quisquis ergo charitati, & charitate non vivit, Deo non vivit: *quisquis manet in charitate, in Deo manet, & Deus manet in eo: quisquis non manet in charitate, nec in Deo manet, sed manet in morte, & mors in eo.* Tiro Religiosus, charitati se natum sciat tota ejus vita, omnes ejus actus, omnia ejus Exercitia, charitate terminari: & coronari debent, quia etiam charitati militare & laborare tenentur. Omnia Dei praecepta, unum praeceptum sunt, quia omnia de charitate Dei sunt. Unum charitatis praeceptum, omnia praecepta complectitur, quia charitas omnia praecipit, & imperat, & svader.

Hoc praeceptum servabit Tiro, quantum poterit, ad literam: charitas enim, glossam & exceptionem non recipit. Charitas, aut ex toto constat, aut charitas non est. Itaq; *Diliget Dominum Deum ex toto corde suo*, praefendo, & estimando Deum, super omnia creata, super omnia dona & bona ejus; imò nullam creaturam nullum bonum, donumve Dei amabit, nisi secundum, nisi propter voluntatem, honorem, & amorem Dei. *Diliget Deum ex tota anima sua*: reddendo, voluntati, amori, honori, obsequio Dei totam vitam, omnes actiones, omnes potentias suas. *Diliget Deum ex tota mente sua*, consecrando mentem suam Deo in templum

& habitaculum, expurgando illam ab omni abominatione & immunditia, & omni negotiatione, & inquietudine, occupando autem illam solius Orationis & Contemplationis, solius Dilectionis, & ex dilectione Divinae operationis negotio. *Diliget Deum ex totis viribus suis*, ad nihil aliud convertendo, & in nihil aliud impendendo, exercendoque vires omnes, viriumq; capacitates, & efficacias omnes, sive corporis, sive animae, sive sensuum, sive membrorum, sive passionum, sive phantasiae, sive memoriae, sive intellectus, sive libertatis, sive voluntatis: nisi in amorem & amicitiam, in honorem & gloriam, in voluntatem & voluptatem solius Dei, & propter solum Deum. *Diliget Deum ex tota virtute sua*, omnes operationes suas, (quae aliae non erunt, praeter voluntates Divinas, minimas, maximasq; occultas, manifestasq; spontaneas, consultas, praeceptasq; agendo cum omni diligentia, applicatione, fervore, integritate, constantia sicut dignum est Deo. *Diliget Deum ex tota fortitudine sua*: contemnendo & abijciendo seipsum, omniaq; creata secum propter Deum: contemnendo etiam omnes metus & favores, & respectus humanos, & linguas & censuras, & impedimenta omnia pervincendo, propter explendum obsequium, gustumq; cordis Divini.

Praeter haec autem, enitetur ad ascensum graduum charitatis Divinae: habet enim haec virtus ascensus suos, gradusq; prope modum infinitos: quoniam charitas excessum & nimium non habet: siquidem nemo diligere Deum nimium, & plus justò aut a quo potest: quippe qui infinitè amabilis est.

Amabit igitur Deum amore puro, & mundo, & nulli, non dico peccato, sed nec umbræ peccati, nec ulli creaturae, nec ulli affectioni creaturae immisto: ita ut oderit peccatum, omne, excludat imperfectiorem omnem, contemnat creaturam, quantumlibet conjunctam omnem, execretur delectationem sensualem, vanitatem mundanam, curam, tempo-

tempor  
ditatem  
per liber  
Ama  
non faci  
cor suam  
Deum, in  
di Deum,  
fructu di  
quæ virt  
di Deum  
di, festin  
Amab  
semper  
corde in  
plectatur  
converse  
manente  
mentum  
memoria  
tione di  
Amab  
star. Apo  
vita, ne  
neq; glori  
neq; infer  
creatura  
quin im  
gendus  
Amab  
nulla re  
Deo: &  
sed qu  
plenè ac  
amare D  
hujus vi  
fit, omni  
ei sit, o  
um & i  
Amab  
ante: qu  
neratus  
ut quon  
cius est  
minit,  
obliqu  
ris sp  
solu  
tum, f  
nec do  
Deo: se  
majus v  
mensis  
Ama  
guante,



temporalem, occupationem creatam, cupiditatem privatam omnem: sitq; totus semper liber Deo, patens Deo, plenus Deo.

Amabit Deum *amore insatiabili*: ita ut non fatigetur unquam labore mundandi cor suum Deo, quærendi & vestigandi ubiq; Deum, inveniendi, comprehendendi & tenendi Deum, admirandi, laudandi, gustandi, fruendi Deum, Sanctis operibus perfectisque virtutum actibus recreandi & satiandi Deum, desiderandi, appetendi, anhelandi, festinandi ad Deum.

Amabit Deum *amore indissolubili*: quo semper cogitatione, desiderio, memoria, corde inhæreat & adhæreat Deo, teneat amplectaturq; Deum, moretur, colloquatur, conversetur cum Deo: maneat in Deo, & manentem habeat in se Deum, neq; ad momentum unum (quoad hæc vita patitur) à memoria à cognitione à desiderio, à gustatione dimittat Deum.

Amabit Deum *amore invicto*, quo adinstat Apostoli Certus sit, quod neq; mors, neq; vita, neq; tribulatio neq; angustia, neq; fames, neq; gladius, neq; persecutio, neque superna, neq; inferna, neq; Angeli, neq; prorsus ulla alia creatura separare illum possit à charitate Dei. quin imò quod his ipsis trahendus & adstringendus sit arctius & amplius ad Deum.

Amabit Deum *amore inexplebili*: ita ut nulla re satiari velit possitvè, nisi Deo & in Deo: & ne in Deo quidem quomodo libet: sed quoniam in hac vita perfecte & assidue, plenè ac secure, inseparabiliter & intuitivè, amare Deum, fruiq; illo non potest: nullo hujus vitæ amandi Deum, gradu contentus sit, omnis præses dilectio scintilla & guttula ei sit, omnis hujus temporis charitas initium & imitatio provocatioq; charitatis sit.

Amabit Deum *amore vulnerante, & sauciante*: quo scilicet vulneratus sit ipse, & vulneratus sit ipse, & vulneret etiam Deum: ut quemadmodum is qui gravi vulnere sauciatus est, nihil cogitat, nihil sentit, nihil meminit, nisi vulnus, sic ille omnium aliorum oblitus & nauseabundus: solum vulnus amoris spiret, solum vulnus amoris Deo pandat, solum vulnus dilatat, ac non medicamentum, sed incrementum vulneris exposcat, nec doleat vulneratum à se Deum, vel se à Deo: sed crudeliter amore sæviens, majus & majus vulnus, cordi Divino faciat, seq; immensis vulneribus vicissim exponat.

Amabit Deum *amore vincente, & expugnante*, quo expugnet se ipsum tradatque

totum Deo, expugnet etiam Deum, rapiatq; sibi: quo vincatur & debilitetur ad omnia prorsus creata, vana, sensualia amanda & curanda, & quærenda, & tenenda. Validus autem & valens efficiatur ad hæc quidem penitus contemnenda, & conculcanda & obliviscenda, ad Deum verò quærendum, inveniendum, comprehendendum, tenendum, fruendum, possidendum: ad se quoq; in Deo demergendum, comburendum, annihilandum, transformandumque.

Amabit Deum *amore vincente, captivante, incarcerante*: ita ex ut vinculis, compedibus carceribusq; charitatis, nec velit, nec possit unquam egredi, sed efficiatur captivus & servus, & mancipium, & jumentum dilectionis. Nunquam & nusquam se commovens, quin illico inveniatur Deum præsentem, quin continuo in vincula charitatis rapiatur, & catenis amoris in Deum trahatur, inibi arctius teneatur, siue sint creaturæ, siue creator ipse, siue sint prospera, siue adversa hujus vitæ, siue sint præsentia, siue futura, siue æternitas ipsa.

Amabit Deum *amore consumente*, qui scilicet tanquam ignis devorat, paleas & stipulas, & nulla illi materia satis est, sed ad quodlibet pabuli augmentum, vehementius rapit & absurit omnia: sic amor Dei avaritiæ igneam, nactus, omnem laborem parvum, omnem fatigationem modicam, omnem diligentiam exiguam: omnem crucem levem, omnem dolorem puerilem, omnem adversitatem ridiculam, omne jugum suave, omnem fervorem frigidum reputas, semper clamat: *Affer, affer! amplius, amplius!* nunquam autem dicat *sufficit*.

Amabit Deum *amore vivo, & inquieto*: qui eum quiescere nunquam sinat, sed amplius & arctius & altius in Deum trahat, Deo adstringat, in Deum mergat, in Deum transformet: ad creaturam, nisi forte Deo lucrandam, & jungendam dimittat.

Amabit Deum *amore infinito*: hoc est finem, mensuram, modum, præmium, non habente, non quærente, non cogitante. Causa enim diligendi Deum, Deus est, & modus sine modo diligere. Nec ad præmium diligit, qui Deum verè diligit, quia & causa, & præterit & præmium amoris, dignum est nullum aliud præter Deum & amorem ipsum, amat quia amat, & amat, ut amet & ideo semper diligit, quia amicus est: semper diligit, quia in omni conditione diligit, quia in & pro



pro omni æternitate diligit, quia brevis illi est, vel ipsa æternitas ad amandum qui diligit.

Amabit Deum amore liquefaciente: ita, ut toto corde, tota animâ, totâ, si fas sit, etiam substantia, liquefiat & diffusetur in ignito mari Charitatis Dei, non secus ac liquefcit & fluit cera à facie ignis: sic autem in Deo liquefiat ipse, ut nihilominus virtutem liquefaciendi omnia alia ex Deo nanciscatur: ut quidquid contigerit, quidquid afflaverit, liquefaciat: sive sit peccator frigidior glacie sive sit obstinatus durior lapide, sive sit tepidus vomitum tepore provocans, sive sit parvulus in Christo: omnes istos liquefaciat ab odore, ab ardore ignis sui, amoris scilicet Divini.

Amabit deniq; Deum amore transformante: quo sibi quidem quàm maximè pereat, obliviscaturq; sui, & mortuus sit à corde, sepultusq; sibi: in Deum verò transeat, transfundatur, transformetur, unusq; etiam cū Deo, & veluti Deus ipse fiat, non quidem identitate substantiæ (cū hoc sit impossibile) identitate tamen ac unitate voluntatis suæ cum Divinâ, Divinæ cum suâ: Communicatione etiam votorum, desideriorum operum, studiorum, cogitationum: insuper similitudine affectionum atq; morum, ita, ut sicut in ferro ignito, plus parat, plus luget, plus ardet, plus urit, plus fervet, plus firmè est ignis quàm ferrum: ita homo amans Deum, ipse quidem sit in oblivione, in neglectu, in sepultura, in nihilo suo & sibi & apud se: totus autem in Deo, & solus. Deus in ipso, omnia Deus, in toto Deus, pro omnibus, & præ omnibus Deus, super omnia Deus, Deus amabilis, Deus amatus, Deus amans, Deus amor.

Talem amorem discet in Deum Religiosus, etiam Tiro: atq; ad eum quantum poterit, aspirabit, prœpetq; & linguam charitatis cognoscere, maturè contendet. Neque enim est abbreviata manus Domini, neque exinanita liberalitas ejus, ut non admittat & propinet aliquando aliquem gustum, haustumq; de melioribus absconditisq; cellariis ac vinis suis, quibus inebriat amicos, quibus tractat familiares, ad quæ introducit sponsas suas.

Porrò suum in amorem Dei profectum experietur & explorabit, metietur, & promovebit ex sequentibus officiis affectibusq; charitatis, quos Apostolus sapienter juxta, ac plenè exponit.

*Charitas ergo patiens est:* ideo quisquis propter charitatem Dei libenter patitur adversa omnia, tam corporis, quàm animi, quàm famæ, quàm fortunæ: si quis hæc etiam optat: in his gaudet, & Deum laudat, & benigno est ad omnes, quorum ministerio utitur Deus animo atq; affectus: quisquis talis est, habet officium & effectum charitatis.

*Charitas benigna est,* quisquis ergo omni creaturæ, omni potissimum proximo, propter Deum exhibet se benignum, affabilem, amabilem, liberalem re, manu, voce sermone, corde, affectu, consilio, exemplo, desiderio, & ad Deum supplicatione: non secus ac si vel ipse omnium esset mater, vel omnes à Deo tanquam filios suscepisset nutriendos, habet officium & effectum charitatis.

*Charitas non emulatur.* Quisquis ergo nulli insultat de malo, quod sustinet: quisquis congruet bonis proximi, condolet malis ejusdem tanquam propriis: quisquis optat proximū à Deo repleti, conservari augeriq; bonis naturæ & gratiæ. liberari autem eripiq; malis omnibus corporis & animæ: non secus atq; eadem optat sibi: idq; propter voluntatem & gloriam, & charitatem Dei: habet is officium & effectum charitatis Dei.

*Charitas non agit perperam,* quisquis ergo omnia, quæ facit, agit cum consilio & prudentia: quisquis bonum inchoatum constanter perficit: quisquis mala fortè cogitata, vel incepta maturè rescindit, neq; obstinate excusat aut tuetur, sed semper Divinæ charitatis voluntatis & gloriæ, salutis autem propriæ, & ædificationis alienæ rationem habet: habet is quoq; officium & effectum charitatis.

*Charitas non inflatur.* Quisquis ergo ex Donis Dei putatis vel habitis in se non redditur superbus, nec in Deum ingratus, nec super alios elatus: si se non comparat aliis, sed potius supponit ac submittit, tanquam melioribus se, & gravioribus Deo, & magis repletis donis, sive naturalibus, sive Spiritualibus à Deo: si omnia Deo attribuit, in omnibus Deum laudat, in omnibus Deo fidelis est: habet officium effectumq; charitatis.

*Charitas non est ambitiosa.* quisquis ergo nulli vult præesse, omnibus autem studet, & gaudet subesse: fugit honores & dignitates, & laudes oblatas: impositas autem metuit, & quàm primum salva Dei voluntate exuere



exuere appetit. simplicia humilia, postrema, vilissima, tanquam sibi competentissima, tanquam suae fragilitati securissima, tanquam suae vilitati ex iustitia debita sectatur, in hisque cum quiete delectatur: hic quoque habet officium & effectum charitatis.

*Charitas non querit quae sua sunt.* Quisquis ergo in nulla re seipsum quaerit, neque quod sibi soli, sed quod omnibus, prodest, quod Deo placitum & gloriosum sit, qui suo potius jure decedit, quam vel de alieno decerpit, vel alieno bono obstitit, qui laudes suas, in alios derivari patitur, hic quoque habet officium & effectum charitatis.

*Charitas non irascitur.* Quisquis ergo nec iram laesus fovet, nec injuria affectus laeditur, nec vindictam inimico meditatur, sed potius male facienti, bene vult & facit, & conservat in corde amorem, & in voluntate benevolentiam, & in memoria injuriae oblivionem, hic habet officium & effectum charitatis.

*Charitas non cogitat malum.* Quisquis ergo neminem judicat, neminem condemnat, nemini fraudem facit: sed bene sentit & benigne loquitur, de omnibus & bene accipit interpretaturque omnia, hic habet officium & effectum charitatis.

*Charitas non gaudet super iniquitate, congaudet autem veritati.* Quisquis ergo dolet cum alicui male sit, vel alicujus aequitas innocentiaque premitur, quisquis gaudet, cum iustitia & veritas, & innocentia regnat, cum virtus premio & honore afficitur, cum malitia & iniquitas castigatur, quisquis ne suis quidem erratis impunitatem quaerit, sed poenam irrogat ipse, vel imponi aequanimiter patitur, hic habet officium & effectum charitatis.

*Charitas omnia credit, sperat, sustinet.* Quisquis ergo & revelata à Deo per Ecclesiam credit, & imperata à majoribus obedienter implet, & promissa à Dei liberalitate fiducialiter sperat, devotus exoptat, securus expectat: & adversis non frangitur & prosperis non mutatur, & dilatis non cruciatur, hic habet officium & effectum charitatis.

*Charitas nunquam excidit:* nam & in hoc & in altero seculo necessaria est, Deo nos jungens, in Deo nos conservans, Deum nobis donans, Deo nos in aeternitate frui faciens, ac beatificans. Quisquis ergo semper in charitate vivit, & crescit, hic officiis & fructibus charitatis abundat.

Ad horum omnium quae de charitate Dei allata sunt complementum assero ex

duobus Societatis nostrae Patribus Vitae sanctitate, notitiaque rerum spiritualium orbi Christiano notissimis, praclara, & scitu executioneque dignissima sensa.

Primus sit P. Ludovicus de Pöte, ex quo desumo haec tria quae sequuntur. Ex vita P. Ludovici de Ponte, relata à P. Lancicio Opusc. de Profectu c. 17. gr. 16.

Primum de quatuor proprietatibus amoris Divini, quibus ille à falso distinguitur. Prima est. Amor verus infinite amat, & pluris aestimat gloriam Dei, quam propriam, imò nec oculos habet ad videndam propriam, nec eam aestimat. Secunda est. Verus amor Dei, magis vult amare, quam cognoscere, & pluris facit obedientiam quam scientiam. Et si quaerit scientiam, quaerit purè ut amet, & obediat. Tertia est. Verus amor, magis vult hic pati, quam gaudere, magis vult bibere Calicem amaritudinis quam dulcedinis. Quarta est. Verus amor Dei magis vult dare, quam recipere. Et si desiderat recipere dona Dei, est ut illis det Deo honorem & gloriam, & ut edat magis heroica obsequia.

Alterum est, ejusmodi amor Dei, inclinat ad honores fugiendos, officia speciosa, personas à quibus honoraris & laudaris. Et qui sic amat: si contingat esse inter honores, manet tanquam inter spinas sentiens puncturas: quod si eas non possit effugere, amor iste inclinat ad contemnendum illos honores, nec pluris faciendos quam ventum, detegendo sua luce, nihil esse quod mundus amat, honorat: & quod sit delectari umbra relicto corpore vel imagine, relicta re repraesentata. Qui amat Deum manet inter honores & laudes tanquam idolum vel statua cui deferuntur tales honores, quos tantum facit, quomodo faceret laudes, auditas à phantaco. Qui amat Deum, habet gloriam Dei pro propria, adeo, ut nihil aliud reputet pro gloria sua quam gloriam & honorem Dei, & si delectatur honore qui sibi à subditis defertur, est, quia illo honoratur Deus, & ipsi proficiunt.

Tertium, quod amor Dei desiderat mortificationem: eaque utitur ad perficiendas inclinationes suas: non aliter quam fluvius magnus, qui in rivos divisus impetu suo, facit sibi vias, & obstacula perrumpit, ut fluat.

Prima Inclinatorio Amoris est, destruere majores Dei inimicos, quos habet, scilicet peccata, & satisfacere Deo pro illis castigando suam voluntatem, sensus & carnem: tanquam authores tanti mali, dignissimo,

O

omni



omni pœnâ, & fugere in posterum talia, & ad hoc uti mortificatione.

Secunda inclinatio Amoris est, crescere infinitè, desiderando magis ac magis cognoscere & amare suum Deum, idè rumpit obstacula quæ habet ad crescendum, scilicet affectiones terrenas quia diminutio cupiditatis, est augmentum charitatis, & hoc facit per mortificationem.

Tertia inclinatio amoris est, recognoscere cum debita gratitudine authorem sui esse, qui Deus est, qui nos creavit, sustinet, auget, perficit infinitis beneficijs, idèque desiderat, illa facere obsequia, usq; ad sanguinis effusionem quod facit abnegatione sui.

Quarta inclinatio amoris est, assimilare se amato, quia ita magis amabitur, & quia similitudo est causa amoris. Et quia vita Christi tota fuit mortificatio in paupertate contemptu, dolore, labore: idè mortificatio amat hæc.

Quinta inclinatio amoris est: benefacere amatis ab amato, qui sunt proximi, procurando lucrari animas eorum, ad augendum Patrimonium amati: & serviendo illis corporaliter, quia in illis est suus dilectus: & hoc non potest præstare, quin perdat multa commoda sua, idè amat mortificationem.

Sexta Inclinatio est, desiderare conspectum sui dilecti, & gaudere ejus præsentia. Et præsumit duas res esse impedimento. Primo, non complevisse numerum meritorum, quem Deus vult illum habere. Secundo post completa merita, non satisfecisse pro pœnis peccato debitæ. idè ut acceleret primum, & auferat secundum, exercet se in abnegatione & mortificatione: quia scit, eum qui vivit & moritur in Cruce valdè currere & volare sine impedimento ad gloriam. Siquidem bonus latro audit in Cruce. *Hodie mecum eris in Paradiso.*

Septima Inclinatio amoris est, & hæc super omnes. Implere voluntatem dilecti, anteposendo eam omnibus suis utilitatibus & commodis, etiam visioni Dei. Idè delectatur mortificatione propriæ voluntatis: & acceptat omnem abnegationem, quia ita vult ejus dilectus.

Deniq; sicut homo satiatus cibis pretiosis fastidit alios: ita amor solò Deo contentus, nihili facit omne creatum. Et ita facilis est illi omnis mortificatio in non viden-

do eo (creato) nec gustando, nec possidendo. *Hæc ex P. Ludovico.*

Alter sit P. Iacobus Alvarez Tomo 1 de *Natura perfectionis* l. 3. p. 3. c. 38. qui duodecim documenta consequendæ perfectionis charitatis in Deum assignat in hunc modum, quæ tamen fusiùs apud eum legere licebit.

Primum omnium insipientium opinionēs, & tepidorum murmuraciones contemne. Non contemne illos, sed eorum dicta, sensus, definitionesq; pro nihilo habere, quoniam de talibus dixit Dominus. *Sinite illos: cæci sunt, & duces cæcorum.* Secundum. Fuge non dico magna peccata, (quis enim putet te in Religiosa vita positum lætalibus peccatis sordere?) sed peccata levia, minimos defectus devita: nec unquam scienter fac, aut dic quod imperfectionem esse cognoscas. *Tertium.* Quotidie bis te ipsum discute, & tuam conscientiam examina, mala quæ in cogitatione aut in locutione aut opere inveneris luge, bona circûspice, & quod in eis aut ineptum, aut minus fervidum fuerit reprehende. *Quartum.* Mortificationem sensuum, tam externorū quàm internorum assume: nec non passionum tuarum cohibitionem diligentissimâ cura sectare. *Quintum.* Nimium affectum & amorem erga rem creatam strenuè devita, & cor à desiderio rerum visibilium purum, illibatumq; custodi. *Sextum.* Humilitatem & obedientiam, fidelissimum adiutorium tuarum comitem adhibe. *Septimum.* Ne sis in operibus, aut exercitijs tuis singularis: sed ea efficaciora ad perfectionem capeffendam judica, quæ communis usus Congregationis approbat, & Patrum instituta præscribunt. *Octavum.* Conversatio tua cum hominibus admodum moderata sit: nec puta te hujusmodi conversatione, sed potiùs Angelorum, & Sanctorum colloquio ad perfectionem juvari. *Nonum.* Externas occupationes, quæ tibi ab obedientia aut à Charitate demandatæ fuerint, magnâ libertate spiritus incipe, sine spiritus anxietate perage, magna spiritus tranquillitate perfice. *Decimum.* Negotiorum multitudinem, quæ vires corporis & spiritus excedunt ne admittas, sed solerti meditatione considera quid possis, quid non possis sine detrimento spirituali: & illud assumes hoc prudenti excusatione devita. *Undecimum.* Orationi & contemplationi Divinorum semper insiste. *Duodecimum.* Hanc

solam

solam in or  
ram, jugen  
ut extra c  
rissimis deli  
ignitis amo  
incomprehe  
res Hucul  
clodo exerci  
ni ad S. Brig  
am illa est: q  
quit, sed ad  
se dilatat.

Secum

animarum  
Hæc est spes  
qui ad Soci  
dunt: ut oli  
vadant ad l  
das autem d  
teit unicui  
IESU) asce  
marum age  
ferendam a  
sto. Quare  
omnes ejus  
guibilib; z  
buendi fun  
Quam v  
animarum  
cium eg  
men deb  
idem alt  
marum, a  
deo in Ti  
mnis Reli  
ram, ut se  
gant, capa  
norum, qu  
oq; eccles  
quare inter  
citatem, n  
elle unus  
animarum  
qui labor  
maum y  
deo in d  
borant.  
Neq;  
in Tiron  
venter, e  
nimarum  
versione  
efficaciter



folam in omnibus quæ egeris sollicitam curam, jugemq; occupationem habe: Deum, ut extra teipsum intuearis præsentem, & purissimis desideriis, sanctissimis colloquiis, & ignitis amoris, affectibus ad Divinam & incomprehensibilem ejus bonitatem aspires. Hucusq; ex P. Jacobo Alvarez. Concludo exercitium hoc, verbis Christi Domini ad S. Brigittam. *Perfecta charitas ad Deum illa est: quando homo sibi de se nihil relinquit, sed ad omnem virtutem ac perfectionem se dilatat.*

*Secundò vacabit.* Exercitio zeli animarum, & fidei salutis proximorum. Hæc est spes vocationis omnium eorum, qui ad Societatem IESU potissimum accedunt: ut olim idonei Evangelici operarii evadant ad lucrandas animas Deo, eripundas autem diabolo. *Ad prædam filii mei:* (potest unicuiq; Tironi suo dicere Societas IESU) *ascendisti*, ad prædam inquam animarum agendam ex mundo & inferno, inferendam autem cælo, & offerendam Christo. Quare ab ipsis incunabulis Societatis omnes ejus Tirones avaro spiritu, inextinguibiliq; zelo ad convertendas animas imbuendi sunt, imbuereq; seipsos debent.

Quamvis autem aliter exerceat zelum animarum Tirones, aliter verò jam Tirocinium egressi & idoneè instructi: idem tamen debet esse in omnibus zelus, idem ardor, idem ætus. Tirones zelum exercent animarum maxime per hoc, quando ita, & indeo in Tirocinio virtutis perfectionisq; omnis Religiosæ Societati propriæ dant operam, ut se se quam maxime Deo conjungant, capacissimiq; evadant eorum Dei donorum, quibus viros Apostolicos operariosq; Ecclesiæ enitere & abundare oportet, quare inter alios ad omnem virtutem sanctitatem, maximos stimulos Tironibus hic esse unus debet, quia olim circa salutem animarum, Deiq; gloriam laboraturi sunt, qui labor cum insignem perfectionem omnium virtutem prærequirit: hanc illi indeo in diebus Tirocinij sui comparare adlaborant.

Neq; hic stat exercitium zeli animarum in Tironibus. Zelus eorum est, orare ferventer, & crebro, tam pro conversione animarum, quam pro laborantibus in conversionem earum, ut & illæ convertantur efficaciter ad Deum, & isti sine impedimen-

to, sine periculo, sine fatigatione & tepore, cum magna Dei gloria, cum multo animarum profectu, cum plurimo suo merito, cum efficaci, multipliciq; Divinæ gratiæ auxilio, laborent in conversione earum. Dum ergo in hunc finem Tirones conferunt, & offerunt Deo meditationes suas, desideria sua, orationes, sacrificia, communiones, coronas suas, Pœnitentias suas privatas juxta & publicas, Iejunia, vigiliæ, mortificationes, labores, lacrymas, omnes deniq; actiones suas, per hæc omnia zelant & zelum exercent circa animas.

Neq; hoc exercitium suum, zeli existiment sterile esse, & apud Deum nullius momenti aut in conversione animarum, nullius efficaciæ. Non, inquam, hoc existimare debent: sed potius certi fiant, multarum se animarum, olim in Iudicii & Retributionis die conversores apud Deum invenientes, licet eum eis verbum nūquam fecerint sed satis laboratum ab illis circa eas erit, quando precibus illorum, conversio illorū, impetrata apud Deum erit. Qui quidem zelus Tironum illud præ alijs commodi habet, quod non sit obnoxius vanitati, neque expositus zelantis periculofitati.

Et Tirones quidem ante facta in Societate vota: hæc ferme, ratione zelum suum exercent; at verò ij qui biennio Novitiatus explero, factisq; votis in Collegiis degentes studiis dant operam, hi jam laxiorem ad zelum exercendum habeat januam: Etenim præter eum zelandi modum, quem propriū Novitiorum dixi, quem etiam ipsi perinde exercere possunt, imo debet, habet præterea suum modum proprium, qui est studiis literarum dare operam in hunc ipsum finem, ut literis quam optime exculti, virtutibusq; perfecti, non tantum perfectione virtutis, sed etiam perfectione adminiculoque doctrinæ, olim post peracta studia, idoneè secureq; animas proximorum erudire in rectitudine & veritate, & justitia confutare errores & hæreses, sana consilia suggere: conscientias in foro conscientia & extra illud, dirigere, extricare, sanare, solidare, permovere, tueri: catechesibus, concionibus, colloquiis, scriptis, doctrinam fidei & morum, officiaq; Christiana, pericula, & adjumenta salutis promulgare disseminare, propugnare, elucidare commodè, solidè, potenterq; sciant ac possint. Hunc in finem si in Collegiis student: abundantissime



mè pro suo gradu zelum jam tunc exercent.

Qua de re abundè in suis in Regulis habent, potissimumq; in ea, in qua dicitur hūc in modum. *Animi puritatem custodire, & rectam intentionem habere Scholastici nostri continentur, nihil aliud in his, quam Divinam gloriam, & animarum fructum querentes: ad hunc enim scopum studia Societatis diriguntur.* Reg. 1. Scholast. Et paulò inferius mox subditur, in hunc modum. *Sibi persuadeant, nihil gratius se Deo facturum in Collegiis, quam si cum eā intentione, de qua dictum est, studiis se diligenter impendant. Et licet nunquam ad exercenda ea, quæ didicerint perveniant, illum tamen studendi laborem, ex obedientia & charitate, ut par est, susceptum, opus esse magni meriti in conspectu Divinae & summae maiestatis, apud se statuunt.* Ibid. Reg. 2. Plura in hunc ipsum finem habent iidem filij Societatis, in Epistola S. Patris Ignatii, in qua disputat ille, quomodo ij, qui in Societate dant literis operam, possint interea temporis, exercere se in zelo animarum.

Porro ij, qui peractis studiis probationibusq; omnibus, tandem ab umbra & palæstra, in arenam & lucem prodeunt, zelo animarum admovent manus, juxta impositū unicuiq; a Superioribus officium: quibus & qualibus rationibus ac occasionibus zelum possint debeantvè exercere: hic tractatus jam extra sphaeram propositumq; meum præfens est, quem etiam ideò in præfens pretermitto, contentus afferre, quod Tironibus, cum quibus mihi negotium est, deservire potest.

Primum quidem ex Christi Domini nostri exemplo petitur: cujus teste Bernardo: *Tantum Reconciliationis humane studium fuit: ut ad sua stipendia non attenderet, dummodò errorem lucraretur. O quanta dignitas Animarum: & quantus zelus ad animas: pro quarum Redemptione pretiosum sanguinem suum totum obtulit Dei Filius, Deo Patri: cum tamen suffecisset una guttula tam pretiosi sanguinis, ad redimendum totum genus humanum maxime cum sibi nihil inde beatitudinis accresceret, vel decrederet.*

Deinde ex Sanctis Patribus: ex quibus Gregorius Magnus celebre illud dictum habere noscitur. *Nullum omnipotenti Deo tale est Sacrificium, quale est zelus animarum.* Nec abludit Beda, qui ait: *Quenam sublimior, & Deo gratior conversatio esse potest, quam eorum qui quotidiano exercitio, alios ad sui Auctoris*

*gratiam student convertere, & crebrâ animarum fidelium acquisitione, gaudium cælestis Patrie, semper augere?*

Tertio ab exemplis Patrum Societatis nostræ: de quorum zelo, illud est omni exceptione majus testimonium ipsius, Sanctæ Sedis Apostolicæ Romanæ Capitis, sic enim Pius V. in Bulla Conf. Inst: quæ habet 1571. *Dum indefesse considerationis intuitu perscrutamur: quantam Christianæ Reipublicæ utilitatem attulerint dilecti Filij Presbyteri Societatis IESU, ac planè conspiciamus eos verè mundi huius relictis, illecebris, idèd. Servatori suo se dedicasse, ut conculcat is thesauris, quos arugo & tinea comedit, lumbisq; paupertate & humilitate præcinctis, non contenti terrarum finibus, usq; ad Orientales, Occidentalesq; Indias, penetraverint: ac eorum aliquos ita Domini amor perstrinxit ut etiam proprii sanguinis prodigo, ut verbum Domini efficacius plantarent Martyrio voluntario, se supposuerint.*

Neq; id mirum esse cuiquam debet. Societatis namq; IESU, substantia & essentia est zelus animarum. Conflatur enim Societatis huius finis, ex zelo perfectionis, tam propriarij, quam proximorū omniū animarum; adeò, ut si homo societatis suam quidem salutem & perfectionem zelet, proximorum autem non, is dici & esse non possit, homo Societatis, neq; è contra, si aliorū quidem zelet, suam autem non: sed verus spiritus Societatis est, zelando suam salutem & perfectionem, proficere, ac disponi ad zelum alienæ salutis perfectionisq; & vicissim zelando alienam salutem, in suâ hoc ipsò proficere. Unde meritò filij Societatis ab ipso Tirocinio innutriti debent zelo salutis alienæ: suamq; perfectionem ad aliorum profectum, olim saltem procurandum, jam nunc ordinare. Merito etiam de hominibus Societatis dici potest, id quod Ambrosius de Angelis dixit: *Angeli sine zelo nihil sunt, & substantiæ suæ amittunt prærogativam, nisi eam zeli ardore sustentent.* In Psal. 118. ser. 18.

Concludo tractatū hunc insigni sensu gravissimè Patris nostri Jacobi Lainii: qui datus ad universam Societatem literis, eam cohortatus est, ut quotidie omniumq; frequentissimè, animarum quæ in Purgatorio igne cruciantur, studiosè meminisset. *Historia Societatis* tomo 2. l. 2. n. 89. Rationem addens ex zelo Societatis petitam: ut scilicet Societas nullum non genus Animarum zelo suo cō-

ple-

plectatur. neq; debet

Tern

ria Dei in exerceat, si seu Tiro, se lenet in o cille se nove omni opinio quæ malum quodcunq; eradicare v passionem, nem, quan quemcunq; quamcunq; ritatem; qu Spiritus fer re cum Deo versandiq; um ubiq; n per: opinio us conlequ in Deo non præfens noi habito præ modo lux d qua careat, uoi universi sens est.

Verum debeat. el Deus, & i sentiam, e nem & pot cognitione haber præf morem, at ficit ad han rombus, De habere Deu nosse, scire, cesse est, om non omnes Multi etia nerunt, in rum neq; satis est, reverentia Dei, pensè, hoc nunquam nisi enim a



præstatur. A cuius zeli Exercitio Tirones neq; debent, neq; possunt excludi.

*Tertiò vacabit.* Exercitio Præsentia Dei: in quo uno exercitio, si strenuè se exerceat, si multum proficiat Religiosus, seu Tiro, seu quicumq; sectator: satis excellenter in omni prorsus perfectione proficisse se noverit. Est enim hoc Exercitium omni opinione major thesaurus. Quodcunque malum sanare, quis in anima velit, quodcunque expellere peccatum, quodcunque eradicare vitium, quancunque infrenare passionem, quancunque debellare tentationem, quancunque comparare virtutem, quemcunque concedere perfectionis gradum, quancunque cordis & mentis comparare puritatem; quantumcunque in se inflammare Spiritus fervorem: quantumcunque obtinere cum Deo Unionem, familiaritatem, conversandiq; libertatem: præsentem sibi Deum ubiq; habeat, noverit, meminerit semper: opinione facilius, celerius, abundantius consequutus est omnia. Et enim quid in Deo non est? quid cum Deo præsentem præsens non est? quid cum Deo & in Deo habito prætere, præsens non habetur? Quomodo lux desit: ubi sol adest? quomodo aqua careat, qui mare habet? quid ibi desit, ubi universum, imò universi fabricator præsens est?

Verum magnoperè interest, qualis hæc debeat esse præsentia Dei. Imensus est Deus, & immensitas ipsa: ubiq; est per Effluentiam, existentiamq; ubiq; per operationem & potentiam: ubiq; per Sapientiam & cognitionem: hoc modo nemo illum non habet præsentem. In solis iustis est per amorem, atq; gratiam, sed nihil horum sufficit ad hanc, cuius exercitium suadetur Tironibus, Dei præsentiam. Non tantum habere Deum præsentem oportet: sed etiã nosse, scire, & meminisse ejus præsentia necesse est, omnes enim habet Deum præsentem: non omnes tamen norunt esse præsentem. Multi etiam norunt: & non semper meminerunt, imò sapè non meminerunt. Ceterum neq; ipsum meminisse præsentis Dei satis est, requiritur adhuc amor, æstimatio, reverentia, timor, gustus Dei: Itaq; memoria Dei, præsentis & æstimati, amatiq; impense, hoc nimirum est illud exercitium, nunquam satis laudatum: Præsentia Dei nisi enim accesserit ad præsentiam Dei no-

titia, memoria & æstimatio præsentis Dei, non erit magnus effectus in cordibus humanis præsentia Dei.

Est tamen fatendum non esse tantum laboris in amore & æstimatione Dei conquirenda, quantum in ejus præsentia memoria jugiter habenda. Bonis enim animabus ac mentibus, ut plurimum est facile Dei reverentia vel timore, vel amore tangi: si modo in memoriam veniat præsentis & cuncta cernentis Dei: quod quia non tam facile nec tam obvium est, præsertim assiduo & veluti perpetuo idcirco Spirituales Magistri, dum hoc exercitium studiosis virtutum & profectus commendant, memoriam, jugem præsentis Dei maximè inculcât: de Reverentia verò aut æstimatione aut amore verbum non faciunt, quia id tanquam per se notum atq; in promptu cuiq; positum supponunt. Quis est enim adeo hebes vel impius: ut meminerit quidem assiduo vel crebro præsentis sibi Dei: nec tamen continuo tangatur intima veneratione majestatis ac dignitatis Dei? Quamobrem usque adeo certi sunt Spirituales Magistri, cum memoriâ præsentia Divina simul conjungi reverentiam vel amorem ejus: ut propterea affirmant omnes quidem virtutes cum præsentia Dei memoria comitari, omnia verò vitia ad oblivionem præsentia Dei consequi.

Quod quidem tum ex Scriptura Sacra evidenter discimus, tum ex Ratione, reique ipsius natura concludimus. Scriptura est quæ dicit: *Providebam Dominum in conspectu meo semper, quoniam à dextris est mihi, ne commovear, in ullam vel levissimam noxam, aut imperfectionem: promovear verò in omnem virtutem, sanctitatem & perfectionem.* Scriptura item est, quæ dicit: *Non est Deus in conspectu eius: ideo inquinata sunt via illius in omni tempore.* Et iterum: *Non est Deus in conspectu eorum: nunc interibunt.* Ad Rationis lumen quod attinet. Quis obsecro in conspectu suo habens Deum: non abstineat ab omni peccato? non sit fortis in resistendo tentationibus; non sit strenuus in bonis operibus, non sit exactus servus, diligens, in omni actione? Ubiq; experimur, quantam vim habeat in cohibendis nobis à malo, vel in excitandis ad bonum, oblata subito præsentia alicuius personæ, quam reveremur. Quam citò omnes puerorum petulantias, una Præceptoris præsentia



sentia compefcit? quantas infanias famulo-  
rum confpectus Domini componit? Ebrī-  
ofos ac furiofos homines ad confpectum  
Religiofæ perfonæ componi, mitefcere, &  
aliquatenus ad mentem redire videmus.  
Potelt hoc in homine hominis præfentia;  
quidfenim poterit in hominis, pī præfertim  
animo, Divinæ præfentia memoria? omnia  
fanè poterit, & cohibere componereq; ma-  
la ac inordinata: & perfuadere, atq; promo-  
vere ad bona & Dei dignitate, bonitateq; di-  
gna.

Ex hoc ergo fonte, tantæ laudes Exercitij  
præfentia Dei manant: ex hoc tantæ, tamq;  
graves & affidua ad ejus ufum cohortatio-  
nes, ex hoc tot & tantæ inventiones, pro-  
pofitionesq; modorum ac mediorum, qui-  
bus in acquisitionem perpetua præfentis  
Dei memoria, inducantur piæ mentes. Alij  
quidem annulis aut fignis aliquibus, quæ  
inter manus fiant, memoriam Dei præfentis  
excitari fuadent, alij ad fonitum aliquem  
horæ fcilicet, aut tintinnabuli, alij ad initi-  
um cujufq; occupationis gravioris, alij ad  
confpectum aliquorum, in hunc finem di-  
fpoſitorum fignorum, imaginum &c. Rur-  
fum, Deum alij proponunt tanquam Re-  
gem in folio excelſo, & elevato: quomodo  
Iſaias, quomodo Daniel vidit. Alij tan-  
quam Chriſtum, coram ſe in Cruce pen-  
dentem. Alij tanquam mare vaſtum, in  
quo tanquā piſciculi & ſpongiæ natamus,  
& quocunq; nos moverimus, in ipſo tamen  
vivimus, movemur, & ſumus. David San-  
ctus ita ſe Deumq; ſuum ſibi præfentem de-  
pingit: *Si aſcendero in cælum, tu illic es: Si  
deſcendero in infernum, ades: Si ſumpſero pen-  
nas meas, diluculo, & habitavero in extremis  
maris, etenim illuc manus tua deducet me, &  
tenebit me dextera tua.* *Pſal: 138 8* Hæc  
ſimiliaq; his, ad hoc exercitium utilia ſunt:  
etiſi aliqui non fruſtrâ admonent, ſic aliqui-  
bus horum utendum, ut vitetur læſio ima-  
ginatricis facultatis, multa affiduitate.

Laudatiſſima & probatiſſima eſt ratio  
hujus Exercitij, per ſolam memoriam: quæ  
Sanctorum non nemo ſic docuit. Cogita  
Deum tibi præfentem, & coram illo ſtare,  
quem exercuit David. *Memor ſui Dei.* Et,  
*Providebam Dominum in conſpectu meo;* quam  
ipſa compellatiō hujus exercitij designat:  
dicitur enim memoria præfentia Dei. ſed  
enim hic quaritur. Quomodo efficiemus,  
ut memoriam affiduam præfentis Dei habe-

amus? quis erit memoria monitor? quis e-  
jus aurem vellet? quis illi infufurrabit affi-  
duo, Deus me videt, Deus adest, coram  
Deo ſum? Cogita Deum tibi præfentem,  
memento Creatoris tui, &c. Circa hoc  
eas cautelas, poſuerim Tironibus.

Prima ſit, ne aggredientes hoc Exerciti-  
um, curent ſtatim ab initio affiduam &  
non interruptam memoriam præfentis  
Dei fovere, nequē etiam valde frequentem  
curent. Omnia naturæ opera à par-  
vis incipiunt, ſenſim propagantur. Ergo  
ab initio, aliquoties in diem memorabun-  
tur Dei præfentis: idq; juxta vires ſuas, &  
juxta Patris ſui conſilium: qui uniufcujuſq;  
facultates dimenſas habebit. Cum aſſue-  
verint conceſſis, placitiſve vicibus, augebūt  
numerum: & ſic progrediendo pervenient  
ad crebram, creberrimamq; Dei præfentis  
memoriam, ſine periculo, ſine fatigatione,  
ab aſſuetis enim non ſit paſſio. Huic pro-  
greſſivo exercitio plurimum momenti affe-  
ret uſus Examinis particularis: ſi nempe  
juxta praxim hujus examinis diſpiciat quiſ-  
que, *an toties*, (quoties nempe designavit)  
memor Dei præfentis fuerit, *an præterea* a-  
liquas occaſiones præfentia Dei habuerit:  
*an occaſionibus* ijs uſus ſit, Deiq; præfentis  
meminerit: *an memoriâ* præfentis Dei mo-  
tus ſit efficaciter ad eos affectus, quorum  
gratia hoc Exercitium aſſumitur: puta ad  
reverentiam, ad diligentiam, ad fervorem,  
ad fugam imperfectionum, &c. Hoc enim  
examine, nihil erit validius ad profectum,  
in iſto Exercitio.

Alter a ſit cautela. Ne Tirones perſuaſū  
habeant, hoc Exercitium præfentia Dei, in  
hoc conſiſtere, ut omnino tanquam conce-  
ptis verbis hiſce (Memini Dei præfentis, *vel*  
Deus mihi præſens eſt, *vel* ſimilibus) præ-  
ſens Deus habeatur, eſſeq; ſciatur: & memo-  
ria teneatur perpetuò. Id enim, licet (ſi fi-  
eret) fortaiſſe malum non eſſet, ſublato pe-  
riculo actuationis, ſeu fatigationis noxiæ:  
tamen non eſt neceſſarium, ſed intelligant  
Tirones poſſe exercitium præfentia Dei ex-  
coli, poſſeq; præfentem Deum haberi in a-  
nimo & memoria, ſine illis expreſſis, con-  
ceptis verbis, ſed aliis quibuſdam, quibus  
mediantibus fiat Deus præſens: & varietate  
actuum vitetur fatigatio, & capiti vitium,  
creans crebra actuatione, & obtrineatur, ſi non  
continuitas certè utiliſſima, & ſuaviſſima  
frequentia. Sunt enim exercitia non pau-  
ca,



ca, quæ conjunctam Dei præsentiam cum habeant vel supponant: ita ut quoties exercentur, toties Deus præsens in animo sit. Hæc si Tirones singula aliquoties in diem exercuerint: ex usu singulorum pene assiduam Dei præsentiam habebunt: & quidem ut dixi sine ullo fatigationis periculo: cum multa suavitæ, ex actu varietate resultante, cum multiplicium præstantissimorum actuum habitumq; incremento, cum omnibus memoria præsentis Dei commodis.

Declaro rem nisi fallor evidenter: Certum est omnibus: Intentionem renovari non posse sine Dei memoria. Adorari Deum, laudari, invocari, actualiter amari, non posse sine Dei memoria. Agi gratias pro beneficijs Deo. Resignationem sui in voluntatē Dei fieri. Reddi rationē conscientia suæ geitorūq; suorum Deo. Emēdicari aliquid a Deo. Offerri aliquid Deo non posse, sine Dei memoria. Deniq; ejaculatorias ut vocant Aspiraciones in Deum fieri non posse sine Dei memoria. Exerceantur illius modi actus quinquies minimum aut decies summum in diem: habebitur memoria præsentia Dei centies & amplius in diem: non tantum cum omnibus præsentia Dei commodis: sed etiam cum proprijs ipsorum illorum actuum emolumentis, animæ in virtutibus profectu, apud Deum meritis, &c. Ita mirò, sed verò modo: dum augeatur, minuitur labor: & dum videtur memoria præsentia Dei reddi intricatior, efficitur expeditior, fructuosq; cumulator. Neq; amplius in hac re inculcanda immoror, ad experimentum remississe, quemlibet contentus.

*Quartò vacabit.* Exercitio Deū laudandi, amandi, magnificandi, &c. In hunc enim finem omnia collimare, ac tandem desinere etiam debent, quæcunq; in hac vita aguntur a nobis omnibus & singulis, hæc est merces nostra pro omnibus quæ agimus, & merces inquam, tam hujus quam etiam (& quidem potissimum) illius futura vitæ. Disertissime id David explanat dicens: *Beati qui habitant in domo tua Domine: in secula seculorum laudabunt te:* de hac verò præsentia vita loquens: sibi quidem ipsi hunc finem omnium actuum præscribit dicens. *Et exaltetur Deus salutis meæ.* Ac iterum. *Benedicam Dominum in omni tempore, semper laus eius in ore meo.* Neq; conten-

tus id solus agere, omnes etiam alios ad idem agendum invitat dicens: *Magnificate Dominum mecum: & exaltemus nomen eius in id ipsum.* Ita sive hujus, sive illius vitæ incolæ simus, opus nostrum esse debet, finisq; operum, & eorūdem summa, ultimaq; merces Deum laudare, exaltare, benedicere, magnificare.

Quamvis autem quisquis bene agit, omnino laudat Deum: alioqui non bene agere convincitur, si quidem est laus cordis, est & oris, est insuper & operis: nihilominus ad amatores, amicosq; Dei pertinet, certis, statiq; tum vicibus, tum rationibus ac modis in omni vitæ die, laudes Dei expressas, explicitasq; tam corde, quam ore effundere. Exemplo est David, qui licet Regio munere occupatissimus tamen, *septies in die laudes dixit Deo:* neq; noctibus pepercit: sed vel media nocte consurgebat ad confitendum Deo, hortariq; non desinebat alios ad id studij dicens: *In noctibus extollite manus vestras in sancta: & benedicite Dominum.* Davidem imitatur universa Ecclesia Catholica. Cujus filios, ac potissimum Religiosos, qui sunt specialior portio ipsius juxta cujusq; statum & vocationem moribus Ecclesiæ, id est, Divinis laudibus insciscere par est. Sed mihi in præsentia non hoc propositum ut Tirones ad Dei laudem assiduā ex mente Ecclesiæ, rituq; Religionis cohorter, nam ego hoc magis præsuppono, quam hæc suadeo, vel moneo: verum præter hoc quod, ab altiore potestate ordinatum, præscriptumq; habent: ad ampliū aliquid in laudibus Divinis conandum excito, modosq; suggero: temporum spatia ipsorum fervori ac diligentia inveniēda relinquens.

*Primus ergo Deum laudandi modus,* talis esse poterit. Collectos habere titulos Dei, dignos Deo, eosq; affectu intimo & tenero, & amoroso recensere Deo, compellareque illis Deum, & per eos, laudare, magnificare, &c. v g. Deus meus, tu es Deus, tu es, qui es, tu es Deus in unitate Trinus, in Trinitate Unus. Tu es Sapientissimus, Omnipotentissimus, Optimus, Misericordissim⁹, Amabilissimus, Beneficentissimus, Verissimus, Veracissimus, Rectissimus, Simplicissimus, Infinitus, Imensus, Æternus, Incomprehensibilis, Iustissimus, Pulcherri- mus, Dulcissimus, Laudabilissimus, Dignissimus, Admirabilis, Omnia faciens, Omnia sciens, omnia videns, omnia gubernās, omnia



omnia continens, omnia replens, omnia excedens, omnia diligens, &c. hoc es tu Deus meus, talis es tu: similem non habes, alium nesciens, & non apponetur alius ad te, &c.

*Secundus modus.* Denuntiare atq; confiteri, quod omnes creaturæ obligatæ sint amare, laudare, magnificare Deum, invitareq; illas ad id præstandum v. g. Audite omnes creaturæ, sive quæ in cælo, sive quæ sub cælo, sive quæ in terra, sive quæ in aquis sive quæ ubicunq; demum estis: spirituales, corporeæ, rationales, creatæ viventes, vitæ carentes audite & ad magnificandum Deum Creatorem omnium, à quo estis quidquid estis, convenite. Ipse fecit vos, & non ipsæ vos, laudate ergo Dominum de cælis, laudate Dominum in excelsis, &c. Benedicite omnia opera Domini Domino, laudate & super exaltate eum in sæcula, &c. Idem modus peragi sic potest: ut homo nominatim recensendo singulas creaturas, vel imperet illis, & earum cuilibet laudem creatoris, vel miretur segnitiam ejus in laudando Creatore, vel arguat accusetq; coram Deo, ejus moram, vel ejus impotentiam, excusando, ipse pro qualibet suppleat.

*Tertius modus.* Confiteri quod neq; tu, neq; creatura ulla, neq; omnes simul dignæ sufficientesve sint dignè Deū laudare, agere nihilominus gratias Deo, quod dignetur, quod velit, quod imperet, (idq; proposita mercede aut pænâ æternâ) laudari à nobis, recipiatq; laudem hanc, tanquam summū quid, &c. Orare illum ut doceat te & omnem creaturam, quomodo laudandus sit, Orare illum ut in se sit laus & gloria sua adæquata sibi & digna se. Laudare illum ex hoc, gratulariq; illi, quod sit laus & laudator suus, quod tanta fecerit in laudem suam, &c.

*Quartus modus.* Sumere semetipsum, & imitari exhortariq; se ad laudem Dei: sumere autem se vel totum simul, vel per particulas, potentias, atomos omnes sui, imitando Davidem dicentem: *Benedic anima mea Domino, & omnia quæ intra me sunt, nomini sancto eius.* Benedic caro mea Domino, & omnia quæ intra me sunt, magnum nomen ejus. Benedic Ratio & Intellectus, & Iudicium meum Domino. Benedic voluntas & libertas mea Domino &c. Sicq; à planta pedis usq; ad verticem capitis, extremumq; capillorum, per omnes atomos suos

faciat se homo laudem, laudatoremq; Dei, faciat se librum laudis Divinæ, faciat se populum laudantem Deum: eumq; Deo præsentet, v. g. dicens: Deus meus, ecce laudat anima mea, &c.

*Quintus modus.* Invitare omnes incolas, Civesq; cælorum: seu simul omnes, seu per partes, seu aliquos eorum ad laudandum Deum propter ipsius eminentiam, dignitatem, maiestatem, Sapientiam, bonitatem, profusionem, beatitudinem, pulchritudinem &c. ordiendo, vel ab infimo Sanctorum ordine, procedendoq; usq; ad IESU Christi Humanitatem, vel ab hac ordiendo & descendendo per Beatissimam Virginem, ad Seraphinos, &c. usq; infimum ordinem Beatorum.

*Sextus modus.* Colligere Titulos seu perfectiones Dei, (juxta modum primum) & vel singulas, vel simul omnes assumere: atque propter eas Deum amare, mirari, venerari, laudare, exaltare. Congratulari Deo hæc bona ejus, gaudereq; de illis. Enarrare illa, tum ipsi Deo, tum omni creaturæ, tum omnibus particulis suis: explicando earum magnitudinem, plenitudinem, immensitatem, incomprehensibilitatem, pulchritudinem, æternitatem, efficacitatem, effusionem in creaturas. *Gaudere Deo*, quod in eo futura sint hæc bona in æternum: Ita David, narrat terræ quod Dominus regnavit: jubetq; eam exultare, jubet lætari insulas multas, id est omnes, quæ multæ sunt. Narrat idem, quod Deus induerit decorem pulchritudinemq; quod se præcinxerit virtute. Narrat idem quod Deus sit Magnus Dominus, & Rex Magnus super omnes Deos, quod in manu ejus sint omnes fines terræ, altitudines montium ipse conspicit, quod nos simus populi ejus, & oves pascuæ ejus &c.

*Septimus modus.* Conferre vel potius contraponere sese Deo: ita ut ejus perfectionibus imperfectiones suas: & cuilibet perfectioni ejus infinitæ suam vicissim infinitam in eodem genere imperfectionem opponat: sicq; se mirò modo exæquando Deo infinitè à Deo submoveat, qua ratione & se ipsum infinitè humiliabit coram Deo, & Deum infinitè exaltabit super se. V. g. Deus es tu, & ego tuus sum. Tu es Deus, ego autem sum non Deus, tu es, ego non sum, sicut tu es per essentiam, ita ego non sum per essentiam, sicut tibi est Essentiale & essentia esse ac existere: ita mihi est Essentiale &



le & Essentia non esse & non-existere. Sicut tu es totum: ita ego sum nihil. Sicut tu es Ens à te, ita ego nihil & non ens à me. Tu esse tuum & omnia bona tua nulli debes, nisi tibi ipsi: ita ego meum, non esse & omnia mea non-entia seu mala, nulli debeo, nisi mihi ipsi. Sicut tibi tuum esse nemo auferre praevaleret, ne tu quidem ipse. Tu es infinitus in esse: ego infinitus in non esse, tu es infinitus in Sapientia, Iustitia, bonitate, dignitate, Veritate, perfectione, ego sum infinitus in insipientia, in erroribus, ignorantia, in iniustitia, in malitia, in mendacitate, in indignitate. Tu Domine es Aeternus in Esse, & in omni perfectione, ego item sum aeternus in non esse, & in imperfectione, ac defectu. Quatum tu Domine es, siue in Esse, siue in omni perfectione, puta in Sapientia bonitate, rectitudine, &c. tantum ego sum in non esse, & in non Sapientia non potentia, non bonitate, non rectitudine, immensus, interminatus, inexhaustus. Quantum tu Domine nihil de tuo Esse debes, tantum ego nihil tibi debeo de meo non esse, &c. Hic modus ut patet mistus est ex Dei exaltatione, & sui annihilatione: in quo tantum Deus exaltatur super creaturam: quantum vel se illi comparat creatura, vel ille comparatur creatura: & licet videatur esse aliquantum difficilis & obscurus, lumine tamen naturae est notissimus. In hoc modo Deum laudandi videtur impleri aliud Davidicum dictum. *Mirabili facta est Scientia tua ex me, confortata est: & non potero ad eam.* Verè enim mirabiliter Deus noscitur, quod est ex eo, quod homo non est, & homo noscitur vicissim, quod non est ex eo, quod Deus est, vel noscitur homo, quod est ex eo quod Deus non est. Nec tamen homo potest ad eam quia exaltatur tota immensitate Divini Esse in sursum, tota autem immensitate humani non esse in profundum. Mirabilis etiam est ista scientia per hoc Deum laudandi & exaltandi, se ipsum autem abijciendi & exinaniendi: quia ex una parte videtur poni Deus ex a quo cum homine, & tamè infinitè ponitur supra illū, & ex altera parte videtur homo æquari Deo: & tamè infinitè deiicitur infra Deum. At enim hætenus satis sit indultum affectui vel impetui.

*Octavus modus* laudandi Deum esse potest mistus ex pluribus vel paucioribus modis sex superius positis. Hi omnes modi laudandi Deum (excepto fortè septimo) possunt esse usui Tironibus, siue sæpè, siue in-

terdum, siue temporibus longioribus, siue brevioribus: ut per eos discant tenerius affici ad Deum: & de ejus dulcedinis plenitudine aliquando gustare: & habeant modos utilitatis juxta, ac suavitatis plenos, quibus vacua tempora occupent: fessos animos lactent, ingredianturq; in potentias Domini: incipiantq; consuecere hoc agere nunc in terris quod acturi sunt æternaliter in calis: & ad quod unum solumq; faciendum, & ab æterno electi, & in tempore creati sunt, ex munificencia Dei creatoris. Cui etiam usui deservire poterunt Exercitia, quibus concluditur præsens hic, ultimusq; anni Mensis atq; adeo totus Annus.

*Quintò vacabit.* Exercitio sanctæ in bono Perseverantiæ. Dico, in Bonis: nam hoc nomine complector. 1. Bonum Vocationis Religiosæ & perseverantiam in statâ vitæ Religiosæ. 2. Bonum vitæ Sanctæ & in Gratia Dei amicitiaq; non enim sufficit status vitæ sanctus, nisi adsit ipsa vitæ Sancta: sicut non est satis obligari ad bonam vitam, nisi re ipsa exequaris bonam vitam, benè sancteq; vivendo. 3. Bonum perpetuæ ad perfectam vitam per opera virtutum solidarum tendentiæ usq; ad mortem. In his omnibus triplicibus bonis perseverandum est omni Religioso, & perseverantia jugiter est exercenda: ejusq; exercitium, vel maximè Tironibus tenendum, fovendumq; usq; ad finem, atq; à fortiori ediscendum ab initio vitæ Religiosæ. Quavis autem Donum finalis perseverantiæ in Gratia Dei, sit mera & pura gratia Dei: usque adeo ut in meritum non cadat: non excluditur tamen humana cooperatio & dispositio, ad hoc ut quis perseveret in finem in bono: imò hic conatus requiritur: & excitamur in sacris literis ad eum habendum. Cur enim toties ipse Dominus IESUS repetit in suis sermonibus illud: *Qui autem perseveraverit usq; in finem hic salvus erit.* Et rursus in Apocalypsi: *Esto fidelis usq; ad mortem, & dabo tibi coronam vitæ.* Et ibidem malum denuntiatur cuidam: *quod non invenirentur eius opera plena coram Deo,* quæ idè confirmare jubetur, ne moriantur. Similiter alibi Spiritus Sanctus denuntiat: *Vobis, qui amiserunt sustentiam.* Licet ergo Perseverantia seu continuatio boni, usq; ad vitæ finem non cadat in meritum, sed est purum Dei donum, ut dixi, tamen habemus in manibus media ac modos



quibus hanc continuationem boni obtineamus à Deo. Inter quos modos est Oratio ad Deum pro perseverantia dono. Cum enim homo etiam in Gratia ac amicitia Dei constitutus, imò etiam valde Sanctus & perfectus, & diu in amicitia Dei versatus: per hoc tamē non desinat esse infirmus & labilis pronusq; ad lapsus & instabilis, sed de eo potest dici *Omnis homo mendax*: id est mutabilis & incōstans: item *Homo nunquam in eodem statu permanet*. proinde posita in homine, quantumlibet magna habituali gratia & amicitia Dei, indiget adhuc homo auxilijs actualium gratiarum, illuminationum, permotionum, aliorumq; similium per quas à Deo homo vel præservedetur à tentationibus peccandi; occasionibus, vel dirigatur in tentationibus occasionibusq; labendi, vel illuminetur in ignorantijs dubijs, erroneisq; vel corroboretur in fatigatione & labore, & molestijs & diuturnitate tam operandi, quam resistendi, vel oblectetur in amaritudinibus & tristitijs ac tædijs tam internis quam externis, tam in mente quam in carne affligentibus ut eas libèter propter amorem Dei suamq; salutem supportet &c, vel etiam exclusis his omnibus hominem ad lapsum impellentibus, tamen ipsum hominis quantumvis sanctissimi liberum arbitrium, ex sese vertibile, de bono in malum, & peccare etiam absq; tentatione aptum, conservetur immobiliter in amore, complexu, prosecutioneq; boni atq; continuatione illius, usq; ad mortem. Quod totum non fit à gratia habituali huius vitæ: sed fit per specialia actualia auxilia Dei gratia. Quæ consistunt in pijs opportunisq; cogitationibus intellectus, affectibus voluntatis, tam inflammantibus quam delectantibus eam, opportunè à Deo &c, suggestis, datisq; in cuius potestate sunt corda nostra, & cogitationes nostræ & volitiones nostræ. Non enim sumus sufficientes cogitare aliquid (pium) ex nobis tanquam ex nobis, sed omnis sufficientia nostra ex Deo est. Ad has ergo actuales gratias, ad has pias cogitationes & affectiones, ad has directiones in tentationibus præsensibus, ad has præservationes ab absentibus nos disponimus Deo, varijs modis.

Ac 1. *Cognitione & confessione cordiali, insufficientiæ nostræ ad omne bonum, & opus supernaturale inchoandum & volen-*

dum consequenter, & ad continuandum perseverandumq; in eo.

2. *Cognitione & confessione Indigentiae, Gratiae Dei auxiliantis, ejusq; exaltatione, & omnium in eam resolutione.*

3. *Emendatione, & postulatione ejusdē Gratiae auxiliantis à Deo, ad omnia & singula, maxima & minima, prima & ultima bona salutis nostræ servientia, tam inchoanda, quam agenda, quam etiam in finem deducenda, continuandaq; quod est orare ut perseveres in bono.*

4. *Cooperatione voluntaria & libera cum gratijs Dei, quæ cooperatio sit per agnitionem & susceptionem, executionemq; inspirationum bonarum à Deo quibuslibet occasionibus, locis, temporibus, juxta ejus placitum dari solitarum. Item per vitationē peccatorum, etiam venialium, etiam minorum, etiam imperfectionum. Item per frequentationem & susceptionem bonorum operum, præsertim unicuiq; ex vi status ipsius præscriptorum incumbentiumq; præsertim in operum pietatis, ut sunt Orationes, Meditationes, Lectiones Spirituales, usus Sacramentorum, Pœnitentiæ, Eucharistiæ, usus Reflexionum, Examinum, Recollectionumq; Consilia item & colloquia Spiritualium Patrum. Item per mortificationem carnis & sensuum, sed maxime passionum, voluntatis quoq; & iudicij. Item per usum Elevationum mentis ad Deum, Orationumq; ejaculatoriarum: &c.*

5. *Gratitudine, & gratiarum actione, pro beneficijs Dei eorumq; meditatione: ex qua nascatur fervor & promptitudo animi ad libenter serviendum Deo, faciendaq; opera bona, strenua, heroica, humiliantia & mortificantia hominem, potissimum in honore & amore proprio.*

6. *Timore Dei casto filiali, quo homo nihil negligat: non sit securus, non se exponat occasionibus, non negligenter agat, nō sibi fidat, sed potius satagat, ut per bona opera, certam & firmam vocationem, & electionem suam faciat. Hæc enim faciens non peccabit aliquando: sed abundanter ministrabitur illi introitus in Regnum æternum Domini Nostri & Salvatoris IESU Christi: uti loquitur imò promittit Apostolus Petrus, cujus hæc verba sunt.*

7. *Curâ cordis sui, præsertim ab Imaginationibus, & phantasjs, cogitationibus etiam*

etiam inu  
ab Evagari  
à garrulit  
collocation  
dulgentia c  
curiositate  
tionibus  
ne curarum  
magis verò  
inquisitione  
rum: quæ  
solent à De  
in eisq; dese  
nos servos,  
gilitatem n  
8. Confi  
nis & sancti  
omni parte  
nimarum  
ne. His ta  
is, modis, c  
let à Deo,  
bono: Eten  
petrat sibi,  
per ad aux  
necessitate  
perseveran  
per hæc qu  
impedit ill  
ruptelamq  
sua natura  
riam, &  
turque fa  
& gratum  
am gere  
ipsum, tu  
quod nequ  
tibus suam  
gerentibus  
Sicut enim  
obsequia,  
eorum aux  
fectus com  
parvi faci  
imò parvi  
& sicut ill  
peccatoru  
numq;,  
labique  
nit, & sic  
is parum  
ac melior  
rata gra vi  
deserunt



etiam inutilibus, & indifferentibus. Item ab Evagatione sensuum & libertate. Item à garrulitate & inutili conversatione atque colloquutione. Item à gulositate, & ab indulgentia carnis in cibo potu, somno, otio, curiositate. Item ab Inordinatà vita in actionibus ordinarijs. Item à multitudi-  
ne curarum & occupationum, etiam utiliū, magis verò superfluarum. Item à censuris inquisitione, discussioneq; alienorum morum: quā vel maximè homines pij, mereri solent à Deo abjici, & tentationibus objici in eisq; deferri, ut discant non judicare alienos servos, sed attendere sibi, & suam fragilitatem nosse, timere, experiri.

8 Constantia & fervore in operibus bonis & sanctis, studioq; excellentium, & ex omni parte perfectorum operum, cum minimarum etiam perfectionum obscuratio-  
ne. His talibus, similibusq; studiis, medijs, modis, conatibusq; obtineri debet, & solet à Deo, gratia perseverantiae finalis in bono: Etenim supradictis studijs homo im-  
petrat sibi, disponitq; se valde & ferè semper ad auxilia Divina actualia, in omni necessitate habenda à Deo, cum quibus perseverantia in bono advenit. Siquidem per hæc quantum, per hominem fieri potest, impedit ille in se illam mutabilitatem, cor-  
ruptelamq; tam carnalis, quàm spiritualis suæ naturæ: exhibetq; se Deo aptam materiam, & paratam tanquam artifici, effici-  
turque facilè mobilis tactui Spiritus Sancti, & gratum habet Deus peculiarem & assiduam gerere curam talis animæ, tum per se ipsum, tum per Angelos Sanctosque suos, quod nequaquam facit Deus cum negligenti-  
bus suam voluntatem, fraudulenterque se gerentibus in suo, id est, Divino obsequio. Sicut enim isti negligenter tractant Divina obsequia, ita etiam Deus negligens est, ad  
eorum auxilia, & sicut illi parvi faciunt defectus committere in cultu Dei, sic Deus parvi facit illorum obsequia & cultum, imò parvi facit illorum, ruinas & pericula, & sicut illi facilè se exponunt occasionibus  
peccatorum, imperfectionum, distractio-  
numq; ita Deus illos facilè in eis deserit, labi-  
que & in eis, & post eas in graviora si-  
nit, & sicut illi facilè de se multum, de alijs parum, præsumunt, illisque se præponunt, ac meliores judicant, eorumq; facta & er-  
rata graviter censurant: ita facilè à Deo deseruntur in sua superbia, efficiunturque

deteriores his, quos damnare, & infra se po-  
nere auli erant, talibusq; vijs occultis, sed  
justis à perseverantia in bono excidunt.

Ex dictis manifestum evadit, & quam  
necesse sit, ut se omnes Dei famuli, ac non  
tantum Tirones, sed etiam summè vetera-  
ni atq; perfectissimi (imò, si rectè dicta ex-  
pendantur, hi maximè) exerceant in perseve-  
rantia, propositoq; non deficiendi à bonis  
inchoatis, & quibus id modis tum præstare,  
tum à Deo postulare, tum ad obtinendum  
se idoneos coram Deo reddere possint. Ti-  
ro quidem Religiosus semper & desidera-  
bit, & proponet & à Deo supplex postulabit  
assiduò, assiduam constantem finalemq; in-  
statu Religioso, in perfecta vita, in gratia  
& amicitia Dei, in operibus Sanctis, perfe-  
ctisq; continuationem, per mansionem, ,  
perseverantiam. Inchoatum semel Dei ob-  
sequium, bonorumq; ac perfectorum ope-  
rum exercitium: semper continuabit, sem-  
per etiam augere curabit: & si non poterit  
perfectiora, saltem perfectius operari stude-  
bit. Fugiet peccata omnia omnino: im-  
perfectionesq; diligenter, tam minimas,  
quàm maximas. Nunquam, & nihil suis  
viribus confidet: sed intelliget se nihil per  
se posse; à Deo sibi non auxilium aliquod,  
sed abjectionem deberi propter suam vili-  
tatem & malitiam, tepiditatem &c, proin-  
de semper ne projiciatur à facie Domini ti-  
mebit, postulabitque. Ab ubere Nutricis  
omnium (ut eam sapiens vocat) gratia tã-  
quam infantulus lactens pendeat, sine eà  
nihil poterit, sine ejus auxilio nihil tenta-  
bit, eam semper invocabit: in ejus sinu, &  
curà tanquam infantulus apud Nutricem,  
Matremve conquiescet, illi omnia adscri-  
bet, pro omnibus gratias agat: illam exalta-  
bit se autem abiciet inq; nihilo suo, & a-  
byssus insufficientiæ suæ sepeliet. Fervebit  
semper in omnibus Dei obsequiis, & minu-  
tis etiam privatis, & nemine conscio factis,  
etiā in humanā opinione vilissimis. Hor-  
rebit & totis viribus fugiet præsumpti-  
onem de se, censurationem aliorum, secu-  
ritatem, inconstantiam, tepiditatem in Dei  
obsequio, si enim contempserit Deum contem-  
neretur & ipse, abijcietur scilicet in fœdas  
cupiditates suas. Nullam occasionem,  
prætermittet Deo placendi, in virtute profi-  
ciendi, gratiam & merita cumulandi, Deo  
se humiliandi, & veluti adulandi, omnes  
proximos sibi præferendi, se se contemnendi: ta-



di: talibus enim hostiis promeretur Deus: talibus inquam modis efficiet, ut Deus etiā nulla in occasione illi desit, sed eum ubiq; scuto veritatis suæ circumdet: & nec in vitā, nec in morte, nec in prosperis, nec in adversis eum à se separari sinat. Cavebit inconstantiam & mutabilitatem suam sibi innatam, ob idq; Deo adhærebit semper, ut cum æterno immutabiliq; Deo. ipse quoq; immutabilis efficiatur. Bona quæ inchoabit perficiet: Mala quæ impugnare incipiet, non desinet, neq; convertetur donec deficient, & subtus pedes ejus cadant. Proposita, & servabit in animo, & perficiet in opere, neq; imperfecta deseret, sed his cōsummatis, alia excelsiora cum se offerent aggredietur, & pari constantiā perficiet. Dabit operam, ut intelligat Dei placitum semper: utq; intellectum affectu, affectum effectū adæquet: fiatq; *servus sciens, & faciens voluntatem Domini sui*: Quidquid alicui optabit vel suadebit faciendum, prior ipse faciat, ut quod voce faciendum docet, opere ipso esse factibile demonstret. Fidelis sit Deo, & omnia illi refundat ad novissimum quadrantem bona: sibi verò mala omnia tanquam auctori & hæredi naturali adscribat. Patiendi materijs, & occasionibus, & desideriis, & actibus tanquam pane quotidiano vescatur: nec in hoc delectū faciat ullum, sed omnia de manu Dei venientia certā fide credat, indubitātā evidentiquē scientiā nōrit. Vanam gloriam, omnemq; humanam laudem, approbationē, amorem, favorem, tanquam mortua statua audiat & excipiat, & avolare à se sinat, Deo illam plenē remittendo, in se verò nec sensum, nec nōtitiā illius sentiendo, ferendoq; Defectus suos omnes quotidiana & citā, & severā castigatione puniet, emendatione corrigit, cautelā & timore, Divinæ severitatis vitabit, & non tantum pœnas temporales hujus vel alterius vitæ, sed multo magis pœnas Spirituales (quæ sunt Divinæ desertiones, auxiliq; specialis subtractiones, tentationum permissiones, &c.) culpis quotidianis promeritas, diligentia omni, contritioneq; cordis, & balneo Christi Sanguinis expiabit.

Deniquē (ut aliā quæ ex his colligi possunt omittam) ne unquam à perseverantiā excidat, assiduē timebit, & humillimis, ob-

stinatissimisq; tam ad Deum, quàm ad Christum Dominum, quàm ad Beatissimā Christi Matrem, quàm ad Sanctos omnes, præcibus assiduē fufis, à Deo impetrare studebit. Omnia enim alia nihil proderunt homini: si perseverantia conclusa non fuerint. Quemadmodum nihil prodest diu benè cucurrisse, ante metam autem, & finē viæ defecisse, nec pervenisse, quemadmodū nihil prodest mercatori, navi onusta integraquē, vel ad usq; ipsum portum navigasse: in portu verò naufragium fecisse: ita nihil prodest inijsse bonum vivēdi, & statum & modum, multa bona opera fecisse, multā gratiæ dona, meritaq; comparasse: si in fine omnia corumpas, non perseverando, sed in portu naufragando. Omnis, maxima, longissimāq; perfectio vitæ, sanctitasq; morum, & thesaurus gratiarum in nihilum redigitur: si tandem perseverantia destituitur. Finis, seu perseverantia, coronat omne opus; omnemq; vitam bonam. Qui perseveraverit in finem, hic salvus erit: clamat Veritas, ergo qui non perseveraverit in finem, salvus non erit: concludit ejusdē m. Veritatis æquitas. Itaq; quantum salutem, tantum & perseverantiam querere, curare: elaborare, emendicare oportet.

Finem facio & Exercitio & Mense, & Anno huic, exhortatione Sanctissimi Martyris Cypriani, ita dicentis: *Hortamur vos per Communem fidem: per Pastoris nostri veram circa vos & simplicem charitatem: & gloriam vestram, (Vocationem, scilicet vitamq; sanctam in Religione) forti & perseverantii virtute teneatis. Adhuc in sæculo sumus, adhuc in acie constituti de vitā nostrā quotidie dimicamus, danda opera est, ut post hæc initia ad incrementa quoq; veniatur, & consummetur in vobis, quod iam rudimentis felicibus esse cœpistis. Parum est, adipisci aliquid potuisse: plus est, quod adeptum est, posse servare, sicut & Fides ipsa, & natiuitas (in Baptismo) salutaris, non accepta, sed custodita vivificat. Nec statim consecutio, sed consummatio hominem Deo servat. Dominus, hoc Magisterio docuit dicens: Ecce sanus factus es, jam noli peccare, nequid tibi deterius fiat. Salomon deniq; & Saul, & ceteri multi, quamdiu in viis Domini ambulaverunt datam sibi gratiam tenere poterunt: recedente ab his disciplina Dominicā, recessit & gratia.*

CON-



# CONCLUSIO

**E**Xercitijs primi Anni Novitiatus, quibus Tirones non inutiliter vacare videntur posse, si cum Divina gratia operari voluerint, hic jam finis est impositus: essetq; jam ad secundum Annum probationis juxta morem Societatis nostrae, gradus faciendus, sed ab hoc labore modò supersedemus, ob rationes fortasse alio loco afferendas. Nunc anno huic coronidis loco attexere placet pauca quaedam mentis & spiritus Exercitia, quae servire possint Meditationi, & consequenter inflammationi cordis, sive alioqui bene calentis, sive etiam forsitan ex usu quotidiana vita, conditioneq; natura nonnihil tepentis, sive etiam Deo liberius plenius per otium non sine varietate, nec sine utilitate, ac jucunditate inherere fruiq; volentis.

Quae Exercitia, etsi provecioribus videri poterunt non necessaria, utpote habentibus exercitatos intellectus, & jam Tironum metas transgressis: attamen Tiocinium adhuc decurrentibus, tam non inutilis erit eorum propositio, quam non obvia, nec facilis Marte proprio inventio, quam etiam fructuosa non absurdè fore creditur exercitatio.

## EXERCITIUM I.

**S**Tatue, imò projice te corde & animâ, (nam sapè corpore non licebit) ad pedes Eminentissimæ Dei Majestatis: & illic omnia tua peccata, omnes miseriae, pericula, necessitates naturales, personales, spirituales corporales, temporales & Officiales, infirmitates quoq; ac dubia, erroresq; ac ignorantias cōfiteri, expone, ostēde: dolēs & erubescens de illis tanquam displicētib; Dei Majestati, eamq; offendentibus. Ac totâ substantia tua corporis & animæ universalem planctum fac, deprecans Dei immensam præsentiam, dignitatem, bonitatem, charitatem, quam offendisti, justitiâ, quam provocasti, Misericordiam quam repulisti, voluntatem, quam contempsisti, &c. Ac veniam polce tanquam David, tanquam Magdalena, tanquam Petrus, tanquam Lathro in cruce, &c. Emendationemq; propone: incipe, perseveranter perfice.

## EXERCITIUM II.

**A**ssume Vitam IESU Christi: vitâq; tuam, & ob oculos tuos ponens, utriusq; comparationem institue: & videns evidenter quàm infinitè tua curvitas distet ab ejus rectitudine atq; sanctitate: imple faciem tuam ignominia, reple animam dolore: & constitue deinceps abhinc in omnibus operibus vitæ tuæ, ad vitæ IESU Christi rectissimum Exemplar te conformare,

## EXERCITIUM III.

**P**assione Domini tui, Salvatorisq; IESU Christi, (vel totaliter sumptâ, vel partialiter) tanquam penetrabili & ancipiti gladio vulnera cor tuum, & sub Cruce pendētis Dei tui pro te, imò & à te: sta, lachrymis, & dolore plenus: dolens de tantâ acerbitate dolorum & mortis ejus, admirans adeo effusam bonitatem, charitatem, liberalitatem



litem, redemptionem, patientiam, mansuetudinem, humilitatem, obedientiam, constantiam ejus, innumerasq; alias, & superheroicas virtutum actiones: atq; offerre illi ad patiendum cum ipso, & pro ipso, omnes passiones, contēptus, miseriaq;: ad imitandum quoq; omnes virtutes ejus, &c.

### EXERCITIUM IV.

**C**oram IESU flagellato, illuso, damnato, crucifixo, passio, mortuo, te ipsum statue: tanquam auctorem & reum omnium injuriarum, & cruciatuum, & mortis, vulnrumq; illius. Statue te Christo, Iudam proditorem, lictorem ligantem, Petrum abnegantem, Caipham adjuvantem, militem colaphizantem, Iudam calumniantem, Herodem illudentem, Pilatum morti adjudicantem, carnificem flagellantem, spinis coronantem, Cruce onerantem, felle, acetiq; potantem, Crucifigentem, Sanguine Christi madentem. Statue te Christo, ut latronem, qui Christum spoliatum, nudatum, plagis impositis oneratum, non semivivum, sed plane enecatū, reliqueris. Statue te tanquam feram pessimam, quæ devoraveris Filium Dei, & Virginis. Statue ut leonem, ursum, canem, lupum rabidum, rapacemq;: qui Agnum Dei laniaveris, teq; ejus sanguine & visceribus faginaveris.

Tradere ultro ipsi ad omnia vindictarū genera de te sumenda: neq; pete misericordiam, quā indignus es, sed petes justam ultionē de te sumi, vel in ipsis inferni pœnis. Modò tamen gratiam suam tibi restituat, & ne peccata tua, peccatis, & irā suā plectat.

### EXERCITIUM V.

**C**ongrega in unam, vel potius per Classes distribue, omnia innumera & maxima bona beneficiaq; à Deo in te sive communiter cum omnibus creaturis, sive simul cum pluribus, sive sepe separatim, ac peculiariter, tibi collatis, sive ea sint naturæ, sive gratiæ, sive gloriæ: sive præterita, sive præsentia, sive futura, sive in collatione bonorum, sive in subtractione, condonatione, præservatione malorum posita: sive per se, sive per Angelos, sive per homines, sive per quamcunq; creaturam, facta sint. Æstima illa quāmaximi.

Prædica illa, & authorem illorū, age gra-

tias pro illis: indignum per omnia te iudica, & fateri illis; excita te ad amorem & æstimationem, & laudem, & observantiam Authoris, & fontis illorum: Totam substantiam, tuam internam externamq; effunde in gratiarum actionem, & laudem pro illis. Confitere abusum illorum, desile, veniamq; supplex postula; gratiamq; illa conservandi, augendi, bene & in gloriam largitoris, & utilitatem proximi, & tuam, & omnis creaturæ efflagita.

### EXERCITIUM VI.

**I**nflamatus & ignescens charitate Dei quā incensissima: illum in omni creatura, minima, & maxima, in omni loco su, premo & infimo vestiga, quære, odora, agnosce, apprehende, honora, lauda, admire, gusta, amplectere, vestigijs ejus advolvere, charitate illius, amplius & amplius ignescere, inflammariq;, conare, satage. instarq; maximi cujusdam ardentis clibani, instar Seraphini, quem in ardentissimum sui amorem condidit Deus, septem, totus in ignem, in flammam, in ardorem, charitatis convertere: hancq; scintillam dilectionis tuæ in Deum, Oceano charitatis illius, quæ Deus ipse est, immitte, immisce & inibi perde.

### EXERCITIUM VII.

**R**ecogita & expende diligenter in Deo, immensam ejus dignitatem, maiestatem, perfectionem, pulchritudinem, potestatem, & dominij tam super te, quā super omne creaturam, plenitudinem & absolutionem. Sapientiam inscrutabilem, bonitatem, profusionemq; inexhaustam &c.

Atq; in his Dei immensis bonis demerge tuam animam, rationem, mentem, voluntatem, memoriam, libertatem, sensus, affectiones, partes, vires, actiones, totam denique substantiam, illamq; ad infimam, ad profundissimam, ad abyssalem reverentiā, ad ignitissimam dilectionem, ad altissimā exaltationem, ad plenissimam subjectionē, excita, assuefac, & exerce, imò totam in ea occupa, infunde deperde.

Neq; solum hoc, cum tuā fac substantia propria: sed etiam totius mundi omniumq; ac singularum creaturarum entitates, partes, vires, operationes consimili ratione in Dei bonis immensis absolve, expende, ex-

hauri

hauri: totis  
& essentijs  
scendo, fru  
do, exaltand  
cupiscendo,

EXER

Expede in

libilem

orum Dei f

per alias cre

Pretiosissima

Mariam, sup

humanitatem

Penetra &

Spiritualem

quā potes

simē sub om

terribilis est

hominum, si

ram.

EXER

Transfer

lorum c

ad Domum

statum und

sidera. Fac

& mundum

na illius pl

ruptionis,

lorum, la

rum.

Tadeat

mā tuam

dissolvi, &

mucido, pu

Christo, &

Sanctis ejus

lansiterat s

& corporis

EXE

Exd. B.

Sancti

gloriam

te, nostri

auatis ad

etibus in

tis, quoti

mus, pulla

taq; unicu



hauri: totis omnium creaturarum viribus, & essentiis Deum, ejusq; perfectiones agnoscendo, stupefciendo, admirando, pererrando, exaltando, dilaudando, diligendo, concupiscendo, degustando.

## EXERCITIUM VIII

**E**xpède inscrutabilem & incomprehensibilem abyssum Iudiciorum & Decretorum Dei super te, super homines, super alias creaturas super Angelos, super Pretiosissimam Dei Parentem, Virginem Mariam, super dignissimam ipsius Christi humanitatem.

Penetra & cōfige cor tuum casto, filiali, Spirituali timore; atq; te humilia & deijce quā potes abyssalissimē, nec non sincerissimē sub omnipotentī manu Dei: quoniam terribilis est in Consilijs suis super filios hominum, superq; omnem omnino creaturam.

## EXERCITIUM IX.

**T**ransfer te mente in cœlum, & transi in locum tabernaculi admirabilis, usq; ad Domum Dei: Regniq; ac Regionis illius statum undequaq; felicem & beatum considera. Fac tibi exosam vitam & præsentē, & mundum hunc immundum. Despice bona illius plena vanitatis, mutationis, corruptionis, sordium, deceptionum, periculorum, laqueorum, tentationum, peccatorum.

Tædeat te incolatus hujus: tædeat animam tuam vitæ præsentis. Concupiscat dissolvi, & emigrare ex hoc luteo, viscoso, mucido, putridoq; habitaculo, & esse cum Christo, & cum Deo in Unitate Trino, cū Sanctis ejus in æternum: aspirans & anhelans iterat s & repetitis vicibus, toto cordis & corporis conatu, &c.

## EXERCITIUM X.

**E**x D. Bernardo Penetrandi sunt cœli Sancti, vivi, rationales, qui enarrant gloriam Dei, qui favorabili quadam pietate, nostris se votis libenter inclinant, ut sinuatis ad tactum nostræ devotionis, affectibus in sua nos recipiant viscera charitatis, quoties digna ad eos intentione pulsamus, pulsanti enim aperietur. Licebit itaq; unicuiq; nostrum, hoc tempore nostræ

mortalitatis, cavare sibi quacunq; parte volet cavernas supernæ maceræ: nunc quidē Patriarchas revivere, nunc verō salutare Prophetas, nunc Senatui immisceri Apostolorum, nunc Martyrum admirari triumphos, eorum coronas suspicere purpureis rutilantes floribus. Nunc Virginum inferi choris, & redolentes lilijs cætus admirari, atq; ad mellissimum novi cantici sonum quantum prævalet infirmitas cordis erigere auditum. Stupere etiam pulcherrimos ordines Angelorum, & Beatarum mentium, status & mansiones, à minimo Angelo, usq; ad Cherubim & Seraphim tota mentis alacritate percurrendo lustrare, prout suaquæque devotio feret.

Post hæc verō humiliter prosternere cor ante thronum Dei & Agni. Delectatur quippè istiusmodi cavernis Deus: è quibus sibi vox resonat gratiarum actionis, vox admirationis, ac laudis, vox gemituum, & petitionis. Felix mens, quæ sibi in hac materia, frequenter cavare studuit. Sic quippe peregrina anima, & exulans, sacris meditationibus, tanquam cælestibus pascitur bonis: Dei beneplacitum & mysteria voluntatis ejus inquirat & agnoscit, penetrat etiam devotione cœlos, ut dicere possit. Hæc requies mea, hic habitabo, quoniam elegi eam.

## EXERCITIUM XI.

**C**onsidera viscera Dei bonitatis, misericordie & charitatis: tam tibi, quā omnibus alijs, quæ amatoribus, quæ peccatoribus: semper patentia ac parata. Exhibera hoc spectaculo cor tuum, totamq; essentiam tuam: ac eam lætitia, dilectione, admiratione, gratiarum actione, jubilatione, desiderio Dei liquefac: & in Deum infunde, in eoq; totaliter sepeli, & æternaliter perde.

## EXERCITIUM XII.

**C**ollige in cumulum omnes necessitates, indigentias, misérias, errores, cæcitates, pericula, molestias, gravamina, angustiasq; tuas, sive ad animam, sive ad corpus, sive ad personam, sive ad statum, sive ad officium tuum pertinentes: & eas sigillatim coram oculis Divinæ Majestatis, tanquam coram Patre, Tutore, Patrono, Domino, Benefactor,



ctore, Medico beneficentissimo, simul & Sapientissimo, potentissimoq; propone, & expone: ab omnibus, singulisq; subsidium, defensionem, consilium, benedictionem, directionem posce. Cum humillima, sed simul robustissima fiducia & spe, in bonitate, & providentia Dei, juxta suavissimum gustum, sanctissimæ voluntatis ejus.

### EXERCITIUM XIII

**A**D supradictum modum collige in unū, & ante oculos Dei, congrega omnes necessitates, angustias, pericula, difficultates, conatus, miseras, alienas: puta, Totius creaturæ ac mundi, totius generis humani, totius Ecclesiæ Dei, totius Christianitatis, totius Regni, totius Religionis seu Societatis, totius Provinciæ, Domus, Domesticorum, Externorū, superiorum, subditorū, Benefactorum amicorumq; inimicorū, malefactorum tuorum privatorum, vel communium, sanguine, & Spiritu conjunctorum, Iustorum, Peccatorum, incipientium Deo servire, Proficientium, perfectorum, Tuæ curæ commissorum vel Orationibus tuis commendatorum, animarum purgatorij: & omnium pro quibus te orare Deus vult.

Horum omnium necessitates &c. Deo commenda, præsentia, auxilium, misericordiam, benevolentiam posce, cum omni instantia, fiducia, humilitate, resignatione, in Dei voluntatem & gloriam, proximorūque bonum.

### EXERCITIUM XIV

**R**ecognosce & considera Deum esse originem rerum omnium: & quod ab illo tanquam à mari omnia promanent. Qui tamen non habet debitam & condignam à suis Creaturis gloriam, subjectionem, gratiarum actionem, dilectionem: partim, quia creaturæ sunt irrationales, partim quia malitiosæ & ingratae: magisq; creaturæ alteri, quam Creatori Deo inhærentes.

Tu ergo hæc videns, zelō zelabis pro Domino Deo tuo: & hanc injuriam honoris, gloriæ gratitudinis, dilectionisq; Divinæ pro tuo modulo totis viribus tuis, atq; toto te compensare studebis, atq; compensabis, agnoscendo, prædicando, laudando, gratias agendo, honorando, exaltando, a-

mando, obedientiam & subjectionem, exhibendo, nomine tam tuo, quam omnis creaturæ irrationalis, & ingratae.

### EXERCITIUM XV.

**E**Xpēde innumerabiles numero & specie miseras tuas, tam ex parte corporis, quam ex parte animæ, in quas tu ex innata nihilitate, vilitateq; tua propendes ac tendis: immani & invincibili totius non tam naturæ, quam nihili, non entitatisque tuæ pondere, ac impetu, in ruinam, præcipiū, corruptionem, peccatum, exiliumq; continuo te trahente ac præcipitante. Altera ex parte attende Deum te à ruina & exitio, & nihilo tuo sine ulla interruptione, cessationeq; retinentem, extrahentem, conservantemque ex infinita, invincibili, infatigabiliq; suā super te, quantumlibet vilem, miserum, ingrātū, indignumq; miseratione. Non secus (imò infinities incomparabiliterq; amplius) quam mater infantuli lactētisq; sui omnes morositates, infirmitates, defectuositatesq; supportat & supplet infatigabili amore, & affectu.

Agnosce & cōfitere hanc Dei tui circa te ineffabilem infatigabilemque curam, nutricantemq; manum. Et incensus amore, ad deū viscerosæ, semperq; tibi paratæ & profusæ charitatis Divinæ: projice te in hæc viscera bonitatis, liberalitatis, miserationis, providentiæ, charitatisq; in eorumq; ignitis abyssis te sepeli, atq; combure: & in Deo ejusq; amore. te per tuum, illiusq; mutuum amorem annihila. Hoc ipsum poteris facere, cum omni & pro omni prorsus creatura.

### EXERCITIUM XVI.

**C**onstituē, vel te, in conspectu Fratrum domesticorumq; tuorum, vel certe illos in conspectu tuo: atq; te cum, omnibus coramq; omnibus, & maxime coram Deo cōferens in omnibus & singulis agnosce, in quo ab eis supereris. Intuere unum singularis abstinentiæ, alium admirandæ patientiæ, alium autem summæ humilitatis, aliū lenissimæ mansuetudinis, alium viscerosæ misericordiæ, alium obsequentis pietatis, istum in contemplatione frequenter excedere Deo, hunc pulsare cælos orationum, instantiā: illum ditissimæ paupertatis, hunc candi-



*inflammationi cordis servientia*

10.

candidissimorum morum, & simplicitatis fallere nescit, istum obedientia robustissimam, illum in labore infatigabilem, hunc zelo salutis alienam aestuantem; istum zelo honoris Dei tabescere, hunc obstinati ad proficiendum magis ac magis in virtute studiis; istum penitentia operibus, hunc passionum mortificationi, hunc affabilitati, & dilectioni fraternae, hunc observantiae regularum, alium rigidae disciplinae, alium tenericudini conscientiae, alium stricto silentio, alium vigilijs, alium spiritali lectioni, alium cultui Beatissimae Matris Dei, hunc Sanctorum honori, hunc auxilio animabus purgatorii ferendo, illum misericordiae in egenos exercitio, istum paci & unioni animorum conservandae, alium observationi Superiorum, alium venerationi omnium, alium compunctioni cordis, alium memoriae praesentis Dei, alium Sui ipsius contemptui, odio, persecutioni, & oblivioni, alium denique aliorum bonorum studio, exercitioque deditum, & caelestibus charismatibus praeditum.

Amplere, agnoscere, venerare, mirare, laudare, amare, haec omnia, in omnibus. Deumque fontem & datorem exalta ex omnibus, & age gratias pro omnibus. Te ipsum subijce, & humilia omnibus. Imitari propone, ut satage omnes: Omnia haec bona esse in te, crescere, perseverareque, tam in te, quam in omnibus, postula a Deo humilibus, & assiduis precibus. *Hec cogitatio tollit extollentiam oculorum, conciliat gratiam, sponsi saltibus preparat, in humilitate conservat, mode-*

stiam docet, amorem, charitatemque mutuum accendit, fervorem spiritus exsuscitat. *Vide Bern: serm: 54. in Cant.*

**EXERCITIUM**  
**XVII.**

**E**gressus ex hoc terrestri domicilio, corpore scilicet tuo, construe animo & mente caeleste quoddam palatium, pluribus mansionibus distinctum. In una aliqua mansione collocabis S. Patrem Nostrium I. GNATIUM, in alia S. Franciscum X. AVERIUM, in alia aliaque, alium aliumque Sanctum, quem aut Ecclesia in praesenti colit, aut tu peculiari studio honorare disponis, vel soles. Eminentiore loco statues Pretiosissimam Parentem: Eminentissimam mansionem dabis Sacratissimae Theandricaeque IESU Christi Domini Nostri humanitati Sanctissimam Trinitatem nullam manifestatione circumscriptibilem in immensitate sua collocabis.

Post haec per Sanctorum mansiones incens: cuique suas preces & supplicationes offeres: honores & venerationes, aliosque affectus exhibebis, expones necessitates tuas, animi, angustias, tentationum laqueos, virtutum studia, caelestium donorum appetitum, fideliter enarrabis. Et sic tandem eos apud Deum, pro te Oratores adhibebis, donec Divina tibi munera impetraverit. *Vide tom: 1. Ann: Capu. 1575. folium 784.*



NO.



# NOVELLVS RELIGIOSVS S E U DE VITA NOVELLORUM RELIGIOSORUM

Postquam emissis Votis,  
*Ad Collegia veniunt.*

## PRÆFATIO



*Omnibus Religionibus hoc curæ est: ut Novi Religionis Filij etiam post Professionem, votaq; facta non continuo cæteris omnibus permisceantur: sed tantisper aliquot per menses aut annos separati à Veteranis Religiosis vivant: sicq; sensim in virtute, in spiritu, & disciplinâ maturescant. Gravissimas justissimasq; habent rationes ejus separationis Ordines Religiosi, quas hic recensere non est locus. Et maxime rationis locò id esse omnibus debet: Ita majoribus fieri placuisse: atq; tanquam rem summè quæ Religionis Universæ, quæ Religiosis ipsis Novellis utilem necessariamq; seriò & accuratè servandam præcepisse. Quia verò in nostra Societate moris est, ut Tirones Votis factis ad Collegia dimittantur: ubi in alijs longè occupationibus, cum alijs personis: in locis aliter dispositis, in temporibus etiam magna parte aliter ordinatis vivendum illis est: sit ut hac mutatione atq; Novitate perstricti nonnunquam aliquantisper velut in caligine quadam ab initio versentur: in eademq; caligine etiam quandoq; impingant, nullis ac ne ipsis etiam qui impegerunt advertentibus, nisi admodum serò, cum scilicet cæspitatio incurrit, plurimum oculos: eam ob rem futurum credo operæ pretium: si contra hanc mutationis novitatem, atq; ex ea solitam obduci caliginem, labendiq; occasionem: aliqua facula Novellis Religiosis præferatur: quâ præeunte collustrati, non possint esse adeò faciles, ad cæspitandum labendumque.*

CAPUT



# C A P V T I.

## De Generalibus documentis vitæ Religio- sæ in Collegijs post Tirocinium agenda.



**I**n primis sciendum est, Duplex esse Tirocinium. Aliud ad Vota & Professionem; aliud ad Virtutum perfectionem. Prius Tirocinium perficitur, definiturque annis vel duobus, pro more cujusque Religionis; quo elapso tempore, vota fiunt, & finis Tirocinij venit. Posterius vero Tirocinium, a fine prioris, maxime inchoatur, & omnibus annis sequentibus, quibus Religiosus in ordine vivit, trahitur, donec ad perfectionem, statui suo competentem & ad perfectas virtutes perveniat. Ideo etiam post Novitiatum Vota emittuntur, ut quodammodo jaciatur fundamentum secundi Tirocinij, certiorque reddatur, & Deus, & Religio, & homo ipse Religiosus, quod sit deinceps futurus sectator perfectionis, quam status exigat, qui constituitur votis. Hoc ergo tu Tirocinium factis votis ingressus & aggressus es: hoc per sequentes annos peracturus es, hoc finire in tua potestate in tantum est, in quantum ad perfectionem pervenire, in tua cum Dei auxilio positum est cura & libertate; in tantum vero extra facultatem tuam est, in quantum sine adeptione perfectæ, solidæ consummatæque virtutis, Tirocinium hoc terminari non potest, hoc enim ipso durare Tirocinium teque Novitium esse, necesse est, quod te per ignavia lentitudinemque tuam ad perfectionem non pervenire continget. Hujus ergo Tirocinij finis, est consecutio perfectionis; quæ tunc erit, quando itatum, recte, disciplinate, perfecteque vivendi, ita tibi familiarem reddideris, ut

tibi sic vivere, non violentia sit, sed natural non labor, sed oblectatio, non conatus, sed vita.

**A** Sciendum præterea Novello Religioso duplicem mutationem subeundam esse, unam Tirocinij sui initio, alteram in fine ejusdem. Mutatio subeunda initio conversionis ad Deum, initioque ingressus ad Religiosum Tirocinium, in eo posita est quod ingrediens debeat mutare mores, etsi quandoque non morum obiecta; quamquam & horum pleraque mutanda illi sunt, si qui tamen non sint, in quibus nihilominus tractandis mores & modi mutandi sunt, longè enim alios mores assumere, discereque debet in Religione ab eis quos habuit in sæculo, ab hocque Principaliter anni Tirociniorum in Religionibus instituti sunt, ut quando ad illas ex sæculo veniunt, per illos dies, mores sæculi dediscant & deponant, mores vero Religiosos secularibus prorsus oppositos addiscant & assumant: adeo ut, etsi contingat, quandoque Tironi id agere in clauastro, quod agebat in sæculo, aliter tamen omnino agat in clauastro, quam actabat in sæculo. Iam vero mutatio subeunda Tironi in fine Tirocinij sui, in eo posita est, quod finiens Tirocinium, atque etiam ex eo egrediens, obiecta quidem & occupationes ac munia officiaque vivendi mutet, mores tamen in obiectis & occupationibus & officiis, nunquam omnino (nisi forte de bono in melius, de imperfecto in perfectius) mutet, sed quos in Tirocinio didicit, hos tota sequenti vita sua, in omni loco tempore officioque servet, ad hoc enim eos mores in Tirocinio didicit assumpsitque, ut per omnem Religiosam sequentem vitam iisdem moribus



bus legibꝫ; vivat, alioqui ſi cum poſito Tirocinio etiam mores Tirocinij deponendi eſſent, magna certè ea, tum Dei, tum Religionis, tum ipſius Religioſi deceptio foret; ſed nequaquam deponendi ſunt, verùm ut dixi, totà deinceps vitâ ſervandi, immò augendi & perficiendi.

Itaq; quomodo didiciſti in Tirocinio orandum, meditandum, de Spiritualibus rebus lætandum, colloquendum, de ſtatu animæ tuæ cum Patre Spirituali agendum, Sacramenta Pœnitentiæ & Eucharistiæ uſurpanda, cōſcientiam Examine generali particulariꝫ; examinandâ, intèntiones puras, retinèdas, renovandasq; ſæpius in diem, Regulas etiam minimas obſervandas, caritatem fraternam, obedientiam punctualem, mortificationis internæ & externæ ſtadium, ad omnia indifferentiam, humilitatis exercitia, cæteraq; huiusmodi ſtudia practicanda eſſe, ita prorsus in omni vita ſequenti per omnia officia, muniaq; Religioſa pergenti ad ultimum vitæ terminum obſervanda, nec unquam negligenda, aut perfunctoriè, ſed cum omni diligentia perfectioneq; majori peragèda erunt. Atq; hoc erit poſt Tirocinium peractum mutare quidem forſitan objecta, ſed non mores, mutare actiones, ſed non agendi modos, mutare officia, & vivendi circumſtantias, ſed non vitâ, ſed non ſemetipſum, niſi forte ut dixi ſemper in melius atq; perfectius. Hæc igitur ſecundi generis mutatio tibi ad Collegium venienti & Tirocinium mutanti ſubeunda erit deinceps non alia. Ages non pauca in Collegio quæ in Tirocinio non egisti, attamen non debebis, nec debes aliter quàm in Tirocinio agere didiciſti. Hoc ſi tenueris prudenter, atq; conſtanter non mutabit in te Collegium virtutem, ſed augebit atq; confirmabit, & licet in dies ſemper antiquior ſies, magiſq; veteraſces, quo ad tempora & officia, atq; munia, ſemper nihilominus ſervendi, & agendi, vivendi, morumq; ratione corâ Deo, tuaq; cōſcientia integer Novitiuſ, hoc eſt integri & integritate roborati, ætati quæ ſpiritus Religioſus, quò unò ne vix quidquam rariuſ, vix quidquam feliciter eſt in Religioſis hominibus.

Sciendum inſuper in quo cōſiſtat hæc immutabilitas conſtantiæ, morum, in Tirocinio hauſtorum, quantumlibet objecta & occupationes mutari contingat. Conſiſtit autem in duobus. Primò quidem in obſer-

vatione. Secundò in applicatione, quod ut melius cognoſcas, adverte: Tirocinij occupationes duplices eſſe: quædam enim purè ſimpliciterq; ſpirituales ſunt, quædam non ſunt naturâ ſua, ſed tantum modò agendi ſpirituales. Ita orare, meditari, examen facere, humiliari, mortificationes internas externaſq; ſubire, Sacramenta uſurpare, virtutum actiones exercere, Intentioni, Devotioni, Præſentiæ Dei, charitati fraternæ aſſueſcere, ſine facultate nihil præſumere, ſilentium ſervare, &c. hæc ſimiliaq; ſunt actiones merè ſpirituales naturâ ſua. At verò occupationes externæ officiaq; publica in Refectorio, culina, aut alibi miniſtrandi, exercitia, item manualia, hæc non ſunt naturâ ſua ſpirituales, ſed ex modo tantum agendi, quem illis applicare oportet ſpiritualem: eaq; applicatio in Novitiatu diſcenda, & ex Novitiatu etiam efferenda, atq; poſt Novitiatum conſervanda eſt. Prioris generis occupationes, Tiro, ex toto ſecum ad Collegium deferre, eoq; modo, ſitu, tenoreq; quo in Novitiatu didicit ſervare in Collegio debet. Ita enim ſtudia & occupationes Religioſo ſubſtantialia ſunt, nec abſq; illis ſtatus ejus ſtare durareq; poteſt. Poſterioris generis occupationes, non ex toto in Collegijs locum habent, eſſi etiam aliquem habent, ſed mutantur ſerme in ſtudia literarum, non negligendo tamen exercitiorum illorum ſubinde uſum, prout obediètia, & ordo domeſticæ diſciplinæ aſſignaverit certos dies, certa; tēpora his obeūdis.

Hærum igitur poſteriorum actionum, peragendi modum, (eſto non ipſas actiones) Tiro transferet ſecum ad Collegium, officiisq; & occupationibus ſibi aſſignandis, vel aſſignatis applicabit, ut eas, cum ea perfectione devotionis, diſciplinæq; obeat, cū qua in Tirocinio obibat v. g. quæ perfectione ſpirituales libros lætabat in Tirocinio, eadem leget alios ſtudiis ſuis opportunos ac lectionibus neceſſarios: quæ perfectione Religioſæ diſciplinæ vacavit, ſibi ſuoquæ ſpiritu in Novitiatu, eadem perfectione vacabit ſibi ſuoq; in literis ac ſpiritu proſectui aut aliorum ſaluti doctrinæ in Collegio, eandem ſervabit Intentionis puritatem, Reſignationem in placitum Dei, Indifferentiam, patientiam, ſilentij curam, &c. quæ ſimplicitate ſe ſuaq; Deo ut curæ Dei Superiorumq; concredere in Tirocinio, eadem in Collegio: quæ reſignatione,



ac mansuetudine in Tirocinio expectabat, acceptabatque officia, singulas vel alternas in hebdomadas eadem subibat expectabitque singulos in annos, immo in singulos dies in Collegio: quâ curâ excubabat in minimas mortificandi, abnegandi, humiliandi quæ sui, charitatis verò aut obedientiæ exercendæ occasiones in Tirocinio, eadem excubabit in Collegio: quas consuetudines pias in certis locis, temporibus actionibusque habebat in Tirocinio, easdem in similibus, & aliis servabit in Collegio, & quidẽ ex designatione, & quidem etiam minimas, nisi mutet in meliores.

Hac & simili ratione vivere in Collegio est, mores non mutare, sed eos ad obiecta & occasiones, officiaque per obedientiam mutata applicare. Hac simili quæ ratione in Collegio vivere desideras, statue, & ab ipso ingressu incipe, auxilium Divinum implora. Sic enim faciens, non tantum non perdes, quidquam de fervore, primitusque spiritus in Novitiatu hausti, sed etiam multo cum sanore eum in te augebis ac stabiles, cum plurima cordis tui, & aliorum tecum conviventium consolatione atque ædificatione.

## C A P V T II.

De Natura Novi Religiosi, qualis ut plurimum ad alia Domicilia & officia Religiosa prodeat.



Considera naturam Novi Religiosi, tuam scilicet, cum qua ex Tirocinio ad Collegium prodeas, prodierisve. Etsi enim non omnes eodem modo dispositi affecti, perfecti, in bonis moribus solidati, & habituati prodeant, sicut non eadem etiam omnes fervoris mensura Tirocinij tempus transigant, nec easdem omnes luctas in se debellandas habeant, tamen quales ut plurimum plus minus prodeant, qualisque & te probabiliter, humiliterque de te sentiendo prodeas, utiliter considerare potes, quod quidem ex sequentibus imaginibus speculisque discas.

Prima igitur sit Imago ab Agro vel horto desumpta. Ager quantumlibet cultus sit, & à rudibus noxiisque herbis purgatus, ac bonis seminibus confusus, ille tamen suapte natura partim, partim ex radicibus profundè hærentium fibris reliquisque, noxias herbas & frutices pullulare non desinit, & usque adeo simul cum bonis herbis eas fundit, ut nisi adsit agricolæ industria, bonas segetes malis supprimat ac suffocet. Talis est prorsus novellus Religiosus, qui per tẽ-

pus Tirocinij sui, esto sua Magistrorumque spiritus industria, ac Divina gratia optimè cultus, à vitijs, ab actibus, à passionibus malis inordinatisque purgatus, confusus etiam bonis optimisque doctrinis & actionibus, & affectibus, & Regulis, tamen nisi adfuerit propria & spiritualis Magistri, etiam post Novitiatum cura & diligentia, & putata repullulabunt, & putata recrescent, & excisa renascentur; pravi que mores ad tempus domiti, recisi, repressique reviviscent, naturaque ad sua jura, ad sui scilicet quasitionem redibit, & cum bono semine excrescent simul spinæ, suffocabuntque nisi caveris, ac bonum semen & spem agriculturalium operaque eludent. Hec expende diligenter, & altè animo demitte, tibi, ac tuæ in Tirocinio acquisitæ perfectioni mortificationi que ne fide, sed sta in timore, & scito quia velis, nolis in medio tui habitat lebusæus, & igniculus perversitatis adhuc vivit, & natura adhuc in te tota integraque in sua vivacitate est, cui si quid induleris, si quid de conatu remiseris, si adductas hætenus mortificatione laxaveris habenas, insolescere & recalcitrare, sessoremque excutere facillimum erit. Nolis hoc experimentum discere, sed elige, ut te faciant aliena pericula cautum.

Secun-



Secunda Imago desumpta à natura bestiarum, quæ arte humanâ usq; cicurari, & modos quosdam humanæ rationis imitandæ edificere solent, si tamen suas illis connaturales delicias objicias, illicò institutionis illius oblitæ vel in medio cursu artificiosarum actionum naturam resumunt, & ejus impetu feruntur in sua objecta, unde illud vulgare naturam expellas furcâ, tamen usq; recurret. Tale prorsus est ingenium naturarum, tale & tuum, tuq; naturæ inferioris pondus, domari quidem potest natura, subigi & subijci ad tempus potest: potest & in rationis, ac fidei, & gratiæ, & disciplinæ, ordinem, mortificatione severitateq; tanquam freno cogi, tamen, illa semper excubabit vigilanter ad suas cupedias sensuales, ad suas propensiones naturales, ad sua jura injusta, ad effrenatas impotentias suas, ad illiberales libertates suas. est enim admodum retinens natura sui juris, & sub omni, immo sine omni occasione, semetipsam quærebere, oblectare, tueri, fovere non omittit. Novit etiam dolosissime necessitates comminisci, novit contra rationem pugnare ratione, novit sub auxiliis gratiæ adversarios parare gratiæ, spiritumq; spiritualibus figmentis eludere, ac opprimere. Quantumlibet ergo puteste naturam humanitatemq; tuam domuisse, vel exuisse etiam, ne crede tibi, usq; & usq; illa recurret, cum minime senseris, immo hunc ipsum sensum tuum, quò domitam naturam tuam plus satis credis, indubitanter scito jam esse viventis, revalescentisq; naturæ sensum ac motum & impetum, quanto ergo magis domitam naturam tuam credes, tantò minus domitam crede: tunc magis erit domita, quando tibi minimè videbitur domita. Si enim timebitur, cavebitur, premetur consequenter domabitur.

Igitur sic in Collegio vivendum, ut te natura magis nunc hostem, quam ante experiatur, ut magis nunc gratiæ contra naturam, spiritu contra sensum, carnemq; milites, & arma suppedites, dans operam ne in te Collegialium occupationum, (qualia sunt studia, & aliæ exercitationes) fervore, incalescant humani inferioresq; affectus, intepefcat verò solidarum virtutum, & Religiosæ vitæ amor.

Tertia Imago, similis illi Horatiano Adolescenti, tandem custode remeto:

*Gaudet equis, canibusq; & aprici gramine cæpi  
Cereus in vitium flecti monitoribus asper.*

Aut si mavis, similem illi prodigo filio, qui acceptam à Patre substantiam promovit, malè & autè vivendo utendoq; solent, nam quæ Novelli Religiosi, à disciplina rigorosiore, (ut quidem illis nihil præter Tiociniū expertis videtur) & ab oculis manibusq; Instructorum spiritualium digressi, atque ad vota admissi, imaginari sibi jam omnia bella esse finita, jam satis datum observantiæ duriori, vitæ, jam sibi licere competereq; custodibus procul vivere, aut certè conniventes illos habere. Hac persuasione, de qua iterum erit consideratio, nihil perniciosius Novello Religioso, ut proinde nihil detestabilius esse debeat. Contingere hoc Novis Religiosis ut credas, expendè diligenter verba S. Bonaventuræ, ita de illis scribentis Nonnulli mox ut prima limina bene vivendi attigerunt, oblii quid fuerint, affligi iam per penitentiam de consummatæ nequitie nolunt, laudari etiam de inchoata iustitia appetunt, præesse etiam melioribus se concupiscunt: onerebus difficilibus occupati, atq; ipsa occupati in confusi, non solum perpeitæ minimè deplorant, sed ad hæc quæ deploranda sunt, accumulunt. Eam ob rem idem Sanctus Religiosos tales admonet. Presumptionem fugere profectum profiteri, curam terrenorum abjicere, charitatem, humilitatem, paupertatem, constanti affectu exercere, & super omnia se ipsum considerabunde attendere.

Hoc igitur maximum in ingressu Collegij, egressu autem Tiociniū timendum & cavendum: ne putet se jam esse absolutum, ab omni curâ & custodia, ne putet, sibi jam majorem libertatem dissolutionemq; competere, ne putet fas esse sibi, in Regularum & disciplinæ observantiâ, inq; sui continendi rigorem impunè peccare, hoc enim esset effici Iuvenculum indomitum, ut vocat spiritus Sanctus, hoc esset fieri Onagrū in sylvis, qui se liberum natum putat, hoc esset fieri osorem correptionis, & consequenter vestigium peccatoris, hoc esset tradi in reprobum sensum, & in animum irreverentem, ac infrunitum, quæ pæna vix post damnationem æternam, ulla potest cogitari major.

Quarta Imago. Sciat Tiro se modo esse velut ceram, mollem, velut teneram arbusculam, velut tabellam rasam, politam,

mun-



mundam, quas & qualibus sigillis figuras, in hac vita sequenti accepturus sit, attendere debet, quam in parte & a quali manu, a plantatrice & erudita, an ab eradicatrice & ignara, flectendus, purgandus, præcendendus, circumfodiendus sit, attendat, quali manu & quibus characteribus imbuendus sit. videat, ne adulterinam effigiem expressam accipiat, ne adulterinam manu venenato purgetur cultello; ne in Aquilonem, a quo panditur omne malum flectatur: ne spuria vitulina inferantur, boni autem palmites refecentur: ne informes, ac funesti characteres imprimantur, quos nunquam deinceps, aut vix unquam eluerit, ne sibi cæco, cæcus quis & malè feriat. Magister ducatum præstet, seq; secum in foveam præcipitet, eam ob rem nemini se facile permittat, sed ab eis quos invenerit Dei locum tenere, expectabit indagabitq; vitam bonam, & Dei voluntatem. Interroga Patres tuos, & dicent tibi, Maiores tuos, & annuntiabunt tibi de vita, in qua ambules. Si enim obvio cuiq; & arridenti, captantiq; se adjunxerit, ut

cæcus luscum ductorem reperiat, quod si etiam se ipsum Magistrum sibi constituet, utiq; stulto & ignaro, se discipulum subdet.

Itaq; legitima & a Deo constituta ordinataq; via quam in Tirocinio didicit progrediatur Tiro ceram se exhibebit, arbusculam se exhibebit se tabellam exhibebit sed solis Præpositis, Ducibus, Patribusque Spiritualibus, quos sortitus Deo providente fuerit: ad aliorum consilia & monita, non temere, non securè accedet, nisi consultis approbantibusq; majoribus, hoc secum statuet, hoc adeo supplex peret, & sincero simpliciq; corde, Dei se Providentiæ gubernandum permittet: hoc specialiter flagitabit, ut sibi, tam Superiores, quam Spirituales Patres, quam Sodales, cohabitatoresq; omnes provideat, qui sibi sint Duces ad Deum, adjutores ad virtutem, stimuli ad sanctitatem, media ad perfectionem, atq; ad æternam salutem, iis quidem, quibus Dei Sapientissimæ voluntati, & omnipotentissimæ Sapientiæ complacuerit modis.

# C A P V T III.

## De Fundamentis quibus immobiliter inconcussaq; oportet inharere novum Religiosum ad Collegia digressum ex Tirocinio.



Notum esse debet omni Religioso, si velit inconcussè stare, sequè in suo arrepto proposito, statuq; conservare, quædam debere, diligenter defendere, conservareq; veluti fundamenta ædificii sui ipsius, quibus manentibus stare, ruentibus labi necesse est, omnem structuram: non secus ac illas Domos Evangelicas a Christo Domino depictas, quarum una, in petra firma quod esset ædificata, nec fluvii, nec imbris, nec ventis, nec fluminibus everti potuit, altera quia in arena fuit fundata, supervenientibus ventis ac tempestatibus eversa est, factaq; ruina

Domus illius magna. Horum fundamentorum.

Primum sit, vehemens, ardens, solidus, inconcussus, obstinatus & prorsus in Dei salutisq; amore radicans, vocationis Religiosæ amor. Quo amore solidatus, & nunquam de vocatione deferenda cogites, & nunquam in ejus tenera, grandiq; appreciatione fluctues. Omnes quidem defectores mundi & Religiosæ vitæ assecras, ab ipso primordio conversionis suæ, oportet esse ad omnes contra vocationem Religiosam insultus Daemonis, cæcos ac surdos, ac planè rupes, peculiari tamen modo id Novellis Religiosis & ex Tirocinio ad alia Collegia digressis, id necessarium est. Etenim sicut Novitiis a sæculo ad Religionem confugien-



fugientibus, occurrunt non pauca insperata, difficilia & aspera in expertis, ex quibus proprium est, accedente Diaboli astu, ad omnes cogitationes & occasiones intenti cogitationibus contra vocationem titillari, aut etiam pulsari, penititudineq; arrepti propositi percelli, in quo casu, opus est esse eos presenti animo, & in Deo fidenti atque superiorum suorum consilia exquirere, ipsaque niti si victores esse velint: Ita Novellis Religiosis ad Collegia digressis possunt se offerre aliqua inexpectata insperataq; ad quorum vel presentiam vel opinionem, animo cohorrescant, penititudine etiam quadam percellantur, fluctuent, ignari quid teneant, quovè se vertant. In quo casu consimiliter opus est eos planè rupis instar, stare inconcussos, in vocationis amore ac pretio, fidere Deo cui se totos permiserunt, votisque donarunt, recurrere ad viam vitamq; suam. Duces ipsiq; candidè omnia aperire quibus non nihil conturbari contingerit, eorumq; stare consilio, experimento haud dubiè discant, monstra illa quæ videbantur viribus suis superiora risu fuisse explodenda tanquam pueriles terricationes, hoc tamen facere non poterit, qui vocationis amator non fuerit immotus, qui sibi fidens, viribusque suis, non ad Deum, non ad Superiores suos recurrerit. Itaq; saxeum & ad emolliendum concutiendumq; impossibilem vocationis amorem in pectore cordeq; suo gerens ad Collegia defer, ita, ut cum Dei gratia possibilis sit cælum & terram transire, quàm te, in vocationis amore solide fundatum, tantillum etiam agitari, vel dubitare, vel tepescere, &c.

Aliud Fundamentum cui immobiliter Novellus Religiosus, debet inharere, si cupit insequere vitam spirituale suum ædificium in concussum stare, ac porro etiam valde in profectu crescere. Est; vehemens & ardens & robustus, & ad omnia opponentia se pervincenda resolutus, perfectionis in omni virtute statui tuo convenienti amor, ex quo amore fluat in te. Imo. Incessabilis insatiabilisq; fames, magnæ non plebeæ sanctitatis, perfectionis. 2do. Inviolabile & nunquam interruptum, proficendi profectusq; curandi, æque in summis ac in minimis exercitiis. 3. Infatigabilis labor in curando & exercendo profectu acquisitioneq; virtutum. 4. Ordinaria simulq; perpetua diligentia in omnibus pro-

pter Deum susceptis operibus, cum summo fervore devotionis perfectionisq; peragendis; ut exosa Deo tepiditas, locum non habeat.

Adverte porro, hunc talem, tamq; prægnantem resolutione perfectionis amorem, raros admodum secum ad Religionem deferre, rariores atiam, qui hunc amorem utcumq; detulerint cum deinceps in Tiocinio conservent reperiri, ordinariè, namq; eum in Tiocinio deperdunt, neq; ad Collegia deferunt: quod, si cui non contingit, tamen in Collegio rarus est, qui hunc amorem non deponat deperdatq; vel saltem de eo non sensim remittat, magno utiq; spiritus & perfectionis damno. Diviniq; honoris injuriâ, & quidem non tam Collegiorum, ut vulgo dici crediq; solet, sed Religiosorum culpa. Hi enim digressi à Tiocinij Domino atq; disciplina, ingressi verò Collegiū, ante omnia, & non advertenter ferè respirant ab onere disciplinæ, rigoris Novitiaci, quasi fessi, æq; impositum finem à tempore, ita & imponendum à se id observatione imaginantur. Admittunt etiam persuasionem laxioris vitæ observantiæ in Collegio, minoris Superiorum vigilantia, lenitionisq; exactionis, inde & ipsi remittere se posse putant, deq; facto, veluti acquisito jure, remittunt, de sui custodia, de Collectione, de silentio, de modestia, de orandi frequentia, de presentis Dei memoria, reverentiaque, de rerum, lectionum, spiritualiumq; colloquiorum cura, ita sensim irrepit negligentia, perfunctoriaq; divinorum tractatio, irrepit contemptus & omissio solitorum Exercitiorum, irrepit libertas sensuum internorum externorumq; effrenatio passionum, garrulitas, oblocutiones familiaritates levitates succrescunt, & emergunt quæ latuerint vitia praviq; habitus, effugatur devotio, amittitur, si quis fuerat spiritus, deperit fervor: multa negliguntur, multa in oblivionem abeunt, omnia negligenter, perfunctoriè, & in speciem tantum peraguntur, obruitur gratia, revalescit natura, excluditur Deus, lascivit caro, regnat Diabolus. Ergo corrumpuntur in Collegiis Novelli Religiosi, non tam à Collegiis, quàm à semetipsis, nec per aliud quidquam nisi quia respiratum est in fervore & disciplina, & resolutus obstinatusq; perfectionis amor, vel extinctus, vel restinctus est. Hinc tu igitur amorem, tanquam radicem, tan-

quam



quam fontem scaturiginem omnis boni, omnis salutis, omnis in bono perseverantiæ, atq; progressus in te serva & tuere tanquam pupillam oculi, tanquam cordis medullam, tanquam ædificij fundamētum, tanquā totius vitæ provisionem maximam & sumptū.

Tertium fundamentum cui debet in Collegio Religiosus. Novellus immobiliter inherere, si cupit in Spiritus virtutisq; integritate conservari: est resolutus & obfirmatus, obstinatusq; amor, haustæ in Tirocinio bonæ Institutionis, omniumq; piarum, quas didicit, & capit, vel etiam assævit servare consuetudinum & observationum, de quibus aliquid supra consideratum est. Etenim Novellis Religiosis contingere solet, ut cū ad Collegium veniunt, excipiat eos, propter novitatem, mutationemq; illis insolitam verecundia quædam observandi liberè & palam ea, quæ in Novitiatu didicerunt, quæ verecundia quandoq; etiam diceris hocis nutibusq; censoriis antiquorum inculcitur, quandoq; ex ipsis eorum mentibus teneris adhuc in virtute erumpit, nonnquam etiam à studio placendi, vel à metu displicendi, negligentioribus, dissolutioribus in quos fortè incident, illa ipsa verecundia promanat. Eam ob rem, oportet hac in parte novam Religiosam surdum & mutum & stultum esse, & pie impudentem, dominum in virtute & possessione recti, ac tenacitate disciplinæ rigorosæ haustæ in Tirocinio apparere, surda aure præterire risus & censuras aliquorum, & ostendere factis, quod non specietenus pietatem disciplinæ que colat, sed quod eam in pectoris intimis radicatam gerat, nec sit arundo vento agitata, neq; erubescat Christum & Evangelium, sed sit in virtute, ejusq; cultu & possessione Dominus & hæres, sicut etiam Religiosa Domus est Regnum virtutis. Hoc

si faciat & præferat novus Religiosus, subito mutata vice in admiratione apud irrifores jocatoresque erit, simulq; sibi legem ponet ac necessitatem figet deinceps in cursu temporis sic se gerendi, atq; ita stabit firmus & inconcussus, ipsisq; incidentibus contrarietatibus, fiet robustior in virtute ejusq; cultu & possessione, & solidior ejus possessor, quod totum perdunt timidi, & virtutis cultum professionemq; erubescerent, hominibusq; magis quàm Deo placere & obedire cupientes.

Vide igitur ne sis ex horum numero, sed inter eos annumerari velis, qui potentes sunt in virtute & studium pulchritudinis habent, & audent pro Deo, pro disciplina cultu, pro regularum observantia, pro conscientia suæ teneritudine tuenda, pati aliquid & contemni, contemnereq; linguas, sic enim fiet, ut & ipse robustus evadas, & alios exemplo confirmes, inq; bono conserves, sicq; evadas columna in Domo Dei, etiam in teneris atq; primis Religiosæ tuæ vitæ annis. Tanti nimirum est, mores in Tirocinio haustos, disciplinatos, seriò profiteri & servare. Et revera ad hoc Tirociniorum institutio permittitur, ut mores in eis hausti, sint fundamenta merum, totius sequentis vitæ Religiosæ, qui si ab initio statim abijciantur, quæ spes poterit esse bonitatis perfectionisq; in sequenti vita. Obfirma igitur animum ad omnia animosè & sine pudore servanda, privatim publiceque, quibus informatus imbutus es, tam in homine interiori, quàm exteriori, neq; facile tuam ullam consuetudinem bonam, ob metum, vel pudorem, vel pigritiam, aliamque frivolum causam in gratiam idoli: Quid dicent? deponas aut immutes, nisi fortè in meliorem.





## CAPUT IV.

## De causis internis, ob quas collabitur Spiritus in Novellis Religiosis.



**C**ausæ ob quas collabi solet Spiritus Religiosusq; in Religiosis novis post Tirocinium, quædam sunt internæ & in ipsis, quædam extra ipsos. Primum internæ considerandæ veniunt.

Prima causa interna est Tirocinium se-  
gnius absolutum, negligentiusq; naturam  
locatam in mortificatione amoris proprii,  
item in compressione sensuum à pronitate  
ad sensualia, & ad Carnem & sanguinem:  
Item in observatione minimarum Regula-  
rum & Instructionum, Item in contrahen-  
da cum Deo familiaritate per Meditationem,  
Orationem, usum Sacramentorum per Ex-  
amina Conscientiæ sub Recollectionem,  
Resignationem &c; hæc enim qui non ha-  
bet qui in Tirocinio non collegit, & quide-  
m abundantia, similis est Cicadæ, quæ to-  
tam ætatem in stridore, cantu, saltuq; con-  
sumpsit, veniente autem brumali frigore,  
omnia in arctum cogente, fructusq; omnes  
in horrea convehente, & concludete, cogi-  
tur tamen mori, & frigore rigescere, instar  
stulti illius pigriq; qui propter rigus arare  
noluit, & deinde in angustiis anima ejus  
esse cogitur.

Ejusmodi Novitio non esset pes extra Tiro-  
cinium proferendus, sed tamdiu inharendū  
quamdiu non melius armatus, instructus  
provisusq; prodire possit. Quod si qua in-  
advertentia ad Collegium illum amandari  
contingeret, huic Tirocinij damna per indu-  
striam Superioris, Spiritualisq; Patris, dex-  
træ fideliterq; forent compensanda; Tiroci-  
niumq; extra Tirocinium clam omnibus a-  
lijs esset peragendum & spiritus exercitia  
reassumenda, donec meliori loco sit res ta-  
liter affecti Religiosi: id enim nisi fiat, absq;  
ruina spiritali vix possibile est ejus ædificiū  
internum subsistere. In qua tamen neces-  
sitate sua, ne quis vel sui fiducia, vel pusil-  
lanimitate nimia decipiatur, & de se quam

deberet oppositum statuatur, suo minimè ju-  
dicio stabit, sed Patrum Spiritualium à qui-  
bus abiit & quos tranſiit judicio innixus  
in hanc vel in illam partem inclinabit.

Secunda causa interna priori valde vici-  
na est, Tirocinium non omnino quidem  
malè absolutum, non omnino tamen inti-  
me ejus cultura admissa, nec ad medullam  
cordis recepta. ita ut Novitius quide-  
m bonus omnium sensu, cum quibus vixit,  
non tamen fundamentaliter, & ab intrinse-  
co, sed magis ab externa vigilantia, & à  
studio devitandi cenſuras, non offendendi-  
vè oculos aliorum, ab occasionis procul re-  
motæ defectu, quo fit, ut non tam sit bonus,  
quam videatur esse; nec tam sit bonus, quam  
non sit malus: non sit autem, quia timer ef-  
fe & non habet occasione ut possit esse. Fit  
item, ut iste, non sua virtute interna, sed  
domus in qua vivit beneficio, abſtineat à  
malis, contineaturq; in officio boni Reli-  
giosi, quod tamen læpe nec ab alijs, nec  
ab illo ipso, nisi in mutatione quapiam ex  
occasione advertitur, tribuiturq; Personæ i-  
psius virtuti, quod revera & fuit & tribui  
debet beneficio loci. Est hæc observatio  
S. Francisci Xaverij post S. P. Nostrum, cu-  
jus hæc verba sunt. Hoc edo dico ut animum

**C**inductum, & quod revera ita est vos, idcirco à  
gravioribus Flagitijs abſtinere, quod istis (ubi  
scilicet manetis, occasiones Deum offendendi  
desint. nam qui nesciunt unde tantum boni pro-  
veniat, quod loci domesticorumq; beneficium est,  
virtutis tribuant suæ proinde negligunt ea quæ  
parva videntur, cum tamen sint per se magnæ  
qui autem ea temerè contemnunt, parvi ipsi sunt,  
ac meritò contempnendi. Hi ubi aliò commi-  
grante, ubi ab oculis quos revereantur abef-  
se sibi videntur, ubi laxius se agere posse  
credunt, illico in deteriora labuntur, quia  
non habent frenum quò detineantur: ostenduntq;  
re ipsa, nuper non suæ se virtute in-  
terna, sed loci domesticorumq; cura bonos  
fuisse, qua deficiente, ipsi ad ingenium pra-  
væ suæ



va suæ dispositionis internæ: protinus devolvantur, & ejus præscripto, discoli efficiantur. Atq; hæc est obscura occultaque causa, quæ latens, multos trahit in admirationem, dum vident illum & illum, qui in Tirocinio solida jecisse fundamenta videbatur, uberemq; spem bonæ frugis promittebat, in transversum valde abiisse, discolumq; & gravem disciplinæ domesticæ evasisse.

Remedium huic malo est; in se ipso non altero ponere gloriam suam; hoc est, ab intrinseca cordis virtute bonum & disciplinatum esse, secumq; semper & Patrem Spiritualem & domum circumferre, neq; pendere à Custodibus externis, sed sibi esse cum Deo præ omnibus gratissimum, oculatissimum, rigidissimumq; censorem & disciplinæ exactorem. Talis enim est æqualis & idem semper, nec mutatur circumstantiis vel desertus à disciplina aliena, in se ipso eam habet, atq; possidens exhibet. Et te igitur talem esse cura. Sic te funda in virtute, ut in te ipsam habeas radicatus hærentem, & non extraneis, fluxis, mutandis adminiculis solum nixam, & si non hæc quoque conferant, sine intimis tamen non diu stent.

Tertia causa est: virtutum in Tirocinio quasitarum partim paucitas, partim teneritudo, partim ingrata naturæ nondum virtuti satis assuetæ earundem asperitas, è contra vero vitiorum, pravorumq; habitum, antiquitus contractorum, nec satis per Tirocinium expulso, tum multitudo, tum in visceribus animæ potentiarumq; illius radicorum seu radicum remansio, tum blandities, atq; cum natura corrupta consensio, quibus utrisq; causis, accedit naturæ pondus semper ad sua commoda tendentis, aspera virtutis abhorrentis, ad blandimenta vitiorum arridentis. Ergo funiculus iste difficile rumpitur à novo Religioso, ergo

facile diffluit, quasi prono amne ad originales misérias, malitiasq; suas, & sensim sine sensu, nisi valde cautus sit, & sibi invigilans, atq; etiam propensionibus repugnans, retrahitur ad pristina vitiorum corruptæq; naturæ servitia, non secus & ut equus de stabulo & manu sessoris elapsus, sed nec freno, nec loro solutus facile comprehenditur, atque ad consueta stabula præsepiaq; & belluinos labores reducit.

Ea propter, novum Religiosum oportet hoc de se ipso planè nosse. Primò, quod magna adhuc in eo sit naturæ veracitas, multa & profunda vitiorum pristinorum, radicata, paucarum verò virtutum teneritudo. Deinde oportet, ut bellum naturæ vitijq; movere non desinat, sed tanquam ingruente bello hosteq; in acie armatus consistat, pro teneris & nondum satis firmatis, nec in usum & facilitatem adductis virtutibus, perpetuò actionum virtuosarum, attentione depugnet. Unò verbò, non arbitretur se cõprehẽdissẽ, non putet se iam extra periculũ esse, sciat in sua natura hydram esse cujus capita & putata repullulant: mortua est una affectio, sed vivit altera. Non cesset ergo manus tua, non dormitet vigilia sed quidquid potest operari instanter operare, nunc quidem tibi hac parte ad malum propendenti repugna nunc verò illa parte, virtutem inchoatam, & auxiliares manus poscentem sustenta. Cooperare gratiæ, teq; illi tractabilem exhibe, utere mediis Religionis consuetis; nec attende quid caro possit, sed quid Spiritus velit. Neq; quid alij dicant vel faciant, sed quid Deus tuus, status tuus, conscientiaq; tua requirat à te quicquid de alijs sit, quicquid ab alijs sit, omitte tu, non negligas temetipsum naturæ persecutor, vitiorum hostis, virtutum cultor, gratiæ filius, perfectionis studiosus, tui contemptor. Dei amator.





## CAPUT V.

## De causis externis, ob quas collabatur Spiritus in Religiosis Novellis.



Prima causa externa propterquam solet aut potest evacuari collabiq; Spiritus in Novellis Religiosis, est ab occupationibus absorbentibus, quas inveniunt sibi in Collegiis assignatas, v. g. Studiorum tractatio & quid simile.

Variis porro modis absorbere solent occupationes ejusmodi. Primo quidem Novitate sui, cum post occupationes Tirocinij novae accedunt in manus literarum curae. 2do. Affectu vehementi & profuso, quo in literas ferri solent, qui ad eas applicantur qui affectus, aliquando & studio parendi & ex aestimatione necessitatis earundem homini Societatis promanant; optimis sanè ex fontibus, cæterum degravant in pravam quandoc; ex immoderatione. 3. Exactione diligentiaq; docentium, quæ item optima necessariaq; est, sed tamen dum plus æquo apprehenditur, valde sollicitum reddit Novum Religiosum, proinde in studiorum occupationes profusum, temporis ordinati incurium &c. 4. Emulatione aliorum, quæ item laudabilis est, sed tamen inordinata profusione carere, & ab invidia procul esse debet. 5. Accedit his Diaboli fraus qui in omnes occasiones intentus adest, & æstuantem animum per se, incendio etiam immoderato inordinatoq; succendit, & literarias occupationes sub horam meditationis, alteriusq; piæ cum Deo occupationis (puta Examinis, lectionis, sacri,) memoriae objicit, utq; interno mutato, tantisper actionum ordine, labor scholasticus acceleretur, cum indubia spe, alio tempore divina explendi concitat, quod proprium, est Diabolicæ imposturæ, ordinem non pati, cui si semel obtemperes, ita deinceps obtrudet alias actiones urgentes, ut tempus supplendæ Meditationi, Examini, alteri-

vè dilatae actioni desit, amittiq; illam necesse sit, vel certè valde frivole, obiterq; transigi non absq; iactura spiritus & animæ, lucro autem inimici.

His malis omnibus, optimè Christi effectum medetur: Hæc oportet facere, & illa non omittere. Item illa: Primum quærite Regnum Dei, & hæc omnia adjicientur vobis. Item: Reddite quæ sunt Cæsaris, Cæsari, quæ Dei Deo. Franciscus Suarez notissimè vir Sapientiæ, omnem Sapientiæ, eruditionemq; perdere eligebat, quam semel statum meditationis tempus negligere. Sic sapere oportet omnes, qui Religiosam Sapientiæ eruditionemq; conquirunt, qui-que olim Deum opera sua uti volunt, atq; laboribus suis benedicere, alioqui Religiosus, scientiam quærens cum neglectis officiorum Divinarum, si nullis erit homini seculari, propter lucra temporalia violanti Præcepta Dei, atq; negligenti cultum festorum, auditionis Missæ, Concionis. Quid enim interest, ubi facias, modò facias, immo verò deterior est Religiosus, qui in hoc statu locoq; sacro facit, quod in seculari, intra mundum hærente, culpatur.

Secunda causa externa ob quam Novelli Religiosi spiritum in Collegiis deperdunt, est quandoq; prava dictamina. Quæ sponte sua ipsi ad illudendum suæ conscientiae formant, vel certè ab aliis temere hauriunt, hausta, tanquam oracula excipiunt, tanquàm scilicet ab antiquioribus, rerum peritioribus, bene volentibus ignorantes discernere inter bonum & malum, arripientes, quod sensui naturæ propriæq; voluntati gratum, respuentes verò quod disciplinæ, spiritui virtutiq; consonum.

Dictaminum hujusmodi bene longū Catalogū experientia texit. Inter alia sunt hæc Primum. Non est tanto rigore opus in Collegio quantus exigebatur in Tirocinio. Ingenium Novitiorum est servile, quod



quod scrupulosè, superstitiosè, pueriliter, putidè, ad literam omnia metiatur, & explicet. At emergendum est aliquando ex ista servilitate, & liberaliter, libere, ingenuè, ad sensum potius & usum accommodatè utendum ingenio & regulis & disciplina. Scilicet sensui litera adversatur. Scilicet aliud sonat litera quam sensus, scilicet in Rebus publicis unusquisque ad libidinem cupiditatis suæ, leges trahere potest: neque sunt utquam Principes aut Majores ex quorum ore lex requiratur, sensusque legis in dubio cognoscatur.

Secundum. Vitam communem esse ubique locorum tenendam, legibusque loci utendum; ad mores, non cum moribus veniendum esse, est autem turpis dissonantia inter domesticos, proinde ad aliorum mores se ut accommodet oportet, qui recentex venit. Dum fueris Romæ &c. Turpe est, ut juvenulus & hodie natus, reformet Religionem, Civitatem, domum; quasi nemo sapiat alius, quasi errent omnes. &c. Sed hæc non audientur, respondebit intra se & dicet: Iustitiam quam capere tenere, non deferam. Vita communis, non est illa, quam multi eunt, ire, sed qua omnes debent. In Regulis ista est, & Majorum, Superiorum, regimine; non plurium abusu, non reformare quæquam volo, nec deformari à quoquam patior: non ad exempla, sed ad regulas vivendum est.

Tertium est. Utinam nulla, essent peccata majora, nullæque transgressiones nocentiores his aut illis, camelum glutientes culicem excolantes: ostupendam sanctitatem! in istis scilicet, minutis & quisquiliis solida sanctitas posita: Actum est de vita Religiosa, immo æterna, nisi hæc Pharisaica superstitiones observentur. In interioribus est sanctitas sita, in solidis virtutibus, non his externis coloribus. Hæc quid sunt aliud quam viperinæ voces, factæ ad evertendas innocentes animas, quibus respondendum quod supra: hæc oportet facere illa non omittere. Hæc alijs fortè non sunt necessaria, qui solidiora habent; mihi qui infirmus adhuc sum, & infirmæ virtutis, saltem his observationibus minimis incumbendum est, roburque cordis tutandum.

Quartum. Non diuturni erunt isti fervores, nec longævæ superstitiones, deseret illum brevi isti scrupuli, ululabit cum lupis: ferrum ex igne recens calet & urit, refrige-

scet & par erit nobis. Ominationes istæ ab aquilone sunt, & brumam invehunt cordis, meramque, glaciem & nivem sperant.

Timebit ergo istos minaces Prophetas, & ut falsi reperiantur, constantia virtutis efficiet. Time ne unquam vera prædixisse gloriari possint, & facias ut nunquam veraces inveniantur.

**A** Quintum jam tempus, è Novitiatu & deliramenta exuere, cum essem parvulus, loquebar, sapiebam ut parvulus: omne quod redolet Tirocinium ridiculum est, & erubescendum: recedendum est aliquando à nubibus & agenda seria. Seria scilicet, quæ conscientiam lædunt, quæ enervant disciplinæ vigorem, quæ spiritum extinguunt. Vere isthæc seria mala sunt, quæ primitiis spiritus & gratiæ, usque adeo sunt inimica. Atqui veteranorum perfectissimus erat qui dicebat: Geram me sicut primi anni Novitiu.

**B** Sextum. Duri capitis est & ferrei oris non acquiescere, nolle credere, suis primis conceptibus inhærerè: In Novitiatu, non docetur ipsa intima, solidaque perfectio, sed tantum dispositiones ad illam, quas tandem abjicere oportet & ipsam perfectionem ædificare, oportet esse mansuetum & tractabilem, non cervicosum, non obstinatum. Si cum Superioribus, Magistris & Spiritualibus res sit, verum est obediendum esse & tractabilem animum exhibendum, sed ad omnem ventum arundinis instar flecti reflectique, quis hanc servitutem ferat? quis obedientiam voverit, & tractabilitatem exhibeat. Deo & Vicariis ejus obedire oportet, sed oppugnantibus virtutis obistere, aut saltem obdurescere primæ virtutis est.

**C** Septimum. Hoc vitæ genus seriū & ad normam Novitiatus exactum, scrupulosū, superstitiosumque est, proprium simplicium & devotulorum, est ignavorum, est pro Religione, Societate ineptorum, facit melancholicos, tetricos, rigidos, ad tractandum, cum proximis ineptos: Hic fuit S. Fundatoris de talibus sensus: Si omnes sibi solis boni essent, qui facerent alios bonos? Societas stat conversatione, ad proximos est instituta, requirit ergo conversativos: mature assuescendum: potest esse in hilaritate morum collectio. Spiritus. sed & his dicendum est. Omnia tempus habent: impleri Prius opus est quod effundas, nec debemus esse canales, sed conchæ: discat miles in orio, qualis esse debeat in prælio: ante messem.



messem efflorescere culpat Spiritus S. præcoces fructus & partus, non solent esse vitales: sat citò conversabimur, si sat bene; non sumus ante Magistri quàm discipuli: In Societate sunt alijs anni, quibus proficimus ipsi, alijs quibus perficimus alios.

Octavum. In Societate plus profunt docti, magnarum qualitarum, habentes talentum concionandi, conversandi, quàm illi, qui Sancti sunt, modesti ignoti: beata simplicitas sibi soli prodest, doctus in ore omnium est, illius ingenium omnes prædicant & mirantur, etiam Superiores, etiam Magni Patres. Falsò id asseritur, & cum injuria Societatis atq; virtutis: Nimis clare præcipit S. Fundator, universaq; Societas, ut omnes eius Filii, in solidarum perfectarumq; virtutum studium incumbant, in iisq; maius momentum esse ducant, quàm in ullis bonis externis, donisq; naturalibus, illa enim interiora sunt, ex quibus vim & efficaciam, ad hæc exteriora promanare oportet.


Ergo Spiritus & virtus solidaq; sanctitas, anima est doctrinæ & talentorum, hæc autem corpus est, & sine illa cadaver. Bona est doctrina & necessaria talenta, sed prima

virtus & sanctitas, hæc enim ait S. Pater, Instrumentum, scilicet hominem Societatis Deo coniungit, & idoneum facit, ut Deus eò utatur ad gloriam suam. Omnes ergo filij Societatis, consari debent ex virtute solida & doctrina, sed illa corpus, hæc anima esse debet: qui autem ingeniosum sancto præferunt insaniunt, & pedes capiti imponunt. Proinde etiam magni viri in his laudibus admirationibusque cauti esse debent, ne dent errandi occasionem ignorantibus, qui putent præferri ab eis doctrinam sanctitati, & talenta gratiæ atq; solidæ virtuti, toti; se conferant, sed iactanda & captanda naturæ bona neglectis virtutibus & contemptis: quod nihil aliud est, quàm evertere totum statum Societatis, impingereq; Deo & gratiæ alapam, nec non virtuti parare ruinam, sæcularitati autem & mundanismo aperire patentem januam.

Dictaminum perverforum finis non foret, tu hæc expendes ac ad animum demittes, diligenter fugies & ex horum similitudine vestigijsq; alia cognoscas, cautusque esse discas, ut ab eis præterveris libererisq;.

## C A P V T VI.

De alijs causis externis, ob quas collabitur Spiritus in Novellis Religiosis.



Quarta causa Externa, ob quam Spiritus quandoq; perdunt Novi Religiosi in Collegijs, est Exemplum non omnino ad legem veteremq; disciplinam ac Regularum normam exacta, in quibus contingit deficere aliquando antiquiores. Hæc autem multis modis solent innotescere junioribus, atque variè etiam cor perstringere. Aut enim vident audiuntq; parvi fieri ea, quæ ipsi magni facienda didicerant audierantq; in Tiocinio, aut vident aliqua fieri, quæ nunquam viderant ante hæc, quæve non

sperabant evenire posse, quæve sciebant vel credebant prohibita esse: aut vident impune transire quadam facta, superioribus ignorantibus, vel conniventibus: aut vident facultates, dispensationes, permissiones, exemptiones, immunitates, impunitatesque, aut vident abusus, licentiasq; & laxitates commoditates, superfluitatem redolentes, sive etiam non redolentes, sed necessitati aliquatenus indultas alicujus infirmi, laboribus annisq; fracti: aut vident modos agendi aliquorum in officijs commendatis, puta præcipitatas actiones, festinationes perfunctorias, & specie solatenus peractiones. Commissiones etiam, largitiones & acce-



acceptiones munerum: inter domesticos interq. Externos furtiva colloquia & eruptiones ad conversandum clam & invito superiore: aucupationes curiosarum, nitidarum, comptarum, pretiosarum regularum, non absq. superfluitate, sæpe etiam fortè sine facultate.

Hæc dum vident novi apud antiquiores, commovetur, & scandalum patiuntur teneræ, & inassuetæ talibus eorum mentes, atq. conscientia scandalizantur, & vel ita ut contristetur reprehendant, celsurè, vel ita ut arideant, imitentur, aut certè in eandem libertatis occasinem devenire gestiunt, immineant, apud se statuunt. Quæ utraq. scandali ratio pessima est: posterior tamen, in communè disciplinam nocendi vim habet majorem. Imitatur enim mala, prior enim utrumq. commendat. Utraq. tamen est Novis Religiosis fugienda, ut nec damnent facientes, nec protinus æmulentur, immò nec in futurum proponant æmulari, cupiant potius in ejusmodi occasiones necessitatum non devenire. Sciant certissimè etiam non indeo meliores se esse ijs, quorum exemplum minus commoda vident: sciant sæpe virtutem esse, vel ex virtute fieri, quod arbitrantur vitiosè factum: sciât plus prodesse publicæ & communis rei antiquiores, esto aliquibus videantur scaterere imperfectionibus, quam Novellorum teneras observantias: sciant deniq. non omnia omnibus apta esse, & unum effectum specie, veterano rerû gnaro minus nocere, quam noceret tenero & Novitio in conversatione Religiosa. Sicut unus idemq. ventus, quasdam arbores robustiores fovet, quâ teneris nocet & cibus unus idemq. ab unius ventriculo concoquitur commodè, alterius autem valetudinem vitia valde periculosè. Arma Saulis, Saulem protegebant, quæ Davidem & gravabant, & in incessu motuq. præpediebant. Artium professores & periti, etiâ errores facillè vertunt in obsequium artis: rudes verò, etiam in bene agendo hærent, neq. securi peragunt. Simile est & in peritis ignatisq. viarum: illi si errant, sciunt sedire in viam, isti ex errore in errorem pergunt. Idem evenit veteranis & juvenibus Religiosis. Tu igitur sic in Collegiis novus advena vivito, ut judices neminem, optimum autem quemq. sequaris, potissimè autem Regularum & Spiritus ductum sequaris.

Quinta causa externa, quæ sit ut Novi Religiosi, Spiritus damna sentiant in Collegiis, est conversatione cum veteranis. Videri posset ex re atq. comodo novorum Religiosorum esse, ut à Tirotinio absoluto mox veteranis misceantur sine discrimine; à quibus praxim totius vitæ, omniumq. actionum & officiorum, facillè & prorsus ad oculum discant: attamen, oppositum placuit observantissimis quibusq. & Magistris Spiritus & Religiosorum Ordinibus: quorum aliqui, juvenes post peractum Tirotinium, etiam ad quadriennium arcerent à veteranorum consortio, Societas biennio separationem hanc desinuit, ita tamen ut brevior esse non possit, protractior esse possit, prout judicium erit Spiritualis. Observare autem est, in ijs monitis quæ de separatione juniorum Societas condita habet, unum solumq. esse hunc monitorum sensum, nihil omninò habere commercij iuniores cum veteranis, nullam colloquendi conversandiq. occasionem. Rationem adeo salubris consilij habent Religiosi Ordines, nec unam, nec tenuem. Ea quæ de distaminibus, deq. exemplis supra considerata sunt, facillè evincunt & satisfaciunt.

Accedit quod novi Religiosi adhuc plerumq. habent intellectum, & ardens quidè sed tamen insipiens cor, ut nesciant separare pretiosum à vili, & eligere bonum reprobare autem malum. Huc facit illa cautio Domini, quæ rationem dedit: cur discipulos novos voluerit esse separatos à legalibus ritibus Ecclesiæ: *Nemo aiebat mitti vinum novum in utres veteres, sed novum in novos, nec pannum veterem assuit panno novo.* Hanc igitur tibi pone legem in primo ad Collegium adventu, ut antiquioribus in Religione honorem exhibeas, eorumq. comparatione, te planè Novitium, judices ac censeas, congressum tamen colloquiumq. omninò devites: multoq. minus familiaritates ac confidentias præsertim clandestinas, prohibitas, & cum ruinæ indiciis conjunctas esse scias, etiam tunc quando contingit ex more vel occasione veteranis commisceri, in scholis exhortationibus, Missis, Communionibus, obsequiis triclinij vel culinæ, sic te gerere, ut veteranis honorem exhibeas, sed colloquium, sed aurem, sed familiaritatem nequaquam præbeas, salva morum urbanitate, magis etiam salva Religiosi silentij, disciplinæque



de separatione integritate Si hæc tibi separatio esse gravis & tædiosa cæperit, si anhelare, si ambitiosè occasionem captare, vel optare congressum colloquiumq; veteranorum cæperis, si furtivè nutibus & corridere & colloqui, habe hæc spiritus tui vacillantis tepescensq; non levia, non dubia, vel indicia, vel initia &c.

Sexta insuper causa externa, ob quam collabi solet spiritus in Religiosis novis, est conversatio cum Externis, non eam intelligo, ad quam exponitur quis ab obedientia, quandoq; etiam mox à Tiocinio absolutus, quæ etiam si ita quoq; prudens & circumspecta esse debeat, facilem tamen habet plerumq; à Deo benedictionem ex merito obedientiæ, & observatis medijs à Religione præscriptis: sed illam intelligo conversationem cum Externis, præsertim cum Discipulis atq; adolescentibus, ad quam nonnulli nonnunquam Religiosi, sicut temerariè prorumpunt, ita infelicissimè alliduntur atq; confringuntur, & tum virtutis, tum spiritus, tum disciplinæ, tum omnino fidei pudorisq; naufragium faciunt, sæpè vocatione, sæpè & mente ipsa excidit. Hoc malum à parvis, & vix notandis culpandisq; initium sumit. Sed nisi Religiosi adolescentis anima conscientiaq; cauta sit, & tuta etiam timeat, in arcta affectionum, incompenfabilium vincula se se induet sensim, ut nullæ diligentia, nullæ custodiæ, nulla consilia, nulla impedimenta, nulla pænæ coercituræ sint, dissoluturæve infeliciæ amicitiam, & viscerosi affectus amorisq; conglutinationem.

Cavebit ergo Novus Religiosus sibi à se ipso, à zelo suo, amore suo, ab oculis suis: Cavebit à munusculorum per se, vel alium oblatione: cavebit ab invitatione ad hunc illumve locum colloquendi gratia: cavebit ab æmulatione aliorum, ab invidia conversantium: cavebit à laudibus & commendationibus: cavebit à castissimo quamvis affectu: cavebit ab omni occasione, provocatione, blanditiis, occurribus, à spontaneis suis ingestionibus: sciat certissimo inconstantissimos & illusorios tales esse amores ei dum is qui amat insanit effunditq; se maximè, tum, cum qui amatur captaturve illudere, & insultare amanti maximè. Noli ergo, ô simplex & imperitè rerum Religiose novelle dare te in gaudium inimicis tuis, noli ponere maculam in gloria tua, noli es-

se proditor pudoris tui, noli esse captivum tyrannici affectus tui, Si amorem & æstimationem vis omnium, præteri illos cum honore, meliores illos fac, silentiò, verecundia, modestia, studio, Religioso exemplo, humilitate. Tales enim Religiosi semper sunt in admiratione, æstimatione, veneratione: His verò dissimiles contemptui sunt fabula sunt, illusioni expositi & prostituti tam domi quam foris sunt, præsertim quod innumeris, ijsq; gravissimis molestijs, internis & externis, conscientia aut famæ, apud Superiores obnoxij sint. Faciant recantum hæc considerata, malisq; ea consideratione discere, quam infelici experimento tuo aliis in exemplum esse.

Septima causa externa, ob quam collabi solet spiritus in Novis Religiosis, est conversatio & excursio ad consanguineos Parentesve. Ad hanc excursionem, ut plurimum inviti Novi Religiosi ab initio descendunt, extracti nempe, vel necessitate domesticorum negotiorum, vel importunitate flagitantium: unde ab initio, ut dixi, coacti ad suos discedunt, cum tædio apud eos morantur, repugnanter ad eos revertuntur, sensim tamen hæc repugnantia tollitur, animiq; ille rigor à Religiositate contractus, mollescit ac deponitur, dulcescit conversatio, & conspectus suorum, sensualis illorum amor, teneritudo, sollicitudoq; pro eorum bonis successibus admittitur vel reviviscit, libenter adeuntur vel audiuntur, quomodo illis auxilium vel solatium excogitari possit cogitatur: ex proposito negotia trahuntur non finiunturque, ut haberi possit justa occasio redeundi ad illos in tempore, trahiturq; res per annos plures, in conversandi semper sit necessarius prætextus. Interea impletur anima, mundo, carne, sanguine, tricis, curis solitudinibus, intercessionibus, odiis & simultatibus: incidit in antiqua vel in nova pericula lapsus, libertatum peccatorum: accipiuntur clanculariè subsidia necessitatum cum injuria paupertatis & obedientia Religiosa, datur occasio sermonibus, oblocutionibusq; domesticorum molestia, amaritudini & solitudini, & suspicionibus superiorum: quandoq; Superiores ipsi spe lactantur commodorum temporalium: ostentatur etiam aliquis fructus spiritualis emendatioque morum secuta in Parentibus, in Fratribus, affinis, ex sublati odiis insidiisq; intervici-



vicinos; sed interim ipse Religiosus spiritum amittit, disciplinæ impatiens evadit, aspirat ad vagandum morandumque extra domum jacturam studiorum, qua spiritualium, qua literariorum subit; de bono nomine tam suo, quam Religionis, non parum detrahit, quin etiam in tentationes de vocatione, de castitate incidit, & aut naufragium sui simpliciter facit aut ægerime, expoliatus, sauciatusque evadit. O quam ei suo infelici experimento, isti didicerunt ipsi, docueruntque alios.

Amator ergo sui spiritus, sui status, suæ integritatis virtutisque Religiosus omnis, difficillimus erit & rarissimus, in adeundis Parentibus, consanguineisque brevissimus & parcissimus in mora, in mansione, & collocationibus cum eis. Erit inter eos tanquam peregrinus, & alienus, testem sui, socium habebit semper & vel nolentem apud

se retinebit, vel nec discretionis causâ abire patietur, citissime ab eis avolabit, causas eos adeundi, vel cum sua temporali jacturâ præscindet: in se non in Superiores, (cur consanguineos adire vel nolit, vel non possit) devolvit; à superioribus autem inviam amolietur. Nihil ab eis accipiet pro se privatim omnino; curas, tutelas, patronia, negotiorum tractationes nullas suscipiet, sed ex Christi Regula, ut mortui, mortuos suos sepeliant, sinet. Hæc bene considera & penetra, & in usum tuum converte, & conversationem cum carne sanguineque omnimodè devita: Neque unquam crede te habere adeo firmum Religioso rigore pectus, ut calore, sanguine molli, naturaliumque necessitudinibus & amorum familiaribus jaculis penetrari & impugnari non possit.

## C A P U T V I I.

### De Industriis quas servant ij, qui ex Ti- rocinio ad Collegia veniunt.

**C**olligi quidem possuat ex præmissis, potissimum ex prima & tertia, aliqua industria, quas propter spiritum conservandum, servant ij qui ex Tirocinio ad Collegia veniunt, sunt tamen aliqua particulares, quæ plurimum juvent Novum Religiosum ad vitam in Collegiis degendam, quando ad ea veniunt post Tirocinium, licet etiam servire possint ijs simpliciter, qui ad Collegium aliquod de novo veniunt, esto non sint de Novis Religiosis.

**Industria 1.** cum aliquis de novo ad Collegium venit, maximè si ex Tirocinio & Novus Religiosus est, sumptò aliquot dierum spatium, quo partim respiret de via, partim domicilium ejusque consuetudinem recognoscit, interea semetipsum aliquantulum recolliget, & qualiter in eo loco vitam suam Religiosam, attentè occupationis suæ futuræ naturâ, nec non ejus Regulis, ductu-

rus sit, apud se statuet, assignando quoad poterit, his pijs Exercitiis consuetudinibusque tempora certa, loca, occupationes, occasiones, in quibus ea conservare & exercere velit, absque censura & nota aliorum, absque damno suo, absque præjudicio aliorum, cum accommodatione ad communem Collegij hujus cursum receptumque modum.

**Industria 2.** Contrahet notitiam competentem cum Superiore suo, Patreque Spirituali & Professore futuro. Et Superiori quidem ac Patri Spirituali, sive Confessorio, statum suum interiorem necessitatemque aperiat, ut ab eis tantò fidentiùs certiusque dirigi possit, tum etiam documenta & cautelas, secundum quas eo loci vivere, officiumque assignatum obire debeat, salvâ disciplinâ Religiosâ, salvâ Conscientiæ spiritusque sui integritate. Professori verò seu Magistro suo: se quoque, quantum ad studia literarum, quæ illo docente tractaturus est, submittet, ab eoque similiter congru-



am directionem, & monita & modum studendi postulabit. Atque hunc in Spiritualibus, internisq; suis necessitatibus recursum ad Superiorem Confessariumq; in literarijs vero ad Professorem servabit, cum simplicitate ac sinceritate Religiosa sine ullius noxa, stasis, quoad vel ipsi commodum, vel illis placitum erit temporibus.

*Industria 3.* Supellectilem suam spiritua-lem, quam ex Novitiatu sive in animo & corde memoriaque, sive in libellis scriptam collectamq; extulit, secum recolet revisetq; ac proposita releget. Neq; unquam sinet sibi hanc Novitiaticam provisionem, haud dubie divinitus sibi in primitiis spiritus communicatam vilescere, deq; manibus aliquomodo excuti, aut in contemptum defuetudinem, oblivionemq; venire. Hoc enim sine injuria Divinae Providentiae atq; gratiae, itemq; sine multiplici & gravi animae suae detrimento non fieret, immo majus opinione, citiusq; spe malum & ruendi periculum ex hoc neglectu incurreretur. Sicut enim in naturalibus rebus, eadem sunt principia conservativa, quae fuerunt constitutiva rei, ita & in spiritualibus ipsidem omnino exercitijs observationibusq; commodissime status internus animae conservatur, nutritur, fovetur, ad profectumque & maturitatem deducitur in Collegiali vita, quibus ab initio est per Novitiatum constitutus & natus & formatus. Itaq; Novitiatica exercitia & subsidia, provisiones, supellectilisque non possunt sine praestantissimi spiritus jactura vel negligi, vel omitti, vel oblivioni tradi & semel amissa vix unquam satis revocari & recuperari poterunt. Repetenda ergo erunt vel relegenda, & sermone cum alijs in memoriam, in usum praximq; revocanda, quae bene & salubriter in Tiocinio audivimus, observavimus, inchoavimus, proposuimus in adversaria, scripto retulimus. Neq; ab hac Industria ulli nos respectus revocabur, si boni aemulatores zelatoresq; spiritus esse voluerimus.

*Industria 4.* Ab initio statim mansionis suae in Collegio aliquod profitebitur virtutis & disciplinae Religiosae studium curamq; etiam in minimis & obvijs rebus; profitebitur, inquam, opere magis quam voce. Et quidem in rebus ordinarijs ordinariam, non autem eam, quae singularitatem aliquam redoleat, & Novitatem sapiat, affectionem odiosam notabilemque insinuet. Hac libe-

ra virtutis & disciplinationis professione, & sibi ipsi imponet necessitatem, ita deinceps peragendi, nec stylum mutandi in moribus, & alijs aedificationi erit, & discolorum laxiorumq; mox a se familiaritatem arcebit. Quae industria per multum facit ad pacem & constantiam consequentis temporis. Qui enim initio statim, ita liberum & domum se in virtutis studio ostendit, liberum solidumq; passum facit, & fundamentum jacit, id est Dominium deinceps continuandum, sibiq; asservandum.

*Industria 5.* Cavebit curiositatem videnti, audiendi, sciendiq; inutilia, non necessaria, aliena. Cohibita enim hac curiositate ab innumeris se immunem servabit curis, cogitationibus, timoribus, consiliis, conjecturis, speciebus, censuris, scandalis, quodsi eam non cohibuerit, si spongia esse velit, & omnia ad se notitiamq; suam attrahere, sentiet malo suo sententiae illius veritatem. Qui addit scientiam, addit dolorem. Fugiet ergo inutiles notitias, ac ne ultro quidem se ingerentes admittet, sed gratis dimittet prout gratis venerunt; neq; pro brevi dulcedine curiositatis, longissimam, maximeq; variam eniet penitendae penam.

*Industria 6.* Amabit & incolet cubiculum suum, neq; ab eo digredietur, neq; morabitur extra illud unquam sine necessitate, inambulacris, publicisq; locis nunquam subsistet, neq; se alijs forte subsistentibus unquam adjunget, sed tanquam urgente necessitate, alio vel ad cubiculum suum vocaretur, sic festinabit evolare a publico, multa per hanc industriam vitabit incommoda, congregabit comoda, non audiet inutilia, servabit silentium non perdet tempus, officio suo fungetur, pacem internam tuebitur, non incurret complicitatem aliorum defectuum, non superioribus, non disciplinae gravis erit onerosusque. In cubiculo autem semper utiliter se occupet, studendo, legendo, scribendo, orando juxta temporis ordinem & exigentiam, excludendo inutiles occupationes. Solent enim haec esse tentatio Diaboli & illusio, ut imperata, occupationes aegre, obiter, raptim, negligenter faciamus, voluntatis vero propria inutiliter, impertinentes, cum tota effusione applicationeq; peragamus.

*Industria 7.* Inter praecipua studia instrumentaq; virtutis ac scientiae reputabit ordinem temporum & pretium temporis. O-



ante punctum temporis habeat adnumeratum, ita ut cuilibet micæ temporis particulæq; habeat adnumeratam occupationem bonam, quæ scilicet vel doctrinam, vel pietatem redoleat. det operam, ut particula boni diei non eum prætereat, nec illi otiose effluat, tantum enim revera perfectionis in gratia, in merito, in virtute, in perfectione, in gloria æterna, in scientia, in vita deniq; perdit semper, quantum perdit de tempore, potissimum autem micæ & reliquias temporum impendat ex proposito ejaculationis orationibus & reflexionibus, super

præteritas sequentesq; actiones, aut renovationi intentionis, aut invocationi Divini auxilii, aut præsentia Dei, aut exercitio virtutis menstruat, Examiniq; particularis, aut aliis actibus piis, faciens id suaviter sine actuatione & nimia sollicitudine. Tali namq; temporis observatione durescit anima, pinguescit devotio, fervor conservatur & augetur, gratia Dei cumulat, unio cum Deo familiaritasq; inicitur, & innumera alia bona acquiruntur, mala verò excluduntur, adeo ut ne otiosæ quidem cogitationi spatium relinquatur.

## CAPITULUM VIII.

### De Industriis studendi literis atque scientiis.



Sciendum aliam rationem esse studendi Religiosi hominis, à ratione studendi hominis secularis. Sunt qui scire volunt, ait S. Bernardus: ut sciant, & curiositas est: sunt qui scire volunt ut sciatur, & vanitas est; sunt qui scire volunt ut scientiam vendant, & turpis quæstus est; sunt qui scire volunt, ut ædificentur, ac ædificent, & hæc Sapientia atque caritas est. Atq; hoc postremum debent spectare Religiosi omnes Societatis, sive dum literas alijs tradunt, sive dum ab alijs discunt, ut nimirum & ipsi ædificentur, & ædificent alios, promoveantq; ad salutem & perfectionem, Deum autem glorificent, ut inquam ritè in studendo se gerant, his industriis juvari poterant.

*Industria 1.* Religiosus Societatis studeat juxta mentem, spiritum & intentionem Societatis, quod aliud nihil est, quam studere in ordine ad zelum gloriæ Divinæ, salutisq; & perfectionis, tam suæ propriæ, quam proximorum, ut nimirum efficiatur idoneum Instrumentum Dei & Ecclesiæ & Societatis ad proximos Deo lucrandos, utq; securè non minus quantum ad virtutis, quam quantum ad Societatis absolutionem, aut

saltem sufficiëntiam exponi à Societate possit, ad ministerium Evangelij, & ad eruditionem directionemq; animarum per viam salutis.

*Industria 2.* Religiosus Societatis studeat secundum Regulas studentibus in Societate præscriptas, cum quo coincidit studere secundum directionem Præceptorum, Professorumq; suorum, sic enim studentibus solet Divina bonitas benedicere singulariter, tum ut proficiant notabiliter ac facili, tum ut deinceps tempore suo scientiis eorū utatur Deus atq; labores prosperet, ut sint & Dei gloriæ, & sibi ipsis & proximis proficui, secus autem accidit ijs, qui aut sinistra intentione, aut præposterò modo præter mentem regularum, contradirectionem præceptorum, studiis operam dant, horum enim operâ vel non utitur Deus, vel non benedicit, vel ad summum naturalibus temporalibusq; mercedibus compensat labores eorum, &c.

*Industria 3.* Religiosus Societatis studeat cum diligentia humili, cum humilitate diffidentiaq; sui diffidenti, laboriosa & constanti. Humilitatem in studendo colloco, in sui ingenij laborisq; diffidentia, in Divinæ autem opis & benedictionis imploratione atq; fiducia, quod sibi Regula expressè præci-



præcipiens Religiosis crebram Divinæ benedictionis efflagitationem, ad hoc ut in doctrina proficiant, quod etiam facit diligens, & seria spiritualium rerum tractatio, maxime orationis: facit hoc etiam cultus & amor æternæ sapientiæ specialiter, ejusq; Matris Sanctissimæ, deniq; Patris luminum, & totius SS. Trinitatis veneratio. Huic porro invocandi opem Divinam studio sui; diffidentia ex æquo debet labor conatusq; indefessus respondere. Cælum enim laborantibus favet, otiosis adversatur nec meretur exaudiri ille qui quod in se est non facit Deoq; non cooperatur. Scire enim debet, omnis Societatis filius à Religionem ad studendum applicatus, quod si id negligenter perfunctorieq; tractet, quod commissum habet, multis modis inveniatur reus. Nam & in Deum & in Ecclesiam, Christi, & in Societatem & in Fundatores Benefactoresq; & in proximos, & in semetipsum injurius esse cognoscitur convinciturq; fallit etiam omnium spem eludit, & fraudat eos fructu studiorum suorum debito; Deum iustissimum Iudicem impune transire non possit, formidare certè deberet illam Domini comminationem: *succide illam, ut quid etiam terram occupat.*

*Industria 4.* Religiosus Societatis student ordinatè. Ad ordinem hunc multa spectant, sed potissimum, ut confusio vitetur, nec desultoria levitate, nunc hoc, nunc illud arripiatur abjiciaturq; nec perturbentur tempora, nec discendorum series commutetur: habeat tempus suum, quilibet studiorum discendorumq; portio, nec quicquam anteponatur illis studiis quæ ab obedientia præcepta sunt. Sequi enim impetum naturæ & calorem phantasie irreligiosum est. Ubi satis feceris his quæ imperata sunt forsitan licebit indulgere ingenij æstui & privatæ cupiditati modò & illa sobria, utilisq; sit, nec ullò modò præjudicet obedientiæ, &c.

*Industria 5.* Religiosus Societatis student adæquatè ingenio capacitatq; suæ. Non debet quisquam ex facilitate, felicitateq; ingenij negligentior reddi. Sicut enim absurdè ageret lepus naturæ velocissimus, si ex eo quod testudinis asellivè cursum facile æquare posset, non jam vellet uti velocitate sua in currendo, ita felix sortitus ingenium, nequaquam à culpa negligentiam immunis est, si propterea à labore in studen-

do sibi adæquato cesset quod tardiozem minusq; capacem citò æquat. Cui plus datū est plus requiretur ab eo, à feraci gleba, plus exigitur quàm à sterilibus arenis, gaudet mercator, si modicis impensis ingentia lucra parare potest, neq; ideo cessat, quando videt alios majoribus impensis minora quarere: non propterea Deus ingenium felix providit largitusq; est tibi, ut inde deses evaderes, sed ut capaciore ingenio plura capere contenderes, facilitateq; profectus ad magnum profectum, & ad excellentem fructum messesq; doctrinæ evolares, hoc si non facis fraudas Deum sine suo & deo dis talentum, sudario illud involvens, laborem sudoremq; fugiens. Quod si contingat aliquantum ingenium non proinde felix foret, non propterea is abijcere manum debet sed felicitatem conatu laboreq; supplere. Meliores sunt plerumq; profectus parti labore quàm felicitate & facilitate, sicut diutius durat quod æri incisum quàm quod in terra & aqua est scriptū esto hoc sine labore, illud cum molestia etiam perfectum sit. Quare facilitas labore pensanda est, quia labor vicissim duratione ac soliditate pensabitur.

Est autem vitandus quidam scrupulus in quo non pauci impingant ostentatio atq; aucupatio felicitatis facilitatisq; & opinio nis de eadem. Volunt enim aliqui videri sine multo labore, multum proficere, multa facere, citò peragere, cum tamen sapientissime in re aliter sit. Verum quicquid sit de hac veritate, hoc verum est, maiorem esse laudem justioremq; ac prudentiorum commendationem, si perinde laboriosus ac ingeniosus sis, ut dubitent alij quod præstet in te, labore ingenij facilitati, an ingenium labori? Sicut enim optimus est ager ille, qui & specie & re ipsa ferax est, ita illud ingenium optimum, quod facilitatem labore adæquat. Talem ergo ambitionem facilius ferendam crede, si te æquè facilem ac laboriosum probes in discendo.

*Industria 6.* Religiosus Societatis student jungendo literas cum pietate. Hæc enim oportet facere & illa non omittere, pietas ad omnia valet, & præcipuum instrumentum est sciendi, puritas cordis. Etenim, *malevolam animam non intrabit sapientia.* Scientiæ Corpus sunt; virtus anima: nihil prodest corpus sine anima: nihil etiam facit anima sine corpore, præstat tamen longè anima.



nima corpori. Ut sit homo integer, utroque constare debet, ut homo Societatis sit integer & absolutus, doctum & probum esse oportet. Completa laus est non minus esse solidè doctum, quam solidè sanctum. Scientia sine caritate inflat, caritas sine scientia, se quidem, sed non proximum ædificat.

*Industria 7.* Religiosus Societatis studeat sine invidia & æmulatione caritati inimica, gaudeat alieno profectu perinde ac suo proprio, ad amandumque invitetur ipsis talentis condiscipuli, ingenium mentis hoc est, quanto magis Religiosæ, quanto magis filij Societatis. Igitur neque profectu, neque gratia apud alios, siue pares siue superiores movebitur ad invidiam, ad obrectationem ad fugillationem. Sicut etiam suo profectu, suo successu, sua apud alios gratia, non ducetur ad contemnendum, ad deprimendum alios, sed potius dabit operam, ut omnes alios æstiment, ament, complectanturque sicut & se, etenim caritas non æmulatur, non inflatur: immo si multitudinem aliorum peccatorum cooperit, quanto magis fratrum Perinde sordidi animi est invidere quod alteri bene est, ac invidere si alteri tecum

bene sit. Si amaris, velis etiam alios amari tecum: si amas, dilata amorem & ama plures, tanto melior es, quanto plures amas, si amantur alij, gaude & congratulare, ut sis & tu bonus amando sicut sunt alij &c.

*Industria 8.* Religiosus Societatis studeat solidè, fundatè, fundamentaliter, cum possessione scientiæ cui studet. Qui enim in Societate discunt, non tantum suam curam student, sed ut Magistri sint doceantque, alios, cui ergo dubium, quod solidè ab eis opus sit, scientiam facultatemque possideri, quam sunt aliis tractaturi. studeat etiam delectabiliter, ut eum delectet studere, scire, discere: hinc enim fiet, ut jucundè, ut libenter studeat, nec pigrescat in labore, nec molestè ferat, immo appetat docentium diligentiam. Hinc etiam fiet, ut sponte studeat, ut supra id, quod docetur, scire proficereque contendat, ut studendi nunquam finem faciat. Hinc etiam fiet, ut se gratum Ptæptori in omni vita exhibeat, & doctrinæ simulque labori eorum per se affectus sit. Alias Industrias petat Societatis filius, ex Vita B. Aloysij, Berchmans, Alvari, tu his Industriis utere, Deum in auxilium invocans &c.





V O T A  
R E L I G I O S A  
S E U  
T R A C T A T V S  
D E V O T I S R E L I G I O S I S  
in communi & particulari.

P A R S I.  
D E V O T I S in COMMUNI.  
C A P V T I.  
De Natura & Dignitate Votorum  
Religiosorum.



§ I.

Ciendum, Naturam  
Voti in hoc esse,  
quod sit promissio  
quædam Deo facta:  
Voti autem Religi-  
osi Natura est, quod  
sit Promissio Paupertatis, Castitatis, & Obe-  
dientiæ Deo facta in ordine ad hoc ut ho-  
mo vovens, istius modi promissione, atq; e-  
iusdem executione sive observatione, expedit  
se ab omni impedimento expeditè serviendi  
Deo, hoc est, ab omni amore, cura, possessione,  
proprietasq; rerum creaturarum sicq;  
expeditus, tota libertate & plenitudine affectus  
sui feratur in Deum, adhæreat Deo, curratq;  
viam Mandatorum & voluntatis Divinæ juxta  
Vocationem suam.

Atq; ita Votorum Religiosorum Natura,  
finis, officium, effectus & fructus est absol-

vere & eliberare hominem voventem, ab  
omnibus impedimentis, & retrahentibus,  
& retardantibus eum in obsequio Divino,  
facere autem illi viam planam & rectam  
in consecranda perfectione Virtutum, &  
applicare eidem veluti quasdam alas, quib;  
tam velociter quam faciliter, simulque fel-  
liciter elevetur, evoletq; ad conjunctionem  
cum Deo. Ut proinde Vota Religiosa, ab  
ijs qui ea beneficio Dei emittunt vel emise-  
runt, tanti facienda æstimandaq; sint, quan-  
ti libertas ab impedimentis serviendi Deo,  
quanti facilitas currendi ad perfectionem,  
quanti commoditas velocitasq; evolandi ad  
unionem Dei. Omnia enim hæc à Votis  
habentur, sine Votis autem vel nullo mo-  
do, vel admodum difficulter & valde raro  
habentur.

§ II Ut prædicta melius explanentur,  
naturaq; & dignitas ac pretium Votorum,  
Reli-



Religiosorum percipiatur, considera quod cum bonorum creatorum, circa eademque sollicitudinum, ac proprietatum tria sint genera, quæ nimirum animos hominum, detinent impediuntque, quo minus liberi & toti in Deum tendant, ejusque obsequijs vacent absque divisione & remora & difficultate. Dona scilicet animi, ut sunt, Ingenium, Iudicium, Voluntas, Liberum arbitrium, Fama, Honor, Opinio, & similia. Dona quoque Corporis & sensuum, ut sunt **A** omnia carnis delectamenta tam licita & honesta, quam illicita & dedecentia. Bona demum externa: ut sunt, opes, possessiones, magistratus, dignitates, pecuniæ, famuli, familiares, amici. His omnibus homo renuntiat, & exsolvit se per vota Religiosa, Obedientiæ quidem à primis, Voto castitatis, à medijs, Voto paupertatis, ab extremis, totumque & integrum affectum, & amorem, & studium qui in hac bonâ variè divisus & dispersus fuit in unum & solum Deum **B** transfert, in eoque desigiti. Liberrimusque per omnia Divina obsequia occupatur & sine alia ulla sollicitudine destinetur.

Ex quo conijce, quantum beneficium, Deus homini præstat tunc, quando illum ad Religionem & ad vota Religiosa vocat & admittit, quantum item boni vota Religiosa afferant: quantum differat Religiosus his Votis Deo alligatus, tum ab omnibus hominibus sæcularibus, tum à semetipso dum adhuc sine Votis fuit, quantum sublevatus sit ab omni creaturâ, & ad solum Creatorem obtinendum possidendumque per immediatam unionem admissus: quantum facilitatis adipiscatur, non tantum ad qualemque salutem, sed etiam magnam, imò omnem perfectionem virtutis sanctitatisque apprehendendam: quantum securitatis habeat in negotio salutis perfectionisque: certo adipiscendæ & conservandæ, indiesque etiam augendæ, quantum denique pretij & dignitatis, æstimationisque recipiat, apud **C** Deum simul & homines: non potest enim, non esse Deo amabilis & pretiosus, qui propter Deum possidendum omnibus plenè simul æternaliter se spoliavit adeò ut ne se ipsum sibi reservaverit. Non potest etiam, non esse admirabilis & venerabilis apud homines: ut qui totus Deus sit, Deoque unitus, Deo dives, tamque possideat Deum, quam & ipse possideatur à Deo perfecte, quod utique homines tam reputant laude dignum & ad

admirabile quam in se ipsis experiuntur arduum & difficile. Dummodo is qui vovit, hoc quod Deo vovit corde & ore: servet etiam præstetque constanti & fideli operatione: servando scilicet cor suum in reliquo vitæ progressu, re ipsa immune & vacuum liberumque ab omni amore, cura, possessione. proprietate bonorum tam terrenorum, quam corporalium, quam denique rationalium atque adeò suimet ipsius totius.

**S. III.** Cum homo quilibet pro suæ naturæ, (mortalis præsertim) conditione sit ex se mutabilis & varius, potissimum vero ad bonum arduum & heroicum arreptum continuandumque mollis, deferendumque pronus & facilis. Oportet autem & per magni interest eundem hominem in bene capto, maxime verò heroico, ad salutemque & simul perfectionem assequendam suscepto & necessario (cujusmodi est Religiosa vitæ negotium) firmitatem stabilem ac perpetuam habere, (quid enim prodest excelsæ turris fundamenta alta ponere, & post modum, veluti alteram turrim Babel imperfectam, ad hominum videntium ludibrium deferere. Ideo huius infirmitati mutabilitati que humanæ providens Sapientissimus Conditor hominis, Operatorque, & Rector salutis ejusdem Deus, & suggestit & consuluit homini Votorum obligationem assumere, & suam illam animosam rerum omnium etiam suipsius abiectionem voto perpetuo firmare, eoque voluntatem suam alioqui liberam, & ambulatoriam, stabilem, firmam immobilem immutabilemque facere.

Ergo Vota faciens homo: efficitur non tantum liber & solutus ab omnibus impedimentis divini obsequij, plenique amoris ejus, & arctæ cum ipso Unionis: sed etiam, in hac libertate & immunitate redditur constans immobilis & immutabilis, quò nihil est ad bonum hominis verum in hac quidè vita quod addi possit oprabilius simulque, etiam majus. Quid enim tam optandum, quod tam statui beatorum vicinum: quam in eo statu Virtutis heroicæ locari in hac adhuc vitæ ex quo dimoveri nec si velis possis, nec si possis, velis: nec posse velis, nec velle possis? Secundum B. Augustinum, *prima libertas* (hujus scilicet vitæ) est posse peccare: altera autem est, (futuræ nimirum vitæ) non posse peccare: ad hanc beatæ vitæ libertatem Votis suis accedit Religiosus homo: per illa enim ponit se in eo statu, ut



non possit moraliter seu licite, propter novam obligationem peccare, non possit resilire ab unionem cum Deo, non possit reassumere illa impedimenta unionis arctæ cum summâ Majestate & facilitatis expeditæ, ad obsequia ejusdem majestatis.

Atq; ita beneficio suorum Votorum non tantum constituitur homo in statu quodam certo & fixo vitæ bonæ & innocētis, sed etiam collocatur in statu alto eminenti vitæ sublimis & perfectæ. In statu inquam, quia redditur immobilis & immutabilis in cultu & obsequio Dei inq; modo & ordine in facilitate & carentia impedimentorum ad colendum obsequendumq; Deo, uniendumq; sui cum ipso, & adhærendi ipsi pleno & soluto cordis affectu. Quam immobilitatem si non haberet, consequenter nec statum haberet, nec Religiosus dici posset.

Et quibus non est difficile colligere, quantum boni sit in Votis Religiosis, & quam pretiosa esse debeant omni Religioso: adeo sanè par est iis delectari gloriariq; Religiosum: quam æquum est gloriari, ex eo quod sit immutabilis Dei servus, cultor, amicus, domesticus, amator, quodq; indivisibiliter ac inseparabiliter unitus alligatus & adglutinator sit Deo. Hæc est vera & proxima, quoad fas huic vitæ, accessio ad beatitudinem sortemq; Beatorum. Hæc est corporalis & Spiritualis, corporis & animæ incorruptio quæ proximum facit Deo.

O utinam, quam hæc vera sunt, tam re-

ipsa probentur ab omnibus Vota facientibus, & per Votorum vincula Deo alligatis: quod sanè fieret, si quod votis ex animo factus promittunt, hoc post modum ex ejusdem animi plenitudine implerent, se se immaculatos & immunes servando ab omnibus, tum rebus extraneis, tum delicijs carnem, sensum, sanguinemque redolentibus, tum ab inordinato amore suæ famæ, libertatisq; à cura sui ipsorum regendorum, à cura sui honoris, à proprietate judicij. Quod ipsum nunc fieret, si naturam efficaciamq; Votorum suorum cognoscentes, eadem ut dignum æstimarent, atq; illa tanquam tutissimam, rectissimam, certissimamque ad cælum, ad omnis virtutis perfectionem, ad omnem in Dei obsequiis facilitatem, ad immediatissimam ordinatissimamque cum Deo unionem, Dei possessionem, Methodum & viam, ambabus (ut ajūt) manibus tenerent amando, tenerentq; executioni mandando, & sic semper cum hilaritate cordis perseverando.

Tu igitur da nunc operam ut hæc veritates intimè ponderes, & penetres, earum ad lucem & normam, præteritam vitam, tuam, Votorumq; amorem, æstimationem, & curam examines, futuram autem sequentemq; ordines & componas: desiderium effectuum fructuumq; istorum ex Votis manantium percipiendorum, simulq; eorundem Votorum perfectissimè observandorum studium, desiderium propositumq; in te maximum succendas.





# CAPUT II.

## De Natura & Dignitate Votorum: deq; triplici Sacrificio quo per Vota immola- mur Deo.

**I**N Veteri lege fuit quoddam genus sacrificiorum. quod vocabatur (pro peccatis). Etenim volens quis suam pro suis peccatis penitentiam Deo testari, eorumq; veniam obtinere, atq; reatum culpæ & pænæ ijs contractum expiare, offerebat Sacrificium, quod dicebatur pro peccato: quod erat vel hircus, vel quid simile à Deo ordinatum in lege.

In Novo Testamento & Ecclesiæ Christi, etsi omnia legalia sacrificia unico IESU Christi sacrificio, sicut expleta & suppleta, ita etiam abolita & abrogata sunt: *minime tamen desunt alia Spiritualia sacrificia* omnis generis à Deo instituta, quæ in virtute meritum Passionisq; Christi efficaciam habent indubitam ad expianda & abolenda peccata: cujus modi est inter cætera status vitæ Religiosæ: qui & ipse generatim est status penitentiae: & speciatim omnia genera operaq; penitentiae Christianæ complectitur ac exercet: ita ut quod alij status partialiter sunt, vel habent penitendi expiandiq; peccata medium, hæc omnia & singula status Religiosus peculiari, proprio perfectiori, ratione, consequenter autem & uberiori efficaciori, fructu in se continet, professoresq; suos exercere facit. In Religiosa siquidem vitâ locum ex professo habent Sacramenta tam Penitentiae quam Eucharistiæ: Sacrificia item Missæ, Actus Contritionis & charitatis opera, Ieiunia, abstinentiæ, Orationes, flagellationes corporis, cilicia, asper vestitus & vilis, & simplex: vigiliæ, insomnia, labor assiduus corporis & animi, paupertas, obedientia, mortificatio sensuum & Passionum, pænæ seu voluntariæ assumptæ, seu à Regulâ, seu à Superiore injunctæ, aliq; hujusmodi juxta

institutum & fervorem cujusq; vel ordinis vel hominis.

Inde fit ut quod jam supra dixi totus status Religiosus, omniaq; opera Religiosi hominis, & omnis vita ejus: sit natura sua jugis & perpetua quædam penitentia, exercitatioq; operum pœnaliū pro peccatis & peccatorum pœnis. Ita ut nemo possit austeriorem excogitare penitendi pro peccatis rationem, quàm est ingredi Religionem: etiam alioqui non summè rigidam. Ad rigorem namq; penitentiae sufficit expoliatio & nuditas tam affectu, quàm effectu suscepta, votisq; firmata, & statu inita, & totius vitæ sequentis decursu limitata. Huic enim tali penitentiae, his solis circumstantiis absq; aliis peculiaribus asperitatibus, cinctæ, nulla penitentiae agendæ in sæculo ratio æquivalere, multò minus prævalere potest.

Porro autem si rectè attendimus totus hic penitentiae in Religiosa vita vigor, à Votis potissimum desumitur: quæ faciunt Religiosi: ut manifestè appareat consideranti Paupertatem, Castitatem, & Obedientiâ, in eo rigore in quo Votis vovetur Religiosorum.

Quare si quid est in Religiosâ vitâ, quod hominem facit Sacrificium Deo pro peccato, hoc potissima ratione emanat à Votis, & ijs tanquam radici, tanquam origini & fonti est omnino tribuendum. A Votis enim est, quod homo non ex parte aliqua tantum sui penitentiam agat, sed totus omnino & integer in bonis externis & corporis & animi. A Votis est, quod omnibus operibus suis penitentiam agat, & non aliquibus solis tantum. A Votis est, quod tota vitâ suâ, omnibusq; & singulis momentis vitæ sit, & in statu, & in professione, & in actu penitentiae. Adeo ut ipsa solatia si quæ aliquando habet Religiosus penitentia,



130 *Caput II. de triplici Sacrificio, quo per vota immolamur.*

tia sint illi, & pœnitentiæ opera sint. Nam in hoc ipso quod recreatur alioquin aliquantulum, quia illud suscipit ex imperio Nutriq; obedientiæ: quia nunc, quia ira, quia tamdiu, & non aliter: ab alieno pender arbitrio, quod sine dubio pœnale est, & in genere pœnitentiæ valde rigorosum, quia voluntatis Iudicijque abnegationi conjunctum: ac proinde in Voto obedientiæ fundatum, ab ejusq; pretio pretiosum, ab ejus difficultate pœnale: ab ejus excellentia heroicum. Quin etiam in hac ipsa solatorum materia ordinariæ annexa est paupertas, atq; sobrietas: habens & derivans valorem, pretium, meritumq; suum ab aliis duobus Votis Religiosis: quo fit ut ipsa Religiosorum solatia pœnosa sint, & ad pœnitentiæ fructum afferendum idonea.

Accedit quod eadem Religiosæ Vitæ opera omnia procedant ab imperio Virtutis tum quæ Religio, tum quæ Devotio dicitur: indeq; efficaciam ad satisfaciendum excellentem desumunt.

Deniq; huc facit quod Religiosus status ejusq; vitæ actiones: sint holocaustum quoddam Deo exhibitum, & actibus exercitum. qua de re in sequentibus punctis. *Nunc ex consideratione* horum omnium facile est concludere, tum quæ sit natura excellentiæ, efficaciq; Votorum Religiosorum, tum quantum commodi ex iis manet in Religiosi hominis animam, statum, & operationes, tum quantum pondus accedat ejus laboribus coram Deo ex Votis: tum deniq; quam obviam, quamq; in magna licet difficultate facilem & expeditam habeat satisfaciendi pro peccatis & præteritæ & quotidianæ vitæ suæ facultatem. Ut Religiosus revera nonnisi suæ ignaviæ imputare debeat, quod ex hac vitâ cum reatu pœnarum purgatorij saltem notabili, & diuturnius expiando decedat.

§ II. In eadem Veteri lege fuit aliud genus sacrificij: quod Impetratorium vocabatur, quod nimirum offerebatur Deo pro Impetrandis gratiis bonisq; sive Spiritualibus, sive temporalibus. Est enim Sacrificium spes orationis, & modus orandi, supplicandi, postulandiq; ac impetrandi à Deo, sanè quam efficacissimus: sicuti & cultus Dei præstâtissimus adeoq; soli Deo debitus. Hoc idè Sacrificium impetratorium etiam erat gratiarum actoriū Deo pro beneficijs.

In Nova lege est etiam suum sacrificium impetratorium, valde præstans & efficax: quod omnes alias Impetrationes sanctificat

& promovet, & conficitur ex Corpore & Sanguine Domini Nostri IESU Christi: Merito tamen inter Novæ Legis specialia Sacrificia impetratoria computatur status & Homo Religiosus: quod & ex nomine Religiosi, & ex fine ejusdem, & ex modo in finem tendendi, & deniq; ex effectu, consideranti innotescit. Religiosi status seu hominis nomen, deducitur à Virtute Religionis cujus sacrificium est species præstantissima, qua Virtute homines ordinantur ad obsequium Dei, si qui autem ordinantur, potissimâ certè ratione ordinantur Religiosi homines. Votis suis & purificati innocentisq; redditi, ac ipsidem maciati: ita ut immolent, imò sint ipsi convertanturque in spirituales & Divinas hostias Deo: levantq; semper in Oratione, (quam sine intermissione faciunt) puras manus effundatque corda sua tamquam aquam in conspectu Dei. Quod faciunt Religiosi, & ipso vitæ statu, & omnibus singulisque actionibus, quas ex status sui faciunt sive imperio, sive ingenio. Adeo ut totus homo Religiosus, totusq; vitæ illius cursus quotidianis actionibus & passionibus distinctus simulq; collectus, aliud nihil esse videatur, quam Thymia quoddam confectum incensumq; in odore precationis & gratiarum actionis, & laudis Domino Deo ipsorum.

Peculiaris certè dignitas, ac ipsis Religiosis peculiari jure propria, Deo in id dicatos esse, ut assiduo postulationes suas innotescere faciant coram ipso: omniq; hora adeant ad thronum Dei gratiæ cum fiducia: loquentes Domino ea quæ ad pacem sunt, tum sibi ipsis, tum fratribus suis, universaq; Ecclesiæ Dei: propter quod de uno quoq; eorum dici potest illud. *Hic est Fratrum amator, & populi Israel: hic est, qui multum orat pro populo: & universâ Sanctâ civitate Dei.* Agnosce Religiose tum dignitatem tuam, tum fructum effectumq; Votorum tuorum, tum officium tuum, naturamque status & Vocationis tuæ: tum spiritum quò omnes totius vitæ tuæ operationes operari debeas, tum deniq; modum, quò te, animamq; tuam, Cor tuum & omnia tua in orationis observationisq; sacrificium coram Deo impendere effundere, ipsaq; Oratio quadamtenus fieri debeas.

§ III. In eadem Veteri lege fuit quoddam tertium sacrificij genus, quod holocaustum vocabatur, quasi dicas totum combustum & incensum. *Huiusmodi enim sacrificia offerre.*



offerebatur Deo specialiter ad reverentiam Ma-  
iestatis ipsius, & amorem bonitatis eius: & con-  
veniebat statui perfectionis in impletionem consi-  
liorum: & ideo totum comburebatur, ut sicut to-  
tum animal resolutum in vaporem sursum ascen-  
debat, ita etiam significaretur totum hominem,  
& omnia quæ ipsius sunt, Deo Dominio esse subie-  
cta, & ei esse offerenda. S. Th. 1. 2. q. 10. 2. 3.  
ad 8. Quæ natura huiusce Sacrificij quam  
probè & ad amissim conveniat statui, ho-  
mini, Religioso per vota Deo dicato faci-  
le est cuilibet dispicere: explicatq; id diser-  
te S. Thomas 2. 2. q. 136. a. 7. inc. in hunc  
modum, docens statum Religiosum esse  
Quoddam holocaustum, per quod aliquis se suaq;  
totaliter offert Deo: habet autem homo triplex  
bonum, primum quidem exteriorum rerum, quas  
totaliter aliquis offert Deo per votum Voluntarie  
paupertatis. Secundo autem bonum proprii cor-  
poris quod aliquis præcipue offert Deo pro votum  
continentiæ, quo abrenuntiat maxime delecta-  
tionibus corporis. Tertium autem est bonum a-  
nimæ, quod aliquis totaliter Deo offert per obe-  
dientiam, quæ aliquis offert Deo propriam volun-  
tatem, per quam homo utitur omnibus potentiis  
& habitibus animæ.

Atq; ita efficitur totus & totale sacrifi-  
cium Deo in impletionem consiliorum, ad re-  
verentiam ipsius maiestatis, & ob amorem  
eius bonitatis, & ad imitationem perfectæ  
Christi Domini in mundo conversationis.  
Sacrificatur autem non quovis modo,  
sed per ignem charitatis totum hominem,  
cum omnibus ejus attinentijs quasi coram  
Deo & in gustum ejus resolvendo, totali-  
terq; Dominio Dei subijciendo, & quidem

non ad breve tempus, nec per transeuntem  
combustionem charitativam, sed cum per-  
petuitate quadam, per totam hominis vitam,  
durante ita, ut hæc ratio fiat homo Sacrifi-  
cium juxta, holocaustumq; sempiternum,  
non solum quotidianum, sed etiam assidu-  
um, & toto vitæ humanæ decursu continu-  
um, nunquam, ne ad momentum quidem,  
ex vi status Votorumq; interruptum.

Qua conditione vivendi in hoc mundo:  
non potest homo excogitare, sed nec desi-  
derare tum sibi honoratiorem & eminenti-  
orem, tum Deo gratiorem, & dignitati e-  
jus, obligationiq; creaturæ erga Deum ex-  
plendæ accommodatiorem ac abundantio-  
rem. Et cum hæc conditio obveniat ho-  
mini Religioso a Votis suis, quibus se Deo  
obligat æternaliter: utiq; habet irrefragabi-  
lem rationem appretiandi Vota sua, statum-  
que suum sibi ex votis pullulantem. Habet  
quoq; maximam rationem Divinæ bonitati  
gratias juxta agendi quod eum ad tam no-  
bilem sublimemq; vivendi facultatem, ex  
infinita sua miseratione, nullo ipsius merito  
deduxerit, in eoq; collocarit, & immobili-  
ter fundaverit.

Habet deniq; maximam, partim exstimu-  
lationem, partim simul commoditatem.  
Nobilissimo & perfectissimo modo Deo ser-  
viendi, Deo se subdendi, Deo se uniendi,  
Deo se impendendi, Deum exaltandi, ad  
Deum accedendi, in Deum transeundi, in  
Deum se se transformandi. Dummodo  
esse velit, & accuratus status sui æstimator,  
& diligens exequutor, atq; exæquator.





## CAPUT III.

## De Natura &amp; pretio Votorum: deq; Martyrio, quo per Vota Religiosi coronantur.



§ I.

Vota Religiosa, statumque ex eis consurgens, tum Vita quotidiana hominis Religiosi, est quoddam genus insigne Martyrij. Facere enim vota & Religiosum esse, ac religiosè in eo statu vivere, est perdere & maculare animam suam, omniaque sui corporis bona & commoda & solatia, omnisque mundi possessionem possidendi, facultatem & spem, propter Christum. quod certè est mors quædam, & qui hoc faciunt, mortui censentur, interque mortuos civiliter reputantur. Ad Martyrium sufficit causa & mors: quorum neutrum deest in Religioso: non causa, ut per se patet: propterea enim mortificamur tota die. Non etiam mors ut ex effectibus conditionibusque, patet.

In morte enim separatio est animæ à corpore & privatio vitæ. In Votis Religiosis & Religiosa vita, separatur homo à mundo universo, deinde separatur, anima à cura carnis, à cura & usu omnis carnis & sanguinem redolentis voluptatis, succedente in ejus locum applicatione & inflictione usque omnigenæ corporalis mortificationis, sensuumque, interiorum & exteriorum afflictionis: denique, separatur anima à semetipsâ, ab amore sui ipsius, ab amore & usu libertatis, judicij, rationis, honorum, & æstimationis & de se dispositionis.

Est in morte Martyrum cruciatus: isque, aliquando vehemens, aliquando non item, productus aliquando, brevis etiam interdum, & in uno ictu gladij positus. In Vita quoque seu morte Religiosi hominis & status, est cruciatus, etsi fortasse horrore modestior, at diuturnitate, varietate, continuitate, intimatorum animæ affectuum appetituumque perturbatione afflictioneque, molestior. In morte amittuntur omnia quæ possidebantur à mortuis, & per vota, statum, vitamque, Re-

ligiosam amittit homo omnia: efficiturque incapax omnium, etiam sui ipsius possidendi, atque gubernandi, estque, quasi non esset est veluti pupillus ac minorennis, est denique, veluti mortuus & sepultus, & in aliud sæculum, in alium mundum, in aliam vitam traductus & translatus: cujus nemo ex hujus mundi præsentis hominibus memor est amplius.

Morte Martyris non extinguuntur posteritas ejus, sed manere possunt, esseque, heredes illius: sicque, etsi moritur, quasi tamen non moritur. relinquit enim similem post se. At morte Religiosi hominis conditioneque, status ac Votorum extinguitur posteritas omnis, transeunt enim Religiosi in statum quodammodo Resurrectionis futuræ, non nubunt neque, nubuntur, sed efficiuntur sicut Angeli Dei. Atque, ita plenius quo ad hoc perfectiusque, moriuntur Religiosi statu suo, votisque suis, quam Martyres martyrio.

Mortis genus & instrumenta Martyrij non deligunt neque, designant sibi Martyres. sed ad omnia passionum genera parati sunt, eaque, perferunt quæ infligere libet iis quorum in potestate sunt. Et in Religioso Martyrio idem prorsus est: absque, discrimine mortificationi cuilibet sese offerunt Deo, Diabolo, Superioribus, paribus, inferioribus, domesticis, Externis, sibi ipsis, in anima, in corpore, in fama, in fortunis, omni tempore, & loco, & modo, prout libuerit potestatem habenti. Habet ergo Religiosus Martyrium suum, & potest statui eius accommodari veraciter illud Augustini ser. 4. de Martyribus. Non Martyrium sola effusio sanguinis consummat: nec sola dat palmam exustio flammarum: pervenitur non solum occasu, sed etiam contemptu carnis ad coronam.

§ II. Paupertas Religiosa est Martyrium: de qua re Sanctus Bernardus ait: Verè Martyrij genus est voluntaria paupertas, quid enim mirabilius, aut quod Martyrium gravius esse potest.



Caput III. de Martyrio quò per mortem Religiosi coronantur: 133

potest, quàm inter epulas esurire, inter vestes multas & pretiosas algere, paupertate premi inter divitias, quas offert mundus, quas ostentat malignus, quas desiderat noster appetitus? An non meritò coronabitur, qui sic certaverit? Certè non immeritò Salomon ait: *Quis est hic, & laudabimus eum: fecit enim mirabilia in vita sua.* Est autem paupertas Religiosa Martyrium ideo.

Imprimis: quia aufert homini bona & commoditates, ex quibus non tantum necessaria, sed etiam voluptuosa, etiam superflua, etiam coram oculis hominum speciosa & honorifica, autoritatè, potestatem, timorem, reverentiamq; parientia, habere poterat.

2dò. quia non tantum aufert ipsa huiusmodi bona, sed etiam aufert spem & potestatem habendi ea.

3tò. quia præter spem & facultatem, aufert etiam voluntatem & cupiditatem, alioqui innatam homini: quod est magis intima hominis penetrare, eumq; veluti necare.

4tò. quia non tantum aufert voluntatè & amorem aut cupiditatem bonorum istorum, sed etiam infert contemptum, fugam, odium, irrisionemq; eorum, ita ut Religiosus bona ista externa arbitretur mala, & detrimenta, & stercora.

5tò. quia insuper Religiosa isthac paupertas adfert homini carentiam bonorum, adfert defectum & insufficienciam, dimittit etiam necessaria, rescat ex toto superflua, ipsa etiam purè necessaria ex alieno tantum ministrat arbitrio, solumq; & purum usum eorum permittit, eumq; ipsum, etiam plenum, sed limitatum ab aliena voluntate, pro cuius nutu, iis non uti, cedere, carereq; paratus est.

6tò. quia infert etiam cupiditatem egestatis, experimentalisq; defectus, tum verò insuper & gaudium de indigentia necessariorum, de præsentia incommoditatum, de affluentia abundantiaq; penuriæ & miseriarum.

Quæ omnia simul præsertim accepta & in praxim experimentumq; deducta, revera morte graviora sunt: nam mors horum potius sensum aufert, quàm molestiam ex eorum præsentia infert: cuius oppositum, status facit Religiosus: ut verè sit quoad hoc Martyrium majus difficilius illò Martyriò, quod mortem infert.

Itaq; ex hoc capite gloriosa est pretiosa, què paupertas Religiosa, summoq; in pretio habenda à suis professoribus: nec debet ei injuriam facere facilè, aversatione, impatientia, fuga, erubescencia, aliisq; modis paupertati sanctæ repugnantibus, alioqui non tam Religiosos faciet Martyres sua paupertas, quàm ipsi potius eam facient Martyrem, vel certè, sic fient & ipsi quidè Martyres, sed non Christi, verum alicujus alterius: puta propriæ voluntatis ac sensualitatis: vel etiam maledicti dæmonis. Apprehende ergo diligenter & naturam pretiumq; paupertatis: & simul commodum ornamentumq; ex ea tuum: tum etiam obligationem tuam, quâ obligatus es ad amandam, & colendam, integreque conservandam hanc adeò pretiosam status tui Religiosi gemmam &c.

§ III. Castitas Religiosa est Martyrium: de quo Hieronymus *Haber*, ait: *pudicitia servata Martyrium suum*, Epist. ad Demetriadem. Et rursus alloquens Eustochium Virginè ait: *Quo magis gaudeas, Mater tua longo Martyrio coronata est. Non solum enim effusio sanguinis in confessione reputatur, sed devota quoq; mentis servitus immaculata quotidianum Martyrium est.* In Epitaph: *Paule* propter quod etiam Sapientis judicio. Non est digna ponderatio (sive æstimatio, & appretiatio) continentis animæ, accipit enim à continentia inæstimabile pretium, accipit verò potissimum ex eo, quia per continentiam carnis & mentis transcendit statum mortalitatis hujus: evolatq; ad vitam Divinitati vicinam: sicut scriptum est: Incorruptio proximum facit Deo. Ergo castitas hominem sibi ipsi adimit: ut majus quiddam sit semetipso: & inter Angelos connumeretur: quorum proprium est absq; concretione experimentoq; sensus & carnis, vitam agere. Atquè ita castitate mactatur in homine homo, violentaturq; natura, ut in carne sit quasi absq; carne, certè non secundum carnem. Quod sanè martyrium esse evidens est: Si non quid Martyriò etiam majus: quoniam in hoc plenior est mors carnis & hominis, quàm in ipso Martyrio. ut in primo puncto consideratum est. Neq; id mirum esse debet: cum Voti castitatis beneficio evadant homines Angelis ipsis fortiores: utpote quorum castitas felicior quidè sit: hominum autem fortior: Nam quod Angeli sunt per naturam carnis expertem, hoc



134 *Caput III. de Martyrio, quod per Vota Religiosi coronant.*

hoc continentem homines sunt virtutem carnis domitricem, victtricem, & conculcatricem.

Sed ad Martyrium castitatis redeundo: castitatem esse Martyrio non tantum vicinum quiddam & simile, verum etiam majus ac difficilius, evincere videtur illud: quod mortificatio, afflictio, dolor, cruciatus, Martyriumque carnis: sit amicum quid castitati, & medium subsidiumque, castitatis contra pugnas & hostes illius: ad quas expugnandos, vel declinandos castitas martyrium praelegit, imo & subit, imo & sponte sua illud assumit. Ex quo apparet difficilius esse durioraque, praelia castorum quam Martyrium: quia ad Martyrium, non est opus auxilio castitatis, ad castitatem autem opus adjutorio Martyrij, levius ergo quiddam est Martyrium, laboriosius autem quid est castitas: ob quod castitas minus horret Martyrium, quam sua pericula, hostesque, & labores suos, atque ita magis est Martyr homo castus a sua (votiva praesertim) castitate, quam Martyrio.

Quod si quis ex hoc oppositum concludat: nimirum robustius quid esse Martyrium castitate, eo quod & suos & castitatis hostes superet: tamen ex hoc ipso castitate esse Martyrium manifestum erit: ut pote quae ad sui defensionem integritatemque, eget Martyrio: nec possit esse homo castus, nisi simul sit & Martyr: facit ergo castitas Martyrem prius ut exhibeat castum. Quod qui considerat, facile advertit, quanta sit Eminentia castitatis Religiosae, quanta ejus arduitas & difficultas, qualis ejus esse debeat aestimatio & quam sollicita & sumptuosa conservatio, utpote cui bene, prudenter, imo & necessariè impenditur vel quamlibet dura mortificatio, vel etiam ipsum Martyrium.

S. IV. Obedientia Religiosa est Martyrium: & quidem praecipua partis hominis, nempe animae, propter quod etiam est hoc genus martyrij praecipuum & principale. Constat enim tanto praestare afflictiones dolores humiliactionesque, animae, afflictionibus & arumnis corporis, quanto ipsa anima praestat corpori. Corpus quoque, non habet sensum nisi ab anima, ex cujus arbitrio saepe pendet acrimonia in doloribus sentiendis mensura: at verò anima ipsa sibi est fons mensuraque, sentiendi & patiendi, & in medullis suis sentit quidquid sentit.

Maximèque, id verum est, quando anima a seipsa & a proprio suo arbitrio afflictionis sumit materiam: estque ipsa subjectum voluntarium & spontaneum suae molestiae: quod fit in obedientia Religiosa: cui sese anima sponte subdit, voluntatemque suam, libertatem, amorem, rationem, judicium, propositionem quamlibet, ad objectum quodlibet, alienae Voluntatis arbitrio tanquam gladio mactat, victimamque facit: non volens id quod vult, sed quod alius non judicans id quod judicat alieno sedet arbitrio, quod an non sit aliquando ipsius Martyrij gravitate gravius, & ad penetrandos animae recessus efficacius acutiusque vix asserere dubitem. Martyr certè suae inhaerens per fidem & propter fidem voluntati & judicio, vicissimque per judicium & voluntatem suam fidei sese adstringens: defendit suam cum fide voluntatem, cum voluntate fidem, at obediens, & voluntatem, & judicium suum quantumlibet firmum & vehemens propter nutum alienum, imò & per nutus alieni opinionem deserit, & alteri submittit, per eamque submissionem medullas animae, & viscera rationalis, id est supremae suae portionis essentiaeque, trucidat. Martyr alienam voluntatem suae fidei, voluntatisque & assensus firmitate debellat & expugnat: peridque & propter id Martyr efficitur. Obediens autem suam voluntatem, libertatem. Rationem alienae voluntatis nutu mactat. Martyr certat pro libertate ac vita animae suae: obediens certat contra libertatem, judicium, vitamque animae suae. Martyrio igitur anima non affligitur: obedientiae autem Voto Martyrizatur. Atque ita Martyr sit, Martyr veritatis quidem Divinae, fidei autem & voluntatis suae. Obediens autem sit Martyr voluntatis humanae (vel in humana Divinae, seu propter Divinae humanae) subiectionis autem, imò stultificationis suae. Efficitur enim sibi & apud se stultus in prudentia sua, & sapit voluntate aliena: efficitur jumentum arbitrij alieni, & expoliatur se facitque se mortuum sensui proprio.

Et in Martyrio quidem moritur anima corpori: vivit tamen sibi: at verò in obedientia, vivit licet corpori: moritur tamen sibi: an verò praestantior & praesentior sit mors animae, qua sibi, quam qua corpori moritur: primum est judicare. Certè sine dubitatione dicere possumus: quod Martyrij

sic

fit mors  
ma. Ob  
xemplum

Martyr  
eumque ad  
nem in ra  
ni eripit.  
pore sente  
rit beatoru  
tia verò lo  
cio anima  
tantum su  
vita cursum

Habet  
Vota Mar  
tyrij fructu  
non tam  
ria, unus  
ries, mul  
bet. Re

De



& allevi  
valida &  
(multoq;  
cato) po  
etiam n  
& robe  
ma tra  
idonea  
suffici  
mor eo  
rò & pr  
mè suffi  
te belli  
alis.

Ea pr  
ri, neq;



fit mors corporis, Obedientia fit mors animæ. Ob quam rem etiam obedientia ad exemplum mortui, cadaverisq; exigitur.

Martyrium affligit hominem in sensu, eumq; adimit. Obedientia cruciat hominem in ratione & voluntate, eamq; homini eripit. Insuper Martyrium occiso corpore sensuq; adempto, animam mox admittit beatorum solatiis fructuram: Obedientia verò longo multorum annorum supplicio animam servat & mactat: non per dies tantum singulos, vel in horas omnes, & per vitæ cursum planè universum.

Habet ergo Vita Religiosa, habent ejus Vota Martyrium suum, consequenter martyrii fructum, pretium, & præmium. Imò non tam est celsenda Martyriū, quàm Martyria, unusq; Religiosus, non semel, sed pluries, multisq; generibus Martyr censerī debet. Religiosus qui servat Vota sua Mar-

tyrium subit à Votis: qui autē non servat ab eo Martyrium subest Vota. Amor tantum æstimatio, observatio, perseverantia Religiosis necessaria est: ut ament statum suum, ut sint quod profitentur, ut impleant quod voverunt, ut æstiment exultentq; esse quod sunt: ut perseverent usq; in finem, coronamq; perseverantiæ consequantur.

Propterea tu te hic examina: atq; quantum tibi desit ad eam Votorum tuorum statumq; tui excellentiam dispice. Pudeat te professione esse adeo sublimem, supraquē cæterorum etiam famulorum Dei sortem elevatum: opere autem inter abjecta, & aut proprio honori, libertati, amorivē, aut sensuum indulgentiæ, commoditatq; aut quod indignissimum statui Religioso est, cuiuspiam extraneæ reculæ, servientia, subditaq; mancipia computari.

## C A P V T I V.

### De Amore & appretiatione observatio- neq; Votorum.



Vita Religiosa militiæ, actio-  
nis est prælium, luctus,  
conflictus, pugna. Hu-  
jus militiæ arma sunt Vo-  
ta. Arma quidem tam  
levia, ut sint ipsa levitas,  
& alleviatio: tam nihilominus firma &  
valida & impenetrabilia, ut sint ipsi Deo,  
(multoq; magis inferno & diabolo, & pec-  
cato) potentia. Nec id mirum: quia sunt  
etiam non aliò, quàm Deo ipsomet potentia  
& roborata. Tam præterea sunt hæc ar-  
ma tractabilia. seu ad usum tractationemq;  
idonea, ut sola illorum memoria, plerumq;  
sufficiat, certè ipsa sola æstimatio atq; a-  
mor eorum plusquam satis sit, gestatio ve-  
rò & præsentia & exercitium longè maxi-  
mè sufficiat in omni periculo & necessita-  
te belli, quæ offensivi quæ defensivi spiritu-  
alis.

Ea propter, hæc arma, licet assiduò porta-  
ri, neq; unquam deponi velint. tamen non

solum non gravant militem, sed etiam le-  
vem faciunt. Licet etiam hominem spo-  
lient, tamen quantò magis spoliant, tantò  
magis obarmant. Licet semper in mani-  
bus esse possent, hoc tamen ipsum illis ad  
integritatem atq; ad defensionem sufficit,  
esse in manibus, hoc est in observatione &  
praxi, alioqui si seponantur, rubiginem cō-  
trahunt, nitorem amittunt, neq; adversa-  
rio terrori sunt, neq; gestantem tuentur.  
Ex his concludere tam tibi esse amanda, fa-  
miliariterq; tractanda Vota, quàm militi  
arma.

§ II. Religiosus ædificator est, sum-  
ptu ædificii hujus quod ædificator molitur,  
in quo mansurus est, æternum in cœlis est  
à Votis, imò sunt Vota, qui caret Votis:  
(caret autem tam qui non fecit, quàm qui  
non amat nec servat, quæ fecit Vota) care-  
sumptu idoneo, frustra molitur ædificium,  
Babylonem imò ruinam ædificat, illudatur  
ei à dicentibus: hic homo capit ædificare  
& non potuit consummare. Dura irrisio  
ab homi-



ab hominibus: durior à dæmonibus, durior ab Angelis & Sanctis, durissima à Christo & Deo. Evitabis illam: si vota diligendo servaveris, servando dilexeris.

§ III. Religiosus est Architectus ædificans domum non manufactam in cælis. Domum scilicet perfectionis, & imitationis. Fundamenta domus hujus sunt Vota, sine his non stat perfectio: usq; adeo ut etiam extra statum Religionis, perfectio non stet, nisi fundata in Votorum Voto. Sæcularis enim perfectus & justus debet sic amare mundum, quasi mundo non utatur, quasi non amet. Potius amorem curamq; hanc & usum patiatur quam agat. Et quia effectu non potest, saltem affectu debet esse pauper, castus, obediens. Ergo sæcularis ut sit perfectus in Voto, Religiosus esse debet: quando igitur hoc magis necessarium Religioso, in actu Vota, in praxi, in observatione, in amore, in pretio debet habere tanquam fundamenta: surrectura perfectionis moli & turri substernere: eaq; in solo, inconcusso Christi imitationis locare & jacere: ac semper eadem omnibus modis integra intemerataq; servare, ad quod sine dubio cura & amore ingenti ferventiq; opus est.

§ IV. Religiosus est operarius, merces ejus in illa quidem vita, est æterna beatitudo, in hac autem sunt vota, seu Votorum perfectio atq; beatitudo. Inde nullam aliam homo, mundum, Christi causâ deferens, in hac vitâ mercedem habet à Deo, nisi vota sua quæ facit, seu quibus Deo totus mancipatur, & in possessionem simulationemq; Dei perfectè transit. Cum igitur tantò sumptu, (totius scilicet mundi jacturâ & sui ipsius) emerit à Deo hanc mercedem & mercedem, nonne poscit ratio, ut illam tanquam pretiosam Margaritam, tanquam agrum thesauro latente divitem summè æstimet? Certè operario grata est non tantum merces, sed etiam dies ipsa mercedis ejus, quidni igitur & Religioso grata sint

Vota ejus quæ sunt & Merces, & merx, & beatitudo ejus?

§ V. Religiosus est Rex, servire enim Deo regnare est, regnat enim sibi, carni sensui, libertati amoris, honori, diabolo, mundo deniq; regnat Deo. Tantis Rex est Religiosus. Corona capitis ejus, opulentia & opes & substantia tota, inexhausta ejus, sunt Vota ejus. Scio cui credidi, ait unus eorum: qui potens est servare depositum meum. Deus depositarius Pauli fuit. Paulus creditor & Rex fuit. Providentia, omnipotentia, voluntas, sapientia, bonitas, veracitas, fidelitas Dei, sunt regna tributaria Religiosi: quantò ergo magis sæcularia, & alia creata omnia. Ius in hæc omnia ex Votis est: his ex fide, ex pacto, ex æquo & bono omnia promissa, omnia debentur. Quantus ergo fructus, quantus honor, quantus decor Religioso ex Votis? & non amabit Vota sua Religiosus? Miramur Religiosum, pannosum pauperemq; honori esse mundo, terrori diabolo, amoris cælo? Majus his omnibus est, quia regnat Deo, & possessione legitima hæreditariaq; gaudet Deo. Æstimate Religiosi Vota vestra. Tantum enim habetis, quantum Vota vestra amatis & servatis.

§ VI. Religioso sic sunt amanda Vota sua, ut amet simul observationem eorum: amoremq; votorum testetur observatione. Nihil enim prodest Votis esse illigatum: in observatione autem eorum esse dissolutum. Extremi periculi & probri est vovere & non reddere. Quorsum tanti sumptus: si neglectu tota eorum perditio? Vota dicta sunt: quod ex intenso, intimo, cordialiq; amoris affectu sint nuncupata: hoc enim vovere dicimur, quod summè desideramus, & desiderare semper volumus: utq; velim⁹, ligamus voluntatem, Voti obligatione: adigimusq; illam volentem ad volendum, quia vult semper velle, quod se jam gaudet velle. Ergo & natura & nomenclatura Voti amorem poscit, observationeq; sui.





# CAPUT V.

## De pretio Votorum, & observationis amorisq; eorum felicitate.



§ I.

Ora Religiosa sunt vinculorum & compedum mundi, diaboli & carnis, amorisq; proprii absoluti & vera diruptio atq; abjectio. Ita ut omnis qui votis est Religiosis illigatus: cum suavi gratiarum actione possit debeatq; dicere Deo. *Dirupisti Domine vincula mea:* quibus irretitus tenebar quamdiu mei juris eram: & sæculi non libertate, sed revera captivitate detinebar: propterea *Tibi sacrificabo hostiam laudem:* nuncupando vota mea: & tibi me in holocaustum immolando. Adduc propriam experientiam tuam, adduc aliorum innumerabilium hominum: quanta sunt vincula sæcularium, quibus catenis constrikti tenentur & gemunt, & merguntur in interitum æternum. Ab his omnibus vinculis & solvitur & absolutus est qui vovit Vota Religiosa: absolutus est in æternum, quantum in ipso & ex vi votorum ejus est. *Quantum ergo sibi debet complacere in Votis suis?* quantas Deo pro eis agere grates? quantum illis pretium habere apud se: tanquam instrumentis libertatis suæ, & dissipatoribus miseræ, immanis, innumeræ servitutis suæ.

§ II. Vota sunt vinculorum Christi assumptio & induitio. Dum enim Vota nuncupantur, verè implet qui nuncupat, illud Domini IESU dictum. *Tollite jugum meum & onus meum super vos:* jugum enim meum suave, & onus meum leve. Votis ergo homo liberatur à servitute peccati & diaboli: & efficitur servus Iustitiæ: quæ servitus est vera libertas: & ita efficitur servus libertatis: id est, efficitur libertinus. Induit ergo homo per Vota compedes libertatis veræ, aureæ, sanctæ, Divinæ. unde etiam invenit requiem animæ suæ.

Neq; id mirum esse debet: quandoquidē

per Vota ipsummet Christum induit: sicut enim per baptismum induit Christum quilibet quoniam ex mancipio infidelitatis factus est servus fidei & veritatis & legis & gratiæ Christi, tanquam palmes viti, tanquam membrum capiti innectitur inseriturq; Christo: Ita per Baptismum hunc renuntiationis, per Vota factæ: tantò plenius quilibet induit Christum, quantò plenius perfectius, perenniusq; ac irrevocabilius abrenuntiat omnis creaturæ, etiam suiipsius, (quod in Baptismo non fiebat) amor, dominio, proprietati, usui etiam ipsi arbitrio: efficitur autem unum quiddam cum Christo, quia sublatò omni medio creato, totus, immediatè, plenà, liberà, expeditaq; Charitate unitur Christo, & transformatur in Christum, efficiturq; veluti alter, imò ipse Christus. Nullam aliam habens possessionem præter solum unumq; Christum propter quem crucifaciendum, omnia, etiam semetipsum detrimentum, fecit. Quod totum admirabile & inestimabile negotium, atque simul beneficium conficitur naturali efficaciam beneficioq; votorum religiosorum. His enim homo perfectè & absolute moritur & perit mundo, sensui, ipsi sibi, omniq; creaturæ propter Deum, absq; medio in solum incidit, recipitur, transformaturq; Deum.

His ipsdem Votis illigatur (seu religatur unde & Religiosus vocatur) Deo, alligatur Christo, & fit præcipuum præcipuoq; conjunctionis modo membrum ac palmes Christi, singulari atq; proprio quodam jure singularem specialemq; succum gratiæ ac meritum participans & trahens de plenitudine Christi. Unde etiam magis efficitur pars vitalis, viva, sana, utpote fonti vitæ magis vicina, arctius pressiusq; incorporata.

Utinam hoc beneficii, hoc inquam vinculi genus, vel potius, hoc Votorum beneficium



ficiū, utinam Religiosi genuinē percipi-  
ant intellectu, intimēq; simul participant  
effectū. Longē utiq; alia esset vulgo Reli-  
giorum in Spiritu & perfectione conditio,  
longē alius amor Votorū, & longē alia æsti-  
matio, ac tandem longē & alia observatio.

§ III. Vota Religiosa sunt annulus, &  
pignus sponsale subarrhatoriumq; quo Re-  
ligiosus & Deus mutuō desponsantur: fi-  
untq; duo in Spiritu uno: quoniam qui ad-  
hæret Deo unus spiritus est cum eo; adhæ-  
ret autem omnis qui vota facit: quia per  
vota cui adhæreat non habet, utq; nec ha-  
beat, nec habere possit, per Vota id facit:  
propter quod relinquit homo & Patrem, &  
Matrem, & corpus & animam, & seipsum,  
& universa creata: & adhæret sponso suo  
Deo, cui sponsatur in fide & fidelitate, &  
spe, & fiducia, & charitate, & devotione.

Atq; hujus desponsationis pignus memo-  
riale annulus pronubus, sunt Vota, quem-  
admodum & ipsa desponsatio peragitur per  
Vota.

Expende ὁ Religiose hanc & tuam &  
Votorum tuorum dignitatem: ex mancipio  
mundi, ex jumento carnis, ex captivo dia-  
boli, ex cloaca peccati, ex titione inferni,  
efficeris sponsa Christi & Dei, & effice-  
ris per Vota: & annulus sponsalis sunt  
tibi Vota & syngrapha transactionis tam  
æternæ prænobilisq; sunt Vota. Et dos  
conjugij hujus sunt Vota: cogita quanti æ-  
stimare, quo loco habere: quam delicate &  
tenterē servare debeas hæc tua Vota? Cujus  
frontis est pronubum annulū, pignus  
sponsalis amoris nexusq; æterni cum Deo  
contemptui & neglectui habere? O agno-  
sce Religiose dignitatem tuam, Votorumq;  
tuorum: & per Vota factus divinæ consors  
desponsationis: noli in degenerē per negle-  
ctum Votorum tuorum transire deinceps  
conversationem.

§ IV. Vota Religiosa sunt Beatitudinis  
inchoatio: atq; in centuplum obligatio  
mercedem, stipulante atq; exhibente sapien-  
tissimā simul ac omnipotentissimā Dei pro-  
videntia. Qui Vota Religiosa emittit: cō-  
scendit trium maximorum virtutum supre-  
mos gradus, & tantū infra solius visionis  
dilectionisq; intuitivæ ac beatificæ gradum  
constitit, Vota Religiosa trifariam beati-  
ficant voventem. 1. Auferendo ab eo om-  
nem miseræ materiam, quæ ex peccan-  
do, ex amissione & curā bonorū, ex errore

ignorantiæ nasci solet. 2. Vovendo  
evehūtur in supremos gradus summarum  
virtutum Theologicarum & Moralium:  
præterquam quod sint ipsa virtutes Hero-  
icæ & status insuper earum sive in eis. 3.  
Dando Deum in possessionem hominis, ho-  
minemq; in Dei: ita ut speciali jure ac mo-  
do ob vim Votorum & Deus sit voventis  
& vovens. Dei possessio, quomodo non est  
A ullius creaturæ in ullo statu, hujus vitæ e-  
tiam in Ecclesia Christi. In veritate enim  
neq; fides neq; spes, neq; charitas hujus vi-  
tæ altius promovere hominem possunt  
quam ad Votorum altitudinem, latitudinē,  
humilitudinem, ac profunditatem: Ab an-  
nihilatione enim & prodicione ipsius ho-  
minis incipiendo, omnem creaturam com-  
plexa deserunt & contempunt, unīq; soli-  
nudo ac simplici enti & bono summo Deo,  
in æternum irrevocabili promissio hominē  
B Vota Religiosa immergunt, inserunt, invi-  
scent, indivinant. Ita ut solus Deus sit  
tali homini omnia in omnibus in hac vita:  
& merces ejus non tantū centupla, sed  
prorsus magna nimis, non minus ipsa quo-  
quē in æternum, quam homo, Deo devotus,  
est in æternum. Quomodo ergo non bea-  
titudinem jam inchoavit, qui se per Vota  
Deo addixit & sacravit?

Hæc ergo natura Votorum est, hoc be-  
neficium, hæc efficacia sublimis & admi-  
rabilis, & quamvis omnibus quicunq; Vota  
faciunt in Religione, sit veluti de jure com-  
munis: hoc tamen manna absconditum est  
in praxi, & experimento, omnibus illis, qui  
esto fecerint Vota profitendo, non ea tamē  
profiterentur exequendo. Contingit enim  
illis quod filiis Israel, qui omnes quidem  
manna manducabant in deserto: non om-  
nes tamen omne delectamentum suavitatis  
deprehendebant in ipso, sed ij soli in qui-  
bus beneplacitum fuit Domino & quibus  
beneplacitum fuit in Deo. Ita Religiosi, o-  
mnes quidem Vota emittunt: sed eorum ef-  
ficacem virtutem atq; dulcissimam subli-  
mationem nonnisi ij soli percipiunt degu-  
stantq; qui delectantur Votis suis, eaq; a-  
mant ut servant ut perficiant, perficiunt ut  
in eorum latitudine sine offendiculo, sine  
retinaculo, sine adhæsiōe ad illius rei cre-  
atæ amorem in Deum currant, in Deum  
transcant: & sicut ferrum in ignem, aer in  
lucem, gutta in immensum vinum, plena  
& constanti amoris sinceritate, cordis nudi-  
tare,



tate, Voluntatis resignatione atq; confor-  
mitate transmutentur. Ad quam beatitu-  
dinem nulla certior, planior, breviorq; viâ  
quâm Religiosorum Vota ex animo nuncu-  
pata atq; servata. Quam si plerisq; obti-  
nere non contingit, hoc cæcitati suæ in-  
cognoscendo æstimandoq; Votorum pretio  
& lentitudini studioq; perfunctorio in eo-  
rundem observatione adscribere debent.

In veritate namq; plerisq; Religiosorum  
ita in Religione vivunt: ut omnia alia po-  
tius negotia curent, quàm ut se Votorum  
suorum amori, æstimationi, peritioni, co-  
gnitioni, exactaq; ac insignius diligenti ob-

servationi impendant. Satis habent cras-  
sas & in omnium oculos incurrentes Voto-  
rum injurias devitasse: quorquot autem ho-  
nesto aliquo prætextu obvelare possunt, hos  
inter minora, ne dicam inter nullam dispē-  
dia connumerant. Inde Vota Religiosis  
sunt onera, inde laquei, inde lapsuū & ca-  
sum seminaria, quod utiq; non Votorum  
ingenio ad libertatem serenitatem, suavi-  
tatemq; conscientia divinitus instituto,  
sed voventium, quæq; voverunt morosē &  
miserē observantium vitio evenire, quoti-  
diana experientia manifestum facit.

## C A P V T VI.

### De proveniente Religioso ex Votis suis securitate atq; pretio.



§ I.

Vota Religiosa (& vita  
iners fundata, secundum  
formam & naturam vo-  
torum directâ) sunt ve-  
luti navigatio absq; omnibus periculis, sco-  
pulis, ventis adversis suscepta: perpetuis  
autem prosperitatibus, obsecundantibusq;  
ventis, procul omni metu, sub infallibili  
navarchorum siderumq; ductu instituta: ad  
portum planè securum, ad fortunatasq; re-  
giones, ad Beatissimæ Patriæ sedes termi-  
nanda.

In alijs quidem statibus ac Vita generi-  
bus miseri mortales, penè semper adversis  
obluctantur ventis, in periculosis scopulo-  
sis monstrorumq; & pyratarum plenis oce-  
ani plagis, inter assiduorum naufragiorum  
metus, & sub oculis positos conspectus na-  
vigantes: ita ut vix quisquam integris mer-  
cibus, rarus non naufragus in tabella enatet  
ad littus: Unus solusq; status Religiosus  
est is, qui omni procul metu securus suos  
portat per mare undequaq; pacificum &  
& prosperum. Quod à beneficio Votorū  
totum manat: Qui enim paupertatis, ca-  
stimonie ac obedientie navigio vehitur:

nulla habet periculâ à quibus metuat. De-  
um enim navarchum, Deum rectorem,  
Deum ventorum adspiratorem, Deum & e-  
jus voluntatem sapientiamq; cynosuram  
& acum nauticam habet. Navigat ergo  
plenus securitatis in tantum, in quantum  
votorum suorum fiducia & sinceritate ani-  
matus fidei Deo: in quo nemo unquam spe-  
ravit & confusus est: sed potius singulari-  
ter in spe constitutus, in pace inidipsum  
dormit & requiescit, sciens quoniam cui  
se & sua omnia credidit, Deus est. Ama  
Religiose navigationis istius secunditatem.  
securitatemq;, & cave intempestivis cupi-  
ditatum tuarum æstibus tempestates cōcita-  
re, quibus Votorum & vitæ tuæ Religiosæ  
navicula in naufragos scopulos breviquè  
impacta dissolvatur. Amor æstusq; pro-  
prium voluntatum, sensualitatu, & com-  
moditatum ac superfluitatum: hi sunt in-  
vincibiles scopuli, hi furentes venti, hæc  
monstra profundî maris, hi pyratæ crude-  
les: Religiosarum navicularum mercium,  
quas nemo evadit neglector Votorum, ne-  
mo metuit servator Votorum.

§ II. Vota sunt mercium & bonorum  
omnium humanorum Spiritualium, corpo-  
ralium,

U2



ralium, demum etiam externorum, in securissimum, munitissimumq; locum depositio, atq; etiam in agrum centesimi mille-  
simiq; fructus seminatio. Vota enim facere est aliud nihil, quam fanerari Domino, est nihil aliud, quam seminare totam substantiam suam in fecundissima liberalitatis ac feracissima Providentia Dei agro: ex quo, 1000, & 1000, & æternum & immensum fructum redditum cum exultatione metere liceat: est nihil aliud, quam tutissimo loco, quò scilicet neq; fur approprians, nec tinea demoliens, neq; erugo corrumpens accedat, universa bona & opes suas deponere ac recondere.

Bona quæ homines in hoc mundo mundani habent: quantis non sunt obnoxia casibus. Satis fuit opulentus Iob, & paucas intra horas exutus omnibus, solum illi sterquilinum in quo sederet, sola testa quæ famiem, defluere tardantem raderet, residuum accepit. Homini autem Religioso quid in mundo perire, quid eripi potest? Omnia arbitrat ut stercore? quid lugeat? Ipse sibi perijt, & alienus totus est: cur tristet? Unum nudum centum armati spoliare non possunt. Mortem non timer, qui jam totus magis mortuus est quam vivus. lacturam non meruit honoris: qui & se contemnit ipse, & gaudet queritq; contemni: ac dolet non contemni. Et non est hoc super fortunam, super casum, super mutationem omne esse? Adeo securo loco est: omnis qui Vota novit & reddit Domino, adeo in tuto omnia deposita habet sua. Nec mirum, quoniam Deus est illi omnia in omnibus, & in Deo sunt omnia ejus, & Deus est omnia ejus, atque hoc Votorum est beneficium & observationis eorum.

§ III. Vota Religiosa sunt manu ductio Dei quædam: omnes enim Votis Religiosis sibi obligatos, Dominus Deus, tanquam proprios suos eosq; tenellos filios perpetuo in omnibus & singulis, non tantum actibus: verum etiam cogitatibus veluti manu tenens ducit & deducit secundum beneplacitum voluntatis sapientiaq; suæ. Et quamvis hoc gubernationis Divinæ perpetuum obsequium omnibus non tantum hominibus, sed etiam creaturis suo modo impendi à Deo fatemur: attamen speciali quodammodo & obligationis jure propensionisq; teneritudine hanc curam impendere partim dignatur, partim tenetur Religiosis De-

votisq; suis Deus. Ita ut peculiariter appropriatq; dicatur de unoquoq; eorum à Deo illud: *Ego ero illi in Patrem, & ipse erit mihi in filium.* Quoniam enim Religiosus quilibet per Vota sua, ad illum se se statum sciens volens deducit propter Deum, & in spem Dei, in quo sunt infanti & lactentes respectu Parentum & nutritiorum suorum: omnem omnino curam suarum rerum, suique ipsorum, omnem iudicii prudentiaq; industriam & libertatem à se abdicantes, & in Deum, plenè transfundentes: ac si omnino & nudi, & amentes, & libertate destituti, & mancipia jumentaq; & pueruli simplicissimi forent. Inde fit, ut speciali quodam respectu obligent sibi Deum ad sui gubernationem, perpetuamq; in omnibus & singulis manutentionem atq; directionem, quod sicut nulla creatura alia per Vota & ex vi status facit: nulli etiam alteri creaturæ Deus hanc peculiarem manu ductionem impendere tenetur.

Viderit ergo Religiosus quantam consolationis & securitatis abundantiam ex Votis suis habeat: quæ vitam suam fiducia vallatam subnixamq; in Deum transigere possit, quam totus cura sui, rerumq; suarum omnium vacuus: quam totus certus optimi Deoque placiti utpote Divini progressus successusq; esse semper debeat. Quam insipienter agat periculososq; dum se angustijs pusilli, vel intemperijs cupidi cordis sui actus in sui curam rerumq; suarum sollicitudinè, vel uno digito intromittit. Per hoc enim Deum omnino arceat à sui cura, & ostendit se vel non egere, vel parùm contentum esse industria manu ductioneq; Divinam.

§ IV. Vota Religiosa sunt: pondus & pretium tum Religiosi ipsius, tum omnium actionum ejus, & quidem maximum atque certissimum. Quidquid enim à Religioso Votis illigato fit, id totum peculiari ratione bonum, peculiari ratione gratum Deo, peculiari ratione meritorium, peculiari ratione mercedis majoris dignum, peculiari ratione præmij sui certum securumq; est, quod peculiaritatis genus nulla opera hominum extra Religiosum factum, quantumcunq; bonum, & insigne sit: caret semper eo virtutis bonitatis excellentiaq; gradu quem ex Votorum & status Religiosi beneficio habere posset, quo nullum Religiosi hominis (dum modo malum non fit) opus destituitur: quia nullius status alterius homines ita Deo subijciuntur.



untur subdunturque; neque etiam ex tali subjectione operantur, cum operatur: quomodo Religiosi vi status Votorumque subditi sunt operanturque.

Et quamvis possit etiam secularis aliquis aliquid vovere Deo, ex Votoque, facere: tamen sic quidem adaequat excellentiam & valorem operum Religiosi hominis: sicut etiam dicto suo Voto non adaequat statum Religiosi hominis: neque enim per suum Votum evadit ad statum perfectionis. Quod si opera secularis hominis licet ex Voto facta: non adaequant dignitate & valore operum Religiosi hominis pondus & excellentiam: quanto minus id facient opera facta non ex Voto? Opus secularis hominis bonum est velut vinum ex vase luteo vel ligneo manans: Opus autem Religiosi bonum est velut vite vinum excresecens: aut velut ex auro gemmeoque vase profluens. voluntas quippe secularis hominis etsi bona sit, quae facit opus bonum: est tamen veluti lutea & ligneae bonitate bona, cui sit non naturale, nec proprium, vinum boni operis fundere: sed potest etiam indifferentia & mala proferre. At vero voluntas Religiosi, Votis Deo tradita, & tanquam vitis ad botros & vinum, connaturaliter ad hoc ordinata vi Votorum Deoque tradita ut ex ea genuinum vinum botrique naturales excresecendo procedant. Est tanquam vas aureum gemmeumque traditione aeterna per votum totaliter Deo sacra, sacraque facta adeo, ut non tantum actus ejus primi, ipsa scilicet potentia ejus Dei sit, & aeternaliter quidem ac inviolabilis Dei propter Vota. Itaque secularis dat quidem vinum Deo, sed non vas, non vitem. Religiosus autem & vitem vasque, pridem dedit ac sacrauit: & ex vite congenitum vinum operum bonorum fundit ac premit. Opus secularis hominis, bonum a semel tantum & transitorie tantum bona voluntate procedit: & ideo etiam semel tantum bonum est. Opus autem Religiosi sicut est a voluntate multipliciter bona, (nam 1. est pridem Votis Deo sacra, totaliterque, ac radicatus in ipsa potentia devota donataque: & 2. nunc quando actu

bonum operatur pristina illam bonitatem ex devotione inditam, in effectum producit: ita etiam opus ipsum erit multipliciter bonum, ac per hoc multipliciter meritorium.

Quod usque adeo verum est: ut non sit opus Religiosum ad quodvis individuum suum opus intentione voluntatis in Deum referre: (licet etiam hoc facere laudabile est meritoriumque & Religiosis familiare sit) sed sufficiat facere ex vi & impulsione status Religiosi, Deoque totaliter cum omni potentia & radice qualibet operandi pridem sacra ac devoti: Ex tali enim operandi modo, origine, radice, & fundamento, atque fonte non potest manans ipsa operatio non esse Dei, divini juris, Deoque grata. Sicut enim longe alia est ratio fructuum in foro venalium, & alia ex horti Domini arboribus decerptorum: illi enim si Patrifamilias ad cibum offerantur: non nisi emptionis jure ejus fiunt: at vero si decerpti ex hereditario horto porrigantur, sine emptione ex vi solius nativitatis suae, quia scilicet ex arboribus quarum Paterfamilias est haeres nati decerptique sunt, & sine oblatione, juris tamen Domini fiunt. Ita opera secularis bona, quasi ex foro venalia ad Deum empti perveniunt: Religiosi vero ex hereditaria Domini arbore nata hoc ipso juris Domini sunt, quia nata sunt. Unde etiam speciali jure & ratione tum bona, tum Deo grata, tum eidem propria, tum meritoria, tum mercede majore digna, tum praemij securiora sunt.

Ex quo fonte eodem sequitur quoque opera Religiosi sicut ad merendum amplius, ita etiam ad laudandum, exaltandum, adorandumque, seipsis Deum, ad impetrandum a Deo: ad satisfaciendum quoque Deo esse efficaciora, quam opera non a Religioso facta. Vide ergo mi Religiose quanta sit felicitas, quanta aurifodina recondita tibi in Votis tuis, & ex hoc collige quo tibi in pretio esse debeant, quam in Deum ingratus, quam in te ipsum injurius sis, dum Vota tua neque aestimas, nec servas prout debes.





## CAPUT VII.

## Qualis debeat esse in Religioso Votorum amor, &amp; observatio.



§ I.

Votorum omnē laudē pretiositatem, utilitatem potissimū ab observatione, hāc potissimum ab amore, æstimationeq; pendere: vicissimq; amorem ac æstimationem præcipuē per observationem diluiscere. Igitur amor Votorum observationi eorundem innectitur, sicut arbor fructui, fructusquē arbori, fructus arboris bonitatem indolemq; indicat, arbor fructui totam ejus substantiam laudemq; communicat. Tunc ergo verē amantur ac æstimantur Vota à Religioso, quando strenuē sincereq; observantur. Frustra gloriatur de Votorum amore: si quis perfunctorius ac laxus convincitur esse in eorum observatione. Ut itaq; comproberis esse verus Votorum amator, sis observator; ut verò sis observator, esto amator.

§ II. Votorum veræ strenuæq; observationis conditiones sunt non pauca, earum præcipuē sunt hæ.

1. Votorum observatio esse debet secundū Exemplar Christi Domini in unoquoque Voto. Qualem & quomodo Christus observavit in hac vita paupertatem, castitatem, obedientiamq; talem & eodem modo Religiosus, qui amore & imitatione Christi Vota fecit, debet observare. Et semper quidem observatio hominis imperfectior erit quā Christi fuit, quia tamen illi non æquare sed imitari Christum incumbit, tunc instar Christi observabit, quando amplius ampliusq; proximè ad similitudinem Christi accedere connitetur.

2. Votorum observatio esse debet secundū spiritum & exemplar primorum Religionis fundatorum: quorum utrumq; ex doctrinis, & operibus illorum ad posteros transmissis cognoscere, est: ut enim in fon-

te purior est aqua, & in sole lux, quā in aliis remotioribus derivationibus, ita cuiuslibet Religionis puritas, atq; sinceritas, penes fundamenta, penes fundatores est attendenda, ab iisq; desumenda, & ad paritatem illius in successoribus exploranda. Qualis ergo zelus fuit in primis Patribus ordinis pro omnibus & singulis Votis observandis: talem in se habere debent, qui successerunt post eos, si nolunt & ipsi degeneres esse, & Religionem à primævo spiritu degenerem facere. Interroga igitur Patres tuos, & dicent tibi: quomodo observare Vota, quomodo pro eorum integritate zelare debeas? interroga vitas & exempla, interroga doctrinas & præcepta: & ijs observantiam tuam accommoda: tunc enim illa haud dubiè perfecta erit, quando primis ideis exemplaribusq; conformis erit. *Respicite* (monentur posteri à Prophetâ) *ad petrum unde excisi estis: respicite ad Abraham Patrem vestrum: & ad Saram quæ peperit vos. Si enim filii Abrahæ estis: opera, quæ fecit Abraham facite.*

§ III. Votorum observatio debet esse ad literam, ad literam, ad literam eorum, verborum quibus concepta & emissa sunt. Ita divinum præcepit responsum aliquando ijs qui de Regulæ S. Francisci rigore conqueri: & mitigationem ejus poscere ausi erant. Atq; hoc ipsum omnes Religionum, omnium filii sibi dictum credere debent. Non enim ad inventionem humanam, sed spiritu Dei inspirati regulas ordinesq; condiderunt Sancti Dei homines, proinde nulla Ordinis observantia propriâ interpretatione facienda & nutrienda est, sed ad literam, ad literam, ad literam servanda & tenenda est. Nec dandus subtilitatibus evasionibusque locus: nec ingeniosè disquirendum definiendumq; quousq; progressus transgressor fies: usquequo autem non fias, quousq; Progressus graviter, quousq; verò leviusculè ac



le. ac venialiter pecces. Verus amor has  
nescit & odit interpretationes, satis est illi  
non convenire aliquid puritati, observan-  
tiæ, teneritudiniqu; amoris Votorum. Quis  
enim ferat in Religioso, Dei; obsequio &  
charitati dicato homine, inquisitionem, sit-  
ne hoc quidem opere mortaliter, hoc verò  
non nisi venialiter Deum offensurus? Ut a-  
mans aliquid facere non præsumat, satis est  
quod amato id factum esse non placeat. Si De-  
us ipse verba sua usq; ad Iota, usq; ad apicem  
unum observat: potiusq; cælum & terram  
transire & mutari sinat, quam punctum u-  
num de verbis suis, quales nos & quam li-  
terales esse Verborum suorum & literarum  
ejus observatores oportebit. Non certe  
vovit Deus observationem Votorum hoc  
est voluntatum, statutorumq; Divinorum.

§ IV. Votorum observatio debet esse te-  
nera, & in arctitudinem Rigoremq; decli-  
nans. Quæ constanter coherere volumus,  
clavis funibusve, temere, & utcumq; ligari  
ea non sufficit: sed tam clavos quam funes  
ipso bonos, tum rebus ligatis bene adstru-  
ctos infixosq; profundè esse oportet: alioqui  
temere ligata, temere dissolventur. Sic vo-  
torum nostrorum quibus Deo alligamur &  
perfectionis Virtutisq; studio ligamina,  
quanto arctius nos strinxerint, quanto pro-  
fundius clavi isti immissi nostris cordibus  
fuerint, tanto compages tota firmior erit.  
Tenera observatio est, quæ non quidem  
scrupulosa & perplexa & animum excarni-  
ficans, multoq; magis non ulla quæ camelæ  
glutinis culicem percolans est, sed quæ mini-  
mas quasq; injurias & transgressiunculas  
Votorum acutè notat simulq; fugit. Ne-  
que hoc ubiq; hominis ac neq; suæmet pro-  
priæ commoditati & gratiæ donat, ut Vo-  
tum aliquod in minima re oblædat. Sed in  
observatione votorum suorum, in quacun-  
quæ occasione, libertatem suam servat:  
nec conscientiam suam in servitute ullius  
redigi sinat. Dico in observatione servari  
libertatem à tenera observatione: non in  
transgressionem. Credant enim aliqui liber-  
tatem spiritus esse in eo, ut non metuant  
delinquere ac transgredi aliquantulum seu  
Vota, seu Regulas, seu disciplinam omnè  
at hæc non est libertas, sed potius servitus  
respectuum humanorum, adoratioq; idoli  
vulgatissimi: quod S. Xaverius (*Quid dicent*)  
appellabat: vera libertas est in nullius (ut  
dixi Apostoli verbis) redigi potestate ad

peccandum, deq; recta virtutis viâ de cede-  
dam, siue id sit multum, siue parum. Hæc  
vera libertas est, hoc virtutis Dominium:  
hoc est esse potentem Virtute. Tali poten-  
tiæ & Dominio Religiosum præditum esse  
convenit: ita quidem manifestè & palam  
ut omnibus domesticis atq; externis etiam  
constet ejus conscientiam adeò tenerè robu-  
stam, adeò robustè teneram: adeò delicatam  
& obfirmatam esse in observatione Virtutis  
Votorum, ac disciplinæ suæ, ut nullius gra-  
tiæ transgressionem ullam daturus sit: sed  
absq; morositate quidem, attamen cum li-  
bertatis mansuetudine dicat semper: Quo-  
modo possum peccare in Dominum?

§ V. Votorum observatio debet esse in-  
genua, cum amore, cum gustu, cum gau-  
dio, cum oblectatione mentis atq; lubentia  
tam de Votis ipsis, quam de vigore illorū,  
quàm de comitibus & experimento illorū,  
quàm de occasionibus servandi illa: quàm  
de difficultatibus in eis observandis. Hunc  
gustum, amoremq; ingenuum qui habet, is  
in Religione habet vitam, & dies videt bo-  
nos atq; jucundos, gustatq; & videt quàm  
rectus & suavis, & dulcis est Dominus. E-  
contra eò qui caret: is semper habet ama-  
ritudinem super amaritudinem, inter spi-  
nas sollicitudinum ex proprijs voluntatibus  
cupiditatibus passionibusq; oratarum hæ-  
ret: ita ut quamcumq; se in partem commo-  
verit, pungi & cruentari animo eum neces-  
se sit. Et quamvis præ cæcitate cordis sui  
dolores inquietudinesq; alijs potius ac in-  
primis superioribus & Religioni ipsi adscri-  
bit, quàm sibi: in veritate tamen à nemine  
alio laeditur, nisi à semetipso. Etenim si  
animo esset bene compositus, si affectus su-  
os edomitos, si adstrictas cupiditates, si vo-  
luntates subditas Deo, si amans verè Voto-  
rum statusq; sui esset, fieret illi continuo  
quasi merides lux, & oreretur in corde e-  
jus abundantia pacis: fieretq; illi dies ex  
die salutare Dei. At quia se malum & pas-  
sionatum relinquit sibi ac alijs alios om-  
nes vult sibi bonos, blandos & consentien-  
tes, dum hoc non facit, quod in sua potesta-  
te atq; obligatione est, hoc verò requirit  
quod nec fieri potest; neq; etiam debet: fit  
ut perpetuis morbis doloribusq; animi ve-  
xetur: graves exososq; omnes habeat, vi-  
cissim se omnibus reddat. idq; tamdiu  
donec aut mores suos in statu mutet, aut  
ex statu cum moribus vitam morte Apostata  
si avè foras efferat.



§ VI. Votorum observatio debet esse projecta in Deum, seu fundata in fiducia erga Deum, directaq; in filialem imò sponsalem dilectionem Dei. Sicut enim Vota sunt radicaliter & principaliter ex fiducia in Deum, & motivo amoris adhesionisque ad Deum quam arctissime & liberrime: ita & observatio eorum: omniumq; difficultatum, si quæ se in observando offerant animosa devoratio: in eadem fiducia atq; Deo adhærescendi adcrefcendiq; cupiditate ac devotione fundari debent. Eadem enim sunt cuiusq; rei principia conservativa, quæ fuerunt constitutiva, quare sicut Vota in gratiam fiduciæ charitatisq; in Deum sunt: ita etiam per eandem fiduciam & charitatē servari & in suo vigore contineri possunt ac debent.

Propterea universæ difficultates in observatione Votorum ex ijs fontibus duobus manant: quia Religiosus vel non fidei in omnibus, neq; se totum per omnia credit committitq; Deo in praxi: vel ad aliquam rem creatam ad voluntatem cupiditatemve suam propriam pertinacius adhæsit, quam ut ab ea avelli propter charitatem Dei libenter, pacatè, patièter saltem sustineat. Hinc omnes Religiosorum malè conditionatorū in statu suo lacrimæ, hinc trixæ, hinc tædia, hinc amaritudines, hinc querelæ, hinc ad sæculum respectationes, hinc infames & absurde resolutiones, hinc deniq; (ut verbo concludam) omnes ruinæ, omnes corde, omnes etiam corpore apostatationes, & in Egyptum pudendæ licet, tamen impudentes regressiones. Dum enim malum exuberat, artem medicam superat: idè quod sanari non potest aut verius non vult.

abscindi potius eligit, vel simul necessario cogitur. Ab hoc malo in totum liber est Religiosus, qui se iactavit in Deum fiducialiter: cuius anima suspendium ex Deo elegit: quia omnia propter Christum detrimentum fecit, qui certus est, quod cum nulla creatura separabit à charitate Dei, ut pote quam Votorum devotissima, plenissima, fidelissima nuncupatione fundavit, fundatum firmavit, firmatum casta Deo desponsatione æternum copulavit.

Ad has condiciones exige, exploraq; observationem. Votorum tuorum Religiose: Deum obnixè orans: ut te speciali, magnificaq; gratia suâ in intimâ plenamq; observationem Votorum repleat, repletumq; confirmet, & observatio Votorum tuorum eisdem vel saltem suppare effectus in te producat, quos produxit prima eorum nuncupatio, cum te per illa Deo sacrificiū faciebas. Si enim primò Vota fecisse Deo tantos fructus producit, ut homo quasi novii Baptismi efficacitate omnium præteritorum delictorum suorum tam quoad culpam quam quoad penam relaxatione à Deo consequatur, quomodo fieri potest, ut quoties strenuè se in Votorum observatione & apprehensione, atq; etiam approbatione practica exercet, non etiam peculiari cum fructu efficaciq; spiritualium commodorū id faciat? Ergo si magni interest fecisse, Vota obtulisse Deo: haud dubiè magni etiam intererit facta oblataq; strenuè & exactè, & constanter, & propter Dei dilectionem observasse. Ad hoc itaq; adhibe tum omnem animi tui curam, tum intercessionem IESU Christi, Dei Matris, Sanctorumq; omnium.





# CAPUT VIII.

## Quantum malum sit Vota Deo facta, male servare.



Quantum malum sit Vota Deo facta à Religioso transgredi, ex sequentibus Capitulis aestimari potest.

§ I. Si inter homines magnæ incivilitatis ignominiam incurrunt, qui fidem alicui datam, postmodum violant & fallunt, quanto majus erit probum homini coram Deo, & Angelis, & hominibus, & demonibus ipsis Vota facta Deo, & quidem Vota in rebus tanti momenti. Vota cum tanta & tam longa præparatione præmeditatione prævia, facta. Vota tam sanctè, tam Religiosè, tam ex animo, cum tanta animi proprii interna svavitæ, cum tanta Dei totiusq; celi gloria, cum tanta aliorum exultatione atq; congratulatione, ædificationeq; nuncupata: Vota cum tam resolutio summoq; exactè observandi proposito emissa, Vota deniq; tam strictè cum Deo hominem conjugentia, tam magnificis Divinisq; donis hominem cumulata & exaltantia, tam hominem de communi hominum mortalium sorte in quandam altiore alium statum transferentia: quanto inquam incomparabiliter majus probum erit Vota talia, neglectui habere, male tractare, transgredi & non servare? Cum hominè dubiæ fidei, homines alij nihil commercij habere volunt; eo quod ab illo decipi timeant, quomodo Deus Votifrago, & datæ sibi fidei violatore potest aliquid habere communicationis? quomodo nulla illi bona sua credere, quomodo illum familiaritate sua dignari potest? Est igitur magna ignominia & sordida labes, & vix eluenda macula fidem datam in Votis violasse.

§ II. Vota enim servare, est pactum cum Deo initum rescindere, cujus rescissionis nulla iusta subesse causa potest. Neq; enim

ullus potest talis homini per Vota Deo obligato casus evenire: ut justè ac licitè Vota sua resolvere, pactumq; cum Deo factum per illa, rescindere possit. Quare si quis Religiosus Vota non servat, is non nisi injustissimam injuriam contumeliamq; Deo in ferendo id facit, quantum enim ex se est: Vota non servando, omnibus ostendit, edicereq; aut Deum infidelem esse, neq; pactis conventis satisfacere, aut certè eundem esse impotentem insipientemq; qui non possit & non sciat pactis stare, aut esse Deum, tam vilem abjectamq; personam, cui fidem pactorum initorum non servare, cuilibet, quotieslibet, quacumq; etiam nulla, etiam sordida ex causalibet, etiam simul licet. Quò quid, detestabilius, quid injuriosius, quid probrosius, indigniusq; cogitari possit, pronum est judicare.

§ III. Vota non servare est adulterium committere: Votis enim suis Religiosus desponsatur Deo, fitq; Sponsa Christi anima, cujuslibet Religiosi voventis. Si Vota servat exactè: sponsam se castam & fidèlem probat. Si autem Vota violat quid aliud faciat quam adulteros contempto Deo admittit? Adulteros inquam tot, quot desiderijs quotq; creaturis, & creaturarum, amoribus succumbens, ac indulgens Vota violat. Neq; in hoc crimine diminuitur injuriæ nequitia si in materia parva violatur Votum: sicut Sponsa non excusatur, si cum ignobili mæcho scelus adulteri patret: imò tantò magis probatur scelerata, quanto contemptibilioris personæ amore victa Sponsum suum legitimum deseruit. Sic quanto vilior res est ob cujus amore Votum frangitur, tanto indignius tractatus esse à Religioso Deus convincitur. Cogita jam quo zelo doloreq; inter homines Sponsos sentitur vindicaturq; adulterium & intellige quanto acriore zelo uritur Deus sponsus injuriæ affectus.



§ IV. Vota non servare, est Sacrilegiū committere: Votis enim Religiosus Deo consecratur: resq; sacra efficitur: & non tantum in Dominium, non tantum in proprietatem Dei transit peculiari quadam ratione per quam alioqui res omnes naturaliter Dei sunt propriæ: verum Religiosa devotaq; oblatione in Divinum obsequium & cultū dedicatur consecraturq; magis quam hostiæ & sacrificiū, magis quam Calices & veste sacræ magis quam templa: licet etiā harum omnium in instar Deo consecratur. Cōsecratur enim homo Religiosus Deo volūtariē, & ad actiones volūtarias in Dei honorem perpetuo charitatis incendio, Religiosaq; devotione in odorem Domino suavissimū offerendas incendendasque. Consecratur Deo: & vicissim etiā illi cōsecratur quodāmodo Deus: ita ut non tantum homo efficiatur sacer Deo, sed etiam Deus hominē sacrum faciat, consecratorq; & consecratio hominis fiat. Si ergo rem sacram Deo temerare nefandum sacrilegium est: quantō magis seipsum Sacrum Deo, & quidem Votis adeo Religiosē firmis, firmiterque Religiosis immanissimum nefandissimumq; sacrilegium erit? Si sacrilegiis flammis puniuntur: quibus flammis sacrilegus Religiosus non castigabitur?

§ V. Vota non servare est crimen læsæ Majestatis committere, contumeliosē namque tractatur Rex supremæ Majestatis: atq; adeo Majestas ipsa Deus Deorum. Et sicut dum Vota fiunt Deo, summus supremusq; illi honor habetur, ita dum facta violantur, temeranturq; ultimus in enormitate contemptus eidem irrogatur. Cum aliqua nobilis persona in Regnum & Principatum Dominiumq; à quopiam sive populo, sive homine deligitur, fidelitasq; illi & obedientia ac subiectio ab eodem jaratur: postmodum verò non servatur neque exhibetur, sed ad alium temere cum obsequiis subiectioneq; profilitur: qui hoc audet reus est perduellionis, perjurij, proditiōis læsæ Majestatis, quomodo ergo Religiosus qui se Dei subditum, Deum verò suum Regem absolutum constituit, Votoque suam fidelitatem firmavit, post modum autem Voti sui contemptor in Dei simul contemptū aliqua committit, quomodo inquam? non perduellionis, & læsæ Majestatis & perjurij, Votifragijq; ac proditiōis reus erit?

§ VI. Vota non servare est Apostatam,

& transigam, desertoremq; Dei & Religionis fieri: & esto retineatur mansio: retineatur vestitus, retineatur Vitæ regularis professio, atq; etiam aliqua superficialis observatio: revera tamen cum primum deseritur ac infringitur Votorum observatio, committitur Apostasie Religiosum enim, Deoq; subditum Religiosē non constituit, quidquam aliud, quam Vota nuncupata: quæ si non servantur si neglectim contempnimq; tractantur: perinde habentur ac si aut facta non essent, aut ac si rescinderentur: tollitur ergo, quantum ex violatore Votorum est, status Religiosi omne fundamentum: ac proinde subducit se statui Religioso, ac per hoc & à Deo. Iura communia disponunt quod exire clam extra clausuram, vel deponere habitum sacræ Religionis animo deserendi: verè committatur apostasie scelus ab eo qui hoc audet: quomodo non fiet apostata corde & veritate, qui retento quidem habitu & clausura domus servatæ, Vota ipsa, hoc est Essentiam, substantiamq; Religiosi status perrumpit & transcendit, atq; deserit?

§ VII. Deniq; multa paucis complectēdo: Vota non servare est charitatem Dei in se maculare, quomodo enim potest charitas Dei esse in eo qui promissiones Deo factas, pactaq; cum Deo vicissim inita, temerariē & cum Dei contemptu, propter vilissimas atq; conculcatas à se res creatas rescindit: amorq; earum Deum, & fidem Deo datam postponit? Vota non servare, est subvertere omne fundamentum perfectionis. Cum enim Vota sunt fundamenta perfectionis, qui hæc violat, hoc etiam subvertit. Est subnervare omnem pietatē, virtutē, Dei cultum, atq; venerationem. Est de cœlo in cœnum, de claustro in sæculum, de paradiso in infernum ruere. Est volucrē per sublimiā liberrimē volantem, ad sædum cadaver, vel viscum laqueumq; delabi & capi. Est canem esse impudentem, & vomitum resorbentem, suumq; ad volutabrum luti redeuntem. Est restituere se mundo, carni, aut propriæ voluntati, demonis quoque, potestati, ac tandem æternæ damnationi, cuius possessor efficitur Votifragus, perinde sicut Votorum nuncupator & servator Dominus & hæres, & possessor est cœlestis beatitudinis. Est conculcatio atq; irrisio Divinæ providentiæ & fidelitatis. Est desertio vexilli, Sacramenti, Thalamiq;



lamiq; Christi Ducis, Imperatoris, & Spōsi.  
Expende ista accurate, & Votorum negle-  
ctui etiam minimo, renuntia ex animo in-

totam vitam: sciens, quia Deus non irride-  
tur, cui displicet infidelis hoc est, infideliter  
servata promissio, &c.

## CAPVT IX.

De Causis & Vijs quibus Religiosi indu-  
cuntur ad non servanda Vota sua.

§ I.



Causa prima, ob quam  
solent quandoq; Religio-  
si Vota sua non servare,  
est Ignorantia pretij obli-  
gationisq; & consequenter parva æstimatio  
Votorum. Quod enim nihili æstima-  
mus hoc etiam neglectim servamus, vel for-  
as projicimus, hoc verò nihili æstimamus,  
cujus pretium ac necessitatem cōmodum-  
quē vel ignoramus, vel nullum esse duci-  
mus. Est igitur ad observationem accu-  
ratam Votorum maximo adjumento, eorū  
pretij & utilitatis obligationisq; cognitio,  
consideratio & apprehensio.

Sicut ē contra indubitata ad Violationē  
Votorum via est, parva, vel nulla eorū æsti-  
matio, cognitioquē. Si enim nihil est voli-  
tum nisi cognitum, & ignoti nulla cupido,  
multò magis nihil est pretiosum æstimatū-  
quē, nisi sit bene cognitum. Consideranda  
ergo sunt crebrò Vota ut æstimentur; æsti-  
manda ut serventur, servanda ut servant  
īpfum voventem. Alioqui sicut læsa alæ  
volucris impedimento sunt, non auxilio, fa-  
cuntq; illam citius capi quam ut subducāt  
aucupī: sic vota voventi, non servant, no-  
cent non profunt; gravant non levant; præ-  
dam Dæmonis faciunt, non Dæmonem  
vincunt.

§ II. Causa secunda, non observationis  
Votorum est. Amor proprius, studiumquē  
commodorum propriorum, & cura sui  
īmoderata inordinataquē. Radicalis  
& Universalis Causa est, latissimeq; pater,  
& in quolibet Votorum neglectu sive con-  
temptu communissimè reperitur. Cur e-  
nim gravis est obedientia? cur durum est  
dependere ab alieno nutu nec propriæ, in-

dulgere voluntati? Cur commoditula &  
solatiola superflua, molliemq; redolentia  
exambiuntur? cur duriora & asperiora, in-  
victu, vestitu, lecto, cæteraq; suppellectili  
respuuntur, non absq; præjudicio obedien-  
tiæ, castimoniæ, paupertatisq;? nisi quia a-  
mor curaq; sui dominantur æquo amplius,  
in corde Religiosi. Tolle amorem propriū,  
propriam voluntatem, propriam æsti-  
mationem, propriorum commodorum, cu-  
ram, & cessabit omne cum Votis bellum.

§ III. Causa tertia non observationis  
Votorum est, *immortificatio sensuum affectu-  
umq;*. Quod malum præcedentis est effe-  
ctus: unde non mirum quod impugnationi  
Votorum deserviat. Quia enim Vota ejus  
sunt naturæ, hocq; illorum est officium, ut  
sensibus toti; sensualitati in effrenationem  
tendenti assidue, pabulum subtrahant, quā-  
diu sensus blandē habentur, & dum mortifi-  
catio passionum, inferiorisq; hominis ne-  
gligitur; fieri non potest, ut creberrimè in  
quotidianæ vitæ actionibus, Votis non con-  
traveniatur. Quamobrem ordinariè Vo-  
torum neglectus, atq; transgressio militat  
alicui cupiditati nostræ effreni. Oportet  
ergo hominem Religiosum esse jugiter mor-  
tificationi addictum, tam sensuum, quā  
Passionum, si vult Deo Votorum suorum  
plenam observationem illibatamq; integri-  
tatem repræsentare, id nisi fiat, necesse se-  
rit semper claudam esse observationem  
Votorum, fidemq; Religiosi Deo datam to-  
ties hallucinari, quoties sensibus passioni-  
busq; ac desiderijs irreverentibus infrun-  
tisq; collibuerit.

§ IV. Quarta Causa non observationis  
Votorum est. Effusio in externas res, Cu-  
ras, Occupationes, Conversationes, cupi-  
dita-



ditatemq; nimiam placendi & satisfaciendi Creaturis, præsertim Hominibus. Hæc est, vulgata janua, & lata porta, quæ transgressionem injuriæq; Votorum & ad Religiosos ingredi solent. Dum enim placere volunt, displicere nolunt Religiosi sæcularibus; vel timoratiores negligentioribus, illico similes illis efficiuntur, assumuntq; mores eorū & audent facere talia, quæ suæ quidem Professioni ac Vocationi & conscientiæ repugnant, aliorum tamen ad mentem futura creduntur. Cadit super hujuscemodi Religiosos, alienæ voluntatis servos, illa Prophetica maledictio, quam imprecatur cultoribus Idolorum dicens: *Similes illis fiant qui faciunt ea. & omnes qui confidunt eū.* Religiosi, præsertim Votis Deo initiati est, esse potentem & Dominum in virtute, sub nulliusq; redigi potestate discoli & sæcularis hominis: habere in potestate animam suam, & Spiritu libertatis obstrepentes cōtemnere, sibilantiumq; colubrorum capita, cum linguis censoriis sugillatorijsq; conterere. Certè si Religiosum Vota sua à servitute hominum non eliberant, non funguntur Religiosorum Votorum officio, quod est absolvere, expedire, eximereque hominem ab omni prorsus impedimento, retinaculoq; servitij Divini; placendiq; & uniendi se se Deo, tam arctè, ut possit ex verò Religiosus dicere cum Apostolo: *Certus sum, quod nulla creatura nos poterit separare à caritate Dei quæ est in Christo IESU Domino nostro.*

§ V Quinta causa non observationis Votorum est, parva aut omnino nulla resignatio fiduciaq; in Deum. Quanto namque resignatus & in Deum minus est confidens Religiosus, tantò plus est de se ipso, ipse sollicitus, suæq; propriæ curæ, per se innexus. Hæc autem sollicitudo atq; cura est unicus præcipuus, maximusq; Votorum hostis. Hæc cura sollicitudoq; prorsus directè impugnat per Vota Religiosa, omnemq; statum Regularem. Itaq; monetur Religiosi, præcipue verbis Apostoli: *Omni sollicitudinem proicientes in eum, cui cura est de Vobis.* Sicut infantulus jactat se totum in sinum & providentiam Matris, sicut infirmus jactat se in curam medici, sicut viator jactat se in scientiam Ductoris, sicut qui navigat, jactat se in curam navarchi; ita omnem sollicitudinem, omnem curam, omnem de se suisq; rebus cogitationē

jactare debet Religiosus in Deum. Hoc ni facit, si se in curam sui intromittit, eo ipso Deum ejusq; curam contumelia afficit à se repellit, & in sua Vota, in fidem Deo datam, à Deoq; vicissim acceptam injurius est. Sit ergo Religiosus fiducia & ipe in Deum dives, totus securus de ejus infallibili circa se providentia. totus contentus ex animo qualibet ejus circa se dispositione & nullam difficultatem in observatione Votorum experietur, sed dicet ipse quoq; proprio doctus experimento cum Davide, *Dominus regit me & nihil mihi deerit.*

§ VI. Sexta Causa non observationis Votorum est Oblivio eaq; multiplex. Oblivio scilicet statūs & propositi sui vocationis quæ Religiosa. Oblivio obligationis suæ per Vota, contractæ Oblivio vitæ suæ præteritæ cujustadio & timore reliquerit seculum, & Religionem, nempe locum & statum penitentiae ingressus sit & assumpserit. Oblivio quoq; mercedis Divinæ Religiosis veris, hoc est Votorum suorum exactis Observatoribus, tam in hac quam in altera promissæ.

Qui enim neq; amplitudinem meritum, neq; sublimitatem gloriæ cogitat quæ ex Votorum observatione conlurgit, facile ad neglectum Votorum suorum prosilit.

Præterea oblivio suppliciorum quæ incuruntur ob negligentem malamq; Votorum observationem. Denique oblivio IESU Christi: tum Præceptorum, tum consiliorum, tum exemplorum, tum laborum, tum Passionis, tum meritum, tum gratiarum in se, (in Religiosum inquam) profusarum, sibiq; ad imitationem, ad incitamentum, ad dilectionem, ad usum, ad prædicationēque propositarum. Harum namq; rerum omnium si viva esset in Religioso memoria, nequaquam vacaret illi Votorum suorum, esse neglectorem, contemptorem, violatoremq;, retraheretur namq; nunc hoc, nunc illo, nunc uno, nunc altero retinaculo à transgressionem, stimularetur porro, & cogeretur ad observationem.

Quas quidem obliviones debet Religiosus jugi consideratione, vivaq; commemoratione, ab animo suo procul excutere, atque sibimet, si non assidue, crebro certè, & per diem sæpius inclamare, vel illa P. Iacobi, Laynez verba: *Quæ vovisti Domino rata habeo,* vel illa: *Placet quod promisi & servare volo.* vel illa: *Ecquid vovisti? ut quid te Deo Votis illigasti? Displices Deo infidelis stultus.*




*stulta. & tepida promissio. Si quid vovisti, ne moreris reddere.*

Hi sunt ferme præcipui universalioresq; fontes non observationis, aut negligentis observationis Votorum? Expende illos, ab animo tuo amove illos: aperi autem oppositos illis, è quibus diligens Votorum observatio promanet. Tales sunt, odium sui,

contemptus sui, mortificatio externa internaq; fiducia & resignatio in Deum plena, amor Dei fervens. Studium conatusq; Christum quam proximè imitandi præcipue, pauperem, passum, contemptum. Memoria & amor Vocationis, Professionis, obligationis, vita disciplinata.

# CAPVT X.

De facilitate observandi Vota, quæ ab ipsis etiam Votis promanant.



§ I.

Esi generosarum mentium sit difficultas aggredi, difficultatemq; strenuè superare, sitq; magni apud Deum

meriti & compendiosum ad perfectionem. iter, cum unus actus strenuus, heroicus intensusq; pro mille remissis & tepidis faciat, quia tamen hæc generositas & in paucis, & non citò reperiri ut plurimum solet, ideò dominus noster gnarus infirmitatis nostræ, & timiditatis ad aggredienda multoq; etiã magis ad perficienda difficultia & ardua, providit Religiosis, ut & facerent propter obsequium suum difficultia & tamen haberent in istis difficultibus facilitatem, quod quidè adeò mirabiliter præstitit sapientissimus suorum filiorum fideliumq; servorum Pater, in quo maxime videbatur aggravasse jugum suum super Religiosos, in hoc ipsos facilitatem omnem collocaverit.

Vulgaris est hominum sensus, quod Religiosi Votis suis graventur: cuius tamen oppositum omnino, invenias: tantum enim abest ut gravamen difficultatemq; ex Votis referant sentiantq; ut potius summam facilitatem alleviationemq; reportent ac experiantur: ita ut verissime nimis dictum sit à Christo Domino: *Tollite iugum meum super vos addita ratione mirabiliter vera & veraciter mirabili: Iugum meum enim suave est, & onus leve, quia scilicet iugum Domini*

IESU, (quod potissimum in Votis elucet resdetq;) & onus, non est ad affligendum, & aggravandum institutum, sed ad facilitandum & suavitatem demulcendum reficiendumq; cum sit ipsa suavitas, ipsaq; facilitas. Quod ut clariùs pateat, adverte.

§ II. Vota Religiosa tribus posse esse ex capitibus gravia & difficultia Religiosis. Primo quidem ex materia Votorum, scilicet ex paupertate rerum, ex privatione delectationum sensualium, & ex dependentia in omnibus ab alieno nutu. 2. Ex subiecto seu persona ipsa vovente. 3. deniquè ex ipsis Votis eorumq; obligatione. De primis duobus Capitibus jam in superioribus consideratum est, de tertio in præsentibus considerandum venit. Vota scilicet Religiosa ex sua natura, non tantum non gravare, sed alleviare, atq; ad elevationem facilitationemq; obsequij Divini, viamq; perfectionis, inventa & instituta esse, adeò ut esto essent Vota onerosa ex materia subiectoq; suo, tamen ex natura sua, ex vi obligationis suæ mitigaretur, immo tolleretur omnis onerositas undecunq; promanans. Quæ res, maxime sanè reddere debet Vota commendabilia, & ad observationem eorū accendere quemlibet Religiosum, maxime cum ab observatione diligenti tota hæc res dependeat, quantum ad facilitatem, sicut à negligentia in observatione tota gravitas onerositas difficultasq; consurgit. Nulli enim Religioso Vota gravia sunt diligenter observanti, nulli non gravia negligenter obser-



observanti. Id quod diligenter advertendum est, & sciendum non solis Votis Religiosis proprium, sed omni virtutis perfectionisq; viæ ac spirituali vitæ commune esse, ut testatur experientia.

§ III. Quibus verò ex Capitibus Vota facilia sunt, & ad facilitatem instituta, adeoq; ipsamet facilitas totius obsequij Divini & studij perfectionis, ac deniq; suæ ipsorum observationis.

Primum Caput est, quia Vota tollunt impedimenta omnia Divini obsequij, quæcunq; à bonis externis seu fortunæ, à bonis corporis, à bonis animi, & à cupiditate, amore, cura, possessioneq; eorum nasci solent, aut possunt. Per Vota siquidem cōtemnuntur & abjiciuntur omnia genera istorum seu Bonorum, seu impedimentorum: abjiciuntur autem cum spe & possibilitate redeundi ad illa tum recipienda, tum etiam volenda in æternum. Ex hoc autem primo Capite, resultat.

Secundum Caput, quod est, quia Vota admovent omnia adjumenta Divini obsequij, certè præcipua: quæ unico nomine comprehendere licet Perfectæ Caritatis in Deum. Excisis enim, omnigenis Cupiditatibus ad Creaturam quæcumq; ab animo, quod per Vota fit, continuo excrescit perfecta Caritas in Deum? juxta illud S. Augustini. *Augmentum Caritatis diminutio est Cupiditatis, consummata Caritas, nulla Cupiditas.* Si ergo per vota excinditur omnis Cupiditas, per Vota introducetur omnis & consummata Caritas, cujus evidens & in promptu est ratio. Est enim impossibile, Animam vivere sine amore alicujus Boni, perinde ac corpus vivere sine anima nullū porro bonum est, nisi vel increatum, vel creatum: ergo si anima desinit amare bonum omne creatum, necessario debet amare bonum increatum, totumq; amorem suū ad illud transferre: atq; hæc est caritas consummata, plena scilicet amoris animæ, in Deum conversio. Quoniam igitur Vota omnem creaturarum amorem extinguunt, hoc ipso omnem amorem in Deum transferunt, & defigunt consummatamq; caritatem in anima generant. Quando autem est in anima consummatio caritatis, tunc est absoluta plenitudo perfectionis, & in perfectione sectanda assequendaq; facilitas.

§ IV. Tertium Cput ex quo in Votis Religiosis facilitas resultat, est augmentum

libertatis in voluntate. Ad quod paradoxum intelligendum, advertere oportet: vulgò quidem credi, Votis, adimi libertatem. Religiosis voventibus, sed hic est error vulgi vulgaria sapientis, natus ex eo, quia credunt libertatem esse eximiam in eo, quod possit homo flecti in bonum & in malum, oppositum. Quæ libertas, tantum abest ut sit libertas, ut potius sit defectus libertatis atq; adeo vera servitus, sicut est vera infirmitas & defectuositas, peccare enim est deficere, unde etiam posse peccare est posse deficere, posse autem deficere, indubitatus est etiam defectus, immo fons & radix defectionis à nihilo & non ente promanans. E contra: non peccare est perfectio, non posse, longè major: Non posse velle peccare, vel est eadem, vel etiam hæc ipsa major perfectio, id est, summa perfectio. Igitur quanto aliquis magis accedit ad hoc ut possit peccare, tanto est miserior, servitq; miseriæ majori.

E contra quanto aliquis magis accedit ad hoc ut non possit peccare, nec possit peccare, nec possit velle peccare, tanto est perfectior, felicior, & à servitute miseriæ, miseriæq; servitutis remotior ac liberior. Atqui manifestum est, quod qui fecit Vota is est propior impotentia peccandi volendiq; peccare, quàm is qui nulla Vota facit igitur manifestum est hunc esse liberiores, verèq; ac magis liberum, qui fecit Vota, quàm qui non fecit, aucta ergo est Votis libertas voventi, relicta autem sua servitus misera ei, qui non vovit.

Itaq; Religiosus qui Vota fecit, à Votis suis hoc habet, quod sit factus liber à posse peccare, à potentiaq; peccandi impotensq; peccare, si autem potens & plenè liber ad agendum bene: plenè dico (quantum hæc vita patitur, sic enim ista ratiocinatio intelligenda est) quia scilicet habet à Votis incommutabilem, inconvertibilemq; (moraliter ut supra dictum est) ad malum à bono, voluntatem. Ad eum planè modum, quò is qui mori non potest, est liberior à morte, quàm is, qui mori potest, esto uterque vivat: similiter qui sanus est, & non potest ægrotare longè sanior est eo, qui licet modo sit sanus, potest tamen ægrotare ille enim est liber, non tantum à morbo, sed etiam à possibilitate morbi, iste autem sit licet liber à morbo, subjacet tamen & servit possibilitati ægrotandi.

Itaq;



Itaq, evidens est, quod Vota cum augeant libertatem serviendi Deo consequenter augeant & facilitatem. Quod si quis velit omnino evincere, Votis inferri necessitatem serviendi Deo, non est contendendum A verbis cum illo, sed sufficiat, quod Vota, sive libertatem sive necessitatem conferant, simul tamen cum libertate vel cum necessitate adferant facilitatem. Nihil enim facilius fit, quam cum necessario fit, necessitate praesertim voluntaria & voluntarie assumpta, ut hic fit: Nam ibi non dicitur a necessitate servitur, ubi diligitur quod iubetur, & ubi ipsa necessitas amatur, atq, adeo etiam assumitur.

§ V. Quartum Caput, ex quo in Votis Religiosis facilitas ad observandum pullulat, est illud: quia qui vovet supponit sibi & adesse jam & ad fore deinceps cum divino adiutorio tantum roboris in voluntate, tantumq; Dominij in eandem voluntatem, ut convenienter, possit Votis se obligare, ijsq; satisfacere: quod dominium, roborq, non supponit in se, qui non vovet, & vovere timet, quia nimirum agnoscit in se maiorem servitutem ad oppositum Voto, quam efficaciam ad servandum vorum. Minus ergo liber est, & magis infirmus qui non vovet, quam ille qui vovet, proinde major est facilitas ad servandum in vovente quam non vovente. Propter quod etiam magis peccat, dum quis contra Votum peccat, quam cum quis sine Voto delinquit: quia ille facilius servare & non peccare potuit,

iste autem difficilius servare, facilius vero peccare valuit: auget enim delictum facilitas non peccandi, difficultasq; peccandi: diminuit vero de eodem facilitas peccandi, difficultasq; abstinendi.

Est igitur manifestum ex Votis non augeri difficultatem sed facilitatem obsequij Divini observationisq; eorum. Sine Votis autem remanenti, remanere etiam difficultatem obsequij Divini, & facilitatem peccandi. Id quod experientia docet cum ratione. Constat enim, experimeto quod facilius inducitur a tentatione, vel occasione, vel affectu ad peccandum qui non vovit, quam qui vovit, sui enim Voti reverentia, iste tentationi resistit, occasionem eludit, affectionem frangit. Atq; ita Votum est illi robor, est firmitudo, est etiam coactio & consequenter facilitatio.

Cujus rei ulterior etiam est ratio atq; ratio: Quia Vota faciunt immutabilem voluntatem. De essentia quippe Voti est immutabilitas, & ad hoc fit Votum, ut voluntas efficiatur immutabilis: quia ergo voluntas immutabilis per Vota redditur, eo ipso illi facilitas ad explendum confertur. Maneat ergo in animo tuo firmum & certum, a Votis facilitatem observandi provenire, & ad facilitandam Dei servitutem, suique observationem instituti esse, provisq; hominibus a Deo, & nuncupari ab hominibus Deo. Ex quo ulterius concludere non nisi summæ ignaviae esse, Vota negligenter ac male servare.





## CAPVT XI.

De ampla Votorum Religiosorum amplitudine, seu de ijs quæ intra illa continentur.

§ I.



**I**N Religiosis Votis primò & principaliter continetur abjectio omnium rerum creatarū, tam affectu, quam effectu; solo duntaxat usu aliquarum, & quidem necessariarum tantum, ac pro alieno nutu, non verò pro libitu proprio retento: propter amorem, cultum, obsequiumq; Dei liberius & plenius, imò sine ullo impedimento peragendum: firmando hanc abjectionem assumptione voluntariæ paupertatis, & castimonie, & obedientiæ: assumptionem verò istam, roborando æternâ, pia, deliberataq; promissione Deo facta, tandemq; promissionem hanc re ipsâ exequendo, quod est, Vota facta servare, religiosq; vivere, Religiosumq; esse. Atque hæc est substantia & essentia tum statûs, tum hominis Religiosi.

§ II. In Religiosis Votis, continentur quædam alia quasi secundario & consequenter, quæ etsi simpliciter non videntur Votis tamen annexa sunt, & ex vi Votorum Religiosorum emanant, inq; videntem obligationem ad observandum cum omni diligentia inducunt. Horum primum est Abrenuntiatio seu egressus à sæculo sæculariq; statu, & transitus in aliud longè diversum vivendi genus, inq; statum Antisæcularem & mundo per omnia contrarium, quem statum Religiosum vocamus: qui status est mundus inversus. Ab hoc ergo tempore, quo quis Vota nuncupat Deo in Religionem, desinit homo esse sæcularis, profiteriq; sæcularismum, incipit autem esse, profiteri sectariq; statum Religiosum, sed ita ut quod est professione, sit etiam re & vita & actione. Monstruosum enim est valde Religiosum esse statu, sæcularem vitam: Religiosum esse nomine, mundanum affectione, studijs moribus & actione.

sciat ergo Religiosus, vi suorum Votorū

Professionisq; illico obligari ad hoc, ut trāseat tam statu, quam corpore, quam animo, moribusq; ac vita, totus omnino de mundo: ut non tantum non remaneat corde in Ægypto, sed nec ungula residua sit ejus in mundo valedicatq; mundo, & mundus illi. *Eam ob renuntiationem Religiosi mortuis accensentur, mortuiq; civiliter reputantur, juxta illud Apostoli præceptum, nemo militans Deo, implicat se negotijs sæcularibus. Nec aliud voluit Dominus, quando cuidam, à se vocato, ad se sequendum, moramq; osculandi ac sepeliendi Parentes tantillam postulanti: Sine, ait, mortui mortuos suos sepeliant, tu autem sequere me. Et alteri in simili negotio etiam gravius dixit: Nemo mittens manum ad aratrum Perfectionis Evangelicæ, & respiciens retro ad actus sæculares, aptus est regno Dei.* Hoc igitur Religiosus benè ponderet atq; penetret, tum ingrediens Religionem, tum verò emittens Professionem. ut se mortuum esse sciat, deberetq; pro tali se gerere ac si verè (etiam physice) mortuus esset respectu totius sæculi, omniumq; earum rerum quæ in sæculo sunt, sive sint caro & sanguis, sive sint bona & opes, sive sint curæ & mores, sive sint nomina & honores. *Mortui estis & vita vestra abscondita est cum Christo in Deo, ait Apostolus.*

§ III. In Votis Religiosis continetur studium & cura perfectionis, profectusque spiritualis, & omnis omnino statui suo congruentis virtutis. Cum enim tres sint ordines Christianorum: Unus qui præcepta Dominica observat, si vis ad vitam ingredi serva mandata: Alius sectantium consilia Domini: Si vis perfectus esse vade, vende omnia, & da pauperibus & sequere me. Qui potest capere capiat &c. Deniq; Perfectorum, quorum est completi ordinem utrumq; priorem in gradu perfecto, quibus dicitur: Attendite vobis & univer-

so gre-



so gregi, in quo vos posuit Spiritus S. regere Ecclesiam Dei, & à Domino: Si diligis me plus his, pascere oves meas. Primus ordo est secularium, postremus Prælatorum & Rectorum Ecclesiæ atq; pastorum, medius est Religiosorum, quorum est proprium Dominica sectari vestigia per consilia paupertatis, castitatis & obedientiæ, perq; heroicas virtutes humilitatis, mansuetudinis, patientiæ, caritatis Dei, dilectionis etiam inimicorum per omnes beatitudines hujus vitæ, per regiam viam Crucis, per portationem jugem mortificationis Christi in corporibus suis, deniq; per assiduum proficiendi conatum, studium, desideriumque.

Hoc si non faciunt Religiosi, non sunt, nec possunt esse quod profitentur, sed inter tepidos ac sæculares præceptis tantum attendentes reputantur. Si verò faciunt, si, inquam, renovantur spiritu mentis suæ, si eorum quæ retro sunt obliti, ad ea quæ sunt priora extendunt semetipsos, si se nunquam arbitrantur comprehendisse, funguntur officio suo & Religiosi sunt, currunt & non deficiunt. Quam unam ob causam tantos faciunt sumptus in abiectione totius mundi & suimet ipsorum, per pauperiem, castimoniam, & subjectionem, ut supra hæc fundamenta, parietes turris Evangelicæ inædificent ex auro, argento, lapidibusq; pretiosis, videlicet ex omnimodis virtutibus usq; ad culmen perfectæ caritatis cum Deo, quæ arctæ unionis. Quos parietes si non ædificent, ridiculi sunt dicentibus & insultantibus amara illa sugillatione: Hi homines cæperunt ædificare, & non potuerunt (quia nec curaverunt in spiritu fervoris) consummare.

Sciat ergo Religiosus vi Professionis Votorumq; suorum, ac tanti sumptus, quem vivendo fecit, exigentia cogente, teneri ad assiduum proficiendi amplius ampliusque conatum & studium. Sciat se graviter periculosèq; decipi, si in studio perfectionis inq; cursu virtutis lassescens remittat & subsistat. Si enim ridiculus esset ille, qui cum strenuè laborasset, neq; sumptibus ullis pepercisset, in comparandis omnibus ad viam quampiam necessarijs, in ipsius viæ asperitatibus, periculis difficultatibusq; à molliendis, postmodum tamen testudineo gradu incedat, moras neget, consulto subsistat, interdumq; etiam retroreat, ac sponte sua impedimenta cursus expediti resumat

talis prorsus est Religiosus omnis tepidus deq; profectu suo in via Dei non sollicitus.

§ IV. In Votis Religiosis continetur observatio Regularum suo instituto propriarum, ac siue omnibus in commune personis, siue cuicunq; officio, muneriq; Religioso præscriptarum. Etsi enim non vovet Religiosi observationem Regularum in quantum Regularum sunt, tamen ex vi naturæq; earum obligantur ad eam. Dimanat enim hæc observatio ex Votis, quia necessaria est observatio Regularum observandis Votis: non servatis namq; Regularis, observatio Votorum aut nulla, aut valde manca cogitur esse. Eam ob rem nonnullæ Religionis expressè Votum obedientiæ ita faciunt, ut voveant obedientiam juxta Regulam quam utique servare non possunt, nisi servant Regulam seu Regulas. Et quamvis hoc non addatur in Votis Societatis IESU tamen in idem hoc recidit, quando obedientia simpliciter & quidem perpetua vovetur. Imò verò latius hoc in Societate patet quam in illis Religionibus quæ juxta Regulam vovent. In illis enim non tenetur Religiosus obedire Prælati suo, nisi quod secundum expressam Regulam præcipit, si verò præcipit aliquid quod in Regula non est, vel præter Regulam est, in hoc obedire Voto suo non stringitur: at verò in Societate hæc restrictio obediendi non est, sed potius Regula præcipit obediendum esse in omnibus quæ Prælati jubet, dummodo manifestè peccatum non sit hoc, quod iubet. Proinde in Societate tunc secundum Regulam obeditur, quando in omnibus absolute, solo peccato excepto obeditur. Observatio itaq; Regularum pertinet ad observationem Votorum, & potissimum ab obedientiæ Voto dimanat sub quo etiam reliqua Vota duo cum sui observatione continentur. Ac revera difficile est intellectu, quod Religiosus teneatur facere præcepta Superioris voce exposita, non teneatur autem imperia totius Religionis atq; ordinis scripto & lege sancita.

Accedit quod Regulæ sint Voluntas Dei proposita Religioso ad observandum, nec tantum ad observandum, sed etiam ad dirigendum illum, unde Regulæ à Regendo, quod scilicet regant dirigantq; eum cui latae sunt, dicuntur. Sunt præterea Regulæ prudentia quædam præcipiens Religioso eumq; informans de unaquaq; ejus actione, ut eam benè, sanctè, Deo placitè, meritorieque



quæ peragat: in qua re nullum habet Religiosus dubium, modò ad literam & mentem Regulæ obsequatur.

*Insuper* Regularum observatio, habet quandam connexionem gratiarum Divinarum actualium, directionumq; & auxiliorum, quæ negligentibus non observantibus regulas negatur à Deo: indeq; fit, ut seduli custodes Regularum, citò & notabiliter proficiant in Virtute ac sanctitate, benedictionemq; Dei habeant in omnibus, usq; ad aliorum admirationem. & quandoquæ invidia etiam, cum interim neglectores regularum nihil proficiant, immò deficiant in dies in pejus fiantq; oneri Superioribus, & communitati: scandalo tam domesticis, quàm externis, tandemq; in gravia labantur, aut etiam ex toto deficiant. Cujus rei manifesta est elegansq; ratio illa, quia Regulæ sunt veluti antemurale Præceptorum Dei, substantialiumq; ac Votorum Religionis: Qui ergo Regulæ non servat, is dissipat antemurale murorum, & dat accessum liberum diabolo, ut in tali Religioso expugnet etiam ipsum murum præceptorum, aliorumq; substantialium punctorum: quod dæmoni minimè pronum fuisset, si eum Religiosus observando Regulæ, antemuraleq; propugnando, in ejus oppugnatione detinisset, ab essentialium autem, & graviorum Præceptorum Votorumq; procul habuisset & submovisset. Ita v.g. qui servat silentium, non expugnatur à detractone vel censura aliorum morum: qui verò antemurale silentij disjecit, facile in Præceptum de non detrahendo alijs peccat & impingit. Par de alijs ratio est.

Evidens ergo & fixum esse debet apud Religiosum, intra latitudinem Votorum suorum contineri observationem omnium Ordinis sui Regularum.

§ V. In Observatione Votorum continetur confectio Vitæ communis in Religionē, fuga verò omnis particularitatis & singularitatis, nisi ad eam evidens necessitas, cum Superioris concessione impiorè conjuncta cogat. Magnum est impedimentum ad Vota & ad Religionem, si quis ita sit, vel animo, vel corpore constitutus, ut vitam communem omnibus vivere in communitate non possit: sed singularibus exceptionibus immunitatibus dispensationibusq; opus habeat. Huic alia potius quàm Religiosa vita est susci-

pienda. Quam ob rem antequam quis ad Vota emittenda accedat admittaturquæ bene secum ipse perpendere, & ab alijs de ipso perpendi debet, num sit idoneus, & par, & etiam paratus Vitam communem alijs vivere. Quod in Societate jubentur præstare Novitiorum Magistri, qui Novitiis toto biennio probationis in communi Vita bene institutis, hoc etiam in fine biennij ante Vota proponere interrogatorium debent: *An Vota facturus, contentus sit futurus eodem quo alii modo in Collegio agere, nullisq; privilegiis ac prerogativis, minimum omnium qui in eo fuerit antequam omnem sui curam Superiori relinquendo.*

Est verò sciendum & diligenter notandū quod nomine vitæ communis non intelligatur, vivere prout multi in aliqua Domo vivunt, sed prout omnes vivere debent, esto non omnes, esto non multi, esto vel pauci tantum, atq; adeo unus etiam, vivat vivatq; Hæc enim vera & verè communis vita, quæ est toti Ordini Institutoq; communis, esto eam aliquanti, (qui respectu totius Ordinis pauci erant, licet respectu alicujus Domus multi videri possent) negligant, proinde illa tenenda est omni illi, qui Religiosus bonus ac verus esse vult.

Hoc præceptum apud Cassianum S. P. nuphios cuidam Tironi inculcavit Religiosam vitam cum alijs ingressuro: *Considera te de paucis & electis effectum, & ne tempore ac exemplo multitudinis refrigeras, sed vive ut pauci, & cum paucis inveniri merearis in Regno Dei.* Cass. l. 4. Instit. c. 38. Et rursus idem c. 40. *Exempla tibi sint imitationis ac vite perfectæ in Congregatione commoranti à paucis, immò ab uno non à pluribus expectanda.* Religiosus ergo sciat, post Vota emissâ teneri se vivere communem vitam: eam scilicet quam omnes vivere debent, quidquid sit interii, multine, an pauci eam vivant, &c.

§ VI. In observatione Votorum continetur etiam retentio vestitus, Religiosi: nefas est enim à Religioso semel sumptam vestitum, sive Habitum Religionis susceptæ proprium abjicere & exuere. Dico abjicere, quia non qualibet depositio & exutio vestitus illicita est, sed ea tantum quæ sit abjectitia, cum animo vel ex animo deferendi, vel dissimulandi illicito fine statum suum. Quamquam in quibusdam Religionibus cavetur lege, ut ad somnum capiendum



endum noctu deponat Religiosus habitum, immo, ut praecinctus cingulo dormiat. Prohibentur etiam Religiosi ad Episcopatum assumpti, habitum suae Religionis deponere. Denique Religiosi etiam mortui in suo habitu, sepeliuntur. Sciat ergo Religiosus & amare & revereri vestitum suum, neque temere deponere ac sine causa iusta mutare.

§ VII. In observatione Votorum continetur quoque custodia clausurae cuius etsi non idem est in omnibus Religionibus rigor, substantia tamen illius, eadem est ubique: quod non liceat Religioso, neque palam, neque clam pro arbitrio & voluntate propria maximo pravo aliquo fine aut animo apostatandi extra septa Religiosa Domus prodire aut morari. Quamobrem summe curant Superiores Domus Religiosae, ut ostia ejus semper clausa sint, & aliquis ostio semper attendat qui ingredientes & egredientes videat, admittat, dimittatque. Quam diligentiam jura etiam praecipunt Superioribus, non tantum privata cujusque ordinis, sed etiam communia Ecclesiae.

Exigit hanc in Religiosis tum Ordinibus tum Domibus clausurae custodiam, curam, amoreque tum natura Religiosi status, à saeculo seperati, tum honestas gravitasque Religiosa, tum securitas virtutis atque integritas, à periculisque lapsum, & aliarum inordinationum immunitas & praeservatio, tum aedificatio debita proximis, tam his qui domi, quam foris sunt. Et revera est magnum indisciplinae sive domus, sive personae Religiosae signum, clausurae neglectus imò est quaedam Apostasia inchoatio. Proinde magni aestimanda est Religioso, & nulloatenus committenda, sed pro Votorum suorum, statusque reverentia, tenaciter religiosae, custodienda.

§ VIII. In observatione Votorum continetur etiam stabilitas loci: sed haec cum discrimine est intelligenda quoad Societatem, & quoad alias Religiones. Nam in aliis Religionibus, vovetur non tantum stabilitas ordinis, sed etiam Conventus, sive domi in qua quis Religionem complexus est, & quidem ita, ut ab ea domo discedere ad aliam licet ordinis ejusdem non possit. Alicubi autem ita fit, ut, etsi Religiosus à Domo ingressus sui recedat, semper tamen filius illius Domus Monasterii vel censeatur, & sive jus, sive obligationem ad illud redeundi habeat.

In Societate haec localis stabilitas locum non habet: immo nostrae vocationis est diversa loca peragere & vitam agere in quavis mundi plaga, ubi majus Dei obsequium, lucrum animarum, & nutus S. obedientiae mansionem assignarunt. Ceterum stabilitas Ordinis & Religionis in Societate locum habet, quam maxime, in cujus formula Votorum hoc expresse additur, quod Vota emittantur in Societate IESU, ut vita in ea perpetuo degatur.

Atque haec stabilitas Ordinis, semel per emissionem Votorum assumpti initiumque ex natura Professionis seu Votorum emissionis est immutabilis ac inviolabilis, excluditurque per eam temeraria levitas de ordine ad ordinem transeundi, esto attentetur specioso praetextu austerioris vitae, vel vividioris disciplinae, vel majoris perfectionis. Nam imprimis, cum quis Vota in aliqua Religione facit, hoc ipso vover perfectionem illius Religionis, non potest ergo sine temeritate aspirare ad perfectionem alterius Religionis. Accedit, quod perfectio quantum ad virtutem attinet, ferme eadem est in omnibus Religionibus, licet diversis viis, mediis, actibusque ad eam tendatur. Perfectio enim Humilitatis, Patientiae, eadem & ejusdem speciei est in omni Religione, immò ubique, esto in dissimilibus occasionibus, materiis, mediisque exercenda veniat pro cujusque instituto Religionis ac status. Praeterea valde difficile est reperire Religionem totaliter acceptam, in qua ex toto etiam disciplina collapsa dici possit. Si collapsa est in uno Domicilio & Provincia, at non collapsa ubique & floret alicubi, at viget in multis Domibusque Personisque, proinde ex hoc capite Ordo deferri, non facile iuste, rationabiliterque poterit, curandum potius veniret, ut sicut alibi, ita hic, sicut in aliquibus personis, ita & in te floreat, exemploque tuae quae vitae, quae doctrinae, quae etiam Orationum ad Deum instantia, etiam in alijs reflorescat.

Quodsi commutatio Religionis cum alia etiam praetextu majoris boni spiritualis tam est inconveniens, facile judicabit quisque quantum absurdior est commutatio, vel de commutatione tenuis etiam cogitatio status Religiosi cum regressu ad saeculare. Verba sane desunt, quae ad hanc absurdissimam impietatem enarrandam sint satis. Turpe est & honesto homine indignum, si quod



quod homo homini bona fide simplici etiā verbo appromittat, nec præstet, aut retrahat, & non erit turpissimum Deo sanctissime Voto fidem obligatam, in æternūquē datam infringere? Si sæcularis homo voveat jejunium aut eleemosynam, aut quodpiam pium opus Deo, obligatissimum se credit, & fallere fidem sacrilegio simile putat. Religiosus qui obsequium suum æternū plenā mente vovit Deo, attestante rota cælesti curia, inq; testimonium datæ & acceptæ fidei advocata, audebit tamen cogitare de nullitate aut rescissione sui Voti, audebit revocare, indagare per fas nefasquē modos, quibus rescindat Vota? quæ obsecro erit impietas in Deum, si hæc non est? Si calicem argenteum aut quidpiam etiam vilius offerat quis templo, destinetq; usui sacro, postmodum repetat & usui profano destinet, sacrilegus & læsæ fidei irrisiq; Dei reus censetur: qui se ipsum quantus quantus est totum Deo in honorē, in servum, in Religiosum, in holocaustum, Votis Religiosis immolavit pro omni æternitate consecravitch, non erit iste omni sacrilego, omni impio, omni perjurio, omni irrisore, blasphematore, conculcatorequē Divini honoris magis Reus, si tam sacris, tamq; arctis vinculis Votorum, se se non dico eripuerit malitiosē, sed vel tenuiter eripere cogitaverit? Quid quæso erit in humanis Divinisq; rebus vel sacrum, vel ligatum, vel indissolubile inviolatumq; si Vota Religiosa Deo nūcupata talia non erunt? quid erit impium & detestandum, & supra omnes impietates abhorrescendum?

si Votorum Religiosorum, tam sanctē, tam maturē, tam Religiosē, tam devotē, tam liberaliter, tam amabiliter, spontaneēq; cum tantis præparamentis, cum tantis deliberationibus, circumspectionibusquē, coram tot cæli terræq; testibus inducta vincula, temerare & abrumpere, & abijcere, impium extremaq; detestatione abhorrendum, erit. Et adulterium quidem omnium gentium consensus abhorret, tamdiuq; abhorretur, quamdiu ad integritatem obligatæ fidei non reducitur. Religiosa persona, Deo Sponso sacratissimē copulata per Vota, existimat se à sacrilegi adulterij scelere immunem securamq; ubi quibuscunq; aut effictis ementitisq; aut per improbitatem vitæ datis ex causis Votorum rescissionem obtinuerit. Scilicet nusquam alibi Deum irrideri contemptuiq; haberi licet, in sola duntaxat Religiosorum Votorum sacratissima obligatione rescindenda militabit jus, & fas, & honestas, & securitas Deum derisisse, atq; contempsisse. Damnata inferorum Capita, tantam in Deum impietatem nescio an parturire sciant, quæ tamen in Religiosis domicilijs monstra, quandoq; subnasci novimus.

Hæc sunt septem, quæ in amplitudine Votorum Religiosorum suo modo continentur, quæq; omni Religioso Votis illigato cordi esse debent, & panē pari cum ipsis Votis passu, in observationis diligentia procedere. Talia enim hæc sunt, ut nisi servantur, de Votorum quoq; integritate actum sit.





# CAPVT XII.

## De præparatione ad Votorum Religionis emissionem.



§ I.

**A**dverte præparationem ad Vota esse triplicem, remotam unam, eaq; longā, durantem tototempore Novitiatus: sicut enim per Novitiatum homo disponitur ad ingressum, incorporationemq; in Religionem, ita simul & ad Votorum emissionem: per Vota quippe ingressus iste perficitur & incorporatio. Præparatio ista diuturnitate sui, exercitiorumq; ac probationum varietate, ostendere sufficienter debet Religioso futuro, quanti momenti negotium sit, Religiosum fieri, Votaq; facere. Non enim potest esse res levis, ad quam tanto tamq; diuturno apparatu homo disponitur, & elaboratur, simulq; tanquam aurum verum excoquitur ac probatur. *Quare etsi per totū probationis suæ tempus homo debet probationem omnem, tanquam ad Vota emittenda dispositionem acceptare: maximè tamen id præstare debet, quando jam videt tempus probationis suæ in decursu esse.* Tum certè debet præteritas omnes jacturas, negligentia vel aliter in Tirocinio contractas, damnaq; spiritus & perfectionis & apparationis ad Votorum nuncupationem incurfa, idoneis aliquibus rationibus supplere ac sarcire. *Ex quibus rationibus una erit illa, ut re cum Deo suoq; spirituali Magistro collatā, reliquum tempus quod adhuc superesse viderit Tirocinij, totum Deo & sibi, suiq; ad Vota præparationi consignet: ex tunc quasi planè de novā radice Tirocinium suum, Vitamq; Religiosam aggrediatur: in compendium redigat omnes suas necessitates, damnaq; & bona inchoata, neq; tamen satis adhuc perfecta, maximè ea, quorum est major in Vitam omnem reliquam Religiosam vis efficaciq; consequenter necessitas.* Cujusmodi sunt

usus Meditationis & Examinum, Sacramentorumq; Pœnitentiæ & Eucharistiæ, recollectæ vitæ, intentionis puræ, præsentis Dei memoriæ: Dominij in Virtute, Regularūq; ac disciplinæ observatione, mortificationis, passionum, silentij, resignationis, fiducia cum Magistro spirituali: declinationis à distractionibus, ab otio, temporis jactura, familiaritatibus. Hæc similiaq; assumat, omnemq; industriam ad ea in se quàm maximè perficienda, radicanda, stabilienda, usque perfectio roboranda cōvertat & conferat, indefessoq; studio continuet. Hac enim, ratione fiet, ut damna præterita, si non ex toto, ex parte certè maxima suppleat atque compenset, idoneeq; dispositus ad Vota sua accedat, quam ad rem juvabunt solidandā ea, quæ in propiori præparatione fiunt, de quibus jam erit.

**§ II.** Adverte secundo præparationem ad Vota secundam, esse propiorem sibi, breviorē priore: ut plurimum enim secundum usum Religionum, octo vel 10 diebus perfici solet: quos dies Religio indulget, ut is qui Vota facturus finita probatione præparatur; specialiter huic negotio recogitando, sibiq; ad illud disponendo sedula diligentia incumbet adjutus etiam ad id Spiritualium Magisterio Doctorum. Vocamus hoc recepto nomine, collectionem: licet hoc nomine nō pauca res satis diversæ comprehendantur.

*Ac primò quidem comprehenditur ipsa collectio: quā se homo revocat ad seipsum, & ad Deum solum, liber interea ab omnibus occupationibus, sibiq; vacat & Deo per longiores ac crebriores congressus cum Divina majestatem: seq; in Dei lumine intuetur ac omnia sua interiora & exteriora recognoscit, discutit, inq; meliorem statum, & ordinem disponit: ad ea se adsuafacit perfectius deinceps peragenda: in igne quoq; Divino inflammat affectus suos, purgat cor, amover impedimenta cursūs expediti ad Deum & coram Deo.*



2do. comprehenditur generalis confessio-  
nis saltem de toto probationis tempore in-  
stituto: in qua omnes simul defectus colle-  
cti, inspecti, odioq; habiti, tantò largiùs ef-  
ficaciùsq; defleantur, efficaciùsq; & con-  
stantius de ijs fugiendis propositum conce-  
piatur.

3. *Expositio* quoq; totius conscientie sue  
interiorisq; animi status apud Spiritualem  
Ducem comprehenditur eadem collectio-  
ne: in qua de toto statu Vitæ non minus  
præteritæ præsentisq; quam etiam futuræ  
post facta Vota cum Patre Magistroq; Spi-  
ritus conferatur: documeta de Votis facien-  
dis, præmonitiones quoq; ex præterito vitæ  
inter probationem decursu sumptæ, vel ab  
alijs experiētijs petita salubriter suggesta  
accipiantur.

4. *Comprehenditur* etiam sub Collectio-  
ne hac in Tirocinio postrema Votorum  
consideratio: quæ tantò magis debet esse  
exacta, quantò magis in propinquo & pla-  
nè in procinctu posita: consideranda autem  
erunt Vota, sive in communi, sive in parti-  
culari, tum secundum naturam suam, tum  
secundum dignitatem, tum secundum uti-  
litatem, tum secundum obligationem, tum  
secundum praxim observationis in Religio-  
ne receptam. Ne post modum Religiosum  
novum contingat impingendo discere, &  
ex vulneribus lapsibusq; sapientiorē red-  
di, quæ est miserrima discendi Virtutem sa-  
pientiamq; ratio. Servient autem huic  
proposito Meditationes præsentēs de Votis  
in genere & specie: nec non alij libri Spi-  
rituales, hoc genus argumenti tractantes.

5. *Comprehenditur* sub hac collectione u-  
sus variarum & in Religione jam inde ab  
iuitio antiquitus receptarum humiliatio-  
num pœnitentiarumq; tam privatarum  
quàm publicarum. Publicæ sunt Mendi-  
catio ostiatim per urbem triduo facta: Pu-  
blica quoq; in triclinio super mensam pro-  
priorum defectuum detectio, atq; de ijs re-  
prehensio. Flagellatio etiam sui in eodem  
triclinio in pervigilio Votorum de more,  
alijs etiam diebus procedentibus, pro fer-  
voris & obedientie arbitrio suscepta. His  
accedere possunt aliæ in eodem triclinio  
spontaneæ pœnitendi, humiliandi q; sui ra-  
tiones vulgo usitatæ. Quæ omnia etsi sem-  
per ab internâ humilitate cordis, suiq; de-  
spiciendi studio obeunda sunt: hac tamen  
occasione Votorum Deo faciendorum, spe-

cialiter ab hoc spiritu humiliationis, fer-  
voris, Divinæq; opis ad Vota faciendâ  
implorationis proficisci debebunt. *Iam*  
*verò Private pœnitentiæ* interiores exte-  
rioresq; à fervore interno, à magnitudine ope-  
ris faciendi, ab indigentia benedictionis  
cœlestis, à viribus cuiusq; à discretione san-  
ctæ obedientie melius præscribentur, quan-  
quam & in tertio sequenti puncto aliquis  
de eis considerandi locus recurret.

6. *Comprehenditur* sub hac collectione  
suffragium subsidiumq; communis dome-  
sticorum pro Vota facturo orationis ad De-  
um, quod etsi à charitate Religiosa & à pro-  
videntia sollicitudineq; Superiorum ultrò  
omnibus domesticis indici mos habet: tamē  
spontanea, simplex, humilis, sedulo & fidu-  
cialis precum fraterarum, pro se suoq; a-  
ctu ad Deum emendatio non potest care-  
re utilitate, proinde negligenda non erit.  
Sicut etiam à fratribus non expectata po-  
stulatione ulla monitionevē, ex spontanea  
liberali sollicitaq; de bono fraterno charita-  
te, ejusmodi subsidia sacrificiorum, oratio-  
num, pœnitentiarumq; eroganda eruat co-  
ram Divina maiestate fratri Vota facturo.  
Si enim in corporibus naturæ membra in-  
vicem pro incolumitate atq; solatio sunt  
sollicita naturaliter: quantò id magis fieri  
par est in corporibus mysticis & gratiæ,  
quæ non carne pelle & nervis ossibusvè cō-  
pugnantur, sed Virtutibus, sed charitate,  
sed Spiritu Christi, sed Divina unione?

§ III, Tertia ad Vota preparatio est,  
quæ licet sparsa esse debeat, fusaq; tam-  
per primam, quàm per secundam præpara-  
tionem jam expositam, tamen potissimum  
locum habet ingruente jam Votorum faci-  
endorum tempore ob quam causam poterit  
vocari proxima: sicut quia maximè ad in-  
teriore & privatam mentis culturam spe-  
ctat, ideo poterit intima & privata specia-  
lisq; etiam nuncupari quàm quilibet pro  
arbitratu Spiritualisque Magistri doctrina  
constituet in ijs, in quibus maximè sibi,  
sueq; consolationi, ac tanti actus, (qui est,  
Vota facere Deo) dignitati, perfectioniq;  
indulgere, satisq; facere se posse indicabit,  
recolens verba illa, vel potius imitatus cœ-  
lestem illam Sponsam Agni, de qua S. Ioan-  
nes in Apocalypsi protulit Verba illa: *Ve-*  
*nerunt nuptie Agni, & uxor eius preparabit*  
*se. Itemq; illa: Vidi Civitatem Sanctam, Je-*  
*rusalem descendentem à Deo paratam, sicut*  
*spon-*



*Sponsam ornatam viro suo.* Paradigma verò huius ornatu atq; preparationis, etsi prout dixi arbitrariæ, poterit tamen his ac similibus actibus comprehendendi, hisq; exercitiis mentis acquiri.

1. *Vota facturus exerceat se* in reali explicito, expresso contemptu, irrisione, odio totius mundi, omniumq; rerum, sive ad honores, sive ad voluptates, sive ad opes, sive ad potestates, sive ad authoritates pertinentium, earum molestias, vanitates, elapsus, extremitates, fructus, ridiculas ceremonias, sordidissima obsequia, nullos usus- aliaq; ejusmodi adjuncta cômemorando, ob oculos ponendo, reperendo, despiciendo, irridendo, conculcando, mentē supra hæc attollendo, ex corde ista exturbando &c.

2. *Vota facturus exerceat se* in excisione & eradicatione omnis spei ad mundum, & ad mundana sensualia, & vana omnia: cum infertione & radicatione horroris ad talia, exultationis verò ad opposita, gaudendo quod tandem aliquando venerit in horam hanc, in qua perfectè mundo & carni, & sibi non tantum valedicere, sed etiam planè mori possit, totusq; in Deum, & in rem possessionem pecuniarumq; Dei transire, arbitrando omnia propter Christum detrimenta & stercora quæcunq; mundus amat, & amplectitur: abhorrescendo, detestandoq; ea tanquam omnis nequitie incentiva, tanquam perditionis seminariū, tanquam inferni pabula-

3. *Vota facturus exerceat se* in Amore positivo, ardenti, tenero, filiali, Vocationis, in Exultatione de illa, in exultatione & cordiali osculatione illius, in appretiatione ipsius tanquam pretiosæ margaritæ, tanquam thesauri mundo quidem absconditi, & sibi ex Divina voluntate revelati & dati. In hilari & generosa & libenti omnium pro hac gemma, pro hac tessera salutis provisione expensioneque. In desiderio, in Voto, in proposito, in postulatione ac emendicatione à Deo, ejusq; Sanctis, perseverantiæ æternæ, & quidem non in vita qualiquali, sed sancta, & incessabili.

4. *Vota facturus exerceat se* in desiderio, in proposito, in gaudio soluti & liberi cordis, affectusq; sui ab omni creatura, ut possit jam sine impedimento, sine medio, sine mora, ad unionem possessionemq; Dei pervenire, tendere, festinare, eiq; adherere, ac-

in eum transire transformariq; post abjectionem omnium creaturarum etiam sui ipsius à se. Sicut sagitta ad scopum, sicut molaris ad centrum, sicut oculus ad lucem, sicut avis de cavea, sicut fera de laqueo, sicut piscis ex reti evolat festinando, festinatq; evolando in suam libertatem: sic festinet, sic exultet, sic evolet toto sui affectu, impetu in Deum suum, recogitans se jam jam Vota facturum, Votisq; factis libertatem in Deum immigrandi involandiq; habiturum. *Quemadmodum desiderat cervus ad fontes aquarum, &c. Laqueus contritus est, &c. Paratum cor meum Deo, &c. Beatus dixerunt populum cui hæc (creata) sunt: Beatus populus, cuius Dominus Deus eius, &c. In exitu Israel de Egypto, &c.*

5. *Vota facturus exercebit se* in amore, desiderio, sensu, gustu, experimento, experiendi Voto, assimilandi, imitandi, exprimendi, affectandi studio Christi IESU exinaniti, pauperis, contempti, stulti, crucifixi, passi, vermis & non hominis. In gaudio etiam quod eum talem induturus est factis Votis, cū omnibus & insignibus & dotibus ejus cum obedientia utq; ad mortem Crucis: cum odio omnium gratuito &c. *Quis nos separabit, &c. Certus sum quia neq; mors, &c. Mihi adest gloriari, &c.*

6. *Vota facturus exercebit se* in Oratione & emendicatione opis Divinæ, in confessione indignitatis, insuficientiæ, instantiæ, infirmitatisq; suæ ad dignè, ad perfecte, ad constanter vivenda, servanda, perficiendaq; Vota. Invocabit ergo Sanctorum, præcipue Pretiosissimæ Dei Matris, & S. Angeli custodis, Sanctorum ordinis, Sanctorum Patronorum suorum, merita, preces, suffragia, petens ut se iuvent, ornent pro se fide jubeant, suorum Votorum Patroni sint, sed eorum observatione jugiter in omni vita & occasione adjuvent, stimulent, manuducant.

7. *Vota facturus exercebit se* in sapore gustu, æstimatione, desiderio, fameq; in Providentiæ Divinæ manus, curam, finem, tutelam se se tradendi, proijciendi, abscondendi, demergendi, sepeliendi. Atq; reipsa desiderii Votisq; hoc faciet: facturus idipsum plenè per Votorum nuncupationem: de quo impensè & immensè gaudeat, gloriatur, prædicet, triumphet, quod sit habiturus providentiam Dei suavissimam, lacteam, sapientissimam, potentissimam solliciti-



tissimam, amantissimam, sibi obligatam & obstrictam ex pacto mutuo, ex fide convēta &c. *Qui habitat in adiutorio altissimi, &c. In pace in idipsum, dormiam &c. Dominus re-rit me, & nihil mihi deerit. &c. Iacta cogi-atum tuum, &c. Omnem sollicitudinem proi-icientes in eum cui cura est de vobis &c.*

8. *Vota facturus exercebit se in apparatu, & actibus immolandi, offerendi, donandi, dedicandi, conservandi, holocaustificandi-que sui Dei in plenum æternum, assiduum, continuumq; sacrificium: non solum cum tota substantia Mundi, Corporis, Animæ, personæ naturæq; suæ: sed etiam cum & in omnibus potentiarum suarum actibus, cū omnibus & singulis circumstantiis, capaci-tatibus, atomis, momentisq; vitæ & existē-tiæ suæ: Exercendo, exerendo, exasperando, in se famem ac sitim assiduam, & increscen-tem assidue, & æternam, continue se facie-di holocaustum Deo, incessabili Seraphicæ Marianæ Theandricæ charitatis igne: per omnia seculorū vitæ momenta: imo per o-mnem vitæ huic successuram æternitatem.*

9. *Vota facturus exercebit se in persuasio-ne, in penetrationeq; illa, quod ex hora, nuncupatorum Votorum Deo: jam non sit ullatenus futurus suus, sed totus alienus, totus & ex toto Dei, propter Deum Religi-onis suæ: ita planè sicut est fructus arboris, ita sicut possessio possessoris, sicut donum, donatarij sicut mancipium Domini, sicut filius Patris, sicut Sponsa Sponsi. Magis e-rit Dei quam creatura est Creatoris, & fi-gmentum figuli &c. Etenim jus quod vovens confert in se Deo, cui vovet: est quoddam novum, specialeq; quod Deus in nullam etiam creaturam habeat, nisi in eā, quæ Vota Religiosa facit. Sicut etiam jus quod Deus in Sacerdotio initiatos acquirit est peculiare & accessorium ac Novum ex vi Sacerdotij enascens. Certè etsi per im-possibile Deus non esset Creator hominis, si homo tamen Vota Religiosa, illi faceret, ex votis factis, evaderet Deus homo plenus, & absolutus possessor Dominus hæresq; ho-minis, tanquam jumenti, servi, mancipij, doni consecratiq; sibi, Incumbit ergo ho-mini nosse ac scire, ac semper in memoriā tenere hoc jus à se collatum, (conferēdum) Deo per Vota, incumbit illi congaudere in hoc jure dato à se Deo, incumbit illi ex hoc jure, ex hujus juris motivo omnia & singula semper agere, pati; corpore & ani-*

ma Incumbit illi: se non ut suum, sed ut a-lienum, ut Dei scilicet, ut Religionis pro-pter Deum, tractare, servare, habere, gere-re, æstimare, omniaq; agere, omnes actus ut Deo debitos, proinde ut Deo dignos fa-cere. Incumbit illi in nullo uti se ipso, ul-laq; potentia sua ullo actu suo contra, vel præter, vel sine voluntate Dei, non ictu o-culi, non motu digiti, non aspirare, non, respirare, non humanos, non hominis a-ctus agere, non mutari, non pati quidquam aut quovis modo. Non estis vestri, de cæ-tero nemo iam sibi vivat: sed in omnibus, & per omnia in rem Dei: quoniam Religi-olus ex hora Votorum quidquid est, alienū est, quidquid acquirit, alteri acquirit, quid-quid agit, alteri agit & quidquid de ipso, cum ipso, ex ipso, circa ipsum agitur, ordi-natur, mutatur, non tanquam de ejus, sed tanquam de proprio mutatur, ordina-tur, agiturque.

Hoc Religiosus qui Vota facit, sciat: qui fa-cturus est discat, & melius quàm digitos suos, quàm nomen suum norit: tamq; assidue in praxi exercitationeq; voluntaria ha-beat, quàm assidue vel non advertens spi-rat, respiratq; & motibus arteriarum mo-vetur.

Hoc Religiosus tantū æstimet, ut se ex hoc etiam æstimet atq; efferat cum humili læti-tia eorū Deo, in Domino enim de hoc gloriando nequaquam erit insipiens, sed sciet quæ à Deo donata sint sibi. Revera enim post sortem beatitudinis æternæ, non videtur posse excogitari beator fors creatu-ræ: quàm hæc sit Religiosorum Deo Votis suis initiatorū, consecratorū, donatorū-que. Quoniam in nulla conditione crea-tura tam est, efficiturq; juris Divini, De-usq; vicissim juris creaturæ: quàm in con-ditione Religiosi status per Vota contractæ. O felices Religiosos sua si bona norint, si æstiment, si servant, si gaudeant de eis &c. sed hæc à plerisq; abscondita cum sint, ideò etiam fructu eorum carent.

10. Deniq; Vota facturus exerceat se in ijs exercitijs affectibusq; quibus se posse pro-ficere plus, probari Deo plus, ad Vota nun-cupanda disponi plus iudicaverit. Cogi-ter se à Religione Matre sua, velut Samue-lem ablactatum deduci ad tēplum Domini in farinæ satis tribus, in vitulis duobus & vini amphorā, commodariq; se Domino ad obsequium omnibus diebus. Cogitet



se cum Salomone templum Domino ædificatū dedicare cum lætitiā magnā &c. Cogitet se cum Viduā Evangelicā paupere, duā minuta in Gazophylacium mittere debere: omnem scilicet victum suum. Cogitet se cum Simone Cyrenæo, sed tamen non angariat, verum summē desideratē Crucem tollere post IESUM, Cruci affigi cum IESU, inq; Cruce ad mortem usq; tribus clavis confixum pendere debere. Cogitet se velut modō genitum infantem baptismo Religiosi statū baptisandum esse, remissionēq; omnium peccatorum ex vi actus huius donandum. Cogitet se Martyrio afficiendum esse. Cogitet se moriturū & eradicandum de mundo, & transplantandum in aliam terram, in hortum deliciarum Dei, in Paradisum. Cogitet se deducendum velut Sponsam Sponso Christo, sponsore Deo Patre & Religione Matre, testibus Universæ curiæ cælestis incolis. Cogitet se contractum donationis æternæ mutūq; cum Deo facturum conscripturūq; sin-

grapham & accepturum à Deo vicissim obligatam fidem providentiāq; ejus, tum promissionem Vitæ æternæ, fidejussore pro utraq; parte contrahentium, Deo & cælo & Religione.

His similibusq; cogitationibus, affectibus considerationibus impleat, infarciat, saginet animam suam Religiosus Vota facit per omnes dies illos, qui erunt proximi Votis ejus, cum omni humilitate & diffidentia sui, cum omni simplicitate & fiduciali tendentiā, propensioneq; in Deum, cum charitate & interna pace mentis, quē hilaritate cum suavi expectatione, pacificoq; tadio, & fame ad Deum evolandi, à se desciscendi, sibi pereundi ac moriendi ac in Dei jus, manus, possessionem, unionēq; transeundi. Invocando semper ac jugiter auxilium Dei: intercessionemq; ac suffragium meritorum IESU Christi, Pretiosissimāq; Parentis, ac Sanctorum omnium, &c.

## CAPUT XIII.

De Actibus exercendis in Sacro, in quo Vota emittenda aut renovanda erunt: cum accommodatione ad partes Sacri.



Rodeunte ad celebrandam Missam Sacerdote, in quā Vota facturū es: prodibis & tū corpore simulq; spiritu ad altare tanquam in theatrum, in quo spectante Deo majestatis totaq; cælesti ejus curiā exhibiturus es spectaculum, obsequium, cultum, sacrificium, Deo tale, pro quo nullum hactenus majus Divinæ ejus Majestati exhibuisti. Proditurus autem & prodians, adjunges tibi comites pro arbitratu ac devotione tua Sanctos: à quibus deducaris in theatrum hoc &c.

Prima Pars Missæ. Confessio, Introitus, Kyrieleyson, Gloria in excelsis.

Sub hac parte exercebis sequentes vel similes actus.

1. Exercebis te in cognitione tui & Dei.
  2. In collatione, comparationēq; tui & Dei.
  3. In abjectione tui coram Deo, infra omne id quod Deus non est, demergendo te in abyssos nihili, vilitatis, peccaminositatis.
  4. Ex his profundis abyssis vilitatis nihiliq; tui inclamabis misericordiam & miserationem Dei.
  5. Recitabis cum Sacerdote Hymnum: Gloria in excelsis: exaltabisq; Deum super omnes Deos, super omne universum, adiciens super omnes laudationes ejus.
- 2da. pars Missæ. Orationes, Epistola, Evangelium, Credo.

1. Exer-



1. Exercebis te in postulatione & mendicatione gratiarum omnium, quibus gratus evadas in conspectu Domini, potissimumq; Vota tua exornentur, & benedictionibus Patris, & Filij, & Spiritus S. replentur, in eisq; confirmantur, per Dominum nostrum Iesum Christum, qui cum Patre, & Spiritu Sancto, &c.

2. Confiteberis Fidem, Spem, Charitatemq; tuam, coram Sanctissima Trinitate, creaturarumq; universitate.

3. Protestaberis etiam quod desiderio explenda Voluntatis Divinae, esplendorumq; consiliorum IESU Christi, nec non assequenda perfectionis Evangelicae, Christi q; pauperis, contempti, crucifixi, Virginis, & ad mortem usq; obedientis imitandi studio Vota facere cupias & gaudeas.

3<sup>ta</sup>. pars Missae. Offertorium, Ablutio manuum, Orate fratres.

1. Offeres te cum hostijs altaris, per manus Sacerdotis, majestati Divinae: petens ut imminens oblatio tua ad Deum in odore suavitatis ascendat, &c.

2. Ablues te spiritualiter aqua lacrymarum & doloris de peccatis, aqua spei in divina miseratione, & in suffragiis omnium Electorum Dei: aqua deniq; gaudii de accelerante oblatione tua per Vota.

3. Exposces ardentissima cum humilitate Vota pro te ad Deum utriusq; Ecclesiae, tam scilicet triumphantis, quam militantis, in specie autem Sanctorum Religionis tuae.

4<sup>ta</sup>. pars Missae. Secretae orationes, Praefatio, Canon, Memento &c.

1. Postulabis a Deo intimam & secretam, Deoq; soli notam & placitam, atque destinatam, eoq; dignam, tui totius dispositionem ad Vota, & ad Divini gustus conformationem.

2. Affectum Ecclesiae triumphantis & militantis indues, eumq; toto te effundes ac impendes in Laudes, & Gratiarum actiones majestati Dei, voce cordis validissima clamans Sanctus, Sanctus, &c.

3. Effundes quoq; ac prodiges te in omne precum observationum, postulationum, gemituum, aspirationum, adorationum, invocationum genus, adsciscendo tibi totum mundum in Socium adiutoremq; ad exaltandum exorandumq; Deum.

5<sup>ta</sup>. pars Missae. Consecratio, Elevatio, Cruces, Memento mortuorum, &c.

1. Consecrabis & consecrari te quoque petes efficacia Sacratissimi Sacrificij mediantibus Votis quae facturus es: ita ut transformeris ex te tuo, in non tuum, sed Divinum, ita ut possis ex veritate dicere Domino, Domine ex hac hora, corpus meum non est jam meum, hic sanguis meus jam non est meus, haec anima mea libertas ratio, vita mea, jam non est mea, mundus meus jam non est meus: ego totus jam non sum meus, jam non sum ego, sed totus ex toto tuus, sed totus tu &c.

2. Postulabis te atq; gaudebis, totaliter ex mundi laqueis, ex tui ipsius Viscosi amoris vinculis extrahi, absolvi, & ad Deum usq; elevari: per Vota tua quidem, sed corpori, sanguini, meritis, Divinitatiq; Christi unito.

3. Signabis te ac sigillabis Cruce Christi: poscens ac statuens Votis crucifigi: quoniam Votis ligari & cruci affigi, id est: quoniam Vota fieri, & servari sine Crucis sensu & experimento non possunt.

4. Vovere est mori: mortem ergo per Vota te subiturum ac subire te gaude: postulans & exultans an numerari te mortuis sempiternis, quorum vita abscondita est cum Christo in Deo.

6<sup>ta</sup>. pars Missae. Pater noster, Pax Domini, Agnus, Communio; Absolutio Vota facturi.

1. Recitabis cum Sacerdote Orationem Dominicam, continet enim omnia.

2. Recitabis etiam cum Sacerdote Pax Domini: & te in Calicem Sanguinemque Christi abluendum exornandum absorbendumq; demerges petens ultimae instantiae & efficaciae dispositiones ornamentaq; ad Vota digne facienda.

3. Intimabis Patri aeterno immolatione Agni sui: seq; & tuam immolationem ejus immolationi unies.

4. Confiteberis peccata & indignitatem tuam expectabis, postulabis, excipiesq; plenariam absolutionem peccatorum tuorum: quae Vota facienti confertur a Deo: infusionem quoq; gratiae, quam plenissimae tam sanctificantis, quam adjuvantis: quam ad rem communicabis spiritualiter.

Voto



Votorum ex Formulâ nuncupatio.

ACTUS,

VERBA FORMULÆ.

Invocatio SS. Trinitatis cum fide & reverentiâ

Omnipotens semper terne Deus,

Validatio sui infra omnes nihili abyssos.

Ego NN. licet undequaque Divino tuo conspectu indignissimus

Fiducia in misericordia Dei, & gratiâ vocationis

Fretus tamen pietate, ac misericordia tua infinita,

Excitatio, sensus, protestatio necesse, & perpetui desiderii Deo servili.

Et impulsus tibi servienti desiderio.

Promissio, Sponsio, Votum actuale, actuq; explicitus votendi toto & sincero corde.

Voveo.

Cum invocatione auxilii, cumq; cōestatione pro stabili fide promissi Voti Dei Matris, totiusq; cœli.

Coram Sanctissimâ Virgine Maria, & curia tuâ cœlesti universa:

Appellatio, & protestatio summæ Dei Maiestatis, quod ei voveas.

Divinæ Majestati tuæ.

Explicatio particularium Votorum: abiciendo & calcando mundum, carnem, animam, cum suo amore, honore, libertate, iudicioq; propter amorem, & imitationem IESU Christi.

Paupertatem, Castitatem, Obedientiam perpetuam, in Societate IESU.

Votum indifferentiæ ad omnem gradum in Societate

Et promitto eandem Societatem me ingressurum

Propositum de perpetuo studio assidue perfectionis, iuxta institutum.

Ut vitam in eâ perpetuam degam, omnia intelligendo juxta ipsius Societatis constitutiones.

Clausula cum consolatione gratiæ uberis, auxiliiq; efficacis ad expletionem observationeq; Votorum: cum estimatione & obtestatione Dei per immensam eius bonitatem, & IESU Christi pretiosum sanguinem.

A tuâ ergo immensâ bonitate, & clemenciâ: per IESU Christi sanguinem, peto suppliciter: ut hoc holocaustum in odorem suavitatis admittere digneris, & ut largitus es ad hoc desiderandum & offerendum: sic etiam ad explendum gratiam uberem largiaris.

7ma. pars Missæ. Communio votentis, Orationes, Benedictio, Evangelium S. Iohannis.

1. Trades per manus sive Angeli Custodis, sive Sanctorum comitum, sive Pretiosissimæ Parentis SS. Trinitati Vota tua, ad pedes ejus deponenda

2. Sanctissimum Sacramentum recipies & in eo Deum se vicissim tibi devotentem in Patrem, Sponsum, Deum, Provisorem, possessionem, mercedem tradentem: suamque tibi suavissimam providentiam obligantem, atq; te in curam suam accipientem: cujus obligationis & fidei pignus sit Sanctissimum Sacramentum.

3. Prosterne te in terram quidem genibus, in abyssos autem nihili corde: & de profundis abyssi toto te clamabis hæc vel similia: O Domine ecce jam ego servus tuus, & filius Ancillæ tuæ, minimæ Societatis IESU. O Domine tuus sum ego, tuus sum. In me sunt Deus, in me Vota tua tibi à me facta, quæ reddam: te adjuvante, reddam constanter, reddam perfecte, reddam perseveranter, laudationes tibi. Dominus universorum meorum, hæres mei totius es o Domine: Tu autem es Pater meus, Rex meus, merces mea magna nimis, multa nimis, &c.

4. Benedictionem peres Votis tuis patrisq; conventis cum Deo: accipiesq; de manibus Sacerdotis à Deo Patre, Filio, & Spiritu Sancto, presentibus adhuc in te realiter cum humanitate IESU Christi, in Sanctissimo Sacramento.

Finito Sacro: ante altare vel alio loco commodo reassumes actus in præcedentis meditationis puncto; toto, immutatis duntaxat temporibus, futuri in præsens. Votorum faciendorum in Vota jam facta.

Con-



Concludetq; negotium totum Hymno Te Deum laudamus.

Totus reliquus dies, quo Vota facta sunt consumendus erit in occupatione cum Deo, & Sanctis: in exultatione Spirituali: in gratiarum actione Deo, in gratulatione sibi ipsi, in admiratione beneficentiae Dei, efficacis & suavis, in postulatione gratiae ad observandum & perseverandum. In proposito constanter ferventerq; Deo juxta latitudinem Votorum, animiq; sui praesentis serviendi. Eam ob rem continebit se

maximam parte in cubiculo, vel templo, si-  
ve loco in quo Vota sunt nuncupata, in  
silentio, & recollectione Spiritus, cum u-  
su orationum ejaculatoriarum convenien-  
tium cum memoria jugi Actus facti, quan-  
tum sine fatigatione virium corporis, capi-  
tisq; licebit: cum suavitate Spiritus, animi-  
que pace. Id ipsum etiam aliquibus se-  
quentibus diebus, quoad per occupationes  
obedientiamq; licebit, faciendum erit pro  
commoditate.



PARS



# PARS II.

## DE VOTIS

In particulari.

### CAPVT I.

De Conditionibus bonorum externorum, quæ paupertas Religiosa excludit.



**V**t tantò melius paupertatis Religiosæ naturam, bonum, pretiūq; cognoscatur, amoreq; concipitur, consideranda est natura bonorum (ut vocat)

terrenorum, quæ in præsentī Divitias vocabimus, cognita enim istarum Divitiarū, tali, qualis verè est naturā, elucescet maxima Paupertatis Religiosæ, Voti q; illius, quò divitiæ abdicari à Religiosis solent, dignitas, utilitas, pretiositas, quin etiam necessitas. Ut verò divitiarum indoles cognoscatur: aliquot earum de plurimis miseris conditionibus expendendæ sunt in sequentibus punctis.

*Prima Conditio.* Divitiæ non sunt bonæ **B** ex se: nullam enim rationem bonitatis habent: non honestam, non jucundam, non utilem: ab humano tantum utendi modo sunt bonæ: quā ratione etiam stercore bona sunt: ut merito Apostolus dicat: *Quæ mihi fuerunt lucra: arbitratus sum detrimenta verumtamen existimo omnia detrimentum esse propter eminentem scientiam IESV Christi Domini: propter quem omnia detrimentum feci, & arbitror ut stercore.* Equidem si divitiæ

naturā suā bonæ essent: communicarent hanc bonitatem possessoribus amatoribusque suis: cuius tamen oppositum est, potius enim malos faciunt eos quàm bonos à quibus conseruantur appetuntur vè unde etiam vocata sunt irritamenta malorum & scelerum instrumenta.

*Secunda Conditio.* Divitiæ ut sint aliquomodo bonæ: non sunt tamen nostræ, nec sunt nostra bona, tum quia nos ad aliā bonorum genera habenda quærendavè natifum, tum quia sine his boni, & quidem, facilius quàm cum eis esse possumus, imò ab eis impedimur à nostris præcipuis, propriisq; bonis: incitatur autem ad vera mala nostra, tum deniq; quia divitiæ ab aliis rebus abiectis abiectè emendicare cogimur dum illas habere volumus: sumusq; veluti Poeticæ corniculæ plumis alienarum volucrum vestitæ glorientesque.

*Tertia Conditio.* Divitiæ sunt bona fallacia: nec mirum quia & falsa: unde qui illas habet vel amat: falsa bona habet & amat: quid ergo mirum, si fallatur: mirum potius esset, si non falleretur, sicut mirum etiā esset si divitiæ non fallerent. Hoc certè nomine Christus Dominus ipse eas appellavit: quando fallaces divitias dixit. Et revera experimento constat fallaces esse falsasq; naturā, & quo plures habentur: eo minus satisfaciunt satiantq; hominem: imò tantò magis famem sui acunt: cruciatq; animum.



animum amatorem & possessorem sui quo nullum certius exploratiusque est indicium fallaciae alicuius rei: Si enim hominem certo asserimus fallacem, qui quod promissit non exhibet: quomodo non etiam divitias fallaces dicamus, quæ satietatem, cuius causâ appetuntur, non tantum non præstât, sed etiam impediunt & tollunt. Denique ad fallacitatem bonitatis divitiarum hoc satis est demonstrandum: quod magis satiant contemptæ quam amatae, melioresque sunt & meliorem faciunt abjectæ quàm habitæ.

*Quarta Conditio.* Divitiæ sunt fugitiva bona, assidue dominos mutant: & non prius ad unum veniunt, quin statim alium possessorem quærant. Duplices sunt divitiæ: quædam immobiles, quædam mobiles, utraq; fugitivæ, etsi modo diverso: mobiles enim fugiunt ad alios Dominos: Immobiles autem fugiuntur & relinquuntur à Dominis & possessoribus suis, & aliis relinquuntur; sunt ergo fugitivæ, quia nobiscum diu permanere non possunt.

*Quinta Conditio.* Divitiæ sunt laqueus, sagena, & hamus diaboli, quod illaqueat animas hominum, & perdit. Pro, quanti laquei sunt in divitiis! pro quanti sunt comprehensi omni sæculo ab his laqueis. Et quod est miserabilius: laquei isti non censentur laquei: sed veluti essent libertatis vindices & instrumenta conquiruntur, quibus laqueis sunt irretiti, felices se credunt ipsi, & ab aliis creduntur, suntque in admiratione, timore, invidentiâ, æmulatione, ambitione. Quæ cæcitas humana nullis lachrymis satis deplorari potest: etsi eluatur demum æternis. Non potest iniri exemplorum & experimentorum numerus eorum, qui his laqueis implicati, & in interitummersi sunt: Neque tamen sapere didicit aut discit humana cæcitas: seu potius contemptores divitiarum insanos, indigos, miseros credit.

*Sexta Conditio.* Divitiæ sunt impedimenta salutis. Testis ipsa veritas dicens: Quam difficile hi, qui pecunias habent, intrabunt in Regnum cælorum. *Facilis est camelum ingredi per foramen acus, quàm divitem intrare in Regnum cælorum.* Quid adhuc desideramus testimonium, quod ex ore veritatis ipsius tam exaggeratum habemus?

*Septima Conditio.* Divitiæ sunt pondera & onera animæ: quibus illa ad amorem Superiorum, ad virtutis studium, ad mon-

tem perfectionis, ad libertatem, levitatemque filiorum Dei evolare non sinitur. Adulescens Evangelicus mandata servare poterat: ad perfectionis viam aspirare non poterat: sed audito Domini verbo illo. *Si vis perfectus esse, vade, vende omnia quæ habes, abii tristis,* erat enim habens possessiones multas. Ergo hæsit in terra depressus divinarum suarum pondere, & qui inter Petros & Andreas, & Ioannes connumerari poterat: à possessionibus suis opprimi elegit, in interitumque demergi.

*Octava Conditio.* Divitiæ sunt fæces mundi, quibus corda velut porci saginantur, & veluti siliquis explentur. Amore divitiarum inquinatus redditur animus, non secus ac sus volutabro lutu immersa, nec tam sordidus est in suo luto porcus, quàm in suis quibuslibet possessionibus delectatus involutusque animus. Porcum enim suæ sordes decet: & ad ingenium ejus innatamque indolem sunt: sed cor humanum animusque ad maiora natus est, quam ut fiat fæcium istarum, scrutorumque, & quisquiliarum ac siliquarum mancipium atque receptaculum.

*Nona conditio.* Divitiæ sunt Somnium, vel res in somnis visa: & divites sunt plane somniantes dormientesque: quod etiam modo appellantur in Scriptura dicente: *Viri divitiarum dormierunt somnum suum & nihil invenerunt in manibus suis.* Quemadmodum qui se somniat comedere aut bibere, ubi evigilaverit, invenit vacuum & aridam animam suam, ut dicitur in Isaia: ita viri divitiarum (hoc est, mancipia & servi divitiarum quique à divitiis magis habentur ac possidentur, quàm eas possident) qui in hac vita mortali existimant se divites, ubi in immortalem illam vitam evigilant, nihil inveniunt ex divitiis illis in manibus suis: quoniam sicut nihil nascendo huc intulerunt secum, sed nudi prodierunt: ita etiam & hinc exeundo nihil efferunt, sed nudi abeunt. Ubi advertendum est quod notat Chrysostomus? Dormientes ea videre quæ non sunt: non videre autem quæ sunt, ita plane divites & divitiarum amatores, eas quæ verè opes non sunt, sed potius miseriæ, onera, & scruta inutilia, illi vident, indagant, coaceruant, at verò bona spiritualia æterna, Dei, quæ sunt veræ cordis divitiæ: hæc illi non vident, non æstimant, non curant, non habent.

*Decima Conditio.* Divitiæ sunt dos reproborum.



borum. Ut enim parentes qui filios ac filias habent, filiis quidem hereditatem suam servant: filiabus vero, assignata pro libitu dote, eas nubere, ac in alienam familiam transire, hereditatque renuntiare faciunt. ita Deus filiis quidem electis ac predestinatis hereditatem suam caelestem & aeternam, nempe seipsum servat & tradit: filiabus vero, id est reprobis, bona terrena & huius vitæ, tanquam dotem consignat, eum qua, & pro qua illi nubunt diabolo, & renuntiant cælo.

*Undecima Conditiō.* Divitiæ non tam se ipsis quàm amore sui nocent: Non enim substantia huius mundi, sed cupiditas nocet. Nec culpatur census sed affectus. Unde quantalibet eæ sint: imò etiam si aliquando nullæ, aut perexiguæ sint tamen promensura affectionis quæ vel appetuntur, vel habentur, eatenus nocent. Adeo ut divitiæ non sint revera divitiæ vocandæ, quia multæ sunt & variæ & magnæ: sed quia multum & magno affectu appetuntur. Igitur quidquid valde amatur ex terrenis rebus: illud sunt divitiæ amatoris suo, idque sive habenti, sive etiam non habenti. Non ergo interest, habeasne aliquid, vel nihil: habeasne multa vulgo pretiosa, an vile quidpiam minutumque, sed interest habeasne ordinatè an secus, moderato an immoderato affectu: sine detrimento boni spiritualis & obsequij Divini, an cum alligatione cordis vel ut ait David cum appositione. Quæ admodum nihil interest, sitne oculus tuus grandi aliqua mole & massa opertus, an verò qualiquam folio, dummodo impediatur visus tuus, aut monstretur integer obruerit oculum: an pulvisculus levis eundem premat, dummodo cæcutias, aut decemne catenis ferreis ligatus sis, an uno aliquo vinculo, captivus tamen vinculusque tenearis? Ad lædendam pupillam sufficit punctura tenuissimæ aciculæ, ad opprimendum cor sufficit gutta. Pupillam oculi totus mundus remotus non gravat, imò ab eâ capitur aspectu, acumen acûs si applies, eandem excæcat. Tanti interest non quid aut quantum habeas: sed quo affectu, & quo mentis pondere, cordisque adhæsiōne. Quæ in Religioso homine nulla esse debet omnino ad ullam creaturam: magnam, parvam: multiplicem unam, pretiosam vilem.

*Duodecima Conditiō.* Divitiarum est quod

facilius sit, nihil penitus earum possidere, quam aliquid earum, etiam minimum habere salva mentis innocentia, & cordis libertate. Unica res habita, & si videatur sine affectu cordis obtenta: tamen sensim affectum ad se alligat attractum. Moxque per illam unam irritatur animus ad aliam desiderandam: præsertim quando commoditas unius iam habita, commoditatem alterius habendæ licet adhuc commendat: subdoleque velut experimento quodam docet perinde posse absque impedimento paupertatè amanti animi, aliam rem acquiri & haberi, sicut habetur prior. Disponitur etiam animus unius rei obtentione ad aliam possidendam: Maxime quando defectus habendæ rei apparet molestior onerosiorque: habitæ verò commoditas suavior & major speratur. Sic enim simul cum necessitatibus commoditates, cupiditatesque ardentes nequeuntur.

*Ex his Conditionibus Divitiarum terrenarum expensis collige quid animi ad eas habere unumquemque hominum, potissimum autem Religiosum, conveniat: quove apud illum loco esse debeant.* Collige quoque feliciter esse animi aspernantis omnia, & nihil, Evangelico more Apostolicoque possidentis sortem: quam divitum & divitiarum amantium hominum omnium. Collige tertio. Quantum boni, Paupertas Religiosa, quæ præsertim Voto firmata, afferat iuis sectatoribus & professoribus. Collige quarto, quæ absolute cordis esse deceat eos qui Religiosam paupertatem profitentur, ab omnibus omnino rebus creatis: quamque cavere debeant, ne specie minutæ alicujus rei temerè concupiscant, & inordinatè habitæ in eosdem laqueos diaboli aut etiam perniciosiores incidant, in quos incidunt ij, qui in sæculo volunt divites fieri. Extra statum animi tui & an alicui creaturæ adhæserit: amoreque inordinato implicatus sit: quem protinus coram Deo erubescere & radicatus cum fibris excute ac evelle. Pudeat (sicut revera incredibiliter pudenda res est) post totius mundi amorem calcatum & perruptum, amore vilissimæ cuiuspiam rei ita occupari ac teneri: ut vinculo affectu captivus diaboli efficiaris, non absque totius cæli & inferni subannatione &c.

CAPUT



## CAPUT II.

## De prærogativis paupertatis Religiosæ.



**P**rima Prærogativa paupertatis Religiosæ est, esse eradicationem cupiditatis, quæ teste Apostolo, est radix malorum omnium, & consequenter paupertas sit extirpation malorum omnium. Nec mirum, nam si Divitiæ sunt seminarium cupiditatum, cupiditates autem vitiorum, sequitur, ut dum paupertas abijcit divitias, ejiciat etiam eradicetq; cupiditates, ac per hoc excidat quoq; universa vitia. Magnum certè privilegium paupertatis, quod solus ille novit, qui vitia probè novit & odit.

**S**ecunda Prærogativa. Paupertas est ordine prima virtus ac beatitudo, Mater & nutritrix, generatio & educatio virtutum. Quemadmodum enim terra probe exculta, & purgata à sentibus radicibusq; malis, copiosam simulq; mundam germinat messem frugum bonarum, ita animus pauper, purgatus ab omni amore, proprietate, possessione, caducorum bonorum, ad æterna spiritualia facundissimus efficitur. Deo, nullibi facundiùs, copiosius, solidiusq; provenit, omnigenarum virtutum messis, quam in Domo, & agro & regno paupertatis. Hoc experimento quotidiano discitur, oculis cernitur, digito monstratur.

**T**ertia Prærogativa. Paupertas Religiosa est æmulatio Paupertatis Angelicæ. Pauperissimi enim sunt Angeli, & ab omnibus possessionibus creatis omninò nudissimi, immò etiam proprietatis earum, Domini què fortè incapaces, certè, sine dubio, nullatenus indigentes. Hanc nuditatis Angelicæ vestem, Religiosi Voto Paupertatis induunt. Nihilenim vilius habent, nihil habere possunt, nihil habere volūt proprium: imò tantò, & ex hoc, etiam Angelis paupertate suâ feliciore, quòd, cum natura suâ aliquibus indigeant, voluntate tamen sua omnibus careant, & nullam ve-

lint: ipsi invincibili necessitati dominantes per hoc, quod solum juri ipsius indulgeant.

**Q**uarta prærogativa. Paupertas Religiosa est expeditio ad viam, ad luctam, ad mortem. Nemo enim ad hæc omnia expeditus magis quàm qui nihil habet. Non habet quippè quo gravetur, ne celeriter currat, quo teneatur, dum in lucta cum dæmone pugnat: quod relinquere doleat, cum moriens in alteram vitam migrat.

**Q**uinta prærogativa. Paupertas Religiosa est meretura æternæ vitæ: Qui enim reliquerit omnia, & sequatur Christum, vitam æternam possidebit, imò, non possidebit, sed jam statim possidet: quia Beati pauperes spiritu, affectu scilicet & effectu, quoniam ipsorum est regnum cælorum. Nondum est pauper in cælo, & jam habet cælum; & si nondum adiit possessionem, habet tamen jam possessionem æternæ vitæ, jam habet jus ad Rem: & si nondum in Re. Et evidens ratio est. Venale cælum invenit, deditq; pro eo tantum quanti æstimatum est, scilicet, omnia quæ habuit, cum habendi desiderijs dereliquit. Iuri etiam renuntiavit, illudq; resignavit: igitur pro sua parte, jam venditori Deo satis fecit, atq; ideò jus plenum & omne, ad cælum habet & ejus est.

**S**exta prærogativa. Paupertas Religiosa est feneratio cum Deo, si enim qui misereatur, & partim carptimq; de suis bonis largitur, feneratur is Domino, quantò magis qui omnia relinquit, contemnit pro Deo largiturq; Deo, feneratur eidem. Et feneratores quidem hujus mundi, à suis debitoribus exigunt decem à centum, pauperes autem dum fenerantur Deo, recipiunt ab eo, pro uno centum, habentq; cautionem ejus hanc: Qui reliquistis omnia, centuplum accipietis. Sciendum autem, quod minimum fenoris expressit Dominus. Nā in veritate, non centuplum, sed centies centuplum solvit pauperibus suis. Dat enim illis se ipsum, & sua omnia secum.

**S**eptima prærogativa. Paupertas Religiosa est



est exceptio & immunitas à foro iudicioq; Divino. Quando enim IESUS Christus Filius Hominis ad iudicandum orbem terrarum in æquitate venerit, congregabuntur ad eum omnes gentes, & seperabit malos de medio iustorum & statuet hædos à sinistris suis, agnos autem à dextris suis, & cū utrisq; rationem ponet, dicens malis: *Ite maledicti in ignem æternum, &c.* Esurivi & non dedistis mihi manducare, &c. Bonis verò *Venite Benedicti possidete regnum &c.* Esurivi enim & dedistis mihi &c. Ad hoc iudiciū Religiosi pauperes non pertinent, nec cum eis Christus rationem eam inibit, quia nec poterit; jam enim illi, in hac adhuc vitā expunxerunt hoc debitum satisq; fecerunt Deo per omnia ad novissimum quadrantem quia reliquerunt omnia, & secuti sunt nudum nudum Dominum. Non ergo erit unde rationem teneantur reddere in iudicio illo, quia hic iam persolverunt omnia in mundo isto. Quocirca illi in iudicio non stabunt iudicandi, quia nec rei, sed assidebunt Iudici, quia securi, & quo ad nuditatem omnium paupertatemq; similes Iudici. Sicut ergo Iudex, iudicabit non iudicabitur, & sedebit sententiamq; feret, ita illi sedebunt, & iudicabunt cum illo Tribus terræ.

Quocirca quadruplici minimum iure pauperes Religiosi immunes, tunc erunt à iudicio. 1. Quia pauperes erunt, sicut ipse Dominus iudicans. 2. Quia pauperes etiam sunt sicut Angeli sancti, qui illi quocūque non iudicabuntur. 3. Quia iam debita omnia persolverunt creditori Deo, relinquentes omnia propter ipsum, unde non poterit ratio, ab eis exigere quare non paverint, vel paverint Christum. Siquidem omnia reliquerunt propter Christum, factiq; erant minimi, in quibus pascereetur Christus. 4. Quia iam pridem solutō pretiō, obtinuerunt & emerunt cælum, unde non habent opus, ut illis adiudicetur tunc, quādo iam habent consignatum ex nunc, Beati pauperes spiritu, quoniam ipsorum est regnum cælorum.

*Octava prerogativa*, Paupertas Religiosa est schola fiduciæ in Deo, atq; obligatio in rem suam, Providentiæ Divinæ; Rara virtus inter homines, propter eorum imbecillitatem, & pusillitatem cordis, angustiasq; animi, cæterum non magna, ut pote cuius ad probrum pudoremq; nostrum, capaces sunt omnes aliæ creaturæ ratione, sensuq;

carentes, adeo ut ab his Dominus, nos eam virtutem discere iusserit. *Respiciite, ait, volatilia cæli, quoniam neq; serunt, neq; metunt, neq; congregant in horrea, & Pater vester cælestis pascit illa. Considerate lilia agri, quomodo crescunt: non laborant, neq; nent, dico autem vobis, quoniam nec Salomon in omni gloria sua coopertus est sicut unum ex illis, si autem fenum quod hodie est in agro, & cras in clibanum mittitur, Deus sic vestit, quanto magis vos pusille fidei? Pudere ergo debet hominem, minus Dei providentiæ confidere, quā confidit passer aut lilium.*

Sed maximè pauperes Religiosi suo statui faciunt iniuriam, si in Deo non collocant fiduciam. nam hi maximè status sui peculiari iure ac beneficio obligatam habent Divinam Providentiam. Aliæ enim creaturæ, ob solam creationem, qua acceperunt esse à Deo, exigunt etiam conservationem sui ab ipso, sine quā permanere in accepto esse non possunt; at Religiosi præter hoc, alio graviori obstrictum habent Deum iure, iure scilicet pacti, & contractus atque fidei. Reliquerunt enim omnia bona propter Deum, & omnem sibi viam ad ea præcluserunt, incapacesq; se eorum reddiderunt. tantum de Divina circa se cura & sollicitudine, quam etiam propter hoc Deus illis obligavit, centuplumq; etiam, seu centies tantum, eis adpromisit confissi. Non potest ergo Deus salva fidelitate sua, & quæ se à creatura vinci non sinit, non gerere curam Religiosorum.

Quare si Religiosi habentes Deum ita sibi obligatum, in statu suo, Magistra paupertate, fiduciam non discunt in Deum, neque providentia illius totā & plenā securitate innituntur, indigni sunt sua sorte, & fortunæ suæ non tantum ingrati, sed etiam ignari, aut certè tam ingrati quā ignari sunt. Neq; alia esse censenda est causa, ob quam Religiosi minus propitiam sollicitamq; sui providentiam Dei experiuntur, præter hanc quia illi minus fidentes & innitentes, in sui se curam ingerunt. & solliciti rerum suarum temporalium, necessitatumq; externarum sunt. Etenim tantum à se Dei curam repellunt, quantam sui curam ipsi gerunt, absolvuntq; Deum à servanda fide, quando ipsi non servant datam Deo fidem.

*Nona prerogativa*, Paupertas est naturalis hereditas Regni cælestis. Cum enim

Aa

non



non sint in mundo, nisi tria, Deus, anima, & homo pauper, hoc ipso quod quis voluntarie fit pauper, à creaturisque nudus nullam sibi hereditatem relinquit præter Deum, quod tantò magis verum & necessarium sit, quanto paupertatem spontaneam, propter Deum amore, inquam, solius Dei obtinendi amplectitur. Atque si Deus, olim Levitas (quàquam minus sponte sua id cogitantes volentesque) noluit inter fratres suos filiosque Israel, habere possessionem in terra promissionis, ob id se unum & solum eorum hereditatem fecit, quantò certius id facit Deus sequi in hereditatem naturalis ac velut necessario jure cõsignat Religiosis, qui sponte sua propter Deum pauperes esse, omnibusque creaturis carere deligunt.

Accedit quod cum non minus Auctor naturæ, quàm natura fugiat vacuum, ubi primum aliquod cor invenerit vacuum à possessione amorisque omnis creaturæ, illico illud se ipso implet, eique se in possessionem connaturaliter tradit. Advertendum tamen hoc loco est, Deum, non se ulli cordi dare in hereditatem, nisi prius, illud sit plane ab omni re creata exinanitum. Non dignatur enim, nec potest Deus esse hereditas cordis simul cum amore alicujus creaturæ possessionis. Sive ergo parva, sive magna re vacuus sit necesse is animus, qui Deum hereditare desiderat.

*Decima prerogativa, Paupertas Religiosa*

est fecunditas & efficacia tum Orationis ad Deum, tum prædicationis ad populum. Nemo habet copiosiores causas, tum postulandi, tum impetrandi à Deo, quàm pauper verus, nemo habet commodiorem facultatem contemplandi divina quam pauper & ab omni re creata nudatus. Nullus in ore facundius, quàm in pauperis prædicatoris est verbum. Paupertas facit liberam prædicationem, reddit etiam securam & de fide non suspectam. Ideo paupertas, fundavit, dilatavit, immò & ditavit Ecclesiam. Ecclesia ut perseveret in veritate, in incremento, paupertas facit. Condimentum ergo Orationis paupertas: Confirmatio & persuasio prædicationis est paupertas. Nam si Apostoli centum mortuos suscitassent, tamen nunquam fidem in Christum persuasissent, nisi pauperes fuissent, & omnia mundi bona, pecunias, honoresque contempsissent.

*Undecima prerogativa.* Paupertas Religiosa non est virtus, sed ejus amor & cultus & observatio. Vivere enim & profiteri paupertatem, non autem amare, neque cum amore expetere experiri; onera seu pignora illius propter Christum, non est paupertas sed larva, sed titulus, sed cadaver paupertatis, quod vermem impatientiæ tristitiæ, murmurationum, sollicitudinum aliorumque vitiorum, saniem ac tabem nutrit & scaturit.





# CAPUT III.

## De multiplici paupertate, & de integritate paupertatis Religiosæ atq; Spiritus.

**P**aupertas Religiosa est virtus qua quis voluntarie propter Dei amorem expeditoremq; ejus cultû, necnon Christi imitationem, omnia bona creata terrena, contemnit abiicitq; solo usu rerum necessariarum retento, idq; cum dependentia ab arbitrio Superioris, confirmans hanc abjectionem rerum omnium, Voto, juxta mentem Religionis. Expende hujus definitionis verba singula ut cognoscas naturam substantiamq; omnem paupertatis Religiosæ. Non enim qualibet paupertas est virtus, nec est qualibet paupertas Religiosa, sed ea quæ in se omnes hic expositas conditiones complectitur.

§ I. Paupertas Religiosa est virtus qua quis voluntarie propter Dei amorem expeditoremq; ejus cultû, necnon Christi imitationem, omnia bona creata terrena, contemnit abiicitq; solo usu rerum necessariarum retento, idq; cum dependentia ab arbitrio Superioris, confirmans hanc abjectionem rerum omnium, Voto, juxta mentem Religionis. Expende hujus definitionis verba singula ut cognoscas naturam substantiamq; omnem paupertatis Religiosæ. Non enim qualibet paupertas est virtus, nec est qualibet paupertas Religiosa, sed ea quæ in se omnes hic expositas conditiones complectitur.

§ II. Religiosa paupertas est duplex: est alia nempe communis & totius Religionis: alia particularis, & personarum alicujus Religionis propria. Communis est duplex, una quæ in communi habet bona & possessiones, ex quibus sustentat filios suos, privatim & seorsim nihil habentes, ut ij, nullis de necessitatibus curis impliciti expediti sint ad vacandum Deo, & obeundum officia instituto suo competentia. Alia est, quæ etiam in communi nullas habet possessiones, certas, sed mendicato vivit, quod ipsum variè fieri potest, vel enim ita quotidie mendicat, ut in sequentem diem, nihil de mendicato hodie victu reservet, vel reservat aliquid etiam ad longius tempus: Rursus vel ita nihil habet in cõmuni, ut ne domum, quidem, aut Ecclesiam aut supellectilem propriam habeat, vel ita, ut tamen prædictorum, Dominium commune aliquod retineat &c.

Quæ varietas ex eo nascitur: quia quædam Religiones paupertatem suam ex ejus perfecto rigore metiuntur, quædam verò ex commoditate ejusdem ad finem sibi in-

tentum perfectionem ejus desumunt. Et quidem Societas IESU utrumq; paupertatis communis genus complexa est: ita ut in domibus Professorum, Societas nullos omnino redditus, nullasq; possessiones certas possideat, in domibus verò Probationis & Collegijs redditus habeat & possessiones: quia nempe & illud professorum circa proximos laborantium libertati magis expedit, & hoc eorum qui in spiritu literisq; formantur, occupationibus, laboribus accommodatus est. Nam neq; operantes in vinea Domini expedit curis reddituum distineri, neq; instrumenta zeli sibi per studia Spiritus literarumq;, procurantibus, commodum est, quotidiana mendicatione à studiis abstrahi.

§ III. Paupertas Religiosa particularium Personarum est ea, quæ præcipue in principio capitis hujus est definita; quæ scilicet per Votum Religiosum renuntiat dominio & proprietati rerum omnium, vel absolute, ut fit per Votum Paupertatis solemne, vel saltim impedit, quoad usum, domini independentem à nutu consilioq; superiorum, ut fit per Votum paupertatis simplex. Hæc personalis ac particularis paupertas, alia est rerum, alia spiritus, qualem utramq; debet complecti paupertas Religiosa, alioqui una sine altera, paupertas quidem erit, sed Religiosa non erit. Nam paupertas rerum sine paupertate Spiritus, est talis, qualis est medicorum vulgarium, qui etsi re ipsa nihil habeant, cupiditate tamen, multa habent, atq; ita re ipsa pauperes sunt, sed spiritu & animo non sunt. Cadaver paupertatis habent, anima autem ejus carent. Onus paupertatis portant, beatitudinem illius non habent, quoniam Christus non dixit simpliciter: *Beati pauperes &c.* quoniam ipsorum est &c. sed adjecit, *Beati pauperes spiritu*, (id est, re & amore onus paupertatis cum amore portantes & hilaritate) quoniam ipsorum est regnum celorum. Vera



Vera igitur & plena paupertas Religiosa consistit in duobus his nempe, ut quis nihil omnino proprium sine facultate Superiorum, sine necessitate congrua habeat: & ut hoc nihil habere huiusmodi, amet, libenter hilariterq; toleret, immo ambiciosè quærat illud ac consecetur: habens in hoc solatium, si nihil suum, nihil superfluum, nihil nisi purè necessarium, nihil pretiosum ac splendidum, in rebus sibi ad usum concessis obtineat, immo hoc etiam quærens ut careat necessariis, gaudens etiam, si careat. Hæc est enim demum integra, & omnibus numeris absoluta paupertas Religiosa, sive paupertas spiritus. Carere enim & non amare, est habere Corpus paupertatis sine anima ejus, amare autem paupertatem, sed nullius rei defectum pati velle aut posse, est habere animam paupertatis absq; ejus corpore. Egere propter Christum hoc est totum & integrum compositum paupertatis. Vide igitur te ipsum in hac parte, & vide quousq; in Voti paupertatis in-

tegritate prosequenda deveneris. Vide ut totum omnino quicquid possidere possis relinquant. Non dico, nec dicit Evangelium Christi, ut relinquant multa, ut relinquant pauca, ut pretiosa, ut vilia, ut plurima, ut aliqua, sed dicit, ut relinquant omnia; ut renunties omnibus, nihil omnino parvum magnumve retinens, nihil reservans, nihil cupiens. Gemma enim pretiosa, & regni cælestis thesaurus tanti æstimatur, nempe, ut quisquis eo potiri velit, omnia ex integro derelinquat, qui vel minimum, aliquid retinuit, nihil is dedit, ac proinde etiam nihil emit, quod non totum, non omnia dedit. Et Senatorem perdidit, & Monachum non fecit, & terram amisit, & cælum non obtinuit, quia magnum affectum, nimiumq; amorem, quem à magnis rebus avellere potuit à pauculis & minutulis avellere, nequivit, vel noluit, sed earum mancipium esse prælegit: propterq; illas possidendas, Deum & Christum sibi deferendum esse non dubitavit.



## C A P U T I V.

### De hostibus paupertatis Religiosæ.

**S** I. Ciendum est Paupertatem Religiosam potissimum cum Dominio & possessione alicujus rei creata externæ, pugnare. Hic siquidem proprius & præcipuus est paupertatis hostis, habere aliquid proprium vel tanquam proprium. Vnde, qui paupertatem Christi, ac Religiosam sectari volunt, omnium rerum à se Dominium, & proprietatem amovere debent. Sed quia homines quamdiu in hac vita vivunt necessarias habent creaturas, quibus vitam suam mortalem usq; ad mortem (cujus tempus in manu Dei est, & à voluntate Divina præfinitur) tueantur, ideo non possunt, ac neq; tenentur, ita renuntiare, seq; omnibus rebus spoliare atq; privare, ut nullam omnino ullatenus reti-

neant (ad hoc enim opus esset de hoc mundo exire & à vita deficere) sed coguntur omnino aliquas res habere, quarum usu & fructu vitam suam conservent, juxta sui status & muneris varias conditiones, & varietudinis circumstantias.

In hac porro habitatione ac retentione atq; usu rerum aliquarum necessariarum, ac necessariò habendarum, immo in ipsa necessitate, non desunt laquei animarum. Religiosam paupertatem sectantium, nec desunt hostes Religiosæ paupertatis. Etenim cum necessitate, subintrat, sæpè superfluitas, sæpè propria voluntas. Cum usu quoque necessariæ rei conjungitur sæpè, nimis affectus, inordinatus appetitus, & adglutinata cordis adhæsiō, aut independens usurpatio, &c. Interest ergo per multum, ut Religiosus homo postea quam se per Religiosam paupertatem, Votumq; ejus, omni-

proprie-



proprietate ac Dominio privavit, diligenter videat, ne in usu & necessitate laqueum inveniat, ac capiatur à sua cupiditate, involvaturq; seu proprietati, seu superfluitati, seu propriæ suæ in usu rerum voluntati, vel independenti earum acquisitioni, usurpationiq; vel nimio ad eas acquirendas, si ve retinendas affectui, quibus rebus fieret, ut non levia vulnera suæ paupertati Voto infligeret, sed plurimum à perfectione Religiosæ nuditatis recederet.

§ II. Non solum proprietatis, est hostis paupertatis, sed etiam superfluitas, ut numero primo innotuit, & ex vi nominis ipsius paupertatis facile colligere est. In rei veritate enim, nullo modo pauper dici verè potest, qui etsi nihil proprium habet, habet tamen aliquid superfluum, esto sibi ab alio concessum & habere permissum. Permissio enim illa superioris, non facit, ut ex superfluo evadat aliquid non superfluum, sed ut id, quod superfluum est, manetque, non habeatur superiore invito & contra obedientiam & sine dependentia quæ ratio alia longè est, à superfluitate, quocirca, per habendo facultatem, non excusatur Religiosus ab hoc vitio superfluitatis, sed videri debet ne sibi facultas data sit à superiore, non tam libenter, quàm reverenter potius, eam scilicet ob causam, quod metueret fragilitati subditi, & ne cupiditate, victus retineret superfluum rem invito aut clam superiore, quæ major esset ruina subditi, cui præcavendo maluit superior pati superfluitatem, quàm inobedientiam aut proprietatem.

Debet ergo Religiosus cavere à superfluitate, & in hac parte esse potius rigidior quam solutior, attendendo ad naturam instituti sui & Regularum suarum, & proximorum timorum in Religione sua, & ad superiorum communitatisq; quoad hoc reclamationem, vel concessionem proximq; receptam. Certè Religiosi Voti, cum tenera conscientia Religiosæ personæ conjuncti, ea est teneritudo, ut ad exiles gratiæ Divinæ motiones, penè assidue soleat experiiri impulsus internos ad renuntiandum his talibus superfluitatibus, quod est signum, non leve, Deo nostræ perfectionis zelatori, puritatq; cordium quæritori, non placere has rerum superfluarum retentiones. Vide ergo in omnibus reculis tuis, quarum usum habes concessum ab obedientia, num quid-

piam sit quò commodè carere possis, & quod non absq; reprehensione cordis de superfluitate retineas.

§ III. Insuper paupertatis Religiosæ, est quoq; hostis, nec minimus, nec infrequens, independentia, quæ in usu admitti solet, & ferè cum Dominio ac proprietate coincidit, ut proinde facile pateat, quantopere caveri à Religiosis bonis debeat. Neque velum hoc loco Religiosum diligenter examinare, atq; ad calculos revocare, quæ independentia, & quando & in quo casu, & in quanta materia sit mortale aut veniale peccatum. Talis enim indagatio & subtilitas sollicita, perfectionis & teneræ conscientiæ, imprimisq; Dei amatori, minimè quadrat. Satis enim est amanti Deum strenuè, audire hoc aut illud esse imperfectiorem, Deoq; minus placere, satis, inquam, est ut fugiat & caueat, & ab animo suo excutiat, tanto conatu, quanto excutere tenetur secularis, cum aliquam mortalem noxam esse audit. Quare & Religiosus independentiam omnem in usu rerum, & in omni paupertatis materia diligenter fugiat, sufficere illi deberet hoc unum, quod displiceat Deo, repugnet Voti paupertatis puritati, & perfectionem pulchritudinemque mentis ac virtutis deturpet & labefaciat. Hujus, porro independentiæ crebrè esse usum inter Religiosos posse, multiplices ejus actus, si ve gradus, ostendunt, quos agnoscere, & expendere paupertatis zelatori expedit.

§ IV. Porro multiplices sunt actus gradusq; independentiæ, puritati Paupertatis Religiosæ repugnantes.

Primus est habere aliquam rem sine scitu & facultate superioris.

2<sup>us</sup>. est habere aliquid contra ejusdem voluntatem cognitam & expressam, aut etiam conjectura præsumptam.

3<sup>ius</sup>. habere aliquid quod tibi auferri per superiorem nolis, timeas, ægrè feras, turberis, murmures, expostules, repugnes. Hæc omnia maximè manifestant, tum proprietatis affectu, tum nimiam adhesionem, tum independentiam, in quibus omnibus, est vulnus, immò mors ipsa paupertatis Religiosæ. Atq; ea tantò habet plus indignitatis, quanto in minoris pretij momentiq; rebus invenitur, ad pretiosa enim affici utcunq; tolerabile est, sed ad viliora adhærescere & adglutinari, nemo prudens ferat, & ipsis dæmoniis ridiculum est.



*4<sup>us</sup>.* est dare, donare, dispensare, distribuere, mutuo dare, aut accipere aliquid alicui sine licentia contra voluntatem, aut præter voluntatem superioris. Hæc enim agendi ratio sapit proprietatem, & vel superponit, vel usurpat exercetq; Dominium rerum, cuius in Religioso post Votum emissum est incapacitas. Voto enim paupertatis Religiosus renuntiat, tum Dominio rerum quas habuit habereve potuit, tum desiderio eas habendi, tum usui rerum independenti ac pro libitu arbitraturq; suo.

*5<sup>us</sup>.* est male tractare, negligenterq; conservare res paupertatis & communitaris, siue sint Religioso datæ ad usum ejus, siue sint concredite custodiæ procurationique ejus: siue sint acquisitæ industria laboreq; ejus, siue sint donatæ ab aliquo, respectu & personæ ipsius. Omnes siquidem res hujusmodi sunt patrimonium Christi, pretiū sanguinis ejus, sunt communes & omnium qui domi sunt, & nullo modo unius solius, aut plus unius quam alterius: proinde qui eas sibi usurpat soli, vel male tractat aut procurat, peculatus crimen & sacrilegij committit, in omnes est injurius, omnibus se unum præfert, Infidelis est communitati & Deo, proprietarius est, exercetq; actum proprietatis, quia rem communem tractat, velut suam propriam & pro suo arbitratu, & non secundum mentem voluntatemque Præpositi, quæ est caput, custos, mens, interpretq; mentis communis, atq; ita incidit in defectum independentiæ.

Quæ mala omnia, tum etiam multò magis multoq; evidentiùs & gratiùs admittit Religiosus, quando illa admittit eo prætextu, quod suo vel labore industriaq; aliquid acquisiverit, vel respectu suæ personæ oblatu sit. Hoc enim fundamentum evidenter fundat Dominium & proprietatem, dire-

ctè Voto. Paupertatis repugnantem, ex vi cuius ita Religiosus privatur capacitate Dominij & proprietatis, & independentis usus, ut quicquid quocunq; modo acquirit, id non sibi privatim acquirat, acquirereve possit, sed ordini & communitati, nullo alio ad ipsum acquirentem jure refluyente, nisi quod in omnes alios, qui nihil contulerunt ad rem acquisitam refluxis, quia scilicet potest re acquisita uti si annuat Superior, non potest autem si renuat.

*6<sup>us</sup>.* est, ægrè, difficulter, repugnanterque petere facultatem, pro his vel illis, parvis, magnisq; rebus, habendis, utendis, dandis. Ab hac enim repugnantia poscendæ licentiæ pronum est usurpare absq; licentia. Hæc quoq; repugnantia, manat ab amore proprio multiplici, in specie autem à metu confusionis: quia scilicet erubescit quis petitionem licentiæ tanquam se indignam & dedecentem, quia scilicet, timet negari sibi & confundi negatione, timet etiam imaginariam censuram superioris, inde aut mavult carere, quam licentiam poscere, aut quod pejus est, mavult sine licentia, clam habere, procurareq; cupit, aut generalem licentiam poscit, nè sapiùs recurrat, aut involutè & non rotundè, neq; confidenter licentiam poscit, & occasiones venatur, quibus commodè vel cum prætextu excusatione, vel ab alio superiore licentiam obtineat. Hæc omnia sine dubio, amarorem sui nimium declarant, & impurum, paupertatis Religiosæ cultum ostendunt, & indicatam independentiam paupertuti veræ inimicam manifestant. Verè enim pauperi, paupertatemq; suam agnoscenti & amanti, & maxime, proprium est mendicare & indigentiam suam profiteri, atq; ab alieno nutu ejus remedia postulare, atque expectare.





# C A P V T V.

## De alijs quibusdam hostibus paupertatis Religiosæ.

**I**nter Hostes Paupertatis numeratur etiam sollicitudo, quæ quis sollicitus est de suis necessitatibus, deq; evitacione Indigentia quæ est individuus Comes paupertatis, nam pauperem esse professione, & nulla re indigere, sed omnibus necessariis abundare, nimis delicatam paupertatem, immo magnam opulentiam designat. Certè etiam opulentos benèq; divites homines sæpius contingit, carere iis, quibus opus habent. Si igitur professus paupertatem, nulla re necessaria egere vult, aut potest unquam, is sine dubio dior esse divitibus cognoscitur, & nomine quamvis sit pauper, Votò tamen animi, & re ipsa dives est. Verus ergo paupertatis amator, indigere etiam debet, & indigentiam amare, neq; ea cruciari, neq; de sufficientia sollicitus esse, loquendo de sollicitudine, quæ debitam mensuram excedat, & ordinem, atq; receptum morem, quæ pacem mentis tollat, quæ alios offendat, quæ sit impedimentum in Dei servicio, quæ molestiam Superioribus violentiam statuit creet.

§ II. Sollicitudo hæc nimia paupertati Religiosæ inimica, in quinque potissimum rebus solet discerni. 1. In sollicitudine de cibo & potu. 2. In sollicitudine de vestitu. 3. In sollicitudine de lecto. 4. In sollicitudine de domicilio, vel manendi loco, cubiculo. 5. In sollicitudine de suppellectili. Addi etiam potest sollicitudo de Officio & occupatione, verum hoc ad inobedientiam potius pertinet & irresignationem. Dedecet Paupertatis Professore, cogitare, multèq; magis anxium esse, de cibo, potu, vestitu, lecto, suppellectili: maxime verò dedecet ita sollicitum esse, ut sit etiam curiosus, splendidus, superfluous, delicatus, extraordinarius &c. Tali Religio-

so occini potest & debet illud S. Pauli, an confunditis eos qui hæc non habent?

In hac sollicitudine innumera sunt imperfectiones. Est enim superbia, amor proprius, gula, luxus, avaritia, scandalum, & contristatio perturbatioq; aliorum, murmuraciones, sumptus, dispensaciones, invidia, zelus, contentio, irrisiones, sarcasmi, flagellationes, jactura disciplina ruina ordinis, & alia plurima mala, quæ sub prætextu aliquando necessitatis, aliquando æmulationis ac paritatis, aliquando laborum præsentium, præteritorum, futurorum sese palliare solent, & ad indignissimas agendi rationes Religiosum injiciunt.

Verus Religiosæ paupertatis sectator & zelator voti sui, omnem sollicitudinem hæc amputabit, & amovebit à se, projicietq; in eum cui cura est de ipso, in Deum scilicet, Deiq; Vicarium, ejusq; suavissimam Providentiam, cujus filij atq; infantuli lactentes sunt omnes Religiosi, & qui omnem sollicitudinem hujus modi Religiosis serviq; sibi devotis averfatur, amat autem si negligentes sui ipsorum, toti, secure, in Divina & suavissima sua cura conquiescant; quod non faciunt, qui sibi res suas sollicitè provident, curant, exigunt, desiderant, cōservantq; potius enim suæ providentiæ quàm Divinæ innituntur, quò etiam fit, ut ab ea vicissim deserantur relinquanturq; se, sibi met ipsis & sterilitati suæ ex qua metuit inquietudinem amaritudinem cordisq; spinas implicatas, nec ullo fine terminatas.

§ III. Sollicitudo hæc nimia & Religiosæ paupertati inimica, adhuc variè potest soletq; exerceri. Est enim sollicitudo habendi, quicquid illud sit, modo sollicitudo sit, quæ se prodit frequenti cogitatione, modorum & mediorum inquisitione, cum aliis colloquutione, inquietudine, tædio, suspiciositate, metu, industriarum aperta vel dissimulante adhibitione, dummodo optata re potiaris; esto etiam potiri illa noxa non sit, si sollicitudo hujusmodi abesset. Est



Est etiam sollicitudo non egendi, cuius est Comes tristitia, impatientia, dolor cordis, & pusillitas animi, angustia mentis, id quæ sive id quo egere contingit vel nolumus, sit necessarium sive superfluum. Nihil enim attinet de qua re sit, modo solitudinis culpa adsit, quæ paupertati genuinæ vitium faciat, quamvis sine dubio peior sit sollicitudo, ne egeas superfluo quam necessario: hæc enim fragilitatem tantum notat, illa verò effrenem cupiditatem manifestat; proinde est sollicitudo non tantum excludens indigentiam, sed etiam adducens abundantiam immo & redundantiam.

Est præterea sollicitudo æmulandi & exagrandi alios, quos si videas abundare, vel saltem non egere, quandoq; etiam eos quos videas superflua habere. Ex hoc enim aspectu in male fundatis, & non strenuè ad pauperatem affectis, nascitur quædam invidia, saltem ægritonia aut pudor, quod tu non perinde abundes ut alij: quasi & tu vel non sis tanti, vel non ita meritis, vel non eo domi loco, unde acuitur zelus & cupido, ardet æmulatio, stimulat industria, excoGITANTUR modi mediæq; adhibeturq; in praxi, nec quiescit nisi æqualitas obtineatur, aut etiam transcendatur. In quo, si impedimentum vel impotentia interveniat, tum ignis invidiæ, tum murmuraciones, tum obrectationes tum querelæ de inæqualitate, cum sui suorumq; laborum aggravationes, aliorum laborum, meritorum, necessitudinè depressiones, innumeraq; alia mala paupertati inimica disciplinæ noxia, pacis venena, caritatis pestes, Religionis ruinæ consurgunt.

Est præterea sollicitudo delectabilium, mollium, pretiosorum, meliorum, extraordinariorum. In unum hæc omnia fascem compingo, etsi meditatione separanda sint, & reflexione supra se à meditante discernenda, emendanda, ac fugienda, si verus Religiosæ paupertatis cultor professor quæ esse vult.

Est insuper sollicitudo conservandi, cum superstitiosè, cum clanculariè res conservat quis, nolens ijs privari, nolens eas vel corrumpi, vel maculari, vel obvias esse; quod non ex toto nec manifestè vitiosum est, est tamen quando nimium est, est etiã quando cum impertinenti discrimine est, quando, scilicet, communia quidem negliger tractamus, nostra autem, & potius

simum à nobis procurata, nostris usibus servientia diligentius longè servamus, quando communi usui viliora, nostro autem privato potiora diligimus, quando communiter carere, nos autem eadem re potiri volumus. Cum tamen omnium sensu, etiam barbarorum, communia præponderent privatis semper. Quod maxime in Religionibus esse convenit, ubi omnia sunt Communia, & ubi omnium Dominus Possessorq; est communitas: Privatorum autè nullus, nulliusq; rei potestatem habet, nisi quoad usum solum, eumq; ipsum communitati subordinatum & voluntati ejus, qui est caput communis subjectum.

Est deniq; etiam sollicitudo retinendi cū difficultate alijs communicandi & mutuo dandi.

Est etiam sollicitudo recuperandi; ut, cū mutuo datis ægrè & cum tædio caremus, citoq; & importunè & absq; nostra necessitate, sed tantum ut penes nos sit repetimus. Est etiam sollicitudo præveniendi, cum primi volumus commoditates habere, nobis quæ offerri, etiam necessarias: cum inquietè & indignè ferimus, non cum alijs, non ante alios, nobis esse oblatas.

Hæc similiaq; sollicitudinum genera paupertati Religiosæ sunt nociva, & præterea alijs plurimis scatet imperfectionibus. Vera paupertas sollicitudinem hanc ignorat. Propterea enim principaliter pauperatem & Christum instituit verbo simul & exemplo, & fideles ejus acceptare debent solent quæ, ut absq; sollicitudine, & impedimento curarum terrenarum, uni soli; Deo libere vacare possint. Si ergo ex paupertatis professione sollicitudinum tantus grex enascatur, quando, quæso hæc vera & Christiana paupertas dici esseq; potest? Errant sanè, & naturam paupertatis partim destruunt, partim ignorant, qui se istis superfluis, & quandoq; etiam superfluatorum & vilissimorum curis sollicitudinibusq; implicant & intricant. Non amant isti pacem cordis & libertatem expeditionemq; mentis in servitio Dei, trahunt jugum instar infidelium & sæcularium non fidunt, nec se permittunt Providentiæ Dei, neq; cura illius sunt contenti, & quo Sapientia Dei voluntasq; judicavit ac voluit eos merito debere posseq; esse contentos, de hoc illi secus judicant, decernuntq; sibi minime satis fieri, minime satis provideri. Quod, quan-




quantas redoleat iniquitates, videat quisq; Religioforum &c. Omnibus sit illa Regula Apostolica, in corde semper defixa, &

in Praxi usurpata: Omnem sollicitudinem proiciantes in eum, quia ipsi est cura de vobis.

# CAPUT VI.

## De varijs paupertatis Religiosæ Comitibus, seu proprietatibus.

I.  Considera multiplices Paupertatis Religiosæ Comitibus. Quos omnes Paupertas tanquam secum libenter habet, ac sine illis non libenter versatur inveniturq; ut proinde etiam, professus paupertatem ejusq; verum amorem, non debeat ejus Comitum apud se commorationem excludere sed potius obvis ut ajunt manibus excipere & amplexari.

Primus ergo Paupertatis Comes est facultas & concessio Superioris, sine qua nihil prorsus Religiosus debet habere penes se, neq; palam, neq; clam, tam pro se quam pro alijs, atq; etiam apud alium. Quia enim Religiosus post Votum omni jure spoliatus est ad omnia temporalia, jure inquam proprietatis seu dominij quam etiam usus, inde fit ut nihil habere possit tanquam proprium, nulla etiam re uti, nisi ex alieno concessu, nempe Superioris, cujus est, determinare omne id, quo Religiosus uti debet, & ubi, & quamdiu &c. semperq; habet in sua potestate, immutare, & auferre Religioso subdito, cui nihil debetur definite, ne quidem necessarium, sed tantum indefinite, & cum dependentia Prælati.

Secundus Comes Paupertatis communitas, non tantum quo excluditur proprietas, sed etiam qua singularitas tollitur ut scilicet Religiosus & nihil habeat privatū atq; proprium, & nihil non tale, quale communiter omnes habere in sua congregatione solent, sive in victu, sive in vestitu, sive in suppellectili.

Tertius Comes Paupertatis est asperitas ut mollitus omnis absit à cultu Religiosi

hominis, Ecce enim qui mollibus vestiuntur in domibus Regum sunt, non in domibus Christi pauperum, Magnum discrimen est, inter divites & pauperes, atq; si pauperes mollibus delicatisq; utuntur falso usurpant nomen pauperum, cum in censuram numerumq; Divitum transferint.

Quartus Comes Paupertatis, vilitas seu humilitas seu contemptus. Debent enim res in Religiosi usu positæ esse viles & humilitati congruæ & contemptori mundi atq; sui competentes. Tales esse debent, quæ etiam si sint ex genere earum, quibus omnes communiter utuntur, sint tamen viliores & postremæ earum ita ut meliores alijs, mihi viliores, atq; & aliorum usu rejectæ obveniant, velut hereditas paupertatis. Hoc sibi voluit S. Pater noster, cum in Regula Summarij præscripsit ut sibi quisq; persuadeat, quod, quæ vilissima ex his erunt domi, ipsis dabuntur. Et addit fructum usumq; ejus rei, propter majorem ipsius abnegationem: nec desunt alij fructus. Ex hoc enim viliorum delectu fit, ut minimi effectus inordinati periculo, talia quarantur possideanturq; sine invidia etiā, immo cum ædificatione aliorum, parvo & nullo sumptu & labore obtineantur, sine dolore etiam perdantur, vel tollantur. Nec obest, propter talium usum rerum viliorū, ab alijs quæ domesticis, quæ externis contemptibilis reputabor, id enim lucrum est, id paupertatis etiam proprium, ut apud seculariter sapientes contemptui sit. Contemni ergo propter insignia paupertatis, honor & corona est amatoris & Professoris paupertatis, ita ut paupertatis gratia contemni, eidem lucrum sit.

Bb

Quin-



*Quintus* Comes Paupertatis Parsimonia aut etiam parcitas, & ſtrictior neceſſitas. Reſecat paupertas, ſuperflua, reſecat minus neceſſaria, gaudet etiam defectu neceſſariorum, contenta illis ſolis ſi adſint, etſi parcius, etſi cum vilitate adſint. In quo ipſo, iudicium nutumq; ſuperioris exſpectat, ut vel habeat, vel careat, vel habita demittat. Hanc tamen Parsimoniam rigorosiorē, paupertatis amator, in ſe tantum exercet; nam aliorum compaſſione movetur, indulgentior eſt, remittit meliora & copioſiora ad alios, cupit & gaudet aliis obvenire, tanquam, ſuo iudicio dignioribus optat, etiam de ſuo detrahi, ut aliis commodius ſit.

*Sextus* Comes Paupertatis eſt Indigentia etiam neceſſariorū. & ea quidem, tum acceptata, dum ſponte ſe offerunt, tum etiam, ultro quaſita & advocata, amore Chriſti Pauperis, amore S. Paupertatis. P. Balchaſar Alvarez ajebat, Eum non amare paupertatem, qui non amaret quatuor ejus individuos Comites, ſcilicet famem, ſitim, frigus, contemptum, addere poterat incommoditatem omnem & indigentiam. Addebat autem inſuper vir Sanctus, vanam eſſe illius Religionem qui amarum paupertatis bolum ſuaviter deglutire non poſſit.

*Septimus* Comes paupertatis eſt decencia cum modestia. Eſt quidem ſuperfluum in paupertate munditiem quaerere ut ajebat S. Hilarion apud S. Hieronymum, hoc tamen ajebat intelligendum eſſe, de exquiſita munditie, & exquiſito nitore alioquin, non inſipienter etiam ſenſit S. Bernardus, qui paupertatem amabat, ſordes non amare ſe profitebatur. Et revera talis paupertas eſſe debet in domo Dei, in domibus viventium in communitate quæ habeat, decenciam, honeſtatem, modestiam, ordinem. Omnia in vobis honeſte & ordinate ſiant. Religioſus ergo & omnia quibus utitur, decenter munda compoſitaq; habeat, in veſtitu cubiculo & ubiq; alias, & quibus non utitur ipſe, ſed communi uſui deſerviunt, quoad in ſe erit, cum decencia conſervabit, ut durare in annos, & ad poſteros poſſint, quodſi durare non debeant, tamen cum moderamine conveniēti, civiliterq; abſumi oportet, & quamdiu uſus eorum aliquis eſſe poſſit, tamdiu ſit & ſuper.

*Octavus* Comes paupertatis eſt æquanimitas & contentatio de omni eo, quod accidit & offertur à paupertate Religioſa domeſtica, ſive ſit defectus, ſive vilitas, ſive tarditas, ſive perfunctorius apparatus, ſive difficultas & tergiverſatio, ſive negatio abſoluta, ſive exprobratio moroſa & amara, ſive calculatio & appretiatio atq; exaggeratio, ſive ſugillatio. Verus Pauper hæc omnia devorat, tanquam bolum ſine ullo eſſe, occinens illud ſibi in occaſione. Hoc ſcilicet eſſe pauperem, hoc eſt ingeniū Matris meæ Paupertatis &c. Ad eandem contentationem ſpectat, non facile proſiliere ad mutationes eorum, quæ alicubi inveneris, aut quò veneris, ſed ferre quoad potes commodè, diſpoſitionem, ordinem, commoditatem, qualitatem rerum; nec omnia faſtidire, aut ſus deq; vertere, efferre, reſigere, mutare, quæ alteri benè ſerviebāt, & ex uſu erant quæq; alius viſus eſt benè ordinari, diſpoſuiſſe, excogitaſſe. Eſt enim hoc modestiæ & prudentiæ: datur aliquid in hoc caritati & honori Anteceſſorum, parcitur ſumptui ſuperfluo: tollitur Novitatis ſpecies, vitatur jaſtura veterum rerum, damnumq; ab ea naſciturum. Non datur amor proprio iudicio ſenſuiq; locus. deniq; non quaeritur quod ſuum eſt, ſed quod alterius, neq; abundatur in proprio ſenſu. Quin etiam verecundia exercetur in hac contentatione. Eſt autem verecundia iſthæc, quæ ſumptibus parcat ſui cauſa faciendis, quæq; non vult eſſe moleſta & importuna in poſtulando & immutando, una ex Comitibus Paupertatis Religioſæ, diſcretioq; nominatur.

*Nonus* Comes Paupertatis eſt in ſupradictis omnibus hilaritas & amœna læticia, lætaq; amœnitas, ut ſcilicet in Paupertate paupertas ametur, & paupertatis inopia hilariter ſuſtineatur. Eſt enim ut ſupra retuli vana (aut ſi non vana ſaltem gravis & amara & faſtidioſa) illius Religio, qui amarum Paupertatis bolum ſuaviter glutire non poteſt. S. Franciſcus Borgia in omnibus incommodis indigētiis & injuriis, unde unde proveniētib; dicere ſolebat, quam belle amici noſtri, (Comites ſcilicet Paupertatis, & ærumnæ indigentiarum) adjuvant nos. Hilem ergo eſſe oportet Paupertatis amatorem, in quolibet Paupertatis experimento talem enim pauperem diligit

Deus



Deus, & talis est verè spiritu pauper. Neq; etiam aliter affectum esse convenit filium. S. Paupertatis. Amant enim filii munuscula Matrum & imaginibus illius arridēt atq; delectantur.

Hos Comites Paupertatis omnes expende, & quantum eo tu quoq; comitatu delesteris, etiam atq; etiam dispice, concipe inflammata desideria ejus, & cum omni ratione atq; sumptu studioq; tibi adjungere allabora. Tantum enim aberis à Paupere

vero, à Paupertatis Christi sectatore, quantum tibi de hoc comitatu deesse adverteris. Erubescere te tam pridem paupertatem complexum, immo etiam professum, necdum tamen ad intimum ejus gustum, completum, convictumq; & amorem, propter tuam ignaviam devenisse. Excute hanc cecitatem mentis, excute ignaviam, & pleno corde plenam paupertatis possessionem hereditatemq; occupa.

## CAPUT VII.

### De Portis quibus laxitas Paupertatis in Religionem subintrat.

**P**rima Porta, quæ laxitas Paupertatis in Domos Personarum Religiosarum, & in Domos ipsas ingreditur, est necessitas, sive vera, sive prætexta. Ut enim inter comedendum fieri experimur, ut primo licet cibum sumamus, necessitatis & famis domandæ causâ, postmodum tamen inadvertenter voluptate rapti & capti, illi jam & non necessitati, immo contra, & supra necessitatem indulgemus ac servimus. Ita in materia paupertatis, necessarias res cum procuramus, sine sensu, nomine necessitatis, palliat se voluptas, & qui ante & ab initio coacti necessitate, quasdam commoditates admittebamur, jam deinceps experimento usq; fallente rapti, eas volentes rapimus, exigimus, ac nisi exhibeantur, inquieti & molesti sumus.

Hæc porta obstruitur laxitati, si necessitas ipsa stringatur in animo nostro. Si non per omnia necessitati provisum esse velimus, sed residere aliquid indigentia in lucro ponamus, aut saltem patiamur. Quia in re ne aberremus, tutum erit permittere necessitatis nostræ mensuram, tum modum illius sublevandæ arbitrio Superioris eoquæ contentari pacato animo. adhibita nihil-

ominus cautela, ut si æquo plus benignitas indulgeat aliena, nostra modestia & paupertatis cura, recuset minus necessaria. Distant enim multum à necessitate indulgentia, ita ut non ideo mihi sit aliquid necessarium, quia mihi indulgetur ab alio, sed necessitas rigorem suum tenet semper, adeo ut supra necessitatem indulta Pauperi, in quantum pauper est, sint illicita. Ita ergo cum gratiarum actione Pietas Superioris est admittenda, ut tamen modestia & rigor debitus conservetur in necessitate sublevanda. Rigor porro & veritas necessitatis sublevandæ, sicut non ex eo prorsus desumi debet, quando absoluta & extrema, nulloque modo superabilis absq; subsidio apparet, ita non ex quacunq; molestia aut dolore, aut operositate, difficultateq; eam vincendi, mensuranda erit. Sufferre enim ac superare & devorare molestiæ aliquid, non paupertatis tantum ac humilis, sed etiam robusti & perfecti est, etsi in extremis tantum ac omnem industriam superantibus necessitatibus, subsidia querere Heroicum ac eximium sit.

§ II. Secunda laxandæ Paupertatis Porta est æquitas. Probabilis titulus, sed eo etiam se superfluarum commodatum sollicitudo vestire non veretur, laxitatemq; inimicam Religiosæ Paupertati, tum in ipsos, hoc titulo gaudentes tum in alios



180 *Caput VII. de Portis quibus laxitas pauper: in Relig: subint:*

hunc titulum ad se se trahentes facile intro ducit. Laborat aliquis in rebus magnis arduis difficilibus, & ijs quæ hominem eviscerant, exhauriunt, consumuntque; æquum est ut illius major quàm eorum qui non idem agunt, nec ita gravantur, ratio à Religione & à superiore habeatur, sed hac occasione subit, tum in ipsum operantem, dulcedo quædam & usus possessioque commoditatum illarum, ita ut periculum sit, ne eas nunc & postea, tanquam debitas exigat, ne earum causa primariè laboret, ne mercedem laborum, vilem sanè, hic recipiat, apud Deum autem amittat, tum alios deinde subit æmulatio prava, ita ut ij etiam qui non agunt, agere tamen sibi videantur suis quoque se laboribus perinde gravari censeant, exhauriri non minùs, aut etiam amplius, iniqua mensura labores, etsi non eosdem, tamen pares, mensurari & pensari cupiunt, ergo & exigunt paria, qualia videt uni illi exhiberi. Quæ si negentur, ut revera debent, subito excrescunt odia, invidiæ obrectationes, schismata, fugillantur labores & laboratores, nec parcitur Superioribus. Quod si nec negentur, sed æqualitatis ratio in mercedibus, aut commodorum subsidiis admittatur, etsi in laboribus minimè sit, hæc jam est laxitas, hæc paupertatis injuria, hæc Voti ruina, labesque publica, hæc superiorum noxa & culpa, quàm incurrunt, dum priora declinant incommoda positi inter malleum & incudem.

Hæc porta clausa foret, si quisque modestæ freno se regeret: sed officium mensurandi labores alienos, commodisque opportunis eos fovendi relinqueret Prælati, si quoque modestè de se suisque laboribus sentiret, ac aliorum suis præferret; si denique Caritate Duce meliora aliis, posteriora & viliora sibi eligens, de suis etiam commodis alios juvari gauderet.

§ III. Tertia Porta quæ laxitas paupertatis ingreditur ad Religiones, est gratitudo. Fractus aliquis annis ac laboribus in Religione præclare de illa pluribus annis, pluribus in rebus officiisque est meritis, cum jam senio ac viribus deficit, gratitudo exigit, à Religione & Superioribus haberi illius rationem ampliorem, quàm alterius aut aliorum, non ejusdem adhuc in Religione conditionis. Et quidem meritò alioquin, si in Religione laboribus frangi atque senescere, miserabilius esset quàm in seculari ullo vitæ

genera, essentque paris conditionis Canis & Aulicus & Religiosus senex, quod utique sanctitatem Religionum, & obsequij Divini dignitatem dedecet. Sed tamen hac occasione fit inprimis ut illi ipsi qui laboribus succubuerunt & annis, in morosam extorsionem necessitatum commoditatumve, (quandoque etiam fortè nimiam, nec statui congruam) cum injuria Paupertatis defleant, sit deinde, ut juvenes robustique, & neque annis, neque laboribus fracti, illa eadè sibi præstari velint, eurent contendantque quæ illis fessis fractisque præstari vident, allegantes se quoque his egere, tum quia sunt in iisdem laboribus, in quibus hi fuerunt aliquando; tum quia nollent se cito frangi laboribus: tum quia fortè sui labores, graviores nunc sunt quàm illorum olim fuerint, ob dispares circumstantias gravantes. Atque hac via subintrat haud dubiè laxitas paupertatis, eò quò vidimus modo in præcedenti puncto.

§ IV. Quarta laxandæ Paupertatis Porta, est inique intellecta detortaque aut extorta potius Religionis Caritas, non occurrit interim commodius huic malo nomen, explicatione clarius elucescet. Superiores tres laxitatis portæ, habent aliquam æqui speciem, unde etiam tolerabiliore videri possent: at contingit quarta, de qua nunc sermo est, intolerabilior, quàm aperiunt in Religionibus quidam, qui cum sint Religioni minimè utiles, maxime tamen Religioni esse solent graves. Videas enim aliquando homines, qui non veniunt ad Religionem, neque in ea vivunt ut sint meliores, sed ut sint ditiores, ut parvo, aut etiam nullo labore habeant per omnia commodè & lautè, ut sint delicatiores & locupletiores in Domo pauperis Christi, quàm esse potuissent in Regno Divitis Diaboli ut sint in Domo Dei honorati, venerabiles, atque reverendi, qui in suis domibus nonnisi contemptibiles & abjecti fuissent. Videas aliquando homines, qui non tam ideo in Religione sunt, ut ipsi laboribus meritis industriaque profint, quàm ut ipsis Religio proficiat: qui sunt in Religione ut ipsius vivat beneficio, non autem Religioni commodent serviantque opera suas, quibus Religio est honori & utilitati, ipsi vero Religioni sunt oneri & dedecori. Videas, inquam, hujusmodi homines, sese non tantum laboriosissimis personis conferre, sed etiam præferre, & mole-



Aliis commoditates quam illos exigere, caritatemq; Religionis crepare, & requirere, & de illius defectu quiritare, quam illos prædictos, qui, omnem industriam & vitam, honori, subsidio, usuiq; ordinis addicunt, & propter quos etiam hi ipsi apud externos in æstimatione pretioq; sunt. Nec attendunt isti se effrontes esse, cum caritatem Religionis exigunt, quam ipsimet, Religioni multis annis (quandoq; tota vita) non impendunt: Non attendunt hi, valde se injustos esse, dum quotidiano suo labore, (qui vel nullus, vel exiguus, vel propria tantum utilitatis, voluntatisq; est) laborisq; in communem usum proventu, nullam aut vix aliquam partem adæquant eorum sumptuum, qui sunt a Religione quotidie in eorum, necessitates & commoditates quotidianas. Quod quam sit probrosum, quamve iniquum, quamve in sæculo etiam intolerabile, hi quidem non sentiunt, quia sentire ut plurimum nolunt, neq; ad huiusmodi, mentis oculos reflectere soleat, attamen aliquando dies Domini revelabit.

Reflecte te Religiose super te, & pone cor tuum super vias tuas. Vis Religiosam caritatem experiri in tuis necessitatibus? equidem iustum est, sed hac lege, ut tu quoque quantum ex te est, tota industria tua in hoc labores, ut pro tuo gradu atq; modulo, charitatem tuam Religioni indigenti exhibeas, alioquin, qua fronte metere vis quæ non feminas qui etiam debueras hic seminare, non hic sed in calo metenda. Creditor esse deberes, non tantum Religionis, sed etiam Dei: tu autem etiam indubitata exsolvi tibi exigis. Religiosa indolis multum laborare, parum commoditatis exigere) ne recipiat mercedem in hac vita, su-

perare meritis laboribusq; quotidianis Deo Religioniq; (quod utrumq; idem est) impensis, sumptus Religionis in se quotidianos: hoc unum habere, in quotidianis Examinum punctis, ut hoc consideret, an hodierna commoda Religionis hodierno labore promeruerit, iusteq; receperit.

§ V. Quinta laxitatis Porta, quæ paupertatis injuriæ ingredi solent. Est autem Superiorum mollities, sive ea benignitatis naturæ tribuenda sit, sive timiditatis, sive placendi ac satisfaciendi omnibus cupiditatis.

§ VI. Sexta laxandæ Paupertatis Porta, est ipsa Paupertas imprudenter culta & custodita. Dictum vulgare sed verum est: Paupertas paupertatem in Religione destruit. Hoc quidem variè accidit. Et in primis dum ex communi non providetur necessitatibus omnium, advocatur admittitur necessitas permittendi ut sibi quisq; provideat privatim, quæ permissio si negetur, providendi tamen audacia clandestina non vitatur quod malum est, pejus priore: infinitis enim malis, scandalis, peccatisq; adimplet Religionem, præ omnibus autem pessundat paupertatem. Deinde etiam destruit Paupertas Paupertatem, quando propter penuriæ prætextum, opportunè sumptus moderati non sunt, qui tamen post modum, necessitate adigente, fieri debent multiplicati, ita per compendia sunt dispendia, & dum imprudenter parcitur sumptibus, gravantur & multiplicantur sumptus cum injuria paupertatis.

Hæc duo postrema, magis Superiorum Instructioni, quam communi omnium meditationi deserviunt. Habent superiores unde erudiantur, nostrum est ab ijs erudiri.





# CAPUT VIII.

## De Exemplaribus & Speculis Paupertatis Religiosae.

**P**rimum Exemplar Paupertatis Religiosae, quod est Christus IESUS Deus ac Salvator noster, in quo duplex nobis resplendet Paupertatis perfectae specimen, unum Doctrinae, aliud Exempli. Doctrina Christi de Paupertate est multoties ab illo expressa. v.g. *Beati pauperes spiritu, quoniam ipsorum est regnum celorum.* quibus verbis ita docet, ut commendat, ita commendat, ut simul doceat paupertatem. Docet, cum eam in spiritu praecipue collocat; commendat, cum beatitudinem, cum inter eas primam, cum caeli heredem deauntiat. Similiter: *Si vis perfectus esse, vade vende omnia, & da pauperibus, & sequere me, & habebis thesaurum in caelo.* Et hic commendat Paupertatem, dum eam non praecipit, sed consilium facit, dum eam perfectionis viam, gradum verticemque supra observationem praceptorum omnium vocat, dum ei non tantum coelum, sed thesaurum etiam, hoc est, insigne magnumque pra alijs praemium promittit. Similiter: *Nemo est qui reliquerit domum aut fratres, aut sorores, aut Patrem, aut Matrem, aut filios, aut agrum propter me, & propter Evangelium, qui non accipiat centies tantum, nunc in tempore hoc domos & fratres, & sorores, & Patres, & filios, & agros cum persecutionibus & in futuro saeculo vitam eternam.* Et rursum. *Amen dico vobis, quod vos qui secuti estis me, in regeneratione cum sederit Filius hominis in sede Maiestatis suae, sedebitis & vos super sedes duodecem, indicantes duodecem tribus Israel.* Haec Christus in laudem in suadelam & doctrinam paupertatis elocutus est, quae nisi ab illo prolata fuissent, a nemine alio prolata fidem invenire debuissent. Eiusdem illud dictum est: *Qui non renuntiat omnibus quae possidet, non potest meus esse discipulus: non habet sumptus collectos computatosque ut turrin perfectionis Evan-*

gelicae edificare, ejusque aedificium completum possit. Haec Christi doctrina de paupertate, est lydius lapis Paupertatis Religiosae.

**S. II.** Exemplum Paupertatis Christus, non tantum verbis docuit, quantum operibus & exemplis. Exemplum ipse suum luculentum posuit, quando cuidam sequi se volenti dixit: *Vulpes foveas habent, & volucres caeli nidos, filius autem hominis non habet ubi caput reclinet.* In quibus verbis plenitudinem suae paupertatis Christus exaggerat supra quam cogitari potest. Pauperiorem enim se Christus asserit brutis, quibus tamen incapacitatem Domini constat inesse, quod tamen Christus dixit, tum propter Votum a se factum paupertatis, tum propter jus quoddam brutorum quod habent ad sua latibula, foveas, nidos, ad quae pro arbitrio recurrunt, in quibus se foveant, & reconduunt, & quiescunt, & a quibus inasores jure suo arcant, quod jus tale Christus, in unam terrae glebam non habuit, sed ille quidem ab omni prorsus re & loco, excludi per alium potuit, ipse autem neminem excludere poterat. Immanis certe paupertas Christi & vix credibilis nisi ore Christi asserta esset, quam de facto etiam ostendit, ab ipso natali suo, nam natus est in stabulo, reclinatus in praesepe a brutis mutuo, idque quia non erat ei locus in diversario, ubi canibus erat & asinis, bobusque ac porcis & equis locus, ibi Deo nascendi non fuit locus.

**D.** Huic paupertati respondit tenor vitae totius in paupercula domo nutritus, inter pauperes cognatos uti nuptiae Cannenses docent, adolevit. Digressus a Matre aliena semper vixit miseratione, quae etiam saepe defecit, adeo, ut discipuli satorum spicas vellere manuque tritas comedere, compulsi sint. Tributum soluturus denarium a piculo emendicavit, sed nunquam Christus paupertatem magis professus comple-

xusque



usq; eam est, nusquam plenius, quam in passione & Cruce. Ibi enim paupertatem, tanquam sponsam cum omni ejus dote committatq; sibi adjunxit, ita ibi spiritu pauper factus est, ut ipsum etiam spiritum Patri tradiderit, aliena misericordia de Cruce depositus, unctus, involutus alienis linteis, in sepulchro alieno conditus sit. O Religiose paupertatem professe, ibi paupertatis tue pone metam, ubi Christus posuit suam.

§ III. Paupertatis Christi excellentia, ex eo capite maxima, & nullatenus ab ulla creatura adequanda: quod cum dives esset, propter nos, egenus factus est. Et magna quidem est in hoc vis, quod propter nos egenus factus sit, sed in hoc longe maxima, quod cum dives esset, egenus factus sit. Dives erat Christus: natura & essentia sua erat ipsa divitiarum plenitudo omnium divitiarum possibilem. Erat dives non tantum secundum Deitatem, sed etiam secundum Humanitatem assumptam, cui ex vi Unionis Hypostaticae essentialiter Dominium absolutum plenumq; competebar in omnia creata: & competebar ita, ut stante unione hac, impossibile fuerit, eum Dominio hoc carere. Invenit tamen ille modum & viam, qua se spoliavit, & ita spoliavit ut se pauperiorem reddiderit ijs quae incapacia erant Dominij, quaeq; natura sunt pauperissima, atq; a deo paupertas ipsa. Spoliavit se carendo omnibus rebus, nulla utendo tanquam sua propria, & tanquam Dominus, & insuper vivendo paupertatem, semper paupercule, & mendicatio, & aliena misericordia vivendo. Itaq; Christus Dominus ipsam Divinitatem suam paupertate

fecit materiam & subjectum. Deus enim cum esset, pauper fuit, omnibusq; eguit, cum Dominus omnium esset, & Voto se ad paupertatem adegit, cum essentialiter Dives & divitiarum esset. Atq; quia impossibile erat Dominum non esse, quamdiu Deus homo erat, mortuus est, & Deus Homo esse desuit, ut sic extremam omnemq; paupertatem possideret, qua mortui gaudent. Mortui enim ideo pauperissimi sunt, quia nec se ipsos possident: ita ergo Christus, & usu Dominij, & ipso Dominio se privavit, quando se mortis jugo vivens subjecit. Quare sicut omnem gradum Dominij Christus habuit quoniam Deus fuit, ita vicissim omnem gradum paupertatis assumpsit, quando mortem subiens esse desuit. In quorum neutro extremo Christus imitabilis est. Speculum tamen & Exemplar paupertatis est.

Hac igitur in Christo contemplare. 1. Doctrinam ejus de paupertate cum praemiis & laudibus ejus. 2. Exercitium illius & praxim in omni vita ejus. 3. Inimitabilem istum utrumq; terminum Paupertatis ejus; nemo enim, praeter Christum, Deum facere potest pauperem, & nemo ut sit pauper mori potest. Ex his porro omnibus, discite amare, discite complecti, discite exequi, discite proficere, discite immori paupertati. Talis sit tua Paupertas, qualis Christi in stabulo, qualis in Cruce, qualis in sepulchro talis sit amor tuus erga paupertatem, qualis erga eandem fuit Christi, qui cum Dives & Deus esset propter te egenus factus amore paupertatis egenus factus est.





## CAPVT IX.

## De alijs Exemplaribus paupertatis Religioſæ.

§ I.



Secundum Exemplar Paupertatis est Pretiosissimæ Christi Parentis, Virginis Mariæ Paupertas. Fuit enim in ejus vita, assidui Comitæ loco insignis Paupertas, & tanta ut eadem à Matre ad Christum devoluta sit, veluti naturali hereditarioq; jure. Pauperis enim Matris pauper filius fuit. Professæ est SS. Virgo Paupertatem suam in omni vita sua, & præcipue in puerperio suo ob humilem conditionem suam pauperemq; statum, non reperit locum in diversorio, in quo, ditiorum mancipia & jumenta, & ipsi canes locum commodum habebant. peperit filium suum primogenitum in stabulo, pannis involuit, sanè vilibus & rudibus, reclinavit in præsepio, subjecto, si ad manum fuit, feno. In Ægyptum fugiens delata, sanè non splendido comitatu venit, ibiq; vixit. Deniq; tota vita suâ conjunx fabri pauperuli habita & vocitata est. Sed etiam probri vice vocata est Mater IESU à Judæis, tanquã pauper abjectaq; abjectioris filij genitrix, At enim, nusquam plenius paupertatem suâq; filijq; professæ est, quam Cruci affixo adstans filio, cujus pauperrimam pretiosissimâq; nuditatem non erubuit in illa hora, adeoq; tunc pauper desolata, & omni solatio refugioq; orba fuit, ut Christus, paupertatis ejus misertus de Cruce, Ioannem illi pauperulum & ipsum delegarit, quem in hac vita curatorem, necessitatumq; suarum Ministrum & provisorem haberet.

Huic vitæ cursui respondit & decursus & exitus, pauperem enim vitam vixit usq; ad mortem & pauperibus convixit. Ad complementum autem paupertatis suæ eam voto firmavit, exemplum Christi doctrinamq; secuta, cujus paupertatem hoc commendat amplissime, quod ipsa ex materni-

tate Dei dominium naturale in res omnes sortita fuit, cui tamen in omni vita etiam per Votum renuntiavit. Habes Religiosæ, Paupertatis speculum in Deo Homine Christo, habes & in Virgine Dei Matre. Imitare servule Dominum, & Domini tui Matrem, Dominam tuam, æmulare mancipium.

Tertium Exemplar Paupertatis, Paupertas Apostolorum. Pro omnibus unus loquitur Petrus testaturq;: *Ecce nos reliquimus omnia, & secuti sumus te.* Attende perfectam paupertatem & planè Apostolicam, quam primi Apostoli, Christiano sanè Apostolicoq; usu complexi sunt. Dimisimus ait omnia, omnia quæ habuimus, omnia quæ habere potuimus, quæ desiderare poteramus, omnia habendi desideria. Omnia dimisimus affectu, omnia effectû, omnia sine spe, sine potestate resumendi, omnia dimisimus, Votoq; etiam dimissionem firmavimus. Te secuti sumus in hoc Domine, qui docuisti nos sic, qui sic prior fecisti ante nos. Talis fuit paupertas Apostolica, talem primos ipsi discipulos docuerunt. Hanc omnis primitiva Ecclesia professæ est, hanc laxatam lapsu temporum atq; morum Religiosi domicilio excipiunt & veluti Sponsam matremq; familias, domibus, institutis & mentibus cordibusq; suis præfecerunt.

§ III. Considera verò qualem paupertatem Apostoli in schola Christi didicerint, & in quali eos Christus exercuerit. Omnia propter Christum dimiserunt, Christumq; secuti sunt: sed apud Christum invenerunt usq; adeo nihil, usq; adeo succincta omnia, uti non raro deficiente victu satorum spicas carpere manibusq; fricatas edere debuerunt. Si quid aliquando residuum super fuit, tantillum id erat, & unus Iudas portare suffecerit. Cum tributum pendendum erat, nullus discipulorum, nec omnes simul summam repræsentare poterant, à pisce mutanda.



tuanda erat, Pisces quinq; non de suo, sed de cuiusdam pueri penu promere debuerunt. Asellum quo sternerent Domino, nisi suis vestibus iniectis, non habebat. Missi ad praedicandum à Domino, neq; peram, neq; calceamenta, neq; baculum, neq; duas tunicas multò minus aurum, argentum pecuniamve in zonis suis portarunt, ita edocentes Domino, sed providentiæ Domini se crediderunt. Post mortem Christi atq; resurrectionem, nullus eorum sua repetiit, sed de aliorum miseratione, Divina autem providione, pauperem vitam duxerunt.

Deniq; per univrsam orbem sparsi, paupertate & contemptu terrenorum, mundum ad fidem converterunt. Neq; enim tantum miraculis eorum, moti sunt homines ad fidem, quæ facile præstigiis ac beneficiis attribui potuissent, quantum paupere vita & omnium quæ mundus miratur contemptore animo. Talem & tu in schola Christi, fac discas, exerceas, exemplo, verboq; doceas, exhibeasq; paupertatem.

§. IV. Qualem paupertatem fundaverint Apostoli in Ecclesia primitiva. Expressit hoc Lucas in Actis, ubi cunabula scribit

Ecclesiæ. 1. Omnes fideles discipulique Apostolorum, possessiones suas vendebant, & earum pretium ad communem usum ad pedes Apostolorum ponebant. 2. Nemo quidquam suum esse dicebat: non domum, non agrum, non vestem. 3. Dividebatur singulis prout cuiq; opus erat, alieno utiq; arbitrio & iudicio. 4. Formabatur hæc ratio vendendi, ad pedes deponendi, de Comuni vivendi, firmabatur inquam promisso & voto. 5. Eius five promissi, five usus recepti prævaricatores primi Ananias & Saphira morte multati sunt, primumq; omnium adeo formidabile supplicium, Christi Fidelium in Ecclesia statutum est ab Apostolis in vindictam læsæ paupertatis Evangelicæ, defraudarunt enim de pretio agri, & factus est timor magnus in Ecclesiâ universa, & in omnes qui audierunt hæc.

Hæc fuit disciplina Paupertatis in primæva Ecclesiâ, in quâ omnes Religiosi erant, ad hanc disciplinam exige & explora, & emenda paupertatem tuam, amorem tuum in paupertatem, Zelum pro paupertate, integritatem paupertatis.

## CAPVT X.

### De alijs Exemplaribus paupertatis Religiosæ.

§. I. **I** Mago prima Paupertatis Religiosæ, cultusq; & amoris, qui illi à Religiosis præcipue Societatis debetur, est à S. Ignatio Fundatore Societatis in Regulis exposita. Paupertas ut murus Religionis firmus diligenda, & in sua puritate conservanda quantum divina gratia aspirante fieri poterit. Exemplar & Imago hæc est. Paupertas est hoc Religioni & Religiosis, quod murus Urbi & Civibus. Quod præstat murus, hoc præstat paupertas suis, quod debetur

§. I. **C** muris à Civibus, hoc paupertati à Religiosis. Firmos esse muros oportet, integros, non labantes, non scissos, non fossos, solidè jactos, excubari pro eis oportet, ne ab hoste aut vetustate subruantur, quassentur, inscendantur. Ruentibus occupatisve muris, actum est de Urbe, capta est Civitas, Civis omnes sunt præda. & victimæ hostibus. Dum murus immunis, integer, liber firmus, defensus est, tuta sunt salvaq; omnia Civibus, irrisi sunt omnes conatus hostiles. Hoc idem est Paupertas Religioni & Religiosis: hoc idem sit Religiosus Paupertati Paupertas ut murus firmus diligenda, & in sua puritate conservanda. Tantum te tutatur



tur & salvat illa, quantum tu illam, ruina illius, perditio tua, integritas illius, salus tua non refert magnanè sint foramina in muro, cum fissuræ crebræ, quælibet eorum injuria, Civium est perditio & proditio: Paupertatis injuriæ sive grandes, sive multæ minores, Religiosum in discrimen adducunt. Ergo paupertas ut murus Religiosis diligenda, & in sua puritate conservanda. Expende diligenter puritatis vocem, omnē paupertatis perfectionem illa complectitur, perfectè pauper est, qui purè pauper. O pura paupertas, o puritas paupertatis, quam rara est, quam fuscatur sæpè, quam variè, quam impunè, quam inverecundè, quam sine sensu, absq; nota, sed non absq; injuria.

§ II. Secunda Paupertatis Imago in Regulis depicta. *Diligant omnes paupertatem ut Matrem.* Hæc est Imago & Paupertatis simul & Religiosorum Paupertatem profitentium. Illa Mater est, hi filij. Illa Religiosos, ut filios amat, & fovet, & educat, isti paupertatem ut filij Matrem, colere, amare, & observare debent. Nulla Mater est tam verè Mater ut est Paupertas. Intellegat hoc Religiosus, & fatebitur sic esse. Paupertas Religiosa, est Providentia Divina, certè non est sumenda absq; illa. Nam Paupertas sine Providentia Divina, certè non est Religiosa, immo neq; paupertas. Omni paupertati addicta est providentia Dei, potissimum tamen Religiosa paupertati, huic Religiosa paupertas se consecrat, huic credit, huic innititur, huic ut ita dicam, desponsatur & nubit, cum hac pactū mutuum init, & quemadmodum se illi, ita illam sibi obligat. Ex pacto ergo convento paupertas Religiosa providentiæ Dei tenetur nihil habere, nihil accipere: vicissim verò providentia Dei tenetur paupertati providere atq; prospicere.

Paupertas itaq; Religiosa, non tantum Paupertas, sed est paupertas Providentiæ Dei adnexa, & providentiam Dei habens adnexam sive obligatam. Ea propter nullus Religiosus debet paupertatem suam attendere nudam & solam, sed Religiosam, & Dei providentiæ conjunctam innixamq;e. Hoc autem modo paupertas Religiosa ita mater est ut non possit non esse mater, ita Mater est, ut nulla Mater possit sic esse Mater, ita Matris officium explet ut nulla explere sufficiat. Quæ enim Mater

sua providentia maternæ explere & æquare potest providentiæ divinæ curam & efficaciam? Ergo Paupertas Religiosa Mater est, & omni Matre magis majorq; Mater Iudica jam mi Religiose, an merito dicatur tibi diligant omnes paupertatem ut Matrem. Qui Religiosus paupertatem sic non amat, non est filius paupertatis Religiosæ, hoc est, Providentiæ Divinæ, qui contra paupertatem Religiosam, murmure, impatientia, privato peculio, vel aliter peccat, providentiæ Divinæ, nempe suæ suavissimæ Matri ingratus, injurius, contemptor est. Contra paupertatem suam qui observat, & omnes ejus affectus comitesq; lætus amplectitur & excipit, hic Providentiæ Dei lacte nutritur delectaturq; & esse se genuinum illius filium demonstrat.

§ III. Tertia Paupertatis Imago Regulis expressa. *Victus, vestitus, & lecti ratio, erit ut pauperibus accommodata, & unusquisq; sibi persuadeat, quod quæ vilissima erunt ex iis quæ domi sunt, ei tribuentur propter ipsius maiorem abnegationem, & spirituales profectum.* Intellegant omnes, quod mutuo dare vel accipere, vel dispensare quidquam de iis quæ domi sunt minime possint, nisi Superior conscius consensum præstiterit. Nemo pecuniam apud se habeat, apud alium verò, neq; pecuniam, nec quidquam aliud. Nemo rem ullam ex domo vel ex cubiculo alterius sibi usurpet, aut ab externo aut quovis alio accipiat, sine superioris licentiâ. Nullus ita cubiculum suum claudat, quin aperiri extrinsecus possit, aut arcam, seu quidquam aliud habeat obseratum sine superioris facultate. Iuxta mensuram sanctæ discretionis, suis temporibus paupertatis effectus aliquos experiantur, nulla re tanquam propria utantur, paratiq; sint ad mendicandum ostiatis, quando vel obedientia, vel necessitas, id exigeret, &c. Imago ista, imago Paupertatis est. Sub I. imagine enim pauperis depingit nobis. S. Fundator, qualis cultus debeat esse in nobis erga paupertatem Religiosam, qualisq; nostra paupertas esse debeat. Certè quicquid S. Pater in Superioribus expressit, totum hoc conclusio est deducta ex genio pauperis & paupertatis, v. g. Paupertatis & pauperis, victus vilis, obvius, modicus, ex alieno provisos est, ergo & meus talis sit oportet. Vestitus pauperis est vilis, detritus, potestremus, & meus talis esse debet. Pauperis est nihil habere, ab aliis emendicare, ergo & meum. Pauper dum mendicat victum & ve-



& vestitum certus est, postrema sibi danda non præcipua, ergo & ego certus esse debeo de postremis quibusq; mihi offerendis.

Sciendum autem est, non depingi à S Patre in supra positis Regularum verbis, paupertatem plebeiam, sed paupertatem simpliciter, paupertatem quæ & re & nomine & praxi, & actu, & effectū, & affectu paupertas est, ex cujus plenitudine Religiosam depinxit ad eiusq; mores istam conformat. Et tu ergo ad eandem paupertatis rigorosam indolem, conforma paupertatem tuam, omnesq; eius mores, qualitates, proprietates, conditiones, sectare &c.

§. IV. Quarta Imago paupertatis, est Praxis instituti Societatis in Voto negotioquæ paupertatis. Inprimis enim Societas complexa est omnem perfectionem Paupertatis, etsi non in omnibus suis membris eandem, propter peculiarem sui instituti rationem, in præcipua tamen parte sui, perfectam planè atq; absolutam. Etenim professæ Societas nec in communi quidem potest habere bona aliqua præter puras eleemosynas accipiendas. Cujus tam exactæ paupertatis causam assignat S. Pater in Constitutionibus illam: quia nempe Societatis hujus Patres, experimento comprobarunt, vitam ab omni avaritiæ cupiditatisve suspitione remotam, esse prorsus jucundissimam, purissimam, atq; ad proximi fructum ædificationemq; utilissimam, nusquam enim est sæcundius, quam in ore pauperis Evangelici, Dei Verbum.

Iam verò Praxis Paupertatis hæc fuit semper in Societate, & est, & esse debet, ut nemo de ulla re, suo proprio arbitratu, sed Superioris: ut omnia semper uniuscujusque Personæ privatæ, sit in potestate Superioris, qui ea possit auferre, mutare, relinquere pro suo libitu quocunq; tempore, sine ulla restituendi spe, adeo ut nec haustum aquæ frigida, neq; micam panis, liceat ho-

mini Societatis sibi sumere sine consensu Superioris. Neq; est in Societate esseq; potest locus ulli contra Peupertatem laxitati, aut consuetudini recipiendæ, multoq; minus receptæ. Cum Professæ Societas universa peculiariter notum faciat, nullam immutationem in Paupertatis negotio & Voto & praxi, admittendi, aut tolerandi, nisi fortè si sit paupertas stringenda magis. Itaq; non potest in Societate dici, hoc aut illud esse receptum usu, more, conniventia, proinde licere, &c. nulla enim conniventia, nullus mos, nullus usus, locum habere potest, quoniam prædicto Voto prorsus exclusus est, & aditus illi omnis impossibilis redditus. Atq; hæc est imago genuina paupertatis Religiosæ in Societate, ob quam integrè conservandam Societas recepit in se de omnibus privatorum seu filiorum suorum necessitatibus commodisq; congruis providere, ne quemquam suorum opus sit privatas industrias ad sublevandas suas necessitates, adhibere, atq; hanc occasionem januamq; laxandæ paupertati & privato introducendo aperire. Inspice benè, exactè, crebrò, hæc specula, exemplariaq; paupertatis ejus, quàm Societas profitetur, & quam omnes filij ejus sectari colereq; ut filij Matrem tenentur, ad eaq; te compone, ut tuam præcicam paupertatem ejusq; diligentiam ac observantiam explora. Disce quo te affectu, quàm stricto amore adstringi quâ pietate ferri in paupertatem tuam oporteat? Deplora si quam in te injuriam paupertatis reperis, ac ad ejus integritatem statim te reduc: omnem proprietatis privatæq; voluntatis speciem abs te amove, nullum penes te idolum privatæ vel clanculariæ possessionis patere, ne sicut olim S. Franciscus Assisias, quosdam de suis, ita te quoque S. Ignatius spurium ordinis sui, aut Iudam, furem Christi, labemq; coeli Apostolici aliquando denominet.





# CAPVT XI.

## De varijs Actibus Religioſæ Paupertatis.



Varij sunt Actus, effectusque Religioſæ Paupertatis, quos exercere ſolent Amatores illius veri, & ad quos eniti debent, ſecundum inſtituti ſui Regularum naturam, ij qui Votum Paupertatis in Religione emittunt.

1. Amare Paupertatem affectu filiali, ſicut ſcilicet Matrem, tenere, & interne ejuſ affectus, & comites, æſtimando, appetendo, appetendo, ſicut filij munuſcula parentum ſolent.

2. Revereri & tueri & appetiari, defendere, integraque omnia conſervare in ſe & alijs, in Communitate (quod licet & debet cuique) etiam in minutis rebus Paupertatem eo modo quo boni Cives, muros, portas, Caſtella, munitiones, Privilegia, commodaque ſuæ Civitatis & Patriæ conſervare integra ſtudent. nullam laxitatem, diſpenſationem, emolliſionemque in Paupertatis uſu & praxi, votoque admittendo, quam Majores noſtri non amiſerunt, quæque Regular, & praxi receptæ non conſonant.

3. Nihil prorsus abſque facultate Superioris dare, vel accipere vel mutuo, vel dono domesticis externiſve, vel ab iſdem.

4. Non gravatè, immo libenter in omnibus facultatem petere, etiam parvis.

5. Petere facultatem cum indifferentia, immo appetendo ut negetur facultas, non criſtari, non conqueri etiamſi negetur.

6. Nihil habere penes ſe inter reſculas ſuas, quas nolit quis ſciri, aut videri, aut auferri à Superioribus in aliorumque uſum converti, ſed ab omnibus rebus affectu avulſo eſſe.

7. Nihil ex alienis cubiculis, vel etiam ex publicis locis accipere ſine facultate Superiorum, quod ſit vel communi publicoque omnium uſui, vel privato alicui commodo permiſſum.

8. Nihil habere ſuperfluum, nihil preti-

oſum, comptum, nitidumque; eximiè ac exquisitè, etiam cum facultate, aut permiſſum diſſimulatione Superiorum, nam ſuperflua nec cõcedi poſſunt, nec cõceſſa licita ſunt, quia conceſſio ipſa illicita eſt. Verus ergo Paupertatis amator, ſuperflua omnia in libris, victu, veſtitu, aliisque cubiculi ſupellectili reſecabit.

9. In neceſſarijs etiam viliora eligere, neglectis pretioſioribus id enim paupertati magis conſonum. Pauper enim malè veſtiri non poſteſt, ſed quantum pauperius veſtitur, veſcitur, dormit, habitat, habetur tanto melius, & paupertati congruentius.

10. Gloriarì in Domino de Paupertate, rerumque vilitate, neque erubeſcere paupertatem, & nuditatem Chriſti, oſtendere etiã, & exhibere foris eandem, non jactabundè, ſed amanter, & propter abnegationem majorem, mundi que contemptum, & ex interne abnegationis ſpiritu filiaque; ac ſponſali in paupertatem amore.

11. Res paupertatem, ſimplicitatem, ruditatemque operis redolentes amare ac diligere, exoſculari etiam ex affectu paupertatis.

12. Res laceras, aut malè nec ex arte paratas, aſſutis cruſtis ſarcitas, vetuſtatem, redolentes, amare, amplecti admittere, novis, integris, ſpecioſis, præferre; immo hæc erubeſcere, illis gloriari.

13. Ex ijs quæ domi ſunt, quæque uſui domesticorum diſtribuuntur, poſtrema viliffima, ultimo loco exſpectare & acceptare, cum illa vera & interna perſuaſione, quod: quæ viliffima domi erunt, hæc mihi dabuntur & pro me, conſultò reſervabuntur, tantum pro eo, cui incumbat quemque deceat, ut omnium eſſe poſtremum & mancipium ſic etiam poſt omnes neceſſaria accipere, ab alijsque; abjecta vel detrita, vel ſemieſa in uſum aſſumere, ſicut pauperibus mendicantibus ad oſtia ditiorum certo eſt perſuaſum quod non ex optimis quæ domi aliqua habentur, ſed ex poſtremis & quæ ipſis domus famu-



famulis abjecta erunt, ipsis int porrigenda & danda.

14. Gaudere in defectu etiam necessariorum, eumq; defectum, quod licet, bonâ conscientia dissimulare, ac silentio tegere, intereaq; incommodum quod continget perpeti lucrum suum messetq; meriti & imitationis pauperis Christi, atq; ex veris paupertatis opulentis (scilicet defectibus & incommodis) exultare, si sit fames, si sit sitis, si sit æstus, si sit frigus si lecti lectiq; incommoditas, si sit tartitas & dilatio vel durities eorum, quibus incumbit providere.

15. Non facile, nec statim, neq; sollicitè Indigentia proviſum ire, id velle, sed prius experimento probare, an it vera, an vincibilis nec ne indigentia, amq; probatam demum, modeste sedateq; exponere, nec urgere, nec facile repetere, ut inculcare.

16. Id verò multò ampliùs servandum, in provisione futurarum indigentiarum. Paupertas enim de futuro non cogitat, multò minùs sollicita est. Dei Providentia locus dandus est, praesertim à privatis, & de communi non sollicitis ex officio. Quamquam etiam isti non debent timere inopiam, sed metum inopiae.

17. Non circumferre secum de loco in locum multam supellectilem, neq; pro via neq; pro mansionis futura loco, sed quantum fieri potest, minimè onustum migrare, progredi, venireque.

18. Si alicujus locum officiumq; succedas aut habitaculum, non continuò turbare, mutare omnia, sed his quæ alteris satis erant, etiam contentum esse.

19. Incumbere totis fiducia viribus in Dei Providentiam, ut solet infans in ulnas nutricis, aut curam matris totus projectus. Qui enim Paupertatem Deo vovent lactentes Alumni sunt Providentia Divinae, quæ centuplam mercedem promissit, quanto magis simplam, & simplicem necessitatem Providentia sua sublevabit. Non potest autem magis obligari & devinciri Divina Providentia ad succurrendum, quàm toto pondere in eam incumbendo ac se se suumque cogitatum in eam jactando.

20. Suspectum habere id omne, atq; etiam abjicere propterea quod Superioris notitiam consensumq; declinat ac formidat, immo, etiam id, quod ex spontanea quadam Superiorum indulgentia obvenit ac delectat.

modeste & humiliter recusare, eo autem contentum esse, quod Dei voluntas per Superiores disposuisse cognoscetur.

21. Non libenter accipere ea beneficia Externorum, quibus opus pium, & obsequium in eos vel alios exhibitum compensari probabiliter putetur. Quod autem puræ Eleemosynæ ac mendicationis titulo obvenit, id gratanter, & velut ex litus atq; ex Angelico instinctu oblatum admittere.

22. Si adhibitis ad sublevandam necessitatem solitis, & partim à prudentia, partim à Religione praescriptis mediis (quæ adhibenda sunt, ne eorum neglectu, & otioso providentia Dei expectatu potius tentetur Deus) nihil proficiatur, nec industriae humanae profint, tunc maximè & securissimè, jactare in Deum cogitatum, & centuplum promissum, bonitatemq; Divinae beneficentia in oculis habere. Etenim quando ordinaria media Deus finit esse sterilia, signum est, quod velit, per sua & extraordinaria, esto sine strepitu & admiratione, hic enim cursus Dei est) providere suorum Alumnorum necessitatibus. Sunt autem media Religiosorum ordinaria, orare Deum, necessitatemq; commendare, ad Superiorem recurrere, cum licentia habita medicare, labore manuum, aliavè industria, probata per Superiorem, uti, & si quæ sunt alia in alio ordine legitima recepta Providentia.

23. In judicio de necessitatibus, non proprio sensu regi, sed Superiorum arbitrio, judicioq; rem examinare & permittere, & acquiescere.

24. Promissionem subsidiumq; necessitatis nostræ, non metiri ex indulgentia aut liberalitate opinioneq; providentis Superioris, fieri enim potest, ut excessus fiat per hoc, deturq; nobis nimium, & alijs desit necessarium. Religiosus ergo modeste moderabitur favorem, & strictiore subsidio contentus, renuntiabit reliquo ad aliorum commodum, id enim & ad fraternam charitatem pertinet, ne dum alius esurit alius ebrius sit, ad fidelitatem quoq; & ad Paupertatis amabilem rigorem, vel rigidum amorem, sublevari enim non ditari pauper debet, ac maximè Religiosus.

25. Ratione officij dignitatisve etiam Superioralis, nihil admittere, nisi ratio necessitasq; exigat. Nam dignitas & munus non eximit quemquam à paupertate, eiusque



quæ amore & rigore: nisi importet necessitatem & indigentiam: ratione cuius amplius potest capere Superior: sed hæc ratio procedit etiam in subdito indigente, laborante &c.

26. Veram necessitatem metiri, ex detrimento v. g. valetudinis, ex impedimento non levi officij, ex molestia ac dolore rationabili ex difficultate operandi, ex difficultate vincendi necessitatem. Ex his enim ac similibus noscitur, sicut & nascitur, vera necessitas iusta, gravis absoluta, tam quæ ad bene vel male esse necessaria sunt, simpliciter necessaria non sunt, siquidem levi labore, ac molestia sustentia non grâdi, evinci possunt. Verus amator paupertatis pluris æstimat paucis contentum esse, quàm multis egere, seu, quàm multis subsidijs abundare. Præclarum est posse non egere, quibus egeas.

27. Expõsita necessitate apud Superiorem: nihil determinatum petere aut suadere: non tempus, non locum, non personam, non rem, non modum aut media: sed omnia arbitrio Superioris permittere, moderatèq; ferendum si Superior deliberet, & rebus expensis decernat. Vix enim aliquid est, quod non pluribus medijs possit perfici: unde imprudentis est impudentisq; ac importuni alligare Superiorem ac seipsum ad unum aliquod certumq; subsidium aut medium.

28. Velle & curare ut quantum in nobis est, nostri causa sumptus nulli fiant, sicut etiã necessitatis gratiã, multò minus cupiditatis impertinentis: quæ sæpè solet esse magis ex apprehensa quàm verã necessitate, sæpè inconstans & pro humore aut alienã suadela variatur: sæpè quod nuper voluit, hodie nõ vult, quod parum fuit, nimium est: quod profuit, nocet, quod nocuit prodest: nequẽ facile finis sit, ita ut impleatur illud quod olim dicebat Bernardus: in omnibus hortis & fluvijs &c, non invenit Monachus quod comedat: opusq; sit monere cum eodem tales, memento te esse Monachum non Medicum, de schola Christi, non de Galeni.

29. Nulli creaturæ prorsus adhærescere vel agglutinari: sed esse statuarii aut iumentorum instar: quæ ornantur licet aliquando: tamen nullo negotio sinunt se spoliari ornamentis, sicut siverant ornari. Hoc est enim illud Apostoli explere: uti mundo tanquam non uteremur: tanquam

hospites & advenæ & peregrini, manentem civitatem hinc non habentes, sed futuram inquirentes, levis vitæ magno viatico nõ egentes. Deiq; ita exire ex hoc mundo parati, prout etiam ingressi sumus: nihil intulimus nihil auferre velimus, quia nec poterimus.

30. Assidue mendicato, vel ac si mendicato vivere: omniaq; tam petere, quam expectare, quàm etiam accipere tanquam medicantes solent. In veritate enim omnis Religiosus qui Votum paupertatis fecit, mendicum & omnium fecit. Nam ubi omnia quæ possidebat vel possidere poterat cum re & spe, cumq; habendi desiderio omnibus propter amorem Christi dereliquit, omnium bonorum temporalium jus proprietatemq; in se extinxit, omnem verò sequentem vitam ex aliena liberalitatis propter Christum sustentatione ducendam sibi delegit. Quæcirca in nullam deinceps rem potest jus ulum ipse acquirere: nullam rem in usus suos nisi media mendicatione suã, largitione seu eleemosyna aliena convertere. Neq; hæc cõversio debet aut potest esse independens sed ad tempus quod obedientia videbitur.

31. Data ex duobus pluribusvè eligendi optimè, eã non uti. Nam vel neutrum est necessarium, vel unum, vel est aliud alio vilius meliusq; Pauperem verè, non decet eligere meliora, quia is semper reperiet meliorem se, cui relinquat id quod sit melius. Unum, etiam necessarium, jam se ipsum assignavit, electionemq; exclusit. Sicuti & cum neutrum necessarium est, tunc enim neutrum eligendum apparer, quod si tamen esset eligendum, eligat vel qui offert, vel qui præest.

32. Reposita in futurum usum, sed post tempus longinquum, apud se non servare, sed in communibus studijs conservanda reddere, ut si quis egerit, etiam uti possit. Apud se enim talia servare ostendunt dominium, redolent proprietatem, affectum indicant, invidiam sonant, arguunt mercatorem, vel depositarium. Sed neq; in comuni ita deponendæ sunt res tanquam propriæ & sibi omninò olim reddendæ, sed tanquam communes & omnium, ac alienæ & restituendæ. Revera enim alienæ sunt, seu communes cum Religiosus quicquid acquirit, non sibi acquirat, quidquid operatur, non sibi operetur ac laboret, sed Religionis, domui, communitati.

33. In



33. In itineribus ab obedientia susceptis sumptus & onera vitare quam maxime. Viaticum si offerat Superior aliud aliquando non conquirere aliunde, sponte alicubi oblatum manibus Superioris consignare: in via sumptus non facere, neque præter obedientiam &c.

34. Munera, nec donare, nec acceptare libenter, etiam volente obedientia, magis consonat Paupertati, habere nihil quod donare possis: accuratissima excusatio est, pauperem se profiteri, quem decet nihil habere, consequenter nihil donare. Si tamen donandum sit, è penâ pauperum sit. Neq; tanquam proprium detur. Donatum vero non sibi sed communitati accipietur, statimq; consignabitur manibus ejus, cui talium cura imposita est. Hæc similiaq;

sunt Actus, sunt affectus, sunt effectus, sunt studia, viri, Evangelici Religiosi; Pauperis, exercenda ab eo, qui Paupertatis Votum emisit in Religionem secundum institutum Religionis, tenendo semper quod Vocacioni consonat: Neq; extra metas profiliendo, intra metas verò ad perfectionis summam enitendo. Hunc Paupertatis spiritum in Christi, Beatissimæ, Apostolorum, Sanctorumq; vitis & gestis expressum habemus, & sine dubio propterea, ut imitemur. Hunc spiritum tanquam in speculis intueatur Religiosus, & se in illis despiciat quantum sibi delit ad culmen Evangelicæ Paupertatis Christi; pauperis imitationes dignoscat, conatumq; suum cum Dei auxilio exacuatur, ut eum assequatur, &c.

## CAPUT XII.

### De duplici Avaritia Religiosæ Paupertatis inimica.

§ I.



Avaritia est inordinata cupiditas rerum temporalium, habendarum, retinendarum. Malitia Avaritiæ consistit in inordinatione, immoderationeq; cupiditatis, non autem in possessione bonorum temporalium. Non culpatur census sed affectus, & non substantia hujus mundi nocet, sed cupiditas eas habendi. Cum verò valde sit difficile habere divitias & non amare illas immoderate, itemq; carere illis, & non appetere & querere illas inordinate, propterea Christus Dominus in sua Evangelica, atq; in vita sua propria, ostendit consilium Paupertatis Evangelicæ, quo abijciuntur opes hujus mundi, ut simul abijciatur cupiditas & immoderatio ejus, quo nihil est efficacius ad excindendum radicem avaritiæ affectum.

§ II. Contingit, ut licet à Religiosis

modo supra dicto abijciantur omnes res temporales, per Votum etiam Paupertatis, soleat nihilominus etiam post Votum reperiri in illis inordinatio avaritiæ. Quæ ut intelligatur & intellecta expellatur.

Sciendum est, duplicem esse Avaritiam, unam possumus dicere sæcularem, quia sæcularium hominum propriam, quæ consistit in inordinata cupiditate habendi servandiq; bona temporalia propria, seu cum dominio & proprietate, liberaq; de eis dispositione sine dependentia ab ullo. Et hanc Avaritiam substantialiter Religiosus & Religio radicatus abscindit à se ut dixi per Votum. Nihil enim licet habere cuiquam proprium, cum libera & independente dispositione: alias si Religiosus vellet habere proprium privatumq; non esset Religiosus sed sæcularis, & subjaceret avaritiæ peiori quam sæcularis, quia illius avaritia esset sacrilega, contra Votum Deo factum, esset furtum &c.

Alia avaritia est Religiosa, non quod sit

aut



aut permittatur in Religione, sed quia peccatur per illam à Religiosis etiam post paupertatis Votum emissum, quando videlicet Religiosus aliquis, esto non habeat, nec habere velit quidquā propriū appetit tamē habere superflua, vel pretiosa, vel acquirit aliquid sine licentia Superioris, vel abscondit aliquid à Superiore, neq; sibi auferri contentus est, vel nullum defectum, (quo d paupertatis est proprium experiri vult pative in se moderatē.

§ III. Hæc porro Religiosorum avaritia, non nascitur ex Religionibus, sed ex ipsis Religiosis: ipsq; non omnibus sed solummodo tepidis & delicatis, & viam Crucis paupertatisq; Religiosæ, non seriō apprehēdentibus. De quibus, peculiariter intelligendum, quod S. Gregorius dixit: Avaritia non solet evenire illis qui viriliter currunt in via Domini, juxta illud: *Confortamini & estote robusti*, sed his maxime qui effrenato gressu gradientes, per blandimenta sæculi resolvuntur. Si igitur Religiosus isto genere avaritiæ laborare non vult, omninō statuatur Christum pauperem exprimere in moribus vitæque sua, qui cum dives esset, propter nos egenus factus est. Velit & ipse agere: velit, neq; ubi caput suum reclinet, habere, paupertatis Votum, quod vovit, velit ad literam servare, & explere illud quod S. Pater Ignatius in Regula expressit: *Persuadeat videlicet sibi, quod victus vestitus, & lecti ratio, & omnium eius utensilium, ratio erit, ut pauperibus accommodata: persuadeat sibi, futurum, atq; ita esse omninō debere credat, quod que vilissima erunt domi, ipsi ad usum, necessitatissq; ipsius subsidium dabuntur.* Ad Religiosum sic affectum nulli avaritiæ accessus patebit. Quantum autem ad hoc tibi desit expende diligenter.

§ IV. Detrimēta, quæ Religiosus partim subit, partim facit, per suam jam explicatam avaritiam, sunt.

1. Voti sui reus efficitur coram Deo, & sæpè se exponit gravi periculo, ne dicam ipsi peccato, fereq; sacrilegus efficitur. Præponit Creatori, cujus causa omnia per Votum dereliquit, & arbitratus est, ut sterco-ra atq; detrimēta, præponit inquam Creatori & Christo rem leviculam cui adhærescit, & cujus causâ, in puritatem paupertatis peccat. Efficitur etiam Idololatra, quandoquidem cupiditas est Idolorum servitus. Præterea rescindit Pactum, Contractumq; egm Dei Providentiæ initum per votum, e-

jusq; Providentiæ renuntians, ad suum se convertit, destitutus autem curâ Dei, quomodo non extremis malis conflictari debet?

2. Quantum ad se ipsum, præter jam dicta, talis Religiosus involvit se multis & magnis curis & scrupulis: involvit se tentationibus & peccatis contra Votum, sive dū accipit sine licentia, vel etiam contra prohibitionem Regulæ aut Superioris, sive cū sordidè abscondit, timens ne apud se inven-

A tum accipiatur; sive dum ementitur, confingitq; causas non causas, tam coram Superioribus, quàm coram Externis, sive cum pluribus aliis modis, Voto suo vim facit, si-ve deinde cum obedientiæ repugnat, & scādali præbet occasionem, atq; ita caret conscientiæ pace & se omni sæculari. miseriorem facit. Præterea non tantum in temporalibus sed etiam in Spiritualibus curam Dei à se avertit. Nullam enim habet fiduciam in Deo, nullam in oratione ad Deum. B fidem solidam, seu reverberari se sentit à conscientia sua & facie Dei, nullam in vita consolationem, nullam instante morte securitatem.

Adhæc efficitur homo instar avarorum, & parcorum sordidus, morosus, abjectus, vilis, ridiculus. Etenim tenax est minimæ reulæ, & musculi aut corvi instar, quicquid potest, rapit & abscondit de qualibet commodatula, quam apud alium fortè cernit litigat, murmurat, queritur, omnia ad se, omnia sibi attrahit. Servus assiduus vilissimarum rerum cupiditatissq; suæ, cuticulæ & gulæ, & demum carnis Dæmonissq; opprobrium & mancipium, impletur, quæ in eo illud: & Monachum non fecisti, & Senatorem amisisti.

Talem Religiosum, si contingat alijs præesse aut curam gerere, nihil eo sordidius in prospiciendo aliorum necessitatibus. soli sibi bonus, ac sæpè nec ipsi sibi, omnibus onerosus: nulli bonus; communitatis turbator, Paupertatis Religiosæ pestis & everfor, providentiæ Dei inimicus, & in Deum, nullâ fide, nullâ fiduciâ præditus.

3. Quantum ad alios & communitatem Religiosam, talis Religiosus murum Religionis diruit, communitati & Superioribus Officialibusq; onerosus, exosus, scandalosus, injurius efficitur. Scandalizat alios, cum quibus vivit: nam vel ejus commoditates æmulantur, vel ipsi invident, vel obre-ctationibus obmurmurant, paceq; privantur,



tur, facit etiam exosam, aut abjectam & vilem Religionem totam ac Superiores ejus apud Externos, apud quos traducit ordinem, volens ab eis emungere subsidium suarum prætensionum, necessitatum, revera autem suarum cupiditatum. Inde fit, ut seculares immisceantur peccatis illius,

obtrecentq; Ordini, Paupertati, & obedientie illius noceant, avertantur etiam ab ejus obsequiorum usu, metuentes, ne sumptuosa illis obsequia ista reddantur. Inde fructus animarum & glorie Dei impeditur, immo etiam ipse fructus temporalis deperditur.

## CAPUT XIII.

### De Causis & occasionibus degenerandi ab affectu Paupertatis.

**S**I Religiosus revoverit sibi in memoriam, illum affectum suum quo reliquit mundum, omnesq; res illius, tunc quando primum ex seculo exiens ad Religionem migrabat, tunc erat omnino ab omnibus rebus nudus, de nulla sollicitus, nullius amans, nullius curans, de omnibus necessitatibus suis ex aliena, id est, ex Religionis cura securus & veluti certus, omnibus omnino contentus, omnium oblitus, ac veluti extra mundum & carnem positus extitit. Quali animo atq; dispositione vix quidquam est Deo gratius, quando propter Deum habetur, & quando cum eo Dei servitium initur. Tali enim animo obligat homo sibi Providentiam Dei, tali animo, efficitur apertissimus ad unionem immediatam (expulsa scilicet cura & turba rerum creaturarum) cum Deo. Quali animo, si semper Religiosi scirent esse præditi in eoq; perfici, solidari, & maturefcere, nihil esset Deo gratius, vel Religiosis utilius, vel Religionibus honestius. **D**In quo unusquisq; ipse sibi luculentus testis esse potest si meminerit pacis quietisq; suæ illius internæ, quæ ab initio conversionis ingressusq; in Religionem potiebatur ex ista nuditate & immunitate affectus ad omnes res.

§ II. Causa ob quam Religiosi ab illa nuditate affectus, consequenter à pace cor-

dis excidunt, nec una, nec unius generis est. Sunt enim hujus mali causæ, aliæ internæ, quamquam hæc verius occasiones dici deberent quam causæ.

**C** Ex causis internis, una & prima est, naturalis, nostra, in vitium omne, ac speciatim in cupiditatem habendi pronitas. Quia enim eadem sunt conservativa rei principia, quæ & constitutiva fuerunt: cum nos ex rebus creatis pluribus varijsq; constituamur, iisdem indigemus. Cui indigentia nos præ omnibus libenter obsequimur, quia nos præ omnibus proximi nobis esse, sensumq; Indigentia, commodum sufficientia experiri videmur. Inde in nobis cupiditas rerum & quidem talis, quæ modum tam acquirendi, quam habendi, quam utendi nesciat. Hanc cupiditatem nos per Religiosum statum Votumq; in nobis (veluti omnis mali quod avaritia importat fontem) extinguere conamur, & aliquando etiam extinxisse videmur, sed tamen, quæ est natura nostræ fragilitas, sensim hujus fontis rivuli, huius radicis ramusculi in nobis erumpunt, & repullulant, præsertim si accedant rationes & motiva impellentia, de quorum aliquibus in sequenti puncto.

Est verò ex internis causa 2da. Tepiditas & Ignavia mentis, quæ Homo Religiosus horret effectus & experimenta Paupertatis Christi, Indigentiam nimirum & dependentiam, sed molli & ad sensum prono animo, in commodorum consecrationem, fugam, autem incommodorum propendet, & inde quæ ad vana indigna statu Votoq; Paupertatis



tis descendit, de quibus superiore meditatione dictum & consideratum est.

§ III. Ex causis sive occasionibus externis, una & prima, ob quam Religiosi redeunt nonnunquam ad affectus & actus pauperum contrarios, sunt bona temporalia in saeculo relictia. Quia enim non possunt his statim re ipsa plenè, tam quoad usum, quàm ad dominium proprietatemque renuntiare, in ipso primo Religionis ingressu, sed impedito tantum usu, Dominium nihilominus retinent, quo Dominio quandoque uti opus habent, inde cupiditati occasionem, ut recrudescat sumunt ei quosdam actus, non consonos paupertati, committunt. Huiusmodi sunt.

1. Confidere in illis bonis, & veluti nidulum spei collocare, ad eaque refugere salutem animo ac desiderio in aliqua occasione, vel necessitate, vel molestia turbationeque aliqua. In qua, aliquando ita miserè se gerunt Religiosi ut spe fulti bonorum suorum, faciles sint etiam ad vacillandum in vocatione.

2. Optare, aut etiam operam dare morasque & causas ex causisnectere, ob quas liceat non pervenire ad plenam abrenuntiationem bonorum etiam quoad dominium eorum.

3. Bonorum resignationem facere in manus carnis & sanguinis, minimæ indigentis, nec more Eleemosynæ, sed merè affectu secularium proprio ad consanguineos aut etiam spe subsidij ab iisdem.

4. Eo tempore quo dominium retinetur in bona, uti iisdem bonis independentem à voluntate & directione superiorum, uti autem per se vel per alium, uti disponendo, dispensando, donando, uti in proprium, vel aliorum commodum. Etsi enim Religio (v. g. Societas) nullum omnino jus habeat ad omnia bona suorum qui adhuc dominium habent rerum suarum, habet tamen jus, ut sine Superiorum scitu, usus illorum non fiat.

5. Etiam si quis cum permisso Superiorum aliquibus bonis suis utatur, tamen uti cum quodam affectu appropriationis, cum etiam re ipsa & sermone declarando, ut v. g. retinendo penes se tanquam proprium, tractare tanquam rem suam, à se sua pecunia comparatam, idque in sermone communium cum quodam gustu & zelo denarrare.

6. Cognatos & affines libenter adire ad

eos de via deflectere, ab ijs subsidium accipere, seu pro via sua, seu pro aliis opportunitatibus, etiam cum facultate, etiam specie parcendi sumptibus Domus & Religionis &c.

§ IV. Altera extrinseca causa seu occasio, in qua Religiosi nonnunquam redeunt ad affectus & actus parum consonos. Voro & amor paupertatis est occasio bonorum Religionis: propter quæ aliquando Religiosi nonnihil delinquant variis actibus in paupertatis sinceritatem. 1. Appetere rerum temporalium abundantiam copiamque ex amore illarum & ex horrore indigentiae paupertatisque. 2. Appetere mansiones in talibus locis domibusque in quibus vel sit vel facilis sit copia rerum, benefactorum &c, defugere autem opposita. 3. Gaudere de alicujus loci abundantia, vel Superioris liberalitate, aut potius laxitate in materia paupertatis. 4. Exigere non receptam communiter abundantiam victus potus &c, tantum ideo quia locus abundat. 5. Sumptus exigere vel facere, vel ut fiant causam dare minus necessariam. 6. Curare vel conservare negligenter res domus commissas vel ad usum datas ex hac praesumptione, quia locus abundat. 7. Molestè ferre congruam liberalitatem, caritatemve in domesticos, vel hospites, Eleemosynas quoque in mendicos ex quadam tenacitate. 8. Tenacem esse in suppeditandis necessariis, usitatisque in Religione, Fratribus. 9. In suppeditando delectum facere, & quibusdam profusius, licet non egeant, suppeditare. 10. Expectare, aut etiam exigere, ut ratione spiritualium obsequiorum, temporale quod offeratur, vel afferatur, libentiusque ibi servire ubi sit spes, quam ubi non, ita appareat temporale lucrum.

§ V. Tertia extrinseca occasio, in qua Religiosi nonnunquam tepescunt in amore paupertatis & declinant in affectus actusque illi inimicos, est occurrens necessitas, seu vera, seu putata, seu fucata. Dum enim necessitatibus aliquibus premitur Religiosus, quarum remedium juxta rationabiliter quæ petere potest, & mos Religionis obtinet, sensim solet irrepere, vel nimia cura sollicitudoque & inquietudo, vel amarities mentis & murmuratio, vel amplioris subsidij cupiditas, vel impertinens in futurum etiam provisio, aliique minus consoni Paupertati spiritus affectus. Religiosus ergo, ita necessi-



necessitatibus prospectum ibit, ut non declinet in prædictos scopulos, sicut ita comedendum est, ut à necessitate non declinet in voluptatem & nimietatem &c, sed de hac causa actum quoq; supra est, ubi de portis quibus laxitas in Religionem subintrat.

Quarta extrinseca causa seu occasio, est imitatio exemplorum alienorum. Dum enim Religiosus unus, videt alium abundantem, vel habentem hæc & illa accenditur statim æmulatione exempli, & similia appetit, curat, poscit, confert se alteri, immo etiam præfert necessitati alienæ. Inde studia, curæ, artes, alijq; similes & noxij Pau-

peratis affectus effectusq; de quibus supra etiam dictum. Bonus certe Religiosus sicut in nullo alio puncto, ita maxime in Paupertatis Voto, viveret ad exemplum, sed ad Regulam, neq; sibi proponet ad imitationem tepidiores, aut infirmiores, sed perfectiores, ac in primis Christum ipsum, pauperem. Sicut ipse nollit esse exemplum deteriorum ire: sed potius studebit ipse, alios, exemplo suo bono tum avocare ab injurijs Paupertatis, si qui illas faciant; tum continere alios, ne illas faciant, opponetq; exempla exemplis, propter infirmiores.

# DEVOTO CASTITATIS CAPVT I. De Natura Excellentiaq; Castitatis Religiosa.

**N**atura Castitatis Religiosa, sive Voto in Religione Deo promissæ firmataq; sita est, in puritate, munditia, integritateq; mentis & corporis; per quam propter Deum, Religiosus se ipsum, id est, cor & corpus suum servat ab omni impura cupiditate liberum, & ut loquitur Apostolus in sanctitate possidet vas suum, nec illud in voluptates, ac illecebras sensuum diffuere sinit, sed potius arcta quadam et si discreta severitate illud continens, coercens, passioneq; ipsius refrenans, in carne non secundum carnem militat, & in obsequio Dei vivit. In hac naturæ Castitatis explicatione, bene penetranda & ad animum demittenda, meditans, operam ponat opus est, & potissimum ut advertat, castitatem Religiosam tam in animæ seu cordis, quam in corporis puritate munditiaq; consistere, 2.

Ut advertat ad id assequendum necessariam esse Religioso, quantum ad mundiciem animæ, fugam omnium impurarum cupiditatum, quantum vero ad puritatem corporis, requiri fugam voluptatum & illecebrarum sensualium. 3. Opus est ut advertat, ad totum hoc negotium, quantum ex hominis parte est, discretam quidem, atque rigidiorē vivendi rationem, severitatem, qua tam effrenibus passionibus, præsertim in voluptuosa prona, quam ipsius corporis sensibus & membris mollia & delectabilia appetentibus, & per ea lascivientibus adhibendam esse, alioqui non erit possibile, ut castitas Religiosa, eum vigorem habeat, eolq; fructus Religioso homini proferat, ad quos est divinitus instituta in statu Religiosa perfectionis. Si quæ enim virtus, duris & asperis nutritur, mollibus autem enervatur, castitas maxime.

II. Excellentia Castitatis varix sunt. 1.

Dd 2

est



est quia incorruptio proximum facit Deo & Angelis ejus, utrumq; asserit veritas divina, neq; dubitari de eo potest, neq; Hyperbolicis ac nimis exaggerationibus id adscribi debet. Quo posito, quid potest excellentius de castitate dici vel cogitari? quam quod ex hominibus Angelos, eosque Deo proximos faciat? Certe si castitas facit Deo proximos, debet prius facere eisdem, valde similes ac ejus naturæ multum participes. Nemo enim est Deo proximus, nisi sit ei multum similis, consequenter apud eum gratiosus. Quod autem castitas Deo proximum faciat, ex eo inprimis patet. Quia cum castitas & luxuria, sint oppositæ sibi res, & per luxum carnis, homines efficiantur brutis & bestiis similes, hinc per oppositum necesse est, ut per castitatem efficiantur Deo vicini: & sicut per voluptates carnis homines infra rationalem statum descendunt ad belluinum, ita necesse est, ut iidem homines, per castitatem ascendant supra humanum statum, ad Angelicum scilicet atq; divinum.

Et insuper quemadmodum voluptas carnis, ideo homines sibi deditos, infra etiam bestias detrahit: quia quod in belluis voluptas illa facit, ex earum natura & necessitate, utpote libero arbitrio & rationis dominio destitutis, hoc facit in hominibus ex propria eorum voluntate & spontanea in brutas voluptates descensione: quod sine dubio est abiectius, sponte nimirum esse belluam, quam naturæ. Ideo contrario modo castitas, ideo supra Angelos quadam ratione evehit castos homines, quia quod Angeli sunt natura suâ, hoc per castitatem, homines sunt voluntate spontanea, ita ut Angelis, castitas, non sit virtus, sed tantum naturalis conditio & felicitas: in hominibus autem castis, sit heroica virtus, & voluntatis liberæ, gratia Divinâ roboratæ conatus atq; resolutio, ut proinde in Angelis castitas quidem sit felicior, sed in hominibus fortior, in Angelis sine merito & præmio.

2da. Castitatis excellentia est, quia castitas, eum præstat hominibus sui cultoribus statum, in hac adhuc mortali vita, quem exhibebit Electis Dei in futuro sæculo Beata vita, de qua Christus Dominus asserit: In resurrectione, inquit, neq; nubent, neq; nubentur, sed erunt sicut Angeli Dei. Atqui hoc iam habent casti homines in

hac vita, proinde iam habent portionem beatitudinis futuræ adhuc in præsentī statu. Non ergo mirum esse debet, quod castitas evehat homines supra alios status hujus vitæ, voluptatum etiam licitarum usus obnoxios; qui, ut loquitur Apostolus, ut divisi sunt, & tribulationem patiuntur, & soliti quemadmodum placeant, non Deo, sed carni & mundo. Contra autem casti ab his tribulationibus divisionibusq; liberi, soliti sunt, quomodo placeant Deo, ut sint sancti corpore & spiritu. Non inquam hoc debet esse mirum, quandoquidem castitas, etiam supra hujus mortalitatis conditionē evehere novit cultores suos.

Tertia Excellentia castitatis est æstimatio illius, quam habuit apud Christum, quæ res satis ex eo elucescit, quod tota Christi vita castitatis sit, & quidem perfectissimæ tum cultura tum exemplar. Quam coluerit Christus Dominus castitatem ostendit hoc ejus conceptio ex Virgine. Item, nativitas illibata & sine ulla Matris injuria. Item totius Vitæ series, in qua, nec umbra nec vestigium alicujus immunditiæ apparet. Necesse est ergo maximè à Christo Domino æstimatam fuisse castitatem, quæ videmus in tanta perfectione cultam in omni vita suâ. Neq; autem, in se solo Christus eam virtutem coluit, verum etiam, in alijs, nimirum in Matre, quam Virgine æternam esse voluit. In Iosepho Patre suo putativio, in discipulis, quos quàm primùm vocavit ad discipulatum, statim etiam vocavit ad castitatis culturam. Accedit quod Christus non voluit cultum castitatis ullo præcepto imperare, sed dixit, *Qui potest capere capiat, & iterum: Non omnes capiunt Verbum hoc, sed quibus datum est.* Quæ ratio suadendæ fidelibus suis, castitatis perpetuæ ostendit maximum illius apud Christum, pretium.

Quarta Excellentia eo, quod castæ mentes speciali modo efficiantur gratissimæ Deo habitationes, ita ut in eis libentius præ alijs Divinitas inhabitet, sicut in immundis solent specialiter dæmones nidum suum & spelæum collocare.

Quinta Excellentia est: quia castitas efficit animam maximè capacem donorum Dei, & quidem singularium, & in gradu excellenti v. g. caritatis, orationis, familiaritatis cum Deo, protectionis ejusdem, præsentia ejusdem gratiarum actualium quibus



bus illustratur mens, & inflammatur voluntas ad omne bonum, aliorumq; similium etiam extraordinariorum, quod ideo fit etiam quodammodo conaturaliter, quia scilicet castæ mentes sunt magis aptæ ad divinæ lucis radios excipiendos, sicut aqua pura, vel vitrum crystallumvè radiis solis penetratur, & ad alia lucem transmittit purissimam & solari æmulam.

Sexta Excellentia castitatis, quod cum puritatis cultricibus animabus libenter Angelis, ac potissimum Custodes conversantur, specialemq; earum curam in omnibus occasionibus occurrentibus habent, idq; non eò tantum, quia tales animæ sunt valde similes Angelis, aptæq; valde ad recipiendā custodum directionem, sed multo magis quia (& hæc est

Septima castitatis Excellentia,) per castitatem præsertim Voto stabilitam, animæ efficiuntur sponsæ Divinæ Maiestatis & Spiritus Sancti peculiari ratione, gratissima habitacula, immo templa in æternum dedicata, & nunquam contaminata, & quidem non tantum secundum ipsas animas, verum etiam secundum corpora, pro quorum puritate non minus tales animæ zelant, quam pro sua propria.

Octava castitatis Excellentia, est

propria Religiosa, & non est communis ulli alteri, quia nimirum habet magnam & facilitatem ut observetur, & securitatem, ut à periculis defendatur, & incitamentum, ut diligenter excolatur. Etenim status Religiosus naturæ suæ plenus est, & medijs & auxilijs ad ejus observationem, exclusa habet procul omnia ejus pericula, deniq; plura ad ejus curam invitantia exempla. Omnes enim quotquot in Religione vivunt, & Religiosi sunt, per hoc sunt, quia castitatis Votum emissum servant, cujus oppositum est in alijs statibus, in quibus, etiam si castitas voveatur Deo, non subtrahitur tamen difficultatibus, non periculis, non exemplis obvijs invitamentisq; ad ejus injuriam. Quocirca Religiosis vix aliqua est difficultas in ejus Voti observatione, dummodo utantur bene medijs auxilijsq; sibi ad castitatis observationem, à Religione & à Deo provisus atq; institutis de quibus medijs, erit inferius meditatio, hoc tantum punctum excitare debet in nobis estimationem Voti castitatis, tum totius Religiosi status Vocationisq; ex cujus beneficio, in tanti thesauri conservatione tantopere adjuvamus, tum deniq; diligentiam usum omnium mediorum &c.

## CAPUT II.

### De differentia Voti Castitatis, ab alijs Votis, deq; mediorum & graduum ejusdem diversitate.

**C**astitas Religiosa ejusque Votum, in hoc differt ab alijs duobus Religiosis Votis, scilicet Paupertate & Obedientia. Quod Paupertas & Obedientia, etiam voto firmata, possit esse magis vel minus perfecta, in una Religione quam in alia, Castitas autem non possit esse perfectior hic, imperfectior alibi, sed in omnibus Religionibus æquè perfecta & absoluta

vovetur, quoad ejus substantiam, absurdum enim esset, si in una Religione Religiosi tenerentur esse ex vi Voti casti per omnia, tam scilicet quoad cogitationes quam quoad verba, quam quoad opera, quam quoad phantasias & imaginationes, in alia autem Religione liberum esset fovere minus castas cogitationes, & imaginationes, vel minus honestis verbis uti, &c. Esset, inquam, hoc absurdum & non esset castitatis Votum sed impuritatis. Cum tamen



men absurdum nullum sit, in una Religione esse strictiorem paupertatem vel Obedientiam in alia non item. Nam in quibusdam Religionibus vovetur, Obedientia, tantum secundum Regulam, extra Regulam, vel supra illam, non obligatur Religiosus obedire: at vero in Societate IESU, Obedientia non tantum non ponit limitem Regula, sed potius omnem limitem tollit, & obedire jubet Superioribus, in omni re in qua non sit manifestum peccatum. Similiter in aliquibus Religionibus paupertas tantum excludit proprietatem, & possessiones privatas, in communi autem concedit habere bona propria; Religio autem S. Francisci & Societas Professa, ne in communi quidem potest habere quidquam, redditusve stabiles ac certos, sed puris elemosynis debet vivere, hoc autem discrimen castitas non patitur, sed ubiq; & semper, cum eadem perfecta mentis & corporis paritate servanda est, cogitationum, verborum ac operum.

II. Media, & auxilia conservandæ ac promovendæ consequendæque Castitatis possunt & solent esse diversa in diversis Religionibus: & alia alibi perfectiora, atque consequendæ vel tuendæ castitati efficaciora. Et secundum hanc mediorum ad castitatem assequendam vel tuendam perficiendamque; maiorem aut minorem perfectionem efficacitatemque: potest una Religio esse perfectior quam alia. Et quamvis non sit opus in præsentibus comparationes instituere, tam mediorum quam multo magis Religionum, tamen hoc pro sua consolatione filij Societatis nosse debent magnique æstimare, ac diligenter usurpare, inque posteras ætates transmittere, quod quæcunque in Ecclesia Christi inque SS. Patrum doctrina & praxi sunt recepta & commendata castitatis tuendæ ac assequendæ & perficiendæ media, hæc omnia complexa est Societas, & suis filiis, partim ea præcipit, partim pro cuiusque necessitate ac utilitate spirituali, ad bonum perfectionemque castitatis concedit. Quibus quando utuntur, immo, quia per Dei gratiam utuntur homines Societatis diligenter, ea propter castitatis virtus, & cultus, ejusque perfectio in Societate ab ejus filiis, cujuscunque sint ætatis cum magna facilitate obtinetur servaturque, non absque maximo Divinæ super Societatem benedictionis, mediorumque eorum, quorum Societas

in suis filiis castitatem promovet, efficacitatis argumento.

III. Considera, castitatem etsi in sua substantia in Religionibus omnibus eadem & æque perfecta sit, ac esse debeat & voveatur ut supra dictum est, tamen propter diversitatem Divinæ gratiæ plus minusve abundantis, nec non propter Divinam voluntatem, diversimode, ex occulto, attamen iusto iudicio, dona sua dispensantem, nec non denique propter diversam diligentiam in usu mediorum præscriptorum, aut etiam propter variam complexionum aptitudinem, varios gradus perfectionis habere, secundum quorum aliquos, ab omnibus obtineri debeat, secundum aliquos autem, non est quidem obligatio ut obtineatur omnino est tamen desiderabile ut obtineatur, & Dominus Deus evahere aliquos servos suos solet ad eos, ut alij habeant quod æmulentur, quodque illos ad supplicandum Deo, & ad humiliandum se accendat. Gradus autem sunt hi.

1. Est nunquam consentire scienter ac advertenter in ullam noxam mortalem castitati mentis corporisque contrariam.

2. Est pari diligentia vitari peccata, licet solum venialia, puritati contraria, indeoque nullis immunditiis cogitandis vel imaginandis advertenter immorari, sed sic eas animadversas excutere, quomodo excutitur scintilla ignis in faciem forte insiliens.

3. Nullius objecti aut personæ intuitu, conversatione, approximatione, moveri, seu titillari, vel certe admodum parum, illicoque se ab ea expedire. Ad quod utilissimum est, sic assuescere cum omnibus agere, omniaque intueri, quomodo agimus cum statutis, aut quomodo parietes intuemur, sine ulla impuritatis in mente vel sensu nota, & sine ulla reflexione ac descensu mentis ad impura.

4. Est cavere, & immunem esse ab omni bruto mentis & carnis motu in vigilia, qui rationi adversetur. Quem ad gradum perveniunt cum Dei gratia iij, qui mentem suam piis, saltem necessariis utilibusque & propter Deum occupatam, nunquam autem otiosam, & oscitantem habent. Qui enim mentem suam, cogitativamve facultatem non occupant seriis, & ad Dei obsequium spectantibus rebus ac objectis cogitandis, non mirentur, si mente impingant in sordes, vel ea sponte in mente phantasiaque

ena-



enascantur, perinde ac fungi ex terra erumpunt aut urtica sine cultura, solius terræ neglectu.

5. Est etiam in somnis nihil pati quod mentis corporisve puritati adversetur. Est enim hoc signum defecatae mentis, & obli-  
tae turpitudinum. vigilantisq; circa animam Divinae gratiae, & Angelicae custodiae, quae arcens omnia impura, sola sancta, aut certe sanctitati non adversa, admittat ad Imaginativam dormientis hominis.

6. Gradus est. In audiendo, vel legendo tractandoq; ejusmodi materias, quae naturam suam continent haec sensibilia brutaq; obiecta. Uti necessario accedit, dum confessiones peccatorum audiuntur, dum necessaria scitu doctrina de his materiis traditur vel discitur: sic defecatae & integrè tractare ut si de lapidibus, de lateribus, de aedificiis tractatio fermove haberetur. Hic enim habet illud locum castis omnia casta. Quem admodum radius solaris aequè incedit per lutum, per aurum, nihil sordium contrahens ex luto & cano.

Ex his sex gradibus castitatis ad primum omnes omnino tenentur: alioqui substantia

castitatis corrumpit, & Votum sacrilegè frangitur. Ut autem primus securè teneatur gradus, necesse est etiam secundum diligenter ab amatore castitatis servari & curari. Ex his autem duobus: paratur ascensus ad reliquos, adiunctis mediis, tum ibi expositis breviter, tum etiam inferius dicendis & super omnia invocato Dei auxilio. Societatis hominibus tertius & sextus gradus est magnopere necessarius: utpote ad conversationem cum proximorum omni genere vocatis: ad quos gradus ipsa Vocationis gratia mediorumq; efficacia quantum in Societatis personis ordinariè faciat: experientia quotidiana docemur in omnibus serè personis nostris: ita ut non possit dubitari, quando hoc donum Dei sit peculiare vocationi ad Societatem mediisq; illius divinitus ad nexum. Quibus omnibus magnopere excitari debet quilibet Religiosus, nominatim autem Societatis, ad amorem curamque castitatis in gradu perfectissimo obtinendae ad utendumq; mediis praescriptis: hoc est enim ad Angelicam puritatem mentis & corporis munditià eniti iuxta Regulam Societatis.

## C A P V T III.

### De Diabolo castitatis hoste primo, ejusq; oppugnationibus & oppugnationum finibus varijs.



**S**ciendum Deum aliquando velle, aut permittere ut tentemur contra castitatem, idque varias ob causas & fines, suae sapientiae notos, voluntariisq; placitos. Aliquando enim vult nos tentari in penam praeteritorum peccatorum, ut per quae quis peccavit, per eadem etiam puniatur & satisfaciatur justitiae Dei, tantòq; intimius detestetur peccata praeterita, & fugiat futura, quantò amariorem eorum fructum sentit. Ali-

quando vult nos Deus tentari ad humiliatorem, & nostris ipsorum notitiam, deque nostris viribus dissidentiam aliquando vult nos tentari ab his tentationibus ad excitandam mentem nostram à torpore & sordidia in servitio Dei. Aliquando ad eruditionem & experientiam nostram, aliquando ut discamus compati, ac mederi aliis sic tentatis. Et in his causis, aliquando nos tantum tentari vult, cadere autem non permittit, aliquando autem, etiam cadere permittit, ex occultis suis judiciis, semper tamen iustis.

Et cum in hac materia lubrica, homo sit



sit valde labilis & fragilis, propterea curare debet, & cavere, ne unquam sua culpa aliqua, iustam Dei indignationem derelictionemque provocet, sed semper quidem ac specialiter propter materiam castitatis, cum timore & tremore salutem suam operetur, & incedat sollicitus, vigilans, coram Deo humilis: petens se à tentationibus talibus si non preservari ne illas patiatur, saltem conservari, ne in illis labi permittatur.

II. Considera Diabolum esse specialem inimicum castitatis, incitorem autem libidinis. Quia enim bene novit ad hoc peccatum homines esse valde proclives per omnem ætatem vitæ suæ, ac per hoc facile labi, & tentationibus succumbere, ideo peculiariter hac ex parte homines tentare consuevit. Cæterum non semper cum Religiosis & timoratis conscientis tentandis, unum eundemque finem habet, sed varios contentus, si non possit magnum lucrum habere tentationis, nempe lapsum in peccatum, habere saltem aliquod commodum, id est, hominis tentati & in tentatione non satis cauti damnum. Itaque aliquando Diabolus tentat Religiosum hominem crasse ad peccatum grave sollicitans, aliquando autem hoc ille, nec sperat, nec intendit nisi remotè, & si se insperatus successus offerat: sed intendit turpibus cogitationibus imaginationibusque brutis ac sensualibus, maculare animam seu mentem, non maculare peccato, sed ipsa cogitationum quantumlibet à vigilante anima relectarum fœditate. Quomodo, qui lutum in parietem vel vestem alicuius iacit, scit inibi non tolerandum, sed tamen vestigium maculamque à luto relinquentiam.

Aliquando tentat ad vexandum, ad contristandum & affligendum hominem; & hoc facit ut plurimum ferventibus, & quos videt plus bonæ voluntatis habere ad obsequium Dei, quam illuminatæ rationis. Tales enim præ amore puritatis & odio impuritatis, non discernunt inter sensum & consensum, & tamen in se advertunt cogitationem, & motuum bestialitatem ac turpitudinem, putant se peccasse, putant suas esse cogitationes, quæ sunt tantum diaboli suggestiones: inde anxii, perplexique sunt, tristantur, affliguntur, & hæc illorum afflictio, est diaboli consolatio, atque ex tentatione fructus.

Aliquando suggerit diabolus hæc for-

des, saltem ad hoc, ut earum memoriam refricet in anima, & veluti oblitteratas memoribus, antiquas suas ineptasque imagines, novis suis reminiscentiæ coloribus innovet, sicque de nitore animæ castitatem zelantis aliquid deterat.

Aliquando suggerit easdem facies, ut animam melioribus occupatam & occupandam avocet ab iis, & destineat his suis sordibus, tempusque illi suffuretur ad pia & necessaria & obsequium Dei concernentia, quo tempore elapso tentator cessat & recedit: sed tamen lucrum recepit, quia tempus eripuit, ad obsequium Dei sterile mancum reddidit, quomodo solet facere cum communicaturis pijs hominibus: hos enim ut avocet à Sanctis & ardentibus actibus quibus se ad recipiendum SS. Sacramentum unionemque rectam cum Deo, erant disposituri, & uberem fructum communionis percipituri, inicit illis aliquem vel scrupulum peccati, vel distractionem pro tunc impertinentem, vel cogitationem sordium, aut quid simile, cum quo illi dum se incaute & anxie occupant, tempus ad preparationem suam devotam perdunt, aride ad communionem accedunt, aridi, recedunt, & sese demoni irridendos incauta diligeatia excutiendi vel examinandi tentationes suggestas propinant, quas tamen scrupulositates & tentationes post transactam Communionem vel orationem evanuisse experiuntur, cessante ut dixi tentatore, & suo lucro improbo, id est, pii hominis damnosè contentante.

Aliquando suggerit hæc ineptias bestiales ac sensuales importunissime obtrudendo eas & unam ex alia neccendo ac unam alteri innectendo ac superaddendo, idque veluti ex omni parte animam infestans & invadens facit, adeo obstinate & importune, ut videatur sibi esse mens planè obruta, & in medio infernalium turpitudinum posita, nec possit respirare in lucem & quietem & puritatem aliquam, per ingruentia obtrudentium se tentationum, perinde ac fit, quando hominem viatorem canes multi, undique erumpentes circumfistentesque illatrant & mordere volunt, quorum unum si persequi & attingere velis, persequuntur alii à tergo, à latere, à fronte &c.

III. Remedia his omnibus diaboli finibus eludendis, elidendisque opportuna adhibenda. Et quidem universale est invocare di-



et diligenter humiliterque Dei auxiliū cum sui diffidentia, & in Deo fiducia, quæ in nobis crescat tantò amplior & firmitior, quantò videtur esse hostis validior. Tunc enim signum est quod Deus magnam hostis nostri superbiam ac malitiam disponat multum confundere & conculcare, per suam quidē omnipotentiam, at per mediantem nostrā infirmitatem.

Ex quo secundum remedium nascitur contemptus & irrisio quædam Diaboli, qui cum sit Angelus, spiritusque purus, naturā nobilis, propter nequitiam suam non erubescit contra naturā suā nobilitatem, immundissimas istas belluisque proprias sordes tractare, ac suggerere animabus in Christum credentibus ac Deo servientibus.

Tertium remedium ex primoribus manat contemptus harum sordium suggestio numque ita, ut eas homo veluti non sentiat, aut quid sibi velint, non intelligat: nullumque quoad fieri potest, signum det non tantum molestiæ aut tristitiæ vel anxietatis sed ne animæ diversionis quidē ad sordes Diabolicas, sed dissimulanter agat alia omnia, seu quæ præ manibus habet, seu quæpiam alia sancta & bona saltem, quibus immergat suaviter & seriem mentem, quod si fecerit, experietur omnes Diaboli nequicias, siue in corde, siue etiam in corpore excitationes, sine labore ullo & veluti gratis tabesce re evanescereque sicut umbras, aut sicut nitem coram igne.

Est hoc remedium tanti faciendum in hac materia, ut post Dei auxiliū nullum pluris, quia nullum directius immediati-

usque nequitiam Diaboli evertat, & in caput ipsius convertat. Estque universale ad omnes supra enumeratos fines Diaboli tentantis evertendos. Quia enim nos naturā sumus in hoc malum proni, facileque ejus sensu penetramur, penetrati in lapsum rapimur consensumque oportet ut qui tentationem talem vult vincere, nec ab ea ullō modo lædi seu audiri, ut se non sinat ab ea penetrari, non penetrabitur, si ad eam curabit non advertere, non advertet, si dissimulata in se & veluti ignota ad alias bonas cogitationes, advertentiam mentis avertet, qua defixa in aliis rebus cogitandis, non est possibile, ut vel lædant diabolicæ suggestiones vel maculent, vel molestant, vel fatigēt, immo non est possibile ut non cessent & evanescant, dummodo sicut sentit fortasse Diabolus esse obstinatum in sordibus obtrudendis, sic illē contra obstinatus sit, cum omni suavitate, ac sine fatigatione, immo cum Dæmonis interno contemptu, in Deum autem fiducia, ad contemnendum Diabolus & illius omnes tentationes ne intelligendas quidem, sed neglectu & dissimulatione, aliarumque rerum cogitatione & tractatione eludendas. Quæ obstinatio mentis tam est facilis, quam necessaria & salubris, dummodo ipse homo sit rationis rectæ & monitorum sibi salubriter traditorum amans & servus, potius quam suarum timidarū Phantasiarum & scrupulositatum, sub specie securitatis minimē securē decipientium, & Diabolo in damna nostra maximē servientium.





## CAPVT IV.

De carne & sensu Castitatis hoste  
secundo.

**S**ecundus sed Principalis, atq; etiam Capitalis Castitatis hostis est caro, sensus, concupiscentia nostra. E diametro enim inter se pugnant carnalitas, seu carnis & sensuum cupiditas seu voluptas & castitas, illa in voluptates effrenis est; nec attēdit ad licitas vel illicitas dummodo sint voluptates; Castitas contra Religiosa & Votō firmata, omnes voluptates, illicitas pleasq; etiā licitas, excludit neq; attēdit parvanē sit, dummodo carnis & sensus voluptas, jam hoc ipso est illi hostis castitas. Quare nullum est Castitati durius, nullum periculosius bellum, quā cum carne propria, nam & castitas nunquā est sine carne, & tamē nunquā est periculosius quā cum carne. Castitati caro est hostis & est Civis. Castitas cum persequitur hostem, carnem cavere debet, ne interficiat Civem carnem; & contra cavere debet, ne dum fovet Civem carnem, nutriet hostem carnem. Ex quo videre licet, quā difficile periculosum, propinquum, assiduum & obstinātū habeat bellum Castitas cum carne & carne.

II. Noveris carnem non tantum esse inimicam quasi ipsam solam castitati, sed praterea habere plurimos veluti milites sibi contra Castitatem auxilium ferentes. Horum alij sunt prorsus latentes in carne, ut sunt, concupiscentia & amor sensualis in delectabilis propensus, cui tanquam principali Duci militant reliqui affectus atq; Passiones humanæ: quales sunt, desiderium, gaudium, dolor, tristitia, timor, spes, desperatio, ira, audacia. Similiter phantasia, & imaginatio, nec non aliæ potentia carnis & sensualitatis.

Quibus accedunt ad eandem militiam oppugnationemq; castitatis, alia vitia ex

peccatis contracta, potissimum, gula, luxuria, acedia. Alij verō milites carnis, sunt quidem & ipsi in carne, sed tamen foris prostant: & isti sunt velut portæ omnium malorum, quæ castitati bellum indicunt. Tales sunt visus, gustus, auditus, odoratus, & tactus.

Alij adhuc sunt omnino extra carnem foris positi, sed qui per sensus externos tanquam per fenestras aut portas apertas, jaculantur seu flammas, seu sagittas venenatas, bestialium delectationum, quibus inflammant & exacuunt carnem contra Castitatem. Hæc tanta hostium multitudo Castitati est superanda, qua tamen illa minimè terretur, quando est in Religione & Voto firmata. Habet enim, ut supra dictum est, maxima auxilia, quibus utendo, nullò negotio omnes debellat, maxime cum in statu Domoq; Religiosa plurima prædictorum militum carnis, habere locum non possint, eo quod illos paupertas excludat fere omnes, & si quos admittit, tales illi sunt, qui hostes vix esse possint. Aliis quoq; militibus imponit magnum frenum roborisq; multum aufert, tum Castitas, tum Religionis disciplina, ac status Pœnitentiæ, qui facit sensus externos mortificari, passiones frenari, vitiosos habitus expugnari, & foras pelli: quo fit, ut caro fere inermis reddita, & auxiliis destituta, non difficile sub jugum & potestatem Castitatis cedat, modo ipsa castitas officio suo fungatur, & occasionibus commodatibus ad subjugandam carnem utatur.

III. Notanda est Dei Providentia circa Religiosos qua utitur, inspirando & dando illis gratiam Voti Castitatis, quod illi ex amore Dei emittunt. Per hoc enim, tale Religiosis beneficium Deus præstat, quale quis homini, furioso & effreni equo, per præcipitia ruenti, apprehendendo freno illius & eum frenando, sub jugum mittendo. Vel quale præstat Mater filiolo parvulo & rerum rudi, dum illi cultrum tene-



ne arripienti adimit, & ab eo abijcit. Hoc enim planè Deus facit nobis per votum Castitatis, extorquens nobis gladium & cultrum, quò in perniciem eramus usuri, & equum nostrum effrenem, indomitam scilicet & rebellem carnem, & in omnia mala præcipiti desideriorum ac passionum impetu, freno Voti inviolabilis adstringendo & frenando, mortificationeq; ac alijs medijs

sub jugum & potestatem Castitatis eam mittendo. Quò beneficio, quia à Deo non sunt donati homines extra Votum. Castitatis Religiosæ siti, satis superq; videmus ac novimus, quàm miserabilibus jactentur casibus, in quantis sint præcipitiis in quam profundis peccatorum fœdissimorum volutabris.

## C A P V T V.

De quibusdam occultis fontibus tentationum periculorumq; Castitatem cōpugnantium & in lapsum impellentium.



**I**unt quidam profundi & occulti fontes tentationum periculorumq;, quibus Castitatis virtus & Votum vel impugnatur, vel etiam infringi à Deo permittitur, quando circa hujusmodi fontes obturandos diligentia non adhibetur. Ex his fontibus.

Primus, aliorumq; ferme radix, perplexus & anfractuosus valde, latentes scilicet in nobis concupiscentiæ, quæ locum omnem in nobis Diabolo faciunt, dant & aperiant. Diabolus enim, aut nihil, aut parum omnino & rarè in nobis aliquid mali perficeret suis tentationibus, nisi ante jam nos inveniret intus à concupiscentijs nostris vel victos, vel ad vinci aptos paratosq;. Cognita enim nostræ concupiscentiæ ad aliquid adhæsiōe, ad eam tentationis suæ flabellum, tanquam ad scintillam ignis inventam, & materiæ applicatam, sed tenuem ac veluti sopitam admovet, & incendium suscitatur. Non invenisset scintillam? non suscitasset flammam. Si inquam Diabolus non invenisset scintillam concupiscentiæ intus, non potuisset excitare flammam, malæ operationis foris. Hoc voluit Apostolus cum dixit: Unde lites? unde bella? nonne à concupiscentiis vestris? & rursus: Unusquisq; tentatur à propria concupi-

scientia abstractus & illectus, deinde concupiscentia cum conceperit, generat peccatum, peccatum verò cum consummatum fuerit, generat mortem.

**H**æc de concupiscentijs nostris intus latentibus, & nos quasi ad tentationes præparantibus, ad lapsusq; disponentibus, esto in omni peccatorum genere locum habet observatio, potissimum tamen usitata est in materia lubrica & tentationibus absurdis. In hac enim materia majus est robur, aut potius minus robur majorq; infirmitas concupiscentiæ ad resistendam tentationi, & ipsi sibi, major autem pronitas ad lapsum. Unde si eam in nobis invenit diabolus, laxatam, solutam, neglectam, nec vigilantiam ac severa custodia frenatam & restrictam, minimo quoq; tentationis ac suggestionis flatu, delectationis flammam excitat, & in consensum præcipitat.

Quocirca magna est ejus animæ castitatem zelantis vigilantia, ut latentes etiam minimos suarum concupiscentiarum motus digniculosq; inuestiget, investigatos, castiget & extinguat, id enim si faciet, implebit illud Apostoli: Nolite locum dare Diabolo. Dant enim homines locum Diabolo ex concupiscentijs suis, & licet non videant Diabolum, cum quo pugnant, facile tamen habent remedium: seipsos interiùs vincant & de illo foris triumphant. Cognosce hæc



veritatem practicè à Religiosis multum interest ad omnes tentationes vel vincendas, vel vitandas, sed maxime ad eas, quæ Castitati repugnant, sicut è contra Ignorantia & neglectus ejus lucta cum suis latentibus intus concupiscentiis perennis est fons tentationum, periculorum, lapsuum & relapsuum.

II. Alter fons occultus, ex quo tentationes manant, seu in cujus penam à Deo permittuntur, est superbia elatioque mentis intus apud se se; præsertim quando ex donis spiritualibus & Divinis homo effertur & sibi complacet, neque Deum ejusque gratiam extollit; supra proximos etiam suos se appetit, & eos parvi coram se facit. Tales animas, ut Deus seu in gyrum rationis suæque cognitionis lucem reducat, seu, ut promerito puniat, tentationibus plerumque carnis, (ex insperato etiam) oppugnari, & insuper non raro miserè labi sinit. Ante ruinam exaltatur cor, & omnis qui se exultat humiliabitur. Quamvis autem alijs etiam generibus tentationum & lapsuum superbi puniantur à Deo interdum, specialiter tamè hujus nequitie turpis humiliatione, ad eos castigandos uti consuevit: ut nimirum qui per malitiam superbie extolluntur supra se, per probum luxuriæ decidat infra se, infra se inquam, nempe infra Rationalis portionis dignitatè, devolvitur per belluinæ cupiditatis satietatem. Quocirca dum quis se hoc nequitie spiritu infestari (maximè præter solitum) experitur is diligenter mentis suæ latebras excutens. Videat, ne fortè occultæ in eo superbie hoc abominabili flagello tumor castigetur.

Tertius fons occultus talium tentationum ac difficultatum, est inobedientia ad Superiores, quos tanquam vicarios Dei habere debemus. Non est opus hic multis probare discursibus, cum experimentum, exemplumque nimis luculentum habeamus, in primis parentibus, qui quamprimùm per inobedientiā peccatū admiserunt illico in se ipsis rebellionem probumque carnis sentire, atque erubescere coacti sunt. Et merito sanè, nam qui per inobedientiam non vult subijci Superiori suo, justum est, ut obedientiam sibi subtractam sentiat ab inferiori suo. Immerito certè, ne dicam injustè obedientiam, exigit suæ carnis, qui Deo denegat subjectionem suæ mentis. Quocirca vulgarissima ac æquissima est simul po-

na inobedientia tentatio admissa luxuriæ. Sicut è contra commune est humilis ad suos Superiores Obedientiæ præmium, stabile & facile mentis & corporis ad castitatè rationemque obsequium. Agnosce ergo, o homo, ordinem, si vis possidere pacem. Tu Deo subiectus esse debes, vis ut tibi subiecta sit caro.

IV. Quartus fons cogitationum destabilium est, Orationis neglectus. Neglectum dico; quo oratio, aut prorsus negligatur, aut saltem negligenter & repide irreverenterque peragatur. Testatur de se ipsò sapiens, quod cum exarsisset amore continentie, & cognovisset, quod nemo posset esse continens, nisi Deus det, atque id ipsum nosse esset sapientia, accessit ad Dominum, & deprecatus est eum. Sicut ergo medium efficax ad continentie puritatisque donum obtinendum est, orare Deum, fontem datoremque puritatis, ita vicissim negligere orationem, vel eam negligenter facere, & veluti rusticè inter orandum cum Deo versari, magnus est fons incontinentie, & ejus supplicium justum, bruta tentatio. Est autem advertendum, non tantum illam orationem, præcipue mentalem. Per orationem enim purificatur anima, & impletur lumine cœlesti, affectionibusque Divinis impletur & occupatur, & veluti impinguitur, quo fit, ut qui crebro & serio exercent se in oratione mentali coram Deo, citò assequenter & corporis puritatem, qua necesse est ut destituantur qui Deum condigne orare fastidiunt. Manet enim illis sua anima naturalibus & sensualibus impuritatibus plena, ac per hoc tam ipsa, quam ejus caro tentationibus impuris obnoxia & subiecta. Quare qui Castitatis donum appetit, Orationis studium familiaritatemque cum Deo diligenter excolat, quod si quis in eo negligens est, se à carne infestari, mirari desinat.

V. Quintus fons earundem tentationum est, fiducia sui ac securitas, quasi jam debellatum esset; & quasi periculum nullum esset, proculque ab omni hoste viveretur, & nulla improbitatis pristina scintilla in nobis superesset. Omni quidem virtuti hæc securitas nocet, potissimum Castitatis pestis est. Nam dum fidimus nobis plus æquo, immemores fragilitatis nostræ, agimus secure, pericula non timemus, occasiones ingredimur experimento quodam nostra



in occasione servata integritatis demeritatur, tandem audacia temeritateque abrepti, amamus periculum, & in eo perimus. Hac via innumerae caeli columnae ceciderunt & contractae sunt: hac via plurimi, qui iam in caelo posuisse pedem suum videbantur, qui vestiebantur croceis, demum amplexati sunt stercora. Securitas videlicet sui, roboris & profectus fiducia perdidit eos. Ita fortissimus Samson, ita Sanctissimus David, ita sapientissimus Salomon cecidit & contritus est, quando ergo magis timere sibi cavere debet, qui infra hos per omnia sunt. Debent inquam timere sibi maxime à se ipsis, id est à sua ipsorum fragilitate, & à sua ipsorum securitate atque fiducia, debent timere deinde sibi à Divinorum iudiciorum abyssi profunditate. Est enim Deus terribilis in consiliis super hominum filios, speciatim autem eos qui à Dei timore exciderunt, & sibi ipsis consilii securi esse praesumpserunt. Super tales enim excubat ira Dei, nec habet locum in eis gratia illius: cum destituuntur, sibi ipsi deseruntur, impossibile est non succedere ruinam,

eamque gravem. Atque hoc illud est: Qui sine timore est (Dei nimirum & sui) non poterit iustificari, non poterit in iustitia subsistere, hoc est etiam illud: Nemo scit, utrum odio an amore sit dignus. Quotus autem non sit odio & non amore dignus? Hoc etiam illud est: qui se existimat stare, videat ne cadat: immo videas, ne hoc iam ipso ceciderit, quia se stare credidit.

**A** Accuratissima ergo diligentia, fiduciam propriarum virium ac securitatem, oportet ut excutiat anima illa, cui omnis quidem virtus, potissimum castitas atque cum gratia Dei charitas cordi est. Timori autem Dei sese cum omni humilitate ac diffidentia sui dedat. Neque hunc timorem sponsalem, castum, filialemque deponat, superque omnia Deum non timere timeat. Sic timenti Deum non occurrent mala, sed in tentatione Deus illum conservabit, & liberabit à malis. Super hoc occultos omnes tentationum sensualium fontes, crebro se amator Castitatis reflectat apertosque oculos iugiter habeat, neque permittat, ut in se quantumvis tenuia illorum vestigia reperiantur.



## C A P V T VI.

### De manifestis quibusdam & propinquis Tentationum fœdarum causis.

**I.** **S**unt quoque aliae causae, seu alii fontes manifestiores atque viciniore periculis Castitatis tentationumque illius.

Prima causa est Otium. Est enim otiositas Mater nugarum, Noverca Virtutum omnium quidem sed praecipue Castitatis. Nemo hoc facile crederet nisi experientia quotidiana doceret quam impossibile sit otiositatem cum Castitate consistere, adeo, ut primus esse videatur partus otii oppugnatio Castitatis. Castum esse aut diu esse & otiosum esse, maius miraculum est, quam

lapidem sursum positum, amoto licet obice non ruere deorsum. Otiosus, ac lascivus & impudicus, fratres sunt germanissimi. Sed norandum est, quod aliqui negent se otiosos, immo asserant occupatissimos, neque tamen liberos ab oppugnatione Castitatis. His sciendum est, quod aliud sit otium in mente, aliud in corpore. utrumque si adsit Castitati pugnam movet, periculum creat. Sed sunt aliqui tamen corpore occupati mente autem otiosi & Vagi. Hos occupatio vel labor corporalis nihil iuvat, nisi etiam mentem suam occupent & laborare faciant. Quare otium mentis est maxime fugiendum & sine intermissione, salva discere.



secretione danda opera, ut mens exerceatur, vel piis, vel saltem utilibus bonisq; studiis & occupationibus. Ad quod facit plurimum habere semper in omni occupatione externa, destinatum propositumq; aliquid quod interea cogitetur & memoria menteq; volutetur, sive illud sit DEus, sive divinum, sive propter Deum aliquid

II. Alia causa tentationum periculorumque castitatis est, cibi potusq; saturitas. Nocet quidem & multum nocet castitati, deliciarum in cibo potuq; confectatio, exquisita condimenta, ferventi naturæ ferorem addentia. Sed hæc in Religiosorum vivendi modo, vix locum habere possunt, at saturitas, atq; ad satietatem ordinaria quotidianaq; comestio, præsertim si accedat otium & evagatio sensuum, pestilentissimi sunt hostes puritatis. Connexa quippe sunt hæc, vitia, gulæ & luxuriæ, idèd unum alteri ministrat & alterum ab altero fomentum sumit. Saturitas cibi potusque omni liberali, & ad intellectum virtutemque spectanti studio ac exercitio impedimentum ponit. Nam ut experientia quæque docere absq; multis discursibus potest, satiatio & infarto ventre, non literarum studia, non subtilior mentis actio, non ad Deum oratio, non piarum rerum meditatio succedit; sed ad hæc omnia ineptum & stupidum sentire se homo cogitat, donec saturitas illa sit digesta. Præceteris tamè animæ bonis ex saturitate victus, castimonie hostis paratur, & nascitur, & roboratur indubitatus; ita ut quisquis castus esse vult, & in victu parcus non est, is perinde est ac ille, qui ignem lignis appositis oleoque affuso obruere vult. Ut enim iste, non tantum operam ludit, sed etiam ignem appositis fomentis auget; ita ille castitati hostem parturit, & hosti vires contra castitatem addit.

Quare ita se debet castitatis amator Religiosus cum corpore suo ejusq; victu gerere, quomodo equi jumentiq; alicujus curator solet agere. Ut enim iste jumento pabulum subministrat, quo & vivere & ad laborem sufficere possit, lascivire tamen & calcitrare, & sessorem excutere aut in præceps ferre non possit. Ita Religiosus jumento carnis suæ tantum pabuli quotidiani subministrare debet, ut vivere, officiiq; sui laborem commodè sustinere possit, lascivire tamen, ac spiritui & rationi repu-

gnare, puritatiq; molestiam & periculum creare non possit.

Propterea Sapiens monebat. *Asino virga, vinis & palea, panis & disciplina & opus, servus* docens servum, id est, carnem, quæ est servus animæ, tractandæ esse sicut asinum, cui cibaria sunt apponenda & onus imponendum & virga, seu disciplina adhibenda, alioqui addit idem, si laxas manus illi, quærit mox libertatem, operatur verò cum est in disciplina, & quærit requiescere, nec cogitat de libertate. Unde etiam ejusdem, cautela est, qui delicate nutrit servum suum, postea sentiet illum contumacem, Religiosus itaq; amator puritatis dabit operam, ut a fello suo congruam inveniat teneatq; cibi ac potus mensuram, in eaq; potius in defectum ac in ediam declinet, quàm excessui ac saturitati appropinquet. Neque unquam hujusmodi mensuram, nisi ex valde necessaria (quæ tamen non facile suberit) causa immutet ad hoc ut augeat, potius ad hoc ut imminuat.

Videat tamen ne discretionis regulam, excedat, atq; dum hostem persequitur, civem etiam lædat. Quod si servus immodeste ferrox sit, sequendum erit consilium sapientis. Iugum & lorum curvant collum durum, & servum inclinant operationes assiduas; Servo malevolo tortura & compedes, mitte illum in operationem ne vacet, multam enim malitiam docuit otiositas. Melius est, ut stomachum incuses, ut vultu palleas, quàm ut saturitate æstues, & Voto tuo gravis sis, quod indubitè a satietate passurus es.

III. Tertius fons tentationum, periculorum castitatis est lecti mollius, somnique prolixitas, omnino, sicut durus lectus, addo & vestitus est castitatis nidus, ita mollicies lectuli, nidus est nequitiæ. Brevis somno, parco cibo, labore corporis & mentis multo, gaudet castitas, ad brevem autem somnum, apprimè facit cibus parcus, & durus lectus. Itaq; hæc omnia pro castitate militant, luxum pellunt, & pro muro contra Diaboli jacula puritati sunt. E contra multus somnus & mollis lectus vestitusq; perditionem assiduam castitati machinantur & cum carne Diaboli partes agunt.

Nihil attinet, in his explicandis morari diutius, satis hæc per se nota sunt. Religiosi amanti puritatem Votiq; sui integritatem



atem est, hæc quæ prodesse cognoscit, se-  
qui, quæ obesse intelligit fugere totis viri-  
bus. Nullus inquam castus somno vel le-  
cto moratus. Otiose in lecto stertere, vel  
somnia ex quo plus trahere nihil est aliud  
quàm castitatis hostem ultro accersere eam  
quæ prodesse ac perdere.

IV. Quarta tentationum causa, & ra-  
dix est, garrulitas atque linguæ licentiosa so-  
lutio, joci, cachinni, procacitas, scurrilitas,  
fabellarum, aut narrationum lepidarum,  
ludicarum narrationes, aliorum irrisiones  
ac subannationes, hæc similiaque linguæ &  
oris vitia, sunt partim infirmæ jam, partim  
magis infirmæ castitatis indicia & ini-  
tia. Omnium Religiosorum ordinum,  
omnium fundatorum ipsorum unanimis  
consensus est silentio stare disciplinam Re-  
ligiosam, Dæmonemque ligatam teneri: si-  
ve Dæmon ille sit spiritus nequam, siue dæ-  
mon sit, lingua verè dæmoni æquivalens in  
nocendi facilitate: siue etiam Dæmon sit  
caro nostra, à linguæ solutione indisciplina-  
tioneque; magnam insolescendi vim licen-  
tiamque effrenem fumens. Unde hoc fiat,  
quod garrulus raro, tentationibus non ex-  
positus vel implicatus, non est quidem fa-  
cile rationem reddere: est tamen hoc à spi-  
ritualibus magistris probatum & traditum  
qui omnes linguæ incontinentiam, lascivi-  
æ matrem vel sociam tradunt. Potest ta-  
men hoc nasci ideo, quia lingua loquax si-  
milis est amni exundanti. Amnis exundans,  
ait Ambrosius: multum lutum trahit & agris  
invenit, semenemque oblinat, ita etiam lin-  
gua garrula multis peccatis mentem obrui-  
t, inter multa peccata quid mirum non  
desse etiam luxuriæ mala.

Accedit quod garrulitas exhauriat spiri-  
tum & fervorem effundat, mentem suam im-  
potem, & à se exulante, sensum & carnem  
invalere, facile est, immo necesse est.  
Habet etiam lingua, præsertim in garrien-  
dum effusa quandam cum impuritate sym-  
pathiam, maximè quando est in sales, jo-  
cos, cachinnosque laxata, itaque ad hujus la-  
xitatem solvantur habent impuritatem.

V. Quinta tentationum causa est, exter-  
norum sensuum licentia, curiositasque, po-  
tissimum oculorum, aurium, linguæ, & ta-  
ctus. Sensus hi nostri sunt portæ ad animæ  
interiora. Iecit oculum temere David post  
meridianum somnum, vidit & captus est  
in ictu oculorum suorum. Neque sine causa

alius quidam, faretur: oculus, inquit meus  
deprædatus est animam meam. Quod de  
oculis hoc de omni sensu corporis sentien-  
dum est, omnes sunt intenti ad deprædationem  
animæ, si non severe custodiantur sub  
dominio animæ. Nemo Sanctorum fuit,  
qui custodiam securitatemque puritatis suæ  
non petierit à custodia & severa quidem  
corporis sui. Quid volumus esse Sanctis  
vel feliciores, vel prudentiores nos, qui pa-  
tentibus sensuum portis volumus ac spera-  
mus, tutam fore nobis puritatem carnis &  
mentis. Sanctus noster Patriarcha de ta-  
ctu ita præcepit, ut unum ab alio, nec le-  
viter, nec joco quidem tangi & extremis  
digitis velit. Nemo putet id solius mode-  
stie, maturitatis honestatisque Religiosæ gra-  
tia præceptum. Regula ista est castitatis Re-  
ligiosæ murus impenetrabilis, unde sem-  
per in Societate cum summo rigore serva-  
ta est, gravioribus etiam inunctis poenis,  
si quis vel innoxie in eam Regulam deli-  
quisset. Hanc severitatem à majoribus  
traditam, tanquam saluberrimam optimam-  
que hereditatem servare oportet, atque in-  
declinando seu aliorum hominum, seu sui  
metipsum, seu etiam aliorum animalium tactu  
diligentem esse, etiam relicto, cum opus est  
prudentiæ loco. Sanè libertas, obvia quæ  
quæ tangendi, mulcendi, carpendi, nescio  
quid parum honestum, certe aliquid gravi-  
tati Deo dicatorum hominum parum com-  
sonum indicat.

VI. Sexta tentationum causa est famili-  
aritas effusa in conversatione, colloquio,  
confidentia, & concreditatione sui. Vix est  
aliqua occasio propius & celerius impel-  
lens in ruinam, quàm ita impotentia affe-  
ctus & amoris effusio, præsertim mutua cum  
quocunque. Tales, cum spiritu caperint,  
carne consummantur. Si incipit Religi-  
osus velle & amare & amari, si vult scire  
quantum amet. Si nihil negare potest,  
aut audeat ei cui est familiaris, si clam &  
data opera convenit, si finem fabulandi fa-  
cere nescit, si quo plus fruitur colloquio,  
conspectu, plus astat, si tadio afficitur ex  
absentia, si appretiat munuscula oblata,  
si eadem missitat, si clandestinis literulis  
mittendis accipiendisve indulget, si in re-  
neritudines verba formantur, si viscerosus  
& glutinosus affectus vires sumit, ni-  
hil manifestius quàm in porta esse, in me-  
ditullio diabolus, quàm flammam omni-  
no



nō jamq; eruptionem esse facturam. Hæc est charybdis Religiosorum etiam optimorum incautē ambulantium, incautē amorem suum dispensantium, alienum admittentium, hanc fugiet, hanc severa comita-

te, comi severitate temperabit, quod, si non satis erit, hanc abruptet etiam violenter amator puritatis. & zelator Voti sui Religiosus. Id nisi fecisset castus Ioseph, castus nequaquam diutius fuisset.



## CAPUT VII.

### De erroribus qui in tutela Castitatis committi possunt.



**N**on conservatione tutelaque Castitatis committi possunt errores nonnulli, sive per incitiam, sive per injuriam propriam, sive per deceptionem diabolicam, sive per opinionem erroneam. Horum.

I. Primus est in materia Castitatis tantum mortalia & extrema mala vitare, cetera verò quæ infra mortale peccatum esse videntur liberè admittere, sive cogitando sive agendo sic agere, insanire est. sicut enim si quis velit venenum bibere, sed eatenus tantum, quantum non sufficeret ad inferendam mortem, insanire diceretur, qui se tam periculoso actui committeret, ita prorsus ille facit qui in materia tam lubrica, tamq; venenata progredi vult eò usq; quò, salvò peccatò mortali, potest. Quis unquam à serpente se sinat morderi cum hoc discrimine, ut nisi tantum mordeatur, quantum sat est ne vita, ejus morfu privetur? Necessarium consilium est, ut qui peccare mortaliter non vult, etiam venialissime nolit: nam inter finem venialis & initium mortalis culpæ, nescio an quis ita lynceus sit, ut internoscat, usq; se coerceat in illo confinio, & non in mortem vel nolens, sed tamen sua culpa & causa necessaria data abripiatur. Nemo igitur castitatis amator ita insaniet. Accedit, quod præter dictum periculum, sit aliud desertionis divinæ discrimen, ut qui amat periculum pereat in illo. Neq; facile evadet, qui hujusmodi est, inextricabiles consci-

entia Labyrinthos ac remorsus scrupulosq; quos etsi ad tempus obruet, deinceps tamē insanabilius recrudescentes experietur, quando & de commissis mortalibus, de causis datis culpabilibus, de sacrilege usurpatis sacramentis, sine fine & modo cruciabitur. Præstat ergo etiam umbras culpæ, etiam remotissimas fibras, illico ac advertuntur, refecate, & diabolo ac sententialitati resistere, nullumq; locum dare.

II. Secundus error est, tentationes impuras, labore solo externo corporali, aut externis afflictationibus frangere velle. Sicut quidem hæc auxilia bona & necessaria, verum si sola sint, sæpè non utilia, immo ad aliquid aliud sint damnosa. Nam valetudinem frangere possunt, & hominem ad debita officia inutilem reddere, manentibus nihilominus tentationibus in vigore. Adhibenda ergo erit ad prædictas austeritates, interior quoque diligentia, ne qua & supra habitum, & infra habendum est: Uti scilicet Sacramentorum, consilium confessoriorum, mentis exercitatio, orationis usus, contemptus tentationum, fuga occasionum, custodia sensuum &c.

III. Tertius error, qui est colludere tentationibus & iis connivere, ita ut his præsentibus atq; animadversis mens neq; consentiat neq; dissentiat, sed eas ut vult curiosèq; simul tamen subterfunde in se contempletur, cum insq; moretur: qui error vicinus est primo supra posito & licet non videatur, ita profundè periculum ingredi iste qui collaborat, vix tamen est lapsus securior atq; remotior quam prior, proinde si-



mili diligentia est fugiendus studio puritatis: ac ab omni specie impuritatis impuræ cogitationis, imaginationisve, non secus ac à facie colubri aut Diabolico spectro fugiendum, sine ulla deliberatione, collusione, mora auscultatione, sed subito ac aliquod tale objectum menti sentitur, ut scintilla è facie, excutiat, & mens alijs cogitandis applicetur.

IV. Quartus error in eo est, quod tentatus his miseriis reflectat se super illas, examinetq; unde venerint? quid sint? quidve velint, idq; per speciem securitatis & resistentiæ, seu per speciem securioris repulsæ. Sed hæc stultitia est. Nam qui sic agit nequitiam apud se morari sinit: quæ licet forsitan animam non maculet peccatõ, ob defectum complacentiæ & consensus voluntarij, maculat tamen ob impressam, depictam, relictamq; sui speciem, ac imaginem in memoria & phantasia hominis, perinde ac quis, videns aliquem maculato sordibus ligno se velle contingere ac sedare, repellat venientem apprehendendo illud ejus lignum maculatum, hic enim seipsum maculat quod ita incautè, maculare se volentis, instrumentum infectum repellat. Neq; illum voluntas repellendi à stultitia vel macula excusat. Ita prorsus accedit in præfenti errore, nam dum se supra cogitationem immundam reflectit, quasi sordidum baculum manu sua tangit, hocq; ipso pol-

luit, quia polluta cogitationi reflexivè inhæsit.

Relinquenda est ergo hujusmodi superfordidas tentationes carnis aut mentis reflexio, sed aliò omninò convertenda & applicanda mentis cogitatio, declinandumq; prorsus à sordibus illis, ne illas animadversio inhærens attingat, sed eas, ac si in se nõ adverteret, sic contemptim neglectimq; advertat, ut interim alia cogitanda agendaq; suscipiat, & ita in illis hæreat, ac si nihil prorsus in se turpè persentiat, ac si turpitudinis illius linguam non cognoscat, nec audiat. Tantoq; magis in hoc contemptu & surditate se obfirmet, quanto Diabolus obfirmatior in suis nequitias obtrudendis videbitur. Neq; in hoc modo resistendi ullus scrupulus esse potest, aut debet cum, si rectè cognoscatur quod suadet, manifestum sit neminem minùs in tentationem consentire, quàm eum qui tentatione nec videtur nosse nec audire. Neq; ullus radicalior reperiri potest modus efficaciorq; has & alias quaslibet molestas tentationes repellendi (quantum ex parte nostra in hoc requiritur cooperatio) quàm iste quem jam exposui, contemnendi & non audiendi, & non intelligendi Diabolum, ejusq; titillationes, mentem verò ad alia avocandi & alijs occupandi, hoc est enim fugere fornicationem. Neq; facile reperiet quis, in quo fundamentalius hæc fuga consistat.

## CAPVT VIII.

De alijs erroribus qui in cura Castitatis committi possunt.



**E**rror quintus est, quando cum tentationibus motibusq; ineptis disputatur, altercatur, cum tristitia, mærore, torтураq; mentis pugnatur. Hic error est auctarium præcedentis. Nam ille tantum reflectebat, & tentationem nosse volebat,

hic ex ea contristatur, torquetur, eiq; diu resistit, & veluti passis manibus obviæ tentationem repellit, idq; facit securitatis causa, ut nempe certus sit se resistisse tentationi, sitq; à scrupulo liber. Sed etiam hic stultitia est, & tantum abest ut sit securitas, ut sæpè maneat perplexitas in anima: & ut non sit, sit tamen sordidæ imago & species in memoria & phantasia: est aliud luctu Diaboli ex tristitia & solitudine. Est

corium



tertium ex jactura temporis & occasionis ad meliora agenda perditæ: proinde quos Diabolus huic errori obnoxios novit, perpetuus esse solet in illis non tam tentandis, quam potius sordidandis, occupandis, contristandis, vexandis, à melioribus studiis exercitijsq; avocandis, profectuq; & merito fraudandis. Et licet eos ad peccatum non inducat, immo neq; speret propter eorum aversionem obfirmatam ab omni turpitudine, tamen lucra prædicta, satis illi sunt, ut operæ pretium non perdat.

Huic errori idem est, quod præterito, remedium, ut scilicet mens, quiete sua fruens, nugæ istas, contemnat cum suo nugatore Diabolo, cumq; neglectu derideat, & tam sibi quam Angelis Sanctisq; immo & aliis demonibus illudendum exponat. Revera enim sordes illæ non sunt dignæ illa sollicitudine & tristitia, sed sufficit illas, negligenti illa diligentia, seu diligenti negligentia contemptuq; una cum suo auctore expedire. Neq; diabolus ipse in ullo genere tentationis est magis sordidus, absurdus, suæq; naturæ spirituali repugnans, consequenterq; ridiculus ac fatuus, quam tentationibus hisce impuris & belluinis, ut merito ab omnibus Angelis Sanctisq; & ab ipso qui tentatur sit risu, contemptu, exprobratione exhibilationeq; explodendus, exhibilandusq;.

Sextus error, est solâ interiori operatione meritisq; curâ velle tentationes hujusmodi expedire, non adhibitis præterea externis afflictationibus sensuumq; mortificationibus. Sunt quidem illæ internæ industriæ cum gratia Divina efficacissimæ, sed tamen exteriori carnis disciplina opus est ut hostis citius faciliusq; debelletur. ut enim ille qui obsidet civitatem hostilem, non tantum tormentis quatit muros, sed etiam commeatum adimit, aquarum puteos, vel fluvios avertit, assiduusq; vigilijs obsessos fatigat, ita qui castitatem strenuè amans, arcem carnis subijcere & expugnare vult, non tantum internis mentis exercitijs quaterere illam debet, sed etiam fame, siti, insomniis, laboribus, verberibus fatigare, ut modestior sit & ad obsequium rationis spiritusq; paratus.

Neq; id mirum cuipiâ esse debet. Nam cum ad virtutem castitatis, non solius mentis, nec solius corporis puritas sufficiat, sed

necesse est ut illa utraq; concurret, quod illa integra evadat, ita etiam ad ejus curâ cautela mqi, nec solius mentis, nec solius carnis exercitationes sufficiunt, sed utraq; simul, una cum adjuvante ope divina concurrere necesse est.

Accedit digna valde scitu observatio quæ ad perfectam stabilemq; castitatis curam & defensionem requirit utriusq; nostri hominis interni scilicet & externi mortificationem: nimirum tentationes inimicas puritati, varie in nobis vel nasci vel à Dæmone excitari: aliquando enim à carne iniriò sumptò ad animam progrediuntur, aliquando autem ab anima exoriò sumptò carnem ipsam adoriuntur, aliquando utraq; simul, aut pane simul pars hominis invaditur. Et quidem primo & ultimo modo, tentantur ut plurimum ij qui adhuc sunt ætatis junioris naturæq; Vivacioris, & à sensualibus affectibus minus defæcatæ mentis. Medio autem modo præcipuè tentari solent provectiores ætate spiritusq; ac defæcationis sensus. Priores illo modo tentari facit illorum infirmitas, posteriores autem istos facit tentari eorum fiducia & securitas. quia hi dum se mortificatos aut mortuos supponunt, minus menti suæ ab obrepentibus cogitationibus cavent, à quibus serpentibus latius ita sensim occupantur, ut etiam Carne alterentur. Ex qua observatione manifestu evadit & cujuscunq; ætatis Religiosis, & utriusq; hominis mortificatione, opus semper esse, si in possessione puritatis stabili desiderant permanere.

VII. Septimus error est Tentationes suas celare silentio, & servare in sinu, nequæ eas aperire spirituali Patri ac Magistro, sed secretarium Diaboli strenuum agere. Hic error in omnibus quidem tentationum generibus est periculosus sed in Castitati contrarijs maximè. Constat quippe Dæmonem id peculiariter cavere, ne suæ ad impuritatem præsertim tentationis, ad notitiam Patrum spiritualium deducantur, quoniam certus est, eas tamdiu vim suam habituras quamdiu fuerint celatæ, postquam autem manifestatæ fuerint, mox vel in ventum abituras vel nullam vim habituras.

Quod autem hæc sui tentationumq; suarum manifestatio tantum virium habeat causa



causa est. 1. Humilitas manifestantis se ipsum. Altera duplicatio consilij atq; virium accedentium ex parte spiritualis Patris. Tertia, & ea Religiosorum propria, Divina scilicet providentia quæ est obligata Religiosis, ut eos adjuvet, quando illi ad eam sese referunt in suis necessitatibus & periculis; hoc autem illa præstituram se recepit per Spirituales Patres. quorum nos ideo subdi vult obedientiæ ut per eos ab illa ubiq; dirigamur. Cum ergo ad hujusmodi Spirituales Duces tentationes nostras deferimus, incumbit Divinæ providentiæ nos per eum ministerium, consilium opem quæ juvare. Quod si metu aut pudore inutili ineptoq; ac Diaboli fraude inducti eas retinemus: providentiæ Divinæ jus infringimus, ejusq; curæ nos subducimus: à qua subducti, quid mirum si vincimur, aut exagritamur molestissimè? quoniam vix soli cum enim ceciderit, non habet sublevantem se; è contra, Frater Fratrem adjuvans ambo salvantur.

Atq; hæc Causa est, ob quam Diabolus nihil æquè formidat, quam notitiam Superiorum Patrumq; Spiritualium; perinde sicut adulter nihil æquè timet quam notitiam Parentum, quorum filia insidiatur. Scit enim, quia innotuisse sua consilia parentibus, est, se à sua notitia excidisse. Sūt igitur citò & candidè detegendæ technæ Diaboli: Neq; in hac re ullis ejus suggestionibus revocationibusq; obsequendum, nec dilationibus utendum, neq; cessationibus (quas ille aliquando præterdit, ut post acriter impetat) tentationum credendum, sed in simplicitate cordis omnes suggestiones pravæ aperiendæ. Tunc enim non nos ipsos traducimus, aut verecundiâ afficimus, sed revera Diabolum confundimus. Tentari enim hujusmodi miseriis, nec probrum est, nec malum; immò carere hujusmodi tentamentis in nostra potestate non est, sed partim in natura originem habet, partim à Diabolo provenit, quorum neutrum nobis impedire per nostras vires ne fiat, est concessum; tantum nostrum est, ne in consensum mentem trahat: ad hoc autem plus possumus, quando alieno etiam consilio juvamus, quam quando nostro solo nitimur.

Neq; faciendum est illud discrimen, in hoc genere satis periculosum, & à fraude Diaboli, ab amoreq; nostro inordinato provenire solitum, ut tantum graviora pericu-

losioraq; manifestentur, sed omninò omnia quæ in hoc genere patimur, ut nihil Diabolo in nostro corde secreti cubiculi, fiduciaque in silentio relinquamus alioquin nunquam satis à tentationibus liberi, nunquam in conscientia quieti, aut etiam securi erimus. Quare ita omnia hujusmodi aperienda sunt, quomodo in articulo mortis aperta esse Confessario vellemus, quo tempore certè, sine discrimine vicinorum, vel ab eo remotorum confiteremur. Hoc igitur modo semper agamus, quoniam semper opus est, ut ita coram Deo puram conscientiam habeamus, ac si omni puncto morituri ac mori parati simus, & satis stultum est, aliter conscientiam animamq; suam tractare nunc, quando à morte esse videmur, quam tunc tractaremus, quando articulo mortis premeremur. Id enim significat non solum ineptum pudorem, sed etiam superbiam radicatam in nobis regnare designat, seriò nos non extra Confessionem Sacramentalem remedium querere, & in confessione non satis sincere agere, immo nec debitum pro peccatis dolorem peccatorumq; odium & puritatis amorem habere.

VIII. Octavus error est, negligentem esse in cura perfectionis Religiosæ, virtutumque perfectionem constituentium & statui Religioso convenientium. Hic error ad Religiosos potissimum respicit, etsi enim ubique Castitas omnium ferè virtutum Societatem exigit, quia sine harum societate non bene subsistit: attamen Religiosæ Castitatis hoc est vel maximè proprium, omnium virtutum, non tantum Societatem, sed etiam insignem perfectionem requirere. Certè in quo Religioso non est insignis cura perfectionis, in eo vix potest esse solida perfectio Castitatis. Potest quidem etiam castus imperfectus esse, sed tamen ut quis perfectionis studium proficiens (quod Religiosus facit) illud autem negligens in castitate constans, quietus, solidus & perfectus sit, id quidem vel nullo, vel vix aliquomodo fieri potest. Cum enim vix ulla sit virtus, cujus Præsidio castitas non egeat, necesse est, tot præsidiis eam carere quot virtutibus egere, necesse etiam erit, eam tot modis infirmam periculisq; obnoxiam esse, quot virtutibus imperfectis contigerit conjunctam esse.

Exempli gratiâ, cum castitas multum conservari soleat humilitate, si Religioso defu-



defuerit humilitas, non poterit non vacillare castitas: Idem dicendum est de Timore Dei, de temperantia, de interna, externaq; mortificatione, de Orationis studio, & de similibus, immo omnibus omnino virtutibus, sine quibus, certo certius Castitas vel diu non manet, vel et si maneat, A Deo tamen placere non potest. Non enim sine causa, Dominus noster, Virgines fatuas exclusas à nuptiis suis dixit; nec sine causa

Bernardus, etiam ipsius Dei Matris Virginitatem minimè Deo placituras fuisse asseruit si humilitas defuisset. Quocirca si puritatis perfectionem amas, & Voti Castitatis perfectionem, observationem, possessionemq; desideras, omnium virtutum perfectione, studioq; illarum ferventi & ardenti, eam vallare & ornare contendas, nequè ullum apud te locum ignavia, tepiditatis securitatisq; concedas.



# CAPUT IX.

## De extrinsecis medijs conservandæ Castitatis



Edia & auxilia tuenda Castitatis, & consequenter ejus Voti observandi, alia sunt ab extrinseco Religiosis advenientia, alia verò intrinseca & ab ipsismet Religiosis dependentia. De his tractabit sequens Caput, de prioribus præsens procedit.

Primum ergo medium servandæ Castitatis, est gratia Vocationis, cujus quilibet Religiosus, hoc ipso quod ad Religionem aliquam est vocatus à Deo, & ille eandem est amplexus, particeps factus est à Divina bonitate. Est enim Divina ad Religionem aliquam Vocatio, veluti fecundissimum semen, quò recepto & sepulto in terra cordis Religiosi, omnia prorsus bona spiritualia, quæ Religiosus in statu Religioso, tam cum omnibus aliis communiter, quam cum ipse solus peculiariter habet, ex illo vocationis semine habet, idq; secundum suam cum illa gratia, cooperationem, sive cooperandi fervorem. inter has gratias spirituales, ex gratia Vocationis emanantes, est etiam gratia, tum emittendi, tum etiam observandi substantialia Vota Religionis.

Et quidem sicut qualibet Religio, licet cum omnibus aliis in substantia trium Votorum conveniat, (cum omnium substantia in Votis consistat) habet tamen qualibet peculiare aliquid divinitus sibi provi-

sum & donatum, idq; in Vocationis & spiritus sui proprii gratia inclusum, quo in observatione Votorum suorum, adjuvatur, dirigitur, fovetur, secundum finem institutionisq; suum proprium. Ita Religionem solitariam profitētes gratia, vocationis suæ juvantur in Castitate Voti servandæ, sed intra solitudinem suam, quam pro fine propositam habent extra solitudinem eos illa gratia Vocationis non protegit, quia se ultra finem suum non extendit. Porro Religionem conversativam, & ad salutem proximorum promovendam institutam proficētes, gratia Vocationis suæ adjuvantur & protegentur etiam extra claustra sua, & inter conversandum cum proximis omnis generis: quia hoc est proprium ejus Vocationis. Unde, hæc est radix istius discriminis inter Religiones, quod alicujus Religionis filij sine damno conversentur cum proximis, alterius autem non perinde. Neque quia alia est gratia Vocationis istius, alia illius à Deo instituta & medijs congruis, cuiq; provisa.

Ex hujus primi medijs extrinsecus provenientis consideratione, duo potissimum fructus sunt percipiendi Religioso Primus est amor impenitus, æstimatioq; Vocationis suæ, à cujus gratia, quicquid boni habet, illi provenit. 2. est usus & cultus impenitus ejusdem Vocationis, ita ut extra metas quidem illius Religiosus non exeat, quia



quia id periculo non vacat, nihilominus ejus beneficio strenue utatur, & omnis boni spiritualis in ea divinitus depositi, quam cupiosissime particeps fiat.

Secundum medium gratia scilicet particularis, & veluti individua cuique specialiter à Deo concessa ad perfectionem Castitatis. Nam, ut ait Apostolus, *Unusquisque proprium donum habet ex Deo, in quo excellit plus aut minus aliò*: unde quod est huic arduum, illi est facile, quod huic periculoso, illi securum, etiam intra ejusdem Religionis gremium. Quare ad conservationem Castitatis, sicut & omnis alterius virtutis perfectionem, unusquisque pro mensura gratiae à Deo sibi communicata insistere debet, utendo medijs in Religione usitatis, respondendo instinctibus & inspirationibus à Deo variis occasionibus & modis sibi datis, sectando exemplum aliorum Fratrum tam in Domino jam quiescentium, quam adhuc viventium & Domino strenue perfectè què servantium, aspirando & nitendo ad quam maximam suae Religionis, ejusque Ministerijs competentem perfectionem, nominatim servando exactè Regulas, tum communes, omnibus de conservatione cultusque Castitatis praescriptas, tum peculiare officij sui muneriisque limitem ab eis positum, nequaquam transgrediendo, hoc enim jam esset extra metas Vocationis progredi, cui privatorum gratias subservire necesse est; neque absque speciali majorum permisso ac directione extra illam evariandum, ne illusioni & casui, & scandalo, locus per temeritatem, & praesumptionem privatam, detur.

Tertium tuendae Castitatis medium, directio vigilantiaque Superiorum ac Patrum Spiritualium. A quibus quanto familiarius particulariusque dependet Religiosus, quanto se illis confidentius sinceriusque in omnibus, ac imprimis in his quae puritatem concernunt aperit, tanto securius incedit, tanto majore passu celeriorique ad perfectam Castitatis possessionem, ejusque Voti observationem procedit. Est enim ad omnem nostrum profectum spirituale, utilissima & summe necessaria est haec Patrum nostrorum spiritualium diligentia, vigilantia, directio, speciali temen ratione à Deo provisum est ad tutelam Castitatis Religiosae. Unde ubi Spirituales Patres vigilantes sunt officioque suo rite funguntur, ibi diabolus, vel

nullos vel raros eosque breves triumphos de Castitate Religiosorum reportare solet.

Contra ubi hi segnius agunt, & media promovendae tuendaeque Castitatis in suis filiis & subsiditis non promoveant, ibi amplius se se impuritatis Regnum ordinariè dilatare solet. Non secus ac ubi Medici negligerent infirmos curant, ibi infirmorum plures moriuntur, qui alias sanari poterant & vivere: aut ubi agricola negligit agrum, colere serio, ibi nulla sementis vel nulla vel suffocata crescit, à spinis, urticis & lolio, qui alioqui uberem messem poterat afferre possessori suo. Nec verò subditus ita ignavus curator sui boni spiritualis esse debet, ut nunquam Patri se suo manifestet nisi vocatus ab ipso, sed potius ipse ultro se offerat, ut rationem sui reddere possit. Sicut vicissim & Spiritualibus Ducibus incumbit, animas sibi à Deo concreditas ultro advocare, suamque curam illis, etiam non requirentibus impendere, alioqui si ovis pastorem, Pastor ovem praestolabitur, nihil restat nisi ut lupo sanguine animarum satietur.

Quartum tuendae Castitatis medium extrinsecum. Usus Sacramentorum Penitentiae & Eucharistiae. Utriusque sacramenti usus, est efficacissimum, promovendi & defendendi Castitatis Voti medium. Utrumque saviorem membrorum nostrorum sensuumque effrenatorum legem, mirabiliter coercet. Hujus experimentum (ut alios ordines omittam) habet Societas assiduam. Etenim quod in tanta juventute plurimorum filiorum suorum, & in tam assidua cum hominibus conversatione, puritatem nihilominus non vacillare experiatur, id imprimis frequentiae Sacramentorum istorum sacrificiorumque adscribit, & adscribere debet. Ad quam frequentiam, Vocationis suae renore & gratia inducitur. Estque hoc probatissimum, omnes eos qui hisce Sacramentis accuratè utuntur religiosique, citò ad donum perfectae puritatis pervenire. Contra tepidos, & eos qui tepidè & negligenter tam tremenda mysteria obeunt ac recipiunt, procul à puritate extorres fieri.

Et causa in promptu est, si fructus horum Sacramentorum effectusque proprii expendantur. Nam poenitentiae Sacramento, odium peccatorum gignitur & fuga; humiliatur & conteritur, cor purgatur ab usu peccandi, ornatur sanguine meritisque Christi &c. Eucha-



Eucharistia verò Sacramento, anima repletur devotione, quæ etiam in Corpus animæ suæ redundat, fomitem peccati retundit, Imaginativam à brutis cogitationibus emundat, sanctis autem illam adimplet; inordinationes corporis ipsius ac ejus passionum componit æstumq; refrigerat, affectus autem pios tam in rationali appetitu seu voluntate, quàm in sensitivo excitat: quibus auxiliis maximè perfectio stabilitur & conservatur.

Considera Quintum tuendæ Castitatis modum in Religione, quod est, ubiq; præsertim cum extra Domum Religiosam sumus, testem socium habere conversationis nostræ: neq; unquam vix certè unquam, ac nonnisi gravissimis, ipsq; periculo ac suspitione vacuis etusis, ac oculis eo respectu què socij Religiosi nos subducere, immo ex hoc quod socium testem habere non liceat valde suspicari ne forte vitantis conditionibus, locorum personarumq; Diabolus no-

stra Castitati insidias ac laqueos ponat. Eam certè ob causam, omnibus Religiosorū ordinibus, etiam jurè cautum est, ut Religiosi soli non vagentur extra domos suas, immo ipse Dominus noster Discipulos suos semper binos misit ante faciem suam; quippe Religiosus inter sæculares solus, est veluti agnus lorum morsibus expositus & rotibus cinctus, dicentibus: Euge, euge devoravimus eum.

Hæc sunt media tuendæ servandæq; Castitatis in Religione, extrinseca, quæ idrò extrinseca voco, quia ab extra ipsum Religiosum positæ petitq; Principiis proveniunt: alioqui intrinseca optimè vocari possent eorum aliqua, quia intrinsecus in homine operantur, sed de nomine parum est. Rem ipsam Religiosè diligenter expende, atq; ad te ipsum applicatione, affectus & proposita congrua fac, à Deoq; auxilium postula ad perficienda illa quæ cognoscis, seu ad utendum strenuè dictis medijs &c.

## CAPUT X.

### De intrinsecis medijs conservandæ Castitatis.

**P**rimum Intrinsecum medium servandæ Castitatis votivæ ac Religiosæ. Est amor Vocationis simulq; Voti Castitatis. Coniungo hæc ambo, licet alioqui re ipsâ distinguantur, quia ambo hæc se se mutuò comitari mirabiliter & infallibiliter solent. Nā ubi est Amor vocationis, est simul & Votorum, vicissim ubi Votorum Amor sincerus, ibi & vocationis. Ubi est vocationis Amor modicus, etiam Vota in amore non sunt. Immo experienciā didicerunt spirituales animarum medici, ferè nullum unquam de vocatione tentari, ac in ea fluctuare, quin simul tentetur & de votis ac potissimum Castitate: nec non vice versa qui fluctuat in aliquo Voto ac nominatim

Castitate, illico in Vocationis contemptu impellitur vel propendit.

Neq; mirum est: Nam cum duo hæc sint fundamenta primaria substantialiaq; st. t. Religiosi, interq; se connexa & commissa, fieri non potest, ut uno labente, aliud non vacillet, sicut etiam fieri nequit, ut uno inconcussè stante, aliud etiam robur suum habere non satagat. Quare cōjungat ista duo Religiosus in corde suo, inviolabilè amorē vocationis, simulq; Votorum omnium, ac præcipuè Castitatis. Hæc namq; duo, sunt anima & radices reliquorum mediorum, & strenui usus ipsorum. Proderit autem magnopere ad hoc, si non crebro, quod quidem Religiosis non antiquis valde necessarium est, at saltem aliquoties per annū, quod Veteranis & antiquis frequentandum excitare in sese meditationibus lectionibus.

quæ



quæ ex proposito assumptis, amorē, aestimationem, appretiationem, obligationem vocationis & votorum. Hæc enim causa est sapē, quod aliqui in his tam præstantibus substantialibusq; bonis hallucinantur aliquando, quia nimium obliviscuntur statū suū & vocationis suæ. Votorumq; pretium à memoria, consequēter ab æstimatione & studio deponunt, propter nullā de ijs umquam susceptam considerationem.

Secundum medium servandæ castitatis internū est, amor disciplinæ Religiosæ, ejusq; exacta in minimis ad literam, rigore quæ observatio, & ea quidem non servilis, neque metu aut rigore aliquo extorta, sed spontanea, benevola, amica, & ex amore suscepta, amore, inquam, Dei, Religionis, communis boni, exempli, studioq; profectus proprii, ornando hanc observationem adjectis aliquibus supererogatorijs ac internis, non ad oculum nec ad lausum adscitis ornamentis, qui ornatus permanet, & ex studio placendi Dei oculis quā maximē, & ex gustu quodam saporeq; virtutis ac disciplinæ & Regularum etiam minimarum, si quæ tamen minimæ dicendæ sunt, quæ à Deo ipso in gloriamq; Dei ordinatæ sunt, & quarum transgressione contristatur Spiritus Sanctus, Communitas scandalizatur, decus animæ fuscatur, gratia protectioquæ Dei ab homine arceatur. Hic gustus disciplinæ ac Regularum, ut est valde pretiosus, ita & rarus in Religionibus, non vitio ipsarum, sed torpore negligentiaq; Religiosorum, non tantum subditorum, sed etiam quandoq; Prælatorum & Superiorum. Hic tamen gustus si adesset frequentior in domibus personisq; Religiosis præter suam ipsius bonitatem atq; suavitatem innatam, parturiret in Religiosis tres insignes fructus, quibus nihil optabilius Religiosis.

Primus est dilatatio cordis ad observanda non tantum ea, quæ sunt de facto præcepta, sed etiam quæ præciperentur, quæve desiderat præcipi. Qui enim gustum habet in iam præceptis, eorum observatione delectatus, ampliorem gustum optat, optat ergo etiam ampliora præcipi, ut exaltetur Deus, & perficiatur virtus, ut adificetur proximus.

Secundus est dilatatio, & ut ita dicam, liberalitas cordis ad observanda non tantum quæ præcepta sunt vel essent, sed etiam ad non præcepta dummodo Deo grata & pla-

cita: cupiendo prætergredi omnes obligationes, & ad supererogatoria conscendere mēsuramq; non tantum bonam & confertam, sed etiam superfluentem in finem Dei, glorificando ipsum, conferre, tam multiplicitate operationum excellentiaq; actuum, quā perfectione ac elegantia mundi ipsius.

Tertius fructus est, amor ipsius rigoris atq; severitatis Religiosæ, odiumq; & horror, omnis mitigationis, dispensationis, dissimulationis, in observatione rerum præscriptarum ab ordine. Amare enim & gaudere, dispensationes, indulgentias, interpretationesq; in disciplina communi, signum est malè conditionati Religiosi, spiritusq; infirmi, & non tantum parci in Deum, sed etiam parum fidelis, calcaribus indigentis & cum mæore timoreq; servili aut affectu mercenarii operantis. Verè namque iusto lex non est posita, quia facere bonum, natura voluptas & amor illi est, desideratq; semper amplius facere quā facit, quā debet, deniq; etiam quā potest.

Tertium Castitatis servandæ tuendæque medium est, amor & cultus animæ, odium verò ac neglectus corporis & eius commodorum, salva utrinq; discretionē, inclinando tamen potius in aliquem excessum, & in amplius quā in minus. Nam si uni parti detrahas, alteri addas necesse est. Si corpus negligas, amabis animā, si hanc negligas, amabis fovebisq; carnem. Quare excellere aliquando in cultu animæ deficere in cura carnis vitium non est, nisi valde nimium sit. Satis autem Regula hæc declarabitur, si dixerō. Quo discrimine homines solent curare commoda sua iumentorumq; suorum, hoc discrimine debere Religiosum curare commoda animæ spiritusq; sui, & corporis sensusq; sui. Quis unquam plus indulget asino suo, quā sibi? rarus procul dubio. Et utinam tam rari sint in Religionibus, qui plus corpori indulgeant quā animæ. Castitatis certe strenuus ac zelosus amator, ita faciet, ut quæ sunt carnis, eorum curam non perficiat in desideriis, sed obiter ac perfunctoriè & nonnisi adactus sustentationis puræ non delectationis aut saturationis gratia, quæ verò sunt spiritus, hæc ei prima, hæc in desiderio, hæc in sollicitudine, hæc in oculis, hæc in fame, hæc in deliciis, avaritia in infatigabili inexplibiliq; exercitatione sint; ita ut totum Religiosi animum, mentem,



tem, cor, quin & corpus, hæc ſpiritus cura abſorbeat, tempus omne rapiat, adeo ut vix aliquid ſuperſit otij, quod, & quidem adhuc magis: invitè & ægrè, & cum dilatione, corpori ipſi non tam impendatur quàm obijcitur ut carni ipſi in morem veretur cōmodis ſuis carere, ea obliſci, ea faſtidire, iis tædio affici; amare autè ea quæ ſunt ſpiritu proficua, ipſiquè carni amara. Qualem carnem S. Franciſci fuiſſe aſſerit Divus Bonaventura, quæ ſcilicet aſperitates ſuas, ſpiritus verò delicias appeteret, impletereturq; in eo illud Davidis: *Cor meum & caro mea exultaverunt in Deum vivum.*

Quartum internum medium caſtitalis ſervandæ, eſt amor, & conſectatio, teneræ, puræ, delicatæq; conſcientiæ. Cujus, ſicut duo ſunt inimica ac propterea vitanda extrema, ſcrupuloſitas ſcilicet & laxitas conſcientiæ, quarum illa, etiam non timenda timet, iſta, etiam timenda non timet: ita duæ ſunt intermediæ partes ſeriò excolendæ ei qui caſtitalis zelator eſt.

Unum eſt, tam accuratè diligenterq; fugere minima peccata minutoq; defectus, quàm aliqui ſolent vix declinare a gravibus peccatis, ita ut anima quodammodo neſciat diſcrimen magnæ & parvæ culpæ ſed illi ſatis ſit ad diligentiffimam fugam, quia culpa eſt. Poterit autem etiam ulterius progredi ut ſi non tamen culpas prohibitas, ſed etiam imperfectiones probabiles, quantum prævalet, declinet. Quodſi quando minus poſſit, eas, perfectionibus egregiis compenſet. Præter hæc poteſt in hac parte etiam progredi, ita ut coram Deo ſemper abſq; obligatione culpæ & pænæ compareat quantum fieri poteſt. Poſſe autem id non tantum aliquando ſed etiam ſæpe fieri non dubium eſt. Nam hoc inprimis frequentis & diligentis uſurpationis Sacramentorum Pœnitentiæ & Eucharistiæ Sanctiſſimiq; Sacrificii effectus eſt: hoc etiam eſt fructus ferventium actuum Contritionis, charitatis Reſignationis: hic etiam eſt effectus operum pœnialium in gratiâ & fervore actuali inq; meritorum Chriſti unionem ſæpè exercitorum, hic eſt etiam fructus devoti uſus Sacramentalium & eorum operum quæ in Eccleſia expiationi culparum

venialium deſtinata ſunt. Hic eſt etiam fructus Indulgentiarum piè diligenterquè uſurpatarum. Mirro alia.

Altera amoris erga teneram conſcientiam pars, ſeu alterum eius officium conſiſtit in proſecutione bonorum omnium quibus Deo ampliùs & ampliùs placere, ampliùs ampliùsq; aſſimulari anima poſſit.

Ad hanc Officii ſeu amoris partem, perſinet. 1. Omnia quæcunq; agit, quæcunq; intendit propter Deum purè propter eius voluntatem, dignitatem, guſtum, charitatemq; agere. Primum quidem obligatoria, deinde ſpontanea: ſine reſpectu & dependentia ob oculis creaturæ: ſed proinde in oculis ac extra oculos humanos, ad ſolius Dei oculos attendendo, quibus diſplicuiſſe vel minimum inferno peius oderit: placuiſſe vel minimum cælo ipſi præferat.

2. Omnia quæ agit exigua minutoq; & putida putare: attamen ea ſic agere, ſic in eis agendis conari, ut perfectè & abſolutè omnibus numeris agat, agere certè contendat, defectumq; executionis expleat deſiderio & plenitudine conaminis, quo deſiderio conatur adæquare dignitatem Divinæ majeſtatis, eiufdemq; in ſe beneficentiæ ac liberalitatis.

3. In omnibus præſentem atq; adeo familiarem intimumq; Deum habere: & cum eo tanquam tali agere, atq; communicare ut videatur anima nec extra Deum eſſe, nec ſine illo quidquam ſcire poſſe, velle, nequè ſe movere, quæquam ſine illo amice prius tenereq; conſulto, conſcio facto, in partem operis vocato: tota omnis operis ac laboris bonitate, præſtantia & gloria donato ac ornato: ad eum modum quo amicus amicū, quo ſponſum ſponſa, quo anima corpus, corpus animam in omnibus participem, conſortemq; habet: ſive ſint amara ſive dulcia: ut impleatur in anima, vel homine illud. Qui adhæret Deo unus ſpiritus eſt.

Hæc media interna caſtitalitatem ad proſectum deducunt deductamq; cuſtodiant, imo caſtitas ad ea quoq; diſponit ac deducit modo ne deſit ipſi ſibi, Vocationi ſuæ, & medijs omnibus quæ ad perfectionem Virtutum Votorumq; conſequendæ habet Religioſus.



## CAPVT XI.

## De varijs Exemplaribus Castitatis Religioſæ.

**P**rimum exemplar Speculumq; Castitatis: ad quod Religioſus ſuam caſtitatem ejuſq; amorem & curam conformare debeat. Eſt autẽ exemplar hoc, ipſe Dominus Deus noſter in Trinitate unus, in unitate Trinus. Qui cũ ſit Spiritus omni creato ſpiritu longe purior, nulli compoſitioni, nulli multiplici- tati, nulli permiſſioni, nulli potentia, nulli corruptioni mutationique obnoxius: ideo eſt primus originaliſq; puritatis omnis fons, caput & pater, neq; in eum quidquam cadere poteſt coinquinatum, & eſt ſeminator caſti conſilij: eſt idea & norma caſtitatis. Ob quod vocatur à Sanctis Patribus Sacro ſancta Trinitas prima virgo: perfectiſſimũ nimirum omnis Virginitatis puritatiſq; principium magiſterium, ſpeculum, præmi- um. Et quia Chriſtus Dominus non dubi- tavit hortari omnes fideles ut ſint perfecti, ſicut & Pater noſter cœleſtis perfectus eſt: Non mirentur caſtitatis profeſſores ubi di- uinitatis ipſius puritatem imitandam pro- poni, cum & hæc ſit una ex ejus perfectio- nibus & quidem talibus, quas Deus ſicut libentiſſimè communicat, ita ob eas ſibi complacet maximè in creaturis.

Secundum ſed fortalle, ob infirmitatẽ noſtram, hoc primum exemplar altius eſt, quàm ut ad ejus æmulationem ſpirare au- deamus. Conſiderandum ergo ſecundum Exemplar Caſtitatis, & quidem ſimul gemi- num, videlicet Ieſum Chriſtum, ejuſq; Pretioſiſſimam Matrem, Virginitatis & pu- ritatis noſtræ anteiſignanos, Magiſtros Pa- triarchas, ſpecula. Utriuſq; enim vita ni- hil aliud fuit, niſi puritatis exercitatio & doctrina. Et Dominus quidem IESUS, non tantũ ipſemet puritatis eximie cul- tor fuit ſemper in ſe ipſo, ſed etiam de Vir-

gine naſci voluit, honorans per hoc ſum- me puritatem. Maluit enim maxime ſtu- penda miracula in ſua Incarnatione patrare quàm in minimo puritati Matris ſuz inco- modare. Iam verò mater ipſius præter hoc quod Caſtitatem ſuam prima omnium poſt homines natos per Votum confecra- vit Deo. uſq; adeo firma & zelofa fuit pro ſuo iſto Voto, ut promittenti Angelo In- carnationem filij Dei, Votum illico ſuum, oppoſuerit, magis eligens Virgo permane- re quàm Mater Dei fieri, ſi non Divina om- nipotentia, utrumq; illi conferre, ſimul- quẽ in ea conjungere elegiſſet. Ex quo ſa- tis apparet, quo ſtudio pretioſiſſima Pateris pro ſua puritatis integritate zelaverit, in- tota vita ſua.

Tertium Exemplar Caſtitatis quod hac- tenus propoſitum in Evangelio ſanctis, quorum puritas in eo ſita eſt, ut ſint etiam incapaces omnis impuritatis. Ad quem gradum & ſi homo non teneatur, cum neq; poſſit abſolutè pertingere, in hoc tamen eos Religioſi æmulantur, quia Voto Caſti- tatis facto, voluntariam impoſſibilitatem, & veluti incapacitatem omnis impuritatis aſſumunt. Cui Voto ſi etiam prout ex vi ejuſdem Voti debent, & cum gratia Dei, cumq; uſu mediorum Religionis facili poſſunt, adjiciunt diligentem obſervatio- nem & ejus aſſequendã in omni perfectio- ne ferventem laborem nihilo interiorẽ, aſſequuntur coram Deo puritatem, & puri- tatis remunerationem, ſed teſte Chriſto, e- runt ſicut Angeli Dei: immo cum illa Ver- ba Chriſtus dixerit, de omnibus Beatis in cœlo promiſcue, & in his longe eminere Caſtitatis cultores certum ſit, necelle eſt il- los, vel peculiariter fieri ſimiles Angelis Dei, vel etiam aliquod ſupra illos in præ- mium Caſtitatis à ſe, Deo Voto ſacrata atq; cultæ habituros.

Quartum Exemplar Religioſæ Caſtitatis



in Sanctis plurimis à Divina Providentia nobis propositum, quos inter eminent primum Apostoli Sancti, qui statim ac vocati sunt à Christo ad suum discipulatum, statim omnes amplexi sunt cultum Castitatis, & forsitan etiam eandem, Doctore Christo per Votum firmaverunt. Idem deinde fidelibus ad Christum conversis maxima ex parte, si non planè omnibus, ejusdem virtutis cultum observationemq; suaserunt.

2dò. Eminent Sancti illi qui Virginitatis Castitatisq; servandæ & tuendæ gratia non solum difficultates maximas, sed etiã ipsam mortem pati elegerunt; erubescere certè debent Religiosi negligentiores ad hoc speculum intuentes, quia cum videant tenerissimas virgunculas tantum pro sua puritate defendenda pati voluisse, quàm ullà ejus injuriam perpeti, ipsi tamen Voti Castitatis à se facti sint frigidi custodes, & vix aliquas molestias sensui suo carniq; inferre dignentur propter assequendam perfectionem puritatis.

Quintum Exemplar non iam à Beatis, aut puris spiritibus peritum, sed domesticum & iuxta nos situm, eorum nimium omnium, cum quibus non tantum in tota Ecclesia militante per tot ordines Religiosos in Castitate Deo ferventer militantes, sed eti-

am intra ipsos domesticos parietes, intra unius domus gremium vivimus, quos omnes scimus Voto castitatem suam Deo obligasse & ad eius observationem omnibus mediis & auxiliis, à vocatione sua sibi propositis accuratè & perpetuò videmus eniti. Quos utiq; par est, ut & ipsi imitemur, & hac consolatione, tum communiter, in qua sumus, tum totam Religionem, tum Ecclesiam militantem, ac triumphantem repleamus atq; cumulemus. Sanctos præsertim huius Religionis qui iam in Domino mortui cum eodem regnant, & præmia tum aliarum virtutum suarum, tum puritatis excellentè cultæ, uberrima recipiunt.

Ultimum speculum Castitatis, quod est in Regula à Sancto Fundatore nobis de huius Voti observatione, paucis sed gravissimis, & quibus nihil addi possit, amplius propositum, verba eius sunt hæc: *Que ad Votum Castitatis pertinent explicatione non indigent, cum constet, quàm se perfecte observanda nempe evitendo Angelicam puritatem imitari, & cordis & corporis nostri munditiâ.* Pauca sed prægnantia, sed omnem castitatis perfectionem complectentia, sed omnem diligentiam in eius observatione præcipientia verba.



## C A P V T XII.

### De incitamentis ad amorem & observationem Voti Castitatis.



Primum incitamentum ad amorem Castitatis, cuiusq; Voti est, amor & æstimatio illa, quam Deus ipse habet erga castitatē, eiusq; Votum. Cum enim ipse sit summa prima ac mera puritas, quantò creaturam aliquam magis diligit, tantò illam puram magis facit, & quantò magis à creatura aliqua diligitur, tantò magis hunc amorem ejus purum esse vult, & per consecrationē

puritatis quam perfectissimæ, hunc amorem sibi comprobare desiderat adeoq; tota Dei lex eiusq; voluntas huc tendit, ut nos per eam puri adinstar ipsius efficiamur, utque nos per illam Deus suæ puritati quam simillimos viciniissimosq; faciat. Quod evidens est signum magni zeli illius, qui est in corde Divino erga puritatem quidem mentium imprimis, deinde corporum, sine quorum puritate, mentes esse puras non satis possunt. Quocirca si cor Dei amore puritatis æstuans recreare desideras, id facere stude.



studere per amorem tuæ propter Deum puritatis atq; castitatis quàm maximū Votiꝝ illius Observationē quam accuratissimam.

Secundum incitamentum est IESU Christi ac Sanctorum omnium Castitatis amatorum exemplum, & in castitatem studium. Certè rem esse valde eximiam oportet eam tam omnis Sanctorum cœtus, quam Sanctissima post Deum creatura Dei Mater, quam deniq; ipsa Incarnata Sapientia tantopere amat, colit, & zelat, ut nō possit, non in magnum istorum contemptum vergere, si quis præsertim Religiosæ Castitatis Voto obligatus, eam tamen parvi faciat, parumq; zeler, eam etiam contumelia afficiat. Sicut enim summè honorantur omnes cœlites, amore & cultu Castitatis: ita vicissim gravi dedecore afficiuntur, si maxime Deo castitas in eorum conspectu, & cum ipsorum attestazione promissa impiè temeretur. Itaq; servus Christi & Matris ejus Sanctorumq; cultor, cultor etiam erit eximius puritatis: tum quia illam Christus & Mater, Sanctiq; ejus tantopere amant, tum quia ille vix melius potest suam erga omnes cœlites testari caritatem ac venerationem, quàm per ferventem zelum curamq; Castitatis & illius Voti.

Tertium incitamentum amandæ Castitatis & ejus Voti est, ipsa Castitas ad eò excellens elevataq; natura: quam scilicet lex suis caucellis comprehendere non potuit: sed tantum gratiæ ac liberali in Deum libertati est relicta. Adeo excellens est, & suo quodam peculiari præ omnibus alijs virtutibus privilegio atq; jure, sponsum Deum & quidem alium nullū, & exigit & accipiat: sane non immerito Angelis comparatur vel etiam præponitur, quæ Angelorum Domino desponsatur, non immerito etiam Angelis admirabilis, venetabilis, & amabilis est, quandoquidem per eam homines, alioqui natura Angelis satis infeliores, tamen ad similitudinem, ad vicinitatem, ad æqualitatem, ne dicam etiam ad supergessionem Angelorum evehū-

tur. Deniq; (ut omittam alia) adeo excellens est natura Castitatis, ut eam Divina sapientia idoneam judicaverit, quæ Deum incarnaret, quæ Deum filium haberet, quæ Incarnato Deo æterna in cælo & terra comes esset, quæq; peculiarem & à Deo honorem ipsa acciperet, & Deo quoq; tribueret in cælo præ omnibus Sanctis ac Beatis. Quis ergo tantum bonum non amet?

Quartum incitamentum amandæ Castitatis est, odium & bellum diaboli in castitatem, præsertim Voto firmatam implacabile, simulq; ejus conculcandi & confundendi medium insuperabile homine casto, & puritatis perfectio zelatore, nihil est Diabolo sicut detestabilius, ita & formidabilius. Odit & oppugnat Diabolus castū hominem tamdiu, quamdiu heroicè ab illo non vincitur, & veluti in desperationem victoriæ non conjicitur: at postquam strenuè victus est & conculcatus vel semel, ita castum illum hominem deinceps metuit, sicut lepuleulus timet leonem. Quam implacabili æstuet odio puritatis Diabolus, indicio sunt obstinata illius castitatem profitentium oppugnationes, stupida fraudes, horribiles violentiæ, innumera tentationes & tentandi rationes, indicio etiam sunt innumera myrriades hominum luxuria peccantium, & ob eam inferos replētum. Indicio est etiam quod Diabolus, natura spiritus & à carne procul discretus, tamen non dubitet naturam suam, indolēquæ aliàs nobilissimam, spurcissimis luxuriæ molitionibus & excusationibus sordidare, tandem solius Castitatis odio, expugnandaq; studio, ita, ut quantum Deus delectatur castitate execratur autē luxum, tantum contra Diabolus oderit castitatem luxuq; delectetur &c. Hoc ergo Diaboli in castitatem odium, debet Religiosum omnem excitare & acuerre, ad defensionem quàm accuratissimam castitatis tam suæ propriæ quàm etiam proximorum, pro suo modulo atq; instituto.





## CAPVT XIII.

## De alijs Incitamentis ad Amorem cultumque Castitatis &amp; Voti eius præsertim in Societate.



Primum incitamentum ad studium Castitatis Voti; ejus est, remuneratio illius in hac etiam vita apud Deum & homines. Duplices sunt Castitatis prærogativæ apud Deum, quibus etiam ille in hac vita remuneratur, aliæ sunt ordinariæ, ut sunt immunitas à corruptela, à sollicitudinibus hujus vitæ, à divisione in partes, à servitute carnis & carnalium obligationum, ab impedimentis Deum toto corde amplectendi, eique plenè ac totaliter serviendi: ab impedimentis Orationis & familiaritatis cum Deo.

Hic adjungendæ sunt oppositæ opportunitates Deum orandi & amandi, sine solitudine ac impedimentis, cum auxiliis verò & adjunctis illi serviendi. Pax deinde & quies serenitasque animi, inhabitatio à Deo desponsatio cum eodem specialis Dei Angelorumque circa castos cura & pro eis zelus liberalitas Dei erga eos bona sua omnis generis in eos effundentis &c. Aliæ sunt extraordinariæ, & planè miraculosæ, in auxilium tamen & solatium Castitatem professorum crebræ & usitatæ, ut sunt extraordinarij favores divini, tam gratuiti, ut vocant, seu gratis dati, quàm gratum facientes. Gratiæ miraculorum, prophetiæ, potestatis super Dæmones, intelligentiæ mysteriorum fidei & scripturarum, contemplationis donum, familiaritas cum Angelis Custodibus, & cum cælitibus alijs, miraculosæ defensiones illorum in periculis, vel tentationibus &c. Incorruptio post mortem etiam mortui corporis, candor, nitor, odor ejusdem supernaturalis. Apud homines, castitatem profitentium veneratio est summa & veluti ab instinctu naturali manans, quem etiam gentiles habuerunt,

quod evidens signum est excellentiæ Castitatis & maximum debet esse incitamentum ad ejus amorem, & appretiationem, & observationem.

**A** Sextum incitamentum ad amorem observationemque Castitatis est, præmium ejus in cælo. Est verò duplex minimum. Unum essenziale consistens in visione, fruitione, possessioneque summi Boni, hoc est Dei quod primum est commune omni perfectioni atque virtuti Christianæ. Alterum est accidentale, quod tribuitur Castitati tanquam consilio & Voto, & tanquam cum Virginitate conjunctæ, si quando est cum illa conjuncta, vel tanquam soli per se; etiā sine Virginitate, tanquam Heroicæ Virtuti, notum est enim quod scriptura sacra asserit: Virginibus dari in cælo sequi Agnum, quocumque jeryt, & canere Canticum, quod nemo alius canere potest, qui Virgo non est. Et hæc est Aureola castitatis, quæ consistit in specialiter insigni gloria fulgoreque animæ quam corporis in cælo, ejus, qui perpetuam hanc Virginitatem propter Christum coluit. Notum est etiam in eadem scriptura dici, quod castis dandum sit nomen melius à filiis & filiabus: quod est promittere illis ratione servatæ Castitatis specialem gloriam, honoremque qui non tribuitur alijs justis, qui non in Castitate vixerunt. Et ratio est, quia castitas Voto firmata, est consilium, & perfectione in se se peculiarem gradumque heroicum continens, ratione cujus à liberali & justo Domino, redditur illi etiam respondens merces. Ex quorum præmiorum consideratione, merito magnus fervensque amor, ac zelus castitatis Religiosæ debet enasci in cujuslibet Religiosi animo, & curet in hoc tam pretioso bono, quàm perfectissimè eminare &c.

Septimum incitamentum est, severitas Dei



Dei in transgressores Voti Castitatis. Etiam si non essent exempla ulla divinitus edita in hac materia, satis id posset esse notum ex discursu. Nam si tantum Deus zelat Castitatem ejusq; Votum, ut in precedenti consideratione habitum est, satis constat quam severe transgressores ejus puniat, cum hac severitas ex magnitudine zeli illius fluat. Deinde, si inter homines transgredi promissionem fidei, quæ inter conjuges utrinque datur, est capitale, & morte punitur illa injuria homini ab homine facta, quid dubitare possumus Deum capite damnare transgressorem Voti, sponsam sibi alias desponsatam. Accedit, quod si Sodoma cum alijs Civitatibus, immo si totus mundus fadatus luxuriæ sordibus, esto non esset Votum Castitatis ab eo emissum seu ab ejus incolis, est tamen nihilominus tam horrenda severitate ignis & aquarum exundantium à Deo impietas illa punita, quid putamus facere Injustitiam Dei cum Votorum Castitatis sibi Religiose nuncupatorum transgressoribus? Certè David non fecerat Votum Castitatis, ejus tamen adulteriū, usq; hodie habet pœnam in Ecclesia Dei, & habebit usq; ad finem mundi: quia quæ ille fecit in occulto, hoc Deus voluit & fecit facietq; manifestari in oculis solis hujus usq; ad finem mundi. Quidni ergo etiam ali- quid gravius faciat in puniendo Religioso Voti transgressore qui est in eo simul sacrilegus & adulter, violator templi Dei, & Spiritus S. tollens membrum Christi & faciens illud membrum habitaculumq; Diaboli, cui Religiosus hac in materia sacrilegus est præ omnibus alijs peccatis esca ejus electa.

Octavum incitamentum ad diligentem curam, observationem, appretiationemq; Castitatis est, specialis quædam necessitas perfectionis atq; ut ita dicam securitatis in hoc Voto, quam oportet haberi à filiis Societatis IESU. Etenim præter communem cum omnibus Religionibus Voti hujus obligationem, ejusq; ad unionem cum Deo consummatamq; perfectionem assequendam necessitatem, incumbit hominibus Societatis, specialis quædam causa necessitasq; perfectionis non tantum curandæ, sed etiam habendæ, semperq; tuendæ ac tenendæ in hujus Voti materia, si volunt esse idonei debite in hac vinea Domini operarij.

Id quod manifestum satis est, attendenti

ad naturam finemq; Societatis IESU. Nam cum eius finis sit, tam suæ quam proximorum perfectioni salutiq; vacare. ad hoc autem omnino necessum est, homines Societatis, frequentissime & nonnunquam assidue cum proximis versari, cuiusq; tandem illi sint connexionis, sexus, status, ætatis, prout vel proximorum utilitas necessitasq; vel caritas obedientiaq; nostra postulabit, evidens est, hominibus Societatis, seu conversaturis, seu conversantibus inter proximos, non defuturas occasiones, in quibus oportet illos accuratam puritatis Votique sui rationem, ac custodiam habere, perfectioneq; & studio, ac zelo, necnon prudentia tuendæ Castitatis excellere ut in offerentibus se occasionibus, firmi, inconcussi, integri stare quantum ad omnem virtutem & nominatim quantum ad hoc Votum possint, alias poterunt facile detrimentum pati, cum iactura suæ alienaq; salutis, cum scandalo proximorum, cum iniuria communi &c.

Cuius rei atq; difficultatis bene gnarus S. Fundator Religionis, ea media instituit Deo docente, in hac Religione, quibus nihil aut amplius addi & efficacius reperiri possit ad consecutionem, conservationemque puritatis ejus Voti. Ejusmodi sunt.

1. Delectus personarum in admittendo ac retinendo in Societate.
2. Probationum experimentorumq; varietas & longitudo.
3. Meditationum & exercitiorum spiritualium usus quotidianus.
4. Examinum & reflexionum super suam vitam quotidianam frequentia.
5. Votorum & spiritus instauratio & renovatio.
6. Annuæ semestres, & crebriores etiam pro cuiusq; diligentia Collectiones.
7. Manifestatio Conscientiæ propriæ, integra, crebra, non tantum quoad peccata & errores, aliasque indigentias interiores, sed etiam quoad dona & gratias cælestes virtutumq; exercitationem, & in eis profectum, proficiendumque & procedendi modum.
8. Regularum & instructionum in omni officio & occupatione directiones & cancelli.
9. Mortificatio passionum, ac præcipue iudicii & voluntatis.
10. Dependencia in omnibus à Superiorum arbitrio, sine ulla limitatione & exceptione, præter solum manifestum peccatum.
11. Mortificationum exter-narum, publicarum privatarumq; usus pro cuiusq; personæ viribus necessitatibusque

cum



cum superiorum concessione, ac imperio. 12. Obligatio cuiusq; ad manifestandam necessitatem, tentationem, imperfectionē quē alienam apud Superiorem, dummodo extra confessionem, aut naturale secretum cognita ea sit. Ad quam manifestationem, seu delationem sui ab alijs ad Superiorem perferendam omnes statim ab ingressu Religionis obligantur, suoq; ad id jure expressē cedunt. Et est hoc Religionis hujus substantiale, estq; unum ex præcipuis, tam ejus ipsius, quam personarum ejus omnium, totiusq; Disciplinæ & boni ac famæ communis conservandi medium, ac malorum omnium periculorumq; à Religionē ac filiis ejus amovendorum remedium, inventumq; sicut planē necessarium, ita planē divinum. 13. Sacramentorum sacrificiorumq; usus, in sacerdotibus quidem quotidianus in non Sacerdotibus ordinarius semper, frequentior sæpē. 14.

Præsentia socij unius vel etiam plurium, qui sit semper & ubiq; oculatus testis vitæ morum conversationisq; nostræ.

Hæc media tuendæ Castitatis, quæ in Societate IESU, omnia simul in usu sunt, ejusmodi sunt, ut ijs nihil efficacius inveniri, nihilq; amplius addi possit, eaq; in usu & praxi esse quantum ex parte sua est Religio dat omnem operam, restat tantum ut persona quælibet suo muneri in eorum accurato usu non desit. Et certē deesse tam nullo modo debet, quàm officio finiquē suæ Religionis, ac per hoc, etiam suo deesse illi non licet. Quare & tanta necessitate, & commoditate tanta mediocum quilibet Societatis filius, summe provocari debet ad studium in se maximè promovendum semperq; continuandum tum in omni virtute, tum nominatim in Castitatis perfectione, ejusdemq; diligentissimā observatione.





# TRACTATUS DE OBEDIENTIA RELIGIOSA.

Caput de septem motivis Religiosæ  
obedientiæ.

## CAPVT I.

Ad obediendum impellit Dei voluntas.

**P**rimum ergo Caput ex quo subjectionem ad Superiores servare tenemur est Dei præpotentis, cujus opera manuum sumus, Sanctissima voluntas. Vult Deus noster hoc, ut nos subditi subiectique simus aliis quos ille nobis præposuit. Quid tu Religiosus non te pudeat tam ignavum esse & minime strenuum in subiectione servanda? Quomodo non te pœnitet, toties contra Superiorum tuorum voluntatem fecisse, dixisse, cogitasse? non erubescis, recogitans tecum, quoties subaudis aliquid Superiores tuos statuisse, vel etiam non statueri velle in illa verba prorupisse. Hoc quid ad rem est? cui bono? quæ necessitas istius? his nihil aliud curæ præter vexare & mortificare alios &c. Et cujus quæso hæc voces fuerunt? Religiosi an magis secularis hominis? tu ipse iudex esto. Et quæso contra quem fuit murmur tuum? contra homines? an contra Deum? *Subditi estote* (ait scriptura) *omni humane creature propter Deum*, sive imperantem id vobis, sive optatem id à vobis, sive ut ei gratiam rem faciat, sive ut voluntatem ejus impleatis. Quod si Deus vult nos subijci omni homini, quanto magis omni Superiori, quem ipse peculiariter nobis præposuit? de qua

re ipse ad illos ipsos dicit: *Qui vos audit, me audit, qui vos spernit, me spernit.* Et adhuc accuratius, *qui tangit vos, tangit pupillam oculi mei*. Pupillam ergo oculi Dei tu spernes? nonne hoc scelus esset & crimen pessimum? nonne hoc esset à Deo recudere & apostatare? siquidem ergo voluntas Dei est, te subiectum & dicto audientem esse Majoribus tuis, vide ne mandata eorum, esto levissima videantur, esto gravissimi appareant, contemnas.

Ama voluntatem Dei, eique obedi, cui ipse Deus præ omnibus obedit, & per omnia obsequitur. Quem timeas errorem aut deceptionem in voluntate Superiorum? quando hæc eadem est voluntas Dei sapientia? quem formidas errorem in tuis actionibus, quando te illa omniscientia gubernat per superiores tuos? Est hoc primum obedientiæ fundamentum atque principium *facere quod Deus vult*. Deus vult me subesse alteri, Deus vult me ab illo homine regi, seu vult me per illum hominem ipse regere, vult ergo me obedientem esse, immo vult me sub specie illius sibi obtemperare. Ama ergo Dei voluntatem, ama & tuam subjectionem. Voluntas Dei est subiectio tua: imple istam & imple illam, sicut vis à Deo gubernari, ita velis & à Superiore dirigiri. Divinum enim regimen gubernatio Superioris est. Et quid te securius ne dicam beati-



beatius. Obedientia enim beatitudinis felicitatisque Mater. Ergo obedite ut servi Christi facientes voluntatem Dei ex animo, cum bona voluntate servientes sicut Domino & non

hominibus Ad vocem Superiorum, perinde ac si à Christo Domino egrederetur, quam promptissimi si aus, re quavis atque adeo litera imperfecta à nobis incitata necdum perfecta relictā.



## C A P V T II.

### Ad obediendum impellit exemplum Christi.



**C**hristus factus est Patri obediens usque ad mortem, mortem autem Crucis. Erat subditus Matri, Iosepho putativo Patri: obedivit iniquis Iudicibus, crudelibus carnificibus. Obedivit Deo Deo, æqualis æquali. Obedivit Deo homini, obedivit Deo impio, obedivit affligenti & percutienti, obedivit usque ad mortem, immo & post mortem, quia neque post mortem descendit de cruce, nisi per alienam voluntatem. Perdidit vitam, ne perderet obedientiam. Natus est ex obedientia, vixit obedientia, mortuus obedientia. Quid est ergo Christus? nisi vel filius obedientiæ, vel obedientia. Vides o Religiose typum obedientiæ obedivit Christus, ut obediret Christianus; quanto magis Religiosus?

Vides quam te trahit exemplum Domini tui ad obediendum non solum Deo, non solum superioribus bonis, sed etiam molestis & discolis, neque solum his, sed etiam inferioribus, non tantum in mollibus & levibus imperiis, sed etiam in gravissimis, quibusque & ignominiosissimis, denique in morte ipsa, eaque non minus probri quam doloris plena. Et tu audes promere illas voces, grave est hoc quod imponitur, facile est imperare; etiam ego scirem ita imperare alteri: Si ipsi superiores facerent, utique non imperarent, Esto mi Religiose, nunquam hoc sit superior ipse iussus vel passus, quod imperat tibi numquid Christus non est amplius passus, quam imponitur tibi? Quis est, cui obedis, Christus an Homo? Cujus exemplo obedientiæ Votū

ac jugum subiisti? utique non hominis, sed Christi. Quod si exemplo Christi obedientiam vovisti, nonne mentiris in Caput tuum, cum dicis Superiorem tuum passum, tale nihil, quale imponit tibi? Nunquid non exemplo prævit tibi, nunquid jam exemplum illius transcedisti? Nunquid usque ad sanguinem, & alapas, & sputa, ad flagella, ad ipinas, ad calumnias, ad Crucem, ad mortem Crucis obedientia te trahit? nunquid perdenda est tibi vita propter obedientiam, sicut Christus quia mandatum dedit illi Pater, posuit animam suam? O te Martyrem delicatum! o servum improbum! o filium procacem! Vidistine servum aliquem, qui non alia conditione vellet obedire Domino, vel Patri filius, nisi ut prius ipsa imperata faciat Dominus vel Pater? vel nonnisi ea imperentur, quæ placeant servo, lubeantve filio! At tu de hoc servorum filiorumque, minime utroque dignorum nomine, numero es. Hoc utique est, neque servum, neque filium Christi esse, hoc non est tollere Crucem post IESUM, sed est eam abjicere & proijcere in IESUM.

Si ergo vis esse verus obedientiæ filius, si Christi imitator, si discipulus, si servus, si filius, discite à Christo, quid sit obedire homini pro Christo, tanquam Christo, & ad instar exempli quod vides in Christo. Obedientia, non sumpsit nomen a visione, sed ab auditione, audita enim facit non visa, audita voce imperantis, id explere officium obsequentis. Non quia videt gratū, sed quia audit imperatum. Unde etiam obedientia est cæca, sed non surda, nunquam dispicit imperium quale sit, sed tantum audit



dit, ut impleat quod audit. Cæca ergo obedientia cum sit, cæcos quoq; filios, veros scilicet obedientes facit. Qui cæcus non est, ejus non est. Non est filius obedientiæ ille, qui audiens imperium majorum, hæret ad singula, rationes inquit, moras necit, murmur exerit, querelas interserit, aures occludit, sed ille est obedientiæ verus filius, cui audire sufficit, nec ulla imperij causas scrutatur; nullas emollientes suasiones expectat, priusq; imperio effectum dare, quam ejus finem audire incipit.

In qua re obedientia Fidem Christianam æmulatur. Nam & in fide non ideo credimus, quia scimus v.g. Deum Trinum & Unum, sed ideo scimus, quia credimus. Ita in obedientia, non ideo Superioris imperiū facimus, quia illius rationes justas honestasq; novimus, sed potius ideo justum honestumq; credimus, quia imperium audi-

mus. & novimus. Et planè sicut in fide creditionem sequitur scientia, ita in obedientia auditionem sequitur approbatio sive visio. Et sicut Fides auctoritatem sequitur revelantis sine ulla ratione: ita obedientia voluntate nititur imperantis sine ulla alia persuasionem, tantumq; in opere utitur obedientia suis manibus, pedibus, viribus, nunquam autem oculis, seu rationibus & discursibus. Superiori relinquit, ut videat expendatq; quid imperet, sibi verò reservat, ut quod imperatur audiat, approbet, expleat. Dixerat quondam S. Pater noster Ignatius cuidam viro Principi, se iussu Superioris sui commissurum mari, naviculā qualibet, sine velis remisq; aliisq; subsidijs. Cum verò vir ille hæc audiens: Ecquæ esset ista prudentia diceret? reposuit S. Pater: Domine prudentia non est penes obedientem, sed penes imperantem.

## C A P V T III.

### Ad obediendum impellit Natura.



**N**atura rerum omnium, creaturarum rerum hæc est, ut subdantur alteri: ut nobiliori, subjecta sit viliori, Superiori sublit inferior. Invenies hunc ordinem in omnibus rebus creatis. Cum enim sint rerum gradus, unusq; altero Superior, semper altiori subest inferior, aut subesse laborat, ita ut si non sublit, vim se pati mox ostendat, & natura duce feratur ad ordinem debitum. Ita semper terra sub aquam, aqua sub aerem tendit. Ita semper ignis supra aerem evolat: ac nisi assequatur, vim se pati ostendit. Servant eundem ordinem, res animatæ, nam herbæ & plantæ subsunt animalibus, animalia bruta subsunt homini rationali, terra, aqua, aer, ignis, alunt herbas & plantas, plantæ, animalia bruta, hæc, homines. Et hunc ordinem omnia servant, omnia tuerentur. Per quod nihil aliud clamant, nihil inculant homini, quam subjectionem esse il-

li aliquam naturalem ac necessariam. Nam cum videat, omnia sibi subjecta & servientia, ad quorum subjectionem nihil ipse contulerit, proindeq; esse aliquam vim superiorem, ob cujus imperium, ista sibi habeat obsequentia, incipiat etiam ipse inquirere, quisnam sit ille qui hæc fecerit? quis, inquam, hunc rebus omnibus ordinem dederit, qui hominem ipsum omnibus præceperit creaturis, & nulli illarum eum subdiderit. Quem ubi homo cognoverit Deum, esse, incipiat naturā duce, ipsum nosse, ipsū colere, ipsum amare. Nosse quia Cōditor, colere quia Dominus est Possessor, amare quia Benefactor, & bonum summū ejus est.

**E**st namq; manifestum homini, se à se ipso non esse id quod est; neq; habere id quod habet. Est etiam eidem per se evidens, esse alium, & non alium præter Deum, à quo & se ipsum, & alia omnia à se habeat. Est quoq; eidem notum per se se: obligari se naturali debito ad Deum Auctorem sui & omnis boni sui, noscendum, colendum, amandum



mandum; tum ob se datum sibi, tum ob omnia alia creata, sibi ab eodem in usum data & subiecta, ideo natura duce in hunc ordinem deducitur, ut omnia illi, ille autem, Deo subdatur; quandoquidem nullam aliam creaturam supra se habet cui iubente Deo subdatur. Etsi enim Angeli naturam sint præstantiores homine, hos tamen Deus non fecit Dominos hominum, neque eos eorum usus & potestati subiecit, sed acsi Angeli in rerum natura nulli essent, hominem omnibus rebus reliquis præpositum, uni sibi soli subdendum ac subdendum ac possidendum reliquit.

Discit ergo homo, ab subiectis sibi naturaliter creaturis, ut sicut illæ omnes hoc ipsum Deo impendunt obsequium, quia homini ex eius voluntate subsunt, ita & homo id officij impendat Deo, illi se subdendo, tamen quia creatura est, quam quia sibi subditas ab eo creaturas habet: ex quarum subiectione assidua, tanquam ex quotidiano Magisterio audiat & discat lectionem doctrinamque hanc: subdere homo Deo, sicut omnis creatura subdita est tibi iubente Deo.

Ex quo patet eam esse homini naturam inditam conditionem ut subsit, & quidem non alteri quam ipsi Deo, neque ullum esse aut maius debitum, aut melius bonum, aut honorificentius, quam subdi illi, à quo omnis boni fontem habet, & præter quem nihil melius habere potest, & à quo si recedat, vel excidat, nihil perniciosius damnosiusque subire ac perpeti potest. Manifestum est enim, homini nihil esse melius, quam esse cum eo coherentem, (quod fit subiectione. Nam æqualitate & superlacione cum ipso, multoque minus eliberatione ab ipso fieri potest) à quo se habet per omnia existentem, & omni bono affluentem, siquidem, eundem opus est fontem esse conservationis humanæ in bono, & esse, qui fuit fons constitutionis humanæ in illo eodem Bono & Esse.

Manifestum quoque est, & necesse est, ut sit manifestissimum homini, nihil esse perniciosius quam recedere & excidere à Deo, sui Esse & omnis Boni fonte, quia hoc est incipere & recidere in omnis mali primævam originem, videlicet in nihilitatem & corruptionem & si hic recessus fiat spontanea voluntate, tunc manifestum est, nihil esse malitiosius iniquiusque hac recessione. Nam talis recessus malitia pura est, injusti-

tia & rapina est, rebellio & seditio est, quæ repugnat & rebellat effectus suæ causæ, figmentum figulo, opus artificis, creatura creatori, possessio possessori, mancipium immo jumentum Domino, Homo Deo; vultque ei subiectus non esse, à quo habet esse, vult ejus non esse, à quo habet se. Quæ malitia tanta est ut mirum non sit, ejus in poenam æternitatem infernalem assignatam esse.

**A** quoniam æquissima ratio exigit ut ille in æternum privetur auctore sui esse, cui noluit subesse, utque æternum supplicium patiatur in suo esse qui noluit cum beatitudine atque præmio subesse, à quo accepit omne esse.

Enim verò non erit homini admodum difficile præstare obsequium & subiectionem Deo auctori ac Domino suo, si quemadmodum carebat creatura cui ex natura subderetur, ita caruisset inimico, à quo ad subiiciendum se creaturæ, subtrahendum autem creatori fraudulenter impelleretur. Sed enim insidiatus est, & adhuc insidiatur homini Diabolus (immo & ipse sibi homo stultus) sequi Dominum hominis constituturæ fatagit, eumque finem unicum omnium suarum fraudum & tentationum statuit, ut hominem à Dei obedientia retrahat, & consequenter à summo Bono summaque beatitudine, quam mens humana optime capere potest, quæque in plena ad Deum subiectione posita est, excidere faciat: in omnis autem nequitie & per hoc omnis simul miserie barathrum præcipitet. Igitur homini contra istum hostem (atque etiam contra se ipsum) continuo depugnandum test, & nullis ejus fraudibus, se à Dei voluntate Dominio subiectioneque avelli sinat: sed omni actu, motu, conatuque suo hoc inviolatum, immobile, Sacrosanctumque suæ ad Deum subiectionis jus ac debitum retineat.

Verum ad hoc quis idoneus? quis ipsi sibi sufficiens? quando primus homo qui sapientissimus creatus erat, ad hoc minime suffecit. Opus est utique altiori quopiam auxilio, altiori quopiam consilio, altiori quopiam gubernaculo. Hoc autem nullum, commodè aliud esse potest præter Divinum sed in eo ipso, quam paratum periculum, quam certa incertitudo; si revelationibus, si Angelico mediante ministerio res transfigatur, transfigurante & immiscente se Angelo sathanæ pro Angelo lucis. Quid igitur fecit Bonitas sapientiaque æterna cognoscens figmentum nostrum? ecce quomodo disponit.



nit omnia suaviter, quomodo attingit à fine ad finem fortiter. Dat hominibus Vicarios suos à quibus regantur, & in via quâ gradiantur, instruuntur, à quibus in omnibus periculis protegantur, à quibus in dubiis, in necessitatibus, in agendis relinquentes omnibus, in loco, tempore, modo, omniq; circumstantiâ operationum suarum recurrant, à quibus consilium exquirant, auxilium habeant, lucem accipiant, securitatem obtineant. Erga hos præcipit hominibus, ut sint affecti tanquam filij erga Parentes, tanquam oviculæ erga Pastores, tanquam infantes erga nutricos, si decipi, si errare, si perire nolint. Id, ut factum facillimum foret hominibus, noluit Deus hos Vicarios esse ex Angelis, sed ex hominibus ipsis, ut & naturæ similitudo facilius subditum Superiori sociaret, & Superior ex his quæ ipse experitur, miserijs subditorum cõpati disceret.

Hanc rem ut hominibus tantopere faceret commendatam, quantopere noverat necessariam, ipsemet Deus voluit esse speculû obedientiæ & subjectionis hominibus, non tantum modestis ut Matri & Iosepho, sed etiam discipulis ut Caiphæ & Pilato: ut discerent homines subditi hominibus videntes Deum subditi ipsi: utq; severos se scirent sub eorum regimine coram Deo, qui viderent ipsorum regimini subiectum esse Deum. Hinc nata est obedientia Evangelicâ, hinc natæ tot Religiosorum Myriades, quorum nullus suô vivit arbitrio, sed alterius se ac-

commodat voluntati, alterius pendet à placito, idq; non in uno alterovè opere vel die, non in primo tantum spiritualis vitæ initio, sed per vitam planè universam, perq; omnè vitæ & actionum circumstantiam, mollis ceræ instar, paratus fingi & refingi in omnem figuram, volubilis instar globi facilis volui & revolvi de omni loco in omnem locum: senilis instar baculi promptus servire utentis manui in omni ejus arbitrio. Hæc nimirum est illa Indifferentia, alias de facatissima obedientia, quæ ita subditum omnem & semper, in manu Prælati ponit: & quocunq; se illius voluntas inclinaverit, huc & subditi animus. omnibus in quibus ullatenus detinebatur studiis, negotiis, curis, planè relictis, toto intentionis pondere feratur non moras neccendo, non imperij importunitatem pensando, non temporis, modi, loci, socij, rei, incommoditatem, vililitatem, ineptiam, indignitatem oggerendo. Talem te si finxeris, obedientiæ filius, felicitatis alumnus, Socius IESU dignus palmes es.

P. Confalvus Sylveria, Martyr Societatis inclutus, ejusdemq; in India Provincialis, sæpè fratres studijs deditos, nulla vel levissima de causa abstractos à studiis ad culinæ opera mittebat, ut eos doceret sanctam hanc maximè homini Societatis necessariam virtutem, quam indifferentiam vocant. Eadem de causa fratres juniores etiam excocto Tyrocinio inter Tyrones aliquantum esse jubebat, indifferentes esse jam etiam in tenera illa Societatis vita ut discerent.

## CAPVT IV.

### Ad obedientiam impellit Electio propria seu Votum.



Njuriam à me sibi fieri putaret mens humana generosa & liberalitate cum Deo creatore suo certare assueta, si eam naturâ suâ servam & servitati natam assererem; agnoscit quidem pius & humilis animus, se ita creatum esse à

Deo ut serviat Deo, nihilominus ipse se in hoc ultra supra vel conditionem hanc, adjuvante auctore ipso suo erigit, & quod necessitate suæ naturæ acturus erat, agere studeat libertate animi. Nimirum & ipsi est Cœlestis origo; imitari studet discipulus Magistrum. Videt æternum Patris Verbum.

Hhz

IESUM



IESUM Christum, quodammodo cum esset ex omnibus liber omniumq; Dominus, omnium tamen se fecit servum, *Factus obediens usq; ad Crucis mortem*; erubescit ergo ex necessitate sola servire, placet addere etiam Electionem, immo ex electione adsciscit etiam necessitatem, hoc est amplectitur electionem necessitatem, nam quia cognoscit mobilitatem voluntatis suæ, scitq; se folium esse, quod à levi vento rapitur, ideo electio-  
 ni ac libertati suæ electionem novam imponit, Deo se, & propter Deum etiam Homini subdendi. Facit & instaurat votum integre, perpetue, prompte obedientiæ. Electa verè necessitas & mirifica animi natura! libertatem dum quarit in servitio Divino, dumq; dedignatur tantum servire ex obligatione naturæ, delegit servire ex obligatione Voti.

Quid hoc monstri excogitavit, libertas an liberalitas animi humani? vel potius, quid Deus noster tam dulciter imposuisti nobis? Dicebas, te velle & exigere à nobis servitium spontaneum, & ecce imposuisti nobis obligatorium! Quam dulciter suis quæq; neq; ordinibus o æterna Sapientia? Vis ut sponte subdamur Tibi, & ideo id nobis liberum permittis, & nihilominus æternò voti Sacramentò, nos tibi ad subjectionem adstringis, mirò modò socians Electionem necessitati, Votum libertati. Liberè vovemus nos tibi servituros, & tamen quia vovemus, liberi non sumus. Nimirum in hoc ipso maximè liberi, quia liberè atq; etiam liberaliter non liberi. Quid ergo? Liberi sumus? Non servit: ne id quidem. Quid igitur? dicam confidenter Deus meus: Sponsa sumus tuæ: nupsumus per votum Obedientiæ. Num sponsa est ancilla sponsi? plus etiam quàm ancilla: nec tamen ancilla. Amor eam sponso adstrinxit, servit amore, amat servitute, sed quia amat, non servit: etsi quia amat, servit. ideoq; nec ancilla nec libera est, sed sponsa, quam amor servam facit, & de proprio jure depulit. Sic est o Deus: sponsa tuæ sumus: subjecimus nos amore tui, tibi, sed quia amore, ideo non sumus servi sed sponsa. Sponsa proprium est amare, amando servire, serviendo amare, servitutemq; amare. Ita ergo Obedientia, amore nascitur, proinde & a-

more movetur, amore etiam complenda & perficienda est.

Pretiosa res amor Obedientiæ, quò illam voves, pretiosa res non minus, immo & amplius amor, quò obedientiam imple. Pro quantus pudor! amore vovisse & non amare quod vovisti, non implere amore quod promissisti, scriptum est, vovete & reddite: vovere parum est, reddere parum est, vovere & reddere Divinum est. Videas jumenta, equos & boves, sponte accedere ad juga & vincula, asellos sponte onera subire, aviculas, sponte ad manus, ad caveas, ad vincula advolare, libertatis oblitus, servitutum amare: facit hoc in eis altera natura consuetudo, & educatio: at in te o Religiose, non faciet amplius, non faciet aliquid vel tale fervor amoris & amor voti atq; Religio. Vovisti obedientiam, vovisti perpetuam, vovisti Deo & homini propter Deum, seu vice Dei, vovisti in minimis juxta & maximis, & in omnibus, vovisti, quia voluisti, vovisti liberè, vovisti ex amore, vovisti liberaliter, vovisti libenter, vovisti amans & gaudens te vovisse. Quid his speciosius? quid generosius? quid amplius? quid tibi? quid Deo dulcius? multum id sanè: sed nò totum, vovisti, redde: *Si quid vovisti ne moreris reddere*, hoc desideratur, hoc adde, hoc addere delige & sufficit. Si reddere piger, vovisse non prodest, & oest. Ama & reddes: ardentè ama & libenter reddes. Non enim ibi durà necessitate servitur, ubi diligitur quod jubetur, & ubi servitus ipsa in amore delicijsq; habetur.

P. Albertus Sylveria supra laudatus multum interesse dicebat, quam citò obedientia à subdito Religioso impleteretur, & quantum in Collectione beneficii, tantum in executione Imperij moram valere: nam sicut qui citò dat bis dat. Ita, qui citò obediit bis obediit, hoc est duplici merito obediit: uno quidem obedientiæ, promptitudinis altero. Sic è contra, qui tardè dat, non dat, & qui tardè obedit, non obedit, quia nempe sicut gratiam, sic obedientiam tarditas ingrati reddit: Et quod docuit Pater hic, exemplò fecit. Nam aliquando longissimè iter, superiorum jussu ingressus est pedes, & eos quidem nudus, cum nec horæ unius moram calceis reficiendis dare vellet.





# C A P V T V.

## Ad obediētiā impellit institutum Societatis IESU.

**I**nstitutum Nostræ minimæ Societatis IESU, ejus est naturæ, ut omnibus nobis obediētiæ necessitatem, amorem, cultum exercitiūq; peculiari modo præ aliis virtutibus imponat. Cū enim fundamentum, ac veluti mater alitrix quæ Societatis sit obediētiā; debet etiam esse eadem omnium filiorum ejus, totiusque Corporis virtus valde propria. Deniq; in Societate quicquid est, aut est ipsa obediētiā, aut promanat ex obediētiā, aut stat conservaturq; obediētiā.

Quid facit in Societate obediētiā? facilius quidem erat dicere, quid non facit, quia nimium nihil non facit? Dico tamen eam, facere omnia. Nam quicquid in Societate non facit obediētiā, pro nihilo sunt, nihili & nihilum sunt omnia. Quod facit anima in corpore, succus in arbore, navarchus in navi, sol in mundo, ratio in anima: addo, etiam Deus in mundo, hoc facit in Societate obediētiā. Duce si amittat exercitus; pastore si grex careat, infans si nutrice destituatur, oculus si in tenebris sit, instrumentum ab artifice sejunctum, quod est ac potest, hoc Societas sine Obediētiā valet. Societas IESU si hoc non haberet, Societas obediētiarum, vel ordo obediētiarum dici non deberet. Sicut homo nullum tempus habet, quo non aerem spiret vel adspiret: ita filius Societatis semper obediētiā spirare & respirare debet. Alioqui tam hic spiritualis, quam ille corporalis vitæ periculum subeat necesse est. Esse in Societate IESU, & obediētiā non amare, non æstimare, non facere, est matrem suam, est animam, sanguinem, vitamq; suam odisse, est à generis sui nobilitate atq; stemmate familiæ, deficere, atq; degenerare.

In Societate obediētiā non discere, est in schola ætatem trivisse, nec disciplinam.

scientiamq; inibi traditam didicisse, quod vel stolidi asini, vel negligentis atq; discolori est. In Societatem obediētiā non amplecti, nec curare est chordam in cythara, ab aliis dissonam vocem dare, & musicam, impedire: est grege ac Pastore deserto, oviculam aberrare, & lupo se in pastum dare.

In Societate esse & obediētem non esse, est spurium vitulamen, & prolem adulterinam, mortuumq; à corde factum esse. Quæ admodum reprehensibile est quæpiam in Regione natum & adultum esse, nec tamen mores ac linguam ejus didicisse, ita absurdum est & probri plenum, in Societate esse, neq; tamen mores & linguam obediētiæ in ea vivendo combibisse. Lingua enim & Idiomata Societatis est obediēre.

Sicut corpus non nisi ad motum animæ imperiumq; movetur, ita Societatis tam Corpus totum, quam particularis homo quilibet, ad obediētiā nutum motumque movetur aut quiescit. Sicuti in homine, quod sine ratione sit, bene non fit, & in eodem quod sine gratia sit, meritum non est. Ita in Societate, quod sine præscripto sit obediētiæ, nec approbationem, nec præmiū, nec meritum habet, neq; ex mente ac norma Societatis, factum censeri potest. Sicut anser inter olores, lupus inter oves, græculus inter columbas quantumlibet versetur, & similibus vestiantur, suis se tamen produnt indicijs, & non sunt quod mentiuntur, ita quantumlibet quis in Societate vivat, duret, perennet, nisi ex mente obediētiæ Societatis vivat, per inobediētiā, extraneus esse à Societate convincitur, atque cognoscitur. Deniq; quod differt vivus à mortuo, hoc differt obediētiæ deditus Societatis homo ab obediētiæ neglectore, hic enim omnino mortuus est, nec vita vivit Societatis, quantumlibet sibi etiam florere videatur.

Ex his facile est colligere, quàm exigat à Filijs Societatis obediētiā Religio & institut-



stitutum Societatis. S. noster Fundator nos ita alloqui non dubitat. Ego sanè cum vos omnibus donis ornamentisq; spiritualibus perfectos. tum verò inprimis obediētiæ virtute præstantissimos esse cupio, & adhuc amplius addit dicens: Ab aliis Religioforum ordinibus facilius patiamur superari nos jejuniis, vigiliis & cætera victus cultusq; asperitate, quam suo quisq; ritu ac disciplinâ sanctè suscipiunt: verâ quidem.

perfectaq; obediētiâ, atq; abdicatione propriæ voluntatis ac iudicii maximè velim, Fratres Charissimi vos esse cōspicuos, quicunq; in hac Societate Deo ac Domino nostro deserviunt, ejusdemq; Societatis veram ac germanam sobolem, hac quasi notâ distingui quod nunquam intuantur personam ipsam cui obediunt, sed in ea Christum Dominum cuius causâ obediunt.



## C A P V T VI.

### Ad obediētiā impellunt fructus obediētiæ.



Obediētia arbor est, cujus radix Humilitas, truncus abnegatio Iudicii & voluntatis, rami indifferentia, executio folia, flores fervor, succus charitas, cortex paciētia, firmitas & duratio, perseverantia. Fructus verò pax & puritas mentis, subjectio carnis ad spiritum, spiritus ad Deum, Sanctitas securitas, meritum & gratiarum thesaurus indeficiens, vita sine labore in virtutibus semper crescens, victoria sine pugnae periculis ac vulneribus, navigatio semper prospera, ubiq; portus securus, in cælo deniq; immensum gloriæ pondus. Dies non sufficiunt immensis obediētiæ fructibus recensendis, sed veri obediētes plures percipiunt re ipsa, quàm ea enarrare posset aliqua verborum affluentia. Paradoxum videtur quibusdam, obediētiæ vitam, parare pacem, quietem & securitatem. Quæ pax est, inquiunt, & quies viventibus semper in inquietudine, in mutationum expectatione, sine ulla certitudine, pendentium ab alia voluntate, sæpè etiam ab impotentis, vel imprudentis animi libidine. Es in officio ac loco, an quo ad mentem vivis, & egregiè, cum fructu animarum, cum tuo gustu, cum Fratrum bono, cum gloriæ incremento vivis

& ecce subito, non ob ullam causam justâ nisi quia ita placuit, aut quia ita æmulis visum est, aut quia explorare virtutem scilicet libuit, mutatio & migratio indicitur, datur locus & munus, odii, rædii, nausæe laboris abundans, solatio & commodis carens, non absq; infamiis & suspicionibus, quæ ista pax? quæ ista quies? quæ securitas? in his tamen ludis vivunt, qui scilicet sub obediētia vivunt. Hæc gannunt Filii Belial, filii rebellionis & adversationis, hæc obestrepunt in quorum corde habitat stultitia, à quibus exulat sapientia, quæ eruditis & disciplinatis interest cogitationibus, elongat autem se ab his qui sunt sine intellectu.

His ergo responderet ac satisfacit experientia omnium ex lege obediētiæ viventium. Da enim mihi obediētem verum, da inquit Religiosum ad nutum & mentem obediētiæ factum, quid illum perturbare potest? Metus iniungendi officii? paratus est subire, metus deponendi? paratus est deponere, metus mutandi loci? paratus est discedere, metus inceptæ deferendi? paratus est deferere, metus infamiæ? una illi infamia est inobediētem esse, maxima fama obedire. Quo illum turbabis? qui supra turbas omnes est, qui omnium fontem turbaturum, radicibus excidit, & expulit propriam voluntatem. Atque iste supra omnem turbarum sortem tanquam supra nubes cum sit positus, turbari nescit.



nascit, consequenter pacem hæreditat, & requiem possidet opulentam.

Iam, quid ap hoc stulta sapientia mancipiorum voluntatis propriæ dicit. Potestne timor aliquis esse aut error in executione voluntatis Divinæ? Si hanc exequi securum facis non est, quid erit? Atqui obediens, tam certus est se Dei voluntatem facere, quam certus est se obedire, unde ergo aut quis illi metus? Quid isto securius, qui potest dicere teste conscientia, fidejuben- te obedientia. Domine feci quod iussisti. Quid? quod vir obediens loquitur victorias? semel licet obediuit, multas tamen obtinuit victorias, & quidem cum tanta felicitate, cum quanta quis loqui potest, aut optare victoriam cupiditate. Obedientem vinci, cadere, errare, turbari impossibile est. Obediens enim in plano semper, in certo, in tuto, in luce, in solido semper versatur. Obedientia obediunt omnia, & obedientibus obsequantur ad nutum. Obediunt mentes, obediunt aquæ, fluvij, maria, venti, obediunt Dæmones, obedit deniq; ipse Deus. Obedientem tam impossibile est errare, quam impossibile est Deum in aliquo falli, vel in aliquo fallere. Obedientem tam est impossibile damari, quam est impossibile Deum voluntatem suam improbare. Obediens o-

mni æstu curarum vacuus est, nec ulla sollicitudo accessum ad eum habet, præter hanc unam, ut de nulla sit sollicitus, sed obedientia expectet & expleat nutus.

S. Dorotheus initio suæ conversionis, cum omnimoda pace mentis foveretur, eaque perpetua suspectus esse sibi de illa tranquillitate capiti consulens autem probatos vitæ Magistros, ne fortè illusos esset ab adversario: bono animo esse iussus est. Eam enim animi jugem pacem atq; serenitatem fructum esse obedientia illius, sine qua nihil omnino ageret in vita spirituali. Neq; id mirum esse cuiquam debet: aliter enim fieri non potest. Nam obedientia quantum ex parte hominis est humilitas & paupertas Spiritus, quantum ex parte Dei est providentia, quæ in sui dispositione non fallitur. Ex hujus consideratione nascitur in homine plena & fiducialis sui permissio atq; provectio omnis cogitatus in eandem providentiam, tum confluit resignatio, indifferentia, contentatioq; animi de omnibus à Dei providentia ordinatis atq; dispositis, huic succedit obedientia mentis & operis perfecta: tandem pullulat pax & securitas tanquam flumen interruptionem nesciens, cui obediens innatat iugiter, & tandem in mare beatitudinis invehitur æternæ.

## CAPUT VII.

Ad obedientiam impellunt damna inobedientia.



Ultimum nos ad amorem exercitiumq; obedientia impellens caput, sunt damna Inobedientia, quæ tanta sunt, tam multa, tamq; manifesta, ut mirum sit, plerosq; hæc in se ipsis expertos & experientes nequaquam tamen sapere, aut exosum, miserabilem vitæ suæ statum habere, neq; tamen ad cultum veræ obedientia sese transferre.

Inobedientia est superbia filia, arrogantia alumna, contentionum soror, malitia

parens, vivit murmurationibus, lactatur querelis, lagnatur detractibus, & susurrationibus, pinguescit mendacijs, induitur confusione, habitat in excusatione, nidificat in damnatione. Inobedientia odiosa est Deo, pestis humani generis, sponsa Diaboli, communitatis scandalum, perturbatio fratrum. Inobedientia est peccatum supra modum peccans, sacrilegium adulterium animæ, Apostasia à Deo, seditio & aversio naturæ, deniq; infernus. Inobedientia est fons vitiorum, procellorum mare, animi excitas



citās, durities cordis, contumacia mentis, principium Schismatum, Hærescos origo, virtutum omnium maximè Religionis, devotionis, humilitatis, modestiæq; venenum. Ab inobediente exulat Deus, abest gratia, procul est Caritas, patientia extorris, omnis vita spiritalis in ruinam solata. In corde inobedientis regnat superbia, residet tepiditas, sterit pusillanimitas, personat iracūdia, præest rixa, dominatur amaritudo, habitat tristitia. Inobediens in seipsum semper armatus. Inobediētia exsiccāt ossa, corpus tabefacit, vires absūmit, exsugit cor, exhaurit spiritū. Inobediētia est peccatum. Inobediētia est peccatum Idololatriæ & scelus augurandi ac ariolandi, & cum Dæmone cōfortium habendi.

Aspice inobedientem protervumq; Religiosum. Quis illi vultus, qualis sermo? quis incessus? quales metus? turbata mens, torvus intuitus, impetuofus gestus, præcepti sermo & incessus, amarus animus, absorpta cogitatio, profunda suspiria, duri gemitus, querelæ perpetuæ, vita infernali statui par. Inobediens Religiosus, gravis Superioribus, terribilis communitati, pestifer fratribus, odiosus omnibus, externis scandalosus, abiectus à Deo, venenosus sibiipso, ludibrium Diaboli, spernit monita, repellit cōsilia, duratur pænis, rejicit solatia, ridet beneficia, pallet vultu, scintillat oculis, spirat ultionē, offensam servat, nutrit odia, ferit discordias. Inobediens amarum silet, horridum loquitur, socios amaritudinis vestigat, inventos diabolo immolat, ceteros aspernatur, Superiores odit. Nec verò putandum, est hæc fieri à magna tantum inobediētia &

lethali protervia: etiam in minutis esse inobedientem Maioribus, eosdem, pænè sal tē eosdem fructus parturit: Nihil ut referat in quanta re, materiave sit inobediens, modo sit inobediens. In parvo obiecto imperii forsitan, major affectus ac per hoc etiam effectus inobediētiæ.

Sed quid multis ista pestis explicetur, cū in oculis mundi sit, quam malum sit etiam in minimis non obedire. Quod minus? quod minutiùs præceptum, si materiā spectes, quam ab unius arboris fructu abstinere, inter omnes delicias Paradysi? non obedire huic minuto præcepto Parentes nostri, quis satis explicet mala huius inobediētiæ? omnia mala culpæ & pænæ, damni & sensus, omnes pænæ huius alteriusq; vitæ effectus sunt, fructusq; huius inobediētiæ, in materia tam vili. Sed quanto præcepta res minor, tanto inobediētia maior, malitia gravior & pæna justior. Si hoc supplicium inobediētiæ parvum est, addatur illi mors Unigeniti Dei, quam necesse fuit ab eo subiri, ut virus inobediētiæ unius aboleri posset. Et quod obsecro volumus expressius, inobediētiæ etiam in minimis commissæ damnum vel supplicium, quam est totius mundi, totius humani generis temporale æternumq; exitium, & insuper Unigeniti Dei in Cruce tormentum: levissima Adami inobediētia, exprimi satis non potuit, per omnium hominum æternam pœnam, sed sanari debuit per difficillimam capitalemq; Filij Dei obediētiā. Ergo saltem hoc impellat nos, ad servandam obediētiā.





# CAPUT VIII.

DE

## OBEDIENTIAE VOTO

Ejusq; perfectione requisita in Societate  
I E S U.

Quantum requirat obedientiam ejusque  
perfectionem Societas.



Quomodo S. P. Noster Ignatius filios suos in obedientia virtute ac Voto voluerit esse perfectos, id cognosces ex ejusdem S. Fundatoris verbis quae in Epistola de Obedientia scriptae sunt. Ego sane cum in omnibus vos donis, ornamentisq; spiritualibus, tum potissimum Obedientiae virtute praestantissimos esse cupio, idq; non ob eximia solum & singularia eius bona, quae tot tamq; illustribus sacrarum literarum testimoniis, atq; exemplis comprobantur, sed etiam quia obedientia sola virtus est, quae virtutes ceteras menti inserit, insertaq; custodit. Haec dum floruerit, procul dubio florebut reliqua, edentq; fructus, quales & ego in animis vestris exopto, & suo iure postulat is, qui humanum genus, neglecta obedientia sielere afflictum ac perditum salutare ipsemet obedientia reparavit, factus obediens usq; ad mortem mortem autem Crucis.

Expende accuratè hæc verba S. Fundatoris, in quibus vult filios suos obedientia præ alijs virtutibus præstare. 2. Præfert hoc ipso omnibus virtutibus donisq; spiritualibus unam obedientiam. 3. Vult esse nos in ea præstantissimos, hoc est, vult eam à nobis in gradu non qualiquali sed præstantissimo possideri. 4. Ejus rei causas ponit graves, 1. Obedientia commoda ex sacris scripturis nota. 2. Quia illa inserit alias virtutes menti. 3. Quia insertas custodit.

Quia florere facit alia bona & fructificare. 5. Quia obedientia reparavit genus humanum per inobedientiam perditum. 6. Quia id Christus Dominus exigit à nobis suo jure peculiari, quod in eo est factum, quia quos salvavit sua obedientia, merito à nobis exigit præstantissimam obedientiam.

II. Quomodo adhuc S. Ignatius & cum eo Societas exigit perfectam obedientiam, agnosces expensis ejus verbis, quibus dicit: Ab alijs Religiosorum ordinibus facilius patiamur superari nos ieiuniis, vigiliis, & cetera vitæ cultusq; austeritate, quam suo quicq; ritu, ac disciplina sanctè suscipiunt: vera quidem ac perfecta obedientia, abdicationeq; voluntatis atq; iudicii, maxime velim, Fratres Charissimi, esse conspicuos, quicunq; in hac Societate Deo ac Domino nostro deserviunt, eiusdemq; Societatis veram germanamq; sobolem, hac quasi notâ distingui, quod nunquam intueantur personam ipsam cui obediunt, sed in ea Christum Dominum, cuius causâ obediunt.

1. Non vult simpliciter superari nos ab alijs Religiosorum Ordinibus, in austeritate vitæ, nam etiam hæc Societati necessaria est, sed conditionatè loquitur: si superari debemus in aliquo ab alijs, superari nos potius patiamur in austeritate corporali, quam in obedientia perfecta. 2. In ea vult omnes nos esse maxime conspicuos, excellentes, perfectosq; non tantum in executione imperatarum rerum, sed præcipue in abdicatione voluntatis iudiciiq; nostri proprii. 3. Vult



Vult nos in Superioribus nostris nunquam considerare Personas proprias ipsorum, sed Personam Christi Domini cujus nomine illi præsunt & imperant, nosq; obedire debemus. 4. Atq; hanc Personam Christi in Superioribus considerationem, vult esse notā, & differentiam quā essentialē aut propriā nostram, discernamus ab aliorum Religiosorum Ordinum filiis. Sicut animalia unius speciei distinguuntur ab aliorum animalium individuis suā propriā differentiā. Diligenter ergo expende quantum per hoc tempus curæ polueris, quantumq; profeceris in hac nota & differentia tua, an verò vix in mentem tibi venerit hactenus istam notam curare. nedum in ea perfectum fieri.

III. Quomodo adhuc S. Pater desideret in nobis perfectam obedientiam, cognosces perpenſis illius verbis. *Atq; idcirco in Societate tam diligenter hanc virtutem obedientie exerceri, vigere percipio, quasi in ea Societatis nostre bonum ac salus universa consistat.* Certè valde difficile est invenire, quo pacto S. Pater potuerit, magis Societasq; possit studiū obedientiæ commendare suis filiis, immo obligare ad amorem, cultum perfectionemq; illius. Nam si Societatis nostræ bonum universum ab obedientiæ exercitio dependet, ergo bonum omne Societatis conservat, totiq; Societati vitam & omne aliud bonum procurat, immo dat, quisquis obedientiam in ea strenuè pro sua parte exercet. E contra verò omnibus bonis, vitaq; & substantia universa Societatem, quantum in se est, defraudat is, qui in obedientiæ amore, cultu, observantiaq; negligentior est. Nec ullo modo pejore potest de Societate universa mereri, quam contemptui habendo, & facile transgrediendo, virtutem, exercitium, votum perfectionemq; obedientiæ.

Quocirca quā quisq; amat Societatem, quā ei omne bonum exoptat, quā ad ejus incolumitatem, pro sua parte omnibus viribus obligetur, tam obligatur ad perfectissimā obedientiæ studium exercitiumq;

quoniam in hac omne bonum, totaq; salus Societatis consistit. Ad hunc lapidem Lydium, explora studium, laborem, diligentiam, amoremq; tuum in obedientiam, inque ejus Voti observationem, & perfectionis ejus exercitium. Et adverte quod in tantum sis universi boni salutisq; Societatis negligens ac destructor, in quantum es Voti virtutis perfectionemq; obedientiæ neglector, & tepidus exercitator, aut facilis transgressor, nec illius per omnia perfectionis puncta à S. Patre tradita & explicata sectator.

IV. Quam diligenter adhuc nobis S. Pater & Societas perfectæ obedientiæ assiduum studium commendat, cognosces id ex eo exemplo, cujus vi expugnare studet omnem nostrum in colenda obedientia torporem, ab exemplo inquam, obedientiæ Christi, quæ sine dubio, sicut fuit perfectissima, ita ab ea salus humani generis & pependit & manavit. Ea propter S. Pater, sicut ab eo exemplo Christi Epistolam suam de Obedientia inchoaverat, ita etiam eodem repetito eandem concludit dicens: *Vos ergo per Christum Dominum nostrum obsecro, qui se se nobis non modo Praeceptorem, sed etiam exemplar præbuit obedientiæ, ut ad eam toto pectore incumbatur.* Sanè suffecisset præceptum Christo Domino de obedientia dedisse: sufficiebat etiā si S. Pater Christi Domini nobis idem præceptum proposuisset, sed prout Christus voluit esse non tantum Praeceptor verum & exemplar, ita & S. Pater, non præceptum tantum, verum & exemplum Christi obedientiæ nobis ob oculos ponit, & tanquam acerrimo stimulo, nos ad obedientiæ studium impellit, ut toto pectore in eam incumbamus.

Adverte ergo quantum distes ab obedientiæ Christi perfectione, quā procul absis à difficultate rerum tibi & Christo imperatarum, quā procul absis ab exacta obedientiæ observatione. Certè tibi nunquam imperata est mors, nunquam mors Crucis, sed longiores factu facilissima & tamen tua vacillavit obedientia sapissime,





# CAPVT IX.

## Quid sit obedientia? & fundamenta illius?



**O**bedientia Religiosa, est virtus, quæ voluntatem hominis, voluntariè, sincerè, perfectè ac plenè, Dei, ac propter Deum, Vicariorum ejus voluntati subdit eamq; subjectionem Votò confirmat.

Vel: est virtus quæ homo, suæ propriæ voluntati, suoq; proprio arbitrio, Regimini ac curæ renuntians, omnem sui curam & gubernationem, voluntariè in Deum, ejusq; Vicarios, Superiores refundit, ad idq; Votò se perpetuo adstringit, cupiens, & paratus, & gaudens, se à Deo per Superiores suos, Vicarios autem ejus in omnibus gubernari. Expende singulas particulas harum obedientiæ descriptionum, tibiq; applica. &c.

**II.** Fundamenta Religiosæ obedientiæ. Primum fundatum est, in absoluto Dei super omnem Creaturam Dominio, & in absoluta creaturæ omnis ad Deum subjectione: manante ex eo, quia Deus est Creator, & Auctor, & Parens, atq; fons omnis creaturæ, tam quoad ejus primum esse, quàm quoad omnes perfectiones, potentias, actionesq; quæ, quàm quoad durationem permanentiam conservationemq; in iisdem omnibus, quàm deniq; quoad exercitium omnium virium, partium, potentiarumq;. Ex quo sequitur: ut Deus sit absolutus, Dominus, possessorq; creaturæ omnis, & illa vicissim sit absolute subdita subiectaq; Deo secundum omnem suam realem circumstantiam, conditionemq;. Quare Deus, potest quicquid vult ordinare, statuereq; de omni creatura, omni tempore, creatura autem tenetur, omni naturali jure subdi & parere, cuicunque Dei ordinationi voluntati ac legi. Usq; autem adeo hoc Dominium in Deo & hæc creaturæ subiectio in ipsa est, intrinsecum, & essentialè, & imbibitum, ut nec Deus Dominio isto in creaturam se privare, nec creatura ullo modo subjectionem exuere possit.

Atq; hoc est primum obedientiæ Religiosæ fundamentum, valde profundè in natura, omnis creaturæ radicum. Licet autem Deus homines & Angelos liberò arbitrio præditos creaverit, non tamen per hoc, Angeli & homines eliberati sunt ab hoc naturali Dominio Dei, & ab hac naturali sua ad serviendum Deo obligatione, quasi possint quidem si velint non subdi: sed potius contra, ad naturalem, omnibus alijs Creaturis communem inditamq; obligationem. Deo se ac ejus voluntati & legibus subdendi, habent Angeli & homines alium novum propriumq; sibi modum & motivum & ligamè, seu pondus, quo se Deo subdere tenentur, scilicet propria sua voluntate, ita ut quod naturaliter tenentur, sicut omnes aliæ creaturæ irrationales, hoc ipsum præterea voluntariè & sponte, atq; ex electione facere quod teneantur: & nisi faciant id sponte sua, poenis quidem & iræ Dei subiaceant: & nihilominus naturali illa & omnibus communi subjectione, Deo inviti quamvis subint plenissime: & quam Dei voluntatem bonâ ac libera voluntate sua nolunt explere cum merito, hanc naturali subjectione explent, Dominioq; Divino subjacent cum supplicio & ita nihil aliud, malâ sua voluntate recedendo à Deo, lucrantur, quàm quod à Deo placato recedentes, accedant ad Deum iratum.

**III.** Aliud fundamentum Obedientiæ Religiosæ est situm in modo, quem Deus servat in gubernatione creaturarum suarum, præsertim rationalium. Est autem talis modus Quia Deus non semper, immo valde rarò & paucas creaturas per se solum immediate gubernat, sed adhibet ad id alias aliasq; creaturas, quarum alias aliis præponit, alias subjicit aliis, & utraq; in hoc sibi obedire iubet, ut præpositæ aliis, imperent propter obedientiam quàm Deo, imperare iubenti, debent, subiectæ verò aliis subsint & obediant, etiam propter obedientiam, quàm Deo, subesse obedireq; iubenti debent. Unde tam



tam Superiores peccarent in Deum, si haberes sibi à Deo impositum onus imperandi, imperare nollent, quàm peccarent in eundem Deum subditi, si habentes impositum sibi à Deo onus obediendi, obedire ac subesse nollent. Non est enim potestas nisi à Deo, quæ autem à Deo ordinata sunt itaq; qui potestati resistit, Dei ordinationi resistit.

Quia ergo Deus creaturas gubernat, & tam hæ quam illæ obedire tenentur Deo, si ve imperando aliis, si ve obediendo, fit ut obedientia quæ Deo debetur duplex sit dupliciterq; præstetur, primò quidem immediatè ipsi Deo, secundò mediatè quidem, median- te scilicet creatura alia v. g. homine, quem Deus Superiorem aliis dedit pro se ipso & loco sui. Non ita quidem pro se, quasi ipse Deus nihil agat curetq; homines subiectos alicui homini Superiori à se instituto, sed ita ut Deus per hominem, tanquam per suum instrumentum homines regat hominumq; personæ & imperia & actiones sint actiones & instrumenta, sint instrumenta personæ Dei & imperiorum & actionum. Sicq; Deus subditos dupliciter gubernat, & per se immediatè, sed invisibiliter, & mediatè per alios homines Vicarios suos tanquam sua instrumenta. Ac sicut quis non obediendo Deo per se solum immediatè aliquid imperanti, peccaret sine dubio graviter in Deum, prout patet in Adamo, ita perinde peccat, si quis non obediat Deo, mediatè imperati, per aliquem hominem à se adhibitum. Ideoq; ipse dixit: *Qui vos audit, me audit, & qui vos spernit, me spernit.* Et Moyses rebellibus dixit: *Non est murmur vestrum contra nos, sed contra Dominum.* Nam qui sumus nos? non dixit, quasi me spernit, vel, murmur vestrum est quasi contra Dominum, sed simpliciter, me spernit, contra Dominum est murmur: quia scilicet, sicut directe Deus est, qui præest ac imperat in persona hominis & nō ipse homo, ita etiam Deus est, qui auditur & honoratur, spernitur & rejicitur in persona hominis, & non ipse homo.

Duo proinde hoc in pūcto cognoscenda & penetranda sunt. Unum est, Deum esse ipsum omnino imperantem & gubernantem si ve per se sine homine, si ve per se median- te homine, ac per hominem gubernet & imperet. Alterum, obediendum esse æqualiter acquiescendumq; voluntati & Providentiæ Divinæ, tam quando Deus per solum se, quam quando per mediātem hominem pro-

videt & imperat. Et ratio manifesta atq; conveniens est: Quia cum Deo debeat obedientia, ut in puncto secundo vidimus, eadem omnino illi debeatur, tam quando sub sua persona propria, quam quando sub & in persona hominis vicarij sui præcipit. Neq; enim Deus desinit esse Deus, quando Vicarium adsciscit per quem imperet: Neq; homo desinit esse Dei subditus, quando Dei jussu subditur ipsi Deo sub persona hominis Vicarij: immo pertinet hoc ad fidelitatem & plenitudinem subjectionis humanæ ad Deum, perinde promptè ac reverenter obedire Deo sub persona Vicarij, quàm etiam sub persona sua.

IV. Tertium fundamentum, quod ex prædictis ac maximè ex ultimo emanat, Obedientiam Religiosam fundat & omni perfectione exornat. Nempe in Superioris Persona, Divinam Personam propriam intueri, inq; voluntate Superioris, voluntatem Dei, inq; auctoritate hominis, Auctoritatem Dei, in potestate hominis potestatem Dei. Revera enim in homine non est potestas humana imperans principaliter & primariò sed tantummodò instrumentaliter & per modum velaminis cujusdam & denuntiantis voluntatem Dei, potestatem & auctoritatem ejus. Non secus ac in Eucharistiæ Sacramento species Panis aut Vini, per accidens & per modum velaminis vehiculiq; suscipiuntur & manducantur: re autem ipsa & per se, primariò Corpus & Sanguis Christi suscipitur & manducatur. Sic & in obedientia quæ fit homini, per accidens quasi homini redditur, per se autem ac primariò Deo ipsi, ac potius voluntati & Auctoritati. Hoc fundamentum à S. Patre nostro Fundatore sæpissimè inculcatur filiis Societatis, ut nunquam in Superioribus agnoscant personam hominis sed Dei, cupitq; S. Pater. Nos sedulo in eā curam & exercitationem incumbere, ut Christum Dominum in quolibet Superiore agnoscere studeamus, in eoq; Divinæ Maiestati reverentiam atq; obedientiam summa cum Religione præstemus. Hanc etiam vult Sanctus Pater, *Esse notam vere & germanam sobolis huius Religionis, quia non intuentur personam cui obediunt, sed in ea Christum Dominum, cui obediunt.*

Hujus fundamenti defectu Religiosæ Obedientiæ virtus, votumq; vacillat necessario semper, neq; quisq; perfectus esse ullo modo potest in obedientia, donec in hoc fundamento solidissimè fuerit constitutus, donec




nec inquam, per continuam & diuturnam praxim sibi non tantum familiare & facile, sed etiam naturale fecerit, in Superiore quocunq; etiam si vel umbram Superioris habeat, non hominem sed Deum ipsum agnosce- re, auctoritatemq; Dei revereri & volunta- tem ejus adimplere. Hunc igitur ex præ- senti meditatione & præsertim ex hoc pun- cto ultimo fructum decerpere stude, ut fir- missimè statuas, exercere te diu, continuo, infatigabiliter in Superiore Deum agnosce- re, colere, audire, revereri, & voluntatem ejus, tanquam omnino & revera Dei præ-

stare, donec ipso usu assiduo hæc res vertatur tibi in naturam, & delectationem facilita- temq; perinde ut usu nobis venit in naturam facilitatemq; quoties in altari videmus ex- positum SS. Sacramentum, non respicere ad vilitatem specierum panis, sed ad veritatem majestatem, dignitatemq; Christi ipsius deli- tescentis sub speciebus Panis. Ab hoc e- nim exercitio, Deum in Superiore quolibet intuendi, manabit omnis perfectio & excel- lentia obedientiæ, quam S. Pater à nobis e- xigit, & ad quam hæc virtus extolli natura sua potest.



# C A P V T X.

## De alijs fundamentis obedientiæ Reli- giosæ.

**I.**  Onstat imperfectissimam. Intellectus nostri cognitio- nisq; ac scientiæ ac pruden- tiæ naturam; de qua dictum est in scriptura. Cognitiones nostræ timidæ, & incertæ Providentiæ nostræ. Primò e- nim vix aliquid scientificè, evidenter ac in- fallibiliter, intellectus ac ingenij nostri, vi perspicaciæq; cognoscimus: paucissima cer- tè, & quæ vix cum labore invenimus & no- vimus, immo ad ea quæ sunt notissima per se ac natura sua, nostrar intellectus sic cali- gat & cæcutit, teste Philosopho. Sicut no- ctuarum oculi ad solis lucem.

2. Deinde sumus in omnibus pleni dubi- js, opinionibus, suspicionibus, incertitudi- nibus, potissimum in practicis, & quæ sunt agenda, quæ honesta, quæ licita, quæ recta, quæ vera, inde perpetuis involuti sumus, errandi & impingendi periculis.

3. Præterea rerum, & negotiorum, agen- dorumq; circumstantias & condiciones, vix unquam ita omnes nosse, omnesq; discutere & ad omnes advertere possumus, ut non plu- res, atq; graviores nobis sint absconditæ, quo fit, ut qui videbamus optimè ponderas- se, circumspexisse, tamen sæpè sapius inve- niamur, vel inveniamus nos parum bene

expendisse & ordinasse, erumpentibus subi- tò circumstantiis quas non videremus, & ob quas aliter longe fuit de toto negotio sta- tuendum, quod quotidie, & in magnis par- visq; rebus, æquè etiam diligentes pruden- tesq; experiuntur.

**B** 4. Adhuc intellectum nostrum in pra- vum à recto, in falsum à verò, detorquere plurima v. g. Affectus nostri, Amor nostri, ira, desiderium, odium, tristitia, timor, spes, desperatio, item studium placendi aliis, me- tus offendendi alios, exempla aliorum, natu- ralis cupiditas ad vilecebras, consuetudo & usus inolitus. Hæc similiaq; faciunt nos, in rebus, negotiis, consiliisq; vel cæcos, vel ipsi lumini rationis rebelles, ut non ratione sed affectum sequamur.

**C** 5. Accedit, quod quantumlibet multa benè despiciamus ac statuamus per judiciū & intellectum, tamen ad pauca sufficiamus propter renitentiam affectus & voluntatis, aut propter alia obitacula, seu infirmitates corporales, seu ab extrinsecis impeditoribus objecta. Insuper sæpè fit, ut pro intellectu- ali cognitione illudat nobis phantasiæ & co- gitativæ apprehensio evertens rationem, aut certè formidinem illi incutiens, ut in luce evidenti rationis, nihilominus hæsitet ac formidet, immò & erret, deterrente illum à recta rationis regula & detorquente in stul- tum



tum errorem, sub specie securitatis cuiusdā, ineptæ phantasiæ imaginationisq; & apprehensionis vehementis perplexitate, ut evenire solet scrupulosis, qui cum ubiq; velint esse securi, nullibi sunt securi, sed magis magisq; perplexi semper in omnibus, quia ipsā rationis regulam, seq; ipsos suspectos habet, & non obsequi apprehensionibus timent; quō sit, ut quantō prudentius, cautiū, circūspectius, securiūq; agere volunt, tantō ineptius stultiūq; agant, & perplexi, ac tandē etiam insani evadant.

Hæc similiaq; sunt incommoda nostri intellectus; propter quæ, dixit monendo sapiens: ne innitaris prudentiæ tuæ, & Apostolus monuit: non plus sapere quam oportet sapere, sed sapere ad sobrietatem. His omnibus incommodis, exquisitissimè efficacissimè, solidissimèq; medetur obedientia Religiosa, per hoc solum, quia pro Regula agendi quilibet habet sapientiam & voluntatem ipsius Dei; quæ cum nec fallere, nec falli possint, hinc fit, ut quisquis ad normā & ductum earum agit, (agit autem quisquis ex obedientia omnia facit) extra omne periculum erroneè, imprudenter, illicitè agendi, sit. Hæc expende benè & ad animum demitte; sunt enim fundamentum obedientiæ, & his quicunq; sapit ad amplectendam obedientiam ejusq; amorem & exercitium, necessitate ipsa cogitur, cogiq; se latatur.

II. Imperfectio voluntatis nostræ ac libertatis adhuc pluribus defectibus ac periculis magis scatet malis quam intellectus. 1. Primo enim est maligna per se & malitiæ omnis seges, adeo quidem, ut quantumlibet per intellectus lumen proponatur illi malitia sua, malitiq; facti, in quo prorumpit, tamen præceptis & velut cæca ruat in illud sciens, volens. Deinde est ad bona tarda difficilisq; tum ex se se, tum ex consuetudine tum ex affectibus pravæ concupiscentiæ aliarumq; passionum effreniū, tum ex illecebris sensuum externarum, rerumq; sensibus blandientium, ac voluntatem in sui voluntatem trahentium.

2. Adhæc eadem voluntas, esto aliquando bona sit, id est, se ad bonum convertat, illudq; appetat, ad illud tendat, est tamen, mutabilis, & convertibilis à bono facillimè unde vel cessat omnino à bono, vel languet in illo, vel in oppositum malum tendit, vel dilatione se ipsam eludit, vel difficultatibus veris, fictivè frangitur, vel blanditiis sensu- alibus vanisq; emollitur.

Præterea est intellectui rebellis non raro immo passim, agitq; & fertur contra scientiam & lumen rationis, indeq; rabiem in se provocat conscientia remordentis.

5. Ad hæc autem, etiam ipsa sibi rebellis est, non vult, quod vult; & vult, quod non vult, tanquam fluctibus oppositis mare æstuans, & fluctus suos inter se se collidens. Unde non tantum est illud verum dictū à quodam: video meliora proboq; deteriora sequor, sed illud etiam Apostoli: non quod volo bonum hoc ago, sed quod nolo malū hoc facio. Propter quod alius queritur se factum sibi ipse gravem. Valde enim, grave est, se sibi contrarium pati, & tanquā in duos divisum, & esse quod non est, & nō esse quod est, velle quod non vis & nolle quod vis.

6. Præterea esto velit intellectui voluntas concordare, non tamen etiam sic est tuta. Nam cum intellectus obnoxius sit tot malis, ut visum est in primo puncto: voluntatem, esto cum ipso conjunctam, ipsam obnoxiam esse.

7. Deniq; est inefficax & morbidus homini similis, qui licet se vellet movere loco, non tamen potest ob infirmitatem membrorum: ita voluntas nostra sæpe licet videatur sibi velle, non temen revera vult, sed tantummodo vellet finem assequi, si id absq; labore qui est in mediis, posset confici: vult finem, sine mediis; quod pèinde est ac velle volare sine alis, velle videre sine luce & oculis, velle pervenire non eundo, nec viā molestiam tolerando. Ita sæpe volumus pacem sine patientia, volumus patientiam sine molestiis, humilitatem sine humiliationibus, volumus scientiam sine studiis, volumus victoriam sine pugnis &c. His incommodis voluntatis, medetur mirifice obedientia præsertim Voto firmata; omnia namq; hæc incommoda prorsus amolitur, & Sapientia voluntateque Dei explodit atq; explet, ut vidimus.

D III. Notandæ sunt perfectiones Dei quædam super quas fundatur Obedientia Religiosa, ejusq; Votum, & quas Deus obedientiam voventibus obligat. 1. Deum esse sapientiores quàm nos sumus. 2. Esse meliorem quàm nos sumus. 3. Esse potentiores quàm nos sumus. 4. Esse amantiores nostri quàm nos sumus. 5. Esse fideiorem quàm nos sumus. 6. Esse digniorem quàm nos sumus. 7. Esse deniq; diligentiores circa nos, quàm nos sumus. Hæc utique nemo



nemo sanus negabit in Deo esse meliora & perfectiora quam sunt in nobis. Hæc autem omnia bona sua, Deus obligat ijs qui se illi per obedientiam subdunt, seu qui propter se obedientia jugum ac Votum subeunt. Ex quibus consideratis vel obiter, non potest non nasci immensa quædam cupiditas obediendi Deo, simulq; securitas obedientis, ac tandem felicitas: deniq; magisterium, perfectissime obediendi in obediendoq; semper & libenter perseverandi. Si enim Deus est sapientior, quam tu o homo, melius igitur & sapientius te gubernabit, quam tu te ipse gubernare posses. Depone igitur sapientiam & prudentiam tuam omnem, & confide securus Divina. Si Deus est melior quam tu Religiosè, meliora igitur Tibi volet, quam tu velle posses. Ejus igitur bonitati confusus, curam tui omnem, de commodis ac bonis tuis cogitationem omnem depone & jacta omnem cogitatum tuum in eum. Si Deus est potentior quam tu Religiosè, facilius ergo illierit ea omnia tibi præstare vel efficere, quæ sciverit tibi vel necessaria, vel salutaria, quam tu qui es infirmus, impediri facile potes, & frangi, ipse autem est omnipotentia ipsa & ejus velle est posse. Si Deus est amantior tui, quam tu ipse tui Religiosè, amplius ergo de illius in te caritate confidere, ab ab eo sperare potes, quam à te ipso, amoreq; tui posses. Exue ergo te amore tui, & amandum te Deo nudum ab ipso te trade. Si Deus est fidelior tibi, quam tu ipse tibi? ejus igitur curæ ac providentiæ totum te crede, & omnia tua, quoniam ille & de omnibus & suo quoq; tempore, in omni pondere, numero, mensura circumstantiaq; tibi providebit, teq; curabit, tuaq; omnia ordinabit, & omnia tibi promissa, tam in hac quam in altera vita explebit, & tantummodo ut tu quoq; illi fidem serves, obedientiam Votivam semper expleas, neque gloriam illius tibi usurpes, allabora. Si Deus est dignior quam tu? utiq; est dignior, ut tu illi potius quam tibi subsis, dignior est sapientia, & bonitas & omnipotentia & Caritas & Fidelitas, ut ab illa gubernaris, utq; illi credas, fidas, protegaris; ab illa ameris potius quam à tua sapientia stulta, bonitate falsa, potentia infirma, dilectione prava, fide infideli. Si Deus est diligentior quam tu circa res tuas, securius ergo conquiesces in ejus cura quam in ulla tua, quoniam ecce non dormitabit, neq; dormiet qui

custodit Israel, sed habet omnes oculos suos intentos super te, considerans omnes vias tuas, in absconditis quaslibet partes, custodiens omnia ossa tua, omnesq; capillos capitis sui habens numeratos apud se. Ex his consideratis bene adverte quàm optima & planè invidenda sit conditio Religiosorum, quia Deo obedientiam suam vovent. Habent enim tanta bona Dei sibi obligata. adeo ut sicut Religiosi obligati sunt Deo per Votum obedientia, suamq; omnem libertatem, voluntatem, sapientiam, prudentiam, scientiam & efficacitatem, & omnia, quicquid sunt Deo obligarunt; Deiq; fecerunt, quæ Deo subtrahere, & sua voluntate præter Divinam usurpare non possint, sine infidelitatis rapina sacrilegiiq; nota, ita quoq; Deus & illius bona enumerata obligata maneat Religiosis, nec ea Deus, illis negare potest absque nota infidelitatis, usq; adeo, ut si Deus de aliis creaturis suis nollit fortasse cogitare, curamq; illarum agere, tamen Religiosorum Voto obedientia sibi obligatorum illudque fideliter observantium, teneretur peculiari quadam fidelitatis obligatione, cura gerere. O Religiose, numquid non dices tibi cū Propheta? *lacta cogitatum tuum in Dominum, & ipse te enutriet, & Dominus regit me, & nihil mihi deerit, in loco pascuæ.* Bonitatis, sapientia, caritatis, omnipotentia &c, *ibi me collocavit.*

IV. Porro hæc omnia bona sua jam proposita deposuit Deus in Superioribus tuis & per eos tibi omnia impendit, ut tanto certius, facilius, evidentiussq; tibi ad manum sint semper, quanto tibi superiores tui sunt notiores, viciniore, accessu faciliores. Nec quidquam tibi imminuitur de illis Divinis bonis, per hoc quod sint tibi apud Superiorem, inq; illius voluntate ac imperio & Regimine deposita quin potius, tibi quodammodo sunt aucta, certè magis in promptu, magis ad manum. magis ad usum proposita, atq; ad securitatem certitudinemq; applicata.

Quare non minùs debes Deo, te per Superiorem aliquem, quisquis ille sit, qualibuscunq; qualitatibus præditus, gubernanti fide, nec minùs diligenter perfecteq; illi obedire, quam si immediatè facieq; ad faciem te Deus regeret ipse per se: immo illud est tibi suavius, securius, facilius, meritoriumque magis.



## CAPUT XI.

## De tribus gradibus Religiosæ Obedientia.



Primus gradus Obedientia à S. Patre nostro positus in eo ut mandata subditus opere exequatur. Hunc obedientia gradum S. Pater imperfectum vocat, & Virritus nomine etiam indignum, si ab aliis gradibus se junctus sit, & nisi ad alterum quoque ascendat. Est tamen iste gradus omnino necessarius, & aliorum fundamentum atque finis eorum. Quid enim profunt, immo quid sunt reliquæ obedientia perfectiones, si hæc una desit, ut opere ipso perficiatur ab obediente, id quod ab auctoritate superioritateque imperatur. Ergo licet infimus sit iste obedientia gradus, si solus sit, nullus tamen alius satis est si hic solus desit. Sed omnes Reliqui in illum tendunt, illum ornant, illum supponunt, illum coronant. Habet tamen iste gradus, licet infimus, hoc præ aliis, superioribus gradibus, quod ille solus, non sufficit ad virtutem sufficit tamen ad exteriorem satisfactionem, cum id in aliis non ita fiat, quin, quantumlibet subditus consentiat voluntate & iudicio, nihil tamen hoc ad obedientiam proderit, nisi ad affectum executionemque imperii, quantum prævalet accesserit, ipsaque reali efficacia imperatum negotium peregerit.

Propter hæc habet iste ipse gradus obedientia primus infimusque suas perfectiones proprias, quamvis non omnino ab aliorum graduum perfectione se junctas. 1. Executio imperata rei debet esse prompta, & omnino velox, moras non nectens ullas, sed statim, eo quod in manibus est, opere, etiam imperfecto deserto, ad inchoationem perfectionemque ejus quod imperatur, voce vel signo sese accingens illicoque conferens. 2. Executio debet esse integra, ut opus quod imperatur exequatur integrè, tam quoad omnes operis partes, quam quoad finem & absolutionem ultimamque manum quatenus obedi-

entia exigere videbitur. 3. Executio debet esse indifferens, æquè magna ac parva, levis ac ardua, vilis, ac honorifica, obiter ac graviter imperata perficiens. 6. Executio debet esse sincera & fidelis, idemque diligentia & fidelitas tenore faciens omnia quæ imperata sunt, sive palam & in oculis sive sine arbitris & privatim facienda sint, sive sint ventum in manus superiorum sive nemine confcio facienda veniant: *ex Animo*, ut ait Apostolus: *& sicut Domino omnia faciendo*, qui ubique dignus est perfecta obedientia & fidei executione.

Secundum gradum obedientia Religiosæ, S. Pater noster ponit in eo, ut voluntas obedientis consentiat cum voluntate imperantis ut scilicet idem velit ac nolit quod Superior vult, ut amet imperium, & rem imperatam, & ipsum imperantem. Etenim ibi non duræ necessitate servitur (utitur verbis Leonis Magni S. Pater noster) ubi diligitur quod jubetur. Estque hujus manifesta ratio, quia repugnante voluntate non potest fieri bona & fidelis, & aliis, jam expositis partibus absoluta executio imperata rei. Non est autem difficile amare & velle hoc quod videmus Superiorem velle, si consueverimus in Superioris Persona, non Superioris, sed Dei Personam, & in Superioris voluntate, non humanam sed Dei voluntatem agnoscere. Id enim si fiat, vix est possibile in Religioso aliquo esse tam miseram voluntatem, quæ non libenter vellet, quod Deum videt velle in Superioris sicut hominis voluntate Dei enim voluntas sive sit nuda & ipsius Dei, sive sit palliata, & vestita voluntate Vicarij sui, eadem est, & æquè amanda, æquè apprehendienda, æquè executioni mandanda perfectè. Est enim valde ridiculum velle Deum honorare & audire in sua persona, non autem velle in aliena, sicut stultum est velle Regem honorare in sua persona, & in oculis presentem, nolle autem post cortinam aut velamen aut in Prorege constitutum & mandantem, Hic



Hic gradus obedientiæ est longè præstantior priore, etsi dirigatur ad priorem & fundetur in illo: alioqui sterilis, & planè otiosus, ne dicam ridiculus sit absq; illo. Habet præterea hæc obedientia voluntatis, suas perfectiones quibus exornari vult, ut sit omnibus numeris absoluta, sed ea melius alio loco expendentur. Nunc sufficiat ex hoc puncto considerato statuere firmiter cū animo suo, omnem Superioris voluntatem, Dei voluntatem reputare, credere & agnoscere, tanquam talem amplecti & executioni mandare. Hoc est enim in animo & ex cordis plenitudine obedire; hoc est etiā quod Deus vult velle, & secundum Cor Dei esse.

Tertium obedientiæ gradum, S. Pater ponit in intellectu, ut scilicet idem sentiat & iudicet sapiatq; obediens, quod imperans: non discrepans suo iudicio ab ejus iudicio, sed sicut in fide captivamus omnem intellectum in obsequium fidei, cessantq; omnes discursus rationis, ubi aliquid audimus esse de fide, esse à Deo revelatum, & tanquam tale ab Ecclesia definitum: ita & in obedientia captivamus omnem intellectum ingenium, discursum, iudicium, in obsequium Divinæ voluntatis ac Sapientiæ, & auctoritatis, cessantq; omnes ratiocinationes, omnes discursus, omnia examina, quare quomodo imperatum sit: statim ut audivimus esse ita imperatum, ita visum, ita placuisse, ita decretum esse à Superiore, vel potiùs ab ipso Deo, interprete ac declaratore internūtiōq; Superiore. Perinde, ut cum quis præconis voce audit promulgatum edictum, Magistratūs, statim inclinat animum ad parendum Magistratui & ejus decreto, per internūtiū, præconis vocem, intimato. Nequē expendit secum dignitatem aut sapientiam præconis, sed attendit ad dignitatem, potestatem, sapientiamq; Magistratūs. Hic gradus obedientiæ fundatur & vigorem sumit ex sapientia Dei, primāq; & æterna veritate ipsius, cujus dictamina & sensum exponit Superior subditis ipsaq; se se per Superioris mentem ac vocem manifestat ipsdem.

Quare subditi, mentem sensumq; Superioris non debent accipere nec attendere tanquam sensum hominis errori ac cæcitati obnoxij, sed tanquam revera sensum propriū iudiciumq; æternæ sapientiæ, primāq; rationis ac veritatis æternæ. Itaq; sicut nemo auderet disquirere, aut sub censuram vocare id, quod sciret ab æterna Sapientia Dei ordinatum statutumq; esse. Ita revera nemo

debet discutere id quod novit ab æternæ sapientiæ Vicariis, seu potius ab ipsa illa æterna sapientia per Vicarios suos præscriptum & imperatum esse. Numquid enim dicere potest figmentum figulo Quare ita facis? certè Deus longè iustius dicere potest, tam quando ipse, quam quando per Vicarios aliquid ordinat subdito: nolo ut scrutemini consilium meum; & illud: Fac sicut velle me nōsti, & benedicat tibi anima mea. Sane Diabolica est illa prudētia quæ exquirat: cur præcepit Vobis Deus?

Atq; hæc est illa Sanctorum in obedientia cæcitas & stulticia, omnibus sapientis oculatio, quæ nihil examinat, quod imperatum est: cui pro omnibus rationibus, probationibus, convictionibus, demonstrationibus, est hoc unum: imperatum est, ordinatum est &c. Quod si quando aliquos discursus adhibet super imperata, ad hoc adhibet, ut sibi tantò ampliùs faciat probabilia & iusta, & recte quæ sunt imperata, licet non ideo sit obediendum, quia nobis probantur, sed ideo à nobis sunt probanda quia imperatur: ita, & quilibet subditus quando agnoscit & audit Superiorem ita ordinasse vel imperasse, sic accipiat, ac si audiret illum dicentem solemne illud: visum est Spiritui Sancto & nobis. Visum est æternæ menti & sapientiæ, omnipotentissimæ voluntati Dei & nobis. Hæc intellectus obedientia, & cum superioris voluntate sensuq; consensio si adsit, obedientia perfecta est, & nihil illa suavius, nihilq; Voto illo ad observandum, facilius. contra si absit, necessario labat omnis structura obedientiæ. Nam repugnante, ratione facile etiam voluntas subditi repugnat. hæc autem repugnante, executio vel nulla, vel frigida, vel non constans est. Nemo enim exactè ac libenter facit, quod invito affectu, repugnante iudicio suo facit. Qui autem non libenter facit, non ex animo, non constanter, non perseveranter, sed servili & abiecto, & amaro facit. Et ita totius obedientiæ nitor, sapor, vigor, virtusq; perit.

Hæc diligenter expende & ad omnium istorum graduum obedientiæ consensionem, assencionemq; te accinge, practicasq; resolutiones facito. Contingit enim Religiosis, in negotio obedientiæ, quod aliis fidelibus in negotio fidei: Ut enim isti plurimos, etiam practicos fidei articulos credunt & norunt, præcepta Dei, & Christi doctrinæ



sciunt, neq; tamen servant, & licet pro earum veritate mori parati sint, eas tamen in vita sua, re ipsa servari & exequi passim negligunt, ita non raro Religiosi, virtutem obedientie, obligationeq; Voti summe aestimant, & omnem Religiosi hominis, statumque vitam ab ea pendere fatentur, sciunt etiam quod Superiores sint Vicarij Dei, Per-

sonamq; Christi gerunt, & quod Deo in illis, illisq; tanquam Deo obediendum sit, practice tamen id non prestant, sed in Superioribus Deum non attendentes, humana tantum respiciunt, obediuntq; illis tanquam hominibus, unde incidunt Religiosi in illud periculum a Deo denuntiatum, *Qui vos spernit, me spernit.*



## C A P V T XII.

### De Perfectionibus Obedientie Societatis, juxta Regulas ejusdem.



**D**E Obedientie perfectionibus, & necessitate, & cura, studio, exercitioq; in Societate tot sunt Regulae, ut de nulla alia re, vel virtute, sint vel plures vel exactiores, vel minutim distincteq; singula explicantes. Has igitur in compendium redandas expende. Cum ergo S. Pater dixisset: *Expedit imprimis ad profectum & valde necessarium est, ut omnes perfectae Obedientiae se dedant,* depingit deinde genuinis coloribus obedientiam.

1. Perfectio obedientie Societatis est, Superiorem quicumq; ille sit, supremus scilicet, aut medius, aut infimus, magnis naturae gratiae donis praeditus, vel parvis, vel nullis, nihilominus loco Christi Domini agnoscere, eumq; interna obedientia & amore tanquam Christum Dominum prosequi.

2. Perfectio obedientie Societatis est, omnia imperata Superioris exequi integre, prompte, fortiter cum humilitate debita, sine excusationibus, sine murmurationibus licet difficilia, licet secundum sensualitatem repugnantia jubeat.

3. Perfectio obedientie Societatis est, habere intrinsece plenam resignationem, & veram abnegationem propriae voluntatis atq; judicij, conformando illam & illud cum eo quod Superior vult & sentit, in omnibus omnino rebus, ubi manifestum peccatum non cernitur.

4. Perfectio Obedientie Societatis est, voluntatem & judicium Superioris, habere pro Regula & norma, propriae suae voluntatis & libertatis, judicij & prudentiae. Non secus ac artifex normam facit sibi pro Magistris & regula directioneq; operandi, a qua ne ad latum unguem recedit. Si enim recedit, errat, & vitium est in opere, si autem accedit ad illam, & tenet, opus perfectum & omni parte absolutum censetur. Ita prorsus Religiosus subditus voluntati & judicio Superioris, tanquam normae & regulae suarum operationum debet mordicus adherere: quod enim perfectius & tenacius ei adhaerebit, exactius conformabitur totus cum omnibus suis potentiis & operationibus. (primae illi & summae regulae omnis bonae voluntatis ac judicij quae est aeterna Bonitas & Sapientia.

5. Perfectio Obedientie Societatis est, relinquere superiori liberam dispositionem de se deq; rebus suis omnibus, cum vera obedientia, nihil clausum occultatumq; Superiori tenendo, ne conscientiam quidem propriam, neq; illius judicio ullatenus repugnando, ut per unionem sententiarum voluntatumq; nec non per debitam submissionem subditus melius in Dei obsequio conservetur & progrediatur.

6. Perfectio obedientie Societatis est, non solum in rebus obligatoriis, & culpam post se, si non fiant, trahentibus, sed in omnibus omnino rebus, etiam adiaphoris obedire Superiori.

7. Per-



7. Perfectio obediētiæ Societatis, obedire ad tenuissimum quodvis signum, quo innotescat voluntas Superioris, esto nullum expressum sit audiaturq; præceptum imperans vel prohibens.

8. Perfectio obediētiæ Societatis. Ad vocem Superioris ita promptum esse, ac si illa Christi Domini vox esset, re qualibet atq; actione, etiam litera inchoata, imperfecta, relicta.

9. Perfectio obediētiæ Societatis est, non solum Superiori Societatis, vel domus, sed etiam subordinatis Superioribus qui ex illo, auctoritatem acceperint, sive ille sit co-cus, sive quilibet officialis, quatenus officium illius exigit obedire cum magna humilitate in rebus omnibus ad ejus officium pertinentibus.

10. Perfectio Obediētiæ Societatis est, assuescere non respicere quis sit ille (supremus domus Superior vel Ordinis, ac Co-cus, an quis alius) cui obeditur, vel potius cui obediendum est, qui est Christus Dominus.

11. Perfectio obediētiæ Societatis, habere semper ob oculos Deum ac Creatorem nostrum & Dominum nostrum propter quē homini Obediētia præstatur.

12. Perfectio obediētiæ Societatis est. obedire non in spiritu & perturbatione timoris, quod est mancipiorum & jumentorum, sed in spiritu amoris, quod proprium est ingenuorum, filiorumquē.

13. Perfectio obediētiæ Societatis est. Ad eum scopum vires omnes ac intentionē in Domino convertere, ut sancta obediētia, tum in executione exterius, tum in voluntate ac intellectu interius, sit in subdito, semper, omni ex parte perfecta.

14. Perfectio obediētiæ Societatis est, obedire cum magna celeritate.

15. Obedire cum spirituali gaudio, mentisq; exultatione, ex eo potissimum, quod certus sit qui obedit se Dei voluntatem facere, eaq; quæ placita sunt Deo: & in ijs quæ Patris cœlestis sunt distineri & occupari.

16. Obedire cum perseverantia: quicquid injunctum fuerit obeundo, omnia iusta, (immo Divina Deoq; placita) esse, sibi persuadendo.

17. Obedire cum omnis sententiæ ac judicij nostri proprii, contrarii fortē Superioris judicio, per cæcam quandam obediētiā, abnegatione.

18. Perfectio obediētiæ Societatis est Persuadere sibi, quod qui sub obediētia Societatis vivunt, se ferri ac regi à Divina providentia per suos Superiores debere, perinde ac si cadaver essent, aut senis baculus, qui ad nutum tenentis se, & volentis tractari se sinit.

Hæc sunt quæ S. Pater noster in suis Constitutionibus Regulisq; variis, nobis de obediētia proponit.

II. Ad hanc porro perfectionem obediētiæ filios Societatis adspirare convenit.

1. Omnes omnino, cujuscunq; sint ætatis, in vita vel statu Religioso quibuscunq; muneribus perfuncti vel fungantur, qualiumcumq; sint talentorum naturalium vel supernaturalium, qualemcumq; gradum in Religione teneant.
2. In omni prorsus occasione, negotio, materiaq; excepto solum hoc uno, si peccatum manifestum à Superiore imperaretur, tunc enim obedire, nō esset obedire, sed obediētiā Deo violare; aliās nihil omnino excipit obediētia Societatis. Unde nostrum obedire juxta Regulam, est obedire semper, in omnibus rebus, unō solōq; exceptō peccatō manifestō, si præciperetur: quod si manifestum non sit, sed tantum videretur esse, possit autem non esse, obediendum est potius, quā peccatū fingendum.
3. In omni loco & tempore.
4. Omnibus viribus, totaq; intentione mētis ac voluntatis, ita ut omnes perfectæ obediētiæ se dedant, tanquam filios Matri, tanquam subditos Reginæ, tanquam creaturas ac jumenta ac mancipia, Omnipotenti voluntati ac Domina, Creatrici, quæ omnes ex nihilo, per absolutam obediētiā quē potentiam in esse eduxit, & sibi omnimodē subditas condidit. Nulla ergo in conditione, nulla in circumstantia, Societatis filius debet se putare exemptum ab obediētiæ rigorosa, perfecta, excellentiq; subjectione, sed omni tempore in ea excellere conariq; ac studere omnibus viribus totaq; intentione debet. Proinde cavebit ab illa persuasionē plebeiorum Religiosorum, se jam excrevisse metas subjectionis, se non Novitiorum more Juniorumq; tractandum, jam sui rationem habendam, & à similibus nugacibus tepidorum conceptibus. Immo persuasum habeat, quantō est adultior ætate, quantō magis veteranus in Religione, quantō magis perfectus in virtute, tantō se debere esse magis vegetum, viridem, juvenem Novitium, Novellumq; in obediētiæ simplicitate, sin-



te, sinceritate, alacritate. Sicut videmus Dominorum secularium famulos veteranos, longè pluris æstimare, perfectiusq; laborare, in voluntate domini honoreq; zelando, quàm hodie in familiam adscitos servulos.

Adverte verò supra enumeratas Obedientie Societatis perfectiones, esse à Sancto Fundatore, non ita tantum quasi per modum. Spiritualis cuiusdam exhortationis ad perfectionem propositis, sed in Constitutionibus ac Regulis, quodammodo præceptas, & ut in executione sint, hoc est re ipsa à filiis

Societatis curentur, exerceantur, habeanturq; per modum legum voluntate Legislatoris intimatas. Quare non solus amore perfectionis ad earum celsitudinem assequendam invitamur, sed etiam eo vinculo ac pondere, quo, ad Regularum exactam, plenam, absolutam ad literamq; observationem tenemur, eas obedientie perfectiones, eo quo sonant verba, modo, assequi & exercere debemus. Si enim Regulæ sunt, servandæ sunt, alioqui tantum in Religiosi officium, quantum in Regulas peccabimus.



## CAPUT XIII.

### De Imaginibus Obedientie Religiosæ, ac speciatim Societatis IESU.



**I**magō prima Obedientie perfectæ, qualem Societas à suis filiis requirit est Christus Dominus; qui etsi in omni vita sua propositus esse debet. Hominibus Societatis in Exemplar, peculiari tamen ratione, in obedientie perfectissimo gradu & exercitio: sicut etiam hujus virtutis exercitium fuit peculiariter in tota vita IESU, quàm cursus & praxis obedientie, adeo ut non dubitaverit dicere Dominus, obedire Patris æterni voluntati non solum, in minimo apice, sed etiam in ipsa quoque Crucis morte, esse suum cibum, esse suum potum, esse suam vitam. Ad hoc ergo Exemplar, sicut & aliorum Sanctorum, qui Christum in Obedientia imitati sunt, effingere te debes, si Socius IESU esse voles, ut vivere, ut spirare aut moveri te nullatenus absq; obedientia, possis aut scias, aut velis.

Secunda Imago Obedientie, quæ sumitur à cadavere Hominis mortui, de quo S. Pater sic ait: *Qui sub obedientia vivunt, se ferri, ac regi, à Divina Providentia per Superiores suos velint perinde ac si cadaver essent, quod quoquo versus se ferri, & quacunq; ratione tractari se sint.* Expende ergo quanta sit obedientia mortui ad omnem vivorum volunta-

tem, quanta indifferentia, ad omnem eorum providentiam circa se. Non deligit enim sibi mortuum cadaver locum, non tempus, non solemnitatem, pompamve sepultura, non facit delectum loculi stannei, ærei, argentei, lignei, marmorei, non extorquet, ut hoc vel illo vestitu ornetur, aut audum infimero abijciatur, non exigit aromatibus condiri, aut insepultum abijci: Nihil interesse sua causat humine an sublime putrescat. Ita per omnia resignatum est cadaver ad omne placitum viventium, curantium, negligentiumq; se. Ad hanc imaginem, cura reformare tuam obedientiam, indifferentiam, resignationem, projectionem, & veluti negligentiam tuam in Divinam Superiorumve de te providentiam, voluntatem, ordinationem.

Tertia obedientie Societatis IESU Imago, desumpta per Sanctum Patrem à senis baculo. *Qui ubicunq; & quacunq; in re eo velit uti qui eum tenet, ei inservit.* Non laborat certe Scipio à quo manu teneatur, sitne ille gravis vir an juvenis, prudens, an rerum expertus: sinistra an dextra gestetur, per lutosam saxeamne viam adhibeatur, in marmoreo, an argillaceo pavimento sit ejus usus. Dives, nobilis, an pauper, abjectusq; aliquis eum portet, hoc, vel illo tempore, die, nocte,



etc. sereno, pluvio cælo, brevi, longo, tempore feratur; ad hunc illumve usum adhibeatur, manu teneatur an sub axilla, locetur in angulo an sub scamino: sustentet incedentem hominem, an canibus allatrantibus obijciatur admordentibusq; auro, argento, ære, an ferro ornatur, an rudis relinquitur. Hæc omnia perinde sunt scipioni baculoq; senis, quem S. Pater, adeoq; Dei sapientia. Ideam obedientiae filii Societatis IESU ad exprimendum vita factisq; proponit. Ad hæc ergo omnia etiam tuam præteritam obedientiam expende, futuram autem compone, Divinum auxilium pro dono & exercitio perfectæ obedientiae precare, propter Obedientiam Christi &c.

Quarta obedientiae Societatis Imago desumpta à capite & membris. In corpore sunt variae partes totum componentes, maximaq; inter se unione ac dilectione conspirationeq; in totius ac in mutuum bonum, & obsequium connexæ. Eminent tamen caput, & situ seu loco, & sensuum complexione, comprehensioneq; & rationis ac imperij quadam possessione: reliqua verò illi subsunt, non tantum subjectione locali, sed etiam exhibitione obsequij, & executione mandati. Caput omnibus providet, omnibus consulit, omnia dirigit, omnia tuetur, omnia curat, capiti omnia obsequuntur. Neq; considerat membrum, quale sit suum quod præsidet imperatq; Caput, sitne elegans conforme, proportionatum, an verò difforme & distortum, æquo majus vel minus, glabrum an pilosum, multis an paucis animæ dotibus præditum &c. Ad hæc inquam in capite non attenditur à membris, sed eis sufficit, quod caput, sit caput, quod in eo singularius anima resideat, & eo mediante in reliqua membra, vitam & motum & sensum, & curam & directionem influat ideoq; illa in capitis sui potius sententiam eunt, non verò caput in membrorum; monstrum esset, si caput pedibus aut manibus aliisve membris obsequeretur &c. Talis esse debet consensus, in Domibus hominibusq; Societatis, Superiorum & subditorum, illis curam his obsequium in commune afferentibus; subditisq; ad nutum, ad sensum, ad regimen Superiorum suorum, sese conformantibus; neq; ad hoc quod caput sit etiam pars corporis, eaq; sic vel sic conformata attendentibus, sed propter hoc, quia Caput est domus animæ & instrumentum dominatricis, re-

gnatricisq; facultatis, & quia Regia rationis, sedes providentiæ ac prudentiæ, auctoritatem capitis recognoscentibus, reverentibus, & mandata exsequentibus, omnemque sui curam in caput & animam illius prælidè abijcientibus.

Quinta Imago Obedientiæ Societatis sumpta à cælestibus orbibus, in quibus est etiam admirabilis obedientiæ disciplina. Omnes cæli sunt nobiles naturæ figura, situ, motu, substantia, qualitatibus, capacitate, in terram & inferiora hæc Elementa beneficiis. Omnes sunt ornati stellis & planetis, paucioribus alijs, pluribus alijs, quidam eorum habent in se fontes luminis & caloris & generationis, ut sol. Et tamen isti orbis tanti tamq; admirandi per omnia, mutuo sibi insunt & subsunt, & omnes Primo Mobili includuntur, quod licet videatur, omnium esse maximæ molis & stellis, ac luce privatum omnia tamen alia corpora cælestia suo ambitu complectitur, omnia ad motus sui proprii velocitatem rapit & rotat, omnia ab ortu per occasum versat. Et quamvis universi singuliq; alijs cæli suos motus proprios habeant eos tamen unius Primi mobilis motui omnes attemperant, & ita suis motibus contrariis desperatisq; licet, intendunt, ut tamen mobilis primi motum, nec ad momentum retardent aut excludant. Est sic cælum Solis, esto sit cælum Iovis, sit cælum Lunæ, sit cælum Mercurij, sit cælum firmamenti, tamen Primo mobili omnes subsunt, astraq; sua, & lucem suam & qualitates suas submitunt. Nec obiectat cælum solis, lucem suam solemq; suum, nec Luna aut Iuppiter, aut Mercurius, aut Mars efficacias suas, nec firmamentum tantam suam multitudinem astrorum, Primo mobili his omnibus destituto opponunt. aut exprobrant, sed cum omni constantia ei subsunt, ab eo se moveri rapiq; à tot sæculis facile sinunt. Talis sit opus est obedientia filiorum Societatis. Qui omnes, esto subsint cælo, nullis stellarum ignibus distincto, esto sint ipsis clarissimis naturæ & Gratia dotibus ornati, esto sit maxima eorum, in Ecclesia Dei, in populo Christiano, in Religione ipsa, utilitas, auctoritas, commendatio: moveantur tamen hi omnes ad motum & nutum mobilis primi, & ad normam ejus, omnes motus suos, omnes ignes, omnes qualitates, omnes facultates, talentaq; omnes actiones suas componant & dirigant. Quin immo non



non tantum mobili primo, sed etiam sibi  
mutuo insint & sublint, ut sint verè celis si-  
miles, immò vero celi ipsi, à terra quidem  
valde diffiti, terræ tamen valde proficui su-

pra nubes constituti, nubibus tamen domi-  
nantes, & in ipsis terræ visceribus, efficaci-  
tatem suam exercentes.

# CAPUT XIV.

## De varijs Actibus Religiosæ Obedi- entia.



**V**arij sunt Actus, variæque perfectiones Religiosæ Obedientia, quas exercere possunt, & ad quas eniti debent quicumque in hac virtute excellere desiderant, uti omnes filij Societatis IESU desiderare tenentur: tanquam ij, quibus vi naturæq; instituti sui omnis perfectio obedientia necessaria est. Propterea infra scriptos gradus actusq; ejus virtutis expendere, ac quotidiano exercitio in eorū possessionem te inducere contendes

**1.** Actus, primæque perfectio Obedientia Religiosæ, & quidem fundamētalis uti supra sapius dictum est. In Superiore Deum cognoscere, intueri, audire, honorare, ita ut quemadmodum in rebus fidei Christianæ, ad solam Dei revelationem, per Ecclesiam denuntiata acquiescimus, captivantes intellectum & voluntatem in obsequium fidei, ita imperiis obedientia, ad solam Dei auctoritatem in Superioris voce personæque residentem, ac quid velit Deus, denuntiantem plene consentiamus, captivantes omnem intellectum, voluntatis & executionis facultatem in obsequium auctoritatis Divinae obedientia. Tanti autem, hac Dei in Superiore cognitio, momenti est, ut obedientia sine hac nihil omnino sit. Itaq; huic par est nos assuescere, ut ea quæ à Superioribus constituuntur vel præcipiuntur, non tantum pro justis & Sanctis reputemus, non tantum sanctiora, justioraq; quàm omnes nostras alienasve intentiones credamus, sed prorsus Divinae Sapientia oracula voluntatisq; Divinae decreta, ac Prædestinationis nostræ me-

dia, agnoscamus, acceptemus, veneremur, exequamurq;. Id nisi fiat nihil est in obedientia quod placeat Deo, quodve habeat meritum, Id verò si fiat, nihil suavius, sanctius, utiliùs, ad perfectionem compendiosius erit, jugò & Vorò obedientia.

**2.** Actus est Firmiter credere, omnia esse salubria, sancta, facilia & possibilia, quæ obedientia statuit ac præcepit, non secus ac de fide fiduciaq; dictum habemus: si potes credere, omnia possibilia sunt credenti. Hoc valet ad omne sapientia humanæ amoris, voluntatiq; propriae jugulum incidendum. Nihil enim est hac in re efficacius quàm tentationibus Diaboli, & discursibus proprijs obicere, præ omnibus armis & rationum, causis: Deus est qui imperat, ergo sanctum, ergo salubre, ergo possibile, ergo facile est: ego autem idcirco ordinem sum ingressus, ut subsim, & in me voluntas Domini impleatur.

**3.** Actus obedientia est, non tantum ipsis Superioribus majoribus, sed aliis etiam subdelegatis, & delegatam potestatem habentibus, juxta potestatis eorum mensuram administrationis exigentiam, perinde obedire ac ipsis Superioribus, hoc est atq; ipsi Christo, eadem est enim utrobique auctoritas, esto non eadem mensura. Immo obedientia perfecti est, etiam antiquis senioribusq; Religiosis, perinde ac ipsis Prælati obedire, ac monita libenter accipere: siquidem ipsi ea ex prisca observantia praxi desumpta dare possunt ac solent; unde pro Regula quadam haberi debent. dummodo non repugnent ipsis statutis ordinum vel Superiorum. Qui sic se exhibere didicerit, omnium seu



um seu monitis seu postulatis mitem prom-  
ptumq; huc nulla unquam majorum moni-  
ta, consilia gravabunt.

4. Actus. In statutis Superiorum, quæ  
habent connexum aliquid honorificum, aut  
blandum, aut commodum, subdito repugnā-  
tiam habere convenit, dummodo non obsti-  
natam, nec modestiæ limites egressam. Ex-  
pedit enim à talibus objectis proprium a-  
morem redolentibus mulcentibusq; refuge-  
re, & nonnisi ad ea invictum cogi. E con-  
tra verò in statutis majorum, quæ habent an-  
nexam aliquam humiliationem, mortificati-  
onemq; ac depressionem subditi, ad ea ala-  
criter convolare, & ambitione quadam sa-  
cra in eam ferri. Sic enim amatorem mor-  
tificationis decet, sic continuam in rebus o-  
mnibus mortificationem & abnegationem  
sui captantem convenit.

5. Actus Superiori vicinus est in hoc,  
quod aliquando Obediens debet addere de  
suo in obediendo, etsi id Superior non ex-  
presserit in imperando. Omnia namq; im-  
perari omnino non possunt, tum quia præ-  
videri nequeunt, tum quia onerosum id Su-  
perioribus valde foret. quin & ipsis subditis;  
quorum industria, fidei, fidelitati, alacrita-  
ti & pietati, non pauca possunt ac debent  
permitteri, & tanquam haud dubie à subditis  
præstanda supponi, ita ut subditus Superiorē  
veluti securum ac certum reddat, exacte id  
à se factum iri, quod sibi fuerit imperatum;  
non sicut illud, quicquid infectum voles,  
huic manda, sed potius contra, sufficiat Su-  
periolem dicere subditos: fac sicut me velle  
nostri. Hoc est enim esse subditum, juxta  
cor Dei & Superiorum, hoc etiam est face-  
re omnes voluntates Dei. Quando ergo  
subditi voluntati ac prudentiæ & fidei com-  
mittitur aliquid, eam exferat, sed ita ut ad  
placitum Superioris principaliter in omni-  
bus respondeat, ac sicut eum velle noverit,  
omnia faciat.

6. Actus obedientiæ est, libenter præve-  
nire omnia imperia Superiorum, si modo  
constet ea secutura, posito quod Superiori  
res in mentem notitiamq; veniat. Id quod  
potissimum locum habet in operibus ac ma-  
teriis abjectioribus & à commodis laudi-  
busq; remotis. Est igitur præclaræ admo-  
dum obedientiæ conjicere de Superioris vo-  
luntate ac judicio etsi nondum in ullum ex-  
terius mandatum & signum prodierit, dum-  
modo nobis in mentem de ejus placito ve-

niat: ad eum modum quo pia animæ, inipi-  
rationibus Divinis extrinsecè tantum men-  
tem attingentibus, deq; agendo aut commit-  
tendo hoc, illo, collustrantibus, & commo-  
nentibus. Porro conjicere Superioris men-  
tem non est difficile. Indicare namq; illam  
potest, Primò connexio negotij cum nego-  
tio. 2. Commoditas explendi eandem, eā-  
dem opera, eodem sumptu, labore, conatu,  
opere, tempore. 3. Simile præceptum, in-  
simili objecto, & casu. 4. Generalis quæ-  
dam usitataq; & de Superioris usu proficisci  
solita facultas & declaratio ac voluntas &  
sensus. 5. Exemplum, quo Superiorem  
constat probasse factam in similibus conje-  
cturam, vel improbasse non factam, optasse  
quæ ut facta fuisset. 6. Cum constet Supe-  
riorem optare tale aliquid à subditis vel in  
subditis. Hæc similiaq; satis indicant, in-  
cumbere subdito, ad mentem Superioris ac-  
cedat sponte, neq; exigat expectetq; singula  
præcipi, sed præparationi cordis Superiorū  
suorum obediat, eorumq; desiderium imple-  
at, & radices desideriorum exaudiat. Tales  
subditos habere, unā felicitas est Superiorū;  
ac sicut subditos delectat habere superiores,  
ita in commodum illorum attentos, ut con-  
jectet, etiam præveniantq; eorum desideria,  
ac postulata. Si hoc in ipso Deo laudat scri-  
ptura, quod præparationem cordis nostri au-  
diat, & expleat, quidni credamus, etiam Deo  
gratissimum, si ejus ipsius, Vicariorumque  
illius Vota præveniamus. Certè amici, ami-  
corum, sponsi etiam inter se, quin & boni  
fidelesq; famuli dominorum suorum ita co-  
gnoscent intimè sensa, propensiones, de fide-  
riatq; hic & nunc si in mentem res veniret  
futura, ut ea præcognoscant, præveniant, &  
præimpleant, cum summa voluptate Domi-  
norum, sponzorū, amicorū, nec non cū  
incremento obedientiæ erga obsequiosos  
hoc modo. Quidni ergo talibus etiam sub-  
ditis gaudeat Deus sive in ipso se, sive in  
Vicariis suis, qui scrutentur voluntates e-  
jus. &c.

7. Actus obedientiæ est, vicinus supraadi-  
cto, offerre suam operam Superiori ad ali-  
quid faciendum, etiamsi ille non vocet, nec  
imperet, nec roget, modò constet velle ac  
desiderare, esse si menti succurrat. Ita Chri-  
stus Dominus in Psalmo cum Patre æterno  
egit: Cum enim cognovisset in creatione  
sua Christus, quod in Capite libri scriptum  
esset de se, statim ait, Deus meus volui, &  
legem



legem tuam in medio cordis mei posui, Ita & Isaias dicenti Domino: quem mittam, aut quis ibit nobis? mox sese obtulit, dicens: Ecce ego mitte me. Signa porro huius indagandæ voluntatis majorum, nostræ autē offerendæ, (in laboriosis & abiectis præcipue non pauca sunt. 1. Si videas Superiorem, aliquid enixe quærentem, vel de quapiam re sollicitum. 2. Si videas Superiorem per sese exequi, quod alioqui per alium deberet curare. 3. Si videas agentem aliquid, sed ob incidentem aliam causam egi ad petendum ægre quid. 4. Si advertas ignoram.

Superiori occasionem rem bene agendi, quam ille sine dubio non sineret elabi, si cōpertam haberet. 5. Si ultro inquirat modum, viam, occasionem, aliquid agendi. 6. Si indicet gratum sibi fore, si hoc vel illud fiat, esto nec imperet, nec roget. 7. Si cōmendet vel reprehendat aliquid &c. Hæc & similia satis ostendunt subditis mentem, Superioris, illiciantq; & auxilio sunt, & ut sponte sua ad exequendum se offerant, maxime autem, in vilioribus & laboriosis, nec tamen importuni sint, in sua opera obtrudenda.



## C A P V T X V.

De alijs adhuc Perfectionibus, actibus, dotibusq; Obedientiæ Religiosæ.



**I.** Unt adhuc aliæ perfectiones, doteq; Obedientiæ excellentes, quæ etsi antea posite sint ex Regulis Societatis, tamen hic plenius, declaratas atq; in suam excellentiam adductas expedit considerare.

1. Actus est obedientiæ perfectæ, agere omnia imperata tanquam propria sua negotia, seu eò modo, quò homines ad rem attriti curare solent sua propria commoda negotiaq; Sicut enim nemo sibi infidelis esse vult aut solet, in rebus præsertim magni momenti, ita Religiosus, si imperata curat tanquam sua propria, non potest non esse fidelissimus in agendo.

2. Actus est, omnia imperata peragere, non solum ut propria, sed etiam ut commissæ à Deo, Superioris sui Principe. Sicut enim Legatus sui Principis commissæ, ita agit, ut in omnibus dignitatem mentemq; Principis conservet, & adæquet, & augeat, esto etiam cum sui suarumq; rerum iactura. Ita Religiosus obedientiæ mandata tanquam Legatus Dei & Superioris ager ex dignitate Dei, impensis etiam suis.

3. Actus est. Ex spiritu vocationis suæ

obedire, & juxta normam ejus. Quam ad rem supra spiritus obedientiæ Societatis explicatus est. Nunc adverti potest, ex tribus Capitibus spiritum hunc adverti posse. 1. Caput est Legislatoris seu Fundatoris, & exemplum & doctrina, & finis atq; scopus ab eo in Religione intentus, institutusque. 2. Caput est. Praxis primus inducta, receptaq; à Majoribus nostris in Religione. 3. Caput est, Divinum placitum quocunque modo cognitum & Majoribus probatum. Secundum hæc tria obedire, & ea obediendo assequi, atq; æquare satis est: altius enim nos nulla ratio elevat aut dirigit humana.

4. Actus Religiosæ Obedientiæ, discernere inter superioris Auctoritatem quæ Divina est, & fragilitatem, quæ humanitatis adjacet eidem, illi quidem inhaerere mordicus, nec de illius veneratione ac amore quidquam ob istam (scilicet infirmitatem) diminuere. Itaq; quantumlibet Superior in imperando ac regendo suas imperfectiones, passionem, erroresq; manifestet, hos tamen subditus benignè sustineat, & prout in lege amicitia dicitur: Superioris vitia noverit non oderit, neq; ea ex auctoritate Divina, Vicariatuq; superno manare putet, sed ab illo secernat, & semper præsumat, Supe-



Superiorem optima quæq; velle perfectiora-  
que intendere, ac imperare, quantumvis i-  
psemet alia faciat. Quomodo in vitis Pa-  
trum, cum laude narratur quidam discipu-  
lus irati sui Magistri peracerbis mandatis,  
hospiti, omnia mollissima retulisse, & tandem  
internuntium Caritatis inter ambos extitisse.  
Nimirum verus obedientia filius non  
attendebat, quid exerrans Superior volebat,  
sed quid velle debebat agebat, sublimemque  
illam Superioris mentem sagaciter indaga-  
bat.

5. Actus propter obedientiam, ejusq; a-  
morem, amare etiam malum, etiam odien-  
tem, etiam inimicum Superiorem, nec quid-  
quam de obedientia cultu remittere. (modo ne  
manifeste peccatum præceptum sit) Hoc  
enim pertinet ad providentiam Dei, ne sub-  
ditus obediens etiam tali Superiori, destrime-  
tum animæ spiritusve subeat. Esto Superio-  
ri sua malitia noceat, esto etiam damnum,  
aliquod temporale, aut corporeum aliquan-  
do subditus subeat, in quo tamen subeundo  
maximum spiritus lucrum magnusq; in vir-  
tute profectus à Deo accipitur. Sicut enim  
Sacramenta ab indigno sacerdote administra-  
ta profunt recipienti rite disposito, non effi-  
cientie Ministri nequitia, ita imperium ab  
improba licet Superioris mente proficiscens,  
obedienti rite ac debite, proficit in bonum,  
non obstante Superioris malitia vel odio.  
Nimirum hic etiam potest usurpare subdi-  
tus. Tu cogitasti de me malum, Deus autem  
illud vertit in bonum.

6. Actus obedientia est, non obistere tan-  
tum difficultatibus obnitentibus, sed etiam  
ipsas ultro difficultates animose in obedi-  
entia gratia, confidendo aggredi, constanterq;  
pervincere, ac sese obedientia non impede-  
re tantum, sed etiam superimpendere, tota &  
certa fiducia innitendo auxiliatrici providen-  
tia Dei ad cooperandum obedientibus sem-  
per intense, ita pro eorum fiducia resoluti-  
onisque mensura, suam quoq; efficacissimam,  
immo sapissime miraculosam cooperationem  
exhibere non dubitet. Qui sic obedire no-  
scitur, is est Superioribus, locus refugij,  
& portus voluntatis eorum, & Divini cordis  
solatium, atq; voluntatis ejus requies, est  
providentia Divina theatrum. In eum e-  
nim & Deus, & Dei vicarii, omnia secure  
conjiunt, quantumlibet sint ardua, vel  
abjecta, vel vulgo metuenda, vel neglecta,  
certi factorum omnia secundum cor Dei, fa-

cturum fideliter ne jota quidem, nec puto,  
nec apice neglecto, nec momenti mora de-  
niq; sine tristitia vel gemitu, sed cum gau-  
dio.

7. Actus est, Humilia, minima, abjecta, & ab  
aliis vel horrore, negligi solita, non solum  
demandantur subire, sed etiam non deman-  
dentur, immo ut demandentur, ultro ambi-  
re, & tanquam spicas, messorum manibus  
decidentes, colligere, & præ illis, omnia spe-  
ciosa, honorataq; negligere & defugere &  
deprecari cum modestia, atq; verecundia,  
cedendo ea aliis potius quibuslibet, sibi ve-  
ro extrema quæq; & odiosa apud obedi-  
entiam exambire, tanquam sua, tanquam sibi  
propria debita & maxime congrua.

8. Actus obedientia est talenta, dona, seu  
naturæ seu Gratia recondere ab oculis alio-  
rum, nec ea nisi necessitate obedientia ca-  
ritatisq; propalare, idque ea moderatione  
ut mensuram necessitatis non excedat, ne  
vanitas, obrepat, neque quis existimet nos su-  
pra id quod verè sumus. Verus igitur obe-  
diens, communiter quidem & inordinaria  
sua vita sperabit nihil præter sui contemptum,  
neglectum, pauperiem bonorum, insuffici-  
entiam, & ineptitudinem ad magna & spe-  
ciosa, tractationem verò abjectorum & vi-  
lium munerum, tanquam sibi connaturalem:  
vix autem revelabit ea quæ intrinsecus latet,  
vix loquetur Sapientiam inter perfectos, ur-  
gente, simulq; limites ponente necessitate  
jam dicta obedientia caritatisve.

9. Actus est simplicissima quadam men-  
tis mansuetudine tractabilitateq; ad omnes  
esse: ita ut obediens vulgo sit ad omnium,  
mentem factus, omnium vulgo subsidium,  
supplementumq; omnium penè servus & ma-  
cipium, non Superiorum tantum: sed prorsus  
omnium, etiam inferiorum: ita ut nemo  
accedere, nemo repellere accedens, vereatur.

10. Actus obedientia est gratitudinem cor-  
dialem Superioribus exhibere semperq; ser-  
vare, etiam tunc, quando jam Superiores ef-  
se desierunt, verè tanquam magnis benefa-  
ctoribus, Divinarumq; in se gratiarum cana-  
libus, & aqueductibus, tanquam interpreti-  
bus voluntatis ac sapientia Divina, tanquam  
Ducibus certissimis ad salutem ad profectum,  
ad gratiam ad gloriam Dei, tanquam prote-  
ctoribus & Patronis, Tutoribus, ac Parenti-  
bus, asyliq; & refugijs & oraculis certissi-  
mis tutissimisq; tanquam, verbo dicam, Diis.

11. Actus obedientia est, eam tantum  
noti-



notitiam superiorum suorum curare, ut ab eis subditus esse sciatur; nihil aliud gratiæ, opinionis, venerationis, reputationis apud eos habere studendo. Ambitiosi hoc enim est vanitatiq; vicinum, evacuans non rarò vim obedientiæ & detorquens intentionis ad Deum rectitudinem mercedemq; æternā abolens, vanam & temporalem obtrudens. Vero & perfecto obediens sufficiet, se Superiori eatenus solum notum esse, ut is imperare se posse sciat subdito, & velit, libenterque faciat, benevolentias autem maiorū, nec captat, nec reputat, nec in eis confidit, neq; jactat. Neq; tamen asperum se maioribus objicit, nec metuendum facit. Sic enim à se non benevolentiam tantum, sed imperandi animum absterret, quis enim spinas libenter trahet, aut malum bene positum moveat. Curat ergo verus obediens hoc unum, ut superior non tantum audeat, imperare quælibet, non metuendo repulsam, excusationem, querelam, tristitiam, tarditatem, sed etiam sperando, immo sciendo adfuturam, in obediens, ad omnia alacritatem, fidelitatemque.

12. Actus obedientiæ est, securè & gaudenter conquirere, in virtute, operibus, statutisq; obedientiæ, de nulla ejus ordinatione, (in qua manifesta non sit culpa) tristando aut formidando, sed illi in omnibus tanquam Divino oraculo, tanquam obligatæ sapientiæ, potentiæ, prudentiæq; Dei fiducialiter firmiterque incumbendo. Ex quo nascetur in mente, pax quiesq; securissima, ac demum consequetur serenitas animi & gaudium mentis inconcussum: eò, quod in se obedientiæ cultor agnoscat, omne quod est honoris, gloriæ, virtutisq; Dei, & quod est ejus spiritus, hoc pacto super se requiescere, in virtute, Deumq; veluti aliorum oblitum,

circa se gubernandum solum occupari. Hoc enim qui attendit, non potest non plenus esse, non superabundare gaudio, & consolatione spirituali.

13. Mos obedientiæ est. Ad ea quæ imperanda, vel imperata sunt à majoribus, omnem intellectus sui prudentiæ, & voluntatis notam affectionem convertere. ita omnia ordinentur, disponanturq; quam commodissime, in executionemq; veniant, quam fieri possit efficacissime. Sic enim fiet, ut imperiis ritè dispositis tranquillè fiant omnia, strepitu, querelisq; careant, omnia suo tempore, loco, modo, peragantur: numerus molestq; mandatorum, non perturbet: media peragendorum semper sint parata quia prævisa: obstacula item non gravent, quia præmeditatione, vel submota, vel leviora reddita; nihil agatur temerè, nihil etiam oscitanter, nihil turbulentè, confusè nihil.

14. Obedientiæ mos est, nihil imperatarum à majoribus rerum, relinquere inceptum tantum, non autem perfectum, sed omnia Obedientiæ sacrificia ita complere, ita ut in eis nec cauda, nec ungula, nec pilus desit. Obedientiæ enim si plena est, uti esse debet, perficit omnia, ad finem deducendo partes omnes operis injuncti explendo, partium etiam minutos quamvis ornatus operi adhibendo, ut nihil omnino desit obedientiæ, non finis, non pars, non partibus, non toti corpori ornatus suumq; congruum decus. Nam ni hæc obedientiæ planitudo integritasq; perfectionis adsit, frivola est perfunctoriaq; obedientia, damnum temporis faciens impostoriè Superioribus alludens, mercedē apud Deum evacuans gratiam Dei in vanum ponens malum infidelemq; operarium arguens, ac demum ex holocausto Dei ruinam faciens.





# CAPUT XVI.

## De malitia, damnis ac pœnis, inobedi- entia.



Alitia cognosci potest inobedi-  
entia, ex natura illius, ex da-  
mnis, & ex pœnis. Postero-  
ra duo, in sequentibus punctis  
expendes, in hoc natura inobedientia expen-  
denda proponitur, quia hæc est fons & cau-  
sa damnorum atq; pœnarum. Natura ergo in-  
obedientia, in hoc suam malitiam manifestat,  
quia per inobedientiam violatur omne jus  
quo debetur Deo obedientia, atq; subiectio.  
Sicut enim per obedientiam omne jus serva-  
tur Deo ab homine & à quavis creatura: ita  
per inobedientiam omne jus violatur. Est  
autem non unum jus quo Deo debetur sub-  
iectio atq; obedientia, sed præcipuum illud,  
quia Deus est absolutus ex nihilo, gratuitus-  
que Creator & Conditor hominis, conse-  
quenterq; absolutus ejus Dominus, Posses-  
sor, herus, ex quo jure, manant alia jura, ut  
conservationis, gubernationis, beneficentia,  
dilectionis, eminentia, seu dignitatis,  
potestatis &c. Inobediens igitur, & hæc om-  
nia, & illud imprimis ius violat primum,  
& quantum in illo est. Deo illud eripit, sibi  
arrogat, seq; suum facit: Dei se esse, subdivi-  
dere negat, non subdivi autem, factiq; ope-  
reque, ipso ostendit. Quod cum suo ambitu  
complectatur immo & transgrediatur omne  
malitiam, manifesta evadit ex hoc natura  
malitiosa omnis inobedientia.

Eandem autem adhuc demonstrat illud,  
quod inobedientia, non tantum infringat  
jus Dei & violat, sed etiam quod per summam  
malignitatem, jus nullo modo sibi compe-  
tens arroget. Etenim cum homo sit, natu-  
ra tam servus, mancipium ac jumentum  
Dei, quam est natura totus à Deo ex nihilo  
conditus, perpetuoq; in hoc esse à Deo actua-  
liter dependet & conservatur. Inobediens  
tamen naturam hanc essentiamq; suam (quæ  
est esse à Deo, ac subdivi Deo) omnem evertit

ac rescindit, seq; contra suam naturam &  
Essentiam non servum, sed tanquam onager,  
liberum se natura putat. Excusso igitur,  
quantum in se est, iugo naturalis ac essenti-  
alis servitutis, se liberum à Deo, independen-  
tem ab ipsius Dominio, potestati ejus non  
subiectum, suum se, absolutumq; à subiecti-  
one facit, & ex eo consequenti, se facit qua-  
si à se, facit se Deum, suiq; Dominum facit  
se alium Deum, facit Deum non Deum. De-  
us enim, non est Deus, si præter eum est ali-  
quid Deus, vel si præter Deum, est aliquid  
ipsi non subditum, nec subdivi obligatum.

Et hæc est radix, ex qua pullulat, quod in-  
obediens sit seditiosus, sit rebellis Deo, amu-  
lus & hostis Dei, & AntiDeus.

Ex eadem radice pullulat, quod Anti-De-  
us, sit Idololatra, sit Ariolus, sit Idolum, ut  
merito dixerit ad saulem inobedientem Sa-  
muel. Quoniam quasi peccatum Ariolandi  
est repugnare, & quasi scelus Idololatriæ nõ  
obedire, nolleg; acquiescere. Ex eadem ra-  
dice pullulat, ut inobediens, quantum in i-  
pso est, sit Deicida & homicida, seu potius  
naturacida: Interficit enim Deum, quem  
non vult esse Deum, interficit hominem, si  
se ipsum, quem non vult esse hominem, id  
est naturam Dei servum, sed facit se liberum  
à Dei iugo, consequenter Deum, ac per hoc  
Idolum & nihil: Scimus enim, quia Idolum  
nihil est in mundo, ac tandem facit se occi-  
sores naturæ omnis. Sublato enim Deo,  
necesse est tolli naturam omnem, sicut subla-  
ta causa necesse est tolli effectum. Ex eadem  
radice pullulat, inobedientiam, majus esse  
scelus quam fuerit Christicidium. In morte  
enim Christo illata, tantum est destructa hu-  
manitas Divinitati unita, Deitate tamen il-  
lata, sed inobedientia Deum ipsum in substā-  
tia essentiaq; petit, & enecat quantum in i-  
psa est. Impossibile enim est Deo extorquere  
absolutum Dominium super omnia, nisi ex-  
torque-



orqueatur simul & ipsa Divinitas, atq; essentia.

Atq; hæc, nisi fallor, satis superq; malitiam inobedientiæ declarant. Quæ malitia reperitur non tantum tunc, quando in valde magnis præceptis graviterq; imperatis rebus committitur, sed etiam quando in minutis, de quorum genere, videri, nostro sensu posset præceptum, de non edendo fructu scientiæ boni & mali, quod habuit Adam & Eva. Præterea hæc malitia reperitur, non solum, quando quis inobediens est Deo, immediate per se imperanti, sed etiam quando non sit obedientia ejus vicariis per quos ille mediate imperat: quod ostendunt omnes inobedientiæ in mundo factæ. vix enim aliquis fuit inobediens imperanti per se se Deo, sed semper per interpositam personam, sive Angelicam, sive humanam, ita ut vix exister obedientiæ immediatæ ad Deum, sed tantum mediatæ exemplum. Ex quorum exemplorum malitiis & calamitatibus cognoscimus malitiam inobedientiæ, si quæ fieret immediate ipsi Deo. Habes ergo unde exhorrescas inobedientiam: omnibus & singulis Superioribus summis æquè ac infimis, in magnis ac minimis materiis.

Hanc malitiam inobedientiæ auget cumulatq; inobedientiæ Religiosa duobus minimè ex capitibus. 1. Ratione Voti Obedientiæ Deo facti. 2. Ratione pacti cum Deo initi per Votum statumq; obedientiæ. Sicut enim Obedientiæ Religiosa accipit maximam dignitatem coram Deo, maximamq; utilitatem ex Voto & pacto: quorum illud Deo fit, totusq; homo in holocaustum immolatur, istud autem cum Deo fit, Deusq; homini obligat se se ad regendum illum in omnibus, homo autem ad obediendum in iisdem, ita vicissim inobedientiæ summam malitiam, summamq; irreverentiam contrahit, ex violatione Voti, & rapina, non partem, sed totius holocausti, ratione cujus Capitis inobedientiæ est sacrilegium, & ex violatione pacti cum Deo initi, votoq; firmati, quod per inobedientiam rescinditur, & perfidè cum Deo agitur, contemnitur tota providentiæ Dei, eiusq; curæ contemptibiliter ac malitiosè renuntiatur; ita ut meritò indignans & irritatus dicat hujusmodi Religioso Deus: confregisti jugum, rupisti vincula mea, dixisti non serviam.

Damna inobedientiæ infinita sunt, numero, quam mole, quam tempore, ut ni-

hil aliud nos hac de re certos reddat, peccatum inobedientiæ Adami in paradiso ad certificandum de omnibus sufficit. Quot enim? quanta? & quo tempore? intulit, infert, inferret, ad judicii diem, immo in omnem æternitatem humano generi universo, una illa infelix transgressio & inobedientiæ: sed paucula de pluribus expendenda veniunt.

**A** 1. Damnum est amicitiae cum Deo unio- nisq; cum ipso & gratiæ apud ipsum, pro qua succedit

2. Damnum, positiva & mutua hostilitas, professum indictumq; bellum ac duellum. Ex professo enim inobediens resistit Deo ejusq; leges & voluntates, ac sapientiæ decreta oppugnat & impugnat. Vicissimq; Deus inobedienti repugnat, ejusq; in omnibus est adversarius, ita ut non tantum deferat in omnibus inobedientem, sed etiam hostiliter oderit, persequaturq; tanquam professum hostem.

**B** 3. Damnum, privatio protectionis Divinæ, & traditio in potestatem regimenq; Diaboli. Etenim quia inobediens, repulso Deo, se ipsum Ducem sibi statuit, & Principem, desertus ille à Deo, occupatur à Diabolo, & ea pravitare ab illo impletur, ut etiam oculis corporeis videri possit. Inobedientes parum à furiosis, arreptitiis, obsessisq; differre, ob spiritus rapidi turbulentiam modumq; agendi & loquendi amarulentum & perturbatum, quod est signum tam obsessionis à Diabolo, quam derelictionis à Deo internæ.

**C** 4. Damnum accedit maledictionis Divinæ, quæ non tantum in imprecatione mali consistit, ut sit cum homo homini maledicit sed etiam in illatione illius efficaci.

**D** 5. Est damnum pacis, incursus autem inquietudinis, immo prædamnationis cujusdam. Inobedientes enim quodammodo prædamnari videntur in hac vita: ita sunt deserti à Deo, eiusq; providentiæ, & pace, & benignitate, pleni autem in dies maiori rabie, rancore, obstinatione, amaritudine, desperatis propria resolutionum spiratione, & conceptione, ex qua fit, ut ab omnibus cohabitationibus in domo, & præcipuè majoribus sint infesti, & planè hostes, murmuratores, scandalosi, graves, contagiosi lupis ferocibus aut arreptitiis non absimiles.

6. Damnum est æternæ temporalisq; pænæ ac damnationis, apostasiæ à Deo, à virtute, à statu, à Religione, ad quæ omnia, inobedien-



bedientia: scelus ostium est. Expende hæc damna diligenter & malis potius in specie & alieno periculo illa ediscere atq; abhorre. quàm in proprio experimento cognoscere. Roga Deum diligenter, ut te ab omni specie inobedientia: conservet, neq; te animo irreverenti & infructu tradat, sed mansuetum, mitem, & humilem corde, tractabilemq; animo per omnia faciat.

Pœnam inobedientia:, quas in Exemplis super inobedientes, à Dei severissima Iustitia editis optimè cognosces.

Primum sit Exemplum Adami & Evæ quod præ omnibus exemplis esse potest & debet.

2. Exemplum Dathan, Core, & Abiron., quos ob inobedientiam Moyse & Aaroni præstitam, cum omni substantia & familia eorū terra vivos absorbit, descenderuntq; in infernum vivi.

3. Exemplum sit Saulis Regis Israel, quem propter inobedientiam, abiecit Deus, & à Regno & gratia sua in æternum.

4. Prophetæ Domini: quem cum alius falsus Prophetes quasi in nomine Domini indu-

xisset ad comedendum in loco, in quo Deus sumere illum cibum prohibuerat, à leone in via interfectus est, à fello illius quo vehebatur ille, immo per leonem custodito & servato, ut pateret hominem inobedientem furori leonis obiectum, iumentum autem obedientia: assuetum eidem negatum.

5. Sed nullum exemplum severioris pœnæ in inobedientiam exercita habemus, quàm quod in Christo Domino edidit Pater æternus, quem propter scelus inobedientia: nostræ percussit & occidit. Itaq; tota Christi Passio, vita & mors, & Crux pœna fuit inobedientia: nostræ, eiusq; simul expiatio & abolitio. Si ergo Deus Pater in Filio suo inobedientiam nostram non sava morte puniri, perq; eius, usq; ad mortem Crucis, exhibitam sibi obedientiam, pro illa sibi satis fieri voluit, quid te miserrimum homuncionem severitatis Divina: expectabit, si inobediens fueris, si inquam, in statu & Voto, & vita S. obedientia: à Deo plantatus, enutritus, obedientia: per omnia perfecta: sectator non fueris.



## CAPITULUM XVII.

De S. Patris Nostri Ignatii sensu, quem ille testatum Societati voluit, quid ejus animo de Obedientia federet.



Uæ subjiuntur verbis S. Patris, Ribadeneira, Testamentum S. Patris nuncupabat, cum sæpe illa Sociis proponeret.

1. In Religionis ingressu, vel postquam ingressus sum, debeo omnino & in omnes partes, coram Deo Domino meo, coramq; Præsidente meo, resignatus esse. Est autem Resignatio Religiosis viris, certa & liberalis voluntas, qua inferiores omnino permittunt se se atq; tradunt potestati arbitrioq; Regentium.

2. Debeo optare, ut ab eo Præsidente regar & ducar, qui ad iudicii mei & intelligentia: meæ abnegationem intentus sit.

3. Debeo cunctis in rebus unde peccatū absit, voluntatem ejusdem Præsidentis & non meam sequi.

4. Triplex est Obediendi modus. 1. Cū ex virtute obedientia: jubeor, & bonus est. 2. Cum proponitur solum, ut id vel illud agam, hoc est, cum ita parata est ad obtemperandū voluntas: ut non expectet præceptum, isque est melior. 3. Cum quid officio ex aliquo tantum signo cognita voluntate præsidis, quamvis nec jubeat, nec proponat, isq; est longè



longè optimus, nempe qui obediendi alacritate, nec imperii summi necessitatem, nec mandati denuntiationem expectat.

5. Nullam debeo rationem habere, num qui mihi præest, maximus sit an mediocris, ac minimus, verum omnis mea devotio Obedientiæ esse debet, propterea quòd locum Dei teneat, nam ea distinctio vim obedientiæ perdit.

6. Cùm opinioni ac Iudicio meo, id quod Præses mihi injungit contra conscientiam meam aut peccatum videtur esse, & Præsidi contrà videtur debeo ei credere, ubi clara ratio non repugnat. Quodsi id à me nequeo impetrare, certè debeo, meo iudicio, meaq; sententiâ abdicatâ, rem permittere iudicio ac deliberationi alterius, aut duorum, aut trium. Huc verò nisi perveniam, longè sum à perfectione & partibus iis, quæ in homine re ipsa Religioso desiderantur.

7. Debeo non esse meus, sed ejus qui me creavit, & ejus qui locum illius teneat. Ut quemadmodum pillula ceræ, duci se finit, ita ego me tractari duciq; sinam, vel in scribendis recipiendisq; literis, vel in alloquendis hominibus, his aut illis, devotionem meam omnem, in eo, quod mandatur mihi reponens.

8. Debeo habere me perinde ut cadaver, cui nec voluntas, nec intelligentia subest, deinde ut parvula effigies Crucifixi, quæ sine ulla difficultate, verti se, quamq; in partem finit. Postremo debeo me fingere, quasi baculum in manu senis, quem uti voluerit, & ubi ei commodum sit, ponat. Ita ego debeo paratus esse, ut Religioni usui sim & obsequar quamcunq; mihi rem mandarit.

9. Nec petere nec rogare ex moderatore meo debeo, ut me in hæc vel illa loca mittat, ut me huic vel illi præficiat muneri, verum cognitiones meas aut voluntates proponere, propositasq; humi abjicere, potestate omni, atq; integra demandandi potestate relicta moderatori, ut quod censuerit ille quodq; mandaverit, pro optimo iudicem atque habeam.

10. Licuit tamen in levibus ac bonis rebus veniam petere, ut sacras stationes obeundi, aut aliquid beneficii petendi, & quæ similia sunt, animo ita comparato, ut quod concessum negatumq; fuerit, id præstare, ac melius esse censeatur.

Iam in paupertate nihil habens ducensq; meum, debeo proponere animo, in omnibus quæ ad usum mihi conceduntur, esse me vestitum atq; ornatum non secus ac statuum, quampiam, quæ quodocunq; & quacunq; de causa suis ei amictus detrahatur, nullo modo reluctatur.

Hæc sunt S. Patris nostri Ignatii effata, & veluti ultimæ voluntatis verba, quæ de obedientia Societati suæ relicta & testata esse voluit. Quæ cum dictus P. Ribadeneira, variis in locis Societati, cui Commissarius præerat proponeret, ingenti omnes alacritate atq; adeo veneratione, ut sacras quasdam Beati Patris reliquias amplexi, tamen currebant, tamen haud parum ad incitandum gradum, & conatus & hilaritatis addidit. Hæc & ru profunda cogitatione penetrans ac animum demittens, dispice, quàm longè sis ab hac obedientiæ perfectione, & ab hoc Spiritu S. Patris tui, ab hocq; sensu de Obedientia.





# CONSIDERA- TIONES

DE

## RELIGIOSO MANCIPIO.

*In sequentibus Considerationibus proponitur & exponitur, quod spiritus prae-ditum esse oporteat omnem Religiosum in Religione sua: idque sub servi ac mancipij typo. Abiectum nomen. sed non ei qui elegit abiectus esse in domo Domini: huic enim abiectio ista tam honor est, quam honor abiectio. Denique, mancipium hoc, quod hic vel docetur, vel suadetur, amoris est. sub quo Domino, sicut est Tyrannis summa, ita & servus libertas maxima. Cui haec incredibilia sunt. Faciat experimentum, & plusquam credenda cognoscat.*

### CONSIDERATIO I.

Religiosus est Religionis mancipium, quia est Dei per Religionem mancipium.



I. **O**mnis creatura est Mancipium Dei, quia illi totaliter subiecta est, cum tota ab eo, & ejus sit. Peculiari tamen ratione creatura rationalis est ejus mancipium, & quidem ex multiplici capite. 1. Ex eo quia illam ad serviendum sibi proprio jure condidit. aliae enim creaturae non tam dici debent Deo servire (neque enim se in hoc servitium ipsae agunt) quam potius Deus illis servire, quia eas in servitium suum agit. 2. Ex eo quia creaturam rationalem Deus noluit sibi coactam servire sed liberè, ideoque liberam fecit: in quo vel maximè Deo servit,

quia libertate sua illi servire debet. Neque enim creatura libera, ideo libertatem habet, ut possit Deo non servire, sed ideo ut possit servire, possit inquam volens, & libens ita teneatur libertatem suam servam facere Deo, ut non possit eam avertere à Deo, nisi velit perire, perdi à Deo. quo fit ut ipsa creaturae rationalis libertas, sit serva, & per ipsam libertatem efficiatur mancipium. Peculiari tamen ratione magis Christiani sunt mancipia Dei, tum quia redempti sunt à servitute peccati & diaboli, factique sunt liberi quidem à peccato, sed servi & mancipia justitiae, tum quia spontanea Christianae legis professione facti sunt Christi vera mancipia. Super omnia verò praedicta magis peculiari ratione Religiosi sunt Dei mancipia, quia non tantum



tum sunt creaturæ, non tantum ratione & libertate Deo subditi, non tantum ratione redemptionis & Christianæ professionis quam sunt amplexi, sed insuper quia novâ speciali quæ ratione in Dei servitium & obsequium obligati devincti; nec solum ad obsequiū servitiūq; obligati, sed etiam ad promptū & expeditum obsequium, & quidem perfectum ac æternum accincti, excubantes, parati, ac devoti. Et neq; solum (quod sufficit abunde ad rationem & obligationem mancipij) sed insuper consecrati obligati, ac in holocaustum sacrificiūq; Deo conversi, quod est omni etiam servitutis & mancipii ratione maius atq; amplius.

Est igitur Religiosus mancipium Dei per supradicta quidem omnia, sed singulari quodammodo propter Religiosæ perfectionis conditionem.

2. Propter ea ipsa, Religiosus est simul ac indubitata mancipium Religionis seu Religiosi status. Quia enim per illam in Dei obsequium, additionem, devotionem, conservationem, modo expositam Religiosus homo efficitur singulari ratione & plenissimo, securissimoq; ac inviolabili iure mancipium Dei, hæc autem additio, devotio, conservatio, est ipsa Religio & status Religiosus, inde fit ut Religiosa persona per hoc, per quod efficitur Dei mancipium, per religiosum statum, firinquam ut efficiatur etiam mancipium Religiosi status seu Religionis.

3. Quod ex eo patet luculentius. Nam duo sunt statuum vitæ humanæ genera in Ecclesiâ, unum ejusmodi ex quo homo liberare se potest, aut liberari sua vel alienâ potestate, quomodo ex militari statu potest, quis in Ecclesiasticum transire, vel ab Ecclesiastico ad Regularem; aliud, ex quo homo eliberari nullatenus potest neq; ad alium statum transire, quomodo ex statu matrimonij ad solum transiri non potest. Quia quæ Deus conjunxit, homo non separat, à Sacerdotii statu ad Laicum: primi generis vivendi statum si quis complectitur, is sui status mancipium nequaquam efficitur, sed in eo volens tantum ex sponte sua perseverat. At verò si quis secundi generis statum vitæ ineat, is status sui ita servus atq; mancipium efficitur ac si compedes & vincula induisset. Et ex hoc secundo genere statuum est

status Religiosus, idq; non ex uno capite, in eo namq; homo, & desponsatur verè Deo, contrahitq; quoddam verum spirituale matrimonium cum Deo animarum sponso, & insuper efficitur sacrificium atq; holocaustū perfectum & verum Deo, immolatione voluntaria atq; spontaneâ quidem, tali tamen quæ hominem post Vota ex sui ipsius dominio eximit, & totum juris Divini facit, & deniq; per hunc ipsum statum, verè civiliter moritur, & mortui iustar incapax omnis secularis non tantum vitæ, sed etiam curæ & successionis, & hæreditatis, & possessionis efficitur planè, ac si realiter ac Physicâ seu naturali morte mortuus esset: ea propter homo istum statum complectens, ejusdem verum absolutumq; mancipium & servus efficitur, & quidem ita irrevocabiliter, ut ab hoc statu eliberari nunquam possit.

4. Inde manifestum apparet, quod Religiosus homo, & fiat mancipium Dei per hoc quod fiat Religiosus, se seq; statui Religionis subdat, & contra fiat mancipium Religionis ac Religiosi status per hoc, quod se mancipium Dei per statum Religionis faciat: subiens siquidem hoc modo hunc statum, transfert se de statu vulgari & liberi servitij Divini in peculiarem, nobilem, & necessarium, ac æternitate Votorum firmatum, quod est fieri & mancipium Dei & ingredi statum Religiosum: & rursus vice versâ subiens prædicto jam modo Religiosum statum subit quendam statum æternum, & efficitur eius totaliter quantus quantus est, fitq; per consequens eius mancipium, ita ut sicut deferre iam non potest Dei servitium, sic neque Religiosum statum: & si deserat statum, hoc ipso censeatur deseruisse Deum & Dei obsequium atq; servitium.


5. Ex dictis iam expende, 1. quot nominibus sis mancipium Dei. 2. Quo nomine sis præcipue mancipium Dei, nempe nomine Religiosi status. 3. Quantò nomine sis etiam mancipium Religionis tuæ, nempe eodem ipso nomine Religiosi tui status & conditionis. 4. Vide quale sis mancipium Dei, quale Religionis, quale inquam, quam utile, quam subditum, quam moderatum, quam compendiosum atq; si non es, cura ut sis in posterum omni meliori modo.

CON-



## CONSIDERATIO II.

Religiosus Religionis suæ mancipium est.  
quia in Religione natus, & Religionis  
filius est.

**I.**  Onstat mancipia nativitate fieri: natus est aliquis ex mancipio, & ipse fit mancipium, partus enim sequitur matrem.

2. Constat etiam filios esse parentum mancipia & servos: unde filii tenentur ad omnia obsequia parentibus adesse: & possunt à parentibus vendi in servitutem propter suam necessitatem. Suntq; parentes filiorum Domini ac Reges.

3. Constat eos qui in aliquâ patriâ nascuntur & educantur ac manent, esse quodammodo jure servos & mancipia illius patriæ, Patria enim ideo dicitur, quod patris & matris ius habeat & exerceat in eos, quorum patria est. Si ergo Pater vel Mater sunt Domini filiorum suorum, etiam patria erit similiter. Imò majori iure: tenetur enim filii propter patriæ bonum, negligere bonum patris & matris, & suum proprium: ex quo patet majus esse ius Patriæ quàm parentum in filios, patet etiam filios magis esse mancipia patriæ quàm parentum.

4. Religio est nostra Mater, ab illâ enim & in illâ gignimur, parturimur, nascimur, educamur, formamur. Cum igitur illa sit mater, nos sumus filii, quod si filii, sumus etiam mancipia: & Religio habet jus Domini & Regni in nos. Nos verò sumus illi subiecti per omnia, ad omne obsequium, perinde ac verissimi & geniti filii.

5. Religio est nostra patria, in quâ nascimur, & educamur, & habitamus, cuius legibus vivimus, cuius cura gubernamur, cuius industria protegimur. Igitur Religio tanquam patria, tanquam respublica nostra, eodem jure nos possidet, & nos illi subsumus, quo Cives possidentur à suâ Civitate & patriâ.

6. Iam considera, quomodo filii parentibus, cives patriæ, conjuncti devinctiq; sint: ut & tu ita Religioni Matri & Patriæ tuæ sis devinctus. v. g. servitutem, obsequium, reverentiam, pietatem debet filius matri, civi patriæ, & tu similiter debes Religioni.

Conditionem & fortunam matris ac patriæ subsequitur filius & civis, & tu Religionis tueri debes. Pro parentum & patriæ bono tenetur filius & civis, suam etiam vitam exponere, suas vires, suas opes, suam famam, sua omnia, & tu similiter. In omnia filii & civis sui bona, habet parens & patria jus altum, tua similiter Patria atque parens habet tale ius, in te & opera tua.

7. Vide an ita tu affectus sis erga tuam istam Matrem & Patriam Religionem sanctam, quod quidem facile poteris assequi, ex operibus tuis, ex sermonibus tuis, ex zelo tuo pro bono, integritate, pro profectu Religionis tuæ. Dole quòd non sis. Cura ut sis, & occasiones dispice ejus affectus exercendi.





## CONSIDERATIO III.

Societatis Iesu Religiosus est mancipium  
Religionis Societatis IESU. quia est de  
Societate IESU.

I.

IESUS fuit mancipium: & ad hoc factus est IESUS seu Deus homo ut esset mancipium, & per hoc ostendit se esse Iesum, quia fecit & gessit se ut mancipium. Quicquid in IESU est, totum fuit ad mancipii conditionem factum: sive nativitatem ejus, sive viam ejus, sive mortem ejus aspicias, totum mancipium est. In Scripturis Sanctis aliquando vocatur servus, aliquando formam servi accepisse dicitur, aliquando mandatum sibi datum exponit, aliquando cibum suum vocat voluntatem Patris, aliquando jumentum vocatur Dei, aliquando colonus & agricola dicitur. Aliquando & vocatur Agnus, aliquando victima, sacrificium, holocaustum, quæ omnia plus quam etiam mancipii statum in Christo ostendunt. Sed omissis aliis: mancipii statum Christus clarissime expressit, dicens apud Prophetam: In capite libri scriptum est de me, ut faciam voluntatem tuam, Deus meus, volui, & legem tuam in medio cordis mei: agnoscit enim hic Christus se ex instanti conceptionis suæ factum mancipium Divinæ voluntatis ac dominii, acceptasseque hanc conditionem animo lubentissimo, & in meditullio amoris cordisq; sui eam collocasse, proinde statim giganteo passu accingi ad currendam hanc viam, & ire ut ministraret, non ut ei ministraretur. Est ergo IESUS mancipium, & tota vita ejus, est vita mancipij.

2. Qualis vita, qualis conditio IESU, talis & conditio servorum, sociorumq; IESU, esse necessario debet. non enim est servus major Domino suo, nec potest non esse mancipium, quisquis servit mancipio. aut ergo de servis & sociis IESU non es, quisquis es, aut certe mancipii conditionem unâ cum servitute ac Societate IESU induisti, & assumpsisti: ac proinde hoc ipso mancipium es, quod de Societate IESU es.

3. Sed cuius mancipium es, quisquis de Societate IESU es? primò quidem mancipium Dei, deinde mancipium IESU, postremo mancipium Societatis IESU es, quia enim Societas IESU (quæ est Mater tua) est mancipium Dei ac IESU: idè & tu hoc ipso, quod huius Societatis filius es, mancipium Dei ac IESU es: filius namq; conditionem sequitur tuæ Matris. Iam quia filius est naturale mancipium matris, idè & tu es cō naturale mancipium Societatis, siquidem es filius Societatis. Accedit, quod cum IESUS sit mancipium, ejusq; omnis Societas sit quoq; mancipium, inde fit, ut quisquis se se IESU Societati adjungit, mancipio se se adjungat, mancipiumq; se se, sicut illa est, faciat. Et quia quisquis se Societati adjungit, idè se se adiungit, ut Societati adjunctus, IESU socius fiat, Iesuq; hac & cum hac societate serviat, quæ adiunctio nec potest, nec debet aliter fieri, nisi per hoc ut se societati perpetuò tanquam membrum corpori, tanquam filius matri, tanquam surculus arbori, tanquam servus Domino, ipsi quoq; sub potestate constituto adjungat & subdat, & interferat, ita ut ab ea se se abungere nullatenus possit, sed illi æternum obligatus & obligatus esse cogatur, inde fit, ut servum se Societatis faciat, & eius mancipium voluntarium quidem, & ex voluntate votis formatâ, necessarium æternumque reddat. Atq; ita quisquis de Societate est, hoc ipso, quod de illa est, mancipium illius est, per hoc porro quod mancipium Societatis est, mancipium etiam IESU est. Sicq; miro & amabili modo fit, ut per hoc, quod quis efficitur socius ac mancipium IESU, fiat mancipium Societatis IESU, & viceversa per hoc, quod quis efficiatur mancipium Societatis IESU, fiat simul mancipium IESU. idè namq; fit mancipium Societatis IESU, ut fiat mancipium IESU, & fiat mancipium Dei cum IESU, & cum tota Societate IESU.

4. Vide iam o quisquis de Societate IESU es,



es, quàm nobilem conditionem cum hac Societate induisti? per hoc enim factus es particeps conditionis atq; dignitatis IESU Christi. Nihil enim est in IESU Christo dignius, nihil honestius, nihil admirabilius, nihil ad salutem, & libertatem, ad meritum ad exemplum nostrum singularius atq; efficacius est, quàm quod mancipium factus, & ut mancipium natus vixit, passus atq; mortuus pro nobis est. Quid mihi dignius ostendes in IESU, quàm quod pro me etiam indigno, omnia factus, natus, passus est? certe quicquid aliud ab his ostenderis, inferius his esse cognoscitur. Ibi IESUS mihi dignior, ibi æstimabilior, ibi amabilior, ibi pretiosior, ubi pro me vilior esse dignatus est. Ibi illum plurimum æstimo, ubi pro me plurimum contemptus est. Inde illum plurimum amare debeo, ubi illè etiam odio haberi, & pati, & mori pro me dignatus est. Tanto enim ab hominibus dignius honorandus est Deus, (ait Gregorius) quantò pro hominibus etiam indigna suscepit. Nam quid magnum egisset pro me Deus, si se Monarcham mundi gloria & honore coronatum, omni cælorum splendore circumdatum ostendisset? hæc si fecisset, fecisset ea quæ illi millies debebantur, & non tam ad me salvandum venisse, quàm ad se ostentandum apparuisse dicerem. at quando descendit ad humilitatem meam, quando exinanivit semetipsum formam servi accipiens, quando factus est obediens usq; ad mortem Crucis: hoc est demum, quod in eo, & videre delectat, & mihi usurpare salutare est, & imitari me addecet, & æstimare atq; totis medullis amare mihi incumbit. Quod si etiam in eorum Societatem advocor, si admittor, si obligor: quid mihi est

aut esse potest in cælo, & à te quid volui aut velle possum super terram mi IESU. Utiq; tu es Deus cordis mei, & Societas tua, pars mea est tecum in æternum. Magna igitur est dignitas Socii IESU, quod sit de Societate IESU.

**A** Ex his cõclude, quanti æstimare debeas tuam hanc Societatem, quæ te ad tantam extollit, & evehit IESU Christi similitudinẽ, coniunctionem, & dignitatem, quæ te facit conformem fieri Imagini Filii Dei, Domini sui? Vide ergo ut non sis sicut equus & mulus, quibus non est intellectus, vide ut scias quæ tibi à Deo donata sunt per Societatem, vide ut comprehendas cum omnibus Sanctis, quæ sit longitudo, latitudo, sublimitas, & profundum, sciat & supereminentem scientiam charitatis IESU Christi. Vide ut dispicias quæ sit spes vocationis tuæ, quæ vocatus es à Deo, in Societatem IESU Christi Domini nostri. Hæc meditare, hæc loquere, in his esto, & ambula semper dignè Deo, semper comitare Iesum quocunq; jerit, & Societatem ejus nunquam desere: sed ad instar ejus, induaris semper insignibus ejus, & arbitreris te nihil unquam & usquam scire debere, nisi IESUM & hunc Crucifixum, cuius Cruci te quoq; configi oportet, ut vivas tu, jam non tu, sed vivat in te Christus. **B** A quo sensu, quàm longè adhuc absis, quàm parum tibi hæc norma Societatis IESU placeat. tu ipse in te agnosce, confundere, emenda, & labora ut tandem aliquando sentias in te ipso quod & in Christo IESU, utq; sis non tantum nomine, non sola protestatione, sed ipsamet executione verus Socius IESU. & geminum mancipium Societatis IESU. **C**





## CONSIDERATIO IV:

## Religiosus est mancipium Religionis, propter institutionem &amp; curam Religionis



**T**ritum & decantatum est inter Sapientes illud Axioma, quod Præceptores atq; Magistri nostri efficiantur nobis veluti quidam parentes: & quidem tanto potiori jure, quanto efformatio & educatio animi nostri præstantior est efformatione & educatione corporis: Parentes enim nostri dant nobis tantum ut simus, at verò Institutores faciunt, ut benè, & boni simus: melius est autem bonum & benè esse, quam simpliciter tantum esse, quo fit, ut maius sit beneficium Instituentium nostros animos, quam generantium corpora. Quòd si Parentes, ob id quia Parentes sunt, efficiuntur Domini filiorum suorum, filiiq; illorum subduntur illis jure mancipiorum, consequens est, ut etiam Institutores nostri suo quodam jure fiant Domini nostri nos autem illorum mancipia, & quidem non ratione corporum ut parentibus, sed ratione animorum, & illorum cultoribus, atq; efformatoribus. Hinc Sapientes rectissime judicarunt Parentibus ac Præceptoribus parem gratiam referri nunquam posse: hinc etiam rectissime laudatus est omni sequenti ætate, qui cum Præceptori suo mercedis loco quid daret non haberet, seipsum in mancipium obtulit.

2. Religionem esse Magistram Religiosorum, & Institutricem animi illorum, non est quod multis probetur: Satis enim superque liquet Religionem esse scholam, esse Palæstram, esse Exercitationis in moribus & omni recta sapientiâ locum & theatrum: esse Magistram & Doctrinem, animarum, mentiumq; omnium eorum, quos ad se se recipit, sibi que aggregat: ut meritò absq; ulla controversia vocari, & reputari inter informatores & informatrices animorum possit.

3. Id quod sine dubio accrescat longè sublimius, si attendere voluerint Religiosi ad institutionis genus, in quo animos eorū Religio perficit & excolit. Institutio Religiosa

est super omnes alias institutiones, etiam eas quæ in Christianâ lege ac perfectione inveniri possunt: quia non solum ad honestè, non solum ad Christianè, sed ad perfectè sanctè vivendum, atq; in heroico quovis virtutis ac perfectionis gradu excellendum nos instruit, & à primis usq; incunabulis atq; rudimentis, ad ultimos sanctitatis vertices nos manu ducit: nec prius ab hac institutione nostri desistit, donec nos ad perfectam IESU Christi imaginem efformatos, ad cœlestis usq; beatitudinis possessionem deducat. Et quis non huic Magistræ se se obligatissimum hoc nomine lubens agnoscat? quis non fatebitur sibi ab unius Religionis institutione plus advenisse boni, quam non dico aliunde consequi, sed vel sperare, vel cogitare potuisset? Et adhuc hoc institutionis nomine Religionis suæ Religiosus, non omni jure obligatissimus erit? adhucnè in ejus possessionem, libens lubensq; sive jure mancipij, sive quolibet alio non cedit?

4. Quid vero erit, si cogitaverimus hanc Institutionem Religionis, quam illa Religiosis adhibet longè Religioni laboriosiorē, difficilioremq; esse, quam ulli puerorum institutori advenire solet. Nam institutoribus ac Magistris aliis adveniunt discipuli rudes quidem illi, & quandoq; non multum per ætatem disciplinæ capaces: tales tamen, qui malis & institutioni à Magistris capiendæ contrariis artibus nullo modo imbuti sunt, sed integros animos tanquam tabulas rasas afferunt. At verò Religiosæ Magistræ non tales adveniunt discipuli, adveniunt nempe animi, non solum inculti, sed etiam malè culti, malis artibus non tincti, sed planè imbuti ac insuefacti, moribus depravatis affectibus efferatis, intellectu perverso, voluntate non quidē semper malitiosâ, sed sæpè tamen ob consuetudines malas, ad bonum difficili, ad malum promptissimâ. Iam si pueros rudes mali perinde ac boni ignaros docere tantus labor est, adultos jam non minus ætate, quam pravitate, quantus erit labor, non



non tantum docere, sed etiam dedocere? & docere quidem ea à quibus & natura abhorret, & consuetudo opposita abducit, dedocere autem ad quæ naturæ corruptæ pondere rapiuntur, & ad quæ consuetudine inolitâ trahuntur. Ut interim omittam alia, quæ in hoc magisterii, disciplinæq; genere, difficultates pariunt non minimas & verò plurimas. Hoc quod jam retuli satis est ad probandum ob id tam difficilis tamq; laboriosa disciplinæ genus quod Religio in suis Religiosis efformandis devorat efficere ut Religiosi Religioni nihil non debeant, nulloq; non jure eius sint, ac proinde etiam mancipia evadant.

5. Accedit, quod hic Religionis labor circa Religiosos suos non est unius alicujus brevioris temporis, sed vitam prorsus obtinet universam, ita ut dum Religiosus vivit tamdiu circa ejus culturam à Religione laboretur, & quandoq; circa unius efformationem sapius idem labor repetitur devoretur.

6. Accedit adhuc, quod hæc institutio quæ Religiosum suum efformat, sit sumptibus ipsiusmet Religionis ac impensis, ita ut nullum omnino sumptum tam à Religioso, quam ab ullo alio expectet Religio, sed ipsa totum impensarum sumptum impediret, summâ vigilantia, charitate, industria, ne

quid necessariorum Religiosis desit, ob quod minus ij tractabiles ac dociles, disciplina- tiq; evadant provideat. Et quid quæso non debeat tali Religioni Religiosus? quo jure illi non obligabitur? quo subjectionis illi genere non subdetur.

A 7. Hæc omnia jam dicta sunt, ubi expendis, confer cum Societatis Religione, tu quis Societatis huius Religiosus es, & dispi- ce quàm graphicè hæc omnia, plenius etiam atq; liberalius, quam exposita hic sunt, in Societate reperiantur, tibiq; à Societate tam accuratè, tanta industria, tantis sumptibus, tantò tempore, tantis laboribus impendantur.

B 8. His expensis, jam tandem vide, quæ tuæ sunt erga hanc Societatem partes, an & quomodo, & quo jure illi sis obligatus, an merito mancipium eius es. an illi ejus in te formando, laborem, industriam, charitatè, sumptum dignè repensurus sis: non merito dices Societati, quod olim Thobias Raphaeli? Si me ipsum tradidero tibi in servum, nõ ero condignus providentiæ tuæ. Vide ergo & apud te firmissimè statue Societatis tuæ mancipium & esse & te agnoscere, & deniq; te tanquam ejus mancipium gerere: illique mancipii obsequio devotum & addictum esse.



## CONSIDERATIO V.

Religiosus est mancipium Religionis propter Vota Religiosa.



I. Votorum & promissionum omnium ea est natura, ut eum qui illa facit, ei cui illa facit subjectum & debitorem, & obligatum, & veluti subditum servumq; faciant, idq; tamdiu, quamdiu id quod Votum & promissum est, non expletur. Neq; alia est Votorum Religiosorum conditio, quæ sunt tum Deo in Religione, tum Religioni ipsi propter Deum. quò fit, ut quisquis Vota Religiosa emittit in Religione quapiam, per

hoc ipsum Religiosus evadat, Religionisq; & membrum & subditus mancipiumq; fiat. Vota enim sicut substantiam Religionis constituent, ita eadem Religiosum faciunt, & per consequens Religioni ipsi, ut membrum corpori incorporant. Constat verò nullâ esse in rebus humanis servitutem majorem, & pleniorè, quàm est membrorum in corpore, partiumq; in toto, ut proinde nullum possit esse ulli dubium, quod Religiosus, servus Religionis plenissimo jure per Votorum emissionem efficiatur.

2. Quod quidem longè clariùs elucescet ex



ex Votis in particulari consideratis. Ac primum Votum paupertatis luculenter id demonstrat: hoc enim voto Religiosus ablegat à se omnem rerum externarum curam, possessionem, dispositionem independentem, dominium denique omne, ipsas quoque res & spes propter Deum, quo fit ut nullius omnino rei sit Dominus, nullam rem habere, nullam usurpare, de nulla possit disponere pro suo arbitratu: inde etiam fit, ut si aliquam rem habet, eam ut non suam habere debeat, sed ut ad usum tantum sibi concessam à Communitate ac Superiore, cui liberum sit eam rem cum visum fuerit auferre eidem & alteri tradere. Inde fit etiam ut quicquid acquirat Religiosus non sibi, sed Religioni acquirat &c. quæ omnia cui dubium esse potest, quin servitutem & statum mancipij redolent. Hoc enim proprium est mancipiorum, nihil habere suum, sed totum Domini illius cujus mancipium est. Immo verò si rectè consideremus vix ullum genus mancipii inter homines reperiri tantum & tam strictum potest, ut est in Religioso respectu Religionis. Nullus enim Dominus mancipium suum ita nudatum ab omnibus rebus, possessionibus dominiisque desiderat ac supponit, quomodo Religio à Religioso suo requirit: quippe nullus Dominus exigit à servo, ut non tantum nihil habeat, sed etiam ut voluntatem habendi à se amoveat, eamque amotionem ut etiam Voto, & eo quidem solemniter ac insuper etiam æterno coram cælo & terrâ confirmet, quod omnis Religio à Religioso requirit, & usque adeo requirit, ut nisi id faciat, nisi factum exactissime deinceps tota vita sua exequatur, eum Religio non sit inter suos numeratura, sed de gremio suo tanquam proprietarium, infidelitatis, sacrilegii, avaritiæ, ac furti, rapinæque reum, quam longissime ablegatura. Itaque ut in compendium colligam. Religio exigit à Religioso ut nihil habeat proprium. nihil sine permisso. nihil quod Religio cum libet non possit auferre, nihil aut velit habere, nihil ut propter Votum possit, ut vilissima quæque velit & ambiat habere, speretque sibi à Religione non nisi vilissima offerenda. Et quis unquam istis conditionibus mancipium fuit: quibus apud Religionem Religiosus est propter Dei placitum, propter IESU Christi exemplum, propter animæ suæ salutem.

3. Iam ad Votum Castitatis quod attinet: etsi id Votum, videatur Religiosum à servi-

lissimo voluptatum omnium licitarum, illicitarumque iugo eximere: tamen hoc ita præstat, ut nihilominus aliud quoddam, divini-  
oris quidem, simul tamen etiam severioris, servitutis genus homini Religioso inducat. Cuius rei hoc est manifestum indicium, quod Religiosus Voto Castitatis obligatus, sui corporis omnino nullam potestatem habeat, sed totus quantus est, alienus omnino est: neque verò alienus tantum, sed etiam planè mortuus. Et quamvis hoc sit adeo magnum, adeoque ad mancipii conditionem Religioso imponendam validum, ut per se se patet, tamen aliud aliquid addit insuper Castitas: nempe severitatem in continendo atque castigando corpore: Proficitur enim Castitas Religiosa, non tantum abstinentionem à voluptatibus quibuslibet, sed etiam mortificationem & cruciatum, & crucifixionem corporis cum omnibus membris, cum omnibus sensibus, cum omnibus desideriis, & appetitionibus illius: ita ut nullum mancipium, tam durè, tam serviliter, tamque hostiliter tractetur à suo Hero vel Tyranno, sicut caro propria à Religioso juxta Religionis instituta tractari & debet & solet. Quis enim Tyrannus mancipium suum adigit ad hoc, ut non solum abstineat ab usu, v.g. voluptatum, sed etiam & ut à voluntate, à desiderio, à cogitatione, earum abhorreat, & ita quidem abhorreat, ut inter sacrilegia reputet, vel de illis cogitasse, vel ad illas adspirasse. Quod tamen totum Religio à Religioso exigit, & exigit ita, ut ad desideria ipsa expellenda, cruciatum afflictionemque carnis & passionum injungat, totumque hoc negotium Voto insuper Castitatis perpetuo confirmet ac stabiliat.

4. Porro ex omnibus Votis per nullum magis verè atque propriè Religiosus efficitur mancipium Religionis, atque per obedientiæ Votum. Obedientiæ quippe Religiosæ virtute homo, omni omnino libertate & arbitrio suo proprio exiit & expoliatur. Ita verò exiit ut nullum jus ad se se, habeat amplius habereve possit, nullo modo se, suave curare, nullà in re, nullà in occasione de semetipso proprià voluntate disponere, non se loco movere, non labori offerre, muneri subducere, non denique sui juris potestatisque etiam in minimâ re, in minimâ actione, in minimâ occasione esse possit, sed ubique & semper ab alieno arbitrio nutuque pendere teneatur. Quo quid ad mancipii conditionem possit addi sufficientius non video, & addit tamen



tamen Religiosus aliquid sanè quàm maximum Votum scilicet Obedientiæ, & id quidem perpetuum, & solemnitate etiam firmatum, per quod non tantum mancipium evadit Religionis, sed etiam evadit mancipium æternum, evadit sacrum mancipium, & in jumentum, in victimam, in Holocausti perfecti, perpetuique conditionem translatus.

5. Accedit his omnibus abrenunciatio famæ Voto Religiosæ Obedientiæ aliquomodo annexa. Religiosus enim dum per Votum Obedientiæ abrenunciat omni suæ libertati, sic abrenunciat, ut Religio operâ, viribus, talentis, industria, ætate, & omni eo quod Religiosus sive habet, sive est, possit pro arbitratu suo uti, ac disponere, etsi aliquando usus ille atque dispositio, connexam habeat humiliationem, contemptumque Religiosi, & non fiat absque diminutione illius honoris & famæ. Quod ipsum etiam videre est in pœnis quas Religio Religioso imponere potest pro culpis non culpis, pro defectibus ac caussis inculpabilibus, Religiosus autem eas cum omni modestia & humiliatione sustinere & perpeti tenetur. Similiter id ipsum patet in

eo, quod Religio potest Religiosum arceri ab his quæ illi privatim licita, utilia, honorifica, jucunda essent, è contra autem potest exponere his & applicare, quæ illi inutilia, probrosa, pudorem incutientia, aspera & periculosa esse possent, ad quæ tamen omnia Religiosus tenetur æquabili mente & prompta voluntate accurrere, perinde ac si nihil sentiret, ac si cadaver esset, aut statua sensu omni destituta. Quæ omnia evincunt Religionem esse Dominam Religiosi, & Religiosum esse mancipium eius.

6. Ex his considerationibus jam dispice. 1. An te id quod revera es mancipium Religionis agnoscas. 2. An te prout decet mancipium in Religione geras, an verò Dominus tibi videaris esse, & longè à conditionibus mancipii abesse: corriges deinceps errorem tuum, & conditionem hanc tuam mancipii, humanis fortè oculis vilem, & celestibus gratissimam & Christo simillimam, summè amabis in eaque tibi complacebis, & eam in omni occasione practicè ostendes atque exercebis.

## CONSIDERATIO VI.

Religiosus est mancipium Religionis, quia est ereptus de mancipio iniquitatis.



**E**st conditio tui omnis creaturæ tuæ & hominis cujuslibet, ut absque Domino esse non possit, sed tam est illi innatum servum esse, quam etiam innatum est, id quod est, esse, proinde hominem conari extra esse dominium alienum esse, nihil aliud est, quam conari hoc esse, quod nullo modo potest esse. Et quamvis homo libero arbitrio præditus sit, non ad hoc tamen præditus est, ut nulli subdit, sed ad hoc ut ei cui naturaliter & omni jure subditus est, etiam sponte sua atque ex libertatis suæ motu subdit, per hocque gra-

tus Domino suo sit: non subdit autem ei cui subditus esse non debet, & cujus subiectioni factus non est, quod ipsum etiam homini ad gratiam Domini sui faciat, ejusque benevolentiam ipsi conciliet: in justitia sanctitateque illum ambulare faciat.

2. Et hoc quidem ita esse debuit sicut dictum est, sed homo mobilitate & fragilitate suæ naturæ, oblitus eius legis qua creatus in libertatem fuit, & ipsam libertatem in injuriam sui convertit auctoris, & ei, cui ut libere serviret, libere servire recusavit, ei autem cuius se servituti libere negare debuerat libere se ad serviendum addixit. Bis improbus in Deum: nam & subduxit se illi per injuriam cujus erat per naturam, & illi se subjecit ad auctoris injuriam, cujus non erat per ejusdem



eiusdem auctoris gratiam. Sic ergo homo ille, qui mite Domini sui jugum effugere, Diabolicum acceptando, voluit, diabolicū quidem sibi superinduxit ad culpam, Divinum autem nequaquam evasit ad pœnam. Itaq; & divinum non excussit quod voluit, & in diabolico captus ac perditus est, quod sponte delegit.

3 At sapientiam non vicit malitia, & cō filiū Domini ex malis elicuit bona meliora, quā si non fuissent ulla mala commissa. Servientem hominem diabolo, miseratus, & savientem in hominem diabolum indignatus, misericors Deus, in sapientiā suā reperit, quomodo & savitiam diaboli ab homine excluderet, & hominem male diabolo servientem ad benē sibi serviendum adduceret. Assumpsit hominem, factus homo, inimicū diabolum debellavit, jugum peccati contrivit, mortis imperium evertit, à servitute diaboli hominem eripuit, sed non jam ut ante libertati suæ reliquit; verum illico servum suum mancipiumq; fecit: ut homo qui servus fuerat injustitiæ, jam serviret deinceps Iustitiæ, & qui ante exhibuerat membra sua arma injustitiæ ad iniquitatem, postmodum exhiberet eadem arma iustitiæ ad pietatem.

4 Et hæc est lex Christi, quā oportet omnem hominem servire Christo, sicut antea servierat Diabolo servire gratiæ, sicut antea servierat peccato. Servire iustitiæ, sicut antea servierat injustitiæ. Sed neq; istud planē ad Votum successit Deo: etiam inter Christianos reperire est, utinam non plurimos, qui intrant latam semitam ducentem ad interitum & mortem, qui post agnitam viam iustitiæ, redeunt retrorsum corde in Ægyptum ad compedes diaboli, ad fœdera mortis, ad servitutem peccati. Quanti talium sint greges, nihil attinet dicere, quando manibus ipsis palpamus vix inveniri fidem in terra, re-frixisseq; charitatem nimis multorum.

5 Quid igitur facit veritas, quid sapientia excogitat? Ecce instituit Religiones, suscitavit piorum ordines, ad quos segregat à quatuor ventis electos, & eos in eis collocat atq; centuriat, & Sacramentis Votorum ad serviendum sibi adigit, mancipiaq; sua, ex diaboli mancipiis facit: & liberam eorum, illam sat dubiæ fidei, fluctuantisq; constantiæ voluntatem, necessitatibus Votorum vinculis, sibi suoq; servitio in æternum devinctam & obnoxiam facit, ut ita ij, qui fuerāt servi peccati, iræ filii, damnationis diaboli-

cæ hæredes atq; mancipia, jam ex his omnibus liberati & absoluti, in novam aliam, transferrentur servitutem sanctitatis, in vitam gratiæ, in salutis hæreditatem, fierentq; subditi & mancipia beatæ servitutis, & sempiternæ beatitudinis. Atq; hoc est & non aliud quod replet Ordines Religiosos, hoc est quod domos & cænobia regularium frequentat, hoc est, quod regulares in Ecclesia multiplicat, atq; etiam (quæ Dei gratia singularis est) multiplicando in lætitiā & laude magnificat, non per aliud utiq; ullum miserationis suæ Divinæ genus, quā per hoc, quia ex mancipiis impietatis facit mancipia sanctitatis: & vocat non plebem suam, plebem suam, & misericordiam non consecutam, misericordiam consecutam.

6 Id quod totum in Religionibus cum faciat. ideo omnes qui Religionem ineunt, quem proximē dixi finem, vocat, Religioni ipsi æternū devovet atq; mancipat, adeo ut non aliter servis suis adnumerentur, nisi per Religionem, seu per Religionis professionem: & rursus non aliter Religionibus inferantur, nisi per Divinam servitutem sicq; fit ut Religiosi fiant simul servi Dei & mancipia Religionis, ad quod meritō illos induci, vel hoc unum luculentissimo argumento est, quia qui à Deo ab inextricabili servitute diaboli misericorditer eruuntur, iustissimum est, ut eiusdem Dei servitute (quæ est Religio) irrefragabiliter, immutabiliterq; innodentur. Iustē enim optimo Domino in æternum servus est, qui ab improbiſſimi Tyranni æternā servitute misericorditer ereptus est.

7. Hic tu te ipse convenias in tuā ipsius conscientia Religioſe, recogita annos tuos & vide, quā qualemq; in illa tua primā & vanā conversatione huius vitæ atq; seculi servitutem servieris? defueritne aliqua servitutis species in illo statu tuo? potuitne ad calamitatem tuam accedere aliquid ampliū? Supereratne spes libertatis tuæ apud te? & quid dico spes? supereratne vel voluntas liberationis? An non potiūs ita velle ipsum, tuum captivaverat sibi inimicus, & catenam tibi ex eo fecerat, ut ad libertatis non tantū non aspirares; sed etiam horreret nomen, amaresq; infelix malum tuum, scilicet peccatum & peccandi licentiosam necessitatem, timeres autem & omni conatu fugeres omnem à peccato desistendi voluntatem & cogitationem? Hoc si ita fuisse tu ipse testis es;



es; Iam vide quibus te miserationibus præ-  
venit Deus, qui te vocavit in hoc admirabi-  
le lumen suum, & transtulit in Regnum Fi-  
lii sui, & collocavit super petram Religiosi  
status pedes tuos, & facit te mancipium ser-  
vitudinis suæ, hoc est, Societatis istius suæ san-  
ctæ. Vide quomodo æstimes hactenus grati-

am Dei, quomodo in vacuum illam non ac-  
ceperis, quomodo afferas fructum Deo, fru-  
ctum sanctitatis, justitiæ, perfectionis, obse-  
quij, gratiarum actionis. Age, fac tandem,  
& te mancipium istius modi esse gaude, fru-  
ctumq; mancipatus tui apporta.

## CONSIDERATIO VII.

### Religioso honestum est, esse Religionis mancipium.



**I.** Servi & mancipij no-  
men ex se se & commu-  
ni hominum acceptio-  
ne, abjectum & igno-  
miniosum quiddam ef-  
fe videtur: & siquidem  
de servitute qua servitur hominibus ex ne-  
cessitate, & conditione status, ex fortunæ ini-  
quitate, sermo fit, non multum vellem re-  
pugnare, sit sanè ita, & vulgo esse creditur.  
Cæterum servitus quæ Deo, & Religioni pro-  
pter Deum impenditur, longè aliter se habet  
ac proinde & longè aliter de ea sentiendum  
est.

2. Nam imprimis vulgare dictum est ex  
S. Augustino desumptum: Servire Deo re-  
gnare est, quod si verum est (ut verum esse  
communis approbatio & usurpatio facit)  
tam honorificum erit servum Dei esse, quam  
honestum est Regem esse: quod honestum ef-  
fe, nemo dubitat. Quod autem hoc Augu-  
stini dictum sit veritati consonum, tam cer-  
tum est, quam quid certissimum. Regnat  
qui servit Deo: hoc qui nescit: apparet quod  
Dei servus non sit. nam si serviret, regnare  
se experiretur: ac proinde dicti veritatem  
sciret & fateretur. Regnat ergo qui Deo  
servit, quia nulli subest, qui Deo subest,  
qui autem nulli subest, hic sanè, vel  
Rex, vel amplius aliquid à Rege est quod  
nulli subest, qui Deo subest, patet quia  
supra omnia est, solaq; voluntate Dei inferi-  
or est. nam si aliquam rem aliam præter De-  
um & ejus voluntatem haberet supra se, jam

res illa ei imperaret, & sic ille non solius  
Dei servus esset: quod si non solius Dei ser-  
vus esset, Dei servus non esset: fieri enim nõ  
potest, ut quis & Deo, & alicui rei præter  
Deum non propter Deum serviat: nemo enim  
potest duobus Dominis servire teste veritate.  
duobus autem serviret, si quis & Deo & ali-  
cui rei serviret. Itaq; servus Dei, solius est  
Dei servus, aliarum rerum nulla ei potest im-  
perare, ac proinde servus Dei ab omnibus  
rebus aliis est liber, & nulli subest, conse-  
quenterq; rex est. Et quidem Rex omni Re-  
ge major: quia nullam rem timet, nulli sub-  
est, nullam cupit, de nulla dolet, nulla caret;  
sed Deus & voluntas Dei omnium illi rerum  
ad instar est, atq; ita qui Deo servit, regnat.

3. Huc accedit aliquid etiam amplius  
quam Regem, esse Dei servum, quid verò il-  
lud? Ajo eum Omnipotentem esse: Qui e-  
nim servit Deo, omnipotens est, & omnia  
potest; quid enim non potest, qui omni-  
potentem Dei voluntatem suam facit volunta-  
tem? facit autem, quia ejus servus est, per  
hoc enim servus Dei est, quia voluntas Dei  
voluntas ipsius est. Cum ergo servi Dei vo-  
luntas eadem sit quæ & Dei, & voluntate sua  
Deus sit Omnipotens, sequitur servum Dei  
ab hac eadem voluntate effici omnipoten-  
tem. Est igitur Omnipotens, ac proinde  
plus quam Rex. Iam age homo, dic, velisne  
Omnipotens esse? si vis? servus esto Dei, &  
Omnipotens eris: adeo quidem ut ausim  
dicere te etiam imperaturum Deo: Nam  
qui servus est Dei, hic etiam est Dominus vo-  
luntatis Dei, & voluntas Dei facit se ancillam  
servi



servi sui. non sunt hæc verba mea, sed ipsius Spiritus Sancti qui scrutatur etiam profunda Dei. hic enim ait: quod Deus voluntatem timentium se faciet, hoc est, Deus & voluntas Dei, voluntati servorum suorum obediens ac proinde serviet. En quomodo servus Dei omnipotens, en quomodo servire Deo regnare est, en quomodo servire Deo, regnare est Deo, & non solum Omnipotentem, sed etiam supra omnipotentem esse. Quo quid honestius?

4. Sed dices, quid hoc ad causam? servire Deo honestum esse, quis ambigit? servire Religioni honestum esse, id tadem quaeritur? At enim etiam servire Religioni & mancipium esse Religionis æquè honestum, immo eadem honestas est, quæ & servire Deo. Amplius pro hac re nihil dicam, nisi illud quod servire Deo regnare est, Religiosum esse, seu quod idem est Religioni servire, Deo servire est, igitur Religionis servum esse est regnare. Honestissimum ergo est Religiosum esse, & Religionis servum seu mancipium esse. Quis enim quæso servit Deo, si Religiosus non? Et quæ aut ubi servitus Dei est, si Religio & in Religione non est? ergo & qui servit Religioni, servit Deo, & qui servit Religioni, Rex est: quod honestissimum esse, extra controversiam est. Nemo igitur vilem se statum subijisse putet, quando se mancipium Religionis factum audit; per hoc enim Rex, & plus quam Rex factus est, si modo se esse noverit id, quod revera est.

5. Totam hanc veritatem stabilire simul & illustrare possumus, ex eo, quod Religiosi status naturæ sit, non solum servum Dei, mancipiumque facere Religiosum: sed etiam ita facere, ut nemo (in hac quidem vitâ, nâ de Beatâ interim nihil loquor, in quâ Beati perfectius longè mancipia Dei sunt) ex omnibus hominibus plenius ac perfectius servus Dei fiat, quam Religiosus efficitur. Hujus rei illud sit firmamentum, quod experientia nos doceat ex Mysteriis fidei hausta, illos qui aliquo peculiari modo ad excellentem cum Deo conjunctionem divinitus vocati sunt, nullo alio magis familiari proprioque nomine, tam à se ipsis, quam à Deo ipso solitos fuisse appellari, quam servorum mancipiorum, ancillarum. Missa faciamus mino-

ris notæ exempla. Attendamus extra controversiam posita. Quis propius accessit ad Deum quam Christus? quis propius attigit Deum, quam Christi Mater MARIA? & tamē & ille condignissimè servus, & ista decentissimè ancilla Domini vocata exstitit. Neque quisquam dicet ullam aliam creaturam præter jam dictas duas (Christi & Mariæ) verius dictas fuisse, dicivè debuisse ac potuisse servum vel ancillam, ut Iesum & Mariam, seu fuisse, seu dici potuisse extra omnem controversiam est. Quin potius hæc duo exempla attendens & expendens, colligò Deo id moris semper fuisse & esse, ut quantò quem ad magis secreta intimaque sua obsequia eligit & advocat, tanti illum speciali ratione & affectu servum vel ancillam quasi honoris causa indiget & appellet. Ita ut apud Deum, esse ejus servum esse ancillam, esse mancipium, esse jumentum, supra omnes alios titulos sit, quos Deus creaturæ rationali conferre consuevit.

6. Iam igitur agnosce ô Religiose, num aliquid de tuo honore detrahat, quod Dei servus, quod Religionis mancipium nuncuperis, an potius tu per id summopere exalteris usque ad consortium titularum, Iesu Christi & Pretiosissimæ ejus Matri summè dilectorum, summèque propriorum? atque ex hoc discere non erubescere, nec refugere servitium Christi mancipiumque Religionis ejus, sed potius id tibi summo honori laudique ducere, cū id sit verè honestissimum atque laudatissimū. Quamobrem noli erubescere servire, & servum te gerere Religionis, noli refugere mancipium ejus esse. Immo verò parum tibi sit non id erubescere, si sapias, etiam gloriari debes & exultare, quod sis servus mancipiumque Religionis, cum per hoc ipsum sis nobilissimo modo servus mancipiumque Dei: quod esse, est Regem, est plus quam Regem, & planè Omnipotentem esse. Talibus quisquis dictaminibus in Religione vivit, quisquis tali spiritu regitur, is demum Religiosus est, is demum Religionem sapit, qui autem talē spiritum non habet, is spiritum Christi non habet: qui verò spiritum Christi non habet, hic non est ejus, quod an in te quisquis es quadrare velis: tu tamen delibera, tua enim res est quæ agitur,

CON.



# CONSIDERATIO VIII.

Religioso esse mancipium Religionis, est  
Beatitudo quædam.

I.  N Religioso, mancipatu atq; servitute, quam Religioni homo servit, non tantum nihil inest probri aut miseræ, quæ vulgò servituti inesse putatur; sed etiam summa inest honestas atq; beatitudinis propè illius celestis participatio: qua quidem re felicius esse nihil, omnibus in confesso est. An verò hoc ita sit, expendendum est.

2. Inter Beatitudinis æternæ reliquas conditiones sanè felicissimas & optatissimas, est etiam necessitas quædam, quæ Beatos cogit ad amandum Deum, ad fruendum ipso, ad inharendum ipsi eiusq; voluntati, & ita cogit, ut Beati non possint non amare, non frui, non inhærere Deo, eiusq; voluntati, usque in æternum: quo fit ut beati securissimi sint semper de illo suo felicissimo statu: per hancq; securitatem, eorum Beatitudo completur, alioqui nisi securi essent, beati non essent, porro securi sunt, quia necessarii se ad inharendum Deo agnoscunt quæ inhærentia beatitudo est. Atq; ita necessitas illa dulcissima est illis, & honestissima: Quæ necessitas cum sit servitus quædam Beatorum, servitus tamen illa an non sit super omnes alias libertates, immo an sit suprema quædam libertas nihil attinet dicere, sed attinet multum expendere. Certè Augustinus non absurdè dixit de hac servitute ac necessitate: Felix necessitas quæ ad meliora compellit quâquam hæc non ad meliora, sed ad summè bona compellere cognoscitur. Mihi hoc interim sufficit ex dictis collegisse, Beatos suâ illa necessitate servos esse, eademq; necessitate beatos esse: consequenterq; necessitatem ac servitutem illorum, simul etiam beatitudinem esse: ac proinde in servitute Beatitudinem inventi, non inter absurdè, sed inter verè dicta reponendum esse.

3. Iam id ad Religiosa mancipia transferamus. Religiosus est mancipium Religionis: & est per hoc, quod per Vota Religioso

statui substantialia, se se Religionis obligaverit ac illigaverit: idq; idè ut illo suo Religioso statu, tanquam statu Divinæ servitutis, in æternum assumpto, in æternum etiam Dei servus evaderet. Religiosus ergo per Vota sua fit æternum mancipium Religiosi status, & per eadem fit etiam æternum Dei mancipium sive servus. Induit ergo necessitatem, quædam, æternum tam in Religioso statu, quam in servitij Divini conditione permanendi. Quæ necessitas æternum Deo serviendi, nil est aliud quàm necessitas Deum amandi, Deo & eius voluntati inhærendi, eumq; laudandi: quàm necessitatem sequitur etiam securitas quædam, quæ Religiosus securus quodammodo redditur de sua in servitio Constantiâ ac perseverantia: si non quoad voluntatem, saltem tamen, quoad voluntatis obligationem: semper enim Religiosus votis obligatus sciet se teneri, voluntatemq; suam obligatam esse ad inharendum Deo, voluntatiq; Dei. Et licet aliquando experitur Religiosus se tentationibus à Diabolo, carne, mundo, semetipso, provenientibus retrahi ab hac inhærentia ad Deum, eiusq; voluntatem, tamen sub illas ipsas tentationes experitur idem Religiosus se suamq; voluntatem illa obligatione, illa necessitate, illa devotione teneri, & ad inharendum Deo, eiusq; voluntati cogi. Immo, etiam: quamvis aliquando Religiosus, re ipsa victas dat tentationibus manus, & à Dei voluntate voluntatē suam avertit, inhærereq; Deo desinit, tamen etiam tunc agnoscit illam in se, inq; suâ voluntate necessitatem, quâ inhærere Dei voluntati & adigebatur, & tunc etiam dum avertit, adigitur atq; obligatur. Tanta est illa & tam inexcussa unquam necessitas atq; obligatio servitutisq; ad inharendum Deo, eiusq; voluntati. In quo ut apparet ista necessitas Religiosa, multis modis similis est necessitati illi Beatorum. Nam facit inhærere Deo & eius voluntati, facit amare Deum & servire eidem, facit ut necessario inhæreat & serviat. facit ut non possit non servire. non inhære.



inherere saltem quoad obligationem inherendi & serviendi, facit securum Religiosum quod nunquam sit exuturus huius obligationis & necessitatis conditionem. Ac proinde hæc Religiosa servitus habet plurimam cum Beatorum statu similitudinem consequenterque etiam maximam tum honestatem, tum etiam utilitatem atque voluptatem.

4. Quod totum possum commodissime gravissima Doctoris Angelici autoritate comprobare, qui cum sibi ipse obieciſſet, non expedire homini, ut aliquid voveat Deo, & nominatim ut se Votis Religiosis obliget: eo quod Vota auferant libertatem, libertas vero sit donum divinitus homini collatum: quo privari non expedit, respondet in hunc modum: sicut non posse peccare, siue non posse à Deo recedere per charitatem non diminuit libertatem, ita necessitas firmata voluntatis in bonum, quod sit per vota non diminuit libertatem ut patet in Deo, qui peccare non potest, & in Beatis qui similiter nec peccare possunt, nec à Deo recedere. Tum deinde S. Doctor addit: Et talis est necessitas voti, similitudinem quandam habens cum confirmatione Beatorum: confirmatque dicto Augusti supra relato: Felix necessitas quæ ad meliora compellit.

5. Habet ergo servitus & necessitas Religiosa per vota contracta similitudinem non evem cum Beatorum necessitate & in bono confirmatione: habet & honestatem, quia ad bonum cogit scilicet ad inherendum Deo, quo nihil honestius habet etiam utilitatem propter eandem causam, quid enim utiliùs & iucundiùs quam Deo inherere & servire semper, nec posse non servire? habet & felicitatem, quia felicitas est magna, ad meliora cogi. Hoc enim estimatum esse non posse, sed bonum imò optimum esse debere, quòd nihil feliciùs.

6. His addi potest ejusdem Augustini dictum illud celebre de libertate. Prima libertas est, posse non peccare. 2da. libertas est non posse peccare. illa est huius vitæ, hæc futuræ illa periculosa, & ideo misera. hæc secunda, & ideo vera. Non posse enim peccare, hoc idem est quod non posse malum & miserum esse; non posse malum ac miserum esse, est non posse creaturæ & voluntati creatæ contra Dei voluntatem servire, non pos-

se autem ita servire, summa libertas est. Quæ enim est major libertas quam ita liberum esse, ut non possis liber non esse, quam ita liberum esse, ut non possis illius servus esse? Non posse ergo peccare, & servitus est, & libertas est. Servitus quidem, quia sic servitur libertati & Dei voluntati; libertas vero quia nec peccato, nec creaturæ, nec propriæ servituti contra Dei voluntatem voluntati. Inter has duas libertates, est tertia media de utraq; priore participans. Et hæc est Religiosorum: quæ & potest peccare, quia adhuc in hac vita mortali Religiosi degunt, & non potest peccare, quia voluntatem suam ad serviendum Deo, non solum obligatam, habent communem creaturæ necessitate & obligatione, qua omnes eo solo, quòd creaturæ Dei sumus, illi servire obligamur, sed alia insuper longè sublimiori, à propria ipsorum voluntate ac libertate, in eandem voluntatem libertatemque per voti vinculum, inducta: quæ ita se ad serviendum Deo obligant, ut non possint non habere obligatam voluntatem, atque ita voluntas & libertas eorum, nonnulla ex parte acquisivit illam secundam libertatem quæ est non posse peccare, non posse creaturæ, non posse voluntati creatæ etiam suæ propriæ contra Dei voluntatem servire, quod nihil aliud est, quam ut D. Thomas dicebat, similitudinem quandam cum confirmatione Beatorum habere.

7. O quam felix est hæc servitus Religiosorum, quam beata mancipiorum istorum conditio, quæ ante Beatitudinem, degustat beatitudinem, & in vita mutationibus obnoxia, acquirit immutabilitatem, & denique voluntatis suæ inconstantiam exuens, confirmatione illam in bono solidat, & felicissimam necessitate ad meliora, imò & ad optima semper cogit. Cogita hæc ô Religiose & altè ad animum demitte: servum te mancipiumque Religiosi tui status gaude. & ut fructus istos tui status percipias hac in vita, satage. ob idque nulli labori, nulli humiliatoni, nulli tolerantia, nulli difficultati parce. Memento felicissimam hanc esse servitutem quæ facit ut non possis non esse Dei servus: talis autem est Religiosa: hæc autem facit ut tam non possis non ad Dei servitium pertinere, quam non potes non Religiosus esse.

CON.



## CONSIDERATIO IX.

Religiosus est mancipium Religionis, quia ex mera commiseratione Religionis super illum, receptus est à Religione ad serviendum Religioni.

I. **B**eneficiorum ea est vis & natura, ut eū qui ea accipit, ei à quo accipit servum faciant, & quasi vin-  
ctum in potestatem ejus tradant. Id a-

deo verum est, ut hoc etiam communi omnium gentium sermone atq; sensu usurpetur assidue, quod quidem veritatis est manifestissimum indicium. Quod enim omnes gentes sentiunt falsum esse & erroneum non potest, cum omnium gentium consensus, rationis atq; adeo Dei ipsius sensus & putetur esse. & re ipsa omnino sit.

2. Et omnium quidem est hæc vis beneficiorum: præcipue tamen illorum quæ conferuntur in eos, qui beneficiorum indigentissimi fuerunt, conferuntur autem ab eis, quos nihil aliud ad benefaciendū movit, præter ipsam indigentiam, miseriamq; accipientium. Talia enim beneficia, accipientibus illa, sunt compedum instar, sunt instar vinculorum servitutis ac mancipii jus in eos inducentium, obnoxiosq; benefactoribus per omnia facientium. Id quod etiam tum res ipsa, tum usus sensusq; communis hominum omnium ab omni ætate comprobavit, ut in eo explicando immorari necesse non sit.

3. Deus certe Dominus hoc ex fonte, copiosissime ac efficacissime passim in scripturis sacris exigit servitia & obedientiam, & cultum & amorem ab hominibus. quod eos infinitis ornaverit beneficiis, & quidem tunc cum ipsi essent miserrimi: tale illud est, ut unum de multis locum adducam considerandum. Ezech, 16. 3. Hæc dicit Dominus Deus Ierusalem: Radix tua & generatio tua de terrâ Chanaan, pater tuus Amorrhæus, & mater tua Cethæa, & quando nata es in die ortus tui non est præcisus, umbilicus tuus, & aqua non est lota in salutem, nec sale sali-

ta, nec involuta pannis, non pepercit tibi oculus ut faceret tibi unum de his, miserrus tui: sed projecta es super faciem terræ in abjectione animæ tuæ, in die qua nata es. Trāsiens autem per te vidi te conculcari, in sanguine tuo vive. dixi inquam tibi: in sanguine tuo vive. Multiplicatam quasi germen agri dedi te, & multiplicata es, & grandis effecta, & ingressa es, & pervenisti ad mundum muliebrem, ubera tua intumuerunt & pilus tuus germinavit, & eras nuda & confusione plena, &c. Et juravi tibi, & ingressus sum pactum tecum (ait Dominus,) & facta es mihi. Et lavi te aqua, & emundavi sanguinem tuum ex te, & unxi te oleo. Et vesti vi te discoloribus, & calceavi te ianthino &c. & quæ sequuntur fuscæ à Spiritu Sancto ibidem proposita, quibus Deus evincit aliud nihil, quam sibi post tot, tanta, tam miseræ conditionis populo à se exhibita beneficia, debitissimam omni jure fuisse servitutem.

4. Qui quidem sensus etiam in Religione qualibet, respectu Religiosi hominis cujuslibet esse potest, meritoq; iidem omnino quibus Deus Hierosolymam, Religio quemvis Religiosum suum verbis affari, eandem indigentiam, cuius ex nobis commemorare, eadem sua in unumquemq; nostrum beneficia Religionis in nos fateri, & nostram Religionem debitam obsequetiam testari, & eidem eandem plusquam servili jure atq; conditione impedere debemus. Quid enim aut earum miseriarum defuit in nobis, quæ locò citato in personâ Hierusalem recensentur, aut eorum beneficiorum abfuit erga nos in Religione (& mediante Religione in Deo) quæ ibidem collata esse in Hierosolymam, copiosissime enumerantur? nihil sanè defuit: si rectè expenderit, quare sicut olim, Deus ab Hierosolymâ, sic modo idem Deus, & post eum Religio iustissimo jure, pleni obsequii atq; servitutis officia ac studia à nobis



bis reposcere potest, nos verò non aliter quàm nos Dei Religionisq; servos gerere & appellare possumus & debemus.

5. Recordare Religiose status illius tui in quo te vel Vocatio Religiosa invenit, vel Religio recepit: atq; in sinum & gremium suū blanda veluti mater deposuit. Nonne radix tua & generatio tua de terra Chanaan. Nūquid in die ortus tui præcisus est umbilicus tuus, nunquid lotus es aqua in salutem. Nonne projectus jacuisti super faciem terræ in abiectione animæ tuæ? Nonne fuisti velut unus ex filiis prodigis? Nonne fuisti velut unus ex ovibus non semel perditis, ac à lupo raptis? Nonne fuisti velut unus ex naufragis quibus tabula vix superfuerit ad enatandum ne descenderent in profundum quasi navis? Nonne fuisti velut unus ex maleficis captis & damnatis ad Crucē atq; pœnam? Nonne fuisti velut unus ex debitoribus non habentibus unde redderent, & iussis venundari in extremam servitutem? Nonne fuisti velut unus ex non habentibus vestem nuptialem: & ligatis manibus ac pedibus missis in tenebras exteriores. Nonne fuisti velut unus ex eis quorum anima erepta est de laqueo venantium? Nonne fuisti quasi unus ex eis, quorum anima habitasset in inferno, nisi Dominus adjuvisset eos? Nonne fuisti unus ex infixis in limo profundi, & non fuit eis substantia? Talis eras, quisquis in seculo eras: antequam de seculo in claustrum translatus eras.

6. Religio quid fecit tibi? imò quid non fecit tibi, ne talis esses qualis eras. Nonne miserans tui suscepit te, & obviavit tibi, quasi mater honorificata; & expandit amictum suum super te. Nonne operuit ignominiam tuam? Nonne lavit te aqua, & emundavit sanguinem tuum ex te, & unxit te oleo? Nonne juravit tibi, & ingressa est pactum tecum: & factus es illi quasi in filiū & nutritus te cum filiis suis? Nonne vestivit te discoloribus, calceavit janthino, cinxit bysso, induit subtilibus? Nonne ornavit

te ornamento, & dedit armillas in manibus tuis, & torquem circa collum tuum. Nonne dedit super os tuū, & circulos auribus tuis, & coronam decoris in capite tuo? Nonne ornatus es auro & argēto, & vestitus es bysso, & polymito & multicoloribus. Similia & mel, & oleum comedisti, & decorus factus es nimis, & profecisti in Regnum: quia servire Deo, regnare est? Et quid potuit ultra facere tibi, mater tua sancta Religio, quod non fecit? omnia desiderabilia sua dedit tibi.

7. Tu autem quid debes Matri tuæ, Dominae tuæ, Misericordiae tuæ, Religioni tuæ? Nonne dices ei, quod olim Thobias junior, Raphaeli. *Tob 91* Religio Sancta, peto ut auscultes verba meæ: si me ipsum tradam tibi in servam non ero condignus providentia tuæ. Tamen obsecro te ut assumes me tibi in servitium, in mancipium, in jumentum, & servire me facias servitutem omnem tibi, & filiis tuis, Dominis meis, quorum non sum dignus calceamenta portare, nec lavare pedes eorum, nec lingere vestigia pedum eorum.

8. Attende Religiose & expende universa verba hæc: & quo te affectu præditum esse erga Religionem, quo te spiritu in Religione vivere oporteat adverte, quo spiritu vivas recole: quò deinceps victurus sis ibi propone. Audi verò Basilium Magnum docentem te, & ejus verba in ipso cordis tui fundo profundè insculpe. sic enim ait: (sermone de abdicatione seculi circa medium) cum vivo in animo tibi fixum stabiliveris, omnium te quotquot sunt mortalium esse contemptissimum, peccatisq; onustissimum & peregrinum ac vagum, & quem sola tantum miseratione adducti, ij qui priores te, se à seculi hujus curis avocarunt, sibi in Societatem adsciverint, studiosè operam dato, & omnium novissimus sis, ac omnium servus, quando ista una ratione veram tibi ac solidam gloriam paries. Hæc Basilus.



CON-



# CONSIDERATIO X.

## Mancipij Religiosi conditiones, ex man- cipij Civilis conditionibus petita.

**I.** **S**ive naturâ, sive fortunâ, sive arbitrio, quis mancipium fiat nihil refert: oportet eum nihilominus mancipij conditione ac jure vivere. Et Religiosus ergo quocunq; tandem nomine mancipium Religionis evadat, mancipij conditiones ut expleat, statusque istius sui semper meminerit opus est.

2. Harum conditionum Prima est: Honor & veneratio omnium fratrum: quos ideo honorare & venerari debet Religiosus: quia Domini ejus & benefactores sunt. Ille autem omnium servus. Et hoc intelligere atq; facere debet non tantum Prælatorum & Seniorum respectu, sed respectu omnium omnino, etiam rudissimorum, etiam recentissimorum, omnes enim illi filii sunt (sic persuasum habere debet Religiosus ex sua parte) solus ille servus & vile mancipium, omnium, propter serviendum omnibus, tam ante se in Religione viventibus, quam post se venturis admissum. Nullum ergo debet contemnere, nullum carpere, nullum lacerare, nullum judicare non verbo, non facto, non signo, non corde. sub omnibus esse debet, honore omnes prævenire, quia hoc mancipij conditio poscit.

3. Altera conditio est: Supportatio morum alienorum seu fratrum: Mancipium suffert, sustinet, devorat mores & morositates omnium sive Dominorum, sive filiorum, sive amicorum ac familiarium. Sint Domini discipuli, sint carnales, sint filii Dominorum insolentes, importuni, offensivi, vexantes, sine causâ servum, & percutientes servus tamen omnia suffert: (maximè quando servus ex charitate est, quia charitas patiens est & omnia sustinet) omnia excipit, omnia supportat, nemini malum pro malo reddit: Implet illud Apostoli Petri: servi obedite Dominis vestris, non tantum bonis &

modestis, sed etiam discolis. Hæc enim conditio servorum est.

4. Tertia conditio servi est: servitii exhibitio, nemo enim servum gratis servat, sed ut servitio ejus atq; obsequio utatur, & utatur in omnibus pro suo arbitratu: Ideo servus semper esse debet paratus, semper vigilans, ad omnem motum, nutum, jussionemque Domini: quodcumq; jubet, quidcumq; jubet, juxta illud Domini dictum: Beatus servus quem cum venerit Dominus, inveniet vigilantem, quam etiam ob rem Dominus servis præcipit. Sint lumbi vestri præcincti, & lucernæ ardentes in manibus vestris: alibi quoq; idem hortatur servos, ut sint parati, ut Dominus sive in 2da, sive in 3tia vigiliâ venienti & pulsanti, confestim aperiât. Religiosus ergo si mancipium se esse agnoscat, servire debet omnibus, qui domi sunt, & obsequia illis præstare, omniumq; necessitatibus deservire.

5. Quarta conditio est mancipii, vilissimo loco esse. hoc est vilissima agere & obire, vilissimè vestiri, vilissimè vesci, vilissimè habitare, vilissimè compellari, vilissimè tractari, vilissimè cubare, cum vilissimis versari. Non dantur mancipio optima, præstantissima, præcipua, sed ultima, postrema, & postremo. Non accumbunt mancipia primo loco ad mensam: sed primum Domini, filij Dominorum ac amici, tum quæ ab his relinquuntur arrosa, semesa, mutila, hæc mancipio obijciuntur. Quæ filii non planè lacerant, hæc mancipio in vestem & ornatum dantur. Et Religiosi mancipii hic est status unde illis dicitur in Regula Societatis. 25. Quisq; sibi persuadeat quod quæ vilissima erunt ex ijs quæ domi sunt ei tribuêtur. Hoc Spiritu P. Consalvus sylveria, cum omnibus fratribus ministrasset, ipse ultimus cum mancipio Ethiopico reliquias aridi & cibarii panis sumebat. Hic spiritus etiam in Evangelio à Christo est intimatus, Luca 17. 7. ubi Dominus sic ait: Qui vestrum habens servum arantem & pascensem, qui regresso de agro dicat illi:



illi: Statim transi, recumbe, & non dicat ei, para quod cenem, & præcinge te, & ministra mihi, donec manducem & bibam, & post hac tu manduca & bibes. Et quod Christus dicit de cibo, hoc sanè intelligere par est, de omni alio officio: in quo postremas esse mancipii partes nullus relictus est locus dubio. Quisquis ergo mancipium Religiosum est, hoc ei spiritu in Religiosâ domo vivendum est.

6. Quinta conditio mancipii est. Desperatio vel nonesperatio, mercedis, laudis, quietis, gratitudinis. Solvetur aliis merces ut operariis, præstabuntur beneficia & benevolentia signa ut amicis, recondentur opes & relinquentur hæreditates ut filiis, agentur gratia aliis ut bene meritis, & rectè officio functis, requies & solatium indulgebatur, ut indigentibus & fessis, mancipio nihil horum fiet: Testis est Christus Dominus in Evangelio loco proximè allato, ubi mox subdit v. 9. Nunquid gratiam habet servo illi, quia facit quæ ei imperaverat? non puto, & addit ad suos servos converso sermone Dominus IESUS: sic & vos, cum feceritis omnia quæ præcepta sunt vobis, dicite, servi inutiles sumus, quod debemus facere, fecimus. Audi hæc, Religiosum mancipium, & hunc spiritum imbebe: non sibi laborat mancipium, non sibi fatigatur, omnis labor mancipii, omnis industria, omnis fructus, non est mancipii sed Domini, quia si ipsūmet mancipium quantumcūq; est, totum Domini est, quanto magis ea quæ à mancipio fiunt. Si arbor Domini est, & fructus ejusdem erunt. Unde est Regula Iuris de Religiosis: Monachus quicquid acquirit, non sibi sed monasterio acquirit, & causa est, quia non suus, sed monasterii est.

7. Sexta conditio mancipii est: Humillimus domi status: per se id patet, quis enim domi mancipio vilior: vix jumentis præponitur, sæpè & postponitur. Nunquam mancipio venit in mentem primi loci & primarii status in domo. Nunquam cogitat (multo minùs desiderat) se fore domi aliquando primum, se fore domus Dominum & hæredem. Filii ista cogitant, ista sperant. Servus ad hæc aspirare non audet, incapax horum. sicut est ita, & sibi videtur. Suam hæreditatem semper fore conijcit, culinæ obsequia, stabuli ministeria, sordium purgamenta, omnia uno verbo servilia & vilissima. Hoc spiritu esse præditum debere Religiosum, mancipium nullus dubitat, nisi qui aut statum mancipii, aut se mancipium esse non cogitat.

8. Septima conditio mancipii est: Modestia in officio, diligentia, fides, æqualitas. Contingit enim quandoq; servum præponi filiis, & velut Pædagogum vel Procuratorem domus fieri, quomodo Iosephum Phutiphar in Ægypto universæ domui suæ præfecit. quomodo in Evangelio dicit Dominus: Quis putat fidelis servus & prudens, quem constituit Dominus super familiam suam, ut det illi in tempore tritici mensuram. Dum ergo hoc cōtingit, ut scilicet præficiatur à Domino servus familiæ Domini: non debet extolli, immo nec esse quasi unus ex eis, sed debet esse omnium servus, omnium necessitatibus in tempore, in mensura, in charitate, in benignitate de servire, omnes ut suos Dominos, Domini sui certè filios fovere, curare, educare, tractare, vestire, alloqui, honorare. Omnium infirmitatibus compati, & providere. omnium successibus adgaudere & gratulari, omnium securitati & indemnitati, prudenter, diligenter, fideliter plenè, modeste prospicere. Omnibus æqualem curam, habita indigentia cuiusq; ratione impendere. Servus familiæ præpositus si talis non fuerit, non inter fideles & prudentes, sed inter malos & nequam computabitur.

9. Octava conditio mancipii est. Perpetua status sui servilis memoria. Mancipium enim quicquid agit, patitur, iubetur, prohibetur, quicquid ei accidit, quicquid de eo fit, statuitur, in omnibus his, primam, adæquatam ultimam habet sive clausulam, sive satisfactionem, sive reminiscenciam, mancipium sum, ideo hæc eveniunt mihi, hæc præcipiuntur mihi, hæc exiguntur à me, ad ista adhibeor, hæc de me statuuntur. Hæc status memoria, mancipium solatur in duris, continet in officio, deijcit ad abjecta, timorem & reverentiam omnium docet, contentum omnibus facit, sufferre alienas omnes morositates cogit, omnibus subdit, patientem, humilem, modestum, taciturnum, observantem nutuum præstat. Quid enim præsumat, & quo se se non deijciat mancipium?

10. Has condiciones in se se dispiciat Religiosus omnis, quisquis mancipium se Religionis suæ agnoscit. Ad hanc limam & libellam exploret omnis Religiosus virtutem suam, spiritum suum, perfectionem suam, soliditatem, quot gradibus deficiet, tot sibi ad perfectionem mensuras deesse noverit. O si hic Spiritus inter Religiosas personas reflorescat, quàm longè alia esset facies communi-



munitatum Religiosarum. Sed tu qui hæc expendis à te ipso primum incipe, hunc spiritum imbibe, & eum tibi ubi satis superque

familiarem feceris, in aliis etiam propagare contende.

## CONSIDERATIO XI.

### Mancipij vita, à Religioso mancipio vitanda.

**I.** **R**espectis & considerationis virtutibus seu conditionibus boni mancipij, quas à Religioso etiam mancipio curari, haberi, & Dominæ ac Matrî suæ Religioni oportet exhiberi, utile est etiam vitia mancipijs inesse solita expendere, ut ab ipsâ Religiosum mancipium semper laboret abstinere, aut si quando animo ejus obrepant, se se studeat ab eis expellere.

2. Cum enim (ut etiam supra visum est) inter Religiosum & Politicum mancipium hoc intersit, quod huic quidem vel dura necessitas, vel misera fortuna, illi verò Deus & virtus & bona voluntas mancipij statum superinducat: inde efficitur primum, quod civili quidem mancipio status suus probro sit, & dedecori, Religioso è contra sit laudi & honori: adeò ut quantum illud ex statu suo, vulgo, abiicitur ab omnibus, efficitur præterea ut omne id quicquid in statu mancipij cum virtute & Dei placito conjunctum esse potest, id totum in mancipio Religioso inesse; è contra verò quicquid in eodem statu Dei, virtutisq; rectitudinis inimicum est, id totum à mancipio Religioso procul exulare debeat, quicquid interea sit de mancipijs Civilibus, quibus etsi vitia quoq; inesse non debeant, tamen fordida plerumq; conditio illa post se se trahere assolet.

3. Unum ergo ex vitiis mancipij est agere ferre servitutem suam, & odisse illam, & cupere excutere. Hoc vitium servis commune est, at Dei famulis, & propter Deum mancipij sortem in Religioso statu complexis, ante omnia exosum & proscriptum esse de-

bet. Absit mancipio Religioso, non odisse dico, sed displicere, sed onerosum esse, sed non summè amabilem pretiosum, æstimatūque esse statum suum. Quod amplius perdat Religiosus non habet qui amorem status sui perdidit. perdidit enim ut brevissime dicam, omnem Prædestinationis ac salutis suæ sciem, excidit à vitæ viâ, excidit à tessera æternæ beatitudinis, excidit ab eo statu & loco, in quo solo & non alio illum Dei voluntas, (cui soli est in statum vitæ nostræ plenum, jus & arbitrium, quæq; sola nobis legem, modum, locum, statum vivendi præscribere potest & nos dum cognoscimus, arripere tenemur, & tenere, & dimittere ullatenus sine præsentis certoq; damnationis periculo possumus) salvare ex plenitudine potestatis suæ Divinæ immutabiliter decrevit, Quare non amare vocationem suam tantum periculum est Religioso, quantum & periculum est non amare salutem suam. vocatio quippè est salutis medium necessarium, à Deo homini præscriptum, per hoc ipsum, quod homini in salutis medium sit ordinatum, quæ ordinatione, ex consilio transit homini in præceptum, ita ut ab eo medio nec ignoranter aberrare, nec scienter deflectere homini liceat, sine salutis certò periculò. Si enim medium est ad salutem à Deo ordinatum homini; sequitur quod absq; illo etiam ignoranter non adhibito, salus obtineri nequeat, perinde ut absq; viâ etiam is qui ignoranter deflectit, ad finem seu terminum pervenire non potest. Si verò est ad salutem tale medium in quo & non in alio Deus hominem salvare decrevit, sequitur quod tam obligatus sit homo medium istud inquirere amplecti & tenere. Constat verò ad id hominem esse sub præcepto obligatum, igitur constare debet, quod etiam necessi-



necessitate præcepti obligatus sit ad statum, seu vocationem suam inquirendam, amplectendam, tenendam, & deniq; amandam. Quare sicut peccat, qui salutem suam negligit, idè ut hoc solum ei ad damnationem æternam, etiam secluso omni alio per impossibile peccato sufficiat, ita etiam peccat qui medium ad salutem sibi ordinatum id est vocationem negligit: adè ut hic solus neglectus, ad perdendum eum satis sit etiam omni alio peccato secluso. Satis enim est ad damnationem deseruisse Dei voluntatem, & præsertim deseruisse in tali materia, qualis hæc est, Ratio nempe status & vocationis, quod idem est ac Ratio medii ad salutem à Deo ordinati, & ita quidem ordinati, quomodo ordinari statum certum est, nempe ut in hoc & non in alio statu hominem Deo salvare decreverit.

4. Et hoc quod in præsentì attuli, considerandum incumbit non solum ijs qui adhuc liberi à votis, Religiosam in se se vocationem agnoscunt, pari enim periculo quoad hoc expositi sunt: sicut pari planè modo tam devotis, quam nondum devotis medium ad salutem à Deo in vocatione Religiosâ positum & constitutum est. quare quisquis à Deo sibi datæ & ostensæ vocationis conscius est, ad eam amplectendam, & tenendam obligatus est. Obligatus inquam obligatione illa, quâ ad salutis suæ medium certum, necnon ad ipsam salutem suam obligatus est. Sed hæc exaggerare & expendere pluribus non est huius loci. Hæc dixerim, ut pateat quàm longè mancipium Religiosum ab hoc primo mancipiorum civilium vitio debeat abesse.

4. Alterum mancipij vitium est. Omnia ad oculum facere, metu pœnæ ad omnia duci & in omnibus perseverare, extra oculum, vel pœnam si ponatur, omnia vel planè negligere, vel certè neglectim & perfunctoriè expedire. Hoc malum à mancipio Religioso abesse longissimè vult tum ipse Religiosi animus quo spontaneo ad Religionem venit, tum ille ad Religiosorum omnium Dominus qui dixit: *Tollite iugum meum super vos, & invenietis requiem animabus vestris: iugum enim meum suave est, & onus meum leve.* Ut quid enim commendat iugum suum à suavitate, & onus à levitate, nisi ut persuadeat servis suis, non gemere sub onere, nec ab iugo refuge-re, sed potius alacriter, expeditè, suaviter illud portare, atq; in eo currere, ut pote quod leve est & suave. Ingenuum ergo manci-

pium esse debet Religiosus omnis, & filiali affectu servire, sponsali animo officium mancipij exequi. Servit enim filius, sed servit quia amat, servit sponsa sponso, servit amicus amico, sed quia amat, servit quia delectatur servire, servit quia præmii loco habet, quod sinatur ac jubeatur servire, servit qui a pœna illius esset, & iræ signum excludi à servitio, non advocari ad serviendum, servit ergo quia amat, servit propter amorem, servit cum amore. Talis esse Religiosus omnis debet in omni opere suo, quodcumq; sit, sive vile sive speciosum, sive ad voluntatem suâ, sive repugnans voluntati, sive imperatum, sive sponte propriâ susceptum sit. Decet enim ut Deus sit illi omnia in omnibus atque ut quocumq; fertur amore feratur: & sit mancipium amoris, sit servus dilectionis, sit jumentum charitatis.

6. Tertium mancipij vitium: Angustè facere, & non nisi imperata: supra hæc audere vel præsumere nihil. Hoc vitium ab ingenuitatis defectu manat, ab angustia servilis & illiberalis animi profluit. Mancipium Religiosum, ingenuitatis est partus, & liberi liberalisq; animi proles. Ultra imperata audet, Magnificè, ingenuè, libere, liberaliter, prodigè, profusè servit, non computat calculis facta, adhuc ista perficit, & quænam alia imperentur attendit: Imperia non exspectat sed prævenit, signa & voluntatis nutus sufficiunt, supra imperata erogat spontanea liberalitate cum Deo certat, præmia non aspicit, non expectat, non sperat.

7. Quartum mancipij vitium est, conqueri, murmurare, obloqui: Hoc malum à mancipio Religioso exulat, sponte enim mancipium est, ultro adversa amat, sponte dura quærit, amara cupidè exsorbet, oblata arripit avidè, absentia investigat studiosè, his pascitur, his nutritur, his saginatur. Et quomodo in his murmure? quomodo obloquatur alicui, cum se omnibus peiorem putet & norit? quomodo malè sibi esse doleat, qui solum id dolet quod malus sit? quomodo miseriam incuset, cui miseriæ in deliciis, delictis in miseriis propter Deum computentur? quomodo de neglectu & contemptu sui contentus, non sit, qui elegit abjectus esse in domo Domini, & amat nesciri, atque cupit pro nihilo reputari? Non est ergo Religiosi mancipij conqueri ac murmurare, sed omni fortunâ contentum esse, deq; solis prosperitatibus & commodis quod non desint angustari.



stari. Optimis namq; Religiosorum, mentibus magis horrore sunt commoda vita & temporis huius, omniaq; solatia creata, quam incommoda & adversitates. Quippe illis dictum est. Omne gaudium existimate fratres cum in varias tentationes incideritis. Tribulatio enim patientiam operatur, patientia probationem, probatio spem, spes autem non confundit. Beatus enim qui implevit desiderium suum ex ipsis adversis, non confundetur talis, cum loquetur inimicis suis in

porta. Servit ergo mancipium Religiosum servitutem latam jucundam, amaram, quippe illi ipsa adversitates inter oblectamenta sunt; servit Domino in timore, & exultat cum tremore filiorum, servit sine querela, sine scandalo, sine contradictione, sine murmure, sine angustia quia dum servit regnat, dum mancipium est, liberè agit, dum infirmatur tunc potens est, dum humiliatur, extollitur, dum mortificatur, vivit.

## CONSIDERATIO XII.

### Religiosi mancipij affectus, & studia, & proposita.



Hæc Consideratio proponit particularius quid animi par sit haberi, quid præ oculis semper versari debeat Religioso mancipio, & quibus affectibus cor suum perpetuo fovere atq; occupare.

1. Agnoscat Religiosus, se esse mancipium Dei naturale ob creationem. IESU Christi ob redemptionem, insuper etiam Virginis Matris ob perpetuum beneficiorum perceptionem; ex hoc verò fonte triplici, agnoscat se se factum Deo ita voluntate Religionis quoq; mancipium; ita ut pro certo sibi persuaadeat se mancipii tributum Domino Deo, & Iesu Christo, & B. Virgini per hoc pendere quod Religionis sit mancipium, omniaq; faciat ac sustineat quæ hunc mancipii Religiosi comitantur statum, ob quod etiam tum Dei voluntati, tum suæ etiã obsequiis voluntati, Religioni se in æternum tradet mancipium.

2. Hac posita persuasionem atq; in animo firmiter collocatâ, Religiosus excitabit in se perpetuo competentes affectus, practicasque faciet resolutiones mancipio proprias huius vel similis generis.

Servus sum & mancipium Religionis Societatis IESU, amo hunc statum meum, amo hoc jus societatis super me, amo illius dominatum super me, & fateor immo cupio ut

illa me tanquam Domina servum tractet, me utatur, me ad omnia servitia & servilia adhibeat. Ego autem hoc & non alio jure, in eadem sanctâ Societate vivere & mori sum paratus, ex animoq; cupio

Nolo unquam mei juris esse, nolo independentem quidquam facere, appetere, cogitare, ordinare, habere, neq; solum nolo, sed non possum, sed mihi tanquam illicito omni eo interdicto

Omnia bona Dei quæ sunt in me, naturalia & supernaturalia, potentias & Actus, & quidquid tandem vel ego sum vel ad me pertinet, nolo esse mea, agnosco non esse mea, sed post Deum agnosco illa Religionis esse & fore semper, Religionemq; his tanquam suis ornari, ditari, uti ad libitum suum debere ac posse. Volo nūquam aliter à Religione nisi tanquam servus à Domino tractari, jumentum loco haberi, sic mihi imperari, sic me teneri, sic æstimari, sic regi, sic vestiri, sic ali, sic curari, quomodo à Dominis mancipia tractantur.

Societatis est imperare mihi vilissima, contemptissima, postrema, crudè, asperè, morosè, sine ulla spe, sine ulla gratiarum actione, sine ulla memoria & reputatione, sine respectu: meum autem est omnia jumentum & mancipij more sensuq; subire, sustinere, obire, perpeti & facere. sine ulla displicentia, morâ, disgustu, differentia, difficultate, alligatione ad tempus, locum, socium, modum, superiorem, ullamve aliam circumstantiam, à quo.



à quocunq; qualitercunq; quodocunq; quidcunq; mihi imperatum fuerit, totum id simpliciter, patienter, constanter, finaliter, perficere.

Nolo ab ulla re eximius & singularis excipi unquam, nolo haberi rationem mei in ulla re omnibus communi, ob ullam conditionem, officij, ætatis, meriti.

Cupio nulli unquam officio, negotio, personæ præfici quantum ex me est; quod si præficiar & præesse cogar, obediam quidem, sed ut mancipium fratrum meorum, quibus in officio non præesse, sed subesse, atq; per ipsū superioratum servire, nec non quasi unus ex eis, vel etiam inferior eis esse curabo.

Cupio & contentus esse volo, immo ob mancipij statum debeo, omnes meas operas in Religione parvi fieri oblivioniq; tradi ab omnibus. Nullamq; mei corporalem curam, haberi in necessitatibus morbis, defectibus, morte, sepultura.

Nec cupio, nec possum Religionem mihi ad quicquam obligare: sed quidquid illa mihi vivo & mortuo præstabit, id totum faciet ex propria sua voluntate, nulla ad me obligatione, quomodo mancipio aut mendicabulo præstatur gratia, à benefactoribus, & non aliter.

Nullum processum, procedendive mecum modum Religionis, Superiorum, Fratrum, volo molestè ferre, qualiscunq; tandem ille futurus sit, dummodo ex mea parte peccaminosus manifestè non sit.

Statuo firmiter ac propono, in Societate, neq; gradum, neq; officium (nisi, fortè aut vilissimum aut molestissimum mihi) neq; ullam excellentiam, apparentiamve, neque ullum ad hæc, ducem, medium, neq; ullam commoditatem, immunitatem, exemptionem curare, & quoad in mea potestate erit etiam admittere, id enim mancipij statum, dedecet, non tantum appetere, sed etiam cogitare.

Statuo firmiter ac propono, nunquam contra institutum, & Regulas, & Ordinationes, etiam minimas, verbo aut signo in Societate expressas quicquam facere, easve advertenter & scienter, domi ac foris transgredi.

Statuo nunquam contra Superiores, mediatos immediatos, & ipsorum officiales sentire, murmurare, conqueri, eorumve mentem ac imperata detorquere, vel contra ea sentire, loqui, scribere disputare, facere, sed volo omnium voluntatis merum & verum mancipium atq; jumentum esse.

Statuo propter linguas, censuras, irrisiones, sarcasmos, displicentias aliorum inordinatas nihil debitorum in Religione omittere, nihil vitiorum committere, nihil à me propositorum negligere, nullis aliis respectibus, præterquam gloriæ Dei, boniq; communis ac perfectionis instituti, & profectus mei gubernari, inq; omnibus actionibus meis eos solos fines, qui Deo placent, & Societatis perfectioni profunt spectare. Esto debeam ab aliis, multis vel paucis, majoribus vel minoribus sugillari, carpi, traduci, & variis contemptibilibus atq; pungentibus nominibus appellitari.

Statuo semper indifferens esse quoad Socios, superiores, collegas, munia, loca, mansiones, tempora, & alias quaslibet res & rerum circumstantias.

Statuo nunquam propter poenitentias atq; poenas & reprehensiones, quibuslibet erroribus defectibusve culpabilibus, & inculpabilibus quocunq; modo, justo, injusto, rationabili, inordinato, blando, amaro, simplici, exaggerativo, moderato, impetuoso, compassivo, & insultativo, privato, publico & infamativo, mihi iniectas & injunctas conqueri murmurare, contendere, eas aliis narrare, de ipsis tristari, aut satisfactionem & retributionem famæ requirere. Imò statuo pro omnibus afflictionibus & poenis mihi compositis, præcipue verò quæ mihi, vel in modo, vel in substantia injustæ videbuntur gratias Deo & autoribus earum agere, pro ijs Deum orare, nullam ab eis aversionem sovere, nullam ostendere. Nullam rationem & excusationem, pro me apud Superiorem asserre.

Geram me semper in Religione ut mancipium, ut servus, ut jumentum, ut vilissimus, ut postremus omnium. omnibus cedam, omni primatu & prærogativa etiã in minimis absq; affectatione, & cum vera animi ad omnes reverentia & submissione, ac si verè juxta Sanctum Basilium ex mera miseratione Fratrum Patrum receptus Religione essem, & in ea hætenus detinerer, & ac si ad servendum omnibus in omnibus admissus deputatusq; essem.

Hoc dictamine: (Ego sum mancipium Societatis, & omnium ejus Filiorum) regi semper volo in omnibus, semperq; habere illud præ oculis diebus vitæ meæ omnibus. Superioribus verò in primis qui mihi quocunq; modo præerunt, dabo semper jus super me plenum, ut me exhibeant, & urantur ad omnia



nia (præcipue viliora, difficiliora, & quæ alii refugiant) absq; ullo respectu & cunctatione

3. His similibusq; propositis & affectibus oportet animum Religiosi mancipij plenum, & prorsus saginatum esse, eaq; semper in & pro omni occasione in corde, memoria, affectu oculisq; habere, ad quod proderit non tantum præmissas supra considerationes expen-

dere, non tantum hos affectus prædictos relegere & ad eor demittere, sed etiam in hoc Spiritum Religiosi mancipij aliquod tempus quotidie exerceri, ita ut in singulos aliquot mensium dies supra dicta & expendantur, & practicæ multiplicatis actibus exerceantur, quo animus planè huic spiritui & dictamini assuefiat eo imbuatur, facilitatemq; & delectationem ac habitum contrahat.



## CONSIDERATIO XIII.

Mancipium Religionis, non debet Religionem mancipium suum facere.



I. Superioribus Considerationibus expensum est, quod & quale debeat esse Religiosus, quilibet Religionis suæ mancipium. Hac in consideratione dispiciendum proponitur, quod Religiosus non debeat Religionem in servitutem suam redigere. Etsi enim hoc ex prædictis patere possit, cum manifestum sit Religiosum, si mancipium est Religionis, non debere se ejus Dominum & oppressorem constituere, tamen hoc explicatius expressusq; considerare utile erit ad mancipij Religiosi cautelam.

2. Contingit enim (ac utinam rarò) Religiosos, pro eo quod Religioni servire, & ejus mancipia esse debuerunt, commutata vice Religionem fecere suam Ancillam, servam, & mancipium. Et contingit hoc ab eis (quod indignissimum est & absurdum, maximè,) & plurimum, qui vel contemptissimi in seculo fuerant futurive erant, & per Religionem aucti atq; honoratiores redditi sunt, vel qui plurima beneficia à Religione receperunt, plurimumq; ob id Religioni debitores facti sunt, vel qui minimum in Religione laborant vel qui acceptis à Religione bonis ac talentis, propter ea ipsa à Religione adorari, per eaq; ipsa Religionem opprimere, illi graves esse audent.

3. Solent autem esse graves multis modis, quorum aliquos expendi hoc loco utile erit,

Aliqui ergo solent esse Religionis suæ graves, quia peccare volunt, puniri nolunt, despicere à Regulis licere sibi volunt, pro defectibus penas sibi imponi nolunt, indignantur.

Aliqui graves sunt Religionis suæ per hoc, quia immunitates, particularitates, commoda singularia, exigunt. Idq; aliquando pretextu laborum quos pertulerunt olim, aliquando eorum quos in præsentem perferunt, aliquando nec istorum, nec istorum causa, sed tantum suæ superbiæ & autoritatis causa, quia illi sic volunt, & sibi deberi putant.

C Aliqui graves sunt per hoc, quia regi se non sinunt, nisi prout volunt. Non possunt loco, non officio moveri, nisi quando ipsi volunt, non possunt mitti, nisi quò & quando volunt. Non possunt manere, nisi ubi & cum quo volunt.

D Aliqui graves sunt per hoc, quia Superiores suæ autoritate premunt, premunt autem resistendo, intercedendo, defendendo discipulos, partes & factiones tenendo, cum Superioribus altercando, eis derogando, refugium se aliorum & patronos faciendo, aut etiam in officium & regimen eorum se se ingerendo, de his quæ domi sunt indagando, & colloquendo.

Aliqui graves sunt per hoc, quia male, indisciplinatè, laxè, sensualiter quæ domi, quæ foris, scandalosè vivunt, versantur, loquuntur, & in his omnibus incorrigibiles sunt: omnia vel negant, vel excusant, vel extenu-

ant



ant, in alios detorquent, invidia & odio sui se accusatos dicunt, observari se & infamari queruntur, opprimi murmurant.

Aliqui graves sunt per hoc, quia subdole, politicè, fraudulentè omnia vel plurima, domi ac foris agunt, cum externis componunt causas suas, extremis magis fideles quàm Religioni, ad externos evulgant quæ domi sunt, informant, subordinant intercessionem, literas, munuscula pro se, ut mittantur ad eos, ne moveantur loco.

Aliqui per hoc sunt graves, quia sibi non Religioni amicos parant, immo Religioni & aliis ejus personis inimicos faciunt: avertunt eorum beneficia & animos à Religionem.

Aliqui graves sunt per hoc: quia se in omnibus excusant, neque sunt contenti manere in loco, officio, cum personis quibus conjuncti sunt, sed ubique inveniunt quod illis incommodum sit: & quod opponant obedientiam vel indifferentiam.

Aliqui graves sunt per hoc, quod alios exemplo suo tepidifque dictionibus & moribus tepidos & laxos faciant, & à fervore, à rigore, à fidelitate, à disciplinæ amore, avocent.

Aliqui graves sunt per hoc, quod sint meliorum irrisores, contemptores.

Aliqui graves sunt per hoc, quia sunt murmuratores, seminatores discordiarum, aulici, politici, astuti, insinceri, adulatores, & tallium omnium socij atque profectores.

Aliqui graves sunt per hoc, quia sunt mercenarii, nihil facere volunt, nisi statim merces adsit, commoditas sensualis, recreatio, poculum &c.

Aliqui per hoc graves sunt, quia sunt in moribus morosi, molesti, quandoque sordidi, inculti, tenaces, inurbani, nulli in ulla re satisfacere volentes ac soliti, ab omnibus satisfactionem exigentes, quales sunt qui omnia ad se nitidiora, commodiora, copiosiora trahunt, de aliis nihil solliciti, immo in alios rigidi: tales sunt etiam qui v. g. libris incubant, quos nec ipsi legunt, nec aliis utendos dant &c. Qui aliorum obsequiis in communitate utuntur, aliorum laboribus vivunt & abutuntur, ipsi nihil in bonum commune laborare volunt, qui cum omnibus a-

bundent in Religione commodis, Religionem domui vè ne in gravi quidem necessitate prodesse, operam vè suam commodare dignantur.

Aliqui per hoc graves sunt, quod nullum sibi parem velint esse, nullum putent, sed se super omnes vel pares omnibus, omnibus se muniis pares, omnia sibi deberi, jactant suos labores, experientias, munia, annos, & per ista alios premunt, atque infra se ponunt. Omnia ad se trahunt, omnia per se, perque suas manus tractari volunt, soli conversari, soli nosci, soli præminere, soli videri, soli consuli, soli audiri ab hominibus, & adire homines præsertim majoris notæ volunt, alios ab hoc arcent, impediunt, & apud externos ijs detrahunt, atque adimunt opinionem, doctrinæ, virtutis, laborum ætatisque in Religione. Quo in genere sunt etiam zelotypi operarij: qui in devotis devotibusque zelant, usque ad mutuas detractiones, & ad externorum scandala atque irrisiones.

4. Tales & his similes Religionum suarum sunt Tyranni & Domini, quibus utinam Religiosæ domus & communitates, quandoque non abundant: reperiuntur ceterè quandoque & hi sunt Religionum suarum, quibus subesse debuerant & servire cum omni humilitate & subjectione cōtemptores, sunt hostes, sunt tinea, sunt fures, sunt peculatores, sunt oppressores, & Tyranni. Hi matris suæ Religionis sunt genimina viperarum, viscera genitricis suæ rodentia & exedentia. Hi sunt corruptores juniorum, quos exemplis & dictaminibus suis depravant, & depravatos in Religione adolescere faciunt. Sicque Religionem improbo fetu implent, ut tandem aliam se esse quàm fuerat, scilicet collapsam discolorisq; & indisciplinatis, scandalosis & improbis plenam agnoscat, & modum tantæ ruinæ instaurandæ non reperiatur. Horum talium omnes supra enumeratos mores fugiet omni conatu, quisquis verus Religiosus esse, quisquis Religionem sartam, tectam, & salvam, integramque ac sui vigoris retinentem videre, atque etiam pro sua parte facere vult. Talis autem est, quisquis spiritu mancipij Religiosi in Religione vivere contendit.



CON.



## CONSIDERATIO XIV.

### Religiosus tradat se se Religioni in man- cipium.



**M**odus tradendi se se Religioni in man-  
cipium est ille unus  
substantialis, per Vo-  
torum Religiosorum  
emissionem, quā ho-  
mo exir de potestate  
non tantum seculi, sed etiam arbitrii sui, effi-  
citurque civiliter mortuus ac totus alienae pos-  
sessionis, videlicet Religionis, atque mediante  
Religione Dei, cui uni principaliter & ulti-  
mate homo per Vota consecratur & devove-  
tur, propter illum verò etiam Religioni addi-  
citur, & totus ei traditur.

2. Quamvis autem hic modus evadendi  
Religionis mancipium, satis efficax sit ad hoc  
efficiendum, quia tamen ille modus om-  
nibus quidem communis & ad hanc  
mancipii effectiōnem planè necessarius,  
non est expressus, neque hunc affectum man-  
cipii in Religioso Vota emittente facere soli-

tus, idcirco qui hoc spiritu mancipii in  
Religione vivere cupiunt, expedit illis ut a-  
liqua peculiari formulā expressiore se se totos  
in mancipia perpetua Religioni tradāt. Non  
ut specialem & novam aliquam super se ob-  
ligationem inducant, quā ex vi status Re-  
ligiosi Votorumque emissorum non habeant  
sed ut spiritum hunc heroicū partim con-  
cipiant & imbibant, partim Deo Religioni-  
que contestentur.

3. Ad quod proderit, tū supra positas  
considerationes accuratè expendere, tū se-  
quentem modum seu formulam cum aliquā-  
tula celebritate Deo & coelesti ejus curia te-  
ste concipere atque recipere, ac per eam se se  
Religioni in mancipium vel devovere, vel  
devotum recognoscere atque declarare: assum-  
pto atiam, si ita fors expediat, memoriae cau-  
sa aliquo occulto signo, quo homo Religio-  
sus, salubrem hunc mancipii spiritum, in se-  
se possit quotidie, & saepius in diem exsuscit-  
tare & propagare. Potest verò esse hic, vel  
similis.



### Modus tradendi se se in mancipium Religioni.

**D**EUS dignissime cuius omnia sunt, quae  
creata sunt, & qui omnibus creaturis ius-  
sissime dominaris: Agnosco te Dominum  
absolutum meum, meque mancipium tuum,  
esse. Agnosco item coram te, propter te, ef-  
se me mancipium Domini quoque mei IESU  
Christi Dei-Hominis, similiterque eius Pretio-  
sissimae Parentis MARIAE Virginis. Com-  
placeo mihi in hoc mancipio ac jumenti a-  
pud te Deum meum, & IESUM Christum,  
& Pretiosissimam Parentem statu: nec ulla-  
tenus ab eo liberari volo, aut vellem etiam si  
per impossibile possem. Ceterum propter  
Te Domine Deus meus, & propter dignissi-  
mam IESU Christi Humanitatem, propterque

P. Parentem MARIAM, Societati quoque IE-  
SU, Matri, seu verius Dominae meae, in tuo-  
& IESU Christi, & P. Parentis conspectu, me  
hodie in perpetuum servum, mancipium, lumen-  
tūque offero, dono, dedico, & quavis meliori  
ratione mancipio atque consigno: ut Societas  
IESU Domina mea, me tanquam servo suo uti,  
tanquam mancipium possidere, tanquam iumē-  
tum tractare possit & valeat. Ego autem hoc  
jure & nullo alio in eadem S. Societate vivere  
& mori paratus sum, & ex animo cupio: ad  
purum gustum voluntatis tuae Divinae, Domine De-  
us meus, ad exaltationem IESU Christi Domi-  
ni mei, ad Honorem P. Parentis MARIAE  
Virginis Dominae meae. Amen.

DE



D E  
**SOLIDITATE VIRTUTIS**  
 In Religioso Societatis IESU  
 requisitâ  
**CONSIDERATIONES.**  
 L E C T O R

*Hæ Considerationes, quas hîc legis, super Regulam 16 Summarij de solidâ Virtute, in homine Societatis requisitâ, sunt numero 23. ita in 9. dies dispositæ, quibus mos est in Societate Collectioni Spiritûs vacare, ut terne singulis diebus deserviant, atq; ad Meditationes horarias assumi possint.*

Omnes qui se Societati addixerunt, in Virtutum solidarum ac perfectarum & Spiritualium rerum studium incumbant ac in huiusmodi majus momentum quam in doctrinâ vel alijs donis naturalibus & humanis, constitutum esse ducant: illa enim interiora sunt, ex quibus efficaciam ad exteriora permanere ad finem nobis propositum oportet. *Reg: summ: Const: 16. ex parte Constit: 10, § 2.*

D I E S I.

*Præambulatorias habet Considerationes de solidâ virtute. 1. Rimatur sensum Regulæ 16. 2. Naturam inspicit virtutis solidæ. 3. Mentem S.P. Ignatii & Societatis aperit in exigenda à suis virtute solidâ.*

**CONSIDERATIO I.**

Continebit hæc Consideratio diligentem perpendionem Regulæ supradictæ, perpendentur enim singula ejus verba: præcipue uerò hæc quinque præ oculis habebuntur.



I.

Uod hæc Regula omnibus omnino, serviat ijs, qui in Societate vivunt, incipiendo à primi anni Novitiis, usq; ad extremè veteranos: omnes liquidem isti, se se Societati addixerunt, & quidem Veterani magis quam

Novitii: proinde etiam Veteranis incumbit magis eam Regulam vitam suam exprimere, quam Novitiis. Quodan re ipsa in nobis sit, erit sine palpa. Hæc acriter in conscientia propria, à quolibet dispiciendum, dijudicandumque.

2. Quod hæc Regula præcipiat omnibus Societatis hominibus studium, seu diligentem & indefessam curam (id enim vox studii, & incum-



incumbendi sonat) non cuiuslibet rei, sed virtutum: nec quarumlibet, sed solidarum, ac perfectarum, & deniq; generatim omnium rerum spiritualium instituto congruentium. Quod præceptum, quam sit expressum quam rationabile, quam Evangelicum, quam Instituto congruum, quomodo à primis nostris Patribus executioni mandatum: quomodo à nobis manderetur aut mandandum sit; accurate itidem & absq; dissimulationis est introspicendum, firmæque proposita & particularia, designatis occasionibus & modis atque temporibus, & aliis circumstantiis, ad ejus Regulæ observationem plenam concipienda.

3. Quod Regula præcipiat, istiusmodi studium virtutum solidarum & perfectarum, à Societatis hominibus præferri omnibus aliis rebus atq; mediis (post Deum) sive sint hæc, scientiæ atq; doctrinæ qualescunq; sive sint dona naturalia, ut ingenium, Iudicium, talentum gubernandi, concionandi, docendi, conversandi, sive sint aliæ dotes humanæ, rationesq; politice, ut sunt forma, genus, officia, experientia, aptitudo, gratia & favor externorum vel domesticorum, Superiorum, vel graviorum virorum, spes promotionum ad hæc illavè studia, officia, gradus loca. Quibus omnibus tunc præfertur studium virtutum solidarum à Societatis homine quando prius virtutes, quam illa, querit, quando plus virtutes, quam illa, querit, quando virtutum cultum, propter illa non negligit, quando istorum curam, ad virtutum culturam perfectionemq; dirigit, quando ab aliis abstinere abstrahive sine perturbatione mentis, sine querelis, sine murmuratione, sine amaritudine & melancholia, contentissimus est, quando illa in se non agnoscit, sibi vè ea derogari, vel illa in se negligi deprimivè, pacatè fert vel gaudet, non ignavia aut laboris fugâ sed humiliationis sui studio. Hos similesq; mores, an in te ipso deprehendas, an verò his oppositos experire, sine dissimulatione inspicere, ac quantum poteris, accurate, seriòq; ad emendationem tui tecum contra te conspira, invocato ad id auxilio gratiæ Divinæ.

4. Quod Regula præcepti sui rationem det sanè firmissimam. Etsi enim Religioso satis esse deberet ad hoc studium Virtutum solidarum persuadendum, ipsius Regulæ nēs: quæ est planè ac verè mens Societatis universæ, immò mens atq; voluntas Dei, cui non obsequi nefas est: tamen etiam ratione con-

vincit evidenti intellectum, consequenterq; voluntatem, ut ita omnino studia sua ordinet, primum nempe ad solidas virtutes parandas, deinde ad alia naturalia præstilia conquirenda. Ratio autem istiusmodi est, quia nimirum Virtutes solidæ ac perfectæ, itemq; res spirituales sunt interiora interioris hominis bona, magisq; ad animi bonum pertinet, quam doctrinæ vel alia naturalia bona. dicat autem ratio, quod sicut animus corpori, ita & bona animi præstant bonis corporis: & sicut spiritus naturæ præstat, ita etiam bona spiritualia bonis naturalibus præstant. dicat etiam consequenter ratio, quod prius & magis curanda sint bona animi quam corporis, bonaq; spiritus quam naturæ. Et cum Virtutes solidæ ac perfectæ, resq; spirituales, sint animi & spiritus bona, magis quam doctrina, vel alia naturalia; relinquatur, prius esse & potius curandas Virtutes solidas resq; spirituales, quam doctrinas, & alia quælibet. Cui accedit illa alia ratio, quod illa sint bona diligentius curanda, quæ sunt anima aliorum bonorum, & sine quibus alia bona non sunt bona, sed potius vel inutilia, vel etiam periculosa, ac damnosa. Sed virtutes solidæ ac perfectæ, resq; spirituales, sunt anima, sunt vita, sunt vigor, sunt pretium & valor omnium aliorum bonorum naturalium, ita ut naturalia bona sine illis, sint tanquam corpus sine anima, tanquam instrumenta sine artifice, tanquam mundus sine sole: immò sunt instrumenta superbiæ, avaritiæ libidinis, aliorumq; scelerum incentiva, ut in exemplis infinitis patuit, in omni retro ætate, statuq; hominum: igitur restat, ut juxta mentem Regulæ, prius & magis curentur Virtutes solidæ, quam dotes naturæ. Ubi dispices occultè & accuratè, an in te sit is sensus, idq; iudicium practicum de Virtutibus ac naturæ dotibus: an verò speculative quidem id scias, & asseras, practice verò in occasionibus opposito modo te geras: ac si ita in te inveneris: corrige errorem tuum deinceps & occasiones practicas ab experientia petitas designa. &c.

5. Quod Regula magis curandas solidas Virtutes, quam naturalia dona præcipiat, non tantum ob dictas rationes, quæ cuilibet statui hominum servire, idq; ipsum suadere possunt, sed præterea ob rationem peculiarē, institutoque Societatis propriam, quam ex fine Societati proposito atq; proprio desumit. Est enim finis Societatis (juxta Reg-

Pp

2. Sum:



2. Summ:) non solum saluti & perfectioni propriarum animarum cum Divina gratia vacare, sed cum eadem gratia impense in salutem & etiam perfectionem proximorum incumbere. At incumbere in hunc finem, hoc est, in salutem & perfectionem proximorum Societatis homo nullus potest, nisi sit in solidis & perfectis virtutibus, rebusq; spiritualibus ipsemet bene fundatus: quomodo enim perfectum imperfectus, solidum non solidum in virtute, spirituale non spiritualis faciet? immo quoniam ipse non perit cum pereuntibus, qui vires non habet ad operam ferendam pereuntibus? *Quomodo perficiet turrim, qui sumptum non habet, etiam ad ponendum fundamentum? quomodo occurret hosti venienti*

*contra se cum 20000. ii, qui neq; 10000. habet?* Lucæ 14. 28. Itaque quisquis finem Societatis assequi vult, is virtutibus solidis & perfectis præditus esse ante omnia debet, & consequenter, is in virtutum solidarum & perfectarum rerumq; spiritualium studium incumbere, in ijsq; magis momentum quam in doctrina, vel aliis hominis bonis constitutum esse pro certo habere debet, & ex illis ad ista, vim efficaciamq; derivare, ut ita tandem feliciter absq; suo periculo & damno, finem Societati propositum consequi possit. An hæc Regulæ ratiocinatio sit efficax, vide an & qualem in te locum habeat, expende, nec dissimula, sed fideliter practiceq; tecum ipse age, propone, concludere.

## CONSIDERATIO II.

### Quid sit Virtus solida & perfecta.

**V**irtus definitur à sapiētibus, quod sit habitus quo quis bonus redditur, & nemo male utitur, Ex qua definitione discimus. 1. Virtutem non esse quamcunq; animi ad bonum inclinationē, propensionem, motionem, neq; qualemcunq; bonum actum ab homine exercitum aliquando sed esse habitum, seu assuefactionem animi constantem ad bonum aliquid, ita ut animo facile aut etiam delectabile sit, (ex eo saltem quia facile) bonum operari, difficile autem & molestum, malum vel male facere, quæ assuefactio atq; facilitas ad bonum, difficultas verò ad malum inducitur in actum, vel strenuis atq; heroicis, vel saltem frequentatis actibus bonis, v. g. qui se strenuè humiliat, frequenterque, efficitur humilis, & induit habitum humilitatis, quo facile est illi de se abiectionē sentire, & se in abiectione occupare, difficile autem ad honorifica & superba aspirare. 2. Discimus tum ex definitione, tum ex modo dictis, Virtutem non solum esse bonum quid, sed etiam per eam nos reddi bonos: ille enim bonus est, qui facile & quasi naturale habet bene operari, hoc autem Vir-

tus in nobis facit, ut supra expensum est. Virtus igitur nos bonos facit, est igitur & ipsa bonum, & tale quidem, ut post Deum, & ejus gratiam nullum aliud sit majus & verius hominis bonum, nullum enim aliud bonum, facit hominem bonum, nisi sola Virtus Divitiarum, scientiarum, honores, talenta, amicitia, prophetia, miracula v. non faciunt hæc hominem bonum ac proinde non sunt planè hominis bonum, at Virtus sine illis omnibus, facit hominem bonum: illa igitur sola est verum bonum. 3. Discimus, tum ex definitione tum ex dictis, quod Virtus tale sit bonum, ut non solum nos faciat bonos, sed etiam nec possit nos facere malos, nec possit fieri mala, quia nemo illa male utitur si enim quis male Virtute uteretur, jam non Virtus sed vitium esset, nec bonum sed malum faceret. Omnia alia bona (præter Deum) talia sunt, ut homo ijs male uti possit, solo Deo & virtute non potest, alioqui hoc ipso nec ille Deus, nec illa Virtus esset. Ex omnibus prædictis, discimus 4. Virtutem ut verè Virtus sit, debere esse solidam & perfectam, adeo, ut si non sit solida & perfecta, vix Virtus sit. Si enim solida non est, & perfecta, non facit hominem facilem ad bonum, difficilem ad malum agendum, (si enim faceret



eretur, jam solidus & perfectus esset) quod si non fecit: habitus non est quo boni reddamur: hoc autem Virtus est, & definitio virtutis docet. Ex quo, discimus s. pro eodem hac fere esse acceptanda, Virtutem, & solidam, & perfectam Virtutem. Non quod inchoata & imperfecta Virtus, non sit etiam virtus suo modo, sed quod non sit virtus adhuc tantis, qualem natura virtutis & definitio in rigore exigit: Virtus quippe perfectio est, virtus autem imperfecta, nondum omnino perfectio est, alioqui perfectam faceret habentem, quod quomodo faciat, cum ipsa imperfecta sit. Discimus adhuc ex dictis. 6. Pro eodem hoc esse debere apud viros studium virtutis proficere, virtutem querere, & virtutem solidam perfectamque querere. Nam Virtus non est omnino planeque; Virtus si non est solida & perfecta, uti non esse jam vidimus igitur qui non querit solidam & perfectam virtutem, is neque etiam virtutem querere censendus est. Virtus siquidem perfectio est: igitur virtutem querere, perfectionem querere est: quoniam vero aut virtus perfectio est, aut perfectio queritur, quando virtus imperfecta queritur, & virtute imperfecta animus virtutem querentis atque proficentis contentus est? Agnosce igitur o Religiose, qui si vera Virtutis studium proficere, solida & perfecta virtutis studium proficere; item, si vere virtutem queris, solida & perfectam queris: nam si non solidam queris, hoc ipso nec veram, nec vere virtutem queris, virtutisve studium proficere, sed aliud es, aliud proficere, virtutis naturam & valorem non agnoscis, perfectionis & professionis tue indolem, ingenium non dispicis, linguam tuam & loquelam non intelligis. Agnosce quam periculosum in imperfectionibus tuis, & in imperfectis virtutibus haeres, quanto etiam periculosius virtutum assiduam exercitationem, perfectionemque negligis. hoc quippe ipso quod talis es, virtutem non queris nec virtutis studiosus es, neque perfectionis professus: sed imperfectionis & nonvirtutis. Unde merito illud in te quadrat axioma Sanctorum: in via Dei non progredi est regredi, nolle proficere, vellet deficere est, nolle perfectam & solidam virtutem, nolle virtutem est. Quia si horre-

scis legere vel recolere, magis multo exhorrescere exercere, atque practice sentire, inquit anima tua tolerare. in quo ne videar tibi spinosa disputatione atque consideratione voluisse illudere: te ad te ipsum remitto: converte te ad te: Virtutes tuas imperfectas, quibus scilicet contentus esse velles, inspicere, atque ad experientiam tuam adhuc: cum eaque praedictam veritatem seu considerationem confer & confronta. Accipe obedientiam tuam, imperfectam, facitne te illa ut nunquam, & raro, ut difficile in obedientia, in autoritate majorum tuorum, intellectu, iudicio, voluntate, lingua, exercitio pecces? facitne te, ut facillime intellectu, iudicio, voluntate, opere, per omnes obedientiae leges obedias? Accipe imperfectam tuam paupertatem, accipe patientiam, modestiam externam, humilitatem, linguarum continentiam, sobrietatem, in cibo & potu, caritatem proximi, &c faciantne te istae imperfectae virtutes, ut agra his contraria perfecta committas, vitisquae oppositis careas? ut facile actus virtutum, exerceas? ut libenter? ut connaturaliter? si faciunt: gaude tu, & congaudebo etiam ego, sed tunc cum id credam: non credo autem, quia id impossibile scio. Si non faciunt, ut facere non possunt: fateare necesse est, te, dum virtutibus imperfectis contentus es, imperfectione contentum esse, periculis expositum esse, facilius multo malam, quam bonum esse, facilius & saepius peccare, quam actus bonos facere, ac proinde vitia non virtutes habere. Virtus enim est dispositio perfecti ad optimum; id est, habitus bene operandi, facilitas bene agendi, difficultas & desuetudo malos actus eliciendi: qua facilitate bene agendi, fit, ut bonum libenter, frequenter, assidue connaturaliter agamus, malum autem agra, difficulter, raro, fere nunquam committamus, sicque boni efficiamur, mali esse discamus & nesciamus, sicque virtute male uti non possimus, sed eam connaturalem nobis efficiamus. Hoc an ita sit, & practice sit, agnoscamus, quotquot studium virtutis proficemur, & ad solidam perfectamque virtutem omnino enitamur, neque contenti sumus imperfecta virtute, sicut forsitan haecenus fuimus.

CON-



## CONSIDERATIO III.

Cur Virtutum solidarum studium S. P.  
Ignatius & Societas à nobis ex igit.

**C**ausa prima est Deus, idq; variis modis Primo. Quia Deus dixit, *Ambula coram me, & esto perfectus*, Gen: 17. id est, homo servias mihi, & sis perfectus utiq; in Virtutibus, quia per has Deo servimus. Huic consonat momentum illud Christi Domini. *Estote perfecti, sicut & Pater vester celestis perfectus est*, Matt: 5. 46. Constat verò Deum esse solidū & perfectam Bonitatem & nos igitur oportet esse solidē & perfectē bonos, bonitate verò Virtutum, quia hæ sunt, quibus boni reddimur. Secundo. Deus dignus est, ut simus perfecti & solidi in virtute. Ut ergo nulla alia subiecta causa, mihi hæc, hæc sufficere deberet ingenio animo. Tertiò. Placitum & voluntas Dei: placet namq; Deo, & est gustabile gustui ejus, si simus solide & perfecte boni, hæc est enim voluntas Dei. sanctificatio. vestra, ait Apostolus. Et quis, quæso, est talis, qui nolit Deo ad gustum & ad placitum servire? Quartò. Honor & gloria Dei quam habet Deus ex nostra solidā & perfecta virtute, & ex effectibus ex ea in nos, & per nos in proximos promanantibus: in hunc enim finem Deus, & hominem condidit, & gratijs ornavit, & ad finem supernaturalem elevavit, & ad Religiosum statum vocavit, & ad professionē solidæ Virtutis invitavit, ut ex homine glorificetur magis ac magis, perfectionesq; suas manifestet, & bonitates communice, & sic iterum magis glorificetur, & gloriosus appareat. Et quis invidet hanc consolationem Deo? (ut sic loquar) ut nolit gaudere Deum de sua per nos, & in nobis exaltatione? ut Deus per nos magis glorificetur & occasione nostri. Quod sit, quando solide proficimus, quando ditissimi in virtute, in gratiis, in donis cœlestibus evadimus, quando ad copiosissima merita ascendimus, quando quam maximam gloriam cœlestem com-

paramus & meremur. Sicut enim nullo in puncto plus homo Deum exaltrabit, quam quando beatitudinem æternam possidebit, ita nullo in puncto & modò, plus eundem etiam in hac vita exaltrat, quam quando ita in virtute proficit, ut ad quam maximam gloriam evehatur à Deo, atq; ad quam perfectissimam fruitionem pertingat Dei, non quia ad hanc pertingere sit bonum homini ipsi, sed quia gloriosum Deo. & quia Deus non potest se se amplius glorificare in homine, quam per hanc fruitionē sui ab illo. Atque ita quantò hæc erit fruitio major, tantò Dei exaltatio in homine amplior. Qui ergo se ad hanc fruitionem quantò majorem disponit, is tantò majorem Deo gloriam conquirat, disponit verò soliditate virtutis, atq; ita quantò solidiores esse in virtute curamus tantò magis Deum glorificamus. Et quem hæc non moverit? hæc moverunt Sanctum Patriarcham nostrum, hæc movent etiam Societatem nostram, hæc & nos movere debent, saltem ab hinc, si adhuc non moverūt ut in solidarum & perfectarum virtutum studium incumbamus.

**S**ecunda causa est Christi exemplum, doctrina, merita, dignitas, voluntas. Quæ omnia ut in IESU Christo solidissimam fuisse virtutem docent, ita in Christianis, in Religiosis, in IESU Sociis, non nisi etiam solidissimarum virtutum studium exigunt. Expende doctrinas & exempla Christi, & merita, & dignitatem, videbis nihil in eis non summè solidum, qualis igitur tu imitator & Socius IESU eris, nisi solidus in virtutibus esse studueris? Quod si expendas quam Christus id velit, ut nempe proficiamus, quam sanguineis id Votis & quam multis poscitis quis tam ferreus, qui in hoc Christi gratificari nolit voluntatis sanguini, morti? Sit ferreus quisquis esse vult, IESU Socius esse qui poterit? poteritne IESU Socius illam vocem surdus audire? *Si diligitis me, mandata mea servate*, Ioan: 14. 13. Et quid commemorē hic



hic Christi gloriam, quam habet, dum soli-  
de nos proficimus? *Gaudium Domini fortitudo*  
*nostra*. 2. Esdræ 5. 10. Etiamne Christus non  
meruit, ut hoc illi gaudium gloriamque non  
invideremus? Sanctus itaque Pater & Socie-  
tas, quia nos IESU Socios esse cupit, ideo no-  
bis solidarum & perfectarum Virtutum stu-  
dium præcipit.

Tertia causa Pretiosissimæ Parentis vita, A  
mors, exempla, gloria: item Sanctorum om-  
nium, item Sanctorum nostræ Societatis.  
In quorum omnibus moribus, nihil nisi vir-  
tutes solidæ apparuerunt. Quorum ergo tu  
Sanctorum istorum imitator, & socius, &  
frater, & cliens eris, si in virtute solidus nõ  
fueris? quomodo tu illos glorificabis, qui glori-  
am illorum tuis imperfectis virtutibus, ac  
moribus deteris? S. P. Ignatius & Societas  
nos Sanctorum æmulos, & gloriæ illorum  
propagatores per morum & virtutū expressi-  
onem cupit, ideo nobis studium solidarum  
virtutum, quales Sanctorum fuerunt, incul-  
cat.

Quarta causa, Ecclesiæ & Societatis IESU  
natura, indoles, vota indigentia, finis atque  
vocatio, quæ omnia solidam & perfectam  
requirunt Virtutem in nobis Filiis Ecclesiæ  
& Societatis. Ecclesia est fundata super fir-  
mam petram Christum: Societas quoque su-  
per eundem. Quidquid in Ecclesia est in So-  
cietate à Deo ordinatum, totum solidum  
est, totum perfectum, vana, arundinea, futi-  
lia, fictilia, inflata, non admittit Ecclesia &  
Societas: exigit vasa auri solidi, exigit vasa  
electionis, exigit opera plena coram Deo, exi-  
git aurum, argentum, lapides pretiosos: ne-  
minem vult, qui inveniatur minus habens,  
cujus opus ardeat, cuius domus super arenā  
sit, qui sit arundo vento agitata, qui sit palea  
igni inextinguibili comburenda, qui pascat  
ventos, qui sequatur aves volantes, qui sit

tanquam æsonans, & tympanum cinniens,  
1. Cor. 13. 1. Tales non vult Ecclesia, non  
vult Societas, adeo nos vult in virtutum so-  
lidarum studium incumbere. Et quis hæc  
Ecclesiæ, quis Societati invidet? Invidet  
quisquis virtutum specie contentus, virtutes  
ipsas non curat. An tu ex horum numero  
sis, vide.

Quinta causa nostrum nihilum, nostra va-  
nitas, inconstantia, fragilitas, ad malum per-  
petua pronitas, quæ semper nos in præceptis,  
in superbiam, in ruinam, & exitium trahit,  
nisi soliditate virtutum, & perpetua cum gra-  
tia Dei labore, jugique cooperatione nosmeti-  
psos stabiliamus, & solidemus, *Satagamusque*  
*per bona opera certam facere vocationem nostram,*  
*& in vacuum gratiam Dei non accipere*. 2. Pet.  
1. & 10. 2. Cor. 6. 1. Metire o studiosè vir-  
tutum abyssos nihili tui, & conijce, quantā  
B soliditate perfectionis & bonitatis, illas explē-  
curus sis, pondera quanto pondere tendas ad  
ima, & infra ipsa inferna, & collige, quā  
ponderosa solidaque opus habeas virtutum  
perfectione ad illud pestilens pondus tuum,  
ruinam, allevies, atque subleves, & ad superna  
cælestiaque attollas. Crede mihi homo, si  
id bene expendis, levicula virtute non esse ti-  
bi opus, nec qualemquam perfectionem  
tibi sufficere facile concludes. Si solidissima  
quandoque virtutes vacillant & cælorum vir-  
tutes moventur, tuæ imperfectæ perfectiones  
non corrueunt? Hoc igitur cavens & curans  
societas, solidarum virtutum studium, omni-  
bus perpetuo, perpetuumque commendat.  
Merito id faciat obaudire tu debeas? dispice  
& tandem te serio respice. Nulli magis in-  
cumbit te solide perfectum esse, quā tibi,  
quia si fueris, hoc nulli magis proderit,  
quā tibi, si non fueris, hoc nulli magis,  
nullique alteri oberit, præterquam tibi, ideo  
attende tibi.





## D I E S I I.

*Quæ requirantur in Virtute ut sit solida. 1. Intentio pura seu Caritas. 2. Humilitas, 3. Universalitas.*



## CONSIDERATIO IV.

*Ad solidam Virtutem requiritur Intentionis seu Caritatis in Deum puritas.*



**S**olidum dicitur illud, quod est spissum, & in quo nihil est vacuum, nihil permixtum, nihil inflatum. Uter inflatus, arundo, & his similia non sunt solida, quia etsi foris molem præferant, intus tamen habent inanitatem. Similiter aqua, aer, & alia fluida non sunt solida, quia etsi habent substantiam, non habent tamen spissitudinem & densitatem atque duritiem, soliditati requisitam. Itaque virtus solida illa dicitur, quæ est spissa, densa, inflexioni & evanescentiæ non obnoxia, tam plena intus quam foris; dura & robusta, ponderosa, nihil habens admixtum peregrinum ac non suum, non obstrepera, non clamosa, solida enim non facile sonat, &c. Hæc omnia ad virtutem solidam requiruntur, quæ quidem ut melius expendantur, ad pauca capita revocanda sunt.

Ac primò hic expendendum est solidam virtutem esse illam, quæ in caritate Dei fundatur, ex caritate Dei queritur & paratur, caritate Dei perficitur ac fovetur, caritate Dei consummatur, propter caritatem Dei exercetur, defenditur, docetur, quæ caritatem Dei radicem, vitam animamque habet, quæ solum & solius Dei bonum scilicet gloriam, exaltationem, gustum, beneplacitum, querit, intendit, tuetur, soloque illo contenta est. Hæc est intentionis, quam vocamus, puritas rectitudo, nuditas, quæ homo omne quidquid cogitat, dicit, facit, omittit, omni actu corporis & animi, omni motu naturæ & gratiæ ad hoc unum dirigit, ut Deo bene sit, hoc est, ut Deus laudetur, æstimetur, ametur, glo-

rificetur, super omnia exalteretur: quia dignus est, quia id illi debitum, id illi placitum, id illi gratum ac volitum, quia Deus homini placet, & ut homo placeat Deo, placeat autem, non quia placuisse Deo, bonum hominis est, sed quia placuisse Deo hominem vult Deus, & quia placuisse Deo ut sit homini bonum, idem, & insigniter appetit Deus.

Hæc exposita sive caritatis sive interius puritas, est tota spiritualis vitæ sublimitas, proinde diligenter penderanda est & cognoscenda in lumine veritatis, & conscientiæ voluntatiq; committenda penitus ab omni illo, quicunque vult esse perfectus, & in virtute solidus. Quæ expositio intentionis atque exactio in ea puritatis, ne cui, ut assolet, exotica & spinosa, & fortè non ad mentem instituti videatur eam ipsam in Reg. 17 summi: quæ immediata est huic quam hic de solida virtute nunc meditamur, ostendo, Regulamque expendendam propono. Sic igitur habet (Omnes rectam intentionem habere studeant, non solum circa vitæ suæ statum, verum etiam circa res omnes particulares, id semper in eis sincerè spectantes, ut serviant & placeant Divinæ bonitati propter seipsam, & propter caritatem & eximia beneficia quibus prævenit nos, potius quam ob timorem poenarum vel spem præmiorum, (quamvis hinc etiam juvari debeant.) & in omnibus querant Deum, exuentes se, quantum fieri potest, amore omnium creaturarum, ut affectum universum in ipsarum creatorem conferant, eum in omnibus creaturis amando, & omnes in eo, juxta sanctam & Divinam ejus voluntatem) hæcenus Regula; quæ meliori non indiget, meo judicio, interpretatione, quam explicat.



est in explicatione intentionis posita sicut ē converso, non desidero sensum intentionis explicatē disertius exprimi, quā est à S. Patre, in his Regulæ verbis enucleata. Neque desidero ullum gradum altiore puritatis in intentione, quā est iste, quem S. Pater in Regulæ verbis explicavit dummodo verba prout pregnantissima sunt, penitissimè etiam intelligantur.

Ex his considerans colligat Primo, solidā virtutem non esse illam, in qua qui virtutem virtutisvè actum operatur, intendit commo- dum suum privatum, in qua placere volu- mus oculis alienis, non Dei nec propter De- um, in qua occupamur videri, gratiamve ob- tinere, æstimari, laudari, reputari, in qua il- lud istudve nobis aptum & cōmodum (nunc vel olim) veniamur, in qua volumus effugere aliquid adversū, in qua satisfacere tantum o- mnī officio & usui volumus, & facere, quod alii faciunt, contenti sumus. isti enim vir- tutum fines, non tantum non faciunt virtu- tem solidam, sed ne virtutem quidem esse fi- nunt, verum potius in maliciam illam detor- quent, in sensualitatem, amorem proprium, superbiam, ambitionem, negligentiam, timo- rem humanum, cupiditatemq; pervertunt.

Colligat 2. Solidam non esse virtutem illam, in qua quærimus malum aliquod de- clinare, etiam animæ nostræ etiam futuræ vi- tæ, pœnas v.g. inferni, purgatorii, aut etiā pec- catum, in quantum nobis præcisè malum est, & timorē, pudorem, pœnam, remorsum no- bis adducit; non quod non sit utcunq; bonū, hæc vitare velle, sed non est solidum.

Colligat 3. Solidam virtutem non esse il- lam, qua quærimus profectum in virtute, me- ritum, beatitudinem huius vel alterius vitæ, gratiæ augmentum aliquodvè beneficium. Dei nobis bonum, non quod non sit bonum hæc velle & habere, sed quod virtutes quibus ista quærentur, non sint solidæ: non sunt e- nim in caritate sed in spe fundatæ, nec ab a- more amicitie in Deum, sed ab amore con- cupiscentiæ erga ipsum hominem operantē procedunt, proinde aliquod creatum, aliqū- amorem creaturæ immixtum hæc virtutes ha- bent, ideoq; solidæ non sunt, non sunt enim solidæ quæ sunt permixta præsertim si sint vi- liori permixta, ut si massa auri immixtam ter- ram habeat, solida dici non potest.

Colligat 4. Solidam non esse virtutem, amare & quærere humilitatem, caritatem Dei atq; proximi, patientiam, obedientiam,

puritatem cordis, Martyrii palmam, sed neq; in his virtutibus heroicè quoad hominum, oculos exerceri & proficere, si in earum vir- tutum studio, exercitio, profectu, id quærat & spectetur, si inquam, ob id ametur & quæ- rantur, & exerceantur, quia sunt insignes virtutes, grandes, magnam in cœlo gloriam repositam habentes, Deo multum placentes, in Scriptura, in Patribus, in sermonibus no- bilissimè laudatæ, ab hoc, illove sancto, à B.

A Virgine, à Christo Domino insigniter exer- citæ, & proinde, si etiam à nobis amentur, æstimentur, exercitentur, possideantur, sint nobis summo honori & lucro in Christo fu- turæ, hæc, inquam, virtutes hoc fine amate & habitæ non sunt adhuc solidæ, neq; enim in ijs quæritur, Deus solus sine nobis, sed quærimus nos ipsi & bonum nostrum, qua nostrum, appetuntur enim virtutes magnæ, quia magnæ, sed ipsa magnitudo earum ad nostri magnificationem detorquetur, appe- titus in gratia Dei crescere quia in illa cre- scere nobis bonum est. Appetimus excelle- re in amicitia Dei, quia in ea excellere bonū est magnū nostrum, appetimus puritate, intē- tionis eminere, quia eminere in ea, est bonū nobis. Appetimus penitus voluntati Divinæ conformari, & in eam transire atq; transfigu- rari, quia hoc est sublimè, quā sublimita- tem apprehendimus, & consequenter appeti- mus nobis, quippe bonam nobis. Quod soli- dum non esse palam est. Non dico malum id esse, absit, bonum est. sed solidum nō est. Quid adhuc deest? porro unum est necessari- um, scilicet pura & defæcata caritatis intētio, quærere nempe Deum, etiam in quærendo Deum, ut gratis colas Deum, ut neq; bonum ullum supernaturale tuum, neq; bonum Dei quæras, quia est bonum tuum, quia bonum Dei à te quæri, est bonum tuum, sed quia est placitum Deo, quia gustabile, quia honorifi- cum Deo. Ut (juxta Reg: 17) id unum sem- per sincere in omni re, actione, motu tuo, in- terno, spiritali, supernaturali, particulari, spectes ut servias & placeas Divinæ bonitati, propter se ipsam, & propter caritatem, ut in omnibus quæras Deum, ut exuas te amore omnium creaturarum, & ante omnia amore tui ipsius, boniq; tui cujuscunq; in quantum tuum bonum est, & affectum universum tuū in creatorem tuum, & creaturarum conferas juxta sanctam & divinam ejus voluntatem, hoc est ideo, quia Deus ita vult amari, quia ita dignus est, quia ita illi placitum, gustabi- le,



le, laudabile est à te amari, quia te pro eo mori & martyrio ornare, Deo debitum. placitū, honorificum est, quia te ejus in voluntatem transformari & hac transformatione nobilitari, perfici, mereri, Dei voluntas, gustus & honor, & gloria est.

Hæc intentionis puritas, caritas est clarissima peroptimum est, virtutis soliditas est, quæ foras mittit timorem, foras spem, non quod non egeat interdum timore pænæ, vel præmij spe juvari & erigi, sed quod in soliditate virtutis, in perfectione caritatis, in puritate intentionis non debeat includi.

Hæc qui consideras, sic considera, ut te in eis contempleris, & virtutem tuam ad illa explores, & quantum ab his illam abesse adverteris, tantum à soliditate abesse illam nihil dubitaveris. Consulo cuilibet, ut frequenter non in vita aut anno, sed in die inspiciat intentionem suam quoad hoc, ut sit desæcata ab omni creato bono, amore, & respectu, & præcipue à suo proprio, esto occupetur circa bonum spirituale idq; sublime etiam hic verum est illud: *præsumptum est cor hominis &c.* Hierem: 17 9. item illud: *Nunquid Iob gratis colit Deum? Iob 1. 9.*



## CONSIDERATIO V.

### Ad soliditatem Virtutis, requiritur humilitas Virtutis.



**V**irtutes ut sint solidæ, debent esse humiles: non humiles, sed est, abiectæ, miseræ, imperfectæ, sed humiles spiritu, similes sui contemptu, despectu, sepultura & oblivione. Solida enim ordinariè gravia sunt, & deorsum tendunt, si enim supernatant, apparet ærea, ventosa & non solida esse. Sic virtus quæ solida est, deorsum tendit, quæ vana est, supereminere appetit. Virtus solida non videri sed esse appetit: vana, non esse sed videri, aut certe parum esse, multum statimq; videri gaudet. Vasa etiam aurea, si sint vacua, supernatant: lignea si plena sint, descendunt. Arbores fructibus carentes, sursum ramos erigunt; onustæ fructibus, ad ima eosdem demittunt. Ita ubique soliditas descendit, inanitas subvolat.

Ait scriptura, *Quando magnus es, humilia te in omnibus.* Eccl. 3. 20. Quasi dicat: si magnus es, descende, & te demitte, ut quod es, esse non desinas. Magnitudinem tuam fac tibi humiliationis tuæ materiem &c.

Adhuc forte ambigüe rem propono, clarè igitur dico. Virtutes, ut sint Virtutes, oportet ut sint humiles, & virtuti humilitatis conjunctæ. Si enim conjunctæ humilitati non-

erunt, vanitates erunt: unde rectissimè ait Gregorius Romanus: quod qui virtutes sine humilitate congregat, quasi pulverem in ventum portat. quæ verba non tantum sunt per concomitantiam intelligenda, quasi cum aliis virtutibus humilitas etiam sit curanda, sed etiam per quandam informationem (quamquam semper una Virtus est altiori connexa, & veluti ejus forma aut coadjutrix, maxime quando in gradu notabili est) ita ut omnibus aliis virtutibus. Humilitas quasi fundamentum, quasi custos, munitio, quasi soliditas & condimentum, adjungenda necessariò sit. Id quod Bernardus excellenter in una quidem Virginitatis seu castitatis virtute declaravit sed ita, ut quod ille de una virtute asseruit, hoc de omnibus virtutibus omnino æqualiter dicendum sit.

Penetrabitur hæc res ni fallor, ex illustratione exemplorum melius. Est Religiosus, cui firmum sit propositum, excellere & perfectum esse in obedientia virtute: propositum suum, etiam exequi conatur, intellectum & voluntatem suam exactè conformat iudicio & voluntati Superiorum. idem ramen hoc quod cupit esse, cupit etiam videri: id est, perinde ut cupit & gaudet excellere in Obedientia, cupit etiam & gaudet opinionem habere de sua excellenti obedientia: quod si parum



parum obediens putetur vel dicatur, tristatur statim & abiicit animum, quid huic deest ad solidam obedientiam? dico deesse humilitatem obedientiam, obedientiam enim habet, sed superbam, humilem autem non habet: nam si humilem haberet, non videri obediens, sed putari inobediens veller, atque gauderet. Est alius qui caritate proximi & zelo animarum ardet, laboriosus, strenuus, fervens, semper excubans ad lucra animarum, die nocteque accinctus, ad pauperes, ad sinera, ad nosocomia, ad carceres impiger, in iis semper legendis, quibus proximo proffit aliquando, occupatus dum vacat, docere rudes, pueros ignaros amat, idem tamē hoc de se sciri, sentiri, & dici quod est, gaudet & cupit, zelo carere, piger circa animas dici odit, tristatur, animo angitur & deijcitur, conqueritur. Huius zelus & caritas proximi in quo d. ficit? deficit in humili zelo & caritate. Humilis enim zelus, zelus esse vult, sed videri non vult, immo non zelus, sed pigritia videri vult.

Est alius sim. li. et zelosus sive animarum pastor, sive Concionator, sive Confessarius, sive Magister, sive Superior, & ita est, ut omnibus numeris absolutus esse in officio suo cupiat: idem tamen simul videri talis vult, & si non videtur, tristatur: si arguitur, & traducitur tanquam piger operarius, tanquam imparatus Concionator tanquam languidus Magister, tanquam crudus vel inefficax, vel insuavis Superior; linguis talibus censurisque plus nimio penetratur, dolet, animum abiicit, de suo gradu & passu cedit, remittit, & cum videatur non esse, licet sit, vult re ipsa non esse, quoniam non esse videtur. Quid talibus deest hominibus? multum admodum esto unum solum, nempe humilitas virtutis atque soliditas: quæ si adesset, resolutio illa turpis, & ignavorum, & impatientium, superbiorum, se se in virtute & in actionibus quærentium propria non esset: sed potius contentus quisque esset testimonio conscientie suæ, testimonio veritatis, testimonio Dei. Satis illi esset, esse: videri autem non cuperet, immo cuperet non videri, & doletet videri.

Est similiter alius, humilitari, patientiæ, mortificationi, sui contemptui delitus, in actibus talium virtutum assiduus, sed ita, ut simul gaudeat talibus actibus studiisque intentus videri, sciri, putari, dici: si verò non intentus his videatur, si superbus, amans sui,

impatiens, immortificatus, vindicativus, passionatus, delicatus, commodis deditus &c videatur, ad iudicetur, & Superioribus referatur, id ferre æquanimiter non vult, non valet, sed abicitur, queritur, murmurat, purgat se ægrius, quam par est, quid huius humilitati, patientiæ, &c deest? deest humilitas. Ipsa quippe humilitas debet esse humilis, quia verus humilis (patiens, mortificatus &c.) non vult humilis prædicari, sed vilis reputari: obediens quoque humilis, non vult obediens reputari, sed inobediens iudicari: sapiens, & doctus humilis, non vult sapiens & doctus dici, sed sapiens quidem & doctus vult esse, insapiens autem, imprudens, vel vult dici, vel saltem æquanimiter fert reputari. Satis exemplorum est, plura considerans excogitabit, & sibi accommodabit.

Hæc est humilitas virtutis, sine qua nulla est in virtute, nulla in ullo nostro bono opere soliditas. hac humilitate quantum carent nostræ perfectiones, tantum & soliditate, hoc est veritate, carent. Vera enim virtus, hoc differt à falsa & imperfecta, quod vera velit esse, nolit videri, immo velit non esse videri, falsa autem nolit, aut non curet esse, velit autem & curet videri, doleat non videri: imperfecta autem, parum curet esse, plus verò curet videri, doleatque non videri. Unde solidissimum signum esse non solidæ adhuc virtutis, velle videri, dolere quod non videatur, gaudere quod videatur, exhibere se videndam solida virtus in fundo amat esse, non vult superari, quadrata est non volatica, non inanis, non inflata, solius Dei oculis agnosci contenta, suis & alienis occulta, vilis, & modica, se ipsa contenta, seipsam materiam humilitatis & humiliationis suæ facit, & licet maxima sit, maximam se non novit, non prodit, & licet honoretur, honorari se immerito putat, supra meritum dici, & ex animo dicit, honorari se dolet, ac tristatur, & erubescit, honorem hunc Deo tribuit, benevolentie ignorantium adscribit, ipsa verò ex illo nihil sibi decerpit.

Talis fuit virtus, (ut unicum & luculentissimum exemplum dem) *MARIÆ* Virginis. Virgo fuit, quam ante partum, tam in partu, & post partum, ixit tamen ad purificandum se, & tanquam non virgo immaculata, sed puerpera immunda esset, se in templo stetit, atque mundationem legalem suscepit.

Vade Religiose, ad hoc speculum exempli & consi.



& considerationis istius te dispice atq; compone. Quamto magnus es, humilia te in omnibus magnitudinibus tuis, naturalibus, supernaturalibus, corporis, animæ, fortunæ, bonis. Omnia bona tua sint tibi humilitatis materia, sicut arbori sunt fructus sui. Quantumcunq; te dejeceris, humilior Chri-

sto non eris, quantumcunq; te dejeceris, Mariæ humilitatem non superabis. Si unde humilioris, malum nullum habes, virtutes saltem, quas humilior habes. Ama hoc exercitium, neq; dimittas, nisi in eo, usq; ad nauseam tuam, remet assuefeceris.



## CONSIDERATIO VI.

### Ad solidam virtutem requiritur Universalitas.



Non est etiam solida virtus, qualem esse requirit Regula in homine quolibet Societatis, si non sit Universalis universalem virtutem voco hic, non illam, quæ scilicet omnes omnino virtutes, suo ambitu complectatur, vel quæ homo nulla velit virtute carere, nam etsi & hæc quoq; Universalitas virtutum in perfecto esse homine debeat, perfectum enim est cui nihil deest, & virtus perfecta est, cui nulla pars nullusq; gradus deficit, tamen hoc loco non ad istam virtutis universalitatem curandam considerantem excito.

Est alia virtutis universalitas, quæ non omnes in se complecti debent. Hæc autem melius elucescet ab exemplorum luce, quam à pluribus virtutibus petam. Sciendum est reperiri aliquos studiosos virtutum tales, qui ita alicui (uni aut pluribus) virtuti student, ut eam non curent ad omnem vitam, ad omnem actionem, ad omnem circumstantiam, olim sibi eventuram, acquirere vel accomodare.

Modestiam v. g. aliquis amat: sed amat tantum in publico, tantum in oculis superiorum & graviorum, tantum respectu periculorum objectorum, at in cubiculo, & extra arbitros, inter pares, ubi nullus censor, & criticus metuitur, in levioribus & à gravibus culpis remotis, & gestus fractos, oculos vagos, & aures patulas, & habitum incompositum, & incessum festinum aut levè,

& alia incompositi animi corporisq; indicia prodit, facile garrit, in risu ora dissolvit, levitates exercet, fabellas audit & narrat, curiosus sciscitatur, curiosè prospicit. In hoc modestia universalis non est, quia si universalis esset, ubiq; & respectu omnium locorum personarum, temporum, occasionum, objectorum, membrorum, sensuumq; esset.

Mortificationem passionum alius amat: sed amat & curat, tantum earum, quæ effectivè se vulgo produunt, & facilius patent, ut viam impatiètiæq; latèntiores animi malos motus in se se dissimulat, ut ambitum, amorem proprium, emulationem &c. Alius amat mortificationem passionum, & quandoq; omnium, sed non nisi respectu certarum conditionum, v. g. frenat iram & timet videri impatiens à superioribus vel ab ijs à quibus id cognoscere possunt Superiores, aliis qui tales non sunt, facile & iracundè resistit, verba dura ingerit, increpationes & jurgia non fugit. Ambitiosus esse non timet, sed notari cavet, & ambitionem artificiosis pallijs velat. Alius mortificationi passionum se studere ostendit, quam diu ex minoribus, ut sic loquar, non excedit: ubi excreverit, curam illam relinquit, nulli cedit, omnibus suo iudicio par, facilis censor omnium, commotum amator, confusionis osor &c. In talibus mortificatio est, sed universalis non est: alligata enim est certis circumstantiis, non complectitur omnes. Inde tales suo tempore videntur ex bonis mali facti qui non facti sunt mali ex bonis (quia nunquam fuerunt boni, semper autem manserunt mali) sed desierunt



fieri apparet boni, qui videri olim curabant, & inceperunt apparere mali, quod ante videri in se cavebant: cavebant autem, ne aut opinionem amitterent, aut promotione ad studia, ad gradum, ad officia exciderent. Obedientiam alius amat: sed tantum maioribus superioribus absque excusatione obedit: minoribus & officialibus prompte se excusat subducit, obitrepit, resistit. Alius obedit in uno, in alio non. Alius si ei tali modo imperetur, obedit, si aliter (puta imperiosius, morosius, crebrius, ab ingrato sibi, vel res ingrata, vel contempta, neque apparendi occasionem habens) non obedit, aut aegre obedit. In hisce omnibus obedientiam non esse, quia universalis non est.

Indifferentiam alius amat, sed tamen moveri ab hoc officio, loco cubiculo, socio non vult. Illuc libenter vadit ad manendum, sed alium ad locum non item. Illi subesse gaudet, alteri se subesse posse (velle, dicere debuerat) negat. Hoc officium pro se esse, libenter se obiturum, illud non pro se esse dicit. Ad illos homines iturum, ad istos non iturum se asserit. hoc tempore, sed non alio: cum hoc socio non cum alio, mansurum se, non iturum, iturum non mansurum affirmat. Hæc se studia, tot annis, hoc in loco tractaturum, hoc gradu dignum, & contentum futurum non alio dicit, re ipsa facit. In hac indifferentia, est summa differentia ac propterea virtus nulla, quia & virtutis universalitas nulla.

Alia aliarum virtutum exempla non afferro. facile illa diligens considerator ex propria depromet vel experientia vel conscientia. Dico tantum quod jam dixi supra, virtutem solidam non esse, nisi universalis sit. Quod dixit Paulus de Caritate, quia nunquam excidit: hoc & de aliis virtutibus in hac vita dici potest. tales nempe esse omnes in nobis debent, ut nunquam a nobis excidant, non sint alligatæ virtutes nostræ locis, personis, occasionibus, temporibus, circumstantiisque certis ita ut ad alias nos comitari non possint aut nolint.

Sub hac eadem universalitate inclusam cupio à studioso virtutum solidarum Religioso, etiam universalitatem graduum, qui in virtutibus esse possunt ac debent, ut nempe

non sit contentus virtute scatente, & diffundente imperfectiones etiam minutas, etiam virtutis non directè hostes. Minimos quosque defectus, minima fugere par est eum, qui solidarum virtutum studiosus est. Non est enim minimum, minima peccata contemnere, S. Bonavent in prologo speculi. Immo verò minima virtutis est, & modicæ caritatis, minima contemnere: minima, inquam, si ve vitia, ita ut non evitentur, si ve virtutum complementa, Deivè placita, ita ut curari exerceriq; negligantur. Qui coram Deo magni esse appetunt, nullum Dei beneplacitum, nullum Dei Religionis præceptum, atque obedientiæ præscriptum reputare debent minimum. Si enim reputaverint, magni coram Deo non erunt, cum scriptum sit. Qui solve-

rit unum de mandatis minimis, minimus vocabitur, in regno celorum. Matth: 5 9. Et meritò sanè, minimus erit talis coram Deo & in regno Dei, coram quo etiam, Deus & voluntas Dei, (quæ ubique est, etiam in minimis maxima) non maxima, sed minuta & contemptibilis reputatur. Quisquis ergo solidam Virtutem cupit, is simul universalem cupiat ita, ut nihil, quod Deo placitum vel placitum putet, (esto minimum appareat) contemnendum sibi, sed potius omni diligentia & applicatione conquirendum exercendumque putet, in minimis quippe perfectio, & perfectio, illa est, cui nihil deest, nam si aliquid deest, perfectio non est. Neque ille dici verè potest, perfectam virtutem ambire, qui convincitur, universum, quod in se virtutis esse potest, non querere. Vide Ludov: de Ponte l. 5. in Cant: Exhor: 38 § 3.

Expende hæc, quisquis es virtutis solidæ amator & sectator, & ea ad imum cor demitte, ad illa te, affectus tuos, actus tuos officia tua, virtutes tuas examina, neque fatigeris hac reflexionis curâ, quia nunquam sine profectu te laborasse deprehendes. Ut nihil aliud fructus referas, illud tibi solatio sit, quod Bernard. alicubi asserit: Tunc te non frustra scrutatus es quando iterum scrutatio opus esse reprehendes. Multum profecit & effecit, qui hoc effecit apud se, ut intelligat se adhuc proficere debere, parum profecisse, parum solidæ virtutis habere.



## D I E S III.

*Ubi Virtus solida paranda seu querenda. Ubi exereitanda & perficienda. Ubi possidenda, & tanquam robusta atq; secure solida, tenenda, inq; usum revocanda.*



## CONSIDERATIO VII.

*Ubi solida virtus sit quærenda & paranda.*



Ita præsens, vita est laboris, itineris, profectus, mercatus, negotiationis, Vigiliæ, pugna. Illa ergo est campus, quærendæ parandæ exercendæq; Virtutis ac perficiendæ, & deniq; tenendæ ac possidendæ. Post hanc vitam, nec ratio, nec opus, nec consilium locum habet: Venit enim nox, in qua nemo operari possit. Ioan: 9. 4. Qua de re nullum dubium est: tantum id animo insigendum, quod quidquid virtutis, gratiæ gloriæ in hac vitâ non comparaverimus, id in æternum comparaturi non sumus: ut proinde omne momentum vitæ huius, esse nobis pretiosissimum debeat, & non in nugis vanis, sed in solidis laboribus ac æternitati servituri consumendum sit: quippe momentum, & momentaneum hoc quod in præsentia est, immensum gloriæ pondus super modum in sublimitate operatur in nobis. 2. Cor: 4. 17. O avaritia humana, cur hic non exerceris? cur his lucris, his fœnoribus non inhias? Hæc Sancta & Sanctorum avaritia est; radix non iniquitatis, sed iustitiæ, non idolorum, sed veri vera Dei servitus: at illâ etiam Sancti sæpè non agnoscunt, sæpè non exercent, sed tepiditate, dilatione, negligentia, optimas horas non optimè elabi sinunt. Utinam & ego, & qui hæc legit atq; expendit mecum, tales esse definamus.

Status Religiosus est etiam locus, & tempus, & status laboris: sumus enim ad Religionem vocati, ut operarii in vineam, ut negotiatores ad Mensam, ut excubitores ad vi-

giliam, ut milites ad militiam, ut athletæ ad luctam, ut in stadio currentes ad cursum. Nobis dictum est, Negotiamini, dum venio. Lucæ 19. 12. nobis Distribuit Dominus talenta & dona sua, quæ in sudario involuta, nefas est desodere in terrâ. Nos sumus arbores in horto Domini, in quo steriles esse nefas est, sed fructum oportet asferre in tempore. Ioan: 15. 16. Nos electi sumus, ut eamus, & fructum afferamus, tricesimum viæ purgativæ, sexagesimum viæ illuminativæ, centesimum viæ unitivæ, Matth: 13. 8. & quidem in patientia, ita ut fructus noster maneat in vitam æternam. Quæ omnia sonant nihil aliud, quam Religiosorum munus esse, virtutem quærere, acquirere, exercere, perficere, possidere, qua de re dubitare est nefas, illud tantum apprehendendum bene, quod Religiosum esse, nihil aliud sit, quam Deo devotum esse: devotum autem esse, nihil est aliud, quam ad opera Dei, ad opera virtutis promptum paratum, expeditum esse, ita ut Religiosi sit Deo perfectè servire, devoti autem, promptè perfectione obsequii sectari. Ex qua colligat Religiosus, se, si in servitio Divino non occupatur, si non ad perfectionem conatur, si non promptè & expeditè contendit, nec Religiosum, nec devotum verè Deo esse. Hæc qui debet capere capiat, & si quis habet aures audienti, audiat. Nihil enim tam formidare debet Religiosus, quam ne non sit Religiosus, nihil æquè debet horrere, Deo devotus, quam ne non sit devotus. Non est autem Religiosus & devotus, quisquis est tepidus, quisquis est ad opera divini obsequii non promptus, quisquis in-



in Virtutis studio non assiduus, quisquis solidæ virtutis non est exercitator indefessus.

Sunt tamen in Religionibus, præsertim in Societate tempora & spatia distincta Virtutis solidæ, acquirendæ alia, exercendæ & perficiendæ alia, utendæ deniq; alia. (omitto nunc reparanda spatia, quippe hæc in mediis conjungo)

Acquirendæ virtutis, & tempus & spatiū in Societate est Tyrocinium, quod ideo præ aliis Religionibus, est longissimum, & fortè etiam dicere possem accuratissimum, ut in eo Virtutis solidæ comparandæ, otium detur quàm commodissimum. non quod aliis etiam annis virtus in Societate quæri nō possit, & inveniri, sed quod aliis annis exercenda potius quàm quærenda, in annis Tyrocinii quærenda & acquirenda sit. Ad Tyrocinium enim adferri virtus (ordinariè) nō potest, nec debet, sed in Tyrocinio discenda & acquirenda est, ex Tyrocinio verò ad alios Religionis annos exportanda, & in eis exercitanda est. Quare annos Tyrocinii potissimum quærendæ virtutis solidæ assigno, in quibus quàm solidè & quàm solida virtus quæri debeat, ex sequentibus, quæ consideranda propono, capitibus elucescet.

1. sit de tribus Classibus Religiosorum. Una est Tironum & propè Tironum, scilicet juniorum Religiosorum. Altera est mediorum, seu in medio vitæ Religiosæ cursu propositorum. Tertia adultorum & consummatorum, atq; adeo jam in senectutem vergentium, dicere possumus aliter, incipientium, proficientium, perfectorum, sed libet priore loquendi modo uti. Hæ tres Religiosorum classes, habent suas proprias, virtutis perfectiones & soliditates, ita ut primæ Classis virtus, sit gradus ac semen sequentis, hujus verò in virtute soliditas, sit item gradus & semen tertiæ, istius deniq; sit semen vitæ & gloriæ æternæ. Primæ Religiosorum Classi incumbit crassioribus expugnatis vitiis, incumbit ea, quæ ad votorum & Regularum observantiam pertinent, non solum addiscere: sed in usum quoq; & consuetudinem suam salutarem perducere, incumbit actiones & occupationes Religiosas, omnes quidem, præcipue tamen ad spiritum pertinentes (ut sunt Orationes, Meditationes, Examina, Sacramenta, Lectio, & Collocutio Spiritualis, Collatio cum Patre Spirituali, intentionis & cordis puritas &c.) cum omni diligentia & cura cum omnium observationum exacta

observatione assuescere, facere, ita ut hæc diligentia fiat planè Novitio naturalis &c. secundæ Classi Religiosorum incumbit & competit quædam maturitas, hoc est, facilitas quædam, & decentia atq; ornatûs adhibitio, in exequendis ijs, quæ sunt vocationis, quæ Regularum, quæ ordinariarum occupationum & actionum. Non decet hos, uti bruta pecora, tristi necessitate, metu pænæ aut occasionis, monitionisve ad obsequia divina, & Religionis obedientiæq; opera adigi: sponte hi debent de virtute in virtutem currere, sponte exacti esse in observatione tam temporis quàm ordinis, quàm modorum, quibus peragenda sunt actiones & obedientiæ imperatæ: non ad oculum, non ut non fecisse deprehendantur, & deprehensi puniantur. Spōte isti dicuntur se ipsis meliores de die in diem effici, & opera sua quotidiana atq; communia, exacta & virtutum ornatu cincta devotione atq; fervore Deo præsentare ut fecisse scribitur S. Ioseph Patr: apud Hieron. in c. 3 ad Ephes. de quo sic ibi scribit. *Habebat propositum Deo placēdi, quod nullā temporis varietate mutavit, neq; adversis, neq; prosperis sibi succedētibz semper unus idemq; fuit, ac malos dies in honos vertit.* Tertiæ Classi Religiosorum, propriè dicta & primariè incumbit soliditas, qua in votis Regularis, Virtutibus, operibus, consuetudinibus ac spiritu ordinis sui probè & constantiter atq; validè formati & confirmati stent, ita, ut jam iis lex non sit posita, sed sponte suā, quæ legis & disciplinæ sunt, faciant, ut jam cæteris veluti viva Regula factisq; expressa, Religionis & spiritus disciplina, consilio & exemplo, reliquis præluceant, & unumquemq; dictis factisq; securè utiliterq; in via divini servitii juxta spiritum Religionis dirigere possint. Hæc Religiosorum Classi, Regularum observantia, & Religionis disciplina levis sentitur, (sentiri certè deberet) & omnino, tandē suavis fit, atq; ut loquitur Cassianus. *Superata iam vitiorum impugnatione transit in ipsius virtutis affectum, & gravis est pœna vel virtutum perniciofa transgressio, vel vitii virulenta contagio.* Hæc incumbit tertiæ classi soliditas virtutis, quam utinam non frequentius in prima inveniamus classe, quàm in hac tertiā: sed hæc interim deploratio relinquenda, coram Deo autem facienda est. Hoc caput expendere proderit, non tantum ad præsentis considerationis, sed etiam ad duarū sequentiū institutum. Ad alia hujus loci propria capita, recensenda pergo.

1. Ergo



2. Ergo Caput sit, ut Tyro atq; primæ classis Religiosus, hoc inviolabiliter menti & cordi suo insculpat propositum: Volo in hac Religione Deo servire, in eoq; servitio & vivere, & mori planè statuo, quidquid tandem mihi evenierit, *manum ad aratrum missem semel, nunquam avertam* Lucæ 9. 62. *Neq; retro cum uxore Loth respiciam* Gen. 19. 26. Omnis hominis Christiani, sed Religiosi ac maximè tironis vox illa esse debet propria & medullis irradicata: *Quis nos separabit à charitate Christi tribulatio?* Et *Certus sum quod neque mors.* Rom. 8. 31. Necessaria est hæc tironi resolutio. Nam si in hoc proposito vacillat, nihil mirum, si reliqua tandem omnia non tantum vacillabunt, sed & corruent.

3. Caput, idem primæ Classis Religiosus inviolabiliter hoc propositum teneat. Aliter omnino & per omnia contrariè mihi vivendum est in Religione, quam vixi in seculo. Religio enim est inversus mundus sapientia mundi hic stultitia est, mores mundi hic peccata sunt, gloriatio mundi hic pudor est, etiam modus, pedes movendi, gressusq; faciendi, observatus in seculo, in Religione dediscendus est. Uno verbo, ut massa ferrea in incude Religionis, recudendus est, qui ex seculo venit, & in aliam formam traducendus in alium virum transformandus, veterem hominem exspoliandus, linguam, quam non noverat, docendus, & tanquam puer sensum ad rudimenta & elementa sermonum Dei revocandus.

4. Caput primæ classis Religiosus insculpat animo hoc propositum: In Religione volo omnino sanctè, perfectè, ad normam instituti mei, quod sum complexus, vivere, omniaq; servare, quæ sciam esse præscripta idq; etiam si nullus alius, qui in eadem Religione est aut erit, illa observabit. Nam ego non veni ad Religionem, ut vivam sicut alij vivunt vivent, sed sicut omnibus vivendum est ex mente instituti, neq; mihi aliorum vitæ, sed Regulæ à Religione sunt ad legendum initio ingressus mei propositæ, à meq; sunt tanquam norma vivendi, acceptatæ. Hoc propositum à primo die tirocinii sui usq; ad finem vitæ Religiosus tenere debet.

5. Caput primæ classis Religiosus insculpat animo; omni Religioso, consequenter ergo & mihi, incumbit in Religione, bona agere & mala pati, facere imperata, perpeti quæcunq; obvenientia, mancipium, servum, jumentum Religionis & Prælatorum & omniumque illæ. Nunquam pro tota vita spera-

re libertatem, nunquam gratiam, nunquam laudem, nunquam præmium à superioribus vel domesticis, sed imperia, sed reprehensiones sed contemptus, sed infra alios deprehensiones, sed accusationes, sed poenas: etiam si innocens fuero, etiam si rectè egero, etiam si alius in culpa erit non ego, etiam si hæc, quæ iussus sum & eo, quo iussus sum, modo egero. Omnes alii erunt Religionis filij, ego servus, omnes alii erunt in oculis, & gratia ego in oblivione: omnes alii erunt apti ad omnia: ego ineptus ad omnia de omnibus aliis, nihil credetur mali, de me omnia & nihil boni: omnes alii utiles sunt aut erunt, ego ad nihil utilis, immo damnosus semper: omnibus tutò credi poterunt multa, omnia mihi nihil unquam aliorum nemo custode indigus, mihi tanquam efferatæ & indomitæ feræ, aut tanquam suspecto & periculoso cauea & custodia opus erit spiritualiter: alii propter alias honestas causas religione recepti sunt, & in ea fovébuntur, ego ex pura Patrum misericordia & receptus sum, & tenebor: aliis debebuntur spiritualiter in visu, vestitu, habitatione, occupatione meliora, & honoratiora, & prima, mihi verò spiritualiter vilissima & postrema.

6. Caput primæ classis Religiosus firmissime sibi persuadeat hæc: Ego & alius fratres sumus, & nihil inter nos differt. Ego ipse mihi reus, fur, prædo, hostis capitalis, perpetuò, & in singula momenta sum. Semper ergo mihi à me cavere, mihi suspectus esse, nunquam pacem mecum facere debeo. Amare me, indulgere mihi est me perire, carni meæ nihil debetur nisi Virga, onus, pælex, Crux, dolor, nuditas, inedia, litis, frigus, labor, animæ meæ nihil debetur nisi confusio, contemptus, reprehensio, irrisio, censura, servitus.

7. Caput primæ classis Religiosus firmissime sibi persuadeat. Conscientia mea superiori meo atq; Patri spirituali, vitrea & crystallina debet esse semper, ut eam cum libet, inspiciat, nec in ea quidquam eum lateat, sed eam melius quam suam ipse, vel quam ego meam, norit. Neq; expectabo dum ille inspicere velit, sed rogabo ut velit, afferat & exponam ut possit. Non invitabo ad me Diabolum eiusq; tentationes, spe taciturnitatis meæ secretiq; mei, sed primulas ejus suggestiones duci meo spirituali continuò aperiam. Nam celare & fugere conscientiam spiritualis Patris, crimen est tironis, & primus



mus ædificii Diabolici lapis, primus ad teporem, ad inquietudinem, ad ruinam passus, diaboli securus nidus. Superiorem etiam odientem me amabo. Crudus enim & asper magis ad indigentiam, mores, utilitatemque meam est, quam blandus & mihi compatiens. Hoc propositum adeo necessarium, & tiro- ni quidem propriè, dico, ut nullum alium æ- que sit illi commendandum, hoc enim unum omnium est reliquorum illi necessarium, quasi supplementum adeo, ut, si hoc habeat, non sit alia diu desideraturus. Et causa est, quia cum tiro sit ignarus, inexpertus passio- num adhuc vivarum impetu facillè mobilis ad astutias diabolicas cæcus, ad sua desideria frenanda impotens. Inter lepram & lepram, inter bonum & malum, inter spiritum & spiritum, discernere non valens. Deuter. 17. 8. magis de externa specie pietatis ac Religiositatis quam de latente ejus virtute sollicitus, uno verbo adhuc à capis Egypti non planè exco- ctus, sibiq; ad nihil sublimè sufficiens, pro- missimus verò ad terrena, ad sensualia, ad ruinam, & esto bonam voluntatem retineat, rationis ductu destitutus, nihil huic consul- tius & securius esse potest, quam ut quod mi- nus habet de suo, id petat ab alieno, utique is, qui se ipsum vix portat, præ spiritualis ho- minis teneritudine infantili, & se, & alia o- mnia onera sua alienis imponat humeris de- ferenda alienis regatur consiliis, imperiis providentis, voluntatibus, maxime quando in Religione Superior, ita Vicarius est Dei, & interpres voluntatis ejus certus, ut sensus ejus, sit sensus Dei quoad bonum subditi, pro- miseritq; subdito Religioso Deus, se illi per hominem Superiorem, suam voluntatem in- fallibiliter manifestaturum. Hoc ergo capi- ant & sapiant Tirones.

8. Caput primæ classis Religiosus firmissi- me teneat: cum carnis & præsertim gulæ cō- modis, satietate, voluptate, appetitu semper est mihi luctandum, tamdiu donec victor- sim & dominus mei in hac parte, donec ad a- limenta, tanquam ad medicamenta sumenda, ac- cedere assuescam, & purè soli necessitati ni- hil voluptati indulgere condiscam. Religi- osus enim qui gulæ suæ impotentius servit, & succumbit, adeo vilis est, ut indignus sit, cum quo diabolus colluctetur, & dedignatur Dæmon certare cum guloso, sed eum solius gulæ suæ gladio debellare superbus ille satis putat. quo quid debet esse Religioso probro- sius, & detestabilius? certè ignoro, quid pos-

sit esse contemptibilius eo, quem Diabolus ipse indicat indignum tentationibus suis. Ergo rudimenta pugnarum sunt, gulæ & ven- tris certamina, quæ sunt tironi primitus, & perfectè superanda.

9. Caput. primæ classis Religiosus hoc si- bi persuadeat medullitus. Ab omnibus cum quibus maneo, & manebo unquam, ego ju- dicari, censurari, accusari, puniri, contemni, conculcari, irrideri, odio haberi debeat, vel- leq; tenor, ac volo, ipse autem neminem, judicare, accusare, despiciere, vexare, irride- re possum. Omnes alij, Domini sunt mei & Prælati, me digniores & meliores, ego au- tem sum omnium servus, & à Deo ad servi- endum omnibus creatus atq; vocatus. Illis ergo jus est in me, sed non mihi in illos. ser- vus enim non judicat dominos, & domino- rum suorum filios, neq; illos vexat, ridet aut- scernit, aliove modo lædit. Servi potius cō- ditio est, à Dominis talia perpeti, & silere, quia servus est. O! quantum boni, quantum lucri, quantum pacis inviolatæ tiro possideret per omnes Religiosæ vitæ suæ annos, si hunc spiritum cum lacte sui tirocinii sugeret, & ab infantia Religiosa huic cibo assuesceret!

10. Caput. primæ classis Religiosus, hoc sibi etiam intimè persuadeat: Nisi linguam meam frenavero vana erit mea semper om- nisq; Religio. Silere t mihi semper in desi- derio, loqui in necessitate. Nancquā os aperi- re possum, quin statim in ore lingua mea votum parturiat. Obstinatum ergo servabo silentium. Verè enim Religiosus garrulus, est sentina peccatorum, annus enim exundans lutum multum trahit. A pueritiâ porrò Religiosa, æ- stimatio silentii est combibenda, & nullis cō- trariis linguis, verbis, experimentis, exem- plis, ab animo deponenda. Possunt alij in loquendo cohibere spiritum suum: at ego ita sum infirmus hac in parte, ut non possim. Fortè autem multos in hac re mihi similes, saltem inter tirones inveniam.

11. Caput. primæ classis Religiosus con- stringi & arctari semper magis à se, & à su- perioribus atq; à disciplinæ custodibus ap- petat & gaudeat, laxiora & permittere & per- mitti sibi formidet. Discretionis spiritum, & prudentiam apud se ipsum tanquam infal- libilis ruinæ principium horreat. Modica ne spernat, Novitius enim discretus, non tan- tum est tentatus, sed etiam victus, etiam in- vocatione dubius, immo etiam uno pede ex- tra Religionem positus, tener Religiosus ma-  
gis



gis timeat discretionem, in fervore quàm indiscretionem quia per indiscretionem itur ad discretionem, sed per discretionem itur ad tepiditates, ad laxitates, ad dissolutiones, ad tentationes, ad carnalitates ad sacrilegia, ad Apostasias. Illud sibi inclamari tirones & juniores putent à Bernardo. (Dimittite corpora, quæ de seculo attulistis, soli spiritus ingrediantur: caro non prodest quidquam.) Regulæ asperitatem meditamini, qua totam vitam atterere oportebit. Absit, ut Tiro persuadeat sibi, se quandoque tironem non futurum, non ut Tironem tractandum, plus jam sibi post biennium aut licitum aut licere. Absit illud, procacis cujusdam apud Cassianum, seniori suo obstrepat aliquando. Num ob hoc me metipsum humiliavi, ut semper subditus essem? &c. Semper illud quilibet eorum sibi occinat: Geram me sicut primi anni Novitium. Item illud: Cavebo mihi semper à parvo mundo, hoc est à me ipso.

12. Caput, primæ classis Religiosus illud sibi perpetuo infigat, & inclamet, quod Sanctis Ephrem, Dorotheo, Arsenio, Bernardo, solemne fuit inclamare sibimet ipsis: ad quod venisti. Item illud: hoc est esse Monachum. Item illud: Et Senatorem perdidisti, & Monachum

non fecisti. Item illud: tantum proficere, quantum tibi ipsi vim intuleris. Efficacissimum quippe ad constantiam in bono medium est, primos nostros spiritus & primitias resolutionum nostrarum. scilicet ob oculos proponere, neque primam charitatem relinquere, sed potius prima opera nostra semper facere, & ut ei plena coram Deo sint, curare.

Hæc 12. Capita debent esse Tironum Religiosorum classi, tanquam spiritualis ipsorum ædificii, seu 12. fundamenta: Debent esse tanquam 12. Articuli. symboli Religiosi, quos firmissima non tantum comprehensione & fide teneat, sed etiam immo multo magis executione perpetua assidueque praxi in effectum deducat. Hæc capita facient, ut Tiro Religiosus Virtutem solidam & inveniat in Tirocinio, & inventam secum educat, atque circumducatur in toto reliquo vitæ Religiosæ spatio. Siquidem Adolescentis iuxta viam suam, etiam cum fuerit non recedet ab ea. Proverb. 22. 6. Talis Virtutis soliditas utinam vel in veteranis senibusque reperiri possit. An in te, qui hæc consideras, reperitur, dispiciasque ut reperitur, aliquando tandem animum serium adijce. Non pudeat Tironum virtutem sectari, magis padeat, etiam Tyronum præludiis veteranum carere.



## CONSIDERATIO VIII.

Ubi solida virtus exercitanda & perficienda.



Invenisse Virtutem in Tirocinio, atque acquisivisse modicum est: tenellam crescere, adolescere, convalescere oportet. Monstrum est enim, partum ab ea mole in qua natus est, incrementis sumptis, non recedere. Cui bono infantuli si semper infantuli spes succrescendi semina spargit alioqui spargere, non succretura, detrimentum est. Et virtus frustra quæritur, si non perficienda quæritur. Recte sapiens: Semina aut iustorum, & virtutis cultorum, quasi lux splendens procedit, & crescit ad perfectum

diem. Pueri 100. annorum probro & irrisioni sunt apud Prophetam. Homo etiam ille, qui cepit edificare, & non potuit consummare, Illusus est ab hominibus Ioseph potro laus illa est Filius accrescens Ioseph, filius accrescens. Et illa Davidis: David autem proficiens, & semper se ipso robustior efficiebatur. Tum & illa Salvatoris IESU: IESUS proficiebat sapientia & ætate, & gratia apud Deum & homines. Denique si alicubi jubemur esse parvuli, id malitia tantum non virtute, alias verò inclamat parvulis sensu: usquequo parvuli diligitis infantiam? Igitur Religiose cum tua primæva virtute semper cresces, semper adde, semper profice, semper ambula, semper



per tibi displiceat id quod es, si vis pervenire ad id quod non es.

At ubi virtutem suam, & quando Religio-  
sus Societatis imbecillā roborabit; inchoatā  
consummabit, imperfectam perficiet? Bre-  
viter & rotundē dico. Dum Societatis homi-  
nes in Collegiis vivant, dum scientiarum  
prædia comparant, dum disciplinas tradunt  
aliis, dum instrumenta zeli animarum & si  
bi conquirunt, & ipsimet fiunt, dum officiis  
inter domesticos pariter, variis distinentur,  
& ad futuros labores prædunt, dum in ter-  
tia probatione, schola, affectus exercentur,  
attritumq; nonnihil torce spiritus & virtutis  
fervorem restaurant, tunc virtutem, olim in  
Novitiatu hauritam, perficere & roborare  
atq; solidare debent.

Supra dicta namq; omnia, & hisce similia  
ita à nostris tractanda sunt, ut per illa ac in-  
ter illa, non tantum non perdat, sed soli-  
detur potius augeaturq; spiritus. Itaq; hæc  
est unica de multis Societatis circa suos Reli-  
giosos curis cura maxima, spiritum in suis  
fovere, promovere, augere, robustiorem per-  
fectionemq; facere, eumq; eo tandem perfe-  
ctionis, roboris ac soliditatis deducere, ut fi-  
lios suos in opus Evangelici ministerij, secu-  
re possit tanquam ex umbra in lucem, & ex  
arena in aciem producere. Quod quomo-  
do fieri possit, hæc in Consideratione ad nor-  
mam præcedentis, sub nomine secundæ Re-  
ligiosorum Classis expendendum est, ceteraq;  
propositorum ac observationum huic classi  
convenientium, per quæ virtus perfici & e-  
xercitari possit. Capita consideranda, & in  
animum demittenda.

1. Caput, secundæ Classis Religiosus So-  
cietatis (de hoc enim præcipue nobis sermo  
& huic ista consideranda proponimus) men-  
ti suæ insculpat profundissime propositum,  
& dictamen istud: Quidquid hætenus in Re-  
ligione feci, pertuli, perfectionis paravi, aut  
nihil, aut exiguum quiddam est, ac rude, im-  
politicum, valdeq; imperfectum ac infirmum.  
proinde non tantum non debeo cessare, non  
tantum non debeo quietem & libertatem la-  
xitateq; vivendi sperare, spectare, sed poti-  
us magis ac magis debeo, in Tirocinio in-  
choata perficere, formare, & expolire. Ab-  
sit ut credam licitam mihi fore & dissimulā-  
dam in me à majoribus esse libertatem, &  
leviorem, transgressionem. Absit ut credam  
mihi postmodum non perinde invigilatum

iri vel invigilandum esse à præsidibus. Ab-  
sit ut credam in Collegiis minus spiritui,  
minus animæ cultui, minus mentis recolle-  
ctioni, minus internæ externæq; modestiæ ac  
mortificationi, minus orationi, reflexioni,  
devotioni, Regularum observationi attendē-  
dum esse, vel attendi à me possessi affectus ea  
spe etq; fide, ac persuasione sit pro certo per-  
dendus mihi primævus spiritus, inq; tepidi-  
tatis baratrum prorueandum est. *Altera me  
Dominus in bono proposito meo, in sancto servitio  
tuo, & de mihi hactenus perfectè incipere, quia ni-  
hil est quod hactenus feci.* S. Th. a Kemp: lib. 1  
Etenim *Si inchoata bonā fortis operantis manus  
ad perfectionem non sollevat, ipsa operandi re-  
missio, contra hoc quod operatum est, pugnat.* Gre-  
gori 3. p. past. adu. 15. hinc per Salomonē  
dicitur *Qui molli & dissolutus est in opere suo,  
frater est sua opera dissipanti.* Provi. 18. Cu-  
jus propositi est illa ratio effrax, quia tem-  
pus Tirocinij & Religiosæ juventutis ad hoc  
Religio dat suis, ut in eo discant, quō modō  
per totam vitam debeant postmodum vive-  
re, & opera Religionis exercere. Itaq; Ti-  
rones exercitia Tirocinij sui non debent cū  
Tirocinio ipso relinquere, sed secum ad Col-  
legia deferre, & in Collegiis eadem omnino  
exercere. Nam si v. g. in Tirocinio doceamur  
meditari & modum meditandi, refle-  
xendi, convincendi, proponendi, postulan-  
di discamus, quem tamen in Collegio post  
modum negligamus: dicam nos Tirocinij  
tempus non malè quidem collocavisse, nega-  
bo tamen nos in hac parte bene Tirocinium  
explevisse ac posuisse. Discit enim miles in  
orio, non ut artem pugnandi negligat, sed  
potius ut sciat & exerceat artem quam  
didicit, in aperto prælio. Sic & Religi-  
osus discit in Tirocinio, qualis debeat esse  
& quā cum perfectione actiones suas omnes  
peragere debeat in Collegio, & in toto Reli-  
giosæ vitæ suæ spatio. Ex quo elucescit illo-  
rum stultitia Religiosorum, qui quō antiqui-  
ores in Religione sunt, eo laxiores in consci-  
entia, & indulgentiores in se sunt, laxitatem-  
que suam per antiquitatem excusant, quam  
in junioribus per hoc quod iuniores sunt,  
tolerandam non putant.

2. Caput secundæ, classis Religiosus af-  
suescat, non tantum rectam, puram, defæca-  
tamq; intentionem in omnibus (præcipue  
studiis) habere, sed etiam eandem crebrò in  
diem innovare, atq; si pulverem contraxit,  
expolire. Intentio enim recta, omnium ope-  
rum



rum est anima. Nihil ergo queratur à Religioso nisi Deus, nisi propter Deum. Hoc sit ei familiare, sed ignitum alloquium propter te Domine propter te. Item: Ad maiorem Dei gloriam: Item: Domine ut tibi placeam soli amolus, ut mihi placeas solus amplius: quia mihi places. Item: Domine quia vis, & quia dignus es. Item: Omnipotentia, sapientia, bonitas, providentia, dignitas, voluntas, amor præveniens: ecce ego, & omnia opera mea coram Te, non propter me, non propter alios, non propter consuetudinem, sed propter te Deus meus ut omnia, quia hæc est voluntas tua, & dignitas voluntatis tuæ.

3. Caput, secundæ Classis Religioso sit commendatissimus ordo, modus, diligentia, applicatio in agendo. Ordo, ut omnia agat suo tempore, loco, serie. Modus ut uniuscuiusque actionis suæ habeat peragendam cum perfectione, modum, constetque illi ratio quamlibet actionem peragendi cum fructu, merito, profectu, Dei gustu. Diligentia & applicatio, ut serio agat quæ agit, ut ad minima (modò proficua actionis perfectioni) advertat, & omnibus numeris expletum opus Deo exhibeat. Ad ista se se assuefacere, quam proficuum Religioso, quam fecundum sit, dicere paucis non possum, multis hoc loco nolo: fua-deo tantum, ut id Religiosus proprio discere satagat experimento. quid facile poterit, si Dominus & sui juris, non autem actionum, esse voluerit, si prævia consideratione, omnia agere voluerit, si cuiuslibet operis sui rationem, Regulam modumque prævisum, atque vel à se excogitatum, vel ex praxi Sanctorum, vel ex Magistrorum spiritualium ductu habere in promptu curaverit.

4. Caput, secundæ Classis Religiosus tempus, pretiosissimum ut est, ita etiam reputet, atque adeo avarissimè capiet, & tenacissimè servet, maximè autem micæ temporis innumerato habeat, & unicuique parti ac micæ occupationem, præcipuè piam designet, eamque in eo expedire assuecat. Fures temporum, confabulatores socios, & inutiles nec profuturas occupationes, cognitiones, congressiones, curas declinet. Nullam non temporis partem, vel spiritui, vel studiis, vel labori utili impendat. O quam multos audire solemus, suæ tepiditatis in spiritu causam, in defectum temporis ad vacandum Deo & sibi, in molem studiorum & occupationum assiduitatem conijcentes, qui potius ignorantiam redimendi & collocandi bene

tempus incusare debuerant! Quam multæ quotidie temporis particule his effluunt otiosæ & inutiles, quas si rapuissent, & vel solas in die, ascensui in Deum, exercitio interno virtutum impendissent, non tantum tepiditatis spiritum & sensum in se ignorassent, sed ignitissimi fervore, unitissimi Deo, locupletati meritorum & virtutum gradibus, actuumque numeris singulos in dies, evassissent. Sed hæc à superbiorum ac negligentium oculis abscondit Deus, ut sordescant in sordibus suis & refrigerant corde, & evanescent in cogitationibus ac studiis, & exerceantur in conscientis suis, quas non colere, sed mentiente sibi iniquitatem clamantes obruere, & vanis, ac tantum ad excusandas excusationes in peccatis, excogitatis velaminibus & formalitatibus, atque scilicet discretionibus, mutas facere volunt & contenti sunt.

5. Caput, discat Religiosus secundæ classis, non ambire occupationes extraneas sibi, discat potius minorari actu, non gaudeat videri aptus ad agendas res ad illasve adhiberi. Sufficiat illi occupari cum Deo, cum suo, (si quod habet,) domestico officio. Amet cubiculum, quia anima sedendo & latendo fit doctior, fit melior, fit sanctior, fit cultior, fit purior. Ne discat Religiosus ante messem, efflorescere. Agnoscat se adhuc canalem esse non concham, nondum habere satis pro se quo infundantur, nedum pro aliis quod effundat. Venient tempora, in quibus proximis inservire poterit, (si tamen tunc voluerit) usque ad defatigationem. Immaturi zeli, ordinariè sunt tepiditatis ac fastidii spiritualium rerum, negligentia verò in studiis, filij sementis murmurationum & linguarum, occasio turbationum & tristitiarum &c. Quod si Religiosum talem ad actiones & occupationes, protrahit aliquando obedientia vel caritatis necessitas; obediat impendatque se, sed non expendat, non effundat, commodet se actioni & negotio non donet, illudque ipsū ordinatè, quod tempus, locum, modum, superiorum mentem, sui cordis pacem, exequatur, nec ultra quam sat est, illi immoretur. Qui minoratur actu sapiens. Eccl. 38. 25.

6. Caput, consuecat secundæ classis Religiosus, certam orationem & seriem, præximque & occasionum varietatem, virtutibus exercendis idonearum perspectam habere, atque ipso actu Virtutes ex proposito ac destinato, per anni, mensis, & dierum seu horarum

inter-



intervalla exercere, earumque sive internas, sive externas actiones, sibi familiares & faciles efficere. Frustra enim meditatio de rebus piis, etiam quotidie instituitur, si actu & re ipsa, Virtutum pietas quotidie non exercetur. Frustra etiam, & parvo profectu, Virtutum, inter meditationes proposita, desideriaque concipiuntur, nisi eadem proposita, certis temporibus ac designatis occasionibus saepius in diem, assignato etiam numero vitiorum, actibus ipsi perficiantur. Frustra animus Virtutem, oblata qualibet inasperata & fortuito occasione retenturus & exerciturus, neque transversum in subitanea perturbatione passionis agendus praesumitur, nisi antea idem animus, aliquantum longo tempore, cuiuslibet virtutis quotidiano & destinato usu ac exercitio, partim praxim cognoverit, partim possessionem adierit, & sese bene ac longè antè voluntario ac meditato studio, ad imprævisas imperatasque virtutum exercendarum, occasiones praevenierit & assueverit. Sicut enim discimus in scholis, Latine, emendatè, aut ornatè loqui meditatò, ut extra scholas possimus eadem forma loquendi uti quibuslibet se offerentibus occasionibus, etiam impræmeditatè, aut sicut fidicen in còclavi, attentà meditatione discit & assuecit lyra canere, ut in publico postmodum sine ulla etiam attentione animi, expedire & harmonice possit ludere: ita Religiosi meditatio & ex proposito actus virtutis, nunc huius, nunc illius, tanto vel tanto numero exercere debent, ut postmodum ad offerentem se fortè quamlibet occasionem alicujus virtutis, parati faciles & assuefacti inveniantur. Atque hoc, quod isto in capite retuli, adeo verum & necessarium censeo, ut sine ejus documenti practico usu, nullam virtutis soliditatem unquam Religioso sperandam asseram, quantumlibet ille multas decades annorum, in studio vitæ Religiosæ decurrerit. Neque aliud est quod adeo multos decipit, qui se senes Religione quia recordantur, ideo etiam perfectos in virtute, & ab aliis credi volunt, & semetipsi falso arbitrantur. Qui utinam errorem aliquando agnoscant suum, & vel in hora ultima ad vineam Domini, Matth: 20. 6 Scilicet ad animam suam excolendā, interiore operatione convertantur, ne fortè aliquando, tota die otiosi stetisse convincantur.

7. Caput, assuescant secundæ classis Religiosi, omnes quotidianas & quandocunque

in vitam suam incurrentes, sive occupationes, sive actiones, spiritu sublimare, devotionis fervore incendere, Virtutum variarum gemmis vestire, omnium denique requisitarum circumstantiarum perfectione & consummatione animare: sive actiones occupationesque sint naturæ objectoque suo spirituales, sive ex objecto quidem indifferentes, ex solâ verò operantis voluntate atque intentione in spiritu. alium operum indolem transformatæ sint. Non sit contentus, malam aut otiosam indifferentem actionem non esse quam agit: nō sit contentus bonā à se intentione fieri: addat insuper fervorem, attentionem, devotionem, Dei vel Christi, vel Sanctorum imitationem: addat internam spiritus unctionem, addat sui in opere, suæque voluntatis in Deum & Dei voluntatem liberalem & hilarem transfusionem, resignationem, sacificationem: addat his gemina, quæ hic explicare & brevitatis nō finit, & unicuique à sua caritate, quæ ingeniosa est, atque à gratia Divina, quæ nemini unquam deest, facillimè dicantur. Neque hic operandi modus aut difficilis aut spinosus & onerosus viribus corporis est, si prudentia atque discretio ac directio adsit, si per partes discatur, & sensim consuetudo ad multa traducatur, si præmeditatio quælibet opera exerceantur. Hic certè operandi modus, qui eū sibi familiarem reddunt, perficit virtutes, augget merita, ditat animas, purificat corda, gratias omnis generis provocat, Deum familiarem facit, & Religiosum ad futuras circa proximorum salutem curas communit, securumque facit. Quod quidem melius experientia quam doctrina discitur.

8. Caput, assuescat secundæ classis Religiosus, libertati Religiosæ in observatione Regularum suarum in loquendo de Deo & divinis, cum tempus possit, in fungendo & exequendo officio suo, juxta exigentiam ejus, praximque receptam, esto aliis id sit, submolestum, in declinandis defectibus aut etiam cum opus, & cui opus, deferendis. In observandis consuetudinibus ordinis sui receptis, antiquis & usitatis, in usu poenitentiarum, externarum, publicarum. Nemo te Religiose complice defectus sui speret, nemo nō vereatur te presente in disciplinam peccare, & non ideo quod revereatur delationem tuam, sed quod revereatur conscientiam & observantiam tuam. Faciat tibi auctoritatem non ætas, non canities, non doctrinæ opinio, non officium, non libertas arguendi, sed te.



nor vitæ ad disciplinam instituta, sed professio libera, atq; sancta, inuerecundaq; ad Regula præscriptum semper vivendi libertas, ita ut reprehendat, vel reprehensura videatur alios, non lingua tua, sed vita, sed integritas, sed inflexibilis ab instituto & recto constantia. Qui sic vivere didicerit, huic ad solidam Virtutem diu aliquid desse non possit. Utinam domus & Ordines Religiosi, talibus viris virtutum abundant! Talis ratio vivendi cum consummata est, non ad mediam hanc de qua nunc agimus, sed ad tertiam classem mox tractandam pertinet: attamen dum peragatur, ad eandem spectat: quinimmo & legimus & experimur, quandoq; juvenum virtute prædicatorum præsentia graves etiam atq; senes, & Præpositos Religionum, ad meliora componi solere.

9. Caput, assuescat secundæ classis Religiosus zelum Dei gloriæ & animarum quam maximum in spe & expectatione, sed temperatum in executione habere. Dum in hac classe est, zelum suum in hoc præcipue exerat atq; excolat ut se se instrumentum zeli Deo, Ecclesiæ atq; Societati quam accommodatissimum efficiat, siue Virtus, siue doctrina, siue prudentia, siue quodlibet aliud requisitum spectetur. In veritate dico: hominem Societatis olim circa salutem aliorum omnis generis hominum atq; statuum occupandum, oportet esse in omni ente perfectum, hoc est oportet esse in omni virtute, scientiâ, eruditione, animerum tractandorum, dexteritate insignem, aut certe non mediocriter versatum. Talem ergo se efficere curet secundæ classis Religiosus, & satis spatiosum zelo suo campum, dum in hac classe est, habebit.

10. Caput, assuescat secundæ classis Religiosus, nullam sibi in Religione neq; pro præsentis tempore, neq; pro futuro occupationem, locum, tempus, seriemve actionum, ab alieno arbitrio dependentium assignare aut permittere. Ad omnia se paret: nihil specialius & firmiter desideret, esto etiam hu-

milis zelo ingeniove suo convenientius, id quod desiderat, videatur. E contra etiam à nullo refugiat impotentius (nisi quod ambitionem redoleat) sed sic seingat, ut mollis cera sit, ut senis baculus & cadaver est, ut instrumentum est, quod manum elaborandam non sibi deligit, sed ejus diligendæ curam artificii relinquit, & ad delectam applicari ab eodem expectat. Sit Religiosus aquæ similis, quæ nullam naturam figuram habet, sed eam recipit, quam vas habet, cui infunditur, nullam etiam retinet postquam ex vase effunditur, sed alterius continuo vasis, figuræ assimilatur. Talis Religiosus esse discat; non adhæreat loco, Superiori, socio, officio, hominibus, tempori, sed ejus vasculi figuram induat, ejus, inquam, imperii, omnibus circumstantiis se se accommodet, à quo dirigitur, aquæ congelatæ proprium est, retinere vasis figuram, etli extra vas ponatur: sic Religiosi frigidi atq; tepidi ingenium est, adhærere affectu ad placita sibi loca, officia, opera, & agere ab aliis avelli, ad illaq; desiderio aspirare.

His exercitiis è Tirotinio desumpta virtus, à secundæ classis Religioso in Collegiis exercenda, educanda, & roboranda est: dum studet, dum docet, dum officiis destinetur aliquibus domesticis, dum sodalitates admittit, dum foras quandoq; ad præludendum zeli sui fervoribus dimittitur. Horum exercitiorum munita præsidis virtus in Collegiis non labat, non flaccescit, immo roboratur & validior efficitur, alias vero ijs destituta nihil mirum si non flaccescit tantum sed etiam evanescit. Non labor scientias comparandi, sed neglectus inter conquisitionem

scientiæ virtutes exercendi, virtutibus nocet. Quæ in re, sicut & in totis his capitibus ista consideratione explicatis inexcusabiles sunt nostri in Collegiis Scholastici, quæ nulli de nostris alii, tam commodè his omnibus quæ hactenus retuli, satisfacere possunt, ut Scholastici, quod si non faciunt, nemini præterquam sibi & ignaviæ suæ imputare debent.



CON-



## CONSIDERATIO IX.

Ubi virtus possidenda & tanquam robusta atq; solide perfecta, securè tenenda, & in usum revocanda.



**T**ertia Classis Religiosis, hoc est perfectis & consummatis viris, hæc Consideratio servit: est tamen & ab imperfectis nobis consideranda, ut scianus quid desit nobis, & quò adhuc conandum sit nobis.

Post exacta Tirocinia, post completa studia, post comparata zeli animarum & gloriæ Divinæ subsidia, post instauratum tertiæ probationis fervorem spiritus, prodit tandem: talles tanto labore atq; tempore cultus, probatus, politus, institutus in aciem, Virtutisq; suæ tanquam jam solidæ & exactæ campum nanciscitur, edit, specimina, experitur firmitatem, & quia supponitur à Religione perfectus, supponitur & à me in hac Consideratione, ideoq; in ea non proponam (ut imprimis factum est.) Capita exercitandæ & perficiendæ virtutis, sed capita potius possidendæ atq; usurpandæ.

Atq; imprimis perfectio isti ac veterano, jamq; tertiæ Classis Religioso commendata esse desidero, tam illa, quæ primæ classi quàm ista, quæ secundæ classi Religiosorum superius capita sunt proposita, neq; enim talia illa sunt, ut in perfectis locum non habeant, absit: immo vel in his residere debent quàm maximè, fundamenta non sunt & parietes spiritualis ædificij, sine quibus laquear & rectorum, & quælibet coronis frustra exstruitur. Notum est apud spirituales Magistros, tres illas vias, quibus hæc nostra classes tres respondent, nempe Purgativam, Illuminativam, Unitivam, nec esse, nec debere inter se discretas, ut una altius vicissim officia non degustet. Degustant quandoq; incipientes, etiam delicias perfectorum: sed & perfectis expedit, nonnunquam descendere ad labores & lacrymas incipientium: blanditur sæpè incipientibus divina bonitas, & se se in sua dulcedine illis gustandam propinat, ut scilicet per viam purgativam, per se se horridam

alacrius currant, sed & in perfectis dormitat quandoq; perfectio, & nescio quodam modo usum ipso Deus ejusq; conversatio ac familiaritas vilescit. Quo in casu, ait Bern: excitandus est timor ut excitet, seponenda parùm per pia Dei vocabula & nomina, Patris scilicet amici, sponsi, recolenda autem interim illa severiora, Domini, Iudicis, vindicis & ultoris, quòd enim Pater, quòd amicus, quòd sponsus est, id tibi o homo est, sed quòd Dominus, quòd Iudex, quòd ultor, hoc sibi & pro suæ gloriæ zelo reservavit. Atq; id ipsum dico de viæ Illuminativæ sectatoribus, debent namq; isti & aliquando incipientibus consentire, & ad perfectos ascendere, & vice versa ad illos tam ascendere incipientibus quàm descendere perfectis inutile non est, immodò verò amantes Virtutum, & curiosi profectus sui observatores viri, debent stata aliqua vitæ suæ tempora habere, quibus nunc in hac, nunc in illa, nunc in tertia incedant via. esto specialius & frequentius, occupari debeant in sua. Sed jam ad promissa capita veniamus.

**P**rimam Caput, in quæ tertiæ classis Religiosa virtutem suam solidam possidebit, & possidendo usurpabit, est ut sci at abundare & deficere, immo ut plus defectum gaudeat perpeti, quàm copiam amare. Ingenue dico: sæpè ad scopulum paupertatis atq; desertitatis corporalium commodorum, perfecti ac veterani allidunt virtutes suas, & neustagium perfectionis in pusillanimitate & amaritudine cordis patiuntur. Quoties perfecti isti implent domum murmure, si quid aliquando ad mensam, ad vestitum, ad lectum, ad cubiculum, ad currum deesse, quid dico deesse? non deesse, sed minus copiosum, delicatum, pretiosum, molliculum, nitidum, superfluum, quam volebant, adesse contigerit! Et tamen solida virtus, perfecta virtus, hæc non sentit, his non cedit, quia scit abundare & deficere, immo gaudet deficere, erubescit abundare. Male vestiri, malè



malè vefci, malè habitare paupertas non potest.

2. Caput, in quo solida perfecti Virtus eminet, est linguæ imperium. Nam qui non offendit in verbo, hic perfectus est vir. Iac 3. 2. Minimum est in perfecto, amare & colere silentium: sed inter loquendum verbo non labi, in labiis suis non capi, scire & posse cohibere spiritum, hoc perfecti est. In quo genere nulla, nulla omnino diligentia superflua est, immo verò nulla satis est. At uti-  
nam non eos qui perfecti sunt opinione sua & nostra, experiamur esse linguæ super ceteros superbioris, iactantioris, mordacioris, obtreptantioris, in censuris, in decretis, in secretis, in adulationibus, in dolositatibus, in mendaciis effrenatioris.

3. Caput, in quo solida perfecti virtus eminet, pacis amor & tutela est. Perfectus vir nescit lœdere, nescit lœdi, nescit irasci, nescit ulcisci, amat odientes, laudat detractantes, iuvat impediētes, conciliat à se vel inter se dissidentes, aufert de medio fratrum scandala & discordiarum semina. Est pacis filius, est pacis author est pacis pater & princeps, & Angelus, est pacificus. Pretiosior est illi uncia pacis & fraternæ, caritatis centum libris discordiæ. Sed ô quàm rari ambiunt illud sibi convenire: *Beati pacifici, quoniam Filii Dei vocabuntur!* Parum scilicet est filium Dei esse, præstat diabolus inimicum pacis & mulari.

4. Caput, in quo solida perfecti virtus eminet, est linguæ dominium, sed à proximè posito diversum. Linguis Superiorem esse, earum sensu carere, gustu pasci, morsus earum in omni opere suo secuturos sic sperare aut supponere, & umbras corporibus, novimus comitari, occalescere ad aculeos linguæ, famam, honorem, opinionem suam ex quovis re linguis omnium creaturarum donare, ac inter bona derelicta, quæ primo occupantis sunt, reponere, sacrificium illam Deo facere, super altare linguarum immolare atq; holocaustum concremare: neminè ad restituendam sibi famam ulterius (ex sua quidem parte) obligatum velle, immo peccantem in eam, non peccare sed mereri velle, detractorum suorum meritis se se apud Deum fulciri, vestire, ornare: detractationes mercedem suam putare & petere, atq; inter panes quotidianos, quos in oratione Domini quotidie petimus, collocare atq; mendicare: deniq; se detractationibus indignum judi-

care: nemini de suis detractoribus verbum ullum facere, & etiam coram Deo de illis siliere nisi cùm libeat pro eis non sub detractorum nomine detractationisve causa orare: ita Superiorem linguæ esse, hoc est libertatem nancisci perfectorum, & terriculamenta ridere puerorum. Parvæ adhuc virtutis, & arundineam soliditatem habentis est, metu, sensu, statu, linguæ alienæ agitari.

5. Caput, in quo solida perfecti virtus eminet, est, obedientia. Perfectus non est cui præesse animus, obedire ægrè est. Perfectus mavult subesse 100 Præpositis quàm uni præesse subito, perfectus obedit, quia amat obedire, & ideo tantum ut obediat, sive ut Deo ad voluntatem faciat. Perfectus differentias imperium non novit, quis imperet, qualis quid? quomodo? nihil attendit, quia Deum attendit. Perfectus, vere non fucat, re non spe, facto non debito, subjectus & subditus est. nulla sua magnitudine ullum, ne dicam Prælatum, premit: pueri instar parvuli, instar agni & oviculæ gubernari sustinet, immo postulat: moveri non refugit, monitus non excusat, sed mansuetus etiam in flagella paratus est. Nobilitatem, eruditionem, officia, gradum, statum, labores, non iactat, nō repetit: non autoritate gravis est: fulcrum Superioris est, & pro omnibus apud Superiorem, sed non contra Superiorem, nec cum molestia Superioris, refugium est. Perfecto Superior libenter, simpliciter & fiducialiter imperat, quia perfectus, simpliciter, & fideliter, & prudenter imperata exequitur. Perfectus excusationis linguam non habet, morari nescit, frontem in mutatione non contrahit, de dispositione non præcogitat futura, non turbatur de facta, in Dei voluntate & ordinatione, ac providentiâ se negligit, & securus dormit.

6. Caput, in quo solida perfecti virtus eminet, est exemplum, quo præire omnibus in omnibus non tam laborat, quàm facilitatè, consuetudinem, naturam habet. Perfectus enim Regula viva est inter Religiosos, quod enim Regula dicendo, hoc perfectus faciendo præcipit. Perfectus præit exemplo, quia compendiosum iter est exemplorum. Præit verò exemplo obedientiæ ac subjectionis, facilitate & tractabilitate. Exemplo paupertatis in victu, vestitu, lecto, cubiculo, suppellectili, rerum simplicitate. Exemplo minorum diligentis & accuratæ & magnæ observantiæ. Exemplo consecrationis humilium,



um, ac vulgo etiam ab humilibus & postremis negligi solitorum, apud perfectos enim nihil humile & parvum est. Si modo Deo placet: placere enim Deo maximum illis est, solumque Dei placitum, est apud illos ratio & mensura, & pretium, tum rerum, tum occupationum, tum actionum: Unde ubicunque placitum Dei inveniunt, illud enim maximum est, esto ignavis & cæcis minimum, sit aut villissimum, & humillimum, sive abjectissimum. Quo sensu verò etiam unum

7. Caput, in quo perfecti solida virtus eminet. Temporis bonus usus, bonaque ordinata, sancta, perfecta dispensatio, quia enim illius defectu laborat, & quia illud maxima parte proximorum saluti impendit, illo ad agendum cum Deo abundare non potest, occupatque & redimit illud ubi potest, & redemptum tenet, & in brevi tantum consummat & peragit, ut in eo expleat tempora multa, raritatemque ac brevitatem, fervore atque ignita intensione, & in Deum ebullitione, atque ejaculatione impetuosissima sed reverentissima, sed humillima, sed amantissima, compensat. Quod si se aliquando relaxant tempora, & otia indulgent, tum perfectus laxat retia in captivam, tum perfectus effunditur, & se dispergit totus in Deum, perit totus & perdit se in Deo, mente excedit, gulose atque sitibunde de Deo haurit, quod esurientibus Deum neciter. Non oberrare compita urbis, nun invisit domos, non terit per cubacula aliorum sibi & aliis tempus, gaudet se occupationibus suffurari, & Deo reddere posse. Nescit fastidire Orationi, longas non accusat orandi & examinandi horas, esurit & sitit sacrificia, atque Sacramenta; verbo Boni dei particula illum nulla praterit, Eccl: 14. quia non negotietur Deo, vel non agat cum Deo.

8. Caput, in quo perfecti solida Virtus eminet, caritas proximi, caritas fraterna est, in perfecti vita & moribus illud legere est: Caritas pateris est, benigna est, caritas non emulatur, non agit perperam, non instatur, non est ambitiosa, non querit quæ sua sunt, non irritatur non cogitat malum, non gaudet super iniquitate, congaudet autem veritati, omnia suffert, omnia credit, omnia sperat, omnia sustinet. 1. Cor: 13.

4. Perfectus gaudet carere ut aliis sufficiat:

sibi durus, aliis blandus & mitis, & liberalis est. Neminem contristat, neminem contemnit: non verbo, non facto, non signo, non postulato. Omnibus cedit, omnibus se postponit, & postponi gaudet. Supportat infirmitates, dissimulat mores aliorum, interim cavet, ne quid in se sit, quod supportari ab aliis sit opus. Neminem spe sui boni amat, sed omnes in Deo, & propter Deum. Omnium mancipium est, præsertim qui indigent A Deo, prodigus laboris, virium commodorum, vitæ suæ, modo aliis proficit, hoc est, modo alios meliores faciat. Rogatus nihil negat, quo ipse carere potest & habet. Inferiorum est servus, parium mancipium, superiorum jumentum. Sic inter multos vivit, ac si aut cum nullo esset, aut inter illos non esset, ita incurrit in neminem, nisi fortè exhibitione caritatis.

9. Caput, in quo solida perfecti virtus eminet, est præsentia sui, sive reflexa vita. B Perfecti est, circumspectum esse, capi non posse, nihil impræmeditatio, nihil imprævisè facere. Supereminere rebus, non immergi. Cor habere capax & latum, quod in gurgibus occupationum & sollicitudinum non mergatur; prudentia, veritate, decore instituti sui, puritate & fructu conscientie, dignitate Divinæ voluntatis gubernari. Rationi cedere & ejus servum esse: nec spe, nec metu, nec amore, nec odio gubernari. Pecuniæ amore, metu inopiæ non tangi, immo magis metum inopiæ quam inopiam metuere, in numerato vitam suam actam agendamque habere, ad se crebro redire, & se sibi restituere. Spiritus probare suos, præsertim si vehementius impellant, hæc tardius ac fines eorum. Aurigante discretionem in omnibus & ad omnia progredi. Ordinem habere, amare & servare, non tantum dum quietæ vitæ spatium est, sed etiam dum sollicitioris: in hac enim perfecti est ordinatum esse, & veluti boni ductoris inter hostiles acies compositis suis agminibus incedere. Qui enim in vitâ, quantum vis per se inordinata & distracta atque irregulari, ordinem & Regulam tenere potest, is profecto solide suus est, solide sibi constat, solidamque virtutem habet, estque similis viro prudenti, qui edificavit domum suam supra petram: in quam surrexerunt pluvie & venti, & alie nubium furie in cassum, quia firmata est supra firmam petram. Matth: 7. 24. Tales autem perfecti in uno annulo insculpi omnes possent.



10. Caput, in quo solida perfecti virtus eminet, est fidelitas, atque etiam liberalitas in Deum. Perfectus vir aut non sentit, aut ridet morsus vanæ gloriæ. ita gloriam suam evacuavit, ita amorem sui omnem sepelivit, ut fidem fecerit Deo, quod non quærat, nec sit quæsiturus quæ sua sunt, sed quæ IESU Christi, & quæ gloriæ Dei inde Deus metu infidelitatis solutus, ac de fidelitate securus, nihil hominem veretur, nihil celat, nihil negat, se & sua bona illi concedit, etiam rara, etiam mira, sciens quia fidelis est cui credit, & non sibi sed Domino negotiatur atque lucratur in talentis Domini. Immo verò Deus, dum tali homini beneficia donaque sua largitur, scit se non homini, sed ipsi sibi, ea quodammodo donare ac largiri. Quia enim novit hominem talem non suam privatam, sed Dei gloriam in omnibus quærere, non sibi quidquam, sed Deo omnia adscribere atque tribuere, donis Dei non in suum sed in Dei ipsius commodum hoc est exultationem uti, inde fit ut Deus securus ad talem hominem juvandum, ditandum, honorandumque etiam in oculis mundi sese demittat satis sciens, nihil eorum quæ homini fecerit dederit, apud hominem ipsum remansurum, sed ad Deum ex fidelitate hominis rediturum. Itaque fidenter Deus effundit bona sua in talem quia certo scit se non in alium sed in se ipsum illa profusurum. Atque hæc est causa radicalis quare Deus *superbis resistit, humilibus autem dat gratiam*, Iac: 4. 6. *Quare humilia respicit, & alta à longè cognoscit* Psal. 137. 6. Nempe à superbis rapinam suorum bonorum extorquet ac repetit, in humilibus autem non illos, sed seipsum dat, nec illis, sed sibi ipsi quodammodo bene facit. Quamobrem hæc, de qua loquimur, fidelitas, humilitas est, caritas est, amicitia Deo bene volens, paupertas spiritus, puritas intentionis est. Hæc fidelitas, variæ gloriæ mors est, sepultura est, oblivio est: utpote quam in cognitione proprii nihili atque imperfectionis & insufficiencie, contemptuque sui & odio demersit, & in æternum obruit, abyssisque nihilitatis operuit. Hæc fidelitas ex notitia Dei, ex notitia nutricis omnium gratiæ promanat, atque ideo omnia à Deo, omnia Dei esse, Deoque deberi protestatur: quidque protestatur facit, omnia Deo fideliter ad novissimum quadratem semper restituit, parata & avida, plus etiam dare & supererogare Deo, si contingeret habere aliquid non Dei, vel non à

à Deo. Quod quia non potest fieri, gaudet, & solum Deum esse omnium fontem, cui omnia debeantur, contentissima est. Et hæc est liberalitas caritatis, cuius sensum perfecti norunt.

11. Caput, in quo eminet solida perfecti virtus, est zelus gloriæ Dei & animarum, de quo non amplius addo, quam quod hic sit cibis perfectorum, hæc vita, hæc substantia. Angeli sine zelo nihil sunt, ait S. Ambrosius, & perfecti consimiliter. Uno verbo, in zelo ita est perfectio, sicut Pater in filio. Zelus enim perfectionis filius est: quia perfectionis est lucere & ardere, & omnis qui audit, dicit, veni. Perfectio gignit zelum, zelus perficit perfectionem, qui enim verè perfectus est, is etiam verè zelosus esse cogitur. Et rursum, qui verè zelosus est, perfectioni servire stimulatur, tum ut faciat quod alios docet, tum ut defectibus suis salutem aliorum non impediat, ut gratior Deo factus, gratias uberioribus ad juvandos alios lucretur. Unde zelosum esse & perfectum non esse, perfectum esse, & zelosum non esse, non coheret. Quod si ubique verum est in hominibus Societatis maximè verum esse, pro certo constare debet.

12. Caput, in quo solida perfecti virtus eminet, est securitas. Volo dicere: Perfectus ille est, solidæ virtutis Religiosus Societatis ille est, cui Religio fidere securè potest, fidere, inquam securè atque se concedere, & in manibus eius tutè deponere Dei gloriam, fidei virtutisque incrementum, defensionem. Ecclesiæ (contra malos Christianos, contra hostes Hæreticos, contra rebelles Schismaticos, contra cæcos infideles) famamque nomen, & disciplinam Societatis, ipsiusmet denique personæ virtutem, perfectionem, salutem. Tales Societas requirit, tales format, tales Ecclesiæ promittit. Nam & Pater cælestis IESUS Christus tales quærit, qui *adorent eum in spiritu & veritate*, Ioan: 4. 23. *Qui portent nomen eius coram gentibus & Regibus, qui non erubescant Evangelium*, Act: 9. 15. qui non questum, non delicias, non libertates, non vanitatem, non hominum gratiam ponant pietatem, qui per ignominiam & bonam famam, in fame & siti, in frigore & nuditate, in vigiliis, in plagis, in periculis, in mortibus multus, 2 Cor: 11. 26. 27. & frequenter IESUM Crucifixum, nudum, stultum prædicent: redarguant eos, qui ex adverso sunt, in doctrinâ sana, in patientia multa, in gaudio superabundanti. Tales Societas perfectos



Eos quærit, quibus nihil nocet conversatio, nihil plausus, nihil gratiæ hominum, nihil sufficientia rerum, nihil libertas vitæ. Tales quærit, qui bene sibi præesse norint, quando nemo illis præest, qui extra Collegium positi, in se ipsis habeant Collegium, habeant superiorem, habeant Regulam. Tales quærit, qui in turbis solitudinem, in distractionibus collectionem, in laboribus Orationem, atque contemplationem, in effundendo se aliis, cum Deo tamen suo se vent unionem & puritatem, & familiaritatem. Tales quærit Societas perfectos, qui verbo & opere potentes coram Deo & hominibus. Luc 24. 19. Crucem Christi in corpore suo jugiter circumferentes, & eam carnis propriæ afflictione, inediis, vigiliis, laboribus, fatigationibus, in hostiam Deo quotidianis immolationibus, hominibus amabilem, & appetibilem, dulcemque & honorificam efficientes, sint veri ejus pro-

fessores, veri professi, veri IESU socij. Tales quærit societas perfectos, qui adificationi sint omnibus, qui non sint scandalo, qui in res externorum, in negotia, status, in conciliandas causas, concilianda Matrimonia, aut mercimonia, in testamenta, in magnatū secreta, in domuum & familiarum regimina, in promovendorum merita, non sciant, non sinant, non ferant se immisceri.

Hæc sunt in quibus perfectorum Societatis atque tertie classis Religiosorum, solida virtus eminere debet. Ad hæc aspirare omnes nos convenit, quotquot perfecti non sumus, in his stare, in his eminere, in his robori & perfici, hæc sapere eos convenit, quotquot perfecti sunt. Quod si cui hæc ardua videntur, is sciat non impossibilia proponi, sed perfecta; ad quæ conari tenentur, qui studium perfectionis profitentur.



## D I E S IV.

De occasionibus solidæ Virtutis. 1. In vita privata. 2. In dispositione Superiorum de nobis quoad studia, officia, gradus. 3. In executione officiorum.

## CONSIDERATIO X.

De occasionibus solidæ virtutis in vita Religiosa privata.



Religiosiores fuere proximæ Considerationes, id enim natura earum requirebat, ut fusiùs proponerentur. Quanquam, si quæ res est, loquamur multa sunt ad considerandum proposita, non autem fusi sed adstrictis verbis explicata. Sequentes tamen Considerationes pressiores forsan erunt, quantum etiam per materiam earum licebit.

Considerandæ ergo se offerunt occasionēs virtutis solidæ in vita Religiosa, quæ quidem aut est omnino privata, & in qua soli sibi Re-

ligio sus attendit, & ea tantum, quæ sunt universaliter omnibus præscripta facit, aut certè est officiis aliquibus applicata, & quod ad aliorum etiam usum derivata. Utraque vita & est occasio & habet occasiones virtutis, siue solidandæ siue solidæ hoc loco expendimus vitam privatam, & quomodo sit solidandæ solidæ virtutis occasio, inspicimus.

Vita ergo privata, & intra domesticos parietes inclusa, nullis publicis officiis, nullis conversationibus externorum, nullis curis subditorum implicita, sicut est omnium pacatissima, ita etiam ad solidas virtutes conquirendas exercendasque aptissima; adeo, ut qui in hac vita positus solidarum virtutum studio



studio se non dederit, neque illi animum imbu-  
erit atque insuesceat, is nunquam deinceps  
virtutem ullam solidam sibi comparaturus  
sit, sed semper teneras, fragiles, imperfectas  
& magis in specie, atque externa imagine,  
quam in ipsa re & veritate, positas virtutes  
habituas. Quod utinam non quotidianis  
discamus verum esse experimentis! sed vide-  
mus omnino, manibusque palpamus, ex pri-  
vata vita prodire Religiosos homines in pu-  
blicum, non cum ea morum maturitate, non  
cum ea passionum edomatione, non cum ea  
sensuum mortificatione, non cum ea à pro-  
priis commodis sive sensualibus, sive non-  
sensualibus aversione, non cum ea cum Deo  
conversandi seseque gubernandi scientia, cum  
qua & par erat, & Religiosus sperabat & ipsi po-  
terant prodire. Accedunt enim ad officia,  
ad res gerendas, & conversationes, crudi, non  
excocti à passionibus, impotentes iræ, lin-  
guæ, lætitiæ, invidiæ, cupiditatis, æmulatio-  
nis, gulæ, avidi laudis, otii, commoditatum,  
favorum: impatientes monitionum, delatio-  
num, observationum: effusi ad externa: tædi-  
osi in orando, legendo, se examinando, alta  
sapientes, nulli non, iudicio suo, pares, sive  
personæ, sive officio regimini, & regentibus  
asper, atque refractarii, factiosi, humilium o-  
perum & officiorum fugitantes, regularum  
contemptores, fratrum observantium &  
disciplinatorum persecutores & irrisores, in-  
nocentium, incantorum subversores, profe-  
ctus sui spiritualis negligentes, ac de eo nun-  
quam serio solliciti. Tales, dico, vel pro-  
deunt, vel postquam prodierunt paulò alij,  
tales tamen citò efficiuntur, & ad seculi mo-  
res sub vestitu Religioso se conformant. At-  
que inde postmodum fit, & quoniam pericu-  
losi sunt, quoniam in officiis & ipsi pereunt,  
& aliis etiam publice nocent: ab officiis a-  
velli, à locis abstrahi, à conversatione arceri  
cogantur. In quo passu illi non se accusant,  
sed delatorum malitiam, sed Superiorum cre-  
dulitatem, sed aliorum invidiam causant,  
neque agnoscunt errata sua, neque agnoscunt  
pericula sua, neque agnoscunt scandala, dome-  
sticis vel externis à se data, neque agnoscunt  
ad eorum mutationem coactam descendere  
merentemque tam Religionem quam superio-  
res Religionum, cum doleant, eis se uti non  
posse ad sui instituti munera, quos ad illa se-  
cure & rite obeunda, tanto tempore, tanto  
sumptu, tantà curâ, tot laboribus, instruere  
atque perficere laborarunt. Tota porro hæc

malorum series ex illa in primis profuit fon-  
te, quia in privata vita ab istis, serio spiritu,  
serio mortificatione, serio virtutum usu va-  
catum non est, sed omnia acta perfunctorie,  
ad oculum, politice, vel serviliter. Unde  
perfectio vel nulla acquisita est, vel radices  
non misit, sed incalescente occupationum so-  
le nata exaruit, quia non habuit humorem.  
Sed hæc obiter expensa sint. Vita igitur pri-  
vata, occasio, & spatium, & tempus aptissi-  
mum est, solidandæ virtutis, quæ quidem oc-  
casionem quisquis gaudebit & sapiet, is quam  
fructuosissime ea uti laborabit, juxta illa ca-  
pita omnia *Consi. 7. & 8. primæ & secundæ*  
*classis Religiosis superius commendata, qui-*  
*bus adjungi hæc poterunt sequentia.*

1. erit Caput, sectari vitam communem,  
in omnibus, ita ut facias ea quæ omnibus  
facienda præscribuntur, facias cum omnibus  
eo scilicet tempore, & loco, & ordine, ac  
modo. Surge cum surgendum: præpara o-  
rationem cum præparanda est: meditationem  
fac, quando alij faciunt: Sacrum fac vel au-  
di, quando tibi præscriptum est: nulla in re  
eximius esto, omnes æqualiter ama & hono-  
ra: omnibus æque promptè inferui, nisi for-  
tè cum humilioribus libentius velis conver-  
sari.

2. Caput, vitam secteris communem, sed  
tamen ne secteris communem, hoc est: om-  
nia quæ aliis facienda imperantur, & tu fac,  
non eo tamen modo, quo alij fortè commu-  
niter & de plebe Religiosi solent, sed longè  
alio, perfectiori, accuratiori, secundiori mo-  
do fac. Age ordinaria, sed non modo ordi-  
nario, verum sublimiori, & ad Dei gustum  
accommodatiori. Nolo te exoticum & sin-  
gularem esse: externis apparentias vita: in-  
tus operare, intus perfectio tua sit, quia om-  
nis gloria filia Regis ab intus. *Psalm. 44. 14.* Id  
verò cum in omni opere serva, tum præci-  
pue in his, quæ interioris sunt hominis bo-  
na & opera, ut est Oratio, Meditatio, Sacra-  
mentorum usus, in his apparandis Sanctissi-  
mos quosque æmulari, & transcendere adla-  
bora

3. Ama nesciri, ama latere, ama ignorari  
& pro nihilo reputari, præcipue ab extraneis.  
Nidus est iste humilitatis, fons pacis.

4. Omnis actionis exercendæ à te, habe  
modum, & certas tuas in quovis opere ob-  
servationes pias, sanctas, internas, solidas:  
quæ te faciant sibi notum, quæ te faciât cau-  
torem, puriorem, ferventiorem, Deo prop-



orem, ut sunt: reflexio practica, praevisio  
occasionum virtutis vel peccati, intentionis  
renovatio &c. Oblatio & sacrificatio tui, i-  
mitatio Christi, devotionis ignitæ fervor,  
voluntatis divinæ gustus atq; dignitatis æsti-  
matio &c. dolor de defectu, propositum &c.

5. Nullius vitam, nullius eventum, nihil  
novum, nihil factum, vel futurum curiosè  
cognoscere velis: tecum habita, quid ad te?  
sufficiant tibi ad occupationem & notitiam,  
Deus, tu ipse, officium tuum, cætera aliis re-  
linque. Nemo tibi sit malus, præter te ipsū,  
neminem labora judicare præter te ipsum,  
quia nemo læditur nisi a se ipso. Nulli er-  
go invigila, nulli disside, nulli irascere, ne-  
minem puni & accusa & damna, nisi te ipsū.

6. Cubiculum ama ut cælum, extra illud  
esse sine obedientia & caritate ac necessitate  
cave, festina ad illud, tanquam piscis ad a-  
quam.

7. Legere, loqui, audire, scribere spiritu-  
alia cum potes, ambitiosè etiam satage, mul-  
ta discas a cælamo tuo, quæ nunquam credi-  
deras in eo a Dei gratia esse deposita. Multa  
discas & ab aliis.

8. Motus animi tui, quos inspirationes,  
lumina, dictamina, æqualis gratiæ auxilia  
vocamus, observa lyceis oculis, & quocun-  
que in loco advenerint tibi, rape, rumina,  
scribe, venæ enim, ista susurri Divini, ineffa-  
bilibus plene divitiis, delictis, prædiis. Ex-  
pectus credes.

9. Nullum te magis delectet vitæ genus  
atq; exercitiū, quàm quod te ad tui notitiā, &  
Dei scientiam deducit: cujusmodi est medi-  
tatio reflexa, atq; reflexio ipsa: Examen con-  
scientiæ, tam super admissa mala, quàm su-  
per omissa bona, crebrum in die, Collectio  
diurna, hebdomadaria, menstrua &c. vitio-  
rum impugnatio, aut virtutum exercitatio  
certarum, singulis diebus, certò numero.  
Nulla anima est nitidior quàm illa, quæ in

manibus est semper. Cor extra manus po-  
situm, contrahit rubiginem, sicut extra in-  
eundem vel usum, ferrum.

10. Ama vitam privatam, & ejus tempus  
bene colloca, ea interim conquirendo, quæ  
proderunt tibi cum eductus fueris in vitam  
publicam.

11. Humiliationes tui atq; mortificatio-  
nes præcipuè confusivas & honoris concul-  
cativas quære, subi, ama, puniri patere, mo-  
neri quære. Carnem crebris sed brevibus,  
& quas multos in annos continuare possis  
mortificationibus semper preme. Plus pro-  
fant quotidiana breviores quàm rara longi-  
ores afflictiones. Gulositatis esto inimicus,  
hæc enim subministrat pabula igni gehēnali.

12. Vitæ tuæ ratio constet. Magistris tuis  
Ducibusq; spiritus, in quorum manibus esse,  
ut puer innocēs & simplex, cura: illi tecum  
habeant eam libertatem quàm tu ipse. Quod  
si contingat te carere tali Patre, eo utere,  
quem poteris habere, porro præ omnibus tu  
tibi esto custos & monitor: & cum per om-  
nia tibi attendere curaveris, adverte ne ipsā  
curam & diligentiam negligas. Totum te  
cura, totumq; spiritum, sed in his etiam i-  
psammet spiritus curam cura. Fervori tuo  
ferventer attēde: examē tuum examina. re-  
flecte te super reflexionem tuam, & de tua  
meditatione meditare, nihil finas a te fieri  
ex usu: nunquam supponas te satis versatum,  
assuetum huic vel illi exercitio: assuetudini  
ipsi attēde, & ne illi assuescas cave. Consue-  
tudo tua, semper tibi sit nova, & tu illi.

Hæc in privata vita, & in omnibus ejus a-  
ctionibus (si quis sit Tiro, sive literarum stu-  
diosus, sive juventutis Magister, sive tempo-  
ralis Coadjutor, sive quicunq; extra commu-  
niora positus) occupationibusq; observasse,  
proderit ad virtutis soliditatem, parandam,  
sive tuendam.





## CONSIDERATIO XI.

## De occasionibus solidæ virtutis in dispositione Superiorum de nobis expectanda &amp; acceptanda.



Ita publica, quæ ad aliis interveniendum destinatur, duplicem habere assolet difficultatem.

Una est Applicatio ad illam, vel applicationis expectatio, atque acceptatio. Altera est, ejusdem executio. Hic de priore consideramus.

In Societate vita privata non ideo indulgetur, ut in ea hæreatur, sed in ea ad publicam Religiosus præparetur. ubi præparatus fuerit in privata, & publicam expectet. Publicam vitam voco officia atque ministeria quæ aut sunt domestica, ut esse superiorem, ministrum, spiritus præfectum, aut sunt ad externos, ut confessarium Concionatorem, Professorem. Missionibus deputatum, Economicæ rei curandæ addictum Janitorem, Sacristam, Emptorem &c. Ad hæc spiritalia officia applicatio post privatam vitam expectanda est: nec verò ad officia ipsa solum, sed etiam ad tempus, quando & quamdiu; ad locum, ubi ad personas, apud quas & cum quibus officia obeunda erunt.

Hæc expectatio difficultatem habet, & audeo dicere. lima est atque Lydius lapis solidæ virtutis. Quem hæc expectatio non perentat, mihi multum solidæ virtutis ille videtur præclarum signum habere. Iosephum Anchietam nostrum legimus, de se aliquando pronunciasse. nunquam sibi in mentem venisse, posse se fieri sacerdotem, item nunquam sibi in mente obversatum, posse se fieri professum. Et ista expectavit, curavit, laboravit fieri, cui neque posse se fieri in mentem unquam venit. O qualem in animâ illâ pacem habitasse credam, quam uni Deo, uni ejus voluntati & gloriæ curandæ intentam, cui de se talia cogitandi nunquam in mentem venit! Et quid est sibi punire, animam suam perdere, oblivisci sui, totum se in Deum trãstudisse ac immersisse, totum suum cogitatum in Deum jactasse, si hoc non est? Est igitur hæc de sua dispositione incuria, virtus

solida, dispositionis autem expectatio, virtutis solida exploratio. Quid in hac re sentiam Religioso faciendum, hisce capitibus exponam.

1. Desidero, ut Religioso nunquam in mentem veniat hæc quaestio. Quid de me fiet? Venit aliquando in mentem B. Aloysii istiusmodi cogitatio, quam ita expellere laboravit, ac si capitalissimi sceleris periculum sese objecisset.

2. Si quando venit ista cogitatio in mentem, illico explodat illam dicens: Quid ad me? Dominus regit me, Dominus providebit. Damino est cura de nobis, & uno verbo caput illud Evangelij, in quo Dominus contra solitudinem accurate disputat, opto medullitus à Religioso, & disci & verè penetrari. Ac profecto, si quæ cogitatio Religioso, ista sanè est in injuriam Dei, ejusque voluntatis providentiæ, ac fidelitatis. Commisit se Religiosus Deo regendum per superiores, ut quid ergo de se se cogitat? An non fudit Deo? an putat malè de illo dispositurum Deum? an non salubriter? an non ad exigentiam ejus? Hæc est iniquitas infidelitatis pessima: hæc cogitatio sacrilega mentis & de Deo in bonitare, non sentientis. Si credis Religiosus Deum esse sapienterem quam tu, crede etiam, quæ melius norit: quid sibi evenire, quid agere, ubi manere expediat, quam nosti tu. Si credis te magis à Deo diligi quam à te, crede etiam quod Deus melius tibi velit, melioraque & in melioribus circumstantiis tibi ordinaturus sit, quam vel cogitare, vel optare possis tu. Si credis Deum esse meliorem quam tu, crede quæ meliora etiam pro te provisorus, atque inventurus sit quam tu. Si credis Deum esse potentiorum quam tu, crede etiam Deum efficacius sibi salubria, nemine impedire valente provisorum quam te. Crede ergo Deo, projice te in eum, projice securus: non se subtrahet ille, non deerit tibi non faller fidem.

3. Desidero, ut Religiosus, quantum ad præsens



præfens propositum attinet, illam Regulam ex Comm. 21. & intelligat, & in memoria, & magis in praxi teneat: (Quæ à Superioribus circa administrationem agenda sunt, nemo curiosè ab aliis exquirat, aut conjecturam faciendo, de iis sermonem misceat, sed unusquisq; sibi ac muneri suo attendens, quidquid de se atq; aliis constituendum erit, tanquam de manu Dei expectet.) Quæ ista Regula præcipiuntur hæc sunt. 1. De Regimine superiorum & de dispositionibus futuris non curiosè inquirendum. 2. Conjecturæ non faciendæ. 3. Cum aliis de hac materia nihil loquendum. 4. Ut id præstari à singulis commodè possit, muneri suo & sibi à quoq; attendendum. 5. A Deo omnia ordinanda sciat, speret, expectet, acceptet. Hæc si servarentur, satis essent, ubi sunt illæ nostræ divinationes, pravolationes, minorum prophetarum revelationes ac prædicationes assertiones in vulgus sparsiones ratiō absq; injuria aliorum aut molestia & perturbatione. Hæc sanè etiam à senibus fuerit: sed non ex spiritu Regularū fiūt.

4. Si absq; cogitatione & solitudine esse non possumus, saltem ea sollicitudo in potestate nostrā sit, non faciat nos inquietos. Nihil determinemus vel nolle vel velle, vel petere, vel refugere, sed in medio consistamus, & si quid occurrit aut optabile aut formidabile, Dei togam providentiæ relinquamus, desiderium ad indifferentiam conformemus, & metu futurorum, fortè non futurorum nos cruciari ac turbari non sinamus.

5. Si petendum est aliquid à superiore, si petendum, siq; proponendum ut Regula summ. 46. præcipit, & ut in exemplo de obedientia præscribitur. Verba Regulæ, duo servari in hac parte solunt. Primum ut antequam ad Superiorem aliquid referamus, orationem præmittamus ad Deum, quā facta si proponendam nobis Dominus rem senserimus, tum demum præstamus. Secundum, ut re superiori expōit, ejus omnem curam eidem relinquamus, & quidquid statuerit, id optimum dicamus, nec ultra tam per nos, quā per ullum alium urgeamus, sed persuadeamus nobis id Deum velle, idq; nobis & obsequio Dei expedire, quod statuit Superior. Porro in epistola de obedientia, jubemur animum in quodam æquilibrio collocare, ut neutram in partem postulati, plus minusve propendeamus, sed æquo animo parique quiete acceptemus, sive annuat, sive renuat superior.

6. Si quid contra spem aut propensionem aut honorem reputationemq; nostram à superiore de nobis sit ordinatum, si quid violentius inexpectatumve tam à nobis, quam ab aliis, de nobis statuatur: tum vero caveamus perturbationem animi, tum ad orationis subsidia recurramus, tum vero ponamus nos in manus Dei & dicamus: *Non mea, sed tua voluntas fiat Domine*, Luc. 22. 42. tum fugiamus murmuraciones, suspiciones, compassionēs, animum non mulcentes sed exultantes, tum gaudeamus quod certi simus nos à Deo regi, & quod non ex humanis seu nostris, sed divinis rationibus simus deinceps victuri, quod ad actiones nostras sequentes, nihil de nostra electione, propriave simus voluntate allaturi. Quā consolatione, nescio, an aliquid sit in vita Religiosa homini Religioso optabilius, atq; etiam solidius, hoc est enim summam Votorum Religiosi status Bassequi, nempe desistere à consortio & fermento suæ propriæ voluntatis.

7. Omnis difficultatis atq; molestiæ, quæ se se offerre solet in expectatione & acceptatione dispositionis de Religioso, ipsi homini Religioso, nullus est fons alius præter amorem sui privatum, ex hoc enim timor, ex hoc spes, ex hoc adhæsiō, ex hoc fuga, ex hoc suspicio, murmuratio, repugnantia voluntatis, respectus humani excogitatio rationum excusantium, refugium ad alios (etiam externos) diffidentia, aliq; plurima, mala eveniunt, in animumq; Religiosi prorepunt, ac illum pace spoliunt, turbatum reddunt, sibi gravem, molestum superioribus, obedientiæ refractariū, in officio segnem. Monet nos Apostolus: *Nolite locum dare Diabolo*, Ephes. 4. 27. quod explanans Augustinus, ait: *duas esse Diaboli portas, timorem & amorem*. Nihil timeat homo sibi evenire, nihil amet: clausit locum & portam Diabolo.

8. Perfectionis amator Religiosus, in hac materia, aut nunquam cogitabit, quid sit de se statuendum ab obedientia: aut si cogitabit proponet omnia sibi ob oculos, quæ sperare vel formidare posset, & ea quidem quæ illum deprimere, quæ viliorem in suis & aliorum oculis ferre possent, pro se eligeret, à Deo peteret, ad illa se se, tanquam certo eventura essent, cum gaudio, cum animi profectu & quiete, de manu obedientiæ divinæq; providentiæ præparatis, & confirmabit. Sic confirmatam mentem prævisa jacula minus turbabunt, quia minus ferient.

9. Por.]



9. Porro pro presenti negotio, nihil con-  
sultius, nihilq; ad virtutem solidandam præ-  
sentius, plana & plena sui in Dei voluntate  
resignatione, quo genere exercitii in spiritu-  
ali vita, sicut nihil est sublimius, ita nihil u-  
tilius, nihil ad omnes animi perturbationes  
evertendas efficacius, nihil ad æternam cor-  
di pacem parandam robustius, nihil à Reli-  
gioso animo concipiendum ardentius, quæ-  
rendum diligentius, augendum avarius, tu-  
endum obstinatius, mendicandum à Deo hu-  
milis. Hanc qui affectus est, omnia ha-  
bet, nec quidquam quod in vita spiritus, ul-  
terius quærat, reperiet. Perfecta enim resi-  
gnatio, omnis virtus est, & ea quidem perfe-  
cta. Hujus dignitatem, si quis ignorat, (i-  
gnorat autem quia expertus non est) frustra lau-  
do, si quis novit, etiam frustra laudo, nam-  
nec ille capit quod dicitur, & iste meliorem  
laudatorem, experientiam scilicet suam ha-  
bet.

Quod autem dixi hætenus in hac Conside-  
ratione de difficultate in expectatione & ex-  
ceptione dispositionis ad officia atq; ministe-  
ria. Id ipsum dico de exceptione dispositio-  
nis ad studia harum vel illarum scientiarum,  
illo vel illo loco, tanto vel tanto tempore.  
Item id ipsum dico, de exceptione dispositio-  
nis seu promotionis ad Sacros Ordines, post  
tot vel tot, studiorum talium vel talium an-  
nos. Item id ipsum dico de exceptione di-  
spositionis, seu promotionis ad gradus Re-  
ligiosos trium & quatuor votorum solennis  
vel non solennis professionis, ut mos est.  
In qua exceptione talium dispositionum,  
quæ, quantæ, quales soleant aliquando esse  
in aliquorum animis difficultates, luctu-  
gna, mærores, nihil attinet dicere, quia for-  
san nemini non contigit oculis videre. In  
his passibus nihil suaserim aliud, præter jam  
dicta. Certè cum ad Religionem perrex-  
imus, nulla studia, nullos ordines, gradus  
nullos, ob oculos nobis proponebamus. U-  
nicum propositum fuit, Deo servire, animam  
salvare, ex mundi laqueis ac periculis evola-  
re, pro Deo & Christo pati, humiliari obedi-  
re, laborare, ad omnem superiorum volunta-  
tem paratum esse. Ut quid ergo linguam  
hanc tunc obliviscimur, quando illam vel  
maximè callere debuimus? Si tot vel tot an-  
norum doctrinæ causâ Religionem iniisti,  
sacrilegus es, & mendax & impostor; insu-  
per stultissimus es, qui tam ardua viâ (qualis  
est Religiosa vitâ) scientias quæsiturus veni-

sti, quàm longè planiore, secularis vitæ tra-  
mite decurrere potuisti. Quod si meditans  
Religionem, curam studiorum tuorum &  
scientiæ, annorumq; in ea ponendorum re-  
liquisti, cur ergo nunc illam tibi resumpsi-  
sti? cur tibi arrogas, quod pridem, quod co-  
ties, Deo providentiæq; ejus permisisti? Non  
vides te meliorem spiritu præditum fuisse nō-  
dum tironem, quàm nunc veteranum? non-  
pudet defecisse te, in quo profecisse debue-  
ras? Ad hæc, scisne tu expedire tibi tot an-  
norum & ista studia? Si nosti: aut stultus,  
aut injurius est Deus in te, qui tibi proficua  
ad salutem & profectum invidet: tu verò &  
justior, & sapientior es Deo. Si non nosti:  
ut quid ergo ignota appetis, & forsitan no-  
citura? Cur ea quæ optimus animarum cu-  
rator Deus tibi subtrahit, pabula, afferens  
periculo non vacare, tu importunus puer  
ut æger exposcere, ut lacrymas exigere non  
desines? Ad Sacerdotii tempora quod at-  
tinet; unum tantum quæro ex te qui turba-  
ris, jamne ita purus & Sanctus es, Sacerdoti-  
oq; idoneus, ut S. Franciscus Assisius fuit,  
quando ad Ordines sanctos recipiendos per-  
gens, ab Angelo repulsus fuit? si ita purus es  
nondum sacerdotio aptus es; si purior: au-  
de tibi obicere illud Iudaicum: *Tu de te  
ipso testimonium perhibes testimonium tuum non  
est verum.* Ioan. 8. 2. nescio autem an tu mi-  
hi verbis Christi responsurus sis. Ad gra-  
dum in Religione quid dicam? Non aliud,  
quàm illud: Antiquæ Societatis mos fuit,  
petere. & Tironibus petendum jugiter incul-  
care. Domine da mihi humilem seu infimū  
in Societate gradum. Quod ipsum si nos  
eodem illo primævo & sincero spiritu pete-  
remus, & postulare consueceremus, audeo  
dicere, nec ipsi in oblati similibus gradus  
quidquam timoris ac nescitiæ sentiremus,  
nec alios sentientes notarentus. *Viam De-  
us convertat corda Patrum in filios,* illorum  
inquam, Patrum, quibus quædam mentem  
venit, posse se professores votorum fieri,  
quibus supra suum meritum, & dignitatem  
videbatur ad gradum formatorum spiritua-  
lium evehi. Cujusmodi etiam nunc non e-  
xistimo deesse, opto tamen omnes omnino  
tales esse.

Hæc quæ dicta sunt, sic considerentur, ut  
ad intimos animi recessus demittantur, &  
cum solitis animi sensibus consuetudinibus-  
que conferantur, ac tandem ad normam eo-  
rum animus, si fortè dissimilis est, componatur



etur & solidetur, ut in expectatione dispositionis superiorum de se, non sollicitus, non turbatus, sed securus, sed quietus permanere,

& omnia tanquam de suavissima prudentia Dei manu expectare, acceptareque consuecat.

## CONSIDERATIO XII.

### De occasionibus solidæ Virtutis in executione officiorum.



**S**olida Virtus non solum Religiosum armare debet, ad Religiosè expectandam acceptandamque dispositionem de se Superiorum voluntatisque divinæ etiam ad executionem officiorum impositorum eos comitari & adjuvare decet. Sunt enim nonnulli, qui imperata sibi officia, acceptant illi quidem utcumque Religiosi, sed eadem exequuntur haud equidem religiosè, vel quia exequendi illa usum non habent, vel quia ad ea exequenda, non propriæ sed tantum alienæ voluntatis gustum adduxerunt, vel quia molestum, invidiosum, humile, censuris obnoxium officium arbitrantur, vel quia pusillo animo sunt, & respectibus humanis laborant, vel quia non diu se in officio mansuros sperant vel quia commodis propriis quibus inhiat aut insueverunt, in officio præsentis carere coguntur, vel quia per hoc officium obstrui ad alia sibi gratiora & destinata, aditum putant, vel quia se tantum vexari seu probari opinantur, non autem seriò applicari, vel quia in eo de erroribus admonentur, quæ admonitio cum molesta sit, cupiunt cavere officio potius quam moneri, vel quia (ut reliqua omittam) hanc sibi extricandi se ab inviso officio viam deligunt, si aliud consilio negligenter, non ad mentem obedientiæ, non ad mensuram suæ sufficientiæ obtigerit, & ex hoc ad aliud obeundum inepti, atque adeo etiam amovendi iudicati fuerint.

In hoc rerum atque occasionum genere, quomodo Religiosa solida virtus, vel exerceri vel possideri possit sequentibus ex capitibus cognosci ex parte poterit.

1. Caput. Non est subditi Religiosi iudicare sicut de assignatione ad officium, ita &

de viribus exequendo officio paribus. Obedientia enim non aliter judicare potest, quam scriptum est: *Sicut audio, ita iudico.* Ioan. 5. 30 de cætero judicare imperantium est, facere obedientium. Quam sæpè experimur nos superioribus opponere impotentiam virium, qui potius sub isto prætextu opponimus refragationem voluntatis! dicimus, *reperimus, non possum, non possum, cum tamen illud nihil aliud sonet, nisi, nolo, nolo.* *Mentitur iniquitas sibi* Ps: 26. 12 & quod non vult, hoc se non posse facit. enervatque vim obedientiæ, & fidem in voto Deo obligatam frangit. Obedientia non attendit an possit, sed attendit ut possit; conatur etiam ea, quæ non potest, ut super aquas ire, leones capere saxa movere. Dicentium ergo non possum, exculatio nulla est nec audienda, sed urgendi sunt, ut experiantur, ut faciant quod possunt, & eum sequantur, qui ne perderet obedientiam, perdidit vitam. Constat experientia quotidiana in Religionibus, virtute obedientiæ, ab obedientibus ea perfici cum dignitate, ad quæ facienda videbantur humano iudicio destituti possibilitate. Sed hæc (ut sic loquar) non mirabilia miracula (quod quia quotidiana) delicata immortificatæ suæ voluntatis mancipia non vident, quia ad nihil, nisi ad id, quod sibi libet, oculos conversos habent.

2. In Religione, vitæ nostræ & actionum pretium ab obedientia est. Unde nullum in Religione officium humile est, nisi cui non obedientia, sed voluntas propria adjuncta est. *Melior est obedientia quam victima,* 1. Reg: 15. 22 ait scriptura: & ego victimas non hircorum aut vitulorum intelligo tantum, sed etiam victimas spirituales comprehendo. Nec mirabitur me quisquam opinor, qui apud S. Thomam legerit & crediderit, ipsius etiam



etiam IESU Christi sacrificium cruentum obedientiam commendari debuisse, ut gratus fieret æterno Patri. Quis hic, quæso, sensus nobis obedientiam contemptoribus re, laudatoribus ore, voto professoribus? Si quid ergo tibi o Religiose obedientia præcipit, humile jam, & famæ tuæ scilicet noxium, derogatoriumq; ne dixeris: satis illud tibi obedientia speciosum effecit. & si tibi superbia tua dixerit: Ne facias quia vile est, eris apud homines ex hoc contemptibilis, responde illi. Mentiris: non est vile, quod est gratum obedientiam, quis me contemnet, si obedientem sciet?

3. Invidiosum officium, redde exequendi modo, ordine, dexteritate, suavitate, diligentia, usitata, & cum praxi non invidiosum, quod si id facis, & nihil tamen proficis, iunge obedientiam patientiam, iunge constantiam, iunge in obloquentes caritatem & beneficentiam. Vincit sapientia malitiam, vincit caritas invidiam, Deum in officio quære. Deum cura, Regulas officii tene, pro discipulina zela, non errantes sed errores persequere, linguis altior sis, respectibus humanis nihil da. De invidentibus, de detrahentibus, de molestantibus, de obfistentibus tibi in officio, nemini conqueraris, nisi obedias ipsi, idq; coactus & modestus, excusans potius non incusans, neq; officium ideo deprecans: sed ex spinis rosas colligens, & mala pro bonis retribui tibi gaudens.

4. Officium vel ad horam commissum, vel post horam deponendum, ita serio & exactè gere, ut, si longissimè gesturus sis. Etiam in ultimâ horâ obediendum, immo in obedientia perseverandum est. Etiam in ultimo tempore ac brevissimo, vultes obedientiam obedientem esse, non est autem plenè obediens, qui in opere obedientiam vel ad momentum est negligens. Immo verò sine coronâ opus, & superioris temporis errata aut neglecta, finali diligentia compensa.

5. In officio non sunt quærenda propria, sed communia. Officium enim commune est, & aliorum causâ tibi impositum est, non tua. Ex magistratu oportet non ditiores, sed meliorem abire. Ab officio non comoda sed molestiæ sperandæ ac metuendæ sunt, quippe labor, comes officii est, cujus fructus, is solum ad te pervenire debet, quod alii tui laboris fructum capiant, tu verò deterius omnibus vivas, ut dicere possis: aliis inserviando consumor.

6. Qui obit officium, non faciat sponsionem, se nunquam in officii executione erraturum, nulli molestum futurum, nullius invidiam incursum. Nolite errare, nolite molestus esse, nolite offendere: indubitatè tamè certus sit, se nihil horum evitaturum proinde moneri & corrigi velit, nec velit esse homo, qui peccare possit, corrigere autem se & corrigi non possit.

7. Sicut de eligendo officio, ita neq; de deponendo eodem, vult te Religiosa Virtus sollicitum, tantum tibi sollicitudinem exequendi illud obeundiq; relictam scito, cura deponendi ejusdem, est, cuius & præponendi fuit. Non ergo ita gere officium, ut deponi merearis, ut deponi cures malitiâ functionis. Ex duobus malis, malo officialem qui repugnanter quid acceperat, sed tamen obeat fideliter officium, quam illum, qui promptè in faciem acceperat, sed re ipsâ perfectoriè, & consuetudine neglectum, ut amoveatur ab eo, illud exequitur. Nam & ille ore Dominico Patris voluntatem secisse legitur, qui imperanti laborem Patri dixit: non ibo. *Gravamen iuit.* & ille rebellis iudicatus est, qui cū dixisset eidem Patri, ibo, neq; tamen iuit. Deniq; quid hoc plus improbem cum legamus: *Maledictus qui fecit opus Dei fraudulentè aut negligentè.* Matth. 23. 28. nihil refert, quia utrumq; facit, quisquis facit inobedienter. Felix anima, quæ in Cruce cum Christo consummat obedientiam, etiam usq; ad mortem si opus est, nec deponi urget de Cruce, sed alieno deponitur arbitrio. Quilibet dicimus, credamus, quod uni alicui legimus dictum: *Esto tibi, usq; dum dicam tibi.* Matth. 23. 35. Nihil æquè oderit Religiosus, quam obediendo non obedire. nam & fraudat Deum, & deangit fidem, & se se decipit, & officium corrumpit, & multorum cõmunitati damnosus est, & Societatem fraudat, & Superiores contristat, & semetipsum in peccato inobedientiæ (hoc est Idololatriæ) confirmat atq; obstinat. Crimen est, nec leve sane & periculosum, æquum in Religioso perfecto, cogitare tam de imponendo, quam de deponendo officio quocunq; Nam perfecta virtus resignata est. Resignata verò sui negligens, in sinu providentiæ Dei dormit, unum illud curans, ut ipsa quidem nihil curet, præterquam ut in sinu providentiæ & in manu voluntatis Dei æquè in dextera ac in sinistra, dormiat, & in id ipsum conquiescat. Psal. 4. 9.

8. Tota aut præcipua administrationis officii



officii (sicut & cuiuslibet virtutis) laus, in actione, & in efficacia consistit. Ideo officium committitur, ut fiat: fiat igitur, & fiat fortiter juxta ac suaviter. Scire, quæ & quomodo agenda sint, scire etiam bene & bona imperare, ac ordinare, multorum, nec omnino difficile est, at, quæ scias, efficere, quæ imperes, ut re ipsa fiant curare posse, idque tam efficaciter quam suaviter præstare, hoc singularis reor prudentiæ, & solidæ virtutis.

Hoc est solidæ virtutis, in obeundis omnibus generis ab obedientia, impositis officiis ingenium: hæc etiam ratio, virtutis in officio solidandæ. Inspice te ipsum, qui hæc inspicis, & vide quam istis proximus vel remotus sis: illud omnibus prædictis addere

non negligens, ut aliis serviendo non consumaris, ut aliis prædicando, ne ipse reprobus efficiaris, aliorum salutem & perfectionem promovendo, ipse tua perfectione & salute ne priveris. In parte non postrema officij tui, pone etiam curam spiritus, & animi tui. Quis enim suis (præsertim tantis ac talibus) stipendiis militavit unquam aut quam commutationem dabit homo pro animâ suâ. Matth: 16. 26. Carnis tuæ & famæ tuæ commoda, propter aliorum corpora, famam, animas, perdidideris licet: anima tua in conspectu tuo sit semper, ut enim tantum detrimenti patiatur nihil, verum etiam ut incrementum sumat spiritus sui, virtutis suæ, perfectionis suæ.



## D I E S V.

De instrumentis ac mediis solidæ atque solidandæ virtutis. 1. Amore usuque Orationis. 2. Amore, curâ, usu gratiæ Dei. 3. Amore & imitatione Christi ac Beate Virginis,

### CONSIDERATIO XIII.

Virtus solidatur amore, usu, frequentia Orationis.



Am occasiones virtutis solidæ consideravimus: sequuntur ut ejusdem instrumenta & media, quibus paretur, quibusve solidetur, & denique quibus utatur ipsa, consideremus.

Atque primo loco ponimus considerandam orationem, meditationem, contemplationem: siue illa sit vocalis, siue mentalis, siue illa sit longior siue brevior, siue illa sit cum affectu ex discursibus præviis nato, siue sit parca indiscursibus, sed more contemplativorum, delectabili & gustativo intuitu, Deo & Dei bonis fruatur, purificetur, similior Deo evadat. Hanc orationem dicimus esse instrumentum singulare, aptissimumque medium. Virtutis solidæ, & etiam solidandæ: sed ita si ametur famelicè, si ejus labor, (qui non le-

vis est) vincatur & devoretur strenuè, si denique frequentetur, quoad hæc vita patitur, assidue.

Igitur qui virtutem solidam habet, aut habere vult, Orationem amet & frequenter. In usu enim crebro Orationis sic solidatur virtus, ut sub igne, incude, & malleo ferrum. Nesciunt vulgo homines pretium & efficaciam & necessitatem orationis: sed &, si qui illud norunt, speculative id magis quam practice cognitione non efficacitate. Quod si etiam reperiantur aliquantum multi, qui usum orationis ament, & re ipsa habeant, sunt tamen paucissimi, qui ejus laborem devorent, ac in eo perseverent.

Quid de Oratione sentiendum sit amatoribus solidæ virtutis, explico his Capitibus.

1. est. Oratio debet obstinatè amari & e-



zerceri, nec ullo modo aut negligi, aut negligenter confici, aut de tempore in tempus transferri, aut ejus tempora decurtari, aut ad eam animo non famelico, sed veluti ad rem usitatam, & non planè summè necessariam accedi. Tam obstinatè debet amari oratio, quàm obstinatè illam exigit Deus & præcipit Christus, quàm obstinatè illa indiget inexhausta nostrà ad omnia insufficiencia abyssus. Hac qui considerabit, orationis usum etiam laboriosissimum non refugiet, immo verò hac inter alias ad orandum, præparatione utetur, ut oraturus, famem desideriumq; in se orandi exsuscitet.

2. est: Quandocunq; potes ora: potes diu? diu ora: potes breviter? breviter ora: potes dormiendo? etiam dormiendo ora: (sed non orando dormi) omni tempore aut benefac aut ora, sic implebis illud: *Oportet semper orare, & nunquam desicere.* Lucæ 18. 1.

3. Plus sunt amandæ (quia plus proficiunt) Orationes quæ illuminant, quæ ex reflexione super præsentem quotidianamq; vitam fiunt, quæ intellectu convicto, etiam voluntatem sequæ compellunt, & proponere agenda vel vitanda cogunt: quàm illæ, quæ in affectibus ut plurimum sunt positæ & luminis, veritatisq; convincentis, nihil in intellectu relinquunt, quâ deinceps anima regatur. Quare qui per orationem solidam quærit, ita oret, ut in oratione suâ, se sibi quotidie, ob oculos ponat, defectus suos, profectus suos inspicat, occasiones, loca, tempora, personas, causas lapsuum suorum intueatur, atq; individua & circumstantiis circumscripta proposita, tam vitandorum defectuum, quàm exercendarum virtutum faciat, facta Deo, & gratia Dei auxilianti, Sanctorumq; suffragiis commendet, & efficaciam petat. Quanta hinc ad animam bona sequentur expertus sciet optimè. Eapropter quodcunq; vitium ex tua cupies anima evulsum, illud modo prædicto oratione quotidiana impugna, quâcunq; virtutem voles in corde tuo plantatâ, & citò adultam, illam hoc ipso modo inter orandum cordi insere, donec radices mittat, donec ramos & folia & fructus ferat, hoc est donec tibi familiaris, facilis & suavis evadat.

4. Oratione pleriq; duritiem capitis, & intractabilitatem voluntatis, morumq; contrahunt. Quo ex fundamento S. Patriarcha noster dicere solitus fertur: ex 100. habentibus spiritum orationis, 99 esse vel solere

esse illusos. Videas certè non rarò istos orationistas, quidquid inter orandum senserint vehementius à se apprehendi, id jam instinctum Spiritus Sancti, jam Dei manifestam sibi voluntatem credere, nec ab eâ persuasione etiam autoritate obedientiæ se avocari sinere. Inde obstinantur, indurantur, illuduntur: prædictiones & prophetias tentant & referunt, ac quamvis falsi fuisse vincantur, id aut non credunt, aut excusant, nihilominusq; pergunt. Hoc tamen non orationis vitium sed orantium, qui sine humilitate orant & non orant ut mendici apud Deum, sed ut amici & secretarii cum Deo loquantur, non indigere se oratione credunt, neq; ex indigentia ac humilitatis affectu ad orationem procedunt, sed ex dignatione quadam, (quam illi caritatem putant) & præsumptione occulta, & quodam magnificandi sui, per orationis usum & crebritatem longitudinemq; studio. unde etiam mirantur se ob orationem, & spiritum orationis magnificari in se, seq; per illum, quo fit, ut insidentur oratione & ab oratione surgant superbi, jactabundi de voluntate Dei, etiam quoad contingenter futura certi, atq; ita duri & obfirmati, ut verè à S. Patre dicti sint illusi, & verè ed sese detorquere valeat illud Psalmi: *Ego dixi in excessu meo omnia homo mendax.* Psal: 115. 11. Hi enim in excessu suo verè mendaces sunt, & excessu suo in mendacia præcipitantur. Quod malum non evenit ab oratione, humilibus & verâ caritate in Deum præditis, verè indigentiarum suarum infinitarumq; miseriarum gnaris, & ex ea causa rã pro se, quàm pro aliis Deum deprecantibus. Oratio enim est filia notitiæ sui & notitiæ Dei, abjectionis sui & æstimationis Dei, diffidentia sui, & fiducia in Deum.

5. Orationum ejaculatoriarum, seu ignitarum & vehementium in Deum aspirationum brevissimo tempore peragendarum usus, nunquam satis laudabiliter à spiritualibus viris, utinam ita nunquam negligatur. Experientia docet, sæpè nos una alteravè ejaculatoria in Deum efficacius rapi, & penitus Deum penetrare ab eoq; penetrari, quàm totius horæ Oratione. Hic porro unum vellem expositum & consideratum, duplices esse ejaculatorias. Quædam sunt meri tantum affectus nostri in Deum, indices, vel si quid aliud in sui materia continent; tamen qui eas ejaculatur, affectui tantum soli suo, non, autem etiam sensui, & materiæ intellectui indulget:



indulget: quod genus ejaculationum summe laudo & commendo; sed illud tamen aliud genus amplius probo, quia utilius existimo (saltem incipientibus & proficientibus) quo non tantum affectus ejaculamur nudos, solumque affectum ignoscere facimus sed etiam quo proposita nostrae voluntatis vel dictamina nostri intellectus, vel detestationes individuorum vitiorum, vel actus virtutum individuos, brevissime quidem sed affectuosissime, efficacissime & ad infigendas cordi nostro virtutes habitusque earum radicandos utilissime validissimeque in Deum ejaculamur. Ut, v. g. cum dicimus. (Domine, amor tuo condono iniuriam, quam mihi iste nunc (hodie, nuper) intulit: illumque ex corde amo, illi quod beneficium prestare volo) Hoc actu & igneus in Deum affectus promitur, & caritatis actus heroicus elicitur, & individuae occasio peccandi expugnatur, meriti vero usurpatur & actualis amoris inimicorum fit, & iterum actuale propositum benefaciendi malefactori elicitur. Istud ergo ejaculatoriarum genus utilius reor, saltem proficientibus & incipientibus, quam illud: Deus meus & omnia, o ignis qui semper ardes &c. Paratum cor meum Deus &c. O Domine ego servus tuus &c. In talibus namque vel solus affectus aliorum, & is etiam solus prodest animae, Deoque placet, vel certe talium latitudo & intellectus a paucis noscitur & raro ab usurpantibus penetratur aut intenditur. Igitur etiam omne ejaculatoriarum genus, ad solidam virtutem multum facit, posterius tamen genus longe amplius eidem inservit, si non qua solida, certe quatenus solidanda est. Addo his, quod si oportet semper orare & nunquam desicere, Luc. 18. 1. id certe orationibus ejaculatoriis convenit quam maxime prestare. Unde omne tempus, omnis locus, omnis actio, omnis occasio, ipsa etiam cum hominibus occupatio, talibus orationibus apta est, & condiri debet. Suaserim tamen, ut perfectus ac perfectionis amator, certis praeerea temporibus ac vicibus certas ejaculatorias, (sibi generis praefertim) singulos in dies exerceat, ejusque rei in examinibus specialem a se rationem exigat. Sic enim fiet, ut non solum ad se se & ad Deum redeat a creaturis, non solum ignescat in Deum, sed etiam actus practicos virtutum exerceat, actibusque habitus in se perficiat, quibus perfectis virtutem solidam (quia perfectam) habeat, Qua virtutes parandi ratione, nescio

(post divinae gratiae auxilia) quid sit vel suavius, vel celerius, vel efficacius. Qua in re non verbis ago, sed ad experientiam remitto.

6. In vita spirituali nemo est, qui peculiaribus atque privatis non tangatur feraturque desideriis (vel etiam prematur indigentis) sive certi vitij a se expellendi certive peccati actus devitandi, sive certam virtutem vel gradum virtutis in animo suo radicandi, vel gratiae alicujus certae, a Deo obtinendae &c. His desideriis in effectum deducendis, plerique inter alia & orationis praesidium adhibent, saepe tamen parvo aut nimis tardo profectu, Qui hoc fiat, nihil attinet dicere in praesentia: hoc tantum propono, quod efficax puto, tum ut citò, tum ut suaviter, tum ut efficaciter desideriis potiamur praedictis, salva in omnibus cum Dei voluntate concordia, quam supponimus & credere debemus, in praedictis desideriis nunquam nobis contingere, nec ab ejus repugnantia, sed a nostra inefficacia illam raritatem & tarditatem provenire: neque esse culpam in oratione & aliis praesidiis, sed in nobis qui utimur illis. Itaque si quis captus sit desiderio, v. g. plenae Resignationis, atque cum Divina voluntate conformitatis, non solo & uno ejus sit desiderio contentus, sed laboret ejus pretium, vim naturam, latitudinem, efficaciam, occasiones, materias, actus, cognoscere atque penetrare, laboret ejus intima aestimatione potiri, de ea legat, loquatur, scribat, audiat, eam orationis suae & longioris & brevioris materiam faciat, ejusdem actus certo tempore, certo loco, certis occasionibus, certis vicibus, quae internos, quae externos eliciat. assignet huic labori non unam diem, vel orationem seu meditationem, sed mensem, annum, plures si opus est, singulisque diebus inter alia Meditationis puncta & proposita, sit aliquantula saltem aestimatio, & desideratio resignationis, propositumque illius actuale, individuum, circumstantiis praesentibus cinctum. Singulis item diebus eandem crebro a Deo petat proponendo, proponat petendo v. g. Fiat Domine de me voluntas tua. Domine misere mei, sicut scis & vis. Domine in te justificatio mea semper, Domine quod vis, volo, quod non vis, nolo. Eadem Resignatio sit illi in actionibus ejus intentio. Ejusdem resignationis actus, desideria, proposita, una eademque serie repetitis vicibus, pro spiritibus & temporis sufficientia eliciat, decem, quinquaginta, centum, vel certe pro numero vul-



nerum Christi, gaudiorum dolorumve Beate Virginis, annorum Christi, annorum B. Virginis &c. neq; opus est ut ad id subtrahat occupationibus minora tempora, otiosa & vacua huic operi impendat, v. g. dum ex loco in locum vadit, dum alicubi expectat aliquid vel aliquem, tempus illud in repetitione actuum resignationis vel eliciendo, vel proponendo, vel postulando, vel desiderando terat. Huic vel toti industriae, examen, insuper adhibeat speciale. Audeo dicere, fieri non posse ut non brevi tempore, is qui ira oraverit, & laboraverit pro Religione, eam assequatur & ejus fructu gaudeat. In quo etiam ad toties repetitam experientiam remitto.

7. Orationis maxima est commendatio ex his tribus. Primum est Alacritas indefessa de qua supra satis. Secundum est reverentia, sine qua nemo, nemo prorsus oraret, quia nemo neq; in oratione neq; ex oratione fructum faciet. Hic affectus est humilitatis filius, dux ad caritatem & familiaritatem Dei & cum Deo, qui nisi quem eo deduxerit, is non tantum frustra, sed & periculosè laborat, qui scopolus multorum, ex nobis est, qui sæpe prius audemus intimè cum Deo agere, quàm didicimus reverèter. Multum est prius operæ in affectu reverentiæ ponendum ei, qui securè cum Deo amicitiam contrahere vult. Accedit deinde, quod idem affectus sit fervoris spiritualis mater, devotionis quoq; sensibilis & spiritualium consolationū origo. Qui semper cum Deo reverenter agit, nunquam tepescit scriptum est enim *qui timet Deum, nihil negligit*. Et causa est. Quia reverentia ista miscetur vilificatione hominis, & exaltatione Dei ex cognitione utriusq; proveniente. Hæc autem ambo gratiam Dei & favores pelliciunt ad animā ex Deo, & eam in pace securā firmanr, ex gratia & pace, fervor atq; consolatio manat interior. Tertium est fiducia seu fides Dei (ut eam Christus Dominus vocat.) Quæ ideo dicitur fides Dei quia credit Deum non tantum velle facere, quod petit aut orat Oratio, sed etiam credit, & quasi pro certo habet, quod facturus sit omnino Deus. Hæc fiducia inter difficiles virtutes est etiam una: orationi tamen necessaria prorsus, ut sine qua non constet Oratio. Porro fundatur, hæc fiducia in resignatione & conformitate

nostra voluntatis cum divina, & quidem plena. Conformis enim voluntas nostra, nihil potest velle, nisi quod vult Divina, & quidē etiam non ob aliud, nisi quia vult Divina atque quod Divina vult voluntas fieri, infallibiliter fit, ideo etiā quia conformem cū Deo voluntatem habet, quantum aliquod petit, tam certus est futuri quod petit, quàm certus est conformare se suam voluntatem Deo, in eo quod petit, & quàm certus est nō posse non fieri id, quod voluntas Dei vult fieri. Ex hoc ergo fonte oritur fides ista: *montes etiam transferens, etiam solem sistens, etiam mare dividens, atq; siccat, etiam mortuos suscitans quadriduano* Ioan: 11 43. Tali fiducia solita virtus aliorum, nititur, gaudet, grandescit, solidatur.

8. Orationis fructus & finis, debet esse Actio, estq; illa optima contemplatio, quæ incitat ad actionem, quæq; dicit: *Egrediamur in agrum, videamus, si floruit vinea &c.* tam privata, quàm etiam aliena. Sublimitates vehementiæ, inardescentiæ, lacrymæ, dulcedines, si veniunt non respuantur, neq; tamē quarantur. Mensura Orationis, perq; illā solidationis in spiritu & virtute, est, ut dixi, actio, magis v. passio. Vide quantum subordineis Deo, subdaris Præfato, adque-ris proximo, humiliter spiritu, conteraris corde, oderis & vincas te, asperneris creaturas, ordines vitam, regas linguam, & affectus gulam, & reliqua, quæ carnis sunt nescias. Amore tui honoris & libertatis carcas, aliis prodesse, solus esse ames, Regulas & communem vitam serves. pari pro Deo defectum, despectum, dolorem, quæras & gaudeas, ipsā mei deniq; ad Orationē adspires & anheles. Quantum de his in te invenies, tantum te solidari per orationem in spiritu & virtute, nihil dubites.

Nec plura de Oratione propono, libri pleni sunt, & in promptu: considerationi hæc sufficient, in quā quisq; suam orandi consuetudinem examinet: & ubi bene dispexerit, non dubito quod facilē causam, ob quam tot orationum suarum modicos & nullos fructus in se persentiscat, inveniet, quam inventam si emendatione tollet, tum vel facilē quantum sit ad solidam & solidandam virtutem instrumentum mediumq; oratio, experimento fructuoso cognoscet.

CON.



# CONSIDERATIO XIV.

## Virtus solidatur amore, curâ, usu, gratiæ Dei.



**I**nter instrumenta & Media solidæ virtutis atq; solidam dæ, ponimus 2do loco Gratiæ Divinæ amorem, curâ, usum. Non immerito. Nā si absq; gratia Dei nihil sit boni, quanto magis absq; eadem nihil sit perfecti? Si nihil sine illa inchoatur, quomodo sine illa solidatur & consumatur? Est ergo haud dubie gratia, virtutis & instrumentum & medium, immo si rectè loqui & plenè volumus, est etiam principium, est semen, est vita, est fundamentum, est complementum.

Gratia Dei alia est Actualis, alia Habitualis. Illa non sanctificat, sed ad sanctificationem vel vocat, vel ducit, vel adjuvat, vel accedit. Ista verò sanctificat, immo sanctificatio ipsa & sanctitas est. Sine illa ad istam non pervenitur, nec in ea perseveratur, sed tamen illa sine ista, vel nisi introducat istam ad nihil, nisi ad cumulum pænæ computatur. Utraq; ergo amanda, magni æstimanda, querenda, conservanda, nutrienda est: & habitualis quidem, ut perpetua sit & constans, & nunquam exulet (alioqui de vita animæ actum est) semper vero crescat in nobis. Actualis vero ut frequens ut congrua opportuna, efficax, proportionata sit, illuminando intellectum, movendo & stimulando affectum suaviter inducendo utrumq; ad ipsum effectum, quia ejus officium, docere, movere, delectare, & ante opus, & in opere, & post opus. Habitualement cum volumus, habemus immo qua ratione habenda sit, infallibiliter novimus, si modò rationem illam usurpemus: Nec recedit à nobis nisi volentibus, nec aufertur nobis, nisi ejicientibus.

Actualis alia ratio est, Prima & prævens non cadit in meritum, cum enim gratia sit gratis & non merenti datur, alioqui si merenti daretur, non gratis daretur non essetq; gratia sed debitum seu præmium, sed nec alie prorsus ad voluntatem nobis serviunt: Verum spiritus ubi vult, spirat, vocem eius audis, & nescis quid vadit. Ioan: 3. 8. Omne tempus

illius est, omnis locus, omnis occasio & actio, nulli tamen alligatur, nulli adstringitur; it & redit: Beatus qui vigilat, & paratus vel excipere venientem, vel occurrere venienti vel apprehendere atq; retinere avolantem. Sicut enim fulgur exit ab Oriente, & paret usq; ad occidentem, sic est iste spiritalis adventus Filii hominis, Matth: 24. 27. sive gratia ipsius, proinde sapientissimè gratia ista prius avolat, quàm cognoscitur adruisse, quantis autem cum nostris damnis, hoc nescio an cuiquam in hac vita cognoscere cõcessum sit.

Una aliquando Actualis gratia (inspiratio nem vulgò dicimus) ingentis est Messis seminarium: quæ si capiatur, & per consensum in exercitium actumq; deducatur, totam illam messem hominis facit, eiq; possidendam tradit: si negligatur vel etiam rejiciatur, omni illa gratiarum securarum messe anima necessariò caret. Quantum gratiarum & bonorum homo aliquis Religiosus in tota sua Religiosa vita ad mortem usq; percipit! metiatur & numeret, qui potest: at omnis hæc gratiarum immensitas ex una gratia vocationis effluxit, gratia vocationis, aut quid tandem fuit aliud nihil quàm gratia actualis: hoc est unica cogitatio seu inspiratio menti intimata de seculo deferendo. hæc congruè data, congruè etiam acceptata, totum hoc gratiarum, Religiosarum mare peperit. Dedit Deus inspirationem, sed homo non acceptasset, abjecisset vocationem, abiectione illa omnem hanc Religiosarum gratiarum farraginem à se exclusisset, & quo tandem suo damno? quo periculo? quo & quàm certo damnationis æternæ primordio? qui sapit, intelligit. Ego dico, tales actuales gratias, multarum aliarum gratiarum maximarum, post se trahentes seriem crebrò hominibus offerri, sed simul crebrò ab hominibus Religiosis negligi: an sine incredibili damno, judicent ipsi, sed vereor non judicabunt, quia perinde hanc veritatem, atq; Divinam inspirationem, nihili faciendam judicabunt.

Quamvis autem istiusmodi inspirationibus



bus gratiisq; actualibus, nulla lex praescribi potest, neq; scire potest homo quando ventura sint; sunt tamen in Religioso statu (Religiosis loquimur & haec proponimus) quidam actionum & occupationum veluti niduli, in quibus haec gratiae quodammodo commorantur, ita ut si eos nidulos homo Religiosus tractet, & verset, & excutiat, idem illas actiones debite exerceat, reperiturus sit in eis evolantes, an avolantes, gratiarum & inspirationum aviculas. Ejus generis sunt Sacramenta imprimis omnia quidem & praecipue Pœnitentiae & Eucharistiae. Haec si Religiosus Religiosa preparatione, usurpatione, consideratione, prout cujusq; natura fert, obear, non est possibile, ut plurimas actuales gratias, plurimas inspirationes, ad hoc vitandū, ad illud curandum, ad illam virtutem, ad illam piam observationem stimulantem non excutiat ex hisce nidulis. Quod si negligit Sacramenta obire, aut etiam non obire, si imparatus ad Confessionem, indevorus ad Communionem sacram accedit, quid mirum si & gustu & devotione, & per motione cordis caret? Gratia Dei non contingit indignis: *Et qui sordescit, ei dicitur ut sordescat adhuc.* Apoc: 22. 11. Et sane ita fit. Nunquid enim tam crebris usibus Sacramentorum, vita ex aequo nostrum omnium respondet? & cur non respondet? cur in antiquis haeremus imperfectionibus, culparum actibus? passionū pugnis? cur? nempe dicitur de nobis: *sordescat adhuc, dicitur autem ideo, quia sordida preparatione atq; dispositione ad Sacramenta accedimus.*

Quod de Sacramentis dixi, dico idem. & expendendum suadeo de sacrosancto sacrificio, quae est actio, omnium sub sole gravissima, gratissima, efficacissima, sed non, nisi digne eam peragentibus. Digne autem cum dico, omnem apparatus preparationis, celebrationis, gratiarum actionis post celebrationem includo. Nec amplius moror. unū rogo Religiosum Sacerdotem, ut si qua in actione sua vult & solet sibi permittere negligentiam, ea, ne sit sacrificium missae, ne sit Communio & Confessio Sacramentalis.

Subjungo Sacramentis Orationem, Lectionem spiritualem, colloquutionem spirituales, reflexionem & examen conscientiae, collectionem mentis, horariam, diurnam, mensuram, annuam &c. de hac dico & inculco totum hoc, quod supra attuli. His occupationibus alligatae sunt, ut sic loquar,

gratiae actuales, Divinaeque motiones, id adeo experientia probat, ut me explicare non sit opus; consideratio ipsa docebit rem ita esse. Constat eos qui debite obeunt Meditationes, Lectiones, colloquia, examina, collectiones mentis, nunquam aut raro desiderare instinctus divinos ad omnem perfectionem sibi congruam. Dum enim quis meditatur, convertit se ad se, suos mores inspicit, probatos vel improbandos cognoscit, agnitos complectitur & in eis perseverat, si boni sunt: reprehendit & corrigere proponit si mali sunt, & haec jam illuminatio est, haec jam permotio est. Porro qui non meditatur, vel aliud longe agit, quam meditatio poscit, is non se inspicit, consequenter sua errata non agnoscit non agnita, non corrigit, committere ergo pergit, insuescit: in eis roboratur, durat evadit correctu difficilis vel impossibilis; ita & excacatur intellectus, & induratur affectus, tandem ruit praecipit in gravia, & privatur gratia, quandoque etiam punitur apostasia. Facit is diligentius Meditationem, evasisset omnem ruinam, & tenuisset perseverantiam.

Quod de oratione seu meditatione attuli, par est de reliquis iudicium formandum: sicut & de observatione Regularum, quibus eodem modo actuales gratiae alligatae sunt, ita ut si a Religioso servantur prout debent, earum observatione, Religiosi mens vel illuminetur, vel illuminari mereatur, illuminata vero proficiat. Si autem observatio negligatur, consequens est, ut etiam inspiratio divina amittatur, & ad recipiendum, minus idonea reddatur. Observatio siquidem voluntatis Dei, praecipuum est medium, ad cognoscendam voluntatem Dei. Unde salvator ait: *Si quis voluerit, voluntatem eius (Patris) facere, cognoscet de doctrina mea utrum ex Deo sit.* Ioan: 7. 17.

Ex quo etiam deduci ulterius potest, gratiarum actualium collationem a Deo praecipue obtineri usu earum gratiarum, quod fit quando homo mollem & tractabilem se exhibet inspirationibus divinis, quando eas observat acceptat, fovet, in terram cordis sui boni seminat, per propositum & magis etiam per actuale exercitium in officium deducit. Hinc namque fit, ut gratia Dei & verbum Christi, non revertatur ad authorem suum, vacuum, sed ferat fructum 30. 60. 100. & dicat servus fidelis Deo. *Domine mna tua acquisivit 10. mnas, Lucæ. 19. 16, vicissimque audiat*



audiat à Domino: Euge serve bone & fidelis esto potestatem habens super decem Civitates. Inde gratia gratiam parat, imò (ut dixi) gratias catenatim post se trahit, incredibili cum senore spiritus, roboratione virtutis, incremento fervoris & avaritiæ spiritualis.

Quod totum quia absq; reflexione mentis esse non potest, ideo spiritualis vitæ profectusq; avidis, nunquam satis laudare possum vitam reflexivam: hæc enim est, quæ custodit vias Domini venientis, hæc quæ observat lucem gratiæ, & minimum quemq; attentum cordis, ut aperiat pulsanti in tempore. Hæc est quæ præsentem adesse cordi nuntiatur, hæc est quæ abire parantem non finit, sed desinet plissima violentia. hæc est, quæ implet illud Dominicum frequens satis præceptum: *Attendite, Vigilate, Videte.* omnibus istis reflexio occupatur & satisfacit. Reflexio igitur est infatigabiliter amanda & exercenda, citra tamen actuationem nimiam, & capitis detrimentum. Prudentia docebit modum, ut scilicet homo ad sese certis temporibus redeat, & se suaq; inspiciat. eadem faciet, ut semper homo sibi præsens sit, etiã tunc, cum aliud aliquid agit, circumspicere ager, & enim non effusè nec absorptè, sed veluti actioni suæ supereminendo, quæ reflexioni satis est.

Quia verò reflexionem maximè impedit multitudo, festinatio, moles actionum iteq; inordinatio tam temporum quam occupationum, ideo solida virtutis amator, & gratiarum sectator, importunitatem occupationum, effusionem in eas cogitationum & internarum virium, perturbatione etiam passionum (præcipue cupiditatis & iræ) inconstantiam quoq; incertitudinem, ac inordinationem negotiorum ac temporum vitabit diligentissime quò fiet, ut perturbatè effuseque nihil, omnia mature, sedatè, circumspicere, reflexeq; agat, suus & apud se sit, occupationibus supernatet, ad observanda interioris hominis negotia & eventa aptus, consequenter advertere & excipere venientes gratias hospites, potens ac facilis semper inveniatur.

Hæc de amore, cura, usuq; gratiarum actualium considerasse sufficet ei, qui hoc instrumento ad solidandas suas virtutes uti volet. De gratiæ habitualis cura, cum non pauca ex dictis de actuali, serviant etiam amori & curæ Habitualis, ideo pauca afferam.

1. Gratiæ habitualis pretio, nihil ex om-

nibus post Deum creatis bonis conferri posse: adeo ut minimum ejus bonum, præstet aliis omnibus maximis: consequenterq; minimum gratiæ istius lucrum & incrementum majus sit, majoriq; cura, labore, sumptu quaerendum, quàm maximum augmentum aliorum quorumcunq;, consequenter item amorem & curam hujus solius gratiæ augenda & fovenda, debere esse majorem quàm omnium aliorum bonorum parandorum post Deum: consequenter quoq; hujus gratiæ amittenda periculum plus formidandum & repellendum, quàm aliud omne: consequenter adhuc damnum hujus gratiæ etiam minimum, quod per hoc crebro, incurritur quia non procuratur, magis esse deffendum, magis avertendum, majoriq; cura & studio faciendū, quàm damnum ullius alterius rei, & opinione hominum maximæ. Et cum gratiæ istius parandæ atq; augendæ tempus sit istius solius vitæ, quæ adeo volax & brevis est, cuiusq; tot partes sine fructu gratiæ ab initio usq; hic perdidimus, & adhuc perdemus: concludat qui sapit, *quanti temporis estimare, quàm parce tempore uti.* Sap. 4. 13. quam in brevi explere multa debeat satage vir Religiosus, ut gratiam hanc, quam maximis inesse augeat & accumulet per omne momentum vitæ suæ incrementis. Et nunquid ita de gratia sentimus? aut ita pro illa augenda laboramus? sed præstat pergere.

Hæc gratia acquiritur in Sacramentis, fovetur etiam Sacramentis ac augetur, ac sacrificiis, quomodo? quàm efficaciter? non est hujus loci, quàm condignam exigit & sequatur præparationem atq; usurpatione, dictum iam supra de actualibus gratiis.

Fovetur hæc gratia fuga peccatorum omnium, etiam minimorum; observatione mandatorum, consiliorum, voluntatum seu placitorum Dei etiam minimorum. Fovetur fervore charitatis, cujus incrementa sunt incrementa gratiæ, fovetur afflictionibus spontaneis, tam mentis per humiliationem & omnimodam resignationem, quàm corporis per discretam, assiduam mortificationem, per hilarem patientiam injuriarum & contemptuum, per contemptum actualium creaturarum, per zelum animarum: uno verbo, fovetur & augetur gratia per assiduitatem & frequentiam virtutum, per exercitium earum crebrum in heroico quovis gradu, per fidelitatem ad Deum in omnibus, per



per gratitudinem, per orationem, per vivam & jugem in omnibus IESU Christi passi, cōtempti, stulti, pauperis, obediētis, casti, crucifixi, imitationem, & deniq; per constantem in his omnibus perseverantiam. Satis de his. Quæ hic dicta sunt, in se unusquisq; nostrum, quomodo se habeant, attendat, &

quomodo deinceps virtutem in se solidare, per amorem, curam & usum gratiæ Dei debeat, cognoscat: idq; quā firmissimè effectum dare proponat, neq; tantam æternorū bonorum messem inter manus suas positam, sibi elabi patiatur.



## CONSIDERATIO XV.

### Virtus solidatur amore & imitatione tam IESU Christi, quā P. Parentis Virginis MARIÆ.



Quantò certius est, & apud omnes pios magis persuasum, solidæ Virtutis parandæ vel tuendæ instrumentum, atq; medium omnium præsentissimum, esse, amorem, imitationem IESU Christi, & ejus Matris Pretiosissimæ, tanto mihi quidē pauciora scribenda, sed consideranti tamen in animum profundius efficaciusq; demittenda, & ad praxim revocanda erunt.

Imitari Christum & amare, itemq; Pretiosissimam Parentem, & omnis & solida virtus est. Nam & ille author, principium, Dominusq; Virtutum est, & ista mare virtutum verè censetur. Utrumq; ergo amare & imitari, non est virtutes habere, sed fontes atq; authores, atq; capita & maria virtutum possidere. Sed amandus atq; imitandus est Christus, nec non Mater ejus MARIA, nec propter Virtutes, verum propterea, quia & MARIA digna est, & IESUS dignus ut ametur, ut imitatione mores utriusq; exprimantur, & quia est hæc voluntas tam MARIÆ, quā Christi, inprimis autem SS. Trinitatis.

Amor Christi (item B. Virginis) si tener sit, bonus est, si rationalis melior: si sublimis, longè melioribus optimus. Tenerum voco, qui nescio quid de sensu & mollitudine sensibili habet, amatq; secundum carnē, qui amor initio bonus est, neq; etiam unquā prorsus evacuandus, attamen seponendus

tandem ut plurimum est, & in specialem purè evchendus, ut dicere possimus, Cognovimus Christum Dominum carne, nunc autem jam non novimus: consequenter & non amamus. Et hunc rationalem voco, qui non tam ad exteriorem sensualemq; Christi gratiam attendit, quod proprium est illius teneri, quā interiorem: quod sit Homo Deus, persona divina, Sanctus, plenus gratiā Redemptor, Doctor, Veritatis, Exemplar vitæ, Fons meritorum, Caput Ecclesiæ, Pater futuri seculi &c. Quæ omnia quia tantum, rationali fide, & fideli ratione capiuntur, ideo amorem ex eis natum vocavi rationale, qui haud dubiè perfectior est illo tenero amore. Sublimem voco eundem quidem ipsum realem sed delectum, distincte Christi intimā noscentem, lumine, normā, exemplo ejus viventem, non contentum enim & præceptis, sed consilia sectantem, & ea ipsa non quolibet & plebeio modo, sed perfecto cui unica cura Christus, cogitatio vita Christi, studium gloria Chri, delectatio contemptus Christi, divitiæ paupertas Christi, lucrum mors Christi, & pro Christo, cui labor prædicare Christum, & hunc Crucifixum, adimplere ea quæ desunt passioni Christi, & circumferre mortificationem ejus in corpore suo, eidem configi, & ejusdem Cruci, vivere jam non in se, sed in Christo & viventem in se habere Christum, idq; totum ob unicā & solam gloriam & voluntatem Patris, vel SS. Trinitatis. Idipsum proportionabiliter sentiendum est, de amore B. Virginis, cujus quoq;



quoque iisdem gradibus amor in nobis discerni & crescere noscitur, ita ut in quibusdam & aliquando sit paulo maturior, & reverentia admittus, similis illi, qui in adolescentulis filiis est erga Matres. Denique in quibusdam est plane maturus & excoctus, omnes in se complectens, estimationis & pietatis filialis in Matrem affectus & effectus: similis ei, quo adulti & maturi filij Matres amant. Sic enim & illi Dei Matrem honorant, obsequuntur, candore, simplicitate, fiducia, communicatione, plenitudine integerrima Matri Divinae convivunt, atque cum ea tractant & conversantur, eamque diligunt tenerè sed defecate; filialiter sed appreciativè, graviter & circumspicte, sed intimè & plene fiducialiter, & liberè ac planè possessivè. Ad hunc amorem seu Christi, seu B. Virginis solidis virtutum sectatoribus aspirandum est, in eoque congruis exercitationibus, & pietatis affectibus atque actibus cor exercendum, & medium ponendum tamdiu, donec istiusmodi amor, radices in mentibus eorum egerit, & veluti in naturalem (licet sit summè supernaturalis) consuetudinem transierit, quos quidem affectus & actus, tum ex dictis considerans colligere, tum ex proprio usu, aliorumque tractationibus petere poterit.

De imitatione Christi brevius erit negotium explicare, licet considerare, & re ipsa imitationem hanc exercere, debeat esse longissimum immo quotidianum atque perpetuum. Solida virtutis amator, imitabitur Christum in duobus, in spiritu, quo venit, vixit, mortuus est, & in modo, quo hæc ipsa præstitit. Spiritus Christi nullus alius fuit, quo in mundum venit, in mundo vixit, de mundo denique transiit, & quem in mundo reliquit, nisi facere voluntatem Dei, & evertere omnem voluntatem atque sapientiam mundi. Hoc quam tota ejus vita, doctrina, mors clamat, luculentum satis est. Modus quo prædicta omnia præstitit Christus, est ille, quem Apostolus expressit unico verbo: Exinanivit semetipsum. Quidquid Christus fecit, cum exinanitione sui fecit, adeo, ut teste ipsomet, neque locum capitis reclina- di habuerit: adeo ut etiam inter creaturas

esse moriendo morte turpissimâ desierit: & hæc omnia ideo, quia voluntas Patris ista fuit. Nihil opus pluribus tibi Religiose, qui solidus Virtutis esse sectator appetis. Vade, & tu fac similiter. Adjunge tibi triplicem illam IESU Societatem, paupertatem, contemptum, dolorem propter Dei voluntatem quarum nullam Christus ad mortem usque demisit a se, sed ea perpetim in omni vitæ puncto comitatus incessit. Exinanit temetipsum usque ad Exinanitionem illam, qua & Christus Dominus se se exinanivit: ubi hoc effeceris, sufficit tibi: his amplius fili mi ne requiras. Hæc est scientia, & imitatio Christi. Mundo per omnia contraire Dei voluntati per omnia conformari Christum ad vivum & unguem, ut ajunt, sequi, per omnem ejus paupertatis, contemptum, dolorum, exinanitionis plenitudinem. Decet enim capiti conforme esse membrum.

Virginis MARIE imitationem, mores ejus te docebunt si Christum fueris secutus. Mariam imitaberis. MARIE namque spiritus & vivendi modus, fuit Christum sequi & illi ministrare. Itaque Christum sequi, Mariam imitari est, & vicissim Mariam imitari, sectari, Christum est. Talis enim fuit MARIE vita, ut in ea velut in speculo reluceret omnis species & forma vitæ atque mores IESU Christi; quapropter unius imitatio, alterius est expressio.

Solidis in virtute prædicta sufficient, sive illi jam sunt, sive adhuc esse volunt. Interim intueatur quisque nostrum, quantum absit, vel ab amoris, vel ab Imitationis Christi, ejusque Matris soliditate. Et certe si Christi Mariæque vita, vita quodammodo virtutis ipsius est, itaque quantum a summitate vitæ Christi & MARIE abesse nos conspexerimus, tantum nos a summitate virtutis abesse ne dubitemus. Attamen ad summa conantibus, gloriosum erit in secundis consistere, dummodo faciat unusquisque quod est in se. Quod an faciat, quare non faciat, quam nugatoriis nugis impediatur ne faciat, viderit ipse: & cogitet quomodo excusabilis erit apud Deum, qui excusabilis non est apud se.





## D I E S VI.

*De speciebus Virtutum Solidarum.* 1. *De tribus Votis Religio-*  
*rum.* 2. *De Fide, Spe, Charitate, Humilitate, Patientia*  
 3. *De resignatione, Fervore, Efficacitate, Perse-*  
*verantia.*

## CONSIDERATIO XVI.

De Virtutis soliditate in tribus Religionis  
Votis.

**H**æcenus generale tan-  
 tum virtutis solidæ no-  
 men perpetuo usurpa-  
 vimus, illius solidan-  
 dæ, in soliditate con-  
 servandæ, locum, tem-  
 pus, occasiones, media  
 & instrumenta & exempla ad considerandû  
 proposuimus. Iam sequitur ut ipsas etiam  
 spirituales virtutum solidarum consideran-  
 das proferamus. Atq; i loco in medium  
 prodeunt, paupertas, Obedientia, castitas,  
 non quia eæ sint omnium primæ, sed quia hæ  
 sunt Religiosi status constitutrices. Con-  
 stat enim substantiam Religiosis in Votis tri-  
 bus scilicet paupertatis, castitatis, & obedi-  
 entię consistere. Prima itaq; solidæ Virtu-  
 tis species est paupertas. Paupertas, inquā,  
 spiritu, item re & veritate, quæ perinde ni-  
 hil habeat, atq; nihil amet seu cupiat. Nā  
 etsi non tam substantia hujus mundi, quā  
 cupiditas & amor substantiæ nocet: tamen  
 substantia si habeatur: esto non amata cura-  
 tur: cor ergo quod Deum curare debuerat,  
 ejus cura occupatur: & quia inter curam &  
 amorem eorum quæ cura vimus, modicum  
 est intervallum, ideo habita curare difficile  
 est non amare; atq; ita non est plenus Dei a-  
 mor, si paupertas non est plena. Non est  
 autem satis, nihil cupere vel habere, sed o-  
 portet insuper nihil habere, nihil cupere lici-  
 re posse. Oportet adhuc etiam in usu rerum  
 solam necessitatem, eamq; rigidam spectare  
 & nihil, quod necessitas non exigit, attinge-

re. Oportet & hæc ipsa quæ necessitas pos-  
 sit, non ex propria voluntate vel quærere, vel  
 accipere, vel retinere, sed in his alieno à nu-  
 tu pendere. Oportet etiam in necessariis  
 viliora quærere & amare. Oportet ipsa vi-  
 liora, tanquam si essent optima, commodè,  
 ut diu serviant, servare, & velut Patrimonia  
 Christi, quibus tu indignus sis, custodire.  
 Oportet hæc ipsa quæ habes necessaria, sta-  
 tim ac voluntas aliena accesserit, deserere,  
 nec pro ijs retinendis vel recuperandis soli-  
 citum esse. Oportet, si quæ etiam necessa-  
 riorum desint, æquanimiter ferre, modeste  
 petere, patienter expectare, ac si negentur,  
 gaudere, & Matrem paupertatem tam demū  
 veram agnoscere, Nam pauperem esse & in  
 nullo egere quis nolit? Majus est hoc om-  
 nibus mundanorum possessionibus, qui cum  
 pauperes non sint, nec esse velint, multis ta-  
 men egent. Igitur si Religiosus paupertatē  
 professus in nullo egeat, aut in nullo egere  
 velit, is secularium divitum paupertatis sta-  
 tum & paupertatem in nullo excedit, immo  
 ab illis exceditur non tantum in indigentia,  
 sed etiam in egestatis suæ tolerantia, quorū  
 neutrum delicatus Christi pauper experiri di-  
 gnatur, perpetuè potest. Mentitur ergo ta-  
 lis, dum se pauperem Christi dicit, cum o-  
 mnis seculi hujus dives, illo & pauperior, &  
 paupertatis suæ amantior, aut saltem tolerā-  
 tior est.

Altera spiritualis solidæ virtutis castitas  
 est. Cujus neq; amorem, neq; media, neque  
 perfectionem explico. Utor Sancti Patris  
 nostri in hac re modera mine. Angelicam  
 illæ



Alle requirit & mihi satis est. Custos Caritatis & zelator solidus, laboret, vigilet, esuriant, oret, cor seu mentem seriis semper occupet. Tentationes vel importunissimas, contemnendo, & cor occupando, elidat, cum ijsque nec per speciem resistendi, nec per speciem corpus afflictiendi, cominus depugnet, sed alia omnia agendo dissimulet, conspectumque & congressum fugiat. Pericula non intret, nec sibi fidat. Humilitatem sedetetur. IESUM Christum & ejus Matrem viscerose amet. Sacramentis bene utatur. Nullam creaturam viscerose, (esto spiritualiter) amet. Tentationes suas in semine adhuc, vita suae Duci manifestet. Sensus & corpus modestia & afflictatione atterat, omni genere & modo, quo discretè potest, sed imprimis inedia, & siti, & vigilia, & orationis assiduitate, ita ut murmuraret corpus de spiritu dicens. Vivere non licet, & lascivire liceat? praeferat vivere aut saltem valere non posse, quam lascivire posse. Religiosus, non quod caro possit, sed quod spiritus velit, attendat. Sic tamen persequatur hostem, ut civem non interficiat.

Tertia species Virtutis solidae, Obedientia est, de qua in superioribus saepius, & multa solida sunt proposita. Hic pauca addo. Obedientia, est tota Religiosi felicitas, vita, fortitudo, substantia. Haec debet esse aliquando inobediens ex parte, idque in duplici casu. 1. Si quid honorificum, si quid secundum sensum & propensionem obedientis jubeatur, agere ad hoc obediens inclinari debet & non nisi adactus cedere, sincereque cum imperante procedere, ac periculum inclinationis suae manifestare. 2. Si quid vile, molestum, sensui voluntati, iudicio, rationi repugnans jubeatur, ad id propria voluntas (alioqui obedienti prohibita) sponte inclinari, evolare & festinare debet. Obedientia mors est tentationum omnium. Nihil facere debet Religiosus, quantumvis gravis & veteranus, quod nolit superior, quod nesciat, quod non approbaturus credatur. Obediens verus & perfectus non vult, non finit, non exspectat, non gaudet moram injici obedientiae seu imperio suo, non desiderat retractari imperium, intercessores & interpositores apud Superiorem non tantum non curat, sed neque curatos admittit, neque interponentes se aequanimiter fert, sed potius denunciat, impedit, praevenit, & hoc ipso ad exequendum festinat, quod aliquos ad se ab obediendo eximendum paratos novit. Ali-

oqui collusor erit hostibus obedientiae, & inobedientium frater. Obediens promptius minutis obedit Superioribus & Officialibus, quam majoribus. Tantum enim majoribus superioribus velle obedire vel libenter ac promptè obedire, superbia est, & personarum occupatio, & non divina sed humanae personae in Superioribus consideratio, alioqui enim Deus ubique idem est, & ubique aequè dignus, aequè magnae auctoritatis. Obediens quanto major & dignior, majorisque auctoritatis ac meriti persona est, tanto levior esse superioribus suis debet, neque illorum auctoritatem premere, neque obedientiam gravare, (alioqui inter filios sarvae computabitur) sed potius debet se superiori primus subdere, facillimum & tractabilissimum praestare, exterisque subiectionis exemplum dare, neque omnino, supra vel extra obedientiam esse. Nam si quis extra obedientiam est, est etiam extra disciplinam, ergo non filius, sed spurium & adulterinum vitulamen. Sic enim argumentatur Apostolus ad Hebraeos. Obediens, etiam cum nemo testis est ejus obedientiae, obedit. Obediens plenam & punctualem obedientiam exercet, ut nec jota, nec nomen, nec passum, nec pilum inobedientiae sacrificio non expressum, non expletumque sinat. Obediens grandia & mira & quae raris & non nisi insignibus imperantur, sibi imperari non cupit, non gaudet, communibus & vilissimis, & quae nemo miratur imperari, haec gaudet sibi imperari & his occupari. Obediens obedit, ut obediat, estque ejus praeium obedisse, vult post obedientiam peractam, redargui, gratitudinem non spectat, tacitus ac si nihil esset actum, incedit. Obediens diem, quo non obediit alicui vel in aliquo, illud perdidit, & Religiosus non fuit. Obediens in saeculo obedientiae, & ultimum spiritum suum in obedientia & ex obedientia emittere debet. Obediens vult esse, vult non videri obediens. Obediens personam hominis in eo cui obedit non videt, neque, timet, neque, amat, sed Christum intuetur, estque, hoc obediit (sicut debet esse omnibus) perfecto persuasum, quod in Superiore, respectu obedientiae & obedientium, persona hominis non fit sed Dei, ut proinde nec imperet homo sed Deus, aut certe homo Deus, seu indutus hominem Deus, nec etiam obediens obediat homini, sed Deo, aut certo homini Deo, seu hominem induto Deo; adinstar ejus quod in Mysterio Incarnationis credimus, in quo

Uu2

antequam



antequam Pater æternus diceret nobis de Christo. *Hic est filius meus dilectus. ipsum audite.* Matth. 17. 5. Antequam visum promulgarer Magistrum nostrum, illiq; obediendum præciperet, abstulit ab illius humanitate personam hominis, & dedit illi personam Dei filii sui, ut sic, & qui doceret nos, esset Deus seu Homo. Deus indutusq; hominem Deus, & nos audiremus, obediremusq; Christo non homini, sed homini Deo, indutoq; homine Deo, atque ita sicut obedisse Christo, obedisse fuit Deo, ita obedisse Præfato, obedisse est Deo, & sicut non audire, contemnere, obmurmurare Christo, est & erat non audire, contemnere, obmurmurare Deo, sic & modò non audire Prælatum, obmurmurare maioribus, contemnere imperantes, est obmurmurare Deo, non audire Deum, conte-

mnere Deum. Itaq; videamus, an iuste dictum sit: *Qui vos spernit, me spernit: qui vos audit, me audit.* Lucæ 10. 16. Videamus an iuste dictum sit. Non te abiecerunt, sed me, ne regnem super eos, videamus an iuste dictum sit, esse quasi peccatum ariolandi non obedire, & quasi scelus idololatriæ, velle acquiescere. Dico vobis quicumq; obedientiam profitemini hominibus propter Deum. Sacramentum hoc magnum est, & nescit homo pretium ejus.

Sed ista quæ dicta sunt, inspiciamus vota nostra, & probemus soliditatem virtutum nostrarum, & virtutum quidem harum nunc prædictarum eò diligentius, quòd ad earum supremam perfectionem, Votorum sanctissimi devotione amplius obligamur.



## CONSIDERATIO XVII.

De fidei, spei, charitatis, humilitatis, patientiæ, soliditate.



**I**N homine perfectionis ac solida virtutis cupido uti nulla Virtus deesse, ita nulla solida non esse debet, ea tamen, ut sic loquar, solidius debent inesse, sine quibus nihil solidum potest, in homine esse. Cujus quidè generis.

Prima Virtus est Fides, cujus est credere ea omnia, quæ credenda à Deo per Ecclesiam Catholicam Romanam proponuntur, porro perfecta fidei, non est tantum credere, aut firmiter credere, sed etiam practicè atq; efficaciter credere, vitamq; fidei conformè vivere. Et neq; hoc omnino ad perfectionem Fidei sufficit, sed insuper perfectionem in praxi & efficacitate ista requirit, ut fidelis non tantum agat quæ credit, nec tantum sic vivat, quomodo credit, sed etiam, ut quidquid perfectionis sublimitatis, atq; Heroici gradus, in dictaminibus, in dogmatibus, in præceptis, in Consiliis fidei, denique in placitis Dei reperitur, hoc totum & cre-

dat, & quoad fieri potest, effectui det. Fides est illuminata, immo lumen perfectum, hominem perfectius de mysteriorum fidei cognitione illuminans, & penitus atq; gustabilius penetrare faciens, assensumq; confirmans, & voluntatem contentam faciens, dubitationes vel abigens, vel momento dispellens. Fides perfecta non indiget miraculis; sufficit illi dixisse Deum, proposuisse Ecclesiam. Fides perfecta veneratur Ecclesiam, & minutos etiam ritus ejus tenerè observat. Fides perfecta zelat fidem, ejus profunda scrutatur, enucleat, libenter prædicat, & omnibus innotescere facit, & pro uno fidei jota, parata est fundere vel vitam. Fides perfecta, totam hominis perfecti fermentat vitam, & omnem actum ejus facit proficisci ex fide, & sublimari fide, supraq; naturæ limites evehi. Et hoc est unum ex operibus tum fidei, tum hominis, perfectionis in fide cupidi, ut quidquid agit, ex intentione fidei, seu fideli, seu per fidem notè agat; agat autem ex intentione insuper non humiliter, sed sublimi atq; Heroica. Quod genus vivendi rarum est in hominibus, rarum etiam in



in perfectis, quia & isti plurima vite quotidiana opera non ex fide facta, nec in finem. fide notum, perfecta, atque directa amittunt potius quam faciunt. Nullum enim opus esto ab homine in gratia posito perfectum sit, si fide, hoc est supernaturali fine animatum, non sit, ad meritum eterne vite conducit. Et quanta, quamvis multa talia quotidie etiam a perfectis sunt! Ipsi videntur quanto glorie eterne, & gratie eterne damno fiant.

2. Virtus Spes est. Hec sperat a Deo eternam vitam propter Christi merita, propter recte actam in Christo vitam, propter Dei liberalitatem atque gratiam. Hec sperat in Deo tantum quantum non fidit in se & in ulla creatura, itaque nulla est perniciosior peccatis spei, quam fiducia sui. Presumere iuxta ac desperare spes non novit. Nam & non sperat gloriam sine bona vita, neque desperat, eandem cum bona vita; neque, tamen sperat eandem cum bona vita; neque, tamen sperat eandem ex bona vita, sed ex Dei gratia cum bona vita per Christi merita. Spes hominem facit omnipotentem, tantum enim potest homo, quantum sperat de Deo, & quidquid non potest homo, ideo non potest, quia non sperat de Deo, non sperat, inquam, ea spe qua debet, quae spes est perfecta submissio & resignatio, & sepultura totius hominis in Deo, in Dei placito, in Dei providentia, in Dei auxilio. Nam nisi quis totum se conformet Deo, & nisi semper faciat, velitque, facere hoc solum & totum quod vult Deus, qua fronte potest homo spe sua obtinere, ut omne id quod vult homo indubitate faciat Deus? Quantum ergo homo conformatur, & obedit Deo, tantum Deus conformatur & obedit homini, quantum autem homini obedit Deus, tantum per spem presumat homo de Deo. Quare per omnia homo conformetur Deo, & in minutis etiam etiam ad momentum (quoad fragilitas humana finit) consentiat Deo, exequaturque quod novit placere Deo, & tunc nihil vult homo, quod non etiam velit faciatque Deus. Tunc nihil poterit non sperare homo de Deo, tantumque poterit homo, quantum sperabit de Deo, & fiet per spem Dei omnipotens homo. Spes non sperat in se, nec sperans sperat in spe sua, sed in Deo per spem suam. Solidatur tamen spe sua, immo solidat spe spem suam, ita ut etiam in spem contra spem speret, & ex spe agat, & de Deo non

hesitet, sed tunc ubi nulla humana praesidia sunt, tunc quando Deus ipse quasi indormire negotio suo videtur, tunc quando collapsa omnia videntur, tunc quando jam adversarii causa triumphos parant vel canunt, quando omnia impedimenta in flore sunt, quando nulla spei & spectandi ratio suppetit, tunc inquam speret: & vel maxime speret, quia evidentissimum auxilium Divini affuturi indicium habet, quia Deum, omnia humana & creata auxilia, omnes industrias & vires conatusque humanos, ut deficient exspectare videt, ut cum defecerint omnia alia, constetque palam defecisse, tunc exurgat, tunc manum admoveat, tunc dexteram suam invirtute magnificet, tunc Deo soli ab omnibus gloria sit, hominis autem faciem confusio, mentem confessio & sui humiliatio impleat & occupet.

Hi duo proxime explicati excessus spei, rari admodum sunt, etiam inter perfectione professos. Nam & rari sunt admodum qui plene conformes esse curent Dei voluntati, eamque in minimis, in obviis, in quotidianis ad unguem exequantur, solamque in exequendo intueantur. Quoties enim quisque est, qui in minimis maximus esse velit, & in ordinariis observationibus non ordinarius? quotusquisque est, qui (ut de S. Berni legimus) in ipsis communibus sit singularis puritas & devotio non communis, qui nihil negligens & minima quaeque cum studio & intentione tractet? quotusquisque est, qui voluntatem Dei amet faciatque, non propter aliud, quam propter ipsammet voluntatem, ejusque dignitatem, & non propter suam aliquam (spiritualem etiam) utilitatem? quotusquisque est, qui placitum Dei metiatur non ex objecto sed ex ipso Dei placito? qui habet id, quod vult Deus, non ideo magnum putet, quia magnum in se est, sed quia, esto illud minimum & vilissimum sit in se, magna tamen est Dei voluntas, & placitum quo illud vult Deus. Quia ergo tales rari sunt, rari etiam sunt a peccati ad fiduciam & spem perfectam in Deum, pari ratione rari etiam sunt, qui ingenium auxiliantis Dei norint, raro, qui quantum zelet ille in omnibus factis suis gloriam suam, sciunt. Rari sunt, qui opera Dei fideliter propter Dei gloriam tractent, & sibi vel post factum saltem, de facto & de gloria Dei aucta non complacent. Rari sunt, qui opera Dei a Sanctis in gloriam Dei parata, Deo, prout par est, & non hominibus ipsis tribu-



tribuat, Deumq. defraudent, ideo etiam rari sunt, qui illam Dei cunctationem in adiuvando, vel in eo quod patitur, concedendo, convertat in spei contra spem materiam, & non potius in desperationis occasione. Accedit quod plerique huius spei contra spem occasiones nullas alias esse, miraculosas quasdam & extraordinarias sibi imaginantur, inter manus autem & in quotidiana vita, eas reperiri solere non credant vel non sciunt. Quasi Deus miraculorum sit tantum, quasi in minimis etiam non sit providentia. Atqui experti scimus Deum in minutissimis occasiunculis, voluntatem suorum servorum in suam providentiam abjectorum & voluntati suae divinae consecratorum adimplere solere. Voluntatem dico, non solum eam quam ipsi habent, sed illam etiam quam non habent, sed tantum haberent, si occasionem ejus habenda scirent. Ex quo apparere debet perfectis viris, etiam minutis, in obviis occasionibus, actionibus, negotiosis orationum ad Deum causis providentiam adesse, Deum glorificari velle, spei exercitium esse posse, ad illius quae est contra spem, dummodo adsint oculi. Dic mihi o homo Religiose, nunquamne petisti à Deo, tibi vel alteri aliquid, quod tamen non impetrasti, etsi illud quod petebas, licitum, sanctum, ad perfectionem, ad gloriam Dei conferebat, consequenterq. conforme Dei voluntati erat? Dic iterum mihi, ubi petitam rem non impetrasti, nunquid in orando perseverasti, & non potius tanquam Deo non placeret postulatum, à postulando abstinuisti? ita est sane. Neq. te reprehendo, dico tamen tibi, illam non impetrationem, illam Dei in te exaudiendo sordiditatem, vel potius tarditatem, occasionem fuisse spei contra spem: pergendum fuisse in oratione conformandum fuisse Dei voluntati tuam voluntatem: adhibenda tamen media ad expugnandam Deum & ejus tarditatem in dando, non in desperationis ac celsationis, sed in spei atque expectationis & perseverantiae vertendam fuisse occasionem. Et quoties in hoc, excutimus nosmetipsi, qui ista aliis tam scilicet diligenter commendamus & exponimus! Tu nosti Domine Deus, tu adiuvasti incredulitatem nostram. Mar: 9. 23. Et adauge nobis fidem fidelem, & doce nos orare, Luc: 17. 5. quia quid oremus, verè nos nescimus, quia fragiles sumus & caeci nati: sed ideo, ut manifestentur opera tua in nobis, & tu magnus

glorificeris in nobis pusillis, *nos autem confitemur per te, & omnia possumus in te.* Phil: 4. 13.

**A** 8. Virtus Caritas est, quae amicitia Dei, affectio per omnia sancta; cuius solius laus est in scriptura, labor in Ecclesia, virtus in anima, pretium in opere, primum in caelo. Haec est, charissima potissimum, haec nunquam excidit, haec maior omnibus virtutibus, haec plenitudo legis. Haec est dilectum Christi testamentum atq. praeceptum. Haec dos Ecclesiae, haec deniq. (quid enim multa congeram?) ipse Deus est. Non discerno caritatem Dei à caritate proximi, & à caritate sive amore ceterarum rerum: quia ejusdem est ac unus caritatis amare Deum super omnia, & propter Deum, (atq. ideo infra Deum) reliqua omnia.

**B** Haec virtus, soliditas est aliarum omniū, ipsa tamen etiam quandoq. tenera & mollis, quandoq. robustior & grandescens, quandoque solida, grandis, & perfecta, quae foras mittit omnem. i. Ioann: 4. (non tamen cassum, quia hic ipsa caritas est) sed omnem timorem qui alius est à casto.

**C** Haec diligit Deum, sed neq. causam, neq. modum, neq. primum diligendi habet, verum est illi causa diligendi Deum, Deus: modus, sine modo diligere. Amat, quia amat, amat ut amet: pretium amoris amor, primum amor, finis amor, quocunq. fertur. Amore fertur, pondus ejus, amor ejus. Nescit reverentia, quia amor non veretur, licet à reverentia amare didicit, & in amorem profecit.

**D** Haec Caritas & amor, si est & ubi est, magnè operatur, si operari renuit, amor nō est, otium enim in caritate non est, quia caritas & amor negotium negotiosissimum est, & quia semper operatur, semper crescit: semper ergo sibi parvus videtur, & ideo semper major esse cupit, & hic est labor ejus ex amando agere, ex agendo crescere.

Perfectio caritatis est nulla cupiditas illa quae est amor sui, quae est appetitio sui, quae se propter se quarit, quae ad se omnia trahit, quae etiam Deum pra se contemnit, quae quaelibet bona & commoda ad se se non minus avarè, quam superbè, quam injusè, quam ingratè rapit, & eis vel sibi vel irrationali rationi vel sensui indulget, quae etiam in querendo Deum se quarit, (alioqui non

quasi-



quasi si sibi bonus esset) & non nisi tunc querit Deum, quando sibi bonum putat: quando autem sibi sine Deo melius esse apprehendit, omnia potius alia quam Deum querit & per hoc se finem Dei, maiorem Deo, Deum Dei, abominationemque; idoli facit: hæc inquam, cupiditas si nulla est, & quando nulla est, tunc est perfecta caritas.

Quantum ergo vel servimus, vel adhuc obnoxij sumus cupiditati, tantum adhuc deficiamus, & caremus perfecta caritate, quantum cupiditas nostra fervet in nobis, tantum adhuc caritas tepet, quantum adhuc jactamur cupiditate, tantum adhuc non quiescimus in caritate, vis caritatem perfectam: tolle omnem cupiditatem, quæ quidem dum hic vivimus, planè tolli non potest, attamen quantum possumus, de ea in nobis mortificemus & tantundem in nobis caritatem, & nos caritate vivificemus, quod faciet, passionum mortificatio, sensuum afflictio, naturæ se ubique querentis, persecutio, honoris abnegatio, humilitatis confectio, patientiæ lucta, intentio pura, Resignatio plena, de quibus omnibus sermo in sequentibus recurret aliquantulus.

4. Virtus Humilitas est, de qua quod dixi conf. 3 & alibi supra sparsim, etiam pro hoc loco satis est. Unum tamen pro hoc dicere necessarium est. Humilitas & humilis verus atque perfectus, fugit omnem admirationem, fugit & declinat ab omni eo, quod illum potest facere apud alios mirabilem. Confusionem non fugere est perfectio, sed (nisi ego fallor) imperfectio, mihi videtur, plus esse & majus, fugere admirationem cum sapè humilis, qui ex humilitate non fugit confusionem, idem ex elatione aut miratur ipse se, aut in admiratione se putet esse ob id, quod eam non fugit. Unde dico, quod nunquam quisquam erit verè humilis, si humilitatē tanquam virtutem querat, & non magis tanquam justitiam, ex qua illi contemptus abjectioque, ab omnibus ac in omnibus propter suam vilitatem malitiamque debeat, humiliationem acceptabit. Semper enim cui humilitas inierit ut virtus vel erit, vel esse facile poterit de humilitate atque humiliatione superbus, mirabitur se aestimabit, complacere, superbie. Ex quo fonte superius, tam humilitatem quam omnem aliam virtutem, ut esset solida, voluit esse humilem. Sado ergo ut qui humilis esse vult, nolit esse humilis, sed contemptus & contemptus ex debito sibi contemptu. No-

lit videri humilis, sed vilis, nec se cupiet humiliari, sed sibi debere sciat, & debitum querat contemptum. Hinc fiet, ut non se humilem miretur, sed se contemptum gaudeat, tanquam is qui debitam sibi mercedem accipit, aut is qui postquam luit poenas culpe, se evasisse metum contentus est. Sic persuasus fugiet admirationem, quisquis sectabitur humilitatem. Quam admirationis fugam egregie docuit nos S. Petrus Apostolus, & Ioannes in illo miraculo claudi ad portam speciosam sanati, cum enim hoc mirum esset populo, & ob id ad Apostolos stupens concurreret, videns id Petrus, dixit ad populum. Viri Israelita, quid miramini in hoc, quasi nostra virtute aut potestate fecerimus hunc ambulare. Act. 3. Simile exemplum est observatum, vel ab ipso Christo in Ioanne Baptista, qui cum esset planè admirabilis, non tamen apud se fuit in admiratione, nec se pro Christo venditavit, licet occasio illi daretur. Unde & à Christo inter alias laudes meruit audire: quod non esset arundo vento agitata, agitantur enim qui se mirantur, qui se mirabiles aliis videri gaudent & mirantur &c. Hanc quoque admirationis fugam summè, & merito quidem, laudant in S. Bernardo, scriptores vitæ ejus. (Summum erat huic famulo Dei studium, fugere admirationem, & ita quam unum se se gerere ceterorum. Proverbium illud, in ore ei frequenter, semper in corde: qui hoc facit, quod nemo, miratur omnes. Quo nimium intuitu, vitam Regulamque communem, amplius amulabatur, nihil in suis actibus præferens observantiæ singulari. Ob hoc denique cilicium, quod pluribus annis occultè gesta verat, ponere maluit, quam ut ferre sciretur, minus illum latere velle contestans, qui cum ceteris ejusdem professionis, sibi communia non seclatur. In ipsis tamen communibus erat illi singularis puritas (perfectio) & devotio non communis. Ex ejus ejusdem Sancti vita referre, quod ad propositum præsens facit, non gravabor. Nam cum Deus Sancti illum, mirabilem facere cepisset miraculis: non prætereundum, (ait scriptor vitæ ejus) quidnam ipsa inter hæc animi gereret, qui à Christo humilitatem cordis & mansuetudinem didicisset. Disputans enim secum in cogitationibus suis, & ex ipsa demum locutus abundantia cordis sui, domesticis quibusdam sibi fratribus Religiosis aiebat. Plurimum miror quidnam sibi hæc miracula voluit, aut quid visum sit Deo talia actitare per-

salet



talem. Nihil mihi videor in sacris paginis super hoc genere legisse signorum. Siquidē facta sunt aliquando signa per Sanctos homines & perfectos, facta sunt & per fictos. Ego mihi nec perfectionis conscius sum nec fictionis. Scio enim Sanctorum mihi non suppetere merita, quæ miraculis illustrentur, confido autem nec ad eorum sortem me pertinere, qui virtutes multas in nomine Domini operantur. Hæc & huiusmodi crebrius secretiusq; cum viris spiritualibus conferebat. Novissimè verò opportunum sibi exitum visus reperisse. Scio (inquit) huiusmodi signa, non ad sanctitatem unius, sed ad multorum spectare salutem & Deum in homine per quem talia operatur non tam perfectionem considerare, quam opinionem, ut in eo commendet hominibus, quæ illi creditur inesse, virtutem. Neq; enim pro eis fiunt hæc, per quos fiunt, sed pro eis qui illa vident vel sciunt. Nec eo sine per eos ista Dominus operatur ut ipsos probet cæteris sanctiores, sed ut cæteros magis amatores, & æmulatores faciat sanctitatis. Nihil ergo mihi & signis istis, quandoquidem meæ illa famæ magis quam vitæ noverim exhiberi, nec ad meam fieri commendationem, sed ad cōmonitionem potius aliorum. Satis, ni fallimur, huius viri mirabitur animum, quisquis hoc diligenti consideratione pensaverit, nec præstantius reputabit æstimator quisque fidelis, signa aut prodigia mirabiliter operari, quam perpetrata taliter interpretari. Qui ad effigandam ab animo proprio, admirationis vanæq; gloriæ pestem, à S. Bernardo usurpatus, non tantum ad miraculorum, sed ad quorumlibet mirabilium operum iudicabiliumq; gloriam retundendam modus, huiusmodi perfectosq; viro est usurpandus. Nam si ve subtilitas affluat ingenij, atq; claritas in scientiis, si ve quis sit potens verbo, & loquatur tanquam potestatem habens, Lucæ 24. 19. faciatq; multos converti ad Dominum Deum suum, si ve in confessionibus audiendis sint verba ejus ignita, & malleo similia contudenti petras hæc similiaq; admirationem patientia, consimili poterunt S. Bernardi humiliari veritate. Quo fiet ut quis magnus sit, & tamen magnum se esse nesciat, & humilitas honorata ab omnibus, ignoret semetipsam, atq; contemnat, & vincat sublimitatem nominis humilitas cordis, nec tam possit universus mundus hominem erigere, quam ipse se deijcere solus. Summus licet reputabitur

ab omnibus infimum tamen ipse se reputabit & quem sibi omnes, ipse se nemini præfert. Immo inter honores, laudes & favores hominum, in amicitis sublimium quarumvis personarum, alterum sibi mutuatus videbitur hominem, sese autem qui est, reputabit velut absentem, velutq; quoddam somnium aut comicum spectaculum reputabit. Ubi autem revertetur ad suos, ubi seceri sui cubacula, ab hominum tumultu subibit, ibi se ipse invenisse gaudebit & veluti ad propriam rediisse personam. Non oberit etiam illud ex eodem S. Bernardo decerpere, & humilitatem solidam amantibus proponere, quod & aliis usitatum Sanctis novimus. Opera si ve miraculose si ve insigniter & laudabiliter facta, joco potius eludenda esse, & miratores laudatores laudatoresq; eorum expediendos, quam humilitate deprimenda. Quod factum à Sancto cum ejus vitæ autor retulisset, hæc deinde subdit. Noverat siquidem verus & verax non ostentator, sed æmulator humilitatis efficacius dissuaderi posse hominibus quod stupebant, obliqua quadam & artificiosa objectione, quam aperta excusatione, qua humilitate magis prædicabilem præferendo, exultationem non minueret hominum, sed augeret. Hoc est ingenium solidæ humilitatis hæc ratio admirationem declinandi: hanc imitetur & teneat solidus amator: & à Deo simpliciter ac veraciter petat, ut eum faciat Sanctum sed non mirabilem suum servum.

5. Virtus est Patientia. Ex adversis compositi aut oppositi potius sumus; in eo mundo vivimus, in quo omnia ex contrariis, ex pugnantis, ex victis ac vincentibus, ex agentibus ac patientibus constant. Quomodo igitur aut evadere possumus quod patiamur, aut sperare ne patiamur? Tam est necesse hominem pati, quam & hominem & in hoc mundo esse. Extra mundum eat, qui non pati desiderat. Nam dum hic est, in universitate & mundo patientia est, ac proinde & ipsi cum tota imo & à tota universitate mundi patiendum est. O quanta ergo homini, & quam solida talisq; patientiæ virtuosæ roga opus est, cui tantum patiendi mare perpetuò natandum est? cui quodcunq; sese tandem verterit, inter incudē & malleum passionis hærendum est. Et tamen nondum hoc homini ad solidam patientiam sufficit, ut patiat ab omnibus, requiritur, ut etiam patiat à se ipso, ut ipse sibi incus, ipse malleus



leus, ipse agens, ipse passum sit, & hoc quidem per totam vitam.

Volo dicere: Tam necesse est hic hominē pati, quā vivere, sed pati potest homo aut exgrē & nolens & hæc impatiētia, sive impatiēs impatiētia est, aut modeste & volens, & hæc demum virtus patientia est. Impatiens illa patientia; duplicata vel potiūs multipliciter aucta molestia est. Patiens & modesta patientia, simplex & ea quidem multū diminuta molestia, ac quandoq; nec molestia sed læticia est. Pati homo potest & debet, tam à se quā ab altero. A se patitur carnis & spiritūs rebellionem, carnis per spiritum mortificationem inferioris partis per Superiorem, superioris etiam per fidem & humilitatem, carnis infirmitatem, &c. Ab alio patitur triplex patientiæ genus sive molestia, videlicet vel verborum injurias, vel damna rerum, vel corporis læsionem, & hæc quidem ab homine à cæteris rebus consimilia: à Dæmone insuper tentationem: à Deo & Angelo, nostræ voluntati contrariam Dei voluntatem. In his omnibus verus patiens servare debet patientiam, silentium modestiam, humilitatem, indifferentiam, resignationem, caritatem, constanriam, læticiam: desiderium, perseverantiam, innocentiam, aut certē confessionem seu veritatem. Quot ex his conditionibus caret patientia, totidem abest gradibus à soliditate suā. Post quæ omnia adhuc noverit patientiæ suæ aliquid defuturum, illud nempe ut semper aliquid, si non ab aliis, saltem à semetipso patiatur. Sicut animal semper indiget aere quē spiret, ita homo semper indiget, quod patiatur, si non patiatur, corrumpitur: sicut caro sine sale putrescit. Semper ergo patere o Religiose si non vis putrescere, nec deerit tibi vel materia, vel modus patiendi modo non desit voluntas & diligentia inquirendi, aut potius temet affligendi. Quod si quispiam ita delicatus sit, ut non pati cupiat, & quomodo necessitatem materiamq; patiendi evadat nosse appetat, huic ne planē spem præscindam, unicum superesse nihil patiendi modū suggero, qui est, cum Dei voluntate conformem per omnia esse. Conformitas hæc faciet, ut non tantū nihil patiatur, sed ut nec possit etiam pati quidquam. Quod ita paucis expono. Patientia est adversorum, hæc

enim patimur quæ sunt adversum nos. Illa porro adversantur nobis, quæ voluntati sunt adversa nostræ qualicunq;. Quidquid ergo accidit adversum voluntati nostræ, seu quod nollit voluntas nostræ, illud dicimur pati. Nam si quid accidit nobis quod accidere volumus, hoc sanē pati nec possumus, nec dici debemus. Ex quo patet, omnem patiendi originem atq; necessitatem in nobis esse à voluntate nostrā. Iam si quis voluntatem suam ableget à se, ita ut nihil velit, nihil nō velit, sed esse totum Dei voluntati permittat & hoc solum quod illa vult, velit, quod illa non vult nolit, consequens est, ut nihil unquam pati possit; quippe illi nihil accidit unquam quod accidere nolit, & nihil non accidet, quod accidere velit. Cui autem nihil accidit quod non vult, & nihil non accidet quod vult, is quod patiatur, non habet, quia omnia quæ vult, habet, & omnia quæ non vult, non habet, omnia quæ habet, vult, & omnia quæ non habet, non vult. Talis autem est omnis, qui voluntatem suam cum Dei voluntate conformavit, hæc enim voluntate conformata, nihil vult, nisi quod vult Deus, nihil non vult, nisi quod non vult Deus, & nihil sibi vult, nihilq; non vult, nisi quod etiam illi vult aut non vult Deus, itaq; quidquid homini accidit, hoc accidere sibi tam vult homo, quā vult Deus, & quidquid homini non accidit, hoc non accidere sibi, tam vult homo quā vult Deus. Nihil igitur potest pati unquam adversi homo, quisquis ita voluntatem suam, unit divinæ, ut nihil unquam velit ac nolit, nisi quod vult ac non vult Deus.

Hæc qui legit, intelligat: & fructum perfectæ resignationis vel ex his cognoscens, ad impatibilitatem impatentiamq; istam, omni patientia perfectiorem aspiret, beatitudinem quæ cœlestem, in hac adhuc vita possidere adlaboret. Neq; nos hæc deterreant: quia nec incognita ss. Patribus perfectionisq; magistris, suademus, nec impossibilia sunt, quæ proponimus, sed ut alias etiam diximus, sapientiam loquimur inter perfectos, & quia de solida virtute tractamus, solida etiam loquimur, spiritualibus spiritualia comparantes, & adhuc perfectiorem viam cum Apostolo demonstrantes. ut emulemur charismata meliora.



## CONSIDERATIO XVIII.

### De resignationis, fervoris, efficacitatis, perseverantiæ soliditate.



Uatuor, quæ in hac Consideratione veniunt consideranda, non solum virtutes sunt, sed etiam aliarum reliquarum virtutum solidationes. Quare et si fortè in earum descriptione erimus adstrictiores, in earum tamen praxi, viri spirituales atque perfecti, debent esse quam prolixissimi.

Et de Resignatione quidem neque uno loco, neque leviter, neque pauca prædicta sunt, ut vix aliquid addere necesse sit in præsentibus, maxime cum hac de re alibi, non semel etiam tractatum sit. Nonnulla tamen hic expendisse, operæ pretium erit.

Resignatio & conformitas cum Dei voluntate & indifferentia idem sunt, & idem diversis nominibus significant. Hæc virtus tam necessaria est, quam nulla super illam. Quippe etiam caritas non est aliud quam conformitas hæc. Amare enim Deum, est Deo bene velle. Bene velle Deo, est hoc velle Deo, quod Deus vult, qui quidquid vult, sibi & propter seipsum vult. Velle quod vult Deus, est habere voluntatem cum Divina conformem. Conformitas igitur caritas est. Hæc Virtus est in omni virtute, immo in omni actione necessaria, ut bona sit. Hæc virtus etiam in laude & caritate & servitio Dei necessaria est, ut nec plus nec aliter, nec aliis viis occasionibusque velimus Deum laudare, amare, colere, quam quibus vult Deus. Hæc virtus etiam ad seipsam necessaria est, ideo enim debemus conformare nos voluntati Dei, quia vult Deus, nec servire debemus Deo voluntati Dei, nisi ad voluntatem Dei.

Hæc conformitas cum voluntate Dei, tam arcta & firma esse debet, ut faciat hominem non posse aliud velle vel nolle, quam quod vult vel non vult Deus, & quidem ideo, quia vult & non vult Deus. Hæc conformitas ita absorbet voluntatem nostram in divinam, ut quodammodo transeat in ipsam non substantialiter quidem quia hoc est impossibile, sed tamen unitivè. Quomodo aerem istum

ita penetrat lux solis, ut aer lux esse videatur, quomodo ignis penetrat ferrum, ut ferrum ignis esse videatur: quomodo ingens vas vini absorbet guttam aquæ, ut aqua in vinum transisse videatur, sic etiam voluntas hominis conformitate & conformandi assiduitate, sic transit in divinam, ut pene ipsa divina esse videatur, (quod fit, ut in ea spes & fiducia illa de qua supra egimus fundetur.) Uade etiam sic eandem nostram voluntatem exaltat, ut sicut illa in divinam, sic vicissim divina in illam commutetur, adeo ut Dei voluntas in potestatem & regimen, arbitriumque se tradat voluntati humanæ, sibi conformate, serviatque illi, ut jam non seipsam, sed voluntatem timentium se facere dicatur, Nempe per hanc conformitatem, usque adeo purificatur & dignificatur voluntas humana (& quidni dignificetur, cum sit conformata divinæ, quæ nihil est dignius) ut non dedecet Deum hoc velle, quod voluntas humana vult. Et sanè non potest dedecere, siquidem voluntas humana, nec scit, nec vult, nec potest aliud velle, quam quod voluntas divina vult. Ita ergo miro modo & voluntas divina humanam facit suam, & humana divinam. Quæ quidem res tanta est, ut ad hanc solam (quod alias dixi) omnis vitæ spiritualis labor collimet: tanta est, ut nisi quis ad eam sive in hac sive in altera vita pervenerit ad Deum facie ad faciem non sit admittendus videndū, neque quidquam in nobis seu dum vivimus, seu dum morimur, seu dum in purgatorii penis detinemur, Deus expurgat, quam irrefragationem, seu non plenam cum sua Sanctissima voluntate conformitatem, aut huius conformitatis impedimentum, a quibus dum expurgamur, rectè in cælum convolamus, quoniam mundo corde esse invenimur, mundum autem cor Deum videt: quid autem illo corde mundius, quod est cum ipsius Dei corde unum, & cui cordi divinum cor non dedecet conformari & uniri?

Denique tanta res hæc est, ut cœlestis gloria Beatitudoque aliud non sit, quam hæc voluntatum nostrarum in Deum absorptio & transfusio.



fusio æterna: quæ hic ex parte inchoatur & degustatur, ibi autem consummatur, & æternitate ipsa terminatur.

Et quis nolit hanc Beatitudinis participationem in hac vita præcipere? nullus certe qui sapit. Sed quis sapiens & intelliget hæc? Gens absq; consilio est, nec in sæculo tantum sed etiam in Religionibus ipsis, etiam inter eos, qui perfecti esse, sibi & aliis videntur, Abscondita hæc sunt ab oculis eorum, & nec capere, nec experiri dignantur, peregrinum nescio quid metuunt in hoc genere scientiæ atq; exercitij, quia perfecta sectari, & perfectionem possidere periculosum sit, & non magis hæere in propriæ voluntatis dumeris, servire propriis designationibus, humanis rationibus regi, abundare in suo sensu sit periculosum, quia tepidorum proprium.

Hujus inconformitatis jugum nemo potest excutere, sed siue velit, siue nolit, debet divinæ voluntati subesse. Dei enim voluntas, absoluta Domina & Regina omnium est, in ejus ditione cuncta sunt posita, & nemo ejus potest resistere potestati ac ordinationi. Quidquid illa vult, fit: quidquid non vult, non fit: adeo ut nullum sit verius signum, quod aliquid voluerit fieri Deus, quam hoc, quia factum est: invito enim, infcio, nolente Deo, factum non est. Quare etiam ij qui resistunt voluntati Dei, non resistunt revera, sed potius obsequuntur, resistunt tamen in sua improba voluntate ob quam etiam puniuntur. Item etiam ij, qui impediunt Dei voluntatē ne fiat, non impediunt, nisi volentem impediri, & non fieri: immo non impediunt sed promovere, atq; adeo perficiunt illa enim ipsa, quæ voluit fieri, voluit etiam, ne fieret, in eo ipso ab his impediri, quod & factum est sed ad faciendum hoc est impediendum pœnam, quia impediverunt, non ut per hoc servirent Dei voluntati, sed potius ut obfisteret ejus potestati. Miro itaq; modo (ait Bern: ep: 11. in medio) æterna lex fugitivum suum, & posuit sibi contrarium, & retinuit subiectum, dum videlicet, nec justitiæ pro meritis legem evasit, nec tamen eum Deo in sua luce, in sua requie, in sua gloria remansit: subiectus potestati, submotus felicitati. Suspicabantur fratres Iosephi, quod ipsis esset futurus Ioseph Dominus: id à Deo per somnia, præsignari audiebant, metuebant, imdire laborabant, sed quomodo? ipso impediendi conatu promoverunt consilium Dei, nam ex suo vendiderunt fratrem, ne domina-

retur, ex divino autem vendiderunt ut dominaretur. Ita ergo malicia fratrum servivit Dei voluntati per hoc ipsum, per quod conabatur contraire Dei voluntati, propter quod & illi se non subduxit, & ut mala punitaque fuit. Atq; non aliter in omni pectore: qui dum non vult facere unam Dei voluntatem, sibi ad salutem, facit peccando alteram ad damnationem. Insaniunt ergo quicumque jugum divinæ voluntatis excutere conantur, nam per ipsum excutiendi conatum, illi eadem subjugantur, sed subjugantur inviti, proptereaq; perversi ad pœnam, qui nolunt volentes, proptereaq; recti, subjugari ad vitam. Vita namq; in voluntate ejus sicut mors in contemptu voluntatis ejus. Ex quibus omnibus concludat perfectus, conformationem cum Dei voluntate, talem esse virtutem ut nulla sit ei similis. Nemo potest illa carere: tam bonus quam malus habet illā necessario, quia necessario subditur quisque eorum Dei voluntatis arbitrio, sed qui eam habet volens, hic bonus est, & ei virtus est: qui eam habet nolens, hic malus est, & ei peccatum est. Eliget ergo qui sapit, conformari Dei voluntati per omnia & semper volendo, ne cogatur conformari nolendo. Voluntaria enim conformitas, erit omnis & consummata sanctitas. Voluntaria verò difformitas, & coacta conformitas, erit omnis & consummata impietas. Et hinc etiam advertant illi, qui hujus conformitatis studium suspectum habent, quod illud non suspectum habere, sed suspicere debeant, non contemnere sed commendare, non negligere, sed affectare & exercere teneantur, ne & ipsi, dum ei conformationi studere sponte ad salutem negligunt per hanc ipsam negligentiam in eo studio, ignari & coacti exerceantur, non dico ad damnationem dico tamen ad tardam salutem & perfectionem.

Fervor spiritus, est jugis proficiendi in virtute conatus, cui semper modicum videtur id, quod habet, id, quod facit, & ideo sæpe aliud quam est habet, facit, appetit, ad ulterioraq; se se extendit, quod nūc faciat, continuo deficere, id est fervor non esse incipit. Sicut enim ignis nunquam contentus est hoc comburere quod comburit, sed perpetuo vicinam in materiam transit, & eam in se se rapit: quam primum non habet quod transeat aut in quod agat, & quod in se transmutet, statim etiam deficere incipit: sic & fervor spiritus nostri, aut semper proficit a-



ut certe quam primum non proficere statim deficere incipit, adeo, ut ipsum non proficere, sit illi deficere. Sic naviganti contra imperum fluvij, hoc ipsum est descendere cum fluvio, quod est non ascendere contra flumē ubi enim definit contra flumen pergere conari, ibi statim rapitur deorsum cum flumine, etiam si ille nihil ad descensum suum collaborat. Sed satis hoc ipso collaborat ire deorsum quia non conatur ire sursum. Sic ergo etiam satis hic facit ad deficientium in spiritu, qui ne deficiat non impedit proficiendi constu. Per hoc enim ipsum, quod non proficit, aliquid utiq; in quo proficere potuit, perdit: quod si perdit aliquid, igitur deficit, in hoc saltem quod perdidit. Quis vero potest asserere, se modicum, quid perdidisse tunc, quando licet potuit, non profecit? quis mensus est gratiam illam, quam neglexit, Divina, voluntas providerat secuturam, si non neglexisset profecisset. Et quia res hac maximi est in vita spirituali momenti, opere pretium est, eam adhuc paulisper perpendere. Igitur si in via Dei, non progredi est regredi, (ut & vidimus, & vulgo Sanctorum sensus est) igitur non progredi uno die in via Dei, est regredi uno die, & non progredi duobus diebus est regredi duobus diebus, & non progredi uno anno, est regredi uno anno, & non progredi multis annis, est retrogredi multis annis. Et quid mirum nobis esse solet, multos ad seculum regredi, qui bene in Tyrocinio versati fuerant? Biennio Tyrocinij progressi sunt, postea per biennium sunt non progressi, & forte per aliud & aliud, igitur per illa omnia biennia sunt retrogressi, igitur usque ad portam, qui ingressi fuerant, sunt regressi, tandemq; & egressi: quare? quia non progredi, est regredi. Atq; etiam hinc est illud quod videmus crebro, antiquos Religiosos esse deteriores Tyronibus, etiam seipsum dum Tyrones erant. Homo dum carnaliter nascitur, nascitur minutus, sensim tamē crescit in virum. Homo spiritualis contra, nascitur magnus dum nascitur, postea sensim decrescit, ita ut ex magno fiat minutulus, & 100. annorum licet, puer tamen moriatur. Cur ita? quia non est progressus, ideo regressus, ex magno factus est parvus. Quia ergo raro fit, ut veterani Religiosi progrediantur, necesse est regrediantur, & peiores Tyronibus, peiores suo ipsorum tyrocinio inveniuntur. Ex quo fit, ut optandum sit Religiosis tanto cum spiritu saltem mori, cum quanto Religioni sunt nati. Fit etiam ut oporteat

Religiosum & solidum in virtute hominem semper progredi, semper ad ulteriora conari. Quam ob causam verē solidus Religiosus, semper vult fervere, semper vult in fervore crescere, nescit minutos profectus vocare, nescit nosse, quia omnes maximi tenetur estimare, & ideo nullus ei parvus, nullus negligendus occurrit: alioqui nec solidus ille Religiosus, neq; spiritus ejus fervens erit. Superbi spiritus est non ferventis, magna lucra expectando modica negligere, ferventis est, modica lucrando, ad majora se idoneū & capacem facere: qui enim in modico fidelis est, super multa meretur constitui. Matth. 25. 21. &c. Fervens spiritus modica lucra fervore adaequat maximis, & ideo non expectat maxima: tepidus vero spiritus, magna scilicet lucra expectat, ne cogatur multum laborare, seu fervere, unde etiam tepiditate sua, quae poterant esse per fervorem maxima facit vix minimis comparanda. Sicut enim unus actus fervens, pro multis remissis scit, ita contra multi actus tepidi, unum ferventē non adaequant. Sed neq; tepiditatis mala, neq; ferventis spiritus bona enumerandi, finis esset. Sit finis hic. Fervoris spiritus soliditas non est alia quam semper fervere. Sicut fluvij haec est natura, fluere semper & currere, ignis, haec est natura semper agere, motus natura, semper moveri aut movere, Fervor enim spiritus, fluvius est. haec imitetur, ut sit id quod est.

Efficacia suo ipsius nomine declarat, quid sit, ab efficiendo dicta est, facere enim facit, in quo est. Haec est virtutis vita, quia virtuti, in actione omnis est vita. Nec quisquam virtutem quarit aut habet ob aliud, nisi ut agat, cum virtus non agens, non sit virtus, sed optimum in virtute sit operatio sive opus perinde ut in nuce optimum est nucleus. Actio ergo, operatio, efficacia, virtutis est nucleus, vita, finis, optimum. Proinde si deficiat efficacia deest in virtute, quod est optimum cortex est, nucleus non est. Religiosis praesertim perfectioribus nihil est aequē vitandū ac inefficacia quā rarus non laborat. Quis est enim perfectiorum, qui omnia quae scit, facit, qui omnia, ea perfectione, quae scit aut potest, facit? qui eo conatu, quo scit vel potest, omnia facit? qui tam perfecte omnia facit quae facit, quam facienda scit? qui intellectum affectu, affectum effectu assequatur? qui pro mensura gratiae ipsi communicatae devotioni querenda & meritis parandis, & virtutibus perficiendis insistat? qui uno verbo



bo, nihil negligat, sed pro mensura gratiæ, pro mensura habitus operetur. Et tamen habitibus perfectiores actus ut sint, si mereri debent, nonnulli requirunt: quod si falsum est, autoribus relinquimus, zelum tamen commendamus: & ut hoc non requiratur quod dicunt, possibile tamen est, perfectiores ac intensiores habitibus actus esse: & quotus est ex perfectis, qui curat esse? Ergo rarus est etiam perfectorum qui inefficaciæ morbo non laboret: qui morbus partim est innatus defectuositati humanæ, partim negligentia ac torpori familiaris. Vir servens ac solidus, semper ea, quæ facienda sunt cogitat: cogitata autem efficere curat, & a Deo frequenter juxta ac instanter postulare non cessat, ut sciat, velit, possit, faciat voluntatem Dei. Religiosi enim rari sunt præsertim in societate, qui peccent infortia vel impotentia laicorum: at frequentissimi qui defectu voluntatis efficacis peccent. Rari sunt item, qui ab hoc genere peccati se extricare sciant, rari quid curent, de die in diem differunt, & per hoc nesciunt quod quotidie sibi difficiliorem efficaciam reddunt, differendo namque inlucescunt se negligentia, cujus consuetudo tantò difficilius expugnatur, quanto longiori dilatione roboratur. Finem faciam de hac efficacia, si dixerò efficaciam ipsam necessariam esse efficaciam, hoc est: actiones nostræ non tantum actiones sint qualescunque sed sint activæ, sint vivæ, sint efficaces, & intentionem vehementiamque habentes, quæ fervor spiritus facit, quia fervor ignis est, ignis autem est omnium elementorum activissimus, ita & fervor omnium virtutum activissimus. Sicut flos ignis maxime agit, ita fervor, qui est flos caritatis, maxime & strenuissime operatur. Fervor ergo efficaciam, efficacia fervorem nutriat & solidet.

Perseverantia, virtutum summa, Portus, corona, finis, præmium. Utinam esset etiam carum meritum, sed non cadit in meritum, adeo pretiosum est istud Deo donum. Et quod est perseverantiæ obtinendæ mediū, quando ad eam neque omnes virtutes sufficiunt? Gratia est Dei, medium perseverandi:

huic blanditur qui perseverare in omni bono meditantur, illam exaltant, qui istam ambiunt, in manu gratiæ perseverantia est: gratiam apprehende ut te coronet. Facilius habemus, quid nobis auferat perseverantiam, quam quid conferat. Nam superbia (illa præsertim quæ ex conscientia boni nascitur, quam David timuit Ps: 55 3 Ab altitudine dici timebo:) & securitas & tepiditas ad non perseverandum, viam sternunt. Quam firmus steterit Angelus in cælo, David in solario, Petrus in Pontificis atrio! illum tamen superbia, hunc securitas, istum deiecit tepiditas, quia sequebatur à longe & fugebat. Elationem, securitatem, & illi sororem, tepiditatem fuge, qui non perseverare times. Quod si hæc faciunt non perseverare ergo opposita his faciant nostra ex parte aliquomodo nos perseverare. Humilitas cordis, timor Dei, fervor caritatis operantis & nunquam cessantis, faciunt perseverare. Quis enim corrumpit, si jam in humilitatis fundo jacet? Quis securus aut otiosus est, qui Deum timet, & timendo nihil negligit, atque haud dubie quod & nunquam? Quis non perseverabit in bono, qui ex fervore caritatis operatur bonum, & nunquam cessat instanter operari? Utique diligentem se Deus non abiiciet, aliqui quem retinebit & qui otiosos vocat ad laborem ut habest unde illis solvat, mercedem: quomodo, qui sustinent pondus diei & æstus, sine mercede divinæ expediri denique qui humilibus dat gratiam, quomodo ab ijs auferet perseverantiam? Humiles spiritu salvabit Deus, & beatus est qui semper est pavidus. Beati quoque servi illi, quos, cum venerit Dominus, invenerit vigilantes: Beate illæ Virgines, quæ cum venit sponsus, invenit paratas cum lampadibus ornatas, & copioso oleo instructis atque succensis. Has enim secum deducet ad nuptias. His ergo omnibus insistat, qui perseverare cupit: super omnia autem, gratiæ Dei aduletur, adhæreat, innitatur, fidat, cooperetur, adhæreat, ut teneatur: aduletur, ut placeat: innitatur, ut teneatur: fidat, ut juvetur: cooperetur, ut operetur, & in operando conservetur. gratias agat, ut in eo gratia multiplicetur & confirmetur.





## D I E S VII.

De his quæ in nobis emolliunt virtutis soliditatem, horum est. 1. Cura carnis & ad externa effusio mentis. 2. Contemptus minimorum. 3. Tentationes, & neglectus utendi virtute.



## CONSIDERATIO XIX.

Quòd solida virtus enervetur curâ carnis, & effusione ad externa.



Non est satis ad solidam de solida virtute cognitionem habendam, nosse quid sit, quæ sint eius species, quibus pareatur instrumentis ac mediis; nisi etiam advertatur quibus eandem emolli, enervari, ac etiam deperdi contingat. De hoc ergo in sequentibus considerabimus.

Loquendo itaq. universaliter, his omnibus enervatur soliditas virtutis, quibus confirmatur obstinatio vitii, cum enim contrariorum contraria sint ingenia, contraria remedia, contraria disciplina, virtusq. vitio sit contraria, opus est, ut quod vitio conducit confirmando, hoc faciat ad virtutem evertere, & quod conducit ad virtutem solidandam, per hoc, vitium infirmetur. Et quia vitia confirmantur variis modis, ideo etiam virtutes variis rationibus enervantur.

Enervatur virtus primò curâ carnis, curâ commodorum sensualium, molli delicataq. vestitione, molli lecto, longo somno, largo & delicato, selectoq. cibo & potu, declinatione æstus, frigoris, venti, pluviarum, fuga laboris & fatigationis, oblectatione sensuum externorum, visus, tactus, odoratus auditus, gustus, colloquiis, lepidis, festivis, ludicris: risu & cachinnis, conversatione faceta, recreationibus, otio. Et ratio est: quia cum hæc omnia carnem nutrant foveantq. consequenter vitiis suffragentur, ideo impossibile est, ut spiritum, ut virtutem, ut perfe-

ctionem ista non enervent, non pervertant, non pessundent. Horum ergo omnium hostis erit, qui solidæ virtutis cupidus erit. Neque solum istorum hostis & fugitans atque parcus, & nisi strictam ad necessitatem in eis sibi indulgens, sed etiam omnia his contraria, discretionis moderamine regulata, carni suæ sensuiq. inferet, & inferet, non interdum, sed assiduò sed jugiter, ita ut quòd fieri poterit, nullo momento temporis permittat carnem & sensus suos, vacare à sensu alicujus molestiæ vel doloris. Dolor enim sensus, est consolatio rationis: infirmitas carnis, est sanitas animæ: mors sensualitatis, est vita spiritus. Qui Sanctorum vel doctrinas vel vitas legerit, hanc in eis doctrinam nec aliam videbit: audiet illos clamantes *Spiritus est qui vivificat, caro non prodest quidquam mortificate membra vestra quæ sunt super terrâ, propter te mortificamur totâ die, estimati sumus sicut oves occisionis.* Virum spiritualem operet mori in diem 24. vicibus, & alia infinita magis factis quàm verbis à Sanctis expressa. Amator ergo virtutis, hostis erit commodorum carnis, & neq. sub pretextu necessitatis permittat carni gustum voluptatis. Hunc enim inter alia, scopulum nosse & vitare debet perfectus, quòd sæpè mortificata caro, deficere se mentiat, & compassionem hominis super se moveat, ut non affligatur, in quo solidus qui est, erit & discretus, atque ita vigilanter attendet, an caro sua veram exigat necessitatem, veramq. patiat infirmitatem, an verò sub pallio infirmitatis ambiat voluptatem, aut non necessariam quietem



atem. Sciant autem perfecti se potissimum hoc genere compassionis super carnem suam solere tentari, quia cum ordinariæ ætate pro-  
vecti & laboribus fracti sint, facillimè in eis caro sua sicut veram infirmitatem ac necessi-  
tatem habere, ita sub hujus prætextu ac oc-  
casionè non necessariam indulgentiam po-  
test & solet prætere. Quibus viris, ut  
ab hoc scopulo, & quâ ratione sibi caveant, non dicimus, quia cum eos perfectos & pur-  
gatum habentes mentis sensum præsuma-  
mus, doctrina nostra longiore, aut cohorta-  
tione minùs indigere credimus.

Enervatur spiritus effusione ad externa, non jam dico commoda, sed negotia, furan-  
tur enim hæc sibi hominem & ab illo ipso abducunt, atq; prout ipsa inter se, unum  
ex alio surgunt, invicemq; necuntur & tra-  
hantur; sic animum hominis ita distinent; ut ab uno ad aliud impellant, spe illum finis  
& exitus in uno negotio jam apparentis la-  
etant, & interim ex insidiis nova plura  
erumpentia eum invadunt, atq; post se abdu-  
cunt, & apud se illaqueatum tenent. Quod  
si contingit etiam illis, qui ad negotia parci,  
circumspecti, nec toti accedunt, quid puta-  
mus evenire ijs, qui se totos in eadem effun-  
dunt iisdemq; demergunt, ac insuper demer-  
gi oblectantur, & demersionem illam suam  
infelicem, etiam zeli animarum specie hone-  
stare, sibiq; & alijs venditare non erubescunt.

Nolo perfectum virum, sibi soli vivere (nisi hoc ejus sit instituti) nolo ab aliorum  
commodis spiritualibus curandis abstinere; sed tamen nolo etiam sic ab eodem ista cura-  
ri, ut eum contingat animæ suæ detrimentum  
pati & cum alijs prædicaverit, ipsum velut es-  
sonans & tympanum tinniens & reprobum à Deo  
fieri, concham se exhibeat non canalem, & de  
eo alijs fundat, quod ipsi de plenitudine sua  
superfluit. Non enim ita zelus domus Divi-  
næ comedat, ut etiam perdat: an non enim  
& ipse pars est domus ejus? Sic ergo zelei Dei  
domum ut zelei omnino totam. si zelaverit to-  
tam, non negliget, neq; perdet, sed curabit  
& servabit etiam animam suam. Primò er-  
go ad zelum accessurus homo, ad animas ta-  
tum zelandis accedat, non autem negotia et-  
iam secularia; quia nemo militans Deo, impli-  
cat se negotiis secularibus. Non placent mi-  
hi illi zelatores animarum qui eo ipso quòd  
dirigant animas, jam & pascere corpora, &  
ornare membra, & regere familias, & liti-  
bus assistere & patronos agere, & factores ef-

se, de bonis temporalibus disponere, & libe-  
ris prospicere non erubescunt. Quid enim  
zelo, & curis istis? quid negotiis animæ cum  
difficultatibus istis? Posuerunt te custodem in  
vineis nescio qui respectus, vineam verò tuam non  
custodisti. Nam tales, raro perfectos faciunt  
penitentes suos, sed solum ipsi eorum servi  
sunt, quia ab eis oblectamenta carnis suæ  
interdum accipiunt. Deinde ad zelum  
accessurus, nolo ut accedas, nisi vocatus à  
Deo tanquam Aaron aut Samuel. Nam quomo-  
do predicabunt nisi mittantur. Sunt enim non-  
raro, sunt qui zelum Dei habeant, qui zelant  
quodammodo pro Deo sed non ex Deo. zelant  
prius quam ad zelum exponatur, zelant quando  
alijs, quæ cum zelo non stant ab obedientia  
distinentur: & primo quidem parce in zelum  
intran, nec se occupationi suæ impositæ si-  
bi subducit: deinde largius zelant & occupa-  
tioni suæ à se satisfieri cum zelo commode  
ostendant, tandem toti in zelum præposterum  
rapiuntur, occupationem vel magis obedien-  
tiam negligunt, aut perfunctorie cum da-  
mno suo, cum damno multorum, cum frau-  
de & dolore Religionis obeunt, nec moniti  
aut instructi cessant, sed monitionem aut ab  
invidia, aut ab zeli inopia proficisci murmu-  
rant: zelum suum, laboresq; suos, quos nec  
Deus, nec obedientia ab eorum manibus re-  
quirit propriæ suæ voluntatis idolo immo-  
lant, & inter alios fructus, fractas vires cor-  
poris, inutilem ad labores Religionis valeru-  
dinem, commoditatem carnis indigentiam  
& exigentiam, fastidium zeli etiam ordinati  
ac imperati reportant.

Præterea ad zelum accessurus, vel zelo jam  
traditus, non plus, non plures zela, quam  
occupatio tua & vita disciplinaq; patitur Re-  
ligiosa. Zelum qui disciplinam te frangere,  
aut extra illam te esse jubet, non laudo, non  
suadeo. Contingere potest necessitas, quæ le-  
gem non recipit: fateor, sed ut necessitas in-  
consuetudinem vergat, hoc permittendum  
non puto, non laudo zelum toto die à mane  
ad noctem zelantem, garrientem, concursan-  
tem, negotia tractantem, domos obeuntem,  
non cum alijs surgentem, non cum alijs o-  
rantem, non cum alijs ordine suo sacrum  
dicentem, non cum alijs ad somnum se se  
conferentem, non congruis horis, Canoni-  
cas horas dicentem, concionesue parantem,  
nunquam legentem pia & profutura propriæ  
animæ, nunquam legentem docta & profutu-  
ra scientiæ, nunquam legentem dogmatica,  
& pro-



& profutura aliorum redargutioni aut doctrinæ. Non laudo zelum qui ita obrutus est, ut vix apud se sit, ut non sciat, quid primum, quid deinde agat aut egerit: non laudo zelum, qui negotia alia ex aliis rapit, & omnia imperfecta, omnia iachoata, nunquam finienda relinquit. Uno verbo non laudo zelum, qui totus alienus est, nunquam suus, totus foris, nunquam domi, totus dispersus, nunquam collectus, totus laborans, quiescens nunquam. Talis enim zelus, tandem desinet esse zelus, infinitus enim non fuit nec est effluet ergo aliquando totus, & nihil ejus erit, quod effluat, quando hoc erit? tunc quando zelus ille vertetur in sensum & carnem, tunc quando zelus impinget semel iterumque in suam & Religionis famam, tunc quando zelus ille, iudicio superiorum, securus & absque salutis detrimento zelare non poterit, sed abstinere, sed latere, sed sese colligere jubendus erit, quod necessario à superioribus faciendum erit, quia aliqui de perfectione, de spiritu, de virtute, de fama, de vocatione & perseverantia zeli actum erit. Cujus rei tota ratio & causa hæc erit, quia talis zelus, sic scilicet effusus & profusus raro se aut nunquam inspiciet, inspiciendive

tempus, otium, modum, vires habebit: raro igitur in sui notitiam veniet, raro suum statum, suas necessitates animæ & spiritus excutiet: tandem ergo eas nesciet, nescitas negliget, neglectæ illæ crescent, virtutes cessante usu evanescent, vitia non advertenter succrescent, invalescent, radicabuntur: negligetur virtus, spiritus, & anima, regnabit vitium, sensus, & caro. Quid sequitur? illud: cum spiritu caperint, carne consummabuntur. Hæc qui legit atque considerat, non zelum, sed zelantem reprehendi sciat, reprehenditur ut corrigatur: scopulus ei ostenditur, ut cautè naviget: tentationis laqueus dissolvitur, ut securus incadat.

Zelatoe ergo nec injussus zelabit, nec plus quam jubetur, zelabit, nec aliud quam animas zelabit, & cum animabus aliorum, suam etiam animam, suæ etiam domus disciplinam zelabit. Zelum denique ipsum suum ut sit secundum scientiam, ut patiatur mensuram, ut servet ordinem, ut capiet aliquando quietem, ut instauret sui diminutionem, ut confirmet suam fatigationem, ut solidet suam vivacitatem, ut circumspiciat suam zelando rationem, & utilitatem, ut habere possit perseverantiam.



## CONSIDERATIO XX.

Quòd solida virtus eneruetur minimorum contemptu, & sui reputatione five amore.



Nervatur adhuc solida virtus minimorum contemptu. Minimorum contemptus includit.

1. Observationis Regularum, quæ parvæ & ad substantiam perfectionis non videntur pertinere, neque culpam gravem involvere, neglectum.

2. Includit neglectum consuetudinum receptarum, esto non præceptorum in Religione ut sunt consuetudines in sumendo cibo, in petendo lecto, in serviendo sacro &c. quæ recepta sunt ut laudabilia, & ea olim in Tigocinio nobis proposita sunt, ut servanda, ta-

men de eis observandis nulla exstant imperia, & super ea non admodum excubat majorum vigilantia.

2. Includit neglectum consuetudinum bonarum, piarum privatarum, & unicuique olim aut placitarum & delectarum, aut etiam servatarum in multis & quotidianis actionibus suis. Quas consuetudines in actionibus servari nemo jubet, nemo prohibet, si tamen servantur, non absque lucro spiritus, non absque profectu virtutis fiunt: si non servantur & spiritus & virtutis lucra non habentur, & à bene operando defuescitur. Tales sunt v. g. observationes illæ, quas quis surgens è lecto, quas orationem inchoans, quas examen ingrediens, quas studia ingre-

diens  
quas  
gressu  
bat vel  
reclue  
tur, sed  
& quot  
ci alite  
eorent  
neglige  
4 l  
& peti  
bus qu  
unt, ut  
vel imp  
vel po  
non ex  
perfect  
5. l  
inspira  
as & c  
riorum  
pus est  
6. l  
pari n  
on ta  
parva  
rum  
esse co  
næ li  
positis  
tas in  
7.  
cafiot  
milia  
exhibe  
bedien  
riofita  
amor  
surand  
non  
cafiot  
inde  
ones  
An u  
serva  
non  
8.  
rum  
grav  
& ma  
rebus  
mus,  
meliu  
tis no



diens, quas sacrum, horasve dicturus, quas confessiones audieturus, quas domo egressurus &c facere. vel solebat, cum fervebat vel facere posset, si fervere vellet. Hæ recula modicæ videntur, si singillatim spectantur, sed si in cumulum omnes colligantur, & quotidie à devota mente observentur, dici aliter non potest, quàm quòd messem facerent magnam observanti, damnum ingens negligenti.

4. Includit neglectum circumstantiarum & perfectiuncularum minutarum, in operibus quotidianis: quando scilicet tantum fiunt, ut fiant, ut usui satisfiat, quia fieri mos vel imperium est, serviliter ob pœnæ metum, vel politicè, honestatis naturalis imperio, non ex spiritu & caritate & disciplinæ atque perfectionis amore.

5. Includit neglectum à Deo immisissarum inspirationum & instinctuum ad observantias & exercitationem virtutum, fugamve vitiorum quæ de re alibi actum est, hic nihil opus est repetere.

6. Includit neglectum minimarum culparum nec culparum solum sed etiam imperfecti omnium tantum, quas ideo committimus, quia parvas putamus, & nihili facimus, neque earum evitacionem, multum perfectioni obesse consideramus: ut est, ad pulsam campanæ litera imperfecta non obedire, non compositis manibus incedere, &c, res compositas in cubiculo non habere & mundas &c.

7. Includit contemptum minimarum occasionum proficiendi in virtute, se v. g. humiliandi, aliquid patiendi, alicui caritatem exhibendi, pro aliquo officium supplendi, obediendi, se affligendi atque confundendi, curiositatem sensuum, iudicium, voluntatem, amorem proprium vincendi, alios non censurandi, sine causa non loquendi vel aliquid non cognoscendi: quarum rerum assidue occasionem sunt in vita communi, sed non perinde sunt assidue observationes & aucupationes; vix enim quis ea sentit, quis observat. An utinam non sit, qui etiam ea & ipse observare contemnat, & alium observantem non rideat ridendumve propinet.

8. Includit contemptum minimarum rerum & personarum, non contemptum illi gravem, qui gravis culpa sit, sed leviozem, & magis neglectum vocandum, ut quando rebus, esto non pretiosis non tamen parvis, non eas servamus, non male jacentes melius componimus, & paupertati in minutis non prospicimus, in reliquis candelarum

panum, vestium &c. Item quando personarum delectum habemus, nec parem honorem humanitatemve aut obsequium præstamus, parem licet forte merentibus, sed quia ille notus hic ignotus, ille prodesse posse putatur, hic enim speratur, ille veteranus, hic novus, ille dignitate quadam externa præditus, hic contemptibilis formæ, staturæ, vestis, ille sacerdos, hic coadjutor &c. Hoc delectu non laborat perfectus: quia scit minimos curæ esse Deo, & fratres Christi vocari à Christo. & eis præstita sibi imputari à Christo: &c. Immo perfectus ad tales, qui specie abjecta sunt, festinat; illos, ad quos accurrunt omnes, omnibus relinquit, ad hos quos nemo curat, ipse accurrit, & cum simplicibus sermocinatio eius.

Horum minimorum cura, non est in vita spiritali minima; immò hæc cura non est nisi cum virtute solida connexa. Habet enim difficultatem maximam, nec nisi magnâ virtute superabilem. Difficultas hujus curæ hæc est, quia difficillimè ista curantur, quæ difficillimè sciuntur, & adhuc difficilior scita magni æstimantur, quia ob sui exiguitatem contemptibilia cum appareant magni æstimari non nisi ab illuminato corde possunt, curari autem, & non negligi, non nisi à fervente voluntate, & efficaci ac latè atque solida virtute prævalent.

Horum ergo minimorum cura, est virtus & perfectio maxima, ut non immerito Sanctus Chrysostomus pronuntiaverit, quòd in minimis sit perfectio; quia revera sine minimis non est perfectio. In hac cura quales sumus nos, quàm multa quotidie defectu hujus curæ lucra perdamus, in quantis quotidie defectibus inveniamur, acriter quisque nostrum dispiciat, & omni, quâ meliori ratione poterit, emendationem, hoc est minimorum curam proponat.

Enervatur præterea Virtutis soliditas superbiâ, & sui quadam reputatione aut amore, atque appetitione & complacentia. Quæ res plus quàm nota est, nec indiget longa nō dico tractatione, sed etiam consideratione. Perfectus enim longissimè abesse debet à superbiâ & sui amore. Neque tamen ullus status est, cui plus cui pertinaciùs, cui dolosiùs insidietur, perniciosioraque minetur amor sui & superbiâ, quàm est status perfectorum: adeò, ut nulla sit eis pugna magis gravis, nulla magis timenda, nulla magis scienda, & in usu habenda, atque cum superbiâ. Et perfectorum



etorum quidem esset proprium, ita perfectos esse, ut superbiæ vitium possint non timere, immo ita, ut nullum vitium minus, quam superbiæ deberent timere; tamen secus evenire certum est, & maximum periculum maximè perfectis, ab altitudine diei & à Damonio meridiano, hoc est à superbia creari notorium est. Quo in passu nihil post Dei gratiam homini suffragari potest melius quam suimet germana cognitio, & ex cognitione necessario consequens vera atq; iusta sui æstimatio, huiusq; æstimationis perpetua ob oculos suos propositio, & practica ubique ejusdem applicatio, & ad omnes superbiæ, complacentiæ, vanæq; gloriæ motus & assultus obiectatio. Quisquis in sui nihili abyssis bene versatus, bene vagatus, bene peritus est: quisquis novit suum esse, esse non esse, suum posse esse non posse, suum valere esse non valere, suum habere esse non habere, suum sufficere, esse deficere, suum mereri esse non mereri, suum bonum esse malum, suum verum esse falsum, suam feracitatem, esse sterilitatem, suum fractum esse peccatū, suam vitam esse mortem, suam beatitudinē esse materiam, suam lucem esse tenebras, suam sapientiam esse stultitiam, suam prudentiam esse errorem, suam sanctitatem esse malitiam, suum honorem esse contemptum suum meritum esse supplicium, suam laudē esse confusionem, suam possessionem esse, nihil de suo, omnia de alieno esse & habere, omnia alteri debere, totum alienum esse: suam existentiam esse non existere, & ad non existendum continuo tendere atq; rucere, & pondus in præceps ruinamq; suam esse: hæc, inquam, quisquis novit, & in veritate novit is superbire, is se amare & reputare, & appeti non novit. Similiter quisquis novit Deum, esse fontem sui esse, ex Deo se habere quod habet, posse quod potest, agere quod agit, mereri quod meretur, manere quod manet, cogitare quod cogitat, moveri quod movetur, velle quod vult, durare quod durat; quisquis novit non solum gratiam & supernaturalia bona gratiæ, esse sibi à Deo, sed etiam naturam ipsam suam, omniaq; naturalia bona, sibi non debita esse sed gratis donata, & proinde ipsam quoque naturam suam sibi esse gratuitam atq; gratiam, quisquis novit se magis Dei esse quam suū, magis Deo esse quam sibi imò totaliter Deo, nullatenus sibi nec propter se, magis Deo subesse quam sibi, magis, immo totum

tum ex Deo posse & agere, ex se autem nihil posse nihilq; facere; quisquis novit etiam libertatem suam esse Dei servam, etiam cum liberè aliquid vult, illud liberè magis Dei, pluribus nominibus Dei esse, quam suum suæq; libertatis, ipsum consensum suū in bonum aliquid, Dei magis quam suum, esse, Deoq; deberi non ipsi, etsi non sine ipso quisquis novit id, quod bonum aliquid & rectum novit, appetit, eligit, facit, perficit, persequitur, perseverat, quod occasionem, quod potestatem, quod actum ipsum habet; hoc totum ex Deo esse, Dei esse, & magis Deum per hominem, quam hominem per se habere; quisquis novit, quod bona ei sunt dona Dei, & quod merita ejus sint gratiæ Dei, & quod dum merita homini præmiis rependit, dona sua coronet Deus; quisquis novit, quod ad omne bonum suum, nihil ampliùs afferat homo de suo, quam quod aut impediatur Deum, ne illud per ipsum faciat Deus, aut si non impedit ex se tamen aptus est impedire, nisi gratia sua pondus illud ejus ad impediendum, sublevet & superet, impediaturq; Deus; quisquis novit, quod ad omne bonum suum, nihil de suo afferat homo nisi quod ille sit, aut per quem omne bonum ejus faciat Deus, aut qui cum Deo faciat bonum, non sit ex homine ipso sed ex Deo, detque illi Deus, ut ille cooperetur Deo, & sine illo non facit Deus, det, inquam, non tantum esse hominis cooperantis, non tantum virtutem cooperandi sed etiam actum ipsum cooperationis, quia omnium istorum est auctor primus Deus; Hæc, inquam, quisquis novit, & in veritate novit, & experimentaliter atq; practice & applicative novit, is superbire, is se amare, is se reputare & appeti, non novit. *Quid enim habes o homo quod non accepisti, qui & te ipsum, & omne tuum posse accepisti, & insuper ipsam etiam acceptionem accepisti? Quid ergo gloriaris quasi non acceperis? Quid superbis non dico, terra & cinis, sed nihil & abyssus nihili? Quid tam tuum o homo, quam tu? sed rursus quid tam non tuum, quam tu, si alicujus es totum id, quod es? An autem totum alicujus sis, quidquid es, nega, & ignora si potes, certe saxa docebunt te confessionem istam, & retundent superbiam tuam, & dicent tibi, Ipse fecit nos, & non ipsa nos, in ipso vivimus, movemur, & sumus: in ipso omnia constant, sine ipso factum est nihil.*

O duo niduli è quibus nunquam contem-  
platio



plazio humana evolare debeat? Nihilum me-  
um, & Deus meus. Ex me nihil sum quod  
sum, ex Deo sum quidquid sum. O quis det  
in his nidulis mori! O quis det in hisce abyf-  
sis duabus immergi, ætatem perdere, immo-  
ri! Miseri nos, qui alia omnia discimus, &  
hæc negligimus, miseri nos, qui dum alia  
cognoscimus, hæc cognoscere desinimus, &  
dum in aliis subtiliter speculative sumus, in  
his stupidissime cæcutimus, immo quod ma-  
jus ac mitius miseriufq; est, etiam dum hæc  
ipsa subtiliter atq; argute & solide de huma-  
na insufficietia de gratiæ necessitate, de Deo  
Prima causa primoq; efficiente indagamus,  
disputamus, enucleamus, concludimus, pe-  
netrativè scimus, ex horum ipsorum cogni-  
tione, de horum ipsorum cognitione cæcuti-  
mus, hoc est superbimus, & cognitione vili-  
tatis nostræ ad reputationem nostræ ex co-  
gnitione illa sustollimur, sitq; nobis lux no-  
stra tenebræ, & dies nostra nox nobis effici-  
tur. At non ita magisterium tuum currit  
O Deus, neq; in tenebras cognitio tua desinit,  
cum illam donas, illuminat illa, sed simul  
& humiliat: humiliat, sed simul in se sustol-  
lit, ut homo cognoscens se, consemnat & de-  
speret de se, desperando autem de se, conver-  
tatur ad sperandum de te, & invocandum,  
te contemnendo se, totus convertitur ad e-  
xaltandum in omnibus te, odiendo se, con-  
vertitur totus ad amandum te toto se, accu-  
sando se convertitur ad confitendum tibi  
& laudandum te: nihil tribuendo sibi, omnia  
attribuit, & pro omnibus gratias reddit tibi  
& sic ad liberalitatem in se provocat te, ni-  
hilq; inveniendū apud se, omnia quærit &  
invenit apud te, & fit dives in omni gratia  
non de suo sed de tuo, gloriaturq; securus &  
præsumit, non in se sed in te. Hoc est ma-  
gisterium tuum Deus, quo nos humiles non  
facis quia sumus, sed esse nos ostendis nobis

ut sciamus & fateamur, & in confusione  
faciei, in confessione nostri nihili ambulan-  
tes, usq; ad te sufficientiam & plenitudinem  
nostram ascendamus, & de plenitudine tua  
accipiamus Ioan: 1. 16 atq; te solum ex o-  
mnibus, pro omnibus, per omnia magnifice-  
mus, superbiam ignoremus, tibi fideles si-  
mus.

Ab hoc Magisterio, qui scientiam perfe-  
ctionis inchoat, ab hoc fundamento qui do-  
mum virtutis ædificat, is secure potest erige-  
re quantamlibet fabricam celsitudinis, quia  
inchoavit à fundamento humilitatis, qui se-  
cus ædificat, ruinam ædificat, Babylonem æ-  
dificat, infernum ædificat, nec miretur; su-  
perbiam enim ædificat, superbia autem cæ-  
citas & ignoratio est, tribuit sibi quod non  
deberet sibi tribuere, sed Deo, magnificat se  
in eo, in quo magnificandus erat Deus, com-  
placet sibi, in quo complacendum erat Deo,  
proprium suum facit quod est proprium  
Deo, aut saltem commune illi cum Deo, mi-  
nus autem illi quàm Deo. Inde superbia  
statim mendax est, statim & furax, rapax, &  
injusta, rapit enim sibi quod est Dei, menti-  
tur suum quod est Dei, insuper blasphema  
est, quia negat Dei esse quod est Dei: negat  
autem, quia sibi appropriat. Deniq; in I-  
dololatriæ malitiam degenerat, quia compla-  
cet sibi in se, quod facere debuit in Deo, fa-  
cit se fontem sui esse, quod est proprium Deo  
immolat sibi laudem & gloriam, quæ est  
propria victima soli Deo. Hæc est malitia  
superbiæ, ob quam non immerito nihil illi  
potest esse commercij cum Deo, & cum o-  
mni Dei servo.

Hæc meditare serve Dei, in his esto, quia  
hic sapientia est, quam qui ignorat, super-  
bus est: si superbus est, jam quo ultra pere-  
at, non habet; quia perditione ipsa pejor su-  
perbia est, mater namq; perditionis est.





## CONSIDERATIO XXI.

Quòd virtus solida enervetur tentationibus & neglectu utendi virtute.



**Q**uòd perfectus est, necesse est ut eum tentatio prober. Virtus enim in infirmitate perficitur: dum enim tentatur, quodammodo ad infirmitatem deducitur, cui dum resistit, exercetur: exercendo habituatur, atque ita roboratur. & sic perficitur, sicut ferrum, dum igni iniicitur, mollius efficitur, sed tamen ab igne exemptum & malleo percussum induratur & rubigine privatur. Quo ex capite Venerab. Beda pronuntiavit: quòd *Catholica Ecclesia magis magisque roborata est, non resistendo sed perferendo*, tentationes nimirum & furores hostium tam invisibilium quam visibilium. Sed quid ad hoc dicimus, quòd tentatio non tam videatur perfectionem virtutis querere, quam eversionem? quis enim tentat, ut ei prosit quem tentat, non potius ut noceat? Nihilominus verum est quòd tentatio virtutem solidet. Vexat discipulum Magister, & scientiam ejus ventilat, non ut discipulus nesciat, sed ut melius sciat quia *vexatio dat in effectum auditui*. Tentat militem imperator & periculis exponit, ac laboribus fatigat non ut eum perdat, sed ut robustum ac fortem efficiat. Sic etiam Deus permittendo à Diabolo nos tentari, non querit ut cadamus, sed ut pugnemus, pugnando vincamus, vincendo coronemur & triumphemus. Evertit quidem aliquando tentatio virtutem, quia sicut idem ignis liquat ceram, durat lutum, purgat aurum, comburit paleam, ita tentatio quosdam exurit, quosdam puriores reddit; quosdam solvit qui amittunt sustentiam, quosdam durat, qui fructum afferunt in patientia; evertit inquam, aliquando virtutem tentatio, sed non propterea, ut non fuisse vera solidaque virtus probaretur, vel ut si fuit vera & collapsa, de novo & quidem firmitus restauraretur. Vir enim fugiens iterum

pugnabit, & semel lapsus cautiùs incedet, semelque deceptus prudentiùs crederet. Cytharam ajunt contractam in minuta licet frusta, iterum autem instauratam, solidiorem reddi & magis sonoram: sic anima tentatione esto prostrata sed aliquando tamen restaurata, fortior redditur, in humilitate solidatur in caritate augetur, cui enim plus dimittitur, plus diligit. Quantus surrexit post lapsu David? quanta Magdalena? quantus Petrus aut Paulus? nonne testudines restauratae dulcius sonuerunt. Neque tamen ideo tantum succumbendum est, ut dulcius aut fortius sonet: non enim facienda sunt mala, ut eveniant bona, sed si succubuisti, da operam ut fortior surgas, cautiùs vivas, robustior pugnēs, & fias quasi David post offensam.

Habent tamen aliud adhuc periculum tentationes, quia etsi non evertant, retardant tamen & infrigidant virtutem: ita ut non faciat cum tentatione prouentum, quem ut faceret, à Deo erant permixtae vel solent permitti. Sicut enim frigida aqua, calida superinfusa, eam infrigidat, ita tentatio animae virtutisque ferventi adveniens eam refrigerat. Quanti enim modò ferventes, tentatione adveniente, fervoris obliviscuntur & languent quid ferventiùs Petro in hortum pergente cum Christo? quid illo frigidius cui dicitur: *Simon dormis? non potuisti una hora vigilare mecum?* Quid terrentiùs illo qui dicebat: *Ego dixi in abundantia mea non movebor in eternum?* Quid eodem frigidius qui mox dixit: *Avertisti manum tuam, & factus sum conturbatus?* Ob quod oportet semper esse paratum ad pugnandum & servandum illud sapientis: *Sta in timore & prepara animam tuam ad tentationem*. Impossibile enim est non tentari in hoc mundo, & impossibile est aut non vinci tentatione, aut eam superiorem non fieri. Tentaberis: pugnabis: igitur aut succumbes, aut pervinces non succumbes nisi ipse volens, nisi negligēs, nisi



pisi te negligēs, nisi te tentationi tradens; nō vinces etiam nisi gratia Dei adjutus, & voluntate bona præditus. Gratia tibi nunquā deerit, modō tu illi nunquam desis; & *fileti* est Deus qui non permittet, te unquam tentari supra id quod potes.

Sciendum verō est, variē infringi fervorem virtutis tentatione. I. Metu tentationis, quem metum metuens Deus Israeli ex Aegypto egresso, noluit illum rectā paucorū dierum via ducere in Paestinam, ne Israel videns adversum se plurimarum fortissimarum gentium bella consurgere, metu illorū rediret in Aegyptum, ob quod per desertum, illum circumduxit 40 annis, ut sensim eum & cultui suo assuefaceret, & paulatim atque per partes, gentes illas deleteret. Ita Deus pro vide non finit nos in servitio suo graviter tētari, sed dispensat tentationes secundum tempora, secundum vires, secundum quod nobis magis expedire noverit, & sibi placere voluerit. 2. modo tentatio fervorem reprimat virtutis, non jam metu sed experientia sui; expertus enim quis tentationes & earum vires, lentior & segnior efficitur in operibus virtutis. Irrisus semel, vexatus, cōtemptus, confusus, vel aliter probatus, fugit deinde esse observans disciplinā, ob quam ab aliis irrisum se meminit & vexatum. Quid huic factum est? Tentatio fervorem virtutis infregit, atq; hoc contingit etiam victoribus tentationum qui vincunt quidem tentationem semel vel quoties se offert, nolunt tamen illam sibi offerri, nolunt ejus offerendæ occasionem dare, nolunt crabrones irritare, eligunt magis sine pugna pacatē vivere, quam pugnando vincere & triumphare. Sed hi in professionem suam peccant, quia milites se profitentur & pugnam detrectant. Deinde isti dum tentationem vitant eaq; carere volunt, jam hoc ipso tentantur, jax enim illa, quam amant, periculosior est bello quod horrent. Illam enim pacem volunt ut securi sint; quod in hac vita non licet, quod in hac vita periculosissimum est, non est enim hic tempus securitatis sed cautelæ, quia non est locus pacis, sed pugnæ. Isti ergo aquam in igne quarunt, pacem in tentationum regno. Præstat inter hostes viventem semper arma & pugnas meditari, quam pacem somnare, quia etsi tu pacem fortē desideras, sed hostis tuus in tuam perniciem vigilat, facilis autem te perdet, pacis consilia meditantem & securē agentem,

quā omnia suspecta habentem, semper excubantem, semper gladio accinctum, galeamunitum, scuto tectum, hostem expectantem. 3. Modo infringit tentatio fervorem virtutis, molestia certaminis, aut potius inscitia pugnantis. Sciendum namq; est tentatorem nostrum sæpe nos tentare, non ut speret & ad peccatum inducat, quia hoc imperfectis plerumq; desperat; sed ut oppugnet oppugnando inquietet & melioribus studiis, quibus nos deditos vel dedendos novit, tentationis abigendæ cura divertat. Utroque igitur modo virtutem re undit, inquietando nempe & occupando mentem. Et allequitur utrumq; hoc improbus tentator, si non sit cautus virtutis suæ propugnator. Nam si voluerit tentationi ita resistere ut cum ea velit cominus congredi, ejus omnia initia occasiones, vices, gradus, momenta observare, ad singula scrupulosē objecta scrupulosius respondere, omnia distinctius nosse semper expresse, distincte explicitē consensum negare, neglectis aliis rebus ad obstandum, tentationi toto virium suarum & vigiliarum exercitu occurrere: talem, qui sic pugnat & tentationi resistit, necesse est & inquietissimum reddi, & a melioribus studiis occupationibusq; avelli, & insuper umbris suspicionibus, perplexitatibus, dubiis, formidibus, scrupulis, scopulisq; innumeris, ac quotidie pluribus involvi. vires præterea corporis frangi, sanguinem aduri & corrumpi, spiritus exhauriri, cor emarcescere imaginativam & judicativam vim lædi, totum denique hominem tentatum phanicum, carnalibus, infidelibus, blasphemis, cogitationibus agitari ac impleri, prope insanum, pene illusum, vix non obsessum, planē & plenē ad omnia inutilem, exosum, ridiculū, gravem effici. Ad quos scopulos etsi non omnes, devenire certum est, devenire tamen non paucos, etiam certum est, omnes autē qui illa prædicta ratione cum tentationibus depugnant, eamq; plus minus sestantur, certum quoq; est, his duobus se primū quidē damnis prioribus involvere, inquietudinis nemee & a melioribus avocationis, deinde illis sequentibus periculis plus, minusve non procul abesse. Et tamen in spiritali vita, inter spirituales homines, vix reperire est aliam tentationibus resistendi rationem ab ista: quam ut ob utentium frequentiam atq; auctoritatem non damno, ita ob suprā dicta incommoda non laudo. E quā illud etiam eminet



minet incommodi, quod cum sit illa via resistendi adeo tum difficilis, tum inquietuosa, tum bonorum meliorum impeditiva, tum etiam ad illa alia mala viam veluti insternens; non pauci id videntes in aliis, & metuentes in se experiri, eligunt potius laxè vivere, de tentationibus parvam curam agere, neglectim spiritualia tractare: ne si velint id diligeatè facere, cogantur à tentationibus omnia illa incommoda subire, vel illa subeundi periculo se se exponere. Quod incommodum sanè grande est, & vitandum. Deoq; odibile, quia detrahuntur per illud homines sacrificio Domini, & multi qui possent, & alioqui vellent, non curant esse perfecti.

Quid igitur cum tentationibus faciendum est, ne aut molestæ sint, aut nos ob optimis studiis actionibusq; longè magis in Deum, animam transferentibus atq; corda unientibus avellant? Obistendum illis est, & quidem si fieri potest in ipso earum primo initio, obistendum non illa prædicta ignorantia diligentia, sed alia quadam diligenter vigilantia negligentia, dissimulatione, contemptu, ignoratione, & ad res quæ bonæ in manibus sunt, & à mente tractantur, attentione, mentisq; applicatione: ita ut his velut immersi, tentamenta diaboli vel non advertamus, vel certè ac si non adverteremus, ea prætereamus, nostras res agere pergamus, linguam tentationum tanquam nobis peregrinam non intelligamus, ipsum deniq; sensum & motum interioris nostræ portionis, perinde ac si alibi & non in nobis esset, dissimulemus & hanc dissimulationem tam diuturnamq; obstinatè teneamus, donec ad alia animo distracti, tentationis apprehensionem & memoriam non habeamus, aut certè Diabolus radio victus tentationi supersedeat, nosq; quietos interea vel ad tēpus relinquat. Idq; servandum est, etiam tunc, immò maxime tunc, quando tentatio maxime fervet, furit, se se obiectat, viscera etiam ipsa, & imaginationem oberrat, memoriæ se se obtrudit, & quodāmodo nūc hinc, nūc illinc assistit & affilit, tunc, inquam, ad tentationē maxime clamantem, maxime surdescamus, maxime linguā ejus cognoscamus, advertere nos dissimulemus, nullo, quantum fieri potest, signo molestiam & advertentiam ostendamus, sed ac si extra nos esset negotium, ita contemptum hostem eludamus. Neq; tamē hoc periculum aut non resistendi aut consen-

tiendi, aut tardè resistendi metuamus: quia nemo melius resistit diabolo, quàm qui neq; ad congressum illum admittit, eive respondere dignatur, nemo minùs consentit, quàm qui neq; colloqui cum Diabolo, nec quid sibi velit, nosse adverterevè dignatur, nemo citius resistit, quàm is, qui primos etiam hostis assultus frangit: quod facit qui illos contemptu expedit, & neq; animadversione dignatur, is enim neq; ad suggestionem plenè faciendam, diabolum admittit, primum autem tentationis opus est suggestio, secundū delectatio, tertium consensus, ex quibus duo postrema in anima sunt, quando sunt, & consensus quidem peccatum est, delectatio peccatum non semper est, nisi quando morosa, vel cum consensu est, at suggestio tota extra animam est, licet ad animam fiat, quàm citò ergo putandus est is tentationi resistere, qui etiam suggestionem non admittit, facile quisque cognoscit. Atq; ita omni tentationis generi securissimè & fortissimè resistitur, quando contemptu supra explicato resistitur. Sic quando resistitur, nec anima molestiam patitur, ab importunitate & assiduitate tentationis, quia illam non curat, neq; à melioribus studiis tentatione avertitur, quia ab illis non tantum non avocatur, sed etiam ad illa occasione tentationis, magis advertitur & applicatur. immo per ipsam illam applicationem, diaboli vis, & tentationum omnis violentia statim in ipsa prima suggestionē frangitur, ut veluti ex glacie factus gladius objectu contemptus clypei dissilit & eliditur, immò eluditur. Sic quando resistitur, omnis tentationum instantia, omnis passionum vehementia, nullo labore, nullo periculo sustinetur & vincitur. Neq; aliam quicquam inveniet rationem resistendi (post divinam gratiam, cælesteq; auxilium, quod hic semper supponimus) meliorem, id est securiorem ac faciliorem, quàm istam jam modò explicatam. Quæ in omnibus quidem tentationibus locum habet, sed præcipuè in tentationibus molestis (ut sunt vindictæ ac recenter ferventis libidinis, contra fidem, blasphemæ, suspiciosæ, contra vocationem, tepidæ, scrupulosæ &c.) ea si adhibita non fuerit, nulla humana industria proderit.

Hujus doctrinæ de resistendo tentationibus jam prædictæ, illa causa est atq; fundamentum, ex natura intellectus nostri virtutisq; animadvertentis, seu reflexivæ, ad obiecta proposita sibi desumpta. Etsi enim in-

telle



Intellectus nostri ea ratio, ut ad duas res nullo modo plenè advertere possit, seseq; convertere, & eis inherere atq; occupari. Potest quidem intellectus uni rei se applicare, & interim dum uni est applicatus, aliam objecta sibi percipere, sed si se ad illam novè objecta voluerit etiam convertere, à priore illa advertenda necessariò se debet avellere. Quando igitur tentationem diabolus objicere vult, tum vel otiosam mentem quærit, & ei inventæ tentationis objectum proponit: à quo objecto si mēs statim se ad aliud quidpiam contuendum non avertit, necessariò ad tentationem advertit, & jam suggestionē excipit, delectationisq; opus succedit, cui si non resistit, consensus in foribus & peccatum est. Si autem sese mens à tentatione tentata statim ad aliud quidpiam disparatū à tentatione converterit, & ei se adverterit otiumq; excusserit, necessariò tentationi renuntiabit, & ad eam non tantum non adverteret, sed nec advertere poterit: consequenter neq; ea delectari, aut in eam consentire. Vel cetè occupatam aliis rebus ac studiis invadit, & suam ei tentationem pro eis substituit, & tunc si se mens non custodit, sed primis suis occupationibus desertis ad tentationem se convertit, jam suggestionem habet & tenet, quia tentationem jam cernit & advertit: quam nisi ruperit, delectationi locum dabit, cum delectatione periculosa pugna est, & facilis consensus: ut ergo non facile consentiat, delectationi fores claudat, ut claudat aversionem impediatur, ut impediatur, se se ad prima illa objecta, in quibus deprehensa est, vel ad alia similia, à tentatione diversa convertat, & ad tentationem nec quidem advertat, sed eam contemptu & neglectu auctori suo relinquat. Quod si mens cauta diabolus spernit, & suis intenta est, labor nullus, victoria plena est.

Ex quo patet, quanti refert hanc advertentiam mentis nostræ illico à tentatione ad aliud diversum objectum transferre, atque tentationi illam subducere. Patet etiam, quam periculosum sit, meatem otiosam habere, ut non sine causa dictum sit: Otium pulvinar diaboli, & otia dant vitia, & in desideriiis est omnis anima otiosa &c. Patet insuper, quam efficax est iste modus resistendi tentationibus, & quam in ipsa naturâ intellectus nostri fundatus. Quod adhuc validius confirmari potest ex eo. Omnis tentatio peragitur suggestione, delectatione, cō-

sensu, hoc quidem ordine: primū suggestio menti, objicit aliquid peccaminosum seu malum: mens illud objectum habens propositum, cognoscit, cognitum advertit esse tale vel tale, bonum, malum, delectabile &c. Si tamen hæc advertentia non statim peragitur ab illa cognitione ita ut nihil sit, ab ea divisa, quidquid tamen sit, advertentia illa provocat delectationem sive concupiscentiam, ut vocat S. Iacobus. Delectatio expenditur aversione aliâ, & quodammodo deliberatione circa objectum, sitne scilicet acceptandum cum sit delectabile, an reiiciendum cum sit illicitum & turpe, post deliberationem acceptatur à voluntate & fit cōsensus, & quia fit contra rationem (illicitū enim & turpe, ratio reprobat) consensus ille est peccatum. Hic in objectione tentationis non est peccatum: in cognitione ejusdem primâ, simpliciq; non est peccatum, in advertentia ejusdem quod sit talis, nondum est peccatum: in delectatione concupiscentiaq; mota ex objecto seu tentatione delectabili & concupiscibili, adhuc non est peccatum, (nisi jam sit collusio voluntatis. Inadvertentia quod objectum sit delectabile ex una, illicitum ex alia parte, ut in deliberatione sitne acceptandum, quæ antecedit consensum, nondum etiam est peccatum, at si voluntas pro illicito magis est contra delectabile, & negat consensum: vincit. Si verò pro delectabili magis est contra illicitum (quod idem est ac contra rationem, legem, &c.) consentit, & peccavit, captaq; est. Hic videmus quàm longè sit advertentia illa cognitioq; tentationis ab objecto propositæ & à consensu qui etiam ipsam delectationē & delectationis advertentiam antecedit. Videmus igitur etiam necessariò, quàm sit iste, (de quo loquimur) tentationibus resistendi modus securus, & à peccato remotus, qui illam ipsam advertentiam, tam a consensu remotam, non dico non admittit, sed admisam statim impedit, statim deserit, & alia ad aliud objectum aversione excludit.

Quærat aliquis, cur tandem velim tentationibus resisti, negando, aversionem illam etiam quæ præcedit delectationem, cum tam sit a peccato, hoc est à consensu remota? Respondeo in primis, diabolus iisdem esse petendum artibus, quibus petit. Tentat ille hominis mentem avocando à bonis ad mala, hoc est curando, ut non attendat bonis, advertat verò se ad mala; ideo repel-



repellendus est etiam sic, ut hominis mens attendendo ad bona, non attendat ad mala. Deinde respondeo causam esse hanc, quia *qui amat periculum peribit in illo*. Anima nostra est veluti stappa sicca, fomitem peccati insuper in visceribus habens, minima delectatione succendendum si se offerat. Tentatio ignis est suggestio scintilla, cognitio tentationis, est stappa quædam, incensio an illuminatio? qui vult iudicet, si post cognitionem & aversionem tentationis quod sit tentatio, succedat delectatio, quid aliud speretur, nisi stappæ accensio & conflagratio hoc est voluntatis & animæ ad peccatum per delectationem inclinatio? Ne igitur delectatio consensum provocet, delectatio impedienda est ne in mente nascatur; non nascetur, si advertentia præpediatur: præpeditur, quando mens ad alia convertitur, & contempta atque dissimulata, flaccescere atque languescere finitur.

Quærat aliquis adhuc, ad quæ tandem & qualia objecta sit mens convertenda, cum tentari se suggestionem sentit? Respondeo Primum quidem ad invocationem auxilij Divini & Sanctorum, tacitam & devotam. Deinde vel ad id, quod habet homo in manibus tunc cum tentatur, vel ad timorem Dei, timorem pænæ æternæ, timorem iudicii divini, vel ad amorem & vulnera Christi, ad amorem Beatæ Virginis, ad amorem virtutis, ad suum statum, & ad similia, in quibus homo liber est sui; juris, modò mala fiat, quæ tunc cogitet, aut saltè non mala, tunc enim etiam ad indifferentia advertere indifferens non est, quia id fit, ut tentatio explodatur, dummodò hæc cogitatio talis sit, ut at-

teationem ad tentationem impedire possit.

Hæc opinor non otiosè, neque infructuosè, etsi præter intentionem meam huiusque tractationis finem & naturam, dicta sunt, & ut minimum ad hoc proderunt, ut solidis viris solidi securique modi, cum tentationibus suis pugnandi proponantur, placebit alicui non uti, libertate fruatur, hac in re sua, ego neminem sententiis meis in servitutem redigo.

**A** Quamquam hæc quæ attuli, mea dicere non possum, cum & in probatis scriptoribus reperiri sciam, & experientia Magistra id commendatum in multis habeam, & hic nihil de meo, præter verba & explicandi conatum exhibeam. Redeo tandem ad propositum.

Enervari virtutem etiam neglectu atque non usu virtutis certum est, nec probandum multis. Aqua immota putrescit. Instrumenta etiam ferrea, si in usu non sint, rubiginem contrahunt. Otiosa virtus mortua est. Agere oportet, qui vult virtutem sive habere, sive solidare. Est autem otiosa virtus, non solum quando prorsus nihil & nunquam agit, sed etiam quando vel agere differt, vel agit, perfunctoriè. Virtutis verbum est hodie, cras non novit dicere, Virtutis verbum est, nunc capi. Virtuti dicitur: festina, accelera. Si non festinat, tardat: si tardat, negligit: & quomodo non etiam otiosa est? Immo verò est etiam maledicta, *maledictus enim qui facit opus Dei negligenter*. Sed de hoc puncto plura etiam dicta sunt superius. Quando de usu virtutum agimus non negligendo, non est opus verbis, sed ipso usu. Utamur ergo virtutibus, hoc est enim opus nostrum & opus virtutis nostræ.





D I E S VIII.

De rationibus & causis solidanda virtutis recensentur sexdecem causa seu stimuli.

CONSIDERATIO XXII.  
Stimuli solidæ & solidandæ virtutis.



Asuas etiam suadentes nobis & excitantes nos ad solidandam virtutem, adducere atq; expendere operæ pretium est. Etsi enim ea res cuiq; obvia est & superius alia occasione nonnulla dicta sunt, quæ ad hoc propositum faciunt. Complementi tamen causa nihil oberit, hoc loco etiam aliquid saltem attingere, exaggerare enim facilitas materiæ non sinet.

1. Urget nos ad solidandam virtutem imprimis. Exiguitas, teneritudo, & paruitas paucitasq; virtutum quas habemus, quam quidem nobis conscientia nostra facile ob oculos ponet, si quotidianas imperfectiones proponet. Has igitur inspiciamus, paucas & parvas virtutes inesse nobis credamus, de ipsidem augendis & augmentandis concludamus.

2. Urget nos etiam ad id ipsum fragilitas & inconstantia virtutis. Maximæ quæque columnæ cæli ceciderunt & confractæ sunt, quid nisi nos timeamus nostro vitro ne frangatur? solidetur ne frangatur, quam diu hic vivimus peccare possumus, & parum est causæ ut nos quotidie solidemus?

3. Urget nos ad istud ipsum virtutum solidandarum studium, temporis ad hoc studium apti brevitās. Tempus breve est totum, sed bene, sed perfecte vivendo brevissimum, nisi cauti simus, nisi scilicet semper perfecte vivere, perfecte omnia facere conabimur. Redime tempus, quisquis es amator virtutis.

4. Urget nos ad id ipsum, multitudo meliorum seu solidius Deo servientium, quanti sunt, qui nobis in Religione posteriores, non ita instructi prædiis naturæ, doctrinæ, gratiæ, non in tam disciplinata familia, carentes tot prædiis, tot stimulis, curis, occasionibus, exemplis, perfectiores tamen sunt! Ipsi quorum in spiritu Duces sumus, quam

multi prævolant nos! festinemus vel sequi, si prævenire tardavimus.

5. Urget nos ad id ipsum, paucitas minorum, quæ comparavimus pro vita ordinatā, & quidem non nisi per nostram socordiam, quam tandem excutere, tempus, ætas, ratio, Deus, conscientia, vocatio, monent, jubent.

6. Urget nos ad id ipsum mors instans, & fortè ex insidiis sed propinquis nos captis. Quid in morte facere velles, id jam facito, quia forte jam in morte es. O quantum solatium morienti fervens vita! Hoc solatium qui tibi optas, cur fervorem non procuras?

7. Urget nos ad id ipsum tanta spiritus scientia, tantumq; lumen in divinis: quod quid prodest, si non lucet? & si lucet, quid prodest, si non etiam ardet? Pro! quanti indocti surgunt & rapiunt perfectionem, nos autem in lumine nostro & cæci sumus, & testudine tardiùs pergimus, assamq; ut columbam ore hiantem, sic cælum captamus! Et quid respondebimus Christo? vel quàm durum erit audire ab ipso: Et tu nō potuisti pervenire quò iste? tantum meā divinitate frui nūc quantum iste? tantum meæ vitæ assimilari, quantum iste? O quàm durum erit audire, quando dicetur alteri: Amice ascende superius. mihi autem: descende, da huic locum, quàm durum erit videre, cum ecce multi veniant ab oriente pueritia, & occidente tarda in senectute conversionis, (qui tamen expleverint tempora multa) & recumbent cum Abraham, & parem mercedem accipient hi, qui portaverunt pondus diei & ætus.

8. Urget nos ad id ipsum ætas, juvenis & robustus es? ergo fervere debes quandoquidem fervet ætas, & serviunt anni, nam in senio fractæ vires magis de corpore quàm de animo sollicitabuntur. Senuisti? igitur quanto propiorem finem vides, tanto te urge am-



ge amplius. Non senescit virtus, fides non computatur annis. Fervor semper juvenis est & ideo in fine ne corrumpas: In fine motus velocior.

9. Urget nos ad id ipsum tanta stimulo- rum gratia efficacia atq; perpetuitas. Hic se quisq; inspiciat ex perfectis. Durum cer- tē cor esse debet illud, quod ad stimulos tantos tam assiduos, tam potens, tam congruos, nihil velocius currit: an fortē oc- caluit, & jam sentire desuevit? O absit. Vi- dete ergo ne in vacuum gratiam Dei accipiat, sed curate ut possitis dicere: Gratia Dei nulla in me vacua fuit.

10. Urget nos ad id ipsum ratio red- denda, non dico jam peccatorū non dico vi- tiorum (careamus his, licet per me) sed vir- tutum non perfectarum sed gratiarum non effectarum, sed inspirationum & invitatio- num non auditarum, sed occasionum negle- ctarum, & otiose dimissarum, sed exemplo- rum propositorum & non secutorum.

11. Urget nos ad id ipsum illa nostra tan- ta propositorum, & designationum & reso- lutionum multitudo, quæ omnis penē omnis in cassum cecidit, in chartis tantum nostra scripta perfectio fuit, in operibus, in cordi- bus ulla vix fuit. Et quis dicet? quis sine pu- dore cogitabit, quantis nugis impediti, quan- tis ineptiis leviculisq; rebus ac rationibus dereriti fuerimus dejectiq; à propositorum constantia! Revoca quisquis es, hæc tibi in mentem, quæ dico; & in nullo mihi cre- de, si in hoc fallo. Propter istum oculi ali- ni, propter motum labii alieni facti sumus quàm sæpē desertores sermē omnis nostri pro- positi!

12. Urget nos ad id ipsum pudor ille do- lorq; æternus, quem tepidi si non habent, habere certē digni sunt, & haberent, si pos- sent, in cælo. Et quid ni haberent, quando videbunt, quantum boni cœlestis in æternū lucrati fuissent, si tantillo conatu teporem vivendi & agendi excussissent? quo interim bono carebunt in æternum, aliis innumeris suis sodalibus eo fruētib; ob fervorem strenuum.

13. Urget nos ad id ipsum periculū a- mittendarum gratiarum tam copiosarum, & forsitan etiam universalium: neq; enim hoc novum tepidis evenire & non ferventibus a- pud Deum. An non Apostolus ille erat, cui Christus dixit: Si non laveris te, non habebis partem mecum in æternū. Ioan. 13. 8. Et ta-

men ipsomet Christo teste, non indigebas ille nisi pedes lavari. Ergo ob nolle sibi pedes lavari, merebatur parte cum Chri- sto in æternum privari. Quis crederet, si veritati non crederet? Et tu ergo time ne audias, immo ne sentias similiter. Excute torporem, excita fervorem, lava etiam pedes etiam digitos, etiam ungues extremos, ut nihil sit in te, quod sponso displiceat in te, nam non est parvum, quod ad sponsi non ad- mittit complexum, immo & conspectum.

14. Urget nos ad id ipsum, suppletio præ- teritorum damnerum, per vitæ superioris negligentias contractorum (taceo per pecca- ta gravia incursum) quantas nos actiones sine fructu egimus hætenus! quantas actio- nes in se sanctas, nos imperfecte fecimus, & nostris imperfectionibus inquinavimus si non inutiles reddidimus! Quot meditatio- nes diurnas (E. G. dictum sit) nos in deb ita diligentia perfectioneque fecimus? quoties im- perfecte præparati ad Sacram Communionē Missamve accessimus? mitto alia & quanta hic damna spiritus ac meritum & gratia! & nunquid non competens esset, supplendi rationem inire & sarcindi? Suppleri posset fervore si non pigeret nos ipsius fervoris da- mna prius fervore supplere.

15. Urget eos ad id ipsum ipsamet Virtus solida. Si non solida est, hoc certē exigit, ut impigra sit ut nihil negligat, ut suo inge- nio indulgeat, ut suis alimentis pascatur. G. Adolevit enim fervore, nutriatur fervore, sa- ginatur fervore, impugnetur fervore, quia etiam coronanda est caritatis consummata fervore. Ne ergo natura suæ obliviscatur, ferveat: ne mardescat & languescat: ut faci- le ad coronā iustitiæ perveniat, & parum illi ex hac vita, vel nihil desit ad coronidem su- am, ferveat: tota ejus cum sit, tota cogita- tio, tota occupato, ut ferveat.

16. Urget nos ad id ipsum natura cordis seu mentis nostræ, quæ talis est ut tepore & cessatione à bono jugiter magis magisq; an- gustetur & ad recipiendas Divinas gratias (sine quibus nihil potest nostra infirmi- tas) assiduò magis arcta incapaxq; reddatur. Potest ergo evenire cordis nostri vasi, ut ita arctetur & angustetur, ut neq; guttam, neq; micam, neq; atomum gratia aptum sit reci- pere, radiolumve inspirationis divinæ persen- tiscere prævaleat. Et quæ potest esse major cordis miseria, quàm si illud subingredi non possit Dei gratia? Væ animæ, in qua Chri- stus



stus non potest ullas virtutes operari. Operemur ergo dum lucem habemus, ne nos tenebrae comprehendant, ne veniat tempus, in quo & cor nostrum non possit operari, & Deus in corde non possit virtutem ullam facere. Dum tem-

pus habemus, operemur bonum ad omnes, ad Deum, ad proximum ad nos, ad omnem creaturam, ut crescamus in viros perfectos, in vasa auri solida in mensuram aetatis plenitudinis Christi.



# D I E S I X.

De Signis Solidae Virtutis.

## CONSIDERATIO XXIII.

Quænam signa solidæ virtutis sint.



**A**D coronidem tandem deduximus solidam virtutem. Signa ejus exponimus; ut qui signa viderit ejus in se, gratuletur illam sibi inesse meminerit tamen ut in Domino gloriatur, ne sit ad insipientiam sibi; qui verò minus ea in seprehenderit, curet omni meliori modo, ut ea tandem in castello animæ suæ collocet ut & ipse de eorum præsentia apud se, non minus gaudere, quam securus in idipsum dormire sub alia Domini Virtutum possit. Et est quidem Virtus solida, ipsa sibi signum satis evidens: neque enim se occultare potest sibi, sed tamen habet & alia signa, per quæ cognosci possit, etiam ab aliis, alioqui ipsi de sese testimonium perhibenti non creditur.

1. est signum difficultas pravè & imperfectè agendi, facilitas autem & veluti naturalis (per virtutis exercitium atque usum partem) rectè, sanctè, sublimiter agendi vivendique facultas. Ita ut homo sit sibi obsequens & facilis ad omnia neque in se gravem aut periculosa sentiat spiritui obsequentem, consentientem, & quodammodo collaborantem ad hoc enim adjutorium istud terrenum spiritui nostro dictum est ab initio, ni esset instrumentum virtutis; sed ex peccato factum est impedimentum. Iam ergo si reformetur, & iterum instrumenti officium obire amet, in suum statum pristinum, reductum esse nemo dubitet, atque in hoc signo, continetur etiam passionum quies & subjectio, ut non ni-

si sint ad rationem, non verò contra illam. in hoc signo continetur etiam propensionum instabilitas, ut non proripiant neque præcipient se, mentemve secum, sed ejus imperiū atque consilium expectent. Multò autem magis hic continetur etiam gula, (& quæ gulam consequuntur, additamentorum Leviathan) consopitio, & quasi infractio, ut non necesse sit homini bestias illas ut efferas horre, sed ut mitigatas cohibere.

2. signum est puritas cordis (atque etiam consequenter corporis) quæ niteat cor in conspectu Dei, tanquam vas auri mundum solidumque & artificis manu diligenter elaboratum. Non sordeat peccatis gravibus non venialibus, non voluntariis, non per negligentiam subrepentibus, vix diligentiam effugientibus & vigilias animæ excubantis vincientibus. Non horreat vitiis nec vitiosis seu habitibus pravis, non propendeat in malum gravius, non agitetur passionibus, non fuligine aut caligine obscuretur concupiscentiæ & phantasmatum, sed sedata & defecata mens, velut sudo cælo sol, sic resplendeat in rationali suo cælo, resplendeat intentione sublimata, Divinæ præsentis jugi conspectu, inviolata cum Dei voluntate in omnibus conformatione, denique humilitate & caritate, cogitationibus non solum puris & sanctis, sed etiam sublimibus & altis rationibusque æternis. In hac puritate cordis includo etiam simplicitatem mentis atque bonitatem, quæ homo spiritualis omnia intuetur & recipit prout sunt sine doli suspitione quæ item nec



nec timet decipi, nec decipit, quia loquitur ut res sunt. Est, est: non, non. Includo etiam illasibilitatem quandam, homo perfectus, nec ledere novit, nec lesus. Sentit, sed lassitudinem sui ac si omnia ad mentem essent dicta factave sibi, accipit, malum pro malo non reddit, immo malum sibi factum aut non agnoscit, aut non in se detortum putat, aut elevat, aut excusat. Amat odientem, in bono malum vincit, & magis dolore vel peccato adversarii uritur, quam adversitate sua. Inter malos bonus est, ex malis bona eruit, male agentes nisi notorie agant, non iudicat. Tales mores non nisi in ampla virtute, lata mente, puro & à felle libero corde, inveniri solent, unde & ejus signum sunt.

3. Signum perpetua pax cordis & conscientie tranquillitas atque serenitas, quæ potest stare cum inferioris partis extraneis afflictionibus, sive illæ sint corporeæ ut dolores, sive à spiritu maligno advenientes ut tentationes, sive à Deo immixtæ, ut ariditates atque desolationes: modò ratio sedeat immota neque turbetur evetibus insperatis, neque deiciatur, cum non ad mentem quid accidit, neque distrahatur ingruentibus multis neque torqueatur ambiguis, neque impotens sui sit in subitis & magnis prosperis nec obsistentibus contrariis turbatius, nec instantibus irruentibus ve cedat meticulosius, nec gaudeat suis bonis successibus, laudibus plausibus, honoribus, aliorum de se opinionibus: neque contra tristetur aut zelet contra eos, qui eum non mirantur, non ejus consilia & sensa probant, non consulunt, qui ab eo ad alios recedunt, nec voluntati suæ tenax inhæreat, sed perinde illi omnia sint, esse atque non esse, sic vel aliter esse, quemadmodum Deo placuerit, vel se illa esse.

4. Signum, amoris erga justitiam, veritatem, atque rectitudinem libertas, ut justitiam omnem libere sequatur, exerceat, fateatur, nullis rationibus humanis à recto deflectat. Rationi semper cedat, veritati locum det, & eam tam libenter agnoscat à quocunque auditam, quam libenter perferat quicunque indigenti necessariam. Esto ob id linguas, scommata, irrisiones, censuras, condemnationes, penas, multas, exilia, notas, damna, verbera, tormenta, mortem sustinere debeat. Hæc libertas etiam in minutis observantiis Regularibus exhibita, signum est solidæ virtutis: hæc libertas idola non adorat oculorum humanorum, & sermonum, & favorum. Hæc libertas mansuetudini conjuncta reprimit e-

tiam procaces audacias, ut in sui conspectu atque presentia peccare formident vel erubescant, mansuefacit verò & conciliat, etiam feroces inimicos, ut vel nolentes ament, quos alioqui graves suæ malitiæ nôrunt. Sed ad hoc, ut prædixi, libertas mansuetudini conjungi debet, Nam sola libertatis puritas rigida est & timetur: sola mansuetudinis facilitas mollis est & contemnitur, utraq; conjuncta & mutuo concatenata, facit temperiem, admirabilem, & stupendam ad hominum animos flectendos. Deoque lucrandos confert gratiam & insuper ipsi homini adfert securitatem atque soliditatem.

5. Signum. stabilitas mentis in Deo quæ in re intelligo assiduam hominis coram Deo presentiam cumque Deo ambulationem. Intelligo vicissim jugem hominis, Dei memoriam, reverentiam, fruitionem, & omnium quæ agit acturusve est, ex Deo desumptionem, in eumque relationem. Intelligo præterea securitatem hominis de Deo, quæ sic est conformatus suæ voluntate cum Divina, in omnibus objectis & objectorum circumstantiis, ut nihil formidet adversi, ac præter suam mentem, evenire à Deo; sed perinde ut infans inter ubera & ulnas nutricis securus ludit, moratur dormit, sic homo inter voluntatem Dei conquiescat. aut sicut Dominus aliquis cum habet servum fidelem ac prudentem, qualis fuit Ioseph apud Ægyptium, illi omnia permittit curanda: ipse securus & oblitus & ignarus omnium cum amicis quietos agit dies, sic homo.

Deo permittit & se, & sua, & totius mundi negotia, causas, cursus, circumstantiasque curandas: ille autem veluti Magdalena ad pedes Christi sedet, & audit verbum Dei, de soloque Deo cogitat, certus Deum de se longè sollicitius fideliusque cogitare. Intelligo præterea sub hac mentis stabilitate in Deo confidentiam seu fiduciam de Deo, liberamque ab eo petitionem, & quasi omnia Dei sua essent, sibi que licerent, usurpationem, quomodo sponsi inter se, aut amici intimi atque familiares, res suas mutuo ita usurpant ac si indiscriminatim unius omnia essent: quæ est quædam sancta de Deo presumptio gratissima Deo in suis servis, modò illi in fide non hæsent, & sic omnia à Deo, quæ cupiunt fieri, futura confidant, ut tamen Deo suam libertatem definiendi de modo, loco, tempore difficultatibus futuris relinquunt, sed sine quidem & exitum, certum veluti habeant, modum



modum autem Deo permittant. Deus enim qui in fine suos servos consequendo exaudit, in modo libertatem, suam servat, quia in modo, multa soli Deo nota esse solent, quæ cæteros latent, & in unius negotij exitu, multorum Deus bonorum semen, multorum hominum salutem, multam gloriæ suæ messem reperire solet, quo fit, ut etiam ea quæ felici fine concludi negotia decrevit, multis difficultatibus & longis trahi sinat, ut dum ea complanantur, interea salus multorum, vel unius alicujus, qui sit instar multorum, vel alia similia bona Deo soli cognita, mira suavitate coordinentur. In hac ergo morarum injectione, & per difficultatum objectionem finis optati extractione Deus liber esse vult, & servi ejus libertatem hanc ei permittere debent, ac agenda quidem à se agere, sinere tamen ut ita omnia fiant, prout fieri volunt. Hac cautela servata, erit & præsumptio seu confidentia de Deo plena & sancta, & conformitas voluntatis cum Dei voluntate integra.

6. Signum est. Fervor quotidie major, quotidianusque ex fervore profectus. Omnis omnium nostrum vita, motus & cursu, immo volatu constat, quin etiam, ut melius dicam, motus, cursus, & volatus est. quies in ea nulla fingi potest nisi mors, quid est enim vitam nostram quiescere nisi mori? Ita omnino etiam in spiritali vita est, nec aliter fingendum ac illudendum nobis à nobis est. Vita spiritalis, etiam vita est. Actio igitur & Actus & motus est. Quietem itaque in hac vita velle, est velle mortem, & quis non horret mori spiritu? moritur, quisquis quiescit, quiescit autem qui non progreditur, qui non conatur, qui non fervet, qui non urget. Quis nollit vitam suam corporalem esse quam vivacissimam actuosissimam, & quod idem est, ferventissimam? Nempe vivacitas vitæ, signum est sanitatis nostræ signum absentis longæ mortis, & dissolutionis à corpore. Cur ergo in vita spiritus non idem sapiamus? Cur corpori vitam optamus vivacem & ferventem, animæ autem sinimus vitam esse languidam & torpentem? Spiritus est vita animæ. Vita motus est & actus. Si vita languida est, si spiritus languidus est, quomodo anima mortua non est? rursus autem si spiritus seu vita animæ vivax est? nonne tunc quando fervet? Igitur quando spiritus fervet, vita animæ & sanitas viget. Ferveat ergo semper spiritus, & ferveat semper am-

plius & amplius, tunc anima semper vivet vivacius, semper sanius, semper securius, semper à morte remotius, semper solidius. Solidat ergo animæ vitam, qui ferventiorum quotidie curat habere spiritum, ac denique ferventior semper spiritus, & ex ferventiore spiritu, ulterior semper progressus, signum est solidæ virtutis, securæ animæ, solidique spiritus.

7. Signum est Sanctitas practica, quo nomine intelligo aliud nihil, quam quod sapientius hoc in toto tractatu repeti, virtutem, ut sit virtus, esse activam debere & operativam: neque hoc loco aut nomine aliud quidquam designare describere volo. Utor tantum hoc nomine, ut rationem istam, quæ est agere & vivere secundum virtutem, quam commodissime proponam atque explicem: si quomodo quæ me ipsum, quæ alios ad operosam virtutem exsuscitem. Omnia enim alia nihil prosunt, si opus virtutis desit. Deus noster actus est, actibus etiam delectatur, actibus præmia promittit: denique ait: Beati mortui, qui in Domino moriuntur, opera enim illorum sequuntur illos. Ex quibus verbis patet, nos dum hic vivimus, operari debere, patet opera nostra nos post mortem sequi, patet opera nostra Deo præ omnibus cordi esse, ut quæ sola hinc cum animabus ad cælum admittat, quæq; sola hic remanere in terrâ non sinat; patet, ex operibus nostris beatitudinem pendere, ideo namque mortui beati dicuntur, quia illos eorum opera sequuntur, si ergo non sequerentur mortuos opera sua, mortui beati non essent, sed quia sequuntur beati sunt. Et quomodo faciunt opera beatos mortuos? quia propter opera afficiuntur præmio, præmium autem est beatitudo. Si opera non essent, non sequerentur, si non sequerentur, præmium mortuis non daretur, si non daretur præmiû, beati non essent, ergo quod mortui beati sunt, operibus suis debent. At unde opera nisi ab operatione? oportet itaque dum in hac vita sumus, exerceri nos & occupari omnino operatione, operatione, inquam, sub nomine operationis, tam actionem, quam passionem includendo, ut in hac vita tam agere quam pati practice & re ipsa, & quidem quam plurima & quam solidissima contendamus. Multi multa sciunt, multi subtiliter de virtutibus disputant, de gradibus perfectionis, de modis proficiendi subtiliter, solide, affectuose, efficaciter loquuntur



quantur, sed scientiam suam & disputationes, & sermones suos ipsi operibus non exquantur. Si speculative tantum Sancti & perfecti erimus, & hoc satis esse putabimus, quod omnia vite spiritualis puncta sciamus, & nihil novi ab aliis discere (quod non sciamus) possimus; si hoc, inquam, satis esse putabimus, neque scientiam nostram ex speculativa practicam, in nostro proprio subiecto, in nobis, inquam, ipsis fecerimus, quid aliud restat, nisi ut etiam premium celeste, gloriamque eternam perfectioni promissam speculative a nobis haberi, satis esse dicamus & putemus. Nam speculativæ perfectioni, speculativa ut respondeat beatitudo, necesse est quod si speculativa beatitudine contenti non sumus, cur ergo sanctitatem perfectionemque speculativam, Deo aut potius nobis obtrudimus, & illam satis esse putamus? Neque negare possumus, quod non putemus, quia ut hoc sermo neget, opera tamen, quæ nullam speculationem sequuntur, probant. Si enim nihil eorum quæ de perfectione novimus, re ipsa facimus, ergo tantum speculativam, & non practicam perfectionem habemus, relinquatur ergo etiam, ut non practicam, sed speculativam beatitudinem expectemus. Dicimus nos vulgo & crebro. Non est opus nos doceri perfectionem, scimus jam ista, hic liber nihil novi habet ab isto Patre, in Colloquio, in Exhortatione, nihil audimus quod nesciamus: scimus in quo sit perfectio, scimus quid sit institutum, Sanè bene est totum hoc bene ista dicuntur & verè, sed nunquid satis est solum hoc? si satis est, igitur etiam satis erit post mortem ut Deus dicat, se scire bene omnia, quæ cui virtuti, cui gradui virtutis debeantur in celo premia, quibus premii quæ merita sint à se afficienda &c, satis inquam, erit hoc dici etiam à Deo, & certè dicentur ista omnia verè & benè à Deo, sed nunquid sufficienter ad nostram beatitudinem

nihil minus. Igitur etiam illi nostri sermones, non sufficient ad perfectionem, ut mereamur per illam, celestem beatitudinem. Quare si speculativum premium speculative nobis à Deo dari nolumus; speculative etiam Sancti esse speculatione beatitudinem, mereri, speculativam sanctitatem & nobis prodesse, & Deo obtrudere nolumus. Practicam sanctitatem queramus, curemus, sectemur, exerceamus, in illa dies noctesque consumamus. Si scimus speculative opus esse homini humilitate, & propter humilitatem, humiliatione, practice id etiam sciamus, hoc est re ipsa faciamus, re ipsa humiliationes subeamus. Si scimus speculative, societatis hominem zelosum esse debere, & animas querere multorum assiduò, in eoque vitæ consumere, sciamus id etiam practice, & zelum, quem scimus, habendum, habeamus, hoc est exerceamus & exeramus ita, ut conscientiam nostram effectu & praxi adæquemus vel etiam superemus. Si scimus speculative, quam perfectam obedientiam Regula nostræ requirunt. Sciamus id etiam practice, & re ipsa nullum apicem Regularum quæ sunt de obedientia, prætereamus quem in obedientia nostra Deus reperire & recompenare non possit. Similes inductiones exemplorum de orationis, reflexionis, puræ intentionis, mortificationis usu &c, quæ optimè speculative scimus, faciamus, & eas practice re ipsa in effectum deducamus.

Atque etiam huic ipsi tractatui, hisque de solida virtute considerationibus finem faciamus, ut quod hic vel docuimus, vel didicimus, practicum reddamus, re ipsa exequamur, & in ipsa ad praxim seu nostri seu aliorum cohortatione, practici esse laboremus, & in omnibus, praxi non scientia, opere non cognitione, reales non verbales sancti simus.





# TU DOMINE VIRTUTUM

**Q**ui non tam virtus, quam actus es, & qui ideo Dominus Virtutum vocaris, quia omnium actibus & ipse contas, & nos constare delectaris: da mihi servo tuo non solum vocem, non solum scientiam virtutis, sed etiam opus virtutis. Da mihi Domine, ut quæ tibi placita sunt, sci-am, sciendo faciam, faciendo alios doceam, & facere faciam. Da Domine ut omnis nostra sanctitas in operatione consistat, & in passione propter te, potius quam in scientia & fermocinatione de te. Da Domine, ut cognoscendo voluntatem tuam faciamus,

faciendo, amplius in ejus cognitione atque amore crescamus, & crescentes ad facien-dam illam, solidius assurgamus ac robore-mur. Da nobis Domine quod jubes, & ju-be quod vis: miserere nostri sicut scis & vis. Da nobis Domine, ut quidquid vis, sciamus, quidquid scimus, faciamus, quidquid faci-mus, in eo crescamus, proficiamus, & per-severemus, per te Deum nostrum, & per gra-tiam tuam, fontem & virtutem omnis virtu-tis nostræ, ad gloriam tuam & ad gustum voluntatis tuæ, & ad exaltationem dignita-tis tuæ.



## S E R I E S CONSIDERATIONUM.

### D I E S I. Considerationes præambulæ.

- Consid: 1. Expenduntur verba & sensus Regu-læ summarii 161a fol: 280.  
Consid: 2. Quid sit virtus solida & perfecta. fol: 282.  
Consid: 3. Cur virtutum solidarum studium S. Pater Ignatius & Societas à nobis exigat. fol: 284.

### D I E S II. De requisitis Virtutis solidæ.

- Consid: 4. Ad solidam virtutem requiritur in-tentionis seu caritatis in Deum pu-ritas. fol: 286.  
Consid: 5. Ad soliditatem virtutis requiritur humilitas virtutis. fol: 289.  
Consid: 6. Ad solidam virtutem requiritur u-niversalitas. fol: 290.

### D I E S III. Ubi solida virtus paranda, exercenda, possidenda.

- Consid: 7. Vbi solida virtus sit quærenda & pa-randa. fol: 292.  
Consid: 8. Vbi solida virtus exercitanda & perscienda fol: 296.

Consid: 9. Vbi virtus possidenda, & tanquam robusta atq; solide perfecta, secure tenenda & in usum revocanda. fol: 301.

### D I E S IV. De occasionibus solidæ virtutis

- Consid: 10. De occasionibus solida virtutis in vita Religiosa privata. fol: 305.  
Consid: 11. De occasionibus solida virtutis in dispositione superiorum de nobis ex-pectanda & acceptanda. f. 308.  
Consid: 12. De occasionibus solida virtutis in executione officiorum. fol: 331.

### D I E S V. De instrumentis ac mediis solidæ virtutis.

- Consid: 13. Virtus solidatur amore, usu, fre-quentia orationis. fol: 313.  
Consid: 14. Virtus solidatur amore, curâ, usu gratiæ Dei. fol: 317.  
Consid: 15. Virtus solidatur amore & imitatio-ne, tam IESV Christi, quam Preti-ossime Parentis MARIE Virginis. fol: 320.

DIES



**D I E S VI.**  
De speciebus solidæ virtutis.

- Consid: 16. De virtutū soliditate in tribus Religionū Votiū. fol: 322.  
Consid: 17. De fidei, spei, charitatū, humilitatū, patientie soliditate. fol: 324.  
Consid: 18. De Resignationū fervorū, efficacitū perseverantie soliditate. fol: 339

**D I E S VII.**  
De enervantibus solidam virtutem.

- Consid: 19. Quod virtus solida enervetur curā carnū, & ad externa effusione mentis. fol: 334.

Consid: 20. Quod solida virtus enervetur minimorum contemptu, & sui reputatione seu amore. fol: 336.

Consid: 21. Quod solida virtus enervetur tentationibus, & neglectu utendi virtute. fol: 340.

**D I E S VIII.**  
De stimulis ad solidam virtutem.

Consid: 22. Stimuli solide & solidanda virtutū. fol: 345.

**D I E S IX.**  
De signis solidæ virtutis.

Consid: 23. Quanam signa solide virtutis sint. fol: 347.







# CAPVT I.

De fine perfectorum, quem tenere, & exercere debent.

§ I.



**I**Xtra omnem dubitationem est, perfectionem spirituales & Christianam consistere in charitate: seu in dilectione Dei super omnia, quod idem est cum dilectione ex toto corde, ex tota mente, ex tota anima, ex omnibus viribus, ex tota fortitudine. Ita enim amandus est Deus. Et quidem ab omnibus & singulis creaturis rationalibus, quantum ad debitum & obligationem, quæ omnibus eadem inest: vel ex eo solo quia creaturæ sunt, & quia Deus est Deus. Discernitur tamen ista charitas, seu dilectio Dei, non tam ex seipsa, quam ex ipsis amantibus Deum: qui prout variè dispositi sunt in Divino obsequio, variè quoque se habent in Dei dilectione, etiamsi super omnia diligente.

Aliter enim se habent in amore Dei super omnia incipientes & aggredientes obsequium Dei; aliter verò proficientes, & jam purgationem peccatorum, seu potius animarum à peccatis egressi, virtutibusque acquirendis ad exemplar Christi IESU intenti; aliter denique perfecti, & cordis puritatem, virtutumque divitias & ornatum, Christi; similitudinem adepti, & in potentias Domini ingressi, adhærentes Deo, & unius spiritus facti cum ipso. Incipientium enim Charitas habet timorem & dolorem. Proficientium, habet spem & laborem. Perfectorum autem foras mittit cum timore dolorem, transcendit spem, vincitque laborem, obtinet gaudium & pacem.

§ II. Hæc perfectorum charitas est, eorundem finis: ad quem non solum tendere,

(hoc enim etiam incipientium, proficientiumque est; & perfecti facere, imò propè fecisse supponuntur) sed etiam pervenire, in eo stare, stando tamen amplius & altius proficere, neque unquam in eo profectu languere, multò minus deficere, qui perfecti sunt debent. Rotundum & explicatum est, Domini nostri dictum ad discipulos, hoc est ad perfectos omnes. *Perfecti estote, sicut & Pater vester cælestis perfectus est.* Matt: 5. 48.

Sanè ita & ad tantam perfectionem nobis est enitendum, quanta est in Patre cælesti; cumque ea sit absolute infinita, absolute etiam nobis à consecratione amplioris altiorisque perfectionis nunquam quiescendum est. Si enim alicubi vel aliquando cessaverimus: manifestum est, quod ab infinita omnino perfectione, quæ adhuc in Patre cælesti residet excidemus: & exigua quadam particula perfectionis (nam finiti ad infinitum nulla comparatio) potiemur, si tamen potiemur, & non potius hoc ipso quia defecimus, progredi que cessavimus, eo, quod habere videbamur, privabimur.

Perfectus enim nemo est: qui perfectior esse non appetit loquor de creatura, & statu humanæ vitæ. Nam alioqui Deus perfectior esse non potest, neque appetit quàm defacto est. Beati verò, esto absolute perfectiores esse possent: non tamen jam appetunt, quia in termino sunt. Nobis dicitur, & de nobis: *In via Dei non progredi est regredi, non proficere, est deficere, nolle proficere, est velle deficere.* Nullus iustus verus, dicit sufficit: ubi dixit ibi hæsit. Denique Paulus Apostolus, ubi hunc de semper proficiendo, & in ea, quæ sunt priora, tendendo, sensum ample exposuisset, mox præceptivè concludit. *Quicumque ergo perfecti sumus, hoc sentiamus.* Phil: 3.



14. & hunc in modum perfectionem nostrā possidentes augeamus, augentesq; possideamus, atq; in finem nostrum, charitatem scilicet perfectorum enitamur.

§ III. Ista porro caritas perfectorum, quam finem eorum statuimus, attendenda est penes intensionem appretiationis Dei, ejusq; tum dignitatis, tum gloriæ, tum voluntatis. Quāto enim hæc appretiatio Dei erit in nobis verior, fortior, ardentior, sincerior, constantior, operosior, seu efficacior, infatigabilior & insatiabilior, & ad purum plenumq; depuratio, sublimatio, ipsique Divinæ appretiationi, quā ille se, dignitatem, gloriā, honorem, voluntatem suam appretiat, conformior, intimior, & (ut sic loquar) invisceratio, identificatioq;: tantō charitas nostra erit in suā non tantū substantia, verū etiam perfectione atq; consummatione absolutior.

Est hoc loco repetenda meritō, jam proximē adducta vox Pauli. *Quicumq; perfecti sumus, hoc sentiamus.* Est enim error non tantū perniciosus, sed etiam pervulgatus, ferē tamen paucis inter ipsos perfectos cognitū: scilicet perfectionem charitatis ex intensione tenerē ac vehementis affectionis ad Deum metiri, de appretiatione autem gloriæ & voluntatis Divinæ, deq; ad ejus promotionem & executionem conatu & ardore, parum valde, & nonnisi in evidenter crassis, inq; facilibus, & obviis, fortē etiam in proprii amoris, & honoris, commodique gustum vergentibus, sollicitudinis & operæ ponere. Sic Deum amare puerorum, & muliercularum, sensualium, & lactentium, est, non perfectorum, quibus dicit Christus: *quid autem vocatis me Magister & Domine: & non facitis quæ dico?* sentiunt hi ardorem cordis, inflammationem pectoris & tumorem, anhelitus ex profundo viscerum tractos, gemitus & suspiria, avidos oculos, lachrymas dulces, suavitates non tam rationalem portionem, quā inferiorem sensitivamq; replentes & demulcentes: sed interim ad se se vincendos, abnegandos, frangendos, conculcandos, ad exaltandum suā vilificatione honorem Divinum, ad subeundas cruces, contradictiones, irrisiones propter Divinæ voluntatis executionem: tantū habent animi & roboris, atq; efficaciz, quantum foemina imbelles ad prælia, & aciem, quantum lepores ad venaticorum canū indaginē.

Non ex intensione ergo affectus, sive affectionis cujusq; ad Deum, sed ex intensione, & robore, fervoreq; appretiationis Dei, & ejus gloriæ, nec non voluntatis implendæ, propagandæ, tuendæ energia metienda & noscenda est vera charitas perfectorum. Talis enim fuit charitas Christi in Patrem: qui cibum, & vitam suam dixit fuisse facere voluntatem Patris: talem nobis effinxit & præcipit dicens: *Qui habet mandata mea, & servat ea, ille est, qui diligit me.* Ioan. 142. Et iterum *Si diligitis me, mandata mea servate.* Ibid: v. 15. Et rursus. *Si quis diligit me, sermonem meum servabit.* Ibid: v. 23. Itaq; vera ac multō magis perfecta charitas non ex tenero affectu sensibiliq; ardore in Deum, sed ex rationali appretiatione Divinitatis, voluntatisq; æternæ, cum devota executione desumenda est. Quoniam probatio dilectionis est exhibitio operis.

§ IV. Hæc intensa seu intensiva appretiatio Dei, ejusq; gloriæ ac voluntatis, in quā finis & charitas perfectorum sistere dicitur, non est statuenda seu arcuanda, solū modō ad obligationem gravē, & talem cujus transgressio criminosa sit, neq; obligationem leviorē, & talem cujus neglectus venialis sit, talium enim transgressio vel observatio, minimē implet limites charitatis perfectorum sed extendenda est ad omnium absolute voluntatum beneplacitorumq; Dei adimplentionem, omnimodamq; gloriæ Divinæ, quantūq; per vires charitatis viatorum fieri possit propagationem & executionem. nihil attendendo sitne ea imperata, sitne placita, sitne possibilis, modō sit, & futura præsumatur gratiosa & gloriosa Deo, in cujus gustu & exaltatione tota est, esseq; debet vita, contentatio, beatitudo, perfectē amantis charitatis. Illa enim vivendi ratio, in quā adhuc consultatur, sitne contra Dei voluntatem? sitne juxta Dei placitum? sitne gravis an levis obligatio & offensa, negligentis sitne magna an levis imperfectio? possitne consistere cum gratia sanctificante in anima? tales similesq; calculationes procul à perfectorum mentibus & charitate exulant, utpote cujus & quorum unica & suprema est cogitatio atq; sollicitudo, Deum amplius, ampliusq; exaltasse, ejusdem gustui & placito intimius deseruisse. Deseruisse autem, ita exactē, ita omnimodē ac si in unius jota punctivē divini placiti executione, celi terræque jactura vel salus verteretur.

Hoc



Hoc consideremus, hoc sentiamus, hoc se ipsa opereq; perpetuo & infatigabiliter præstemus, quicumq; perfecti sumus, seu nomine, seu professione, seu opinione seu veritate. Iste est enim finis noster, iste scopus, iste quietis locus, iste laboris terminus, iste sumptus, & impensarum consolatio, ista

vita presentis anima, istud charitatis operæ pretium, ista Christi imitationis consummatio, ista deniq; Dei voluntas & gloria. Super hæc sese examinet diligenter, quisquis serio se perfectum in charitate esse aut vult aut putat: ne forte sit in spiritu ejus dolus: neve currat in incertum &c.



## C A P V T II.

### De Regulâ charitatis perfectorum erga Deum.

§. I.



Charitas sive finis perfectorum Dei servorum, habet suam Regulam atque normam in charitate & à Charitate Dei ipsius, quâ nimirum Deus afficitur erga servos suos. Cum enim Dei perfecta sint opera, & maxime quæ circa Electos operatur, consequens est eam charitatem, quâ suos diligit Deus, omnino esse perfectissimam, quare etiam perfectis Dei servis non potest proponi exactior regula, absolutiusq; exemplar præsertim practicû, quo in Deum diligendum ferantur, quàm isthæ ipsiusmet Dei in nobis praxis.

Cum autem Deus diligat nos non ob aliam causam quàm ut vicissim ametur à nobis: inde consequens est, ut sicut amandus est ideo quia amat: ita etiam eo modo amandus sit, quo ille nos amat, estq; impossibile omnino vel alteram, vel altiore diligendi à nobis Deum, normam invenire, præter istam, quam in nobis diligendis servat, & ad se diligendum nobis proponit Deus.

§. II. Ad cognoscendum porro quam normam, & praxim in nobis diligendis servat Deus, facilius esse, experiendo & oculis cernendo, manibusq; palpando pervenire, quàm verbis explicando: tam est enim effusè manifesta, ut eam bruta & saxa ipsa sentiant, tam effusè exundans ut eam intellectus creatus vix capiat, quia tamen imposita est nobis necessitas, eam à nobis imitatione exprimi quam maxime, ideo etiam in-

cumbit eisdem nobis eandem à nobis investigari, & considerari, & combibi quàm plenissime; alias exprimi imitatione non poterit: si autem expressa non fuerit, ex salutari in perniciosam nobis converti oportebit. Ita enim se habent divina beneficia in nos atq; gratiæ, ut si eis non utamur vel utamur, in perniciem; si autem bene & debite, in salutem nostram convertantur, eademq; est divini erga nos amoris ratio: si ei respondemus vicarie & mutuo amore, certa salus nostra est. Si autem negligitur à nobis & ejus ratio non habetur, certa & indubitata perditio nostra efficitur dicente Apostolo. *Peccatum, ut appareat peccatum, per bonum operatum est mihi mortem, ut fiat supra modum peccans peccatum.* [Rom: 7. 13. Et consonat Domini ipsius vox dicentis. *In Capharnaum, nunquid usq; in celum exaltaberis? usq; in infernum descenderis* Matt: 11. 23. Ad hoc ergo amat Deus nos, ut ad mensuram amoris sui in nos redametur à nobis.

§. III Tenendum est, amari nos à Deo non verbis nudis, sterilibusve votis, neq; affectibus: teneris quidem sed jejunis: at amari rebus ipsis & operibus: ita ut amor ejus erga nos, prædeat in opus, imo in opera, & ea quidem grandia valde, quibus grandiora nos non possumus excogitare, multò minus expectere. Docent hoc nimis evidenter convincenterq; opera Dei, v. g. creantis nos ex nihilo, dantisq; nobis omne quod sumus & habemus. Esto, subsistere, posse, agere, valere, vivere, sentire, moveri, intelligere. Gubernantis



nantis nos quoq; & conservantis atq; dispo-  
nentis nos cum omni providentia, imò etiam  
cum reverentia. Redimentis item, & quidem  
tali modo (quem fides incarnationis, & o-  
mnium vitæ mortisq; Christi mysteriorum  
oeconomia nos edocet) redimentis. Ad hæc  
sanctificantis nos, & à peccatis abluentis,  
gratiis insuper tam habitualibus quàm actu-  
alibus, in immensum locupletantis. Deniq;  
(ut paucis totum dicatur) glorificantis nos  
atq; beatificantis in æternum.

§ IV Sciendum item est amari nos à Deo  
operatorie, non tantum prædictis generali-  
bus, & cum omnibus communibus modis,  
beneficiisque: sed insuper amatur quisq; no-  
strum singillatim practice & operatorie, qui  
amans particularis prodit sese circa quemq;  
nostrum in minutissimis necessitatibus, com-  
moditatibusq; nostris, tam naturæ quàm gratiæ,  
tam corporis, quàm animi, quàm fortune,  
& quidem per singula momenta vitæ nostræ,  
sine ulla cessatione. Quæ quidem Dei cha-  
ritas in nos, est plus quam excessiva, plus  
quàm per cogitationem & cognitionem cre-  
atam comprehensibilis. Est charitas secun-  
dissima, satagens, irrequieta, infatigabilis,  
incessabilis gratuita, nulla nostrâ vincibilis  
ingratitude, malitia, vilitate, morositate,  
sterilitate, nulla quoq; compensabilis nostrâ  
gratitude, aut merito, aut laude aut dile-  
ctione.

§ V. Item tenendum ita nos & omnes &  
singulos amari à Deo operative, ut præter  
hoc etiam quod ita singulos amet, ac si ali-  
um aliquem nisi unum solum amaret vel cu-  
raret neminem, amet insuper nos occupa-  
turq; circa nos ita sollicita ita plena, ita o-  
mni curâ, ac si sui ipsius omnino videatur  
oblitus, neq; ulla suarum rerum curâ tanga-  
tur: id unum, solumq; animo versans, & vir-  
tute agens, ut nobis bene, nobis abunde, no-  
bis delectabiliter, nobis securè, nobis beatè,  
nobis semper ubiq; in æternitatem ipsam,  
quantum ex ipso est, sit provisum atq; pro-  
spectum per omnia.

§ VI. Item tenendum amari nos à Deo  
non tantum ita, ut operetur propter nos, &  
circa nos, sed etiam ita, ut patiat humili-  
etur, vilificetur, exinanatur propter nos,  
circa nos, in nobis, deniq; (quod probrosissi-  
mum, dolentissimumq; nobis esse debet) eti-  
am à nobis. Nihil his est manifestius, ut  
proinde exaggerari non sit opus, sit tamen  
considerari quàm maxime opus. Quid enim

Deus non passus est in Incarnatione, vita,  
passione, morte? quid non patitur in San-  
ctissimo sacrificio Sacramentoq; altaris, & a-  
liis Sacramentis: quid non patitur in suis  
membris atq; corpore quod est Ecclesia, e-  
jusq; sancti? quid non patitur in suâ gratiâ,  
in suâ voluntate, præceptis, consiliis, meri-  
tis, donis, exemplis? Quid non patitur in  
sua præsentia, potentia, scientia, maiestate,  
dignitate, veritate, bonitate, charitate, mi-  
seratione, iustitiâ, patientia, longanimitate,  
liberalitate? Quid non patitur in suâ  
gloriâ, honore, cultu, reverentia, redama-  
tione, quæ ipsi debetur à nobis, sed minime  
exhibetur à nobis? Quid non patitur à  
nostra vilitate, malitia, ingratitude, steri-  
litate, malorum pro bonis retributione, stul-  
titiâ, morositate, inconstantiâ obstinatione,  
duritiâ, rebellione? Et ex his non discet  
homo pati & contemni & humiliari pro-  
pter Deum, non animabitur ad amandum  
Deum cum iactura sui? fatigabitur homo  
in redamando Deo: & terrebitur ab obse-  
quis ejus, tantillis incommodis, tantilla a-  
liorum censura ingratitude, vilitate, vili-  
pensione, malitia?

§ VII Item tenendum amari nos à Deo  
non ita solum ut per se ipsum suamq; sapi-  
entiam & potentiam operetur infinita bona  
propter bonum nostrum: verum etiam ita,  
ut & omnes creaturas suas servire nobis, o-  
perari pro nobis, existere & interire, propa-  
gari & exhauriri propter nos faciat. Et quia  
creaturæ istæ nihil possunt absq; ipso: quia  
inquam neq; esse, neq; vivere, neq; sentire,  
neq; operari, neq; moveri, neq; pati, neque  
cognoscere aut intelligere possunt quidquã  
etiam ad momentum absq; ipso Deo, idcirco  
Deus etiam nobis in creaturis & per cre-  
aturas servit, idcirco inquam & dat illis es-  
se, & in eis ipse est, dat illis vivere, & ipse  
in eis vivit. Dat illis operari, & ipse illis  
cooperatur, in illisq; operatur, dat illis mo-  
tum, & ipse eas movet, in eis immotus, dat  
illis cognitionem & directionem, & ipse eas  
dirigit: inq; suos fines agit.

Atq; hoc facit in creaturis istis non sibi,  
neq; ipsis creaturis, sed nobis hominibus  
tam omnibus quàm singulis, hac etiam viâ  
(mediantibus nempe creaturis) se se nobis  
dans & donans, & impendens nobis suam  
essentiam, præsentiam, potentiam, ad o-  
mnem absolutè necessitatem, voluptatem,  
usum, quicumq; cuiq; nostrum collibitus,  
vel idoneus, oportunusq; sit. § VIII.



§ VIII. Item tenendum amari nos à Deo ita, ut nobis communicet bona sua, perfectionesq; suas Divinas, non tantum eas circa bonum & obsequium nostrum occupando, uti supra vidimus: sed etiam nobis eas imprimendo, & consortium earum nobis tribuendo.

Itaq; Deus non tantum suam essentiam, circa nos occupat, sed etiam dat nobis esse. Non tantum ex bonitate sua facit nos bonos, non tantum charitate sua amat nos, sed etiam charitatem ipsam infundit nobis ut amemus ipsum, non tantum sanctas nobis leges & consilia sua inspirat, sed etiam nos sanctos facit. Non tantum sapientia nos regit, sed etiam sapientes nos reddit, deniq; (ut paucis dicam) facit nos justos, rectos, innocentes, immortales, potestate, autoritate, regimine præditos, & hæc omnia non tantum in nostrum proprium bonum & usum, sed ita etiam abunde, ut hæc omnia bona ejus in nobis deposita in alijs etiam derivare possimus. Amando illos, bene illis faciendo, peccata eorum condonando, prudentiam & sapientiam, & vitam rectam, innocentemq; docendo, sanctos faciendo, gubernando, monendo, à malo avocando, ad bonum manu ducendo, à periculis animæ corporisq; defendendo, orationibus, meritis, suffragiis, sacrificiisq; adjuvando, pro merito & dignitate cujusq; honore vel præmio afficiendo, juxta mensuram delicti cujusq; puniendo & corripiendo. Ista nam que omnia à Deo in nos derivantur tum in nostrum proprium, tum in aliorum bonum & usum.

§ IX. Deniq; tenendum amari nos à Deo, ita ut non solum per creaturas suas, inque creaturis suis nobis se communicet: non solum perfectiones attributa divitiarumq; suas in nos effundat, eorumq; participes nos faciat: sed insuper ita, ut sine mediantibus creatu-

ris seipsum, per semetipsum, substantive personaliterq; nobis communicet, largiatur, donet, habendum, possidendum, fruendum. Ita in Incarnatione Deus Verbum, in personâ sua se nobis dedit: datusq; à Patre est, quia sic *Deus dilexit mundum*. Ita Spiritus Sanctus personaliter descendit in Apostolos, universamq; Christi Ecclesiam, ut maneat nobiscum in æternum, docens nos omnem veritatem &c. Ita in sacrosancto Altaris sacrificio atq; Sacramento Deum Hominem, verè realiter, substantialiterq; immolamus, manducamus, habemus, manibus tractamus, adoramus, præsentem colimus cernimusq; facturi hoc usq; ad consummationem sæculi. Ita *Leff: de sum: bono. l. 2. c. 1. n. 4. Or. 5.* in justificatione & sanctificatione nostra, quando in filios Dei per gratiâ sanctificantem reformamur: unitur nobis ipsa Divinitas per specialem naturæ Divinæ communicationem, & Spiritus Sancti inhabitationem, qui nobis unitur per gratiâ sanctificantem. Ita enim gratia hæc secum in nos trahit naturam Divinam, eamq; præsentem nobis facit & inhabitantem: ut etiam si ipsa non esset immensa, at ubiq; tamen eam nobis intimè præsentem sisteret. Atq; ita unio Dei quæ fit per gratiam in nobis, non est unio solum per affectum & amorem, sed est unio per naturæ communicationem, & spiritus inhabitationem, ut dixi: Ita deniq; in beatitudine cœlesti quam speramus, immediatè unietur Deus nobis; & nos Deo: videbimusq; illum, & possidebimus, & fruemur illo, sicuti est, & facie ad faciem, non sicut modo in ænigmate, & per speciem.

Ex horum consideratione, quæ sit, debeatq; esse Regula charitatis perfectorum erga Deum discere potes. Iam quomodo huic Regulæ, eadem charitas conformanda sit, plenius videndum est capite sequenti.





## CAPUT III.

## De conformatione charitatis perfectorum, ad charitatem Dei erga nos,

§ I.



Circum desideras quæ tuæ sint in amando Deo partes, qualis esse tua charitas in ipsum debeat? Talis quæ Divinam istam in te charitatē quam

maximè, si non assequatur, certè sequatur, si non adæquet, æquare certè optet cum omnimodo infatigabili, incessabili, insatiabilique adæquandi conatu. Hoc autem sit his fere modis seu passibus, atque gradibus, quibus nimirum amor in nos Dei processit & procedit assiduò.

1. In conspectu Dei perpetua præsentia ejus memoria & agnitione & æstimatione morando: quemadmodum ille nobis & in se ipso, & in omni creatura, & in ipsis nobis est intimissimè præsens.

2. Donando sive (quod verius dicitur) restituendo nos illi totos, omniaque nostra, quæcunque à Deo nobis indita sunt, eaque permittendo & consignando omni absolute usui & beneplacito ipsius, pro omni circumstantia, in qua ponere & habere nos nostraque omnia Deo collibitum fuerit, eo modo quo figulus habet potestatem lutī, vel omnipotēs Creator habet nihili, ex quo operetur quidquid libet.

3. Voluntatis ejus omnis omnino executioni impletionique nos per omnia perfecte addicendo, consecrando, desponsando, impendendo, ita ut extra voluntatem (non dico præter vel contra, hoc enim absit penitus ab genio perfectæ charitatis) vel ad momentum esse exosius, formidabiliusque sit apud nos, ipsa morte, ipso inferno, ipsa damnatione: insistere autem voluntati ejus, hoc omne cogitabile, & super omne cogitabile bonum, ita ut nullus motus noster in nobis & à nobis fiat unquam, sive per corpus, sive per animam, sive per naturam, sive per gratiam, qui non in Divinam à nobis amatam, & fieri intentam voluntatem resolvatur.

4. Studio nostro in Divinam gloriam tuendam, augendam, extollendam, superque extollendam omnibus atomis substantia: nostræ, omnibus motibus vitæ nostræ, omnibus momentis existentia: nostræ, ut impleatur à nobis Apostolicum illud omnibus quidem monitum, sed perfectis præceptum, *Sive erga manducatum, sive bibitum, sive aliud, quid facitis, omnia in gloriam Dei facite* 1. Cor. 10. 31. Et rursum. *Omne quodcumque facitis in verbo aut in opere, omnia in Nomine Domini IESU Christi, gratias agentes Deo & Patri per ipsum* Coloss. 3. 17. Ita enim fiet ut Divinum in nos amorem in omnibus creaturis perpetuò nostri causa laborantem, etiam nos amore nostro in Deum imitemur assimilemusque in omnibus rebus & operibus nostris Deum nobis nosque Deo præsentem agnoscendo, ex præsentia illius luce voluntatis ejus nutus omnes facilius, clarius intimius cognoscendo, & denique in omnibus & omnia propter Dei placitum honoremque agendo, totasque vires, intentiones, commotiones nostras ei devovendo & sacrificando.

Non debet enim esse sterilis & otiosa in nobis illa præsentia Divina nobiscum cognitio ac memoria: sed præterquam quod nos in amorem, æstimationem, reverentiam que præsentis Dei rapere, præterquam etiam quod nos illā cum Deo assidua conversatione, de ejus moribus, indole, ingenio, voluntatibus, gustibus, desideriis, placitisque erudire & instruere debeat: insuper etiam nos urgere debet ad exequendam omnem cognitionem ejus voluntatem, ad explendum contentandumque omnem cordis ejus gustum, ad procurandum promovendumque in omnibus occasionibus & actionibus, in omnibus locis & personis ejus honorem atque gloriam: esto ejus rei gratia nonnunquam ad tempus opus sit nos destitui illo præsentis Dei intuitu quandoquidem status noster in hac vita, illam jugem & interruptam Dei præsentia



præsentis inhaesionem sustinere non potest.

5. In omnibus & singulis actibus motibusque nostris maximè puram, defæcatam, sublimem, simplicem, uniformemque, intentionem habendo atque tenendo. Ita nimirum ut nihil creatum, nihil proprium, nihil temporale spectetur in actionibus nostris à nobis, sed solus unusque, Deus propter solum ipsumque, Deum, seu propter solius Dei bonum: quod non est aliud quam ejus beneplacitum seu voluntas, itemque ejus gloriæ quam maximamque exaltatio, denique ei placuisse nos quam maximè, non quia id nobis bonum, sed quia Deus ita vult, & dignus est.

Quod perfectis accuratè notandum est, ne in suis intentionibus earumve puritate ac nuditate & altitudine decipiantur. Evenire enim ijs potest, ut cum putant se altissimam & purissimam intentionem in Deum direxisse defixisseque, interim illi revera in se ipsis in suo bono proprio quatenus proprium est hæreant, se & sua quærant, & in quærendo quam defæcatissime (ut quod ipsis videtur) Deo, ejusve placito aut honore, suum denique proprium bonum quærant: & non amore amicitie qui bonum amati amici intuetur, sed amore concupiscentie qui quæ sua sunt quærit, gubernentur. Quomodo accidere potest vel in hoc ipso præsentis passu, cum quis hæc de perfectione charitatis & altitudine puritateque intentionis legens aut considerans accendatur ejus exercendæ studio, eamque re ipsa exercere incipiat: insinuante se interim intuitu & respectu privati propriique commodi in hac intentionis sublimitate atque puritate, siti, obtinendi & assequendi, quod si fiat, manifestum est amari & exerceri intentionem puram non purè, sed ad cupiditatem proprii boni inclinatè.

Quare hic lynceis oculis opus est charitati perfectorum, ut solum Deum ament propter solum Deum, solum Deum intendant omnimodè defæcata sublimataque intentione, seu ei ipsi precandi obsequendi, exaltandi, studio, propter id ipsum studium, vel magis propter ipsum Deum, quia id ei gratum acceptum honorificum: quidquid sit de nostro hinc commodo, merito, profectu, augmento sive gratiæ, sive gloriæ: quod sequitur quidem omnino, sed intenditur desideraturque, minimè, ab operante.

6 Per hanc viam & artem depuranda intentionis ab omni proprio creatoque, interesse & bono, venit perfectus vir ejusque, cha-

ritas perfecta ad illam perditionem annihilationem, oblivionemque, sui: per quam omni amori, voluntati libertati, proprietati, respectui, curæ, intuitui honori, famæ, conversioni ad se, quæstioni sui funditus emoritur, seseque, perdit & sibi perit perditione sanè felicissimam, & non nisi per inventionem sui in Deo recompensanda. De qua illud est Augustini dictum, imò votum: *Oh amare, ô ire, ô sibi perire, ô ad Deum pervenire.* Ser. 17. de Verbis Apostoli. De eadem etiam intelligendum est illud Domini. *Qui amat animam suam perdit eam: & qui odit animam suam in hoc mundo, in vitam æternam custodit eam.* Ioann. 12. 25.

7. Per eandem purificatæ & sublimis Intentionis viam pertingit charitas perfectorum ad illud unum, quod solum necessarium esse, quodque optimam partem dixit Salvator noster. Per eam siquidem intentionem minoratur actu homo. & in paucis, imò in uno tantum, sunt actus ejus: cum enim unum tantum Deum, unum ejus beneplacitum, unam ejus gloriam, uni illi placere propter unum illum solum intendat & contendat: omnis illi varietas, multiplicitas, differentia repugnantia evanescit, & ab illo uno absorpta perit. Perit inquam, quia extra Deum unum, prorsus non attenditur: in Deo autem talis nullo modo est sed longè alio perfectiori modo: nempe id ipse Deus, in cujus simplicitate simplicissimaque, Entitate omnia unum sunt, omnia ipse Deus sunt, omnia ab eo, & in eo finem unum habent, cui intentio inhærens prædicta, nihil invenit quoad pluralitatem, varietatem, rerum actuum, finium advertat, eamve occupetur, multoque, minùs sollicitetur ac turbetur: sed quidquid demum fiat extra Deum, quomodocumque res accidat, qualitercumque consilia sua vel aliena, conatus sui vel alieni procedant, quibuscumque finibus & exitibus terminentur: id prædicta intentione sublevatus, perinde habet: quoniam unum Deum, ejusque placitum & honorè intuetur. nihil accidit præter hanc mentem atque intentionem: cum ea sit altior omnibus aliis eventibus, unde ad eum nihil pertingit, atque ita intendens, suam intentionem semper potitur, nunquam frustratur, semper fruitur, id est; semper Deo placet, semper id quod placitum & honorificum est Deo tenet. Unde illius vox illa propria est. *Sicut Domino placuit, ita factum est, sit Nomen Domini benedictum.* Iob. 1. 21. Eadem & illa: *Ita Pater, quoniam* sic



sic placitum est ante te. Ad eum modum quo montium vertices secundum Regionem aeris transcendentes, à nubibus, à ventis, a turbinibus, a fulminibus, tempestatibusq; immunes sunt.

8. Per eandem tentationis puræ & sublimis methodum compendiosam Charitas Perfectorum facit eos agere, curare, perpeti, ordinare, providere multa & varia, sed non propter multa, neq; propter varia, sed tantum modo propter unum, in quod solum intentione fixi sunt, & a quo intuendo intendendoq; dimoveri partim non possunt, Deo illos detinente, & omnium per quæ amoveri avocarive possent, explente & evincente. partim nolunt, ut qui dicant ex animo & ex lumine. Domine bonum est nobis hic esse, & sic cum Magdalana. Vnum necessarium habet, optimamq; partem eligunt, quæ non auferetur ab eis, nisi se ipsi prius auferant ab ea, deserantq; unum, quod utiq; a charitate perfecta est alienum.

Atq; hæc est illa charitas, hic est ille fons charitatis securè dicentis. Quis nos separabit à charitate Christi. tribulatio non angustat à morte &c. Certus sum quia neq; mors neq; vitæ neq; Angeli neq; alia creatura poterit nos separare à charitate Dei, quæ est in Christo IESU. Rom. 3. 35. Et certè impossibile est, ut eos a charitate separet aliqua, vel omnis creatura, quandoquidem talibus, eo ipso, quod sibi ipsis perierunt, statim etiam necessario perit omnis omnino creatura, non aliter, quam ijs, qui morte corporali moriuntur, omnia quoq; simul emoriuntur: atq; adeo non sunt: quod si non sunt, quid mirum & quid dubium est, quod separare à charitate non possunt? Agunt ergo, uti dixi, perfecti in charitate, patiunturq; & curant multa;

sed non propter multa, & quia non propter multa, sed propter unum tantum, idcirco charitati semper uniformes sunt, semper apud unum, semper in uno, semper cum uno, semper ad unum, & propter unum: denique semper unum. Sunt in suo centro, in suo regno, in suo & sui dominio, in pacis domicilio, in Filiorum Dei libertate, in altiore omnibus creatis eventibus potestatibusque statu.

Et per hoc, perq; supra dicta omnia assimulant charitatem suam in Deum, Regulæ suæ, quæ est, Charitas Deus, erga ipsos. Amant enim Deum & ipsi ita: ut operentur propter ipsum, & operentur liberaliter, operentur semper & ubiq; operentur effusè prodigè, operentur gratuite sine intuitu mercedis ullius propriæ, sine ullo ad se se respectu suive memoria, operentur infatigabiliter, incessabiliter, imperturbatè, operentur totaliter nihil sui sibi retinendo, quod non Deo, & pro Deo effundant profundantq; operentur cum omnium profusorum, inque charitatis sumptum impensorum, quasi nihilum impensum foret, despectione ac vilipensione: operentur cum obligationis omnimodæ ad operandum perpetiendumvè eos obligantis integritate, seu integritatis remanentis, imò & insuper augescentis cognitione atq; confessione. Iuxta mentem Domini dicentis; Cum omnia feceritis, quæ præcepta sunt vobis: dicite, servi inutiles sumus, quod debuimus facere fecimus. & faciendo, nova apud gratiam tuam, sine qua nihil possumus debita contraximus. Ideo Non nobis Domine, non nobis, sed nomini tuo da gloriam. Psal. 113. 1. Tibi enim Domine, tibi gloria, & exaltatio: nobis autem nihil, nisi nihil, & confusio faciei nostræ. Dan: 9. 7.





## CAPVT IV.

De avara &amp; insatiabili infatigabiliq; fame &amp; studio perfectionis.

**I**N illis Domini verbis, *Beati qui esuriunt & sitiunt iustitiam, quoniam ipsi saturabuntur.* Matth. 5. 6. Sicut non aliud per iustitiam quam sanctitatem, perfectionem, charitatemq; Evangelicam vult intelligi Dominus ita etiam per famem & sitim non aliud significat, quam indefessum infinitumque studium & desiderium ejusdem Evangelicæ charitatis & perfectionis, quod unumquemq; nostrum flagrare in ejus adeptione vult, neq; prius ejus flagrationis quam vitæ finem facere. Vitæ enim sine suscepto, tum demum saturitas & satietas iustitiæ nobis dabitur: tanto abundantior, quanto fames & sitis præcesserit ardentior. Hic saturitatem nemo sibi polliceri potest, quia famem ac sitim semper perpeti, imò & importare hic sibi debet, famescat ergo & magis magisque semper famescat quamdiu vivit, ut post vitam saturari possit. Sic enim alio loco Dominus asserit dicens. *Quam mensuram mensueritis desiderium, famem, sitim, studiumque comparandæ perfectionis, eadem mensuram exsurationis remerietur vobis:* Luc. 6. 39. imò non eadem omnino sed longè majori: *Nam mensuram bonam, confertam, & coarctatam, & superfluentem dabunt in sinus vestros.* Luc. 6. 38. Quo circa quanto majorem quis sibi optat mensuram saturationis & superfluentiæ in futurâ vitâ, tanto quoq; majorem necesse est ut famis sitisq; mensuram habeat in præsentî vitâ.

§ II. Caritatis veræ ac speciatim perfectæ hæc est indoles quod cum satietate semper famem adducat sui in animam possidentis. Est enim charitas perfecta ex ejus bonis quorum possessio & præsentia atq; fruitio, non tedium & nauseam gravedinemq; patit, sed potius desiderium excitat famemq;

exacuit, & appetitum ipsa saturitio subleuat ac dilatat, ut amplioris ejus abundantia magis ac magis capax fiat. Sicut ignis ejus est natura, ut quo plura edacitati ejus tomenta aggesceris, eò magis efficiatur edax atq; verax majoris atq; majoris alimenti. Notum autem est quod charitas Deus sit. Deus autem cum sit ignis consumens, relinquitur ut etiam charitas ignis consumens, & consumendo magis magisque augescens sit. Ex hoc ergo quisq; perfectus metiatur perfectionem & charitatem suam: si in dies horas & momenta sentit in se se succrescere perfectionis & charitatis cupidissimam, famem, sive famelicissimam cupiditatem.

§ III. Charitas præsertim perfecta, sive, quod idem est perfectio est vita sive anima perfectorum. Sicut ergo anima & vita consistit in perpetuo motu & actu, adeo quidē ut idem sit motionis qui & vitæ finis: idemque vitæ quod & motionis sive actionis incrementum & fomentum, ita quoq; charitatis perfectio nullo modo stare potest absq; perpetuo quodam sui ad ulteriora motu atq; progressu. Estq; omninò imperceptibile charitatem esse non tamen moveri & tendere ad ulteriora scilicet, & ad altiora sive perfectiora. Et ratio evidens, necessariaq; est: Cum enim charitas in Deum feratur fruendum, possidendum, complectendum: Deus autem infinite per omnem modum acquiri possideri in fruitionem venire & complexū possit, inde est, quod Charitas quantumcumq; de Deo acquirat, nunquam conquiescat, sed amplius in acquirendum, & possidendum, fruendumq; tendat, ut scilicet ex infinito bono quàm plurimum acquirat, & ditescat. Et quia nunquam se ad finem perventuram, sed semper, quo amplius & amplius tendere possit, habituram videt, indeo nunquam tendendi, nunquam famescendi finem facit. Si enim faceret, non illa ad consummatam satietatem perveniret, sed finem exitiumq; sui inveniret & incurreret.

B b b

§ IV.



§ IV. Charitas perfectorum huius temporis, est via seu cursus, seu verius volatus ad Deum. Charitas verò beatorum futurae æternitatis est status, terminus, & quies apud Deum. De priore dictum est. *Qui sperant in Domino, mutabunt fortitudinem, assumment pennas, ut aquilæ volabunt & non deficient* Isaia 40. 31. de posteriore autem dictum legitur, *sedebit populus meus in pulchritudine pacis, in tabernaculis fiducia, in requie opulentia* Isaia 31. 18. Igitur præsentis temporis charitatis officium est ire, currere, volare, non deficere, illius porro munus sedere, quiescere, securè agere, perennare. Qui in hoc tempore charitatem sibi quietam imaginatur, is tepiditatem sectari ac tenere se sciat. Tantum autem inter se distant à tepiditate charitas, quantum à morte vita, à testudinis reptatione volatus aquilæ disjungitur. Igitur vera & genuina charitas, semper mutat fortitudinem, semper novam acquirit alacritatem, semper servat & adauget in se novitatem, pulchritudinis, quotidianam imò assiduam innovatione fervoris.

§ V. Vita perfectorum huius temporis est bilanci simillima: cujus una pars seu lanx est humilitas, altera verò charitas. Sicut ergo in bilanco quâto inferius una lanx deprimitur, tantò altius altera attollitur: adeo ut si finis unius in descendendo non esset, etiam alterius in ascendendo esse non posset: & ubi una desinit deprimi, ibi altera etiam cessat attolli. Ita planè quâto profundius sese perfecti deijciunt. per humilitatem, tantò altius se se attollunt per charitatem, deijciunt se per humilitatem in suum nihilum, attollunt per charitatem in Deum, non possunt perfecti ita se in suum nihilum demergere ut profundius non possint: non possunt, ijdem ita se per charitatem in Deum attollere, ut altius non possint. Nunquam debent perfecti finem ponere dejectionis, sui in suum nihilum, quoniam in eo finis & terminus nullus est: Nunquam etiam debent ijdem finem statuere ascensus charitatis suæ in Deum, quia etiam in altitudine Divinæ essentia, perfectionis, bonitatis, amabilitatis, terminus & finis nullus est.

§ VI. Charitas perfectorum potissimum, ea est quâ solâ & Deus vult, & omnino etiâ ea solâ potest homo (& quælibet creatura rationalis) Divinæ & naturæ consors fieri, & perfectioni assimilari, & dignitati conformari, & beneficentiæ amorique regnari,

Cum autem Deus sit infinitus in prædictis suis bonis omnibus: si charitas nostra opus suum exequi & officium suum agere, & finem suum obtinere vult: necesse est eam semper & semper in se ipsa, in suo conatu, in suo ardore, in suâ perfectione amplius & amplius crescere & augescere, assurgere & attolli, ut ad infinitum illud Dei consortium, ad infinitam illam assimilandi, conformandi, ragratiandi, redamandi; seu capacitatem, seu obligationem, seu materiem, nunquam quidem ex æquo, attamen semper amplius, finitè tamen semper, atq; valde parum, imò nihil comparativè semper accedat & appropinquet, eo modo quo finitum infinito appropinquare potest. Sciat ergo, & certissimè sciat perfectus quisq; se in hoc de quo ad præsens loquimur respondendi infinito Deo munere, non tam substantia ipsâ charitatis, quam volatu, famelcentia, ardore, conatu, perpetuato profectu in charitate, id quod sui officii est facere & præstare posse: id si negligentius agat, non ille se charitate in Deum ferri, sed Deum ejus neglectu contemptuq; persequi, infestumque sibi reddere pro comperto & explorato habeat. Usq; adeo in charitate nostra, non tam ipsius substantia, quam ejus in fervendo proficiendoq; efflorescentia pretium habet & gratiam proinde verus & prudens perfectus, quanta sollicitudinis studet vivere in charitate, tantâ & millies insuper amplius tantâ, studeat semper, & semper magis & magis in germanâ charitate Dei proficere. Proficiet autem si semper omnem Dei voluntatem faciet, semper Dei gloriam propagare omnibus viribus contendet, si in omnibus Deo placere propter ipsummet Deum cupiet, & nunquam ulla spe illectus, ullo metu absteritus, & ulla fatigatione fractus deficiet.

§ VII. Charitas perfectorum ipsa est labor ac meritum, ipsa quoq; sui merces atque præmium. Non enim ad præmium charitas diligit Deum: sed amat quia amet, & amat ut amet, quò posito manifestè sequitur charitatem deficere nunquam debere, nunquam etiam posse, si revera charitas, si inquam perfecta charitas est. Si enim ipsa est præmium sibi & merces: & nemo præmio mercedeq; fatigatur: sequitur quod charitas amando non modo nunquam fatigari possit, sed potiùs ad incrementum sui tanquam ad majus præmium mercedemq; suâ assurgat.



assurgere & convalescere debeat. Alioqui si in proficiendo cesset, opus est ut se mercede premioq; privet, quod mori & naturæ rupugnat: consequenter contra naturam & ingenium charitatis perfectæ est. Semper ergo charitatis progressus curadi sunt, semper ipsa suis fructibus, suis præmijs pascenda & nutrienda, ut charitas, ut suavitas, ut felicitas esse possit, tam ipsa sibi, quam ei in quo domicilium fixit. Advertendum vero est vel paucis; quod charitas tepidorum, atq; proficere negligentium in ipsa, non tantum non sit ipsa sibi merces & præmium: verum potius ipsa est sibi & animæ poena atq; supplicium.

§ VIII. Charitas non ideo solum crescere perfectis debet, quod ipsa sit præmium, tanto quidem majus quanto & ipsa est in se major: sed etiam ideo quia in cælesti beatitudine assequitur accipitq; à Deo præmium majus: id est charitatem beatificam, frui-tionemq; ac possessionem Dei majorem ac uberio-rem. Quanto ergo perfecti optant sibi majorem mercedem prædictam in cælo, tanto hic curare satagant charitatem in viâ majorem ardentio-rem, perfectio-rem. Quanto enim ardentius hic diligimus, tanto ibi serenius videbimus Deum.

Caveat tamen perfectus quisq; notatum antea hoc etiam loco scopulum, scilicet, ne ad præmium, quasi suum, sibiq; bonum diligendum sibi ardentius statuatur Deum, id enim non charitatis, sed spei erit opus. Sed ita augendi in cælo præmii causa velit, hic semper suam charitatem augeri, ut acta charitate beatificâ (quæ est præmium cæleste) augeatur facultas summè exaltandi Deum, atq; perfectissimè & consummatissimè diligendi. Nam nec Deus potest à creatura magis exaltari amariq; neq; creatura potest Deum magis amare & exaltare quam benefica charitate quæ quanto est in Beato aliquo major, tanto etiam est Dei exaltatio & dilectio major; ut ergo in hac crescant perfecti, velint crescere in viâ charitate & esse quam maximè contenti ditati atq; consummati.

§ IX. Deus charitas, & charitas Deus est. Sic enim disertè ait Ioannes. *Deus charitas est, & qui manet in charitate in Deo manet & Deus in eo.* 1. Ioan. 3. 8. & Ib. v. 16. Non est autem dubium, quod quisquis diligit Deum & æstimat, is desiderat quam plurimum Dei habere in se manentis: quid enim felicius quam Deo plenum & plenissimum, divitem & divinissimum existere? ergo cum Deus Charitas sit, & qui manet in charitate in hoc maneat Deus, sequitur quod quam maximam oporteat non quærere charitatem, ut quam maximam cum eâ possideamus Dei plenitudinem atq; affluentiam. Quo circa tribus argumentis verba prædicta Ioannis Apostoli urgent nos ad studium indefessum absolutissimæ charitatis, perpetuumq; in ea crescendi, dum hic vivimus conatum. 1. *Quia Deus charitas est:* ut ergo quam plurimum de Deo habeamus, plurimum etiam de charitate habere velimus, 2. *Quia qui manet in charitate, in Deo manet.* ut ergo quam abditissimè & penitissimè, & securissimè, & amplissimè, & quam amplissimo propriissimoq; jure in Deo habitemus, atq; maneamus: in charitate etiam quam lautissimè, ditissimè, intimissimè, ut prorsus in visceribus, prorsus in altitudine, latitudine, profunditate charitatis habitemus, atq; regnemus, & hæreditemus. 3. *Quia qui manet in charitate, in eo quoq; Deus manet.* ergo ut totus quantusquantus semper in tempore & æternitate maneat in nobis Deus, laboremus, satagamusq; & nos, toti quantiquanti sumus manere, & habitare in omni plenitudine charitatis. Hæc est autem Charitas esse secundum Cor Dei, & facere omnes voluntates eius. Act. 13. 22. Omnes inquam, ita ut & faciamus quidquid Deus vult: & quomodo ille fieri à nobis vult, & quia ille fieri vult. Hoc est enim esse secundum Cor Dei: hoc etiam est esse perfectum in charitate Dei.

Hæc considerata ducant te ad infatigabile studium, exercitiumq; consummatæ charitatis Dei, quæ est finis, & finalis perfectio perfectorum Dei servorum.





## CAPUT V.

De Materia & obiecto perfectionis, sive,  
de ijs rebus in quibus charitatem suam  
perfecti exercere debent.



§ I

Quoniam perfectio est  
charitas: charitas ve-  
ro est, facere quod  
vult, quomodo vult, A  
& quia vult Deus, ut  
honoretur & exalte-  
tur ille solus super omnia, sequitur quod  
materia & obiectum perfectionis sit volun-  
tas Dei primò quidem materialiter tum eti-  
am formaliter sumpta: hoc est, tam res quas  
Deus vult, quam ipsa voluntas & volitio quā  
illas vult. Sicut enim non potest Deus velle,  
nisi aliquid velit: ita etiam non potest  
voluntas Dei fieri, nisi illud aliquid fiat  
quod Deus voluit. Rursum autem potest  
ab aliquo fieri id quod revera Deus vult fie-  
ri, non tamen ideo quia Deus vult fieri, neq;  
ut ejus voluntas id faciendo impleatur, sed  
propter aliquas alias causas: & tunc non fi-  
et verè Dei voluntas, à faciente, sed fiet pro-  
pria, vel alicujus alterius creaturæ, fiet qui-  
dem materialiter non autem formaliter.  
Quamobrè ad hoc ut completè voluntas Di-  
vina per charitatem fiat, necesse est omnino  
ut & fiat quod vult Deus, & fiat ideo quia  
vult Deus, & fiat eo modo per omnia quo  
vult fieri Deus: Hac enim ratione fient o-  
mnes volūtates Dei: & impletur illud quod  
de seipso Christus Dominus noster fatetur.  
*Sicut mandatum dedit mihi Pater, sic facio.*

§ II. Sciendum Divinam voluntatem di-  
versimodam esse: seu, Deum variè posse ac  
solere etiam aliqua velle. Quædam enim  
vult præceptive seu sub præcepto, eoq;  
positivo: ut cum jubet aliquid fieri: honora  
Patrem tuum: Diem Sabbati sanctifices. vel  
negativo ut cum aliquid prohibet fieri: Non  
facies tibi sculptile. Non assumes nomē Dei  
tui in vanū. Quædam Deus vult consultive  
tantum, quando scilicet aliquid fieri quidē  
vult, non tamen simpliciter præcipit ut fiat

sed solummodo suadet fieri. v. g. Si vis per-  
fectus esse, vade, vende omnia quæ habes, &  
da pauperibus, & veni sequere me, & habe-  
bis thesaurum in cælo. Quædam Deus ne  
consultit quidem, amat tamen fieri & pro-  
bat, quomodo voluit fieri, quia & probavit  
factum Phineis interficientis scortatores. Et  
levitarum, quibus dictum est. *Consecrasti  
manus vestras.* Et abstinentioniam à vino  
Rechabitarum propter obedientiam præ-  
ceptumq; datum eis, non à Deo, sed so-  
lum a Patre suo. Et factum Magdalene  
fracto alabastro effundentis unguentum  
super caput Domini. Primi generis vo-  
luntatem Dei exequi bonum & necessarium  
est, intervenit enim obligatio peccati. Se-  
cundi generis voluntatem Dei facere meli-  
us est, transcendit enim obligationem om-  
nem, & posset absq; peccato non fieri. Ter-  
tij generis voluntatem adimplere, perfecta  
charitatis est: Omnia hæc genera volunta-  
tum Dei complexus est Apostolus, quando  
dixit. *Probetis quæ sit voluntas Dei bona, & be-  
neplacens, & perfecta.*

§ III. Item sciendum hanc modo dictam  
triplicem Dei voluntatem: aliquando pro-  
poni nobis ab ipso met Deo per se se aut An-  
gelos, aliquando autem per homines, præser-  
tim potestatem a Deo habentes, ad imperā-  
dum nobis. unde triplex obediendi modus  
hominibus propter Deum confurgit: quem  
S. Patris Nostri verbis libet explicare, ait i-  
gitur ille. *Triplex est obediendi modus. Unus  
cum ex virtute obedientie iubeor: & bonus est,  
Alter, cum proponitur solum ut id vel illud faci-  
am, cum ita parata est, ad obtemperandum vo-  
luntas, ut non expectet præceptum, isq; est meli-  
or. Postremus, cum quid officio ex aliquo tan-  
tum signo cognita voluntate præsidet, quamvis  
nec iubeat, nec proponat; isq; est longè optimus.  
Nempe qui obediendi alacritate nec imperij sum-  
mi necessitatem, nec mandati denuntiationem  
expe-*



expectat. Atq; sic obedire hominibus propter Deum, & tanquam revera voluntas Dei immediate proposita foret, officium est perfectæ charitatis. Non attendendo qualitates personarum quibus obeditur: sintne nimirum personæ magnæ vel minoris, vel minimæ authoritatis, potestatis, alteriusve qualitatis, modò a Deo potestatem habeant, & in eis Dei auctoritas collocata resideat, Deusque agnoscat. Imò verò in talibus circumstantiis, a verâ charitate, atq; perfectione, Deo in minimis personis elucens libentius obeditur, quam in supremis. Deus enim qui ubiq; idè est, maiore charitatis vivacitate, in abiectione, quàm in altiore persona & agnoscitur & colitur, & diligitur.

§ IV. Sciendum præterea voluntatem Dei, cui exequenda charitas perfecta inhiat triplicem adhuc inveniri. Una est exterior Altera interior. Tertia intima seu substantialis. Exterior voluntas Dei est, dum illa & tunc, quando Deus seu dictamen practicum creaturæ rationali (*Fac hoc*) manifestat per signa exteriora, sensibiliaq; puta, per vocem, per legem scriptam vocalemve, & per Superiorem legitimum, per regulas præscriptas, & signum campanulæ aut simile per usum, per rationem, per consilia prudentum, per conscientia dictamen, ductum, morsum, exigendo per talia signa ut fiat aliquid, ut ita fiat; & ab his externis signis vocatur exterior, quasi exteriori manifestatione sese prodens. Interior seu interna Dei voluntas est eadem quæ prior, sed non externis verum internis & minimè sensibilibus signis a Deo intimata creaturæ rationali, & dicente illi ad aurem cordis practicum item illud (*Hoc fac, vel volo hoc facias*) Tripliciter porro ista interna intimatio fit a Deo primo per illuminationem intellectus, & vocatur illuminatio, inspiratio: secundò per motionem & accensionem impulsuq; voluntatis, & dicitur affectio, Motio: tertio per delectationem & affectionem voluntatis etiam ad rem aliquam sibi scilicet Deo placitam, cum scilicet Deus homini immitit gustum alicujus rei, ita ut ea delectetur, & delectatione illa ad ejus executionem adducatur; hæc vocatur delectatio victrix (& gratia delectans) quia scilicet suaviter evincit voluntatem creatam, ut superatis omnibus seu moris, seu obstaculis efficaciter velit faciatq; quod Deus vult, & ad quod delectatione illa gustuq; internoq; trahitur. Tra-

hit enim sua quemq; voluptas, & hic est efficacissimus Divinæ voluntatis modus quo nostram ad omnia quæ vult adducit, captivatque liberrimè liberalissimè voluntatem.

Et hæc voluntas datur interna seu interior, tum quia interno & intimo quodam modo insinuat homini, (& ita quidem insinuat, ut certò cognoscat neque dubitare possit Deum esse qui intimat ac impellit) tum quia internum & intimum suum gustum Deos homini ejusq; menti communicat occultè ac sine arbitris strepituq; externo, gustum inquam quem ipse habet de aliqua re faciendâ, eoq; gustu communicato creaturæ eam pellicit, imò rapit ad faciendum, ad obediendum, ad post se eundum, ad recedendum à creaturis, a suis voluptatibus, voluntatibusque.

Intima & substantialis, siue potius Essentialis Dei voluntas est ipsemet Deus, quatenus est actus tendens in bonum illudq; appetens sibi & propter se: & non est aliud bonum, nisi ipsemet Deus: sicut & actus non est alius, nec aliud nisi ipsemet Deus, & ita Deus se ipso actualiter in seipsum ut bonum suum tendens, in seseq; se continens est, vocaturque voluntas Dei essentialis, est Actus necessarius Dei: quoniam Deus necessariò amat se sibi & tendit in se ut bonum suum. Et hæc voluntas vocatur propriissimè ad intra sicuti illæ duæ priores vocantur ad extra: per illam enim Deus manet intra se: per istas verò prodit ad creaturas extra se, per illam necessariò, per istas libere, quod tunc fit: quando illa essentialis & ad intra voluntas tendentiaq; Dei in se propter se ipsum, incipit se derivare & communicare atq; manifestare extra ad creaturas & in creaturis, & creaturis, creando v. g. illas. Operando in eis, & cooperando illis, & practica dictamina intimando illis, ut ipsæ quoq; suis operationibus tendant in bonum, irracionales quidem non libere, rationales autem libere ac sponte, & quia ita placet Deo: quia ita inspirat, quia ita externa lege aut imperio rationis dictat.

Iuxta hanc triplicem Dei voluntatem, charitas trifariam tendit in Dei eandem voluntatem, eamq; perficit, illiq; inhaeret. Nempe: 1. conformando se, seu ut conformet se externæ, quàm a Deo præscriptam sibi novit Regulæ. 2. Conformando se, seu, ut conformet se interno Dei suoq; ex Deo, gustui ac sapor, quem in se sentit, & ex suo sensu



sensu in Deo agnoscit latere. 3. Confor-  
mando se, seu, ut conformet se ipsi Deo, &  
ejus illi Essentiali intimoq; actui tendendi  
in seipsum, propter seipsum. Volens Deo, id  
quod ipse vult sibi, nempe ipsum Deum, pro-  
pter ipsum Deum, ut sit Deus id quod est & qui  
est, id quod est, ex se, in se, sibi bonus, & bo-  
num, & omnia propter semetipsum.

§ V. Sciendum adhuc voluntatem Dei  
adhuc duplicem assignari. Una est volun-  
tas *Signi*, altera *Beneplaciti*. Voluntas *Signi*,  
coincidet cum voluntate externâ superius  
explicatâ. *Beneplaciti* quoq; coincidet cum  
voluntate internâ supra dictâ, licet sæpè cir-  
ca eadem sit in Deo voluntas *Signi* & *Bene-  
placiti*: quoties, nimirum actus internus Di-  
vinæ voluntatis quo aliquid creatum vult,  
indicatur à Deo (mediate vel immediate) si-  
gno aliquo ex his quinque: 1. *Præcepto*, quo  
Deus semper indicat absolutam suam volun-  
tatem præcipientem & obligantem creatu-  
ram, ut velit & quasi conetur aliquid face-  
re. Dico & quasi conetur: quia aliquando De-  
us præcipit fieri, quod tamen non vult sim-  
plicitè fieri, sed tantum simplici desiderio,  
& vult tantum conari creaturam ad facien-  
dum: & tale fuit præceptum datum Abraham  
de immolando filio Isaac. 2. *Prohibitione*,  
quâ præcipit Deus, seu suam voluntatem in-  
dicat negativam de aliquo obiecto ne fiat:  
obligatq; creaturam, & ne velit facere, &  
ne faciat, eò quod Deus prohibeat. 3. *Cõ-  
silio*, quò Deus indicat, vel affectum deside-  
rij sui simplicis circa id quod consulit: vel  
etiam iudicium suum decernens hoc vel il-  
lud melius esse. v. g. celibatum conjugio:  
paupertatem voluntariam propter Christum,  
divitijs licitè retentis. 4. *Permissione*: quâ  
Deus indicat solum suam voluntatem de nõ  
negando concursu generali ad id quod per-  
mittitur, deq; non impediendo ne fiat. 5.  
Operatione ipsa, & implementatione actuali: hæc  
non indicat Dei voluntatem quâ vult aliquid  
ficere, ad idq; concurrere, quin & de facto  
concurrit. Deus non per voluntatem omnia  
operatur: unde operatio ejus signum est e-  
videns voluntatis ejus quamvis non omnia  
eodem modo operatur, aliter enim ea quæ  
solus, aliter quæ cum creatura, & hæc rursus  
aliter quæ bona sunt, aliter quibus comes  
est malitia. De hac operativa seu operan-  
te quin & de permittente voluntate dixit  
Iob. Dominus dedit, Dominus abstulit. Iob 1, 21.  
& David: Obmutui & filii à bonis, quoniam tu

fecisti. Psal. 30. 10. Propter hæc quintupli-  
cia signa voluntatis Divinæ: eadem volun-  
tas in Scriptura plurali numero explicatur,  
ut cum dicitur David: *factus omnes volun-  
tates Dei*. Psal. 110. 2. & cum idem David  
dicit *Magna opera Domini exquisita in omnes  
voluntates eius*. Et *Notas fecit vias suas Moysi  
filiis Israel voluntates suas*. Psal. 102. 7.

Hæc omnes voluntates Dei Charitas  
perfecta adimplet cum omni perfectione &  
gustu: idq; sive exequendo illas, sive toleran-  
do & sufferendo ipsas. Itaq; charitas perfe-  
cta Divinis obtemperat imperiis per omnia,  
nihil admittit, nihil appetit prohibitorum,  
obsequitur vel parata est quantum in ipsa  
est obsequi consilijs: diligentissimè & liben-  
tissimè exercet, etiam in minimis objectis  
occasionibusq; virtutum actus, declinat ve-  
rò vel à levissimis noxis: si enim charitas e-  
tiam in tenuissimis rebus voluntatem Dei  
exactè non observaret, non tantum perfecta  
non esset, sed vix charitas esset. *Quare non  
debemus* (verba sunt S. Hieronymi in Epist.  
Iac: 2. 10) *aliqua præcepta Dei quasi vilia  
munuscula ac parva contemnere, sed imperantis  
in omnibus maiestatem aspicere*. Nullum quippe  
mandatum Dei contemptibile nobis videri potest,  
si eius semper cogitemus auctorem. Notandum  
est in S. Doctoris verbis. 1. Quod Dei præ-  
cepta munera & donaria vocet, revera enim  
Dona Dei sunt, ab eximio in nos ejus amore  
profecta: Unde illa gratiarum actoria vox.  
*Non fecit taliter omni nationi, & iudicia sua non  
manifestavit eis*. Et ibidem. *Notas fecit vias su-  
as Moysi: Filiis Israel voluntates suas*. Psal. 102  
v. 7. Notandum 2. id, quod Sanctus de  
præceptis: idem esse sentiendum de consili-  
js, de inspirationibus, motionibus, regulis,  
dictaminibus, luminibus rationis ac pruden-  
tiæ, etiam in rebus minimis: similiter in ob-  
servationibus, & consuetudinibus, praxi-  
busq; bonis omnibus aut privatis, in istis e-  
nim omnibus relucet Divina voluntas, quàm  
charitas perfecta est, tenerè amat, & fideliter  
libenterq; exequitur.

Quemadmodum etiam eadem charitas  
perfecta accommodat se se Divino benepla-  
cito in omnibus eventis acceptandis & sus-  
ficiendis modestè, humiliter, suaviter cum  
actione gratiarum. Sit cœli & aeris incle-  
mentia, sit corporis incommodum, sit steri-  
litas terræ, sit injuria famæ, sit eversio boni  
consilij, sit violenta aut fraudulenta oppres-  
sio, manifesta calumnia aut contumelia, o-  
dium



dium sine data causa, ingratitude & malum pro bono redditum. sit traditio & suggillatio infamiaq; defluens ab alicujus conjuncti nobis delicto & errore, sit maror & angustia, angor animi, sit inita & elusa spes, sit publica calamitas, sit mors charorum, sit adversantium prosperitas: sit deniq; quiscūque eventus, immisus, vel permissus, à Deo: pia, devota, perfectaq; charitas, nihil in his respicit causæ vel voluntatis, malitiæ, deceptionisve creatæ, sed omnia uni æternæ providentiæ, suavissimæq; ac justissimæ Dei voluntati adscribit, ad summum suum bonum omnia disposita esse non dubitans omnia exosculatur, pro omnibus grates & laudes persolvit, omnia licet asperrima sint, tanquam essent placidissima & secundissima in dubitatè agnoscit & amplectitur: ex omnibus ansam Deum magis magisq; diligendi, se se Deo syncerius ac fidelius submittendi, Christo patienti & Crucifixo semet plenius conformandi, accipit.

Hujusmodi Charitatem autem habeas vide, ut habeas, cura, ut exerceas ad labora: Intellige omnem alium perfectionis laborem esse valde sterilem, imò & vanum, si ad hanc

cum Divina voluntate in omnibus constantem conformitatem practicè & realiter assidueq; exercendam non assurrexerit. Quanto minus es hac in parte perfectus, exercitatus & assiduus tanto minus es, perfectioni veræ ac legitimæ propinquus, quanto magis hac in arte & praxi assiduus, practicus, consumatus, tanto perfectioni magis vicinus, immò tanto re ipsa magis perfectus. Quotquot igitur perfecti sumus, ita sapiamus, ut voluntatè Dei juxta voluntatem Dei, ad voluntatem Dei, propter voluntatem Dei, supra voluntatem Dei faciamus & exequamur in minimis æquè ac in maximis, à quocunque propositam, & ubicunq; elucescentem etiam ex sola conjectatione, ex solo congruo, etiam secluso debito aut obligatione, etiam sine respectu præmij omnis, etiam tantum ex purâ suppositione quod ex mente & placito Dei, quoddq; Deo gratum futurum sit, quasi ex merâ liberalitate in Deum, & gratis supra debitum, supra votum, supra spem, supra vires, in omne etiam possibile tempus in alteriusq; circumstantiæ & conditionis omne genus, ut Deus sit Deus, quia Deus est Deus.



## C A P V T VI.

### De Instrumentis charitatis perfectorum in sui exercitio & praxi.



**P**rimum instrumentum charitatis perfectorum seu perfectæ, quo illa utitur, seu illi utuntur in exercitio atq; praxi Perfectionis: est Divina præsentia amorosa æstivativaq; memoria jugis & quoad fieri potest continua, ita ut homo cogitet sibi Deū semper & ubiq; & in omnibus rebus præsentem seq; coram illo stare agere, versari, eumque amabili devotione, & devota reverentiâ prosequatur, teneatq; se in omnibus & agat: loquatur cogitet omnia dignè ipso, prout placeat ipsi, ut exaltetur in omnibus & per omnia & super omnia ipse.

Hæc præsentia Dei, si ve exercitium istud ejus: fundamentum est omnis perfectæ devotionis, & devotæ perfectionis: emanatque ex natura & fontibus perfectæ charitatis, si ve amicitia cum Deo. Manifestum enim est amicos veros, & ardentem se se mutuo amantes assidue secum esse, versari, colloqui vivere, cupere, studere, solere, de se se cogitare, de suis commodis, placitisq; & honoribus curam agere, & tunc contentari, quando in amici bonum aliquid possunt efficere. Idem igitur vera cum Deo amicitia præstare debet, & quanto verior est, tanto hac in re infatigabilior est.

§ II. Secundum Instrumentum perfectæ chari-



charitatis ad exercendam perfectionem est jugis & veluti continua cum Deo conversatio atq; ut sic loquar confabulatio. Manat hoc exercitium ex precedenti sicut ex suo fonte rivus, fieri enim non potest, (certè non debet) ut quis in Dei præsentia perenni positus per affectuosam memoriam, non etiam perpetuo Dei fruatur colloquio, alloquendo Deum, alloquentem audiendo ipsum: invocando ejus opem & gratiam, postulando beneficentiam, consulendo ejus Sapientiam expectando & excipiendo ejus largam providentiam, audiendo voluntatem, gustando ejus voluptatem, commendando ei propriam vel alienam communemq; necessitatem, efflagitando ab eo veniam, emendicando ejus misericordiam, admirando ejus maiestatem, exaltando dignitatem, stupefendo longanimitatem, patientiam, amando bonitatem & charitatem, extimescendo ejus Iustitiam, prædicando gloriam, gratulando consummatam omnium bonorum plenitudinem, laudando & glorificando ejus in Essentia unitatem, in Personis Trinitatem.

Porro dupliciter hæc cum Deo per orationem collocutio conversatioq; exerceri potest, uno modo per longos & productos congressus atq; contemperationes: alio modo per breves & veluti subitaneos valde tamè frequentes, eosq; ignitos, ardentes, amictatos ad Deum præsentem dilectumq; accursus, ejusdemq; complexus, effervescentes anhelitus & ardores, quos vulgari nomine orationes ejaculatorias appellamus. Uterq; hic modus perfectæ charitati usitatissimus & utilissimus est, neq; unus ab alio separari facile debet, sed quando longo cum Deo colloquio frui perhibet charitas, obedientia, necessitas, major utilitas, seu majus obsequium Dei: tum in supplementum vicemq; ejus advocetur illa brevis, sed frequens & ardens cordis in Deum ebullitio. Contra, quando hæc repetita, sed brevis ad Deum advolatio, famem Dei acuit & inibat, non autem explet, famem ista familiari illo, & longiori, per otiumq; usurpato exsaturetur sagineturque colloquio & consortio. Id quamdiu perfectis in naturam, in naturalem famem, praximeque non transit, non facile tamdiu perfecti esse censendi sunt. Magno enim perfectionis effectu & adjumeto indicioq; destituti sunt.

§ III. Tertium instrumentum perfectæ charitatis ad exercendam perfectionem est conscientie mentisq; serenitas, puritas, ac

nitor. Facit enim etiam hunc effectum præsentie Divinæ assidua memoria & dilectio, ut ab eius aspectu mens omnino diligentis reminiscens, purificetur ab omni labe, clarificetur autem omni luce, repleaturque omni decore: & reddatur perfecta in omni speciesitate & pulchritudine. Cum enim Deus sit originalis pulchritudo: impossibile est coram ea, & cum ea, & in ea, sæpè, vel

A assidue versari creaturam, quin per hoc ipsum pulchritudinem induat, tantò maiorem & intimiorem, quantò conversatio illa, congressusq; cum superessentiali pulchritudine erit frequentior, intimior, ardentior, quando contigisse legimus Moyse, qui ex consortio sermones Dei, Exodi 24. 29. & ex diuturno cum ipso congressu, non tantum in anima, verum etiam in ipso corpore, vultuq; suo inclaruit adeò, ut appareret, à promicantibus internæ lucis per corpus & vultum ejus radiis, facies ejus cornuta, nec possent filii Israel intendere mortalibus oculis in faciem ejus. 2. Cor. 3. 13. Serenatur ergo conscientia & mens perfectorum in charitate, quia qui tales sunt, & cum Deo sæpè sunt, non possunt & ipsi in se & multò magis Deus in ipsis insistere, & perpeti aliquid imperfectum, maculosum, displicens Deo, remordens animam: sed omnino ad exemplar illius ineffabilis pulchritudinis, quam intuentur assidue & cum qua versantur fabulanturq; perpetuò, se se componunt, & exornant omni genere virtutum, & earum exercitio perfectò, puta Fidei, Spei, Timoris casti, dilectionis, subjectionis, Religionis, devotionis, humilitatis & vilificationis propriæ, oblivionis sui, mansuetudinis, Iustitiæ, fortitudinis, zeli, resignationis, discretionis, orationis &c. Quare à vitiositate navisq; omnibus (iuxta istius vitæ statum) vacui, omnibus autem virtutibus, non tantum secundum habitus earum, verum etiam multò magis per actus strenuos & frequentes, in quotidianis & operibus, & desideriis suis nitentes: fruuntur pulchritudine pacis, & pacificæ pulchritudine, atq; serenitate cordis.

§ IV. Quartum instrumentum perfectæ charitatis, qua exercet ipsam perfectionem, est puritas, sublimitas intentionis: anima enim charitate perfecta repleta, intuens iugiter Deum, eumq; summum & ultimum bonum ac finem recognoscens, non potest in quidquam aliud intuitum suum, conatumque voluntatis suæ convertere ac defigere, nisi



nisi in unum solumq; Deum propter ipsummet Deū, quocūq; enim alio se converteret infinitē minus & vilius Deo id esse reperiret, & insuper id omne infinitē perfectius & absolutius in ipso uno soloq; Deo esse conspiceret. De hac puritate, sublimitate, intentionis, perfectæ charitatis iam supra satis dictum est Cap. 2. puncto 5. toto & sequentibus. Hoc loco nihil addere opus est: nisi ut intelligat perfectus exercitator perfectionis infatigabilem se esse debere circa huius intentionis sublimatæ perpetuam quoad fieri potest conservationem, utq; conservetur innovationem actualem. Quod non est difficile perennem Dei præsentis, & amari, æstimatq; memoriam habenti. Sed & de hac re satis, recurreret enim fortē adhuc inferius sermo de intentione, seu intentionibus perfectorum & exercitio usuq; earum.

§. V. Quintum instrumentum perfectæ charitatis, in usu exercitioq; perfectionis est fervens & liberale, omnia cum perfectione insigni & exacta operandi studium. Virtutis enim laus omnis in actione consistit, virtutis ergo perfectæ & absolutæ laus omnis & industria in actione perfecta, sive in agendo perfectē necessariō consistet. Quo circa cōsistere ista secum non possunt: Perfectio & virtus imperfecta, itemq; virtus perfecta cum operatione imperfecta convenire debet, propter quod virtus definitur dispositio perfecti ad optimum. Ergo perfectorum hominum, perfectæq; charitatis ipsorum proprietas, & officium est operari, non otiosi, operari verō non tantum bona, benē, imō optimē, hoc est perfectē, & insigniter quidem perfectē, animo strenuo, hilari, liberali, fervido: perfunctoriis actionibus minimē contento, sed liberaliter accurato, & accuratē liberali, & uti loquitur Christus: *Animo in Deum divite.* Luc. 12. 21. *pulchritudinisq;* (uti Spiritus S. ait.) *studium habente.* Eccl. 44. 6. Et quia vires animi nostri, quamvis à charitate perfectā absq; dubio multum dilatentur & confirmantur, nihilominus & per se se limitatæ sunt, & propter sarciniam huius corporis, vitæq; mortalis conditionem multò etiam magis restringuntur: juxta illud Domini. *Spiritus quidem promptus, caro autem infirma.* Matth. 26. 41. Et illud: *Terrena inhabitatio deprimit sensum multa cogitantem.* Sap. 9. 15. quo fit ut homo licet perfectus ad tam multa operanda cum insigni perfectione, ad quam

multa cuperet paratusq; esset, sufficere non possit. Ideo in ejus incommodi remedium contentus esse solet, ut pauca quædam (si conferuntur latitudini desideriorum suorum) nempe juxta status sui exigentiam operari contentus sit: sed ita perfectē, ita absolutē, ita exactē, ita ad Divinum placitum, dignitatem, gustumq; accommodatē, & quasi adæquatē, ut modo actionis, illa quomodo libet minuta, quomodolibet communia, & ad oculum creatum nihil eximium proferentia, modo inquam actionis illa sublimet, & æquivalentia, imō prævalentia multis, & multiplicatis operationibus non ita perfectē peractis reddat. Constat siquidem quod unum aliquod bonum opus, eximie tamen, factum, etiam apud Deum (imō maximē apud Deum, nam hominum oculi eō non pertingunt) præponderet in pretio & merito, in præmio, in gustu Dei, maximis, sed non maximē, perfectē, peractis bonis atq; operibus. Unde aliud tritum verumq; simul dictum: unus actus intensus pro mille remissis facit.

Quamobrem perfecta in charitate anima, ita perfectionem exercere studeat, ut non inhiat multis, parum autem perfectis, sed potius paucis, ips tamen impensē absolutis operationibus: Non etiam inhiat operibus super erogatoriis, quamdiu non plenē insueverit operibus præceptis, obligatoriisque perfectē & eximie peragendis. Hoc ubi apud se revera solidē obtinuerit, ut ordinaria & debita perfectē peragat: tum ad spontanea & supererogatoria, consimiliter, absque detrimento ordinariarum & obligantium operum, perfectē quoq; peragenda se se derivare poterit. Agnoscant ergo perfecti exercitatores perfectionis scopulum & errorem hunc: & sciant, in quo primum, in quo potissimum, & in quo posterius praxim suam conatumq; collocent. Uno verbo ut dicam, primum & primarium studium pretiumq; habeant perfectæ & elaboratæ operationis. Secundum autem & postremum operum multitudinis. Ne illis contingat audire si secus faxint: *Quis quæsit hæc de manibus vestris?* Isa. 1. 12. aut illud: *Hæc oportuit facere, & illa non omittere.* Matth. 23.

§. VI. Sextum instrumentum quo perfecta charitas in exercitio perfectionis utitur est oblivio, (ita Apostolus loquitur) seu parvi æstimatio omnium præteritorum suorum gestorum, & necdum in Dei gloriam,



in absolutionem virtutis peractorum bonorum. Libet hoc Apostolicis verbis explicare, ait ergo. *Frates ego me non arbitror comprehendisse. Unum autem quæ quidem retrò sunt obliuiscens, ad ea verò quæ sunt priora extendens meipsum, ad destinatum prosequor, ad bravum supernæ vocationis Dei in Christo IESU. Quicumque ergo perfecti sumus, hoc sentimus.* Phil 3. 13. Hæc ille. Quæ declarari possunt illo ejusdem Apostoli symbolo, nempe currentium in stadio; 1 Cor. 9. 24. & cursu pro palma decertantium, qui certè non re-  
A spectant quantum jam decurrerint, sed ejus totius obliuiscens ac nullam rationem habentes: in hoc tantum spatium quod adhuc ante se habent, & quod adhuc decurrendum est intendentes, totis viribus & pervenire, & prævenire contendunt.

His ergo similes esse convenit omnes ad perfectionis palmam coronamque eritentes. In quo eos mirifice juvabit jugis Divinæ præsentis contuitus. Cum enim Deus sit immensa & infinita quædam perfectio, & dignitas, & sanctitas: quisquis assidue defixis cordis sui oculis infinitudinem illam contuetur: necessariò omne suum quantumcunque perfectum, illi comparatum ne initium quidem nec atomum, nec nomine perfectionis, imò boni, dignum intuebitur: consequenter sic evanescentibus omnibus suis divitiis seu meritorum seu virtutum, seu perfectionum in maiestatis, & perfectionis Divinæ immensitate, obliuiscetur omnium, & quasi nihilum despiciet universa, ad nova autem, & ulterioris perfectionis meritoriaque ac divitiarum Dei lucra, novos per labores conatusque conquirenda stimulabitur & inflammabitur, atque id tantò magis tum sentiet tum faciet, quantò magis in Deum intuens, ei que sese familiaris & intimius comparans, evidentius se se, suaque omnia quantaquanta sint, nihil & nihil, & infinites nihil, infinitesque abjectum & imperfectum cognosceret.

Ad quod mirifice adjuvabit omnem perfectum exercitorem, illa Apostolica quoque cogitatio, & est huiusmodi. *Licet is, qui foris est, noster homo corrumpatur: tamen is, qui intus est, renovatur de die in diem. Idem quod in presenti est momentaneum, & leve tribulationis nostræ, supra modum in sublimitate eternæ gloriæ pondus operatur in nobis.* 2. Cor. 4. 16. Opera enim nostra comparata illi mercedi magnæ nimis, quæ alia non est quam ipse

immensus in beatitudine & beatificatione suorum Deus: impossibile est ut non extinguantur & vilescant apud possessorem suum: & consequenter animus ad plura ad nova, ad majora, ad insignius perfectoria conquirenda necessariò excitatur & exardescit. Idem facit immensum Dei super hominē effusorum & continuè emanantium, emanaturorumque beneficiorum infinitudo, quibus omnia hominis propter Dei placitum, & gloriam, & amorem gesta perpessavè impossibile est non obrui, & non extinguī ac proinde etiam necesse est hominem ad novos labores conatusque perfectionis, propter Deum amplius, ampliusque eorum recogitatione, & ineluctabili ex eis ad respondendum effluente obligatione atque provocatione adigi, ac planè compelli, exemplo illius in simili occasione secum deliberantis. *Quid retribuam Domino pro omnibus quæ retribuit mihi?* Psal. 115. 13. seu 3.

§ VII. Septimum instrumentum quo charitas perfecta in exercitio perfectionis utitur esse constantem, in omnibus supradictis, aliisque bonis perfectis perseverantiam, perseverantemque constantiam, usque in finem. Hæc enim si desit, frustra alia omnia præcesserunt. nam in vanum diu cucurrit, qui antequam ad metam finemque cursus pervenit, currere desit: Inde illa monita Divina: *In fine ne corrumpas. Et nemo coronabitur, nisi qui legitime certaverit.* Psal. 74. 1. maxime verò illegitimè certat, qui ante finem certaminis a certamine cessat. Victum se enim agnoscit, qui non finito certamine deficit. At enim in re nimis evidenti morari explicatione nil opus est. Sufficit dicere, verè semper Deum præsentem intuenti, obrepere non posse negligentiam, & ante finem finiendi studium, aut propositum. *Siquidem charitas nunquam excidit.* 1 Cor. 13. 8. excideret autem, si ante legitimum finem amare, amandique, operari cessaret.

His septem præcipuis singularibusque instrumentis perfecta charitas perfectionem operatur: in his ipsidem omnis perfectus sese exerceat. Ut enim volucris, si alas integras, & nihil oblatas habeat, cæteraque soluta, & tam à cavea, quam à vinculo expedita sit, liberrimè in sublimè evolat, & immensam illam aeris spatiositatem sine labore permittitur: Sic animus perfecti hominis hisce instrumentis veluti pennis instructus, & cætera ab omnibus impedimentis expeditus,

tus,



rus, omnem sanctæ perfectionis vastitatem. libero volatu, facilitateq; mira permeat: & usq; ad ipsum omnis perfectionis Patrem atque fontem, nec non largitorem & conservatorem, augmentatorem etiam, & coronatorem, sincera charitate aditu obtento, securissimè habitat, apud ipsumq; imò in i-

pso perennat. Agat itaq; perfectus quod sui muneris est, & jure charitatis, quæ nec repulsam apud Deum pati potest, nec in se ipsa languorem aut vetustatem cessationeque experiri solet, indefessus utatur, sine dubio amplexu & fructu desideratissimæ perfectionis ex Divino munere potiturus.



## C A P V T VII.

### De fructibus sive effectibus operibusque perfectæ charitatis.



§ I. **Q**uemadmodum alia est charitas incipientium & inchoata, alia proficientium, alia denique perfectorum, & (pro statu hujus vitæ) perfectæ. Prior ferè adhuc sterilis est, vivens tamen, & vitam ei cui inest tribuens secunda viget, viret, & floret, spem fructuum promittens necdum habens: postrema fructibus maturis onusta, grata, proficua. Bene potest comparari triplex ista charitas arboris fructifera & viventis, triplici statui, quorum unus est ille, quem hyeme habet, alter quem in vere: tertius quem in Æstate & Autumno obtinet; in primo enim vivit solum, sed nec viret, nec floret, in secundo viret, floret, & in fructus acerbos tandè cogitur, in tertio fructus ad maturitatem excoquit & producit, & offert.

§ II. Non est verò putandum charitatem inchoatam incipientium non omnino carere fructibus suis, quibus incipientes suos pro teneritudine sua utunque fovet & confirmat uti fere sunt, Dolor & Contritio de peccatis frequentior. Desiderium Deo pro ijs satisfaciendi quàm plenissimè. Timor reincidenti in peccata, circumspectior vita & occasionum fuga. Amor operum, penitentia corporalis inq; corpore tractando severitas. Tentationum impugnantium & metus & simul vincendi conatus. Impugnatio veterum pravorum habituum, A-

mor & fames lachrymarum contriti cordis. Desiderium & spes venia, cum recognitione indignitatis. Querela & maror de impotentium affectuum passionumq; infestatione.

§ III. Etiam proficientium charitas habet fructus suos, minus quidem prioribus illis acerbos, necdum tamen maturos & excoctos, sed veluti pene adhuc in floribus latentes. Uti ferè sunt: Desiderium omnium virtutum: Desiderium exercitij earum. Amor quàm celerrimi profectus: Venialium peccatorum crassiorum, & voluntariè deliberatèq; commissorum fuga. Fervor in agendo: Desiderium magni agendi, & etiam patiendi. Laboris in exercitio virtutum in sui victoria, in edomatione passionum, in rejectione tentationum, adhuc quodam cum horrore, animosa tamen aggressio, & tolerantio. Abnegatio voluntatum propriarum, vilificatio & contemptus mundanarum, vanitatum. Corporis etiam ab licitis solatilis repressio, sensuumq; frenatio. Tener in Christum passum amor, ejusque virtutum æmulatio, & consiliorum æstimatio. Conscientia subtilis teneritudo, metusq; peccati etiam ubi peccatum non est. Amor mortificationum externarum ob assimilationem Christi patientis, Orationis multæ studium, bonarum intentionum in operando exercitium. Cupiditas multorum & magnorum apud Deum meritorum. Spes magna de Remissis peccatis, calcatio vanæ gloriæ & complacentia propria.

§ IV. Charitatis perfectæ fructus, sunt  
Ccc 2 prio-



prioribus utiores longe suavioribus, sinceriores, durabiliores. Quanto nimirum charitas huius status est perfectior aliorumque præcedentium statuum charitate consummatio, tanto etiam ad gignendos fructus maximos, copiosissimos, perfectissimosque, appositior, & accommodatior, ita ut ista charitas merito vocetur Mater pulchræ dilectionis, & Mater honorificata, & lignum vitæ in medio paradisi, in corde nimirum animæ in virtutibus perfectæ, ideoque etiam Deo gratissima, & tanquam ad voluptatem Dei perpetuam abundanter instructissima. Quos fructus ista charitas sic assidue gignit, ut nunquam exhaustiatur siue ad novos novosque proferendos, siue ad eosdem amplius ampliusque perficiendos, & perpetui conatu exponendos: imò etiam foras ad multorum salutem solatiumque sine proprio detrimento derivandos communicandosque.

§ V. Primus fructus charitatis perfectæ est iugis iuncturaque ad Deum per mentem, intellectum, & voluntatem conversio: ut enim acus magnetica semper ad septentrionem respicit, ita charitas perfecta mentem ad Deum semper advertit. Neque verò in Deo quarendo laborat, aut longe à se egreditur: sed quemadmodum prædictus magnus ubique septentrionem invenit, ita mens charitate perfecta ubique Deum reperit, ubique sapientiam & veritatem & præsentiam ejus agnoscit, ubique bonitatem & perfectionem ejus experitur, ideoque diligit, ubique in eum, ejusque immensitatem absorbetur, & eo fruitur, ubique in eo est, eumque in se intimius quam ipsam se habet, ubique operantem in se, per se, pro se invenit, intuetur, possidet.

§ VI. Secundus charitatis perfectæ fructus est, desiderium studiumque unius solius Dei obtinendi, eidemque soli placendi. Charitas enim non potest esse sine Deo quem amat, & quia ille immensus infinitusque est in omni bono, adeo ut nunquam ita plenè haberi possit, quin adhuc plenius haberi idoneus sit: inde fit ut charitas & solum Deum desideret, & eum quocumque modo obtinere, nunquam satis sibi reputet, sed perpetuo plus & plus de illo habere, plus & plus eum sibi affici, plus & plus se illi placere, plus & plus eo ipso repleti anhelet. Maxime cum etiam charitas tanto magis capax efficiatur Dei, quanto plus repletur Deo: Deus enim ita replet habentem se: ut plus adhuc replere

eundem possit: consequenter replendo habentem dilatat: ut plus de se capere idoneus sit: idoneus per desideria, quæ sunt vera animæ magnitudo, quæ quia per Divinam præsentiam dilatantur, inde necesse est, ut etiam animæ capacitas ad augmentum plenitudinis seu repletionis Divinæ augeatur.

§ VII. Tertius fructus charitatis perfectæ est, non tantum omnium rerum creatarum, sed etiam sui met ipsius, id est hominis oblivio. Ut enim rivulus in mare illapsus: non ille quidem substantiam suam deperdit, attamen totus in maris vastitatem, & (ut sic loquar) maiestate transit. Sic homo vel anima charitate in Deum illata: manet illa quidam quod ex conditione creationis est, attamen à Divinæ, tum essentia, tum perfectionis immensitate, ita absorbetur, ut nec ullas creaturas, nec ipsam se esse sibi reputare possit. Est ergo, sed minima sui parte extra Deum est, tota autem mente, toto corde, totis viribus, totis affectibus, tota recordatione, tota intelligentia, tota voluntate, tota demum se, aut ampliorem melioremque sui portionem in Deo, imò & Deus est, juxta illud, *Deum diligis, Deus es.*

§ VIII. Quartus fructus perfectæ charitatis est, silentium tam cordis quam oris. Verus enim perfectusque amator Dei, nulli colloqui amat, nisi soli Deo, quodsi charitas proximi exigit de Deo, extra hanc causam rarissime, paucissime, circumspectissime, ponderate, & penè dicam scrupulose os aperit: secum, & cum Deo sicut habitat, ita & loquitur tantum. Cum enim qui non offendit in verbo, hic perfectus est vir. Iac. 3. 2. vice etiam versa, qui perfectus est vir, in verbo non offendit tam mentali, quam corporali. Ideo bene charitas perfecta comparari potest illi carboni seu calculo ignito, quod unus de Seraphim, de altari ante Deum sito, forcipibus sumpto, labia Prophetæ tetigit, & mandavit, *ne amplius vir pollutus labijs esset.* Isa: 6. Charitas quippe perfecta carbo est, coram Deo, & ex Deo ignescens Seraphicis cognata mentibus: linguam mentis & oris virtute sua ignita emundans, & per silentij amorem, cultumque ad iustitiam deducens.

Maximam quippe iustitiæ perfectorum partem animam possedit, quæ vitia infinita propemodum linguæ à se abiecit: non est autem commodior charitati ad hanc peccatorum hydram excindendam gladius, quam religio.



religiosus, & tenax silentij cultus, quod quia Magistra charitate perfecti probe cognoscunt, ideo tam menti quam ori suo silentij frenum iniiciunt, & verbis suis omnibus stateram atq; pondus statuunt. Quæ opera simul etiam fervorem ipsius charitatis, vigoremq; devotionis internæ lucri faciunt. Experientia namq; docti cognoscunt, quod quotiescunq; sese per loquelam effundunt, toties frigidiores se in spirituali devotione inveniunt.

§ IX. Quintus fructus charitatis perfectæ est disciplinata exterioris hominis per omnia compositio non efficta illa & affectata, naturæ & statui hominis minimè congruës ac proinde onerosa ridicula violenta: sed conaturalis, & ea omnino quæ decet Sanctos, quæ nota est omnibus hominibus atq; probata, & ad ædificationem, imitationem, commendationemq; eorum idonea. Cum enim charitas magistra per optima sit, tota illa exactissimis simulq; suavissimis suis legibus mentem & animam imbuat, omnibus ejsu potentiis, viribus, motionibusq; disciplinam & normam ponit: quam deinde per necessariam animæ ad corpus sympathiam ac dominationem, in corpus quoq; derivat, & universa ejus membra, omnes motus, gestusq; ad regulas legesq; in anima insitas ita componit & castigat, ut non tantum indisciplinatum offensivumq; nihil admittatur ab ulla parte corporis exterioris, sed etiam otiblum, aut à ratione imperatum, corporis,

eiulve partis, factu non facile sit invenire. & hoc quidem proinde extra omnium hominum oculos: quam & in conspectu quantæcunque multitudinis. Inde sit ut ad præsentiam perfecti hominis alii omnes ut plurimum sese componant, & nescio quomodo modestiam sibi ab illo morum & actionum indictam credant, & non solum ipsius exactos ad disciplinam, mores approbant: verum etiam illos in se se, facili quodam, & efficaci magisterio necessitati derivent. Inde est illa Divi Ambrosij vox: *Pretiosum est videre virum iustum, pleriq; enim, iusti aspectus admonitio correctionis est, perfectioribus vero letitia.* Nimirum iusti sanas aspectus, & ipsi oculorum radii virtutem quandam videntur infundere, in qui fideliter eum videre desiderant. Ambros. in Psal. 118. v. 74

¶ Hæc de fructibus charitatis Capiti sufficiant: alii fructus, aliis Capitibus venient considerandi: porro tam in his qui jam expositi sunt, quam qui deinceps exponuntur, perfectus homo considerando cognoscat, quibus in operibus perfectionem seu charitatem suam exercere, industriamq; perfectæ charitatis exercere, unde ejus soliditatem, suumque in perfectione progressum metiri valeat. Indubitatè namq; tantum de integritate perfectionis suæ, quantum de præsentia in se, tam excellentium fructuum charitatis, non mentiente, nec blandiente, sed ex veritate Divinæ lucis affirmante conscientia præsumere poterit.





## CAPUT VIII.

## De aliis fructibus sive effectibus perfectæ charitatis.



§ I.

Extus charitatis perfectæ fructus est, amor, studiū, bonus usus, conservatio ubique solitudinis. Anima perfectæ est similis illi Mulieri sole amicta, lunam sub pedibus habente, stellis coronatæ Apo. cal. 12. fecundæ atque parturienti, cujus proli masculæ nē draco nocere possit, dantur ei alæ, quibus sublevata evolat in solitudinem, ad locum paratam sibi à Deo, ut ibi pascatur per tempus & tempora.

Istæ alæ non aliæ quàm charitatis sunt, quarum una est fames Dei, altera Delectatio in Deo; hisce anima sublevata, avolat ab omnibus impediētibz, & remorantibus perpetuam apud Deum commorationem. jugemq; cum ipso conversationem, & trāsfert se in solitudinem omnis amoris, omnis curæ, omnis cogitationis, quantum status ejus oneraq; vitæ patiuntur, ut tota ad solū Deum conversa, totaq; illi immerfa, omni terrenarum strepitu silente curarum, lucis æternæ aspectui vacet, loquentem ad cor sapientiam audiat, lactantem se voluptatem, castissimi Dei spiritus, ad sobriam ebrietatē bibat. Sicq; in se se completum experiatur illud Divinum promissum. Ecce ego lactabo eam: & ducam eam in solitudinem: & loquar ad cor eius. Ose. 2. 14.

Charitas ergo perfectæ, & ab experimentali fruitione Dei in famem ejusdem acta: solitudinem creaturarum omnium valde appetit: & omnem ejus occasionem sedulo arripit: arreptam in fruendi Deo beatum laborem convertit: quod si quandoque ad obsequium aliorum propter Deum converti cogitur: solitudine tamen sua non tantum non egreditur, sed etiam illam secum, ubique circumducit, & inter medias seu hominum seu negotiorum turbas, in solitudinis suæ bono esse, Deo videlicet nihilominus perfrui conatur.

§ II. Septimus charitatis fructus est per-

fectio tam operationum, quàm operum. Charitas enim perfectæ, ut est familiarissima Deo in conversatione, ita etiam est simillima eidem in operatione. Dei autem perfectæ sunt opera: Deut. 32. 4. propterea & charitas talia sua esse magnā cum sedulitate curat. Neq; dedignatur Deus eius æmulationem: quinimō delectatur cum ea venire in certamen, & ineffabili dignatione exambit eam habere in operando (non absq; tamen Dei munere) superiorem, latente ipsamet veritate cum ait. Amen amen dico vobis qui credit in me (fide utique per dilectionem operante) opera que ego facio, & ipse faciet, & maiora horum faciet Ioan. 14. 12. Adeo scilicet Deus charitati indulget, ut ejus opera, suis propriis gaudeat, quodammodo esse illustriora, Charitate tamen interim suas fidelitatis partes minimē negligente: sed omnia in Deum, sicuti revera ejus omnia sunt, sincerissimē refundente: ac dicente. Omnia enim opera nostra operatus es nobis Domine Deus noster. Isa. 26. 12. Si ergo in charitate perfectæ aliqui nos esse, vel credimus, vel cupimus, tantam diligentiam in operibus nostris, quantum Deus ipse, adhibere laboremus. Curemus ut singula nostra opera quàm possumus optimē peragamus, ad normam virtutū Domini nostri IESV Christi, secundum omne desiderium triumphantis ac militantis Ecclesiæ, quasi tota salus nostra, quasi universa Dei gloria, quasi totius universi conservatio, ex unoquoq; nostro opere dependeat, quasi nunquam ad id opus reverfuri, quasi nullū aliud opus deinceps incepturi. D Thom. de mor. divin. in fine, seu n. 54. Nullam intentionis sublimitatē, nullam perfecti operis circumstantiam deferamus,

§ III. Octavus charitatis perfectæ fructus est immunitas à lapsibus venialibus etiam minimis voluntariis, gravis autem sensus, etsi non inquietans, defectum ex fragilitate obrepentium. Absurdissima enim res est, non dico in perfectæ, sed in qualicūque



que demum charitate Dei, offensa eiusdem spontanea & deliberata quis credat amari Patrem à filio, amicum ab amico, sponsam à sponsa, quem nolit quidem ferro aut veneno enecare, non omittat tamen qualibet occasione, alapis cadere, irridere, vilissimis quibusque advenis posthabere, vulneribus citra mortem tantum afficere.

Talis dilectio apud cordatos æquivaleret ipsi odio. Procul ergo à charitate tanta incivilitas ultronè incurrens in Deum, vera charitas ne obrepere sibi quidem vellet fragilitatis navos, & ab eis se se quotidiano amoris contritionisque ardore, nec non IESU Christi sanguinis, ac meritorum balneo, voluntaria quoque tum cordis tum carnis castigatione, ac demum multiplici compensantium perfectarum operationum favore coram Deo expedire nunquam negligit: ut quantum hæc vita patitur, quam sapissimè absque omni, quâ culpæ, quâ poenæ obligatione, inveniri ab ipsismet castissimis Dei oculis possit.

§ IV. Nonus charitatis perfectæ fructus est cogitationum & cordis non tantum mundities, sed etiam sublimitas atque in æternas rationes intuitus. Est enim charitas perfecta ortum ducens de semine Regio atque Divino, ideo pares generi suo spiritus & animos fovet: non dignatur per terrena humilia, abiectionemque serpere, sed assiduo assurgit ad excelsa, ad Deo digna, Deo gustabilia, Dei altitudini suppria. Quâ in re Deus charitatem suâ indole præditam agnoscens, delectatur generositate ipsius, & fovet spiritus ejus: *Abcondit eam in abscondito faciei sue.* Psal. 30. 21. non tantum à timore nocturno, non tantum à negotio perambulante in tenebris, sed etiam ab incurso & demonio meridiano, etiam à vanitatibus & insaniis falsis Psal. 90. 5. *Creat autem cor mundum in ea: & spiritum rectum innovat in visceribus eius:* Psal. 50. 12. Spiritum etiam Sanctum infundit illi. & denique spiritu principali confirmat ipsam. Unde fit, ut charitas talibus Divinis favoribus communita, animam quam inhabitat, facit per omnia cultissimâ, ornet tanquam sponsam paratam viro suo, efficiat veluti Civitatem sanctam habentem claritatem Dei, & lumen eius simile lapidi pretioso, tanquam lapidi iaspidis, sicut crystallum, in quam nihil intrat inquinatum, aut abominationem faciens. Apoc. 21. 10. Beata anima, quæ isto charitatis spiritu animatur, & vivit, &

operatur, opera enim ejus permanent usque in vitam æternam: & charitas quæ nunquam exiit 1. Cor. 13. 8. facit eam gratiosam in oculis altissimi, tanquam cognitam sibi propter ipsam.

§ V. Decimus perfectæ charitatis fructus esse culturam & inspectionem cordis per assiduum, severum, infatigabile examen atque scrutinium. Charitas enim perfecta, est **A** Matrona illa, mulierque fortis ac sapiens: quæ inter alias administrandæ domus suæ industrias, etiam consideravit semitas domus suæ, quod nisi factitasset, otiosa panem comedisset. Prov. 31. 27. Itaque & Charitas ponit cor suum super vias suas, & palpebris suis præcedit, ac sequitur gressus suos. Novit enim thesaurum suum in vase valde fictili reconditum esse: quod non minus facile sordibus infici, quam & destrui potest, illud ergo non tantum à corruptione, sed etiam ab infectione, omnimodâ diligentia custodit, satagēs ut ex eo vita quidem procedat semper, excedat tamen nunquam. Porro charitas ista linceos habet oculos: acutissimè introspicit omnia, dissimulat nihil. Est enim valde tenera & delicata: quam non tantum Aquilo, sed vel ipse Auster austerior intimè penetret. proinde veretur omnia opera sua: & in lucernis scrutatur opera ipsius etiam Hierosolymæ, & ab ipso sanctuario Dei incipit. Quodsi charitas non facit: meritò suspecta est, an sit quod esse prædicatur. Charitas namque gemina & perfecta cordialissimè cavet ne in conspectu Sponsi sui cœlestis inveniatur minus, non tantum munda, sed etiam exulta, quocirca mavult ipsa seipsâ judicare: quam incurrere censuram oculorum exigentis omnia ad purum Divinæ majestatis.

§ VI. Undecimus perfectæ charitatis fructus est alacris cupidaque adversitatum sustinentia, immo sine illis tedium & languor Charitati siquidem dictum est: *In patientia possidebitis animas vestras,* & cum nulli magis competat animas per quam plenissimo simul ac securissimo jure possidere, quam charitati: nihil mirum est, illam obedentē consilio sapientiæ Dei patientiam quam maximè consecrari, ut in possessione animarum suarum semper se conservare possit. Est etiam fortis & planè militaris Virago charitas: in quâ confidit cor viri sui: & mittit manum suam ad fortia. Prov. 31. 11 19 25 Neque solum decorem, sed etiam fortitudinem induit: atque omnia adversa, imò vel ipsa novissi-



ma ridet, ac irridet. Charitatis est vox illa: Cum infirmor, tunc potens sum: illi etiam dicitur: Virtus in infirmitate perficitur. Illi datur certamen forte ut vincat: illa monetur: an potius illa est quæ monet: Omne gaudium ut existimemus, cum in varias tentationes & tribulationes inciderimus. Denique illius beatitudinibus accēsetur, persecutionem pati propter iustitiam. Vera ergo & germana atq; perfecta charitas est, quæ pati & contemni habet in desiderio & fame cum abest, in deliciis autem eum adesse. Sicut ignis absente languet affuso crescit oleo.

§ VII. Duodecimus perfecta charitatis fructus est hebetudo atq; torpor quidam sensualitatis atq; sensuum, totiusq; corporeæ facti externæ, quàm internæ vitæ. Sicut enim homo componitur ex sensu & ex spiritu, sive ex corpore & animo, ita etiam duplici calore vegetatur calore scilicet sensus & corporis, & calore animi atq; spiritus. Calor sensus est concupiscentia delectabilium sensitivorum, calor autem spiritus & animi est charitas. Ita porro isti calores inter se ordinantur in uno eodem homine, ut simul regnare & excellere non possint: sed unius augmentum, alterius sit dominatio. Unde illud Augustini dictum. *Augmentum charitatis diminutio cupiditatis, perfectio charitatis nulla cupiditas.* Charitas ergo perfecta abolet cupiditatem, aufert pondus sensualitati, vigorem carni, vivacitatem sensui, talem omnino facit inferiorem portionem hominis quàm animalitatem, sensualitatem, carnem que vocamus; ut ad sua delectabilia objecta non tantum effrenatè non ruat, non tantum in eis impotenter & vehementer non absorbeat, sed etiam absentium non meminerit, præsentium verò gustum hebetem obtusumq; vel etiam nullum sentiat: amarà necessitate ad ea ducatur, & ab eorum usu velociter facileq; explicetur. Contra autem ad afflictiva sui objecta se habeat, duce, charitate: ita nempe ut duris, doloriferis, vilificativis, asperis non terreatur, sed etiam delectetur, sine ijs langueat & torpeat, usu & adhibitione eorum excitetur, sponte eorum inflectionem ab animo spirituq; exigat, & libenter ijs subiiciatur: adeo ut discretionis opus sit, ne ipsum animum extra limites debitos mensuramq; extrahat.

Sic charitas suis spiritusq; legibus carnem subditam facit: ut ab ea non hostem sed civem, non recalcitrationem, sed promptitu-

dinem ad obsequium, quin & ipsam præventionem experiatur. Docet carnem amare jejunia, & inedia appetere, insomnia frequentare, asperitates quærere, flagellationes expectare, inter cœli aerisq; inclementias gaudere, delectabilia, mollia, blanda, dulcia, saporosa abhorrere, soli necessitati & quidem agrè, obiter, parcè, servire. Uno verbo perfecta charitas ferre non experitur illud spiritus quidem promptus, caro autem infirma, sed potius, quàm spiritus promptus, tam caro obsequens.

§ VIII. Decimus tertius fructus perfecta charitatis est, tam mentis quàm carnis puritas, castitas, constans a phantasiis etiam immunis, rebellionis brutæ expers, in animalibus spiritibus etiam inter occasiones pacata, frigida, & veluti in carne carnis nescia. Magnum, rarum, arduum donum: charitati tamen concessum cum perfecta, & solida, & constans est, maximè verò quando in Deum dives. Tunc enim Deus liberalitate cum charitate certat: vincereq; ejus generositatem gaudet: & prout charitas, nihil præter, & extra Deum quærît, appetit, admittitq; ita vicissim Deus charitatem nihil cogitare, nihil amare, nihil sentire, nihil experiri, nihil pati sinît, nisi se unum & solum. Vana omnia, otiosa omnia, supervacua omnia, immunda omnia, creata omnia, privata & propria omnia ab illa submovet proculq; arceat: neq; clamorem exactoris amplius audire permittit: sed eum ipse in solitudine suæ Deltatis lactat & pascit, protegitq; tam ab æstu in medio ignis, quàm à frigore in medio nivis, quoniam sicut ipsa, ita & Deus charitas est. Quod si misericordiam in Eleemosynam profusa quæ est portio quædam charitatis, concessum est, ut sicut aqua ignem, sic illa extinguat peccatum omnem: quânto plenius & æquius dabitur ipsi Matri charitati extinguere incentiva improbi ignis?

§ IX. Decimus quartus perfecta charitatis fructus, est oblivio privatorum commodorum: tantum autem communium, tantum quæ IESU Christi, tantum quæ Dei honoris placitiq; sunt memoria, curâ, & solitudine. Manifestè Apostolus inter laudes veræ perfectæq; charitatis hoc etiam numerat, non querit quæ sua sunt. 1 Cor. 13. 5. Et meritò, cum enim charitas amicitia, amorq; mutuus sit non potest tueri & servare naturam suam, nisi in alium à se derivet dilectionem



onem suam, in alium autem non quemlibet sed absolute in Deum unum & solum super omnia, propter Deum verò in alia etiam, pro cuiusq; conditione omnia.

Eam obrem charitas & cooperit multitudinem peccatorum: & supportat morositatem alienorū onerum, & sollicitè procurat multitudinē alienarum necessitatum, & gaudet super felicem successum aliorum bonorum. Charitas tunc tantum bene sibi esse reputat, quando omnibus, & imprimis Deo suo, bene est; tunc etiam miseris alienis tanquam suis, imò plus quam suis indolet, quando aliis, quos in Deo, propterque Deum diligit, male est. Charitas dum operatur, quod omnibus prodest operatur. Dum loquitur, quod omnes edificet loquitur, dum cogitat, id quod aliis proficiat cogitat, dum orat, pro omnibus orat, dum vivit, non sibi sed omnibus vivit. adeo ut etiam si sciat melius sibi esse dissolvi, attramen in carne contenta sit remanere, si hoc sit aliis necessarium. Hanc oblivionem suorum privatorum commodorum, incuriamq; incommo-

Dei sui, cuius germanissima est filia. Deus enim ad extra operans, omnem suam operationem in bonum creaturarum confert ipsarum, nihil sibi emolumentum exinde decerpens, nihil expectans, nihil sperans, in hoc ergo ingenio charitas eum æmulatur, ut non sibi vivat, non sibi operetur, non quæ sua sunt quærat, sed per omnia omnibus placeat: Deum autem & Christum ejus in omnibus, & super omnia glorificet.

Hosce fructus homo perfectus, perfectiorisq; exercitator in se charitateq; sua dispiciat, & indaget: è quorum inspectione, seu potius inventa conditione, plusq; aut minus consummata completionē, charitatis suæ perfectionem, plus, aut minus exactam cognoscet. Sicut enim ex fructibus suis arbor, ita ex suis charitas agnoscitur. Nec mirari quisquam debet tam exactos fructus charitati tribui: sed attendere velit de perfectâ charitate hic agi: quod si raros & arduos ejusmodi fructus cogitat: inde charitatem perfectorum admodum raram, sed simul admodum appetendam esse concludat.



## C A P V T I X.

### De aliis adhuc fructibus effectibusque perfectæ charitatis.

**S**ecimus quintus perfectæ charitatis fructus est facilitas orandi, ad orationem recurrendi, & omnium rerum ante omnia alia media ab illa initium ducendi, in ea conquiescendi atq; ab ea, & in ea animi transformandi, & ignescendi. Charitas enim perfecta est amicitia sincera & consummata cum Deo, apud Deum præstans omnimodam fiduciam, atq; subsidii omnis certitudinem, & adeundi quo vis tempore, loco, occasione, liberam facultatem. Illa facit ut omne consilium & propositum, & desiderium animi nostri, cum Deo magis, quam cum

ipsis nobis communicemus superq; eo Deum interrogemus: & ab eo, an, cur, quomodo hoc illudve aggrediendum sit, ejus animi sensum indagemus, inconsulto, non approbante, non benedicente illo, quidpiam moliri, & inire erubescamus. Habemus ejus rei exemplar in ipsiusmet Dei cum homine amicitia. Gradiebatur Deus contra Sodomam erat comes Abraham: Dixit Dominus: Num celare potero Abraham quæ gesturus sum. Gen. 18. 17, est illud Christi ad Philippum. Unde ememus panes, ut manducent hi? Facit ergo hoc charitas ut sine oratione prævia, & comite nihil omnino faciamus. Facit & hoc, ut in oratione ad Deum conquiescamus: tum securi opis imploratæ ab eo præstan-



præstandæ opportunè: tū certi oratione ipsa huiusmodi Divinum gustum cieri exploriq; quidquid interim voluntate sua, de rebus nostris ille statuerit.

Deniq; facit hæc charitas, ut transformetur, quodammodo Orantes Deum, quia enim charitas ignis est, quia oratione maxime ventilari amat & solet: necesse est omnino, ab impulsu charitatis, orationi vacantes nos transformari, & transflammati, correptos ardore celestis; aliquando quidem etiam sensibili, semper autem rationali flamma spiritus invadente.

§ II. Decimus sextus perfectæ charitatis fructus est, elevatio supra curas, & vacuitas ab eis. Tale enim est negotium charitatis perfectæ, talis ejus energia, atq; operationis latitudo: ut omnem quem possedit activitate & actione sua occupet hominem, hominesq; potius omnes in suum obsequium captivet, ab alijs autem avocet, & vacationem inducat. Unde perfectè amans nihil præter amare cogitat, cognoscit, meminit, vult, amat, facit, valet, sentit, probat, patitur, gustat, inquirat, admittit. In amando enim omne bonum cum reperiat, contentus hoc uno solo est opere, certus alia omnia negligere & deferere, vel certè in amorem ipsa quoq; convertere, & amore absorbere.

Unde sicut in magnam igneamq; flammam, nec muscæ, nec culices, neq; quidquam aliud ejusmodi volat, vel si involet, in flammam mox abit, pabulumq; ejus efficitur: ita in animam charitate flammescentem, prorsus vel incurrit nihil: vel si quid: illud charitatis cibus redditur: & animam in sui operis quasi jam sibi cognati, nempe amoris, amandique exercitio, & possessione, quietam requirit. Et hæc est illa charitatis solitudo: de qua supra dictum Cap: 7 § 8. Hæc etiam est charitas otians: sed majora & plura omni operatione operans, de qua inferius.

Cap. 13. § 8 & 9.

§ III. Decimus septimus perfectæ charitatis fructus est, facilitas & frequentia imò assiduitas exercitii virtutum: & quidem non aliquarum aut paucarum tantum, sed universarum prorsus atq; singularum. Ut enim sol iste visibilis, unica licet per motum eumq; citatissimum lucis suæ circumlatione, infinite tamen multos, ac simul diversos operatur in tota terrâ effectus atq; fructus: uti quotidiana experientia discimus; Ita cha-

ritas unica sit illa licet, unico amoris sui veluti motu & spiritu, in animæ sibi subdita veluti agro per quam latissimo, innuenera omnium virtutum opera suavissimè infatigabiliterq; operatur, ita ut nulla virtute prorsus patiatur animam esse vacuum: minime dubia tantum sibi de sua perfectione, quantum animæ suæ de virtutum plenitudine defuturum. Atq; ita sicut anima in formando corpus, totum hominem præstantissimis simul ac tenuissimis, manifestissimis simul ac serenissimis implet operationibus. Ita charitas, quæ est etiam vita, & anima animæ, totum hominem spiritualem, omni genere studiosarum operationum, tam extrinsecus, quàm intrinsecus implet, perfectumq; constituit. Nequaquam desinit: sicut anima aut sol nunquam cessant.

§ IV. Decimus octavus perfectæ charitatis fructus est fecunditatem proficiendi perfectæq; exercendi. Cum enim charitas hæc perfectæ sit: nihil agere nisi perfectionem, perfectumq; potest. Et cum hujus charitatis perfectio, viæ sit adhuc, non patriæ, non in consistentia, sed in profectu, non in quiete, sed in motu posita, inde est, ut assiduò ad ulteriora nitatur, non secus ut navis acta vento secundo, secut æquora sine cessatione, pergens ulterius & ulterius, donec portum ingrediatur ad quem tendit. Inde est ut semper per perfectam operando semper proficere, semper per proficiendo, perfectam semper operari contendat. Sic enim utrinq; & ex toto indoli suæ plene indulget. Nam & in via in qua est progreditur, & perfectionem quam possidet operatur. Fecundissimo autem totum hoc labore perficit: perfectionis enim labor, tū propter abundantiam sanctificantis, tum propter efficacitatem excitantis, cooperantisq; gratiæ, tum propter facilitatem optimis habitibus instructæ animæ, tum propter energiam in magnum profectum, in absolutamq; perfectionem tendentis charitatis, non potest non esse fecundissimus. Deo interim conatibus ejus liberalissimè, favente, & cum ea liberalitate mutua decerante.

Quare sicut prædivites mercatores, quia magnos in lucra sumptus ponunt: maximis etiam lucrorum accessionibus in immensum penè ditantur: inopibus interim exigua lucra vix obtinentibus: ita perfectæ charitatis locupletissima meritorum gratiæ & gloriæ lucra, operationibus suis acquirit, quando interim



interim imperfecti, majore licet labore, per paucos in divitijs cœlestibus profectus vix acquirunt. Nempe alius est aquilarum volatus, & alius testudinum gressus, aliter fovet semina favens tellus, aliter repugnās gleba.

§ V. Decimus nonus perfectæ charitatis fructus est, æquitas & æqualitas animi perpetua in gravibus juxta ac levibus, in subitis improvisisq; juxta ac pravis præmeditatissq; occasionibus, & eventibus. Emulatur namq; charitas Deum suum, qui omnia & de omnibus, cum tranquillitate iudicat. Est charitas perfecta instar sapientissimi gubernatoris sive regni sive navis, sive quadrigarum & currus: qui gubernacula sua semper æquali tenore administrat. & in omnibus eventibus pari moderamine cursum tenere novit. Et est his etiam felicior charitas ista. Nam hi non semper in potestate habent regimina sua: sæpè nolente quamvis sapiente Principe emergunt motus in Regnis, Urbibus, Castris: Sæpè nolente navarcho tempestas jactat navim, & in adversa pellit, ut permittenda sit ventis. Sæpè frenos excutunt, nec patiuntur equi. At regnum charitatis cui præest, navigiumque quod regit, & equi quos agit: anima est sancta, iusta, benè composita, passionibus habens domitas, vacua habitibus malis, tentationum victrix, desideriorum suorum potens, Spiritui sensum obedientem subditumque habens: motibus cœlestibus, qui semper secundi sunt, assueta simul & obsequens: Non potest ergo Regina suæ charitati oblectari, non potest subitis casibus de potestate deijci. Atque ita charitas in Regno suo tanquam Salomon per circuitum pacem habet: & quidquid accidit non conturbat, neq; contristat &c. attestante eodē Non contristabit Iustum, quidquid ei acciderit. Prov. 12. 21. Et Davide Deus in medio eius non commovebitur. Psal. 45. 6.

§ VI. Vigésimus perfectæ charitatis fructus est timor castus Dei. Est charitas perfecta, honestissima atque integerrima. Matronæ atq; Sponsæ instar, quæ cum tenerrimè Sponsum suum Deum diligit: ei q; placere, vitæ suæ millies pluri æstimet, eidem vel in minimo minimum displicere, omni morte, omniq; dispendio gravius ferat: ideo hisce semper coram Deo, & cum Deo, sive pedibus incedit, sive aliò volat, ut tam ei fatagar in nulla re ne atomo quidem displicere, quàm ei fatagit per omnia penitus complacere, ideo quantum amat, & ardet summè semperq; amplius amare: tantum metuit vel horret, vel atomo minùs amare atque placere. Proinde tam amor ille, quàm timor iste, eodem fonte charitatis perfectæ manat, neq; perfecta esse charitas potest si alterutra prole atq; rivo caret. Non mittit foras istum timorem charitas: alioqui se ipsam reijceret, adulterarum timorem expellit, sponsarum gignit, adultera metuit præsentiam, Sponsa absentiam Sponsi: illa timet ne veniat & adulteria cognoscat atq; puniat: hæc timet ne abeat, ne moretur, ne præsentiam subtrahat vel differat, ideo illa nihil scelestius ista nihil castius: illa odit sponsum, & exosa eidem est, hæc sponsum diligit, ab eoq; diligitur.

Hos fructus charitatis perfectæ diligenter ubi expenderis: ardentissimè desidera, constantissimè exerce, solidissimè amplectere. Conservabunt enim & ad fiduciam magnam facient tibi coram altissimo, qui charitati veræ non secus ac primogenitæ filiæ repulsam dare nunquam potest, proinde quos illa tanquam amatores & possessores suos fideles ei commendaverit, indubitatè gratos & pretiosos in oculis ejus reddet.





## CAPVT X.

## De reliquis adhuc fructibus perfectæ charitatis.

**V**igesimus primus perfectæ charitatis fructus est interior, imò intrinseca re-  
 § 1. collectaque in unum ac

solum Deum vita, & virium vitalium. Charitas enim vinculum est perfectionis, porro vinculum non esset, nisi prius esset mater interna recollectionis, recolligit ergo vires omnes animæ charitas, & recollectas in unitatem colligit, & in summum illud unum. immergit, quod ex toto corde, ex tota animâ ex tota mente, ex tota fortitudine, ex totis omnibusq; viribus diligit, impleturque in anima per istam charitatem, illa postulatio Domini ad Patrem orantis, ac simul in eo perfectionem nostram declarantis, sive statuentis. *Vt omnes unum sint, sicut tu Pater in me, & ego in te: ut & ipsi in nobis unum sint* Ioannis 17. 21. Fit enim per charitatem, ut omnis amor, desiderium, conatus, cogitatio, actioq; nostra, nihil aliud sit, nisi Deus, illaq; unitas, quâ Pater cum Filio, Filius cū Patre unum sunt, in nostram mentem, sensumq; transfundatur: ita nimirum, ut indissolubili Deum charitate diligamus, sicut & ille nos eadem diligit: atq; ita eidem associemur, ut quidquid speramus, intelligimus, volumus, loquimur, sentimus, agimus, Deus sit. Ea tamen ratione, ut hac non obstante virium nostrarum in Deum collectione, & collocatione: omnes quidem vanæ res, superfluaq; sollicitudines ejiciantur, necessaria tamen, & Dei, ac fratrum obsequium concernentes curæ, tantò melius feliciusq; procurentur, quantò ea magis charitati deservire noscuntur, & quantò per eas magis unioni cū Deo arctiori ministratur, quantò deniq; magis ad eas ex intima cum Deo unionem assiduaq; conversatione plus luminis, & virium ad benè peragendum derivatur.

Sicut enim Deus licet sit ex semetipso beatus, imò ipsissima beatitudo, nihil tamen impeditur ab omnium & singularum rerum

creatarum procuracione, non minùs plenissima, quàm quietissima: ita amici Dei charitate ejus repleti, eidemq; uniti, hoc ab eo per imitationem trahunt, ut salva spiritus sui pace & integritate, omnia quæ ad ipsos ex Dei voluntate pertinent procurent, & feliciter faciliterq; Deo, specialius etiam cooperante atque benedicente exequantur.

§ II. Vigessimus secundus perfectæ charitatis fructus est, perpetuum perfectumque voluntatis humanæ cum Divina consensus. Hæc est enim veræ, ne dum perfectæ amicitia lex (est autem charitas amicitia cum Deo) prima, & penè dicam una atq; sola ac ideo etiam summa, ut idem velint, idem nolint amici, quare impossibile est charitatem esse in aliquo homine, voluntati Dei, voluntate sua non consentiente, impossibile rursum charitatem in aliquo homine non esse, cujus voluntas voluntati Dei per omnia semper consentiat. Quare voluntas hominis & voluntas Dei ita esse videtur sicut corpus cum anima sua. Anima corpori similiterque corpus animæ, si nexu aliquo debito non uniat, nihil quidem corpus habere in se se poterit seu vitæ, seu sensus, seu motus, seu illius operationis, atq; pulchritudinis, sed erit inutilis & horrens massa, caterù etiam anima nullas per idem corpus suas operationes exercere poterit. Quod si accedat nexus quidam animam corpori coherens: illico integer homo existet vivus, vegetus, robustus, pulcher, operans, omnia necessaria; corpus ad omnia, omnibus bonis operationibus replebitur, deserviet animæ ad omnem vitæ quâ privatæ, quâ communis, quâ etiam cœlestis usum. Anima item dabit corpori vitam, & cum hac omnia, simulque & corporis & sui ipsius per corpus egregium ad omnia usum habebit.

Ita planè ac multò etiam magis, nisi voluntas nostra tanquam corpus, voluntati Divinæ, tanquam animæ suæ unita fuerit: voluntas quidem nostra ad nihilum valebit ampli.



amplius, nisi ut putens cadaver infernali sepulchro iniiciatur. Quid enim ardet inferno nisi propria voluntas? Divina quoque voluntas quamvis ex se ipsa sit sufficientissima, nostræ tamē voluntatis usum nullum habere poterit. At verò si hæc duas voluntates nexus ille optimus (qui charitas est) colligaverit: tum subito & voluntati nostræ omnis vita, omnis decor, omnis operatio, omnis felicitas, gubernatio, gratia, robur, beatitudo demum ipsa adveniet, à Divina voluntate jugiter in ipsam influens. Divina autem ipsi voluntati eximius quidā gustus cordis accedet, eò quod habeat. *Viginti secundum cor suum: qui faciat omnes voluntates eius.* Facit ergo hoc charitas perfectæ, ut Deum perfectè diligentes, diligamur etiam ab eo: & voluntas nostra ejus sit, vicissimq; ejus voluntas nostra sit, adeò dulciter ut nobis morte amarius sit, vel momentaneæ discrepare ab hoc consensu, ipsa verò beatitudine beatiùs, ejus non nostram velle voluntatem, adeò rursus ex parte Dei dignanter, ut non dedeceat Deum velle, id quod nos volumus: quoniam ea tantum quæ ei placita sunt semper volumus. Atq; sic affici, Deificari est.

§ III. Vigessimus tertius perfectæ charitatis fructus est. Transmutatio, transformatioq; in Deum: non quidem per Entitatem, & substantiam, quasi homo suam substantiam, & Entitatem, formamq; perdat, in Divinum autem esse transeat: id enim cogitare absurdum est, sed per voluntatum mutuum eumq; arctissimum & plenissimum consensum, mutuumq; affectionum amorosum in se se illapsum, ita ut dum amat Deum, nostra charitas, & dum nos vicissim amat Divinae charitatis immensitas, absorbeatur noster gutta vix par amor & affectus ab immenso Divinae charitatis mari: absorbeatur inquam aquæ nostræ gutta, ab infinito Divini vini oceano, absorbeatur & penetretur nostri ferri rudis massa ab ignitissimo Divini amoris igne, absorbeatur tenuissimus nostræ vilitatis vapor sive aer, à summa illa originali & æterna luce, absorbeatur nostra spongia ab infinito undequaq; mari, absorbeatur motus nostri folioli, ab vastissimi nemoris sonitu, absorbeatur entitatis nostræ atomus ab infinitudine magnitudinis Divinae, ut fiat nobis quidem Deus solus omnia, vicissimq; Deus omnia in omnibus.

§ IV. Vigessimus quartus perfectæ chari-

tatis fructus est, fecunditas in alios quoque derivata, id est zelus animarum Deo lucrandarum. Charitas enim sponsa & mater est: eademq; simul uirgo. Virgo quidem nulli præter Deum nupta, quem cum acceperit casta, cum tetigerit munda est. Simul tamē est Mater: de Spiritu Divino fecunditatem acquirens, ac Deo populos filiorum pariens. Pariens partim oratione, partim exemplo vitæ, partim prædicatione doctrinae Divinae, partim regiminis sollicitudine, partim mortificationum oblatione, partim dolore de iactura Divinae gloriæ, partim more de damnis & perditione animarum, partim aliorum ad juvandas zelandasq; animas instructione & stimulatione, partim scandalizantium & perdentium animas correptione, partim impedimentorum alienæ salutis amolatione. Est enim hæc charitatis Divinae indoles: ut quem ipsa impense diligit Deum, velit, cupiat, studeatq; ab omnibus amari, à nemine negligi, nullius perditione contristari, omnium salute profectuq; honorari: Et ad hoc assequendum in nulla re sibimet parcit, dummodo dilecti sui Dei gloriæ, animabusq; ab ipso creatis, & sanguine ejus redemptis sit quàm optimè.

Hic zeli affectus ita est charitati perfectæ ingenuus, ut eum exuere nullatenus possit: crescente imò ipsa in se, crescit etiam ille in eadem, eamq; captivam sibi facit, & de sui potestate extractam, suis usibus atq; lucris deservire inter quaslibet cruces, adversitates, difficultatesq; cogit. Hic idem zeli affectus ferè unus est in charitate, qui non se ab illa regi finit, sed illam sub jugum suum mittit. Sub hoc jugum missa charitas Moysis clamat: aut parce populo, aut me dele de libro vitæ. Clamat etiam charitas Pauli hoc zelo devicta. *Optabam ego ipse anathema esse à Christo pro fratribus meis.* Item, *quis infirmatur & ego infirmor? quis scandalizatur, & ego non uxor?* Item, *Charitas Christi urget, triumphat nos.* Quod mirare magis, hic zelus, in ipsam Dei virtutem, Iesum prævaluit, unde illud ejus, *Zelus domus tuæ comedit me.* Deniq; hic zelus Deum vicit & charitatem. ipsam suam in terras mittere coegit, unde fatetur Christus. *Sic Deus dilexit mundum, ut filium suum unigenitum daret, ut mundus salvetur per ipsum.* Neq; dubitat Paulus, nimiam hanc quasi suis limitibus egressam, minusq; sui potentem charitatem Dei appellare.

Quo circa magnus animarum zelus, magnus



gnæ charitatis est & proles & signum, par-  
cus & parvus zelus exiguam charitatem  
demonstrat. Tunc te in charitate profice-  
re, tunc perfectum esse ne dubita, ac in Do-  
mino gloriare, quando te intus dolor ob  
peccata perditionemq; hominū urit, exest,  
absumit, tabescere facit. Tunc quando to-  
tis viribus desideras, poscis, & urges apud  
Deum, ut suā misericordia, atq; omnipotē-  
tia, & sapientia impediatur ruinā, promoveat  
efficacissimē salutem animarum, etsi de hoc  
omnes suæ potentiz, sapientiz, bonitatis,  
thesauros effundere deberet: etsi te eadem  
de causa in flammis infernalibus aternali-  
ter cremare vellet, qui amat animas Deus.  
Tunc deniq; quando sic evisceratē sic hero-  
icē, sic appropriatē animarum salutem, &  
poscis, & operaris, ac si in alienā (etiam in  
unius animulæ) salute, tota, (si licet ita lo-  
qui) Divinitatis integritas verteretur. Sed  
de hoc fructu charitatis ista sufficiant, qui  
quidam fructus, non est minus Dei donum,  
quā illud quo salutem perfectionemque  
propriam quis impensissimē procurat pari  
enim passu uterq; hic zelus, & a Deo proce-  
dit, & in homine cui datur permanet; adeo

ut quantum quis pura in Deum charitate  
perfectionem suam sitit, tantum etiam eadē  
in Deum charitate, zelo salutis perfectio-  
nisque proximorum ardeat, signumq; sit te.  
pidi in sua salute, tepidus alienæ zelus, & e-  
contra.

Isti sunt charitatis fructus, (quos illa dū  
perfecta est parturit) & simul pretiosissimi.  
A pauci tamen ex plurimis aliis, quos magis  
unctio quā scriptio, experientia quā ex-  
plicatio docere prævalet. Hos quisquis  
perfectus es, ama hos excole, hos posside,  
hos adauge, qui necdum perfectus es ama,  
desidera, efflagita, exquire. Neq; des so-  
mnium oculis tuis, neq; requiem palpebris  
tuis: donec invenias eos. O charitas, quā  
multi crepamus te, quā pauci habemus  
te. Multi laudatores, pauci possessores,  
B Multi amatores, pauci quæsitores. Multi  
te somniantes, pauci de te verē & iustē glo-  
riantes. Finem loquendi pariter omnes au-  
diamus. Magister noster de se ipso ait. Me-  
us cibus est, ut faciam voluntatem Patris mei,  
perfectus autem quisq; erit, si sit sicut, & magi-  
ster eius.



## C A P V T X I.

### De excellentia charitatis perfectæ, variis similitudinibus exposita.

**C**haritas perfecta est similis taber-  
naculo illi fæderis in veteri testa-  
mento, quod jussu Dei secundum  
exemplar in monte demonstratū  
Moyfi, à Bezeleel & Ooliab, per datam sibi  
sapientiam perfectum fuit. Erat illud taber-  
naculum quoad materiam ex pretiosissimis  
quibusq; confectum rebus: erat summo &  
planē cœlesti artificio confectum, repletum  
vasis ex purissimo auro factis omnibus, Arcā  
testamēti, Altari, Mensa propositionis, Can-  
delabro, Lampadibus &c. Colorem cœlestē  
referebat. Sancta Sanctorum habebat. Et  
cum esset per omnia pretiosissimum à foris  
tamen sagis cilicinis & caprarum pelli-

bus tegebatur, ita ut forinsecus ejus decor  
vix appareret ordinariē, nisi interdum. In  
eo Deus quasi semper præsens manebat, &  
populo suo præerat. Hæc omnia in charita-  
te perfecta, & in homine illa prædito accu-  
ratē & ad amissim reperiuntur, quod scriben-  
do declarare non attinet, cum meditando  
applicari non difficulter omnia naturæ, &  
officiis, & prærogativis perfectæ charitatis  
in anima hominis constitutæ possint. Illud  
tantum notari expedit. In lege veteri duo  
templa fuisse, unum hoc Mosaicum taberna-  
culum, templum mobile, in deserto conse-  
ctum, in peregrinatione ad terram promissi-  
onis, quod erat totius populi Israel solarium  
oraculum, munimen in longissima & labo-  
riossim-



riofissimâ viâ. Et hoc templum charitatem perfectam hujus viæ atq; vitæ designabat: illaq; est ei similis. Aliud templum fuit solidum immobile, ex pretiosis lapidibus absq; ullo factili strepitu in Urbe Hierosolyma à Salomone constructum. Et hoc templo designatur perfectâ charitas, non adhuc viatorum, sed jam comprehensorum, & beatorum.

§ II. Perfecta charitas similis est animalibus illis sanctis, quatuor facies habentibus, **A** Hominis scilicet, Vituli, Leonis, Aquilæ, quæ animalia describuntur & pennata, & pedibus instructa, & manus sub alis habentia, plena oculis ante & retrò, semper gradientia, & nunquam revertentia. Ezech. 1. 6. Apoc. 4. 6. Tali animali simillima est perfectâ charitas, habens faciem hominis propter naturam: & vituli, tum propter laboriositatem, quâ & paratur & exercetur, tum propter sacrificium laudis, quod de se jugiter Deo facit. Et leonis propter solidam, generosamq; fortitudinem in resistendo demonibus, in frangendis tentationibus insuperandis adversitatibus, in aggrediendis difficultatibus, in præstandis Heroicis operibus in absterrendis malitiosis à viis suis pessimis. Et Aquilæ propter celsitudinem contemplationis, propter habitaculum in Deo solo fixum, super omnia terrena elevatum, propter contemptum omnium caducorum, propter velocitatem in cursu divinorum obsequiorum, & viæ Sanctorum, propter veritatis & sapientiæ intuitum. Habet etiam charitas perfectâ pedes: quibus graditur cum infirmioribus, eorumq; necessitatibus ministrat & condescendit. Habet tamen & alas, quibus ad Divina contemplanda sublevatur. Habet manus sub alis: quia contemplationem actionibus confociat, graditur semper, quia semper proficit, & ad anteriora se extendit, quæ retrò sunt obliuiscens. Phil. 3. 13. Oculis plena est, quia & Divinâ majestatem, bonitatem, pulchritudinem, voluntatem, & propriam infirmitatem, ad Deum obligationem, cum Deo inæqualitatem, coram Deo vilitatem, à Deo omnimodam dependentiam, sine Deo ad nihil penitus sufficientiam: & communem Ecclesiæ, imò totius generis humani necessitatem, pericula, damna, ruinas, hisq; similia intuetur, considerat, deplorat, Deo commendat, & quantum prævalet, sollicitè procurat.

§ III. Perfecta charitas similis est illi sta-

tux offensæ Regi Nabuchodonosor. Dan. 2. 31. Erat illa statua quantum ad suos pedes ex testa & ferro mista, crura tibiaq; ferreas habebat: ventrem æreum, pectus argenteum, caput verò aureum. Hæc statua est imago perfectæ charitatis, seu perfectæ charitate præditi hominis, habet enim charitas ista pedes testa & ferro mistos, nempe fundatur in cognitione propriæ vilitatis, infirmitatis, nihilitatis, malitiositatis, & ad peccatum perditionemq; pronitatis, sola Divinæ gratiæ virtute, quæ tanquam ferrum, testaceam massam ne concidat fracta, confirmat: non possunt verò testa & ferrum hoc pariter commisceri: quia nunquam fieri potest, ut infirmitas nostra, ita imbibere à quantavis gratiâ robur valeat, quò vel ad momentum per se solam, absq; gratiæ ope subsistat, aut aliquid faciat. Crura charitatis perfectæ ferrea sunt: mortificatione enim interna & externa edomat omnes suas difficultates, à peccatis, ab habitibus malis, à passionibus effectis, à tentationibus & cupiditatibus se se offerentes: quæ etiam utraq; mortificatione pacem viriliter partam tuetur, & adulteriora semper progreditur. Æreus est venter charitatis perfectæ, consumit enim omnia amara, omnia adversa, omnia dura, omnia cruda, omnia horrida, undecunque provenientia & immissa: sive sint morbi corporis, sive sint bonorum jacturæ, sive infamiae, convitia, maledicta, contumelia, sive sint desolationes & exilia cordis, sive injuriæ & tempestates æris, sive mala communia & publica, sive probra ex aliorum vitijs in se etiam derivata. Hæc similiaq; etiam verbera, vulnera, tormenta, mortisq; terrores, & ipsam mortem, charitas perfectâ digerit, concoquit, & modestè, hilariter, pacatè, libenter, cum gratiarum actione, & spiritus gaudio tolerans absumit, in suamque substantiam, & succum meritorium, tã gratiæ quàm gloriæ convertit. Pectus argenteum est charitatis perfectæ tum propter cordis mundiciem, tum propter morum innocentiam & candorem, tum propter verborum veritatem, simplicitatem, paucitatem, tum propter exempli boni in alios effusionem, tum propter edificativæ salutarisq; prædicationis sonum. Caput deniq; aureum charitas habet perfectâ, propterea, quia Deum unum solumq; super omnia æstimat, amat, possidet, eiq; vita est, ac per unionem unus spiritus cum illo efficitur, & in omnibus purissimam



nam intentionem Deo placendi, Deumque exaltandi, quam maxime conservat, omnes actiones atque cogitationes aureæ, hoc est charitate supernaturali sublimatæ, & perfectæ sunt, omnia vera, proposita, desideria, omnis vita, in perfectionem insignemque, iusticiam efformata. In hunc ergo modum, perfectæ charitas: à ludo propriæ nihilitatis, abyssalissque cognitionis, & in se diffidentia incipit, in aurum autem familiarissimæ cum Deo unionis, & maximæ cum ipso similitudinis, desinit.

§ IV Charitas perfectæ similis est arbori cuiusdam singulari fructifera, (sive etiam illi quam vidit Nabuchodonosor: Dan: 47. 17. sive illi quam Ioannes vidit in Apocalypsi, & vocat lignum vitæ, proferentem omni mense fructus suos, quin & ipsa folia habentem ad sanitatem gentium, quæ in æstate, & autumno, non tantum virorem, folia, flores, sed etiam fructus maturos habet, atque dulces, & gustui suaves, salubresque. Apoc: 22. 2. Talis enim est omnino perfectæ charitas, quæ ita à proficiente & incipiente differt: quomodo arbor in vere, vel in hyeme differunt à semetipsa: ut alias supra dictum est. De ista perfectæ charitate dici potest, quod ex fructibus bonis arbor bona cognoscitur: ex perfectione enim absoluta operum bonorum perfectio charitatis cognosci debet. Si est enim in oratione crebritas & fervor, in tribulatione modestia & mansuetudo, in operatione diligentia & devotio, in intentione puritas, in mente munditia, in corde quies & pax, erga proximos dilectio, & lata morum ipsorum sustinentia, in defectibus alienis mansueta suavitas: in obedientia resignatio & alacritas, in paupertate & penuria temporalium animus sibi sufficiens, murmuris & inquietudinis expers: in contemptione & vilipensione lætitia, in reprehensione confessio, in prosperis moderatio, in laudationibus mæror vel stupor.

Hi tales arboris huius fructus, sine dubio sicut ipsi sunt valde maturi, valde dulces, valde gustui Divino congruentes: ita etiam arborem ipsam vehementer commendant, & perfectam probant. Contra segnitie, tepor, amaror, dilatio, inquietudo, levitas, cura sensus, amor vel gaudium ex laude humana, angustia in defectu, confusionis fuga, tarditas in obediendo, hæc hisque similia, acerbos fructus, & arborem necdum perfectam facile demonstrant.

§ V. Charitas perfectæ similis artificis perfectæ in arte sua, & in operibus suis perficiendis consummatæ exacto. Ut enim ille in hoc ab artifice imperfecto differt: quod imperfectus adhuc rudisque artis suæ opera quantumlibet laboriose operetur, imperfecta tamen rudia, artis expertia, imò in artem peccantia efficiat, neque defectum advertat, nec corrigendi modum novit: Perfectus autem etiam dum obiter aliquid suæ artis operum operatur, ipsum quod sine arte facere videtur artificiosè facit, & regulas artis vel non attendens servat, exequiturque, quanto magis hæc quæ de industria ad artis regulas exigit. Ita omnino est in charitate perfectæ: ejus enim opera etiam minima & abjectissima in specie, perfectione modo, majore gratiæ gloriæque merito, suaviore Dei gustu, peraguntur, quam vir imperfectus suas etiâ primæ notæ actiones. Itemque, perfectæ charitas faciliore compendio summæ perfectiones in suis etiam minutis exercitiis adhibet, quam charitas minus perfectæ, quæ apices perfectionum ne cognovit quidem, & in minus perfectis adhibendis non parum laboris exhaustio cogitur.

§ VI. Charitas perfectæ similis est homini in ætate perfectæ, in valetudine stabiliter sana, in robore integro, in habitudine corporis animique ad omnes vitæ functiones apta, & benè exercita constituto. Ut enim ejusmodi homo in suo genere perfectus est, aptus ad omnia quæ sui muneris: eaque aptè & debite exequitur: nec facile impedimentis aut incommodis in morbum, mortem, aliaque vitæ incommoda, & sanitatis indispositiones incidit: Ita charitas perfectæ, est hominis spiritualis non tantum vitæ qualisqualis: sed est omnino integra vitæ sanitas, temperata omnes in se spirituales qualitates habens, omnibus partibus, membrisque interni hominis constans. Animæ vires potentias, omnibus optimis habitibus instructas, actibusque exercitatas obtinens, gratiam sanctificantem quæ est vitæ spiritualis hominis, stabiliter immanentem, & semper robustius incrementem, insidentemque possidens, actualibus auxiliis veluti succo vitali, spiritibusque semper opportune abundans, ad sanctæ perfectæque operandum facilis, assueta, stabilis, impelli vel induci in gravia peccata, etiam inter occasiones difficilis, & quasi impotens, & nescia, denique Divinæ conversationi, unioni cum voluntate ejusdem conformitati, amicitiaque



que insuefacta. Ac sicut non potest dici homo ille perfectus in corporali vita vel sanitate: qui adhuc teneris est membris, qui viribus tenuibus, qui mancus membris, qui qualitatibus distemperatis, cui modica intemperies aeris morbos causat, qui febris aestuat, qui paralyti resolutus est, qui aegre vitam trahit, qui ulceribus & apostematibus scateat, qui lethalibus vulneribus propior morti est quam vitæ. Ita charitas perfecta dici & esse nequit, quæ esto non exulet ab homine, (alioqui non vivens homo, sed cadaver esset, perinde ut corpus ab anima desertum) miserrimè tamen, & miserrima opera vitæ exercet, aestuat febribus iracundiæ, invidiæ, avaritiæ, luxuriæ, tentationibus tanquam tempestatibus concutitur, teporis paralyti languet, hydrope concupiscentiæ aut ambitionis inflatur, in carnis sensuumque commoda effluit: torpet in obediendo, lacte demum habet opus, nec solido cibo idonea. Talis charitas, vita quidem esse potest, sanitas certè esse non potest, neque perfectum reddere coram Deo.

Perfecta ergo charitas ut nomine suo digna sit, & digna in homine efficiat, hæc præ-


stabit. 1. Dabit vitam gratiæ & iustitiæ coram Deo. 2. Exercebit vires hominis, potentiasque optimis & strenuis perfectissimæ ratione actionibus. 3. Imbuet easdem optimis, & firmis, usque radicatis habitibus, seu moribus, connatisque homini optimas actiones faciet. 4. Difficilem, & veluti rudem, ineptumque ad mala, imò & ad minus perfectam reddet. 5. Denique in bonis omnibus agendis obtinendisque strenuè firmum, firmiterque strenuum, usque ad mortem, cum auxilio Divinæ gratiæ (sine quo nostra omnis sanctitas, & in sanctitate firmitas, atque strenuitas fragilis, mutabilis, amissibilis omni momento est) continebit, conservabitque.

Hæc sunt perfectæ charitatis schemata, de multis pauca adducta: alioqui adhuc posset comparari aciei castrorum ordinatæ, cellariis Regio vino plenis, unguentis peroptimis. Reconditorio thesaurorum Regionum: in quo nihil præter vasa aurea, gemmea, solidæque pretiosam supellectilem. Lectulo Salomonis, & ferculo atque throno ejusdem. Sed sufficiant prædicta, ut ex ijs, cognoscatur, natura, officium, mores, operationesque perfectæ charitatis.



## C A P V T XII.

### De affectionibus perfecta charitatis.

§ I. haritas perfecta habet certas easque complures affectiones suas: quas illa imprimat cordibus & moribus eorum, in quibus habitat. Prima igitur affectio charitatis est sollicitudo, circumspiciensque valde cauta, ne aliquando, ne aliquomodo, ne ab eo ipso qui charitate præditus est, ne ab aliis ad curam ejus pertinentibus, ne ab ullo alio, quantum in ipsa est, Deus offendantur, ejusque spiritus extinguatur, vel contristetur. Manifestum est enim, quod vera charitas non tantum committere nolit, sed neque pati possit, ut Deus minus dignè, vel in minimo tractetur. Neque hoc satis intelligi potest, quomodo cum charitate consi-

stat, offensas Dei vel committere, vel permittere, vel patienter sustinere. Est ergo charitas sollicita pro integritate cultus, & amoris Divini, & pro amolitione omnis offensusculæ ab ipso.

§ II. Charitatis perfectæ affectio secunda est vigilantia valde oculata, & attenta ad omnem contentationem satisfactionemque Dei, tam ex se, quam ex aliis omnibus. Vigilat enim & excubat charitas ut tam in magnis, quam in parvis, ita se gerat, ita omnia faciat, ita ab aliis, quantum in ipsa est, omnia fiant, ut Deo omnia placeant, ut Dei gustus recreetur, satureturque, ut dignum Deo est: ut expleatur vota, & desideria Dei in actione quavis. Quod ut assequatur charitas, adhibet vigilantiam ad sensus Divinos, qui



in ejus corde sunt, quique in doctrinis & exemplis Christi, & Matris, ac Sanctorum ejus elucet, penetrandos, eisdemque actionibus quas exequitur inferendos. Præterea vigilanter excubat eadem charitas perfecta, ad observandos, & arripiendos, exequendosque promptè, ac plenè, omnes motus instructosque Divinos. Cum enim charitas, unica sponsa Dei, secretorum ejus facile sit conscia, & mores sponsi sui, omnesque ejus inclinationes, ex minimis signis, intimè & perspicaciter cognoscit: ad quos exequendos, amoris vinculis suavissimè & efficacissimè impellitur.

§ III. Tertia affectio charitatis perfecta est, metus ac formido, ne quâ fortè occasione, tentatione, illusionè, ignorantia, levitate, violentia, abripiatur à Deo. & discedat ab ipso. Est enim charitas nunquam excidit, quantum in ipsa est: attamen quantum ad homines quibus inest, qui in hac vitâ semper mutabiles, peccaminosi, infirmitati, & inscitæ errorique obnoxij sunt, excidere potest. Quare hoc perpetuò metuit: ne quod scit fieri omni momento posse, aliquo momento sentiat malo suo magno factum esse. Hic tamen metus est omni securitate charitati perfectæ appetibilior, quia & salubrior: conservat enim, & plurimum etiam auget ipsam charitatem. Mirò utique valde modè, per hoc ipsum quod metuit perire, accipies incrementa, & robustior evadens, radicesque mittens, & in Divino corde, & in suo ne pereat.

§ IV. Quarta affectio charitatis perfecta est calor, seu potius ardor, quo charitas velut ignis semper ardet, & ardere gaudet, atque æstuantî pectore in Deum diligendum fertur: impatiens ad ferendam vel minimam, in frigidationem æstus sui, gaudens autem omni occasione fovendi & augendi ardoris sui, non attendens, magnanè quædam & insolens, an verò minima quæpiam se se offerat occasio, aut impulsio, ad magis magisque novo & novo impetu tendendi ardore suo in Deum. Quam etiam ob rem solerter excogitat omnes industrias, inquirat artes, vestigat venas, adhibet modos, exercit conatus, ad amandum plus & plus Deum suum: Ita ut nunquam dicat, satis, nunquam Sufficit.

§ V. Quinta affectio perfecta charitatis est, studium, imitandi æmulandique Deum: tum in moribus ejus, tum maximè in chari-

tate ejus. Similitudo enim est dilectionis & conjunctionis mater: porro charitas amat multum semetipsam, sciens nihil posse sibi melius esse seipsa & Deo suo, quocirca ut se se partim conservet, partim adaugeat, quàm maximam cupit. & quærit cum Deo similitudinem, propter hanc verò Dei exactissimam curat imitationem. Ergo mores Divinos perpetuò scrutatur, intuetur, affectatur, minime dubia quod quantum hos melius exprefferit, tanto Divinitati similior, gravior in ejusque amore mutuo solidior, & perfectior erit.

§ VI. Sexta affectio charitatis perfecta charitatis est maror, ex eo quod non amet quantum veller, quantum deberet, quantum dignum esset: nec solum quod non amet, sed quod neque sufficiat tantum, quantum vel sua obligatio, vel beneficiorum acceptorum magnitudo, vel Divina in se excellentia mereatur. Quia enim charitas perfecta linceis valde oculis prædita est, acutissimè videt excellentissimam Dei bonitatem, atque perfectionem omni possibili amore dignam, dispicit etiam supremam liberalitatem in se ejusdem bonitatis Divinæ, continuis, ipsique summis beneficiis scaturientem, ob quæ non potest non esse obligatissima, non potest non velle obligari ad effusissimum benefactoris sui amorem. Cumque modicissimas suas vires ad id præstandum sibi inesse sentit, pervidet necessariò insufficienciam suam, & exinde amabilem dolorem haurit, hauriendo autem in ipso nihilominus amore proficit: dolens quod minus amet, amareque sufficiat, quàm obligatur: & nihilominus hoc ipso amplius amans quàm amare sibi videtur. Quo fit ut bona charitas, pusillitate sua gravior fiat, & jejunio suo pinguescat, & marore suo recreetur.

§ VII. Septima affectio charitatis perfecta est humilitas. Consurgit ac dimanat hæc affectio ex præcedente. Quia enim charitas ista cernit perspicuè à se Deum non amari ad æqualitatem obligationis, ad condignitatem amabilitatis, ad mensuram exigentiamque liberalitatis: humiliatur hac sua impotentia, atque insufficiencia, & se se minimè dignam reputet, super quam Deus dignum ducat aperire oculos suos. Job. 14. 3. Quod si adhuc voluerit convertere oculos ad defectus, & peccata, tum præterita, tum etiam præsentia ejus hominis in quo est, quæ dignum fuisse agnoscit ardentissimam charitatis flamma

exco-



excoquere, atq; pro peccatorum mensura dilectionis compensationem super excedentē impendere: quandoquidem hoc à se neque præstari, neq; etiam satis posse præstari advertit, in profundum cognitionis, & vilificationis sui descendit, ibiq; & seipsam, & omnia opera sua, & omnes vires, viriumq; conatus nihil penitus esse coram Deo agnoscit. Et tamen eo ipso amplius in amore proficit, quāto se ad satis amandum minorem sentit quantumq; sibi deesse videt ad charitatis verticem, tantum adijcit ad ejusdem radicē. sine dubio autem valde merito & prudenter disceptari potest quidnam amplius charitatis perfectæ intersit, altamne radicem, an verò alium verticem coram Deo possidere?

§ VIII. Octava affectio charitatis perfectæ firmiter perenniterq; est clausa, arcensq; ab ingressu animæ suæ id omne, quidquid vel sibi, vel Deo, noverit inimicum. Est enim charitas ista persimilis illi portæ quam vidit Propheta clausam semper Principi. Ezech: 46. 12. hoc est, in gratiam & honorē, sed fidem Principis: ut illi soli, alteri verò nemini, ingressus vel transitus, per eam pateat, post ejus verò tam ingressum, quā egressum claudatur, & obsecrata permaneat. Clavis autem quæ hæc porta, sive sera aperitur, est. Desiderium ardens & constans, Dei solius: quo anima præter solum Deum nihil amet, nihil habere (esto possit) præter solū Deum velit, & quidem hunc ipsum, nonni-

si propter illum ipsum, propterq; maxima ejus gloriam & gustum velit. Hæc clavis desiderij, tam Deum in anima, quā animā in Deo concludit, eò quod una eademq; sit amborum voluntas. Hæc clavis desiderij in nullius est, esseq; debet manu & potestate, præterquam Dei & animæ, tanquam Patris & Matris familiæ. Ita ut quoties Deus ingredi voluerit ad animam, in eaq; sive ejus virtutibus profectibusque delectari, liberum habeat accessum, aperiente illi portam clave illa, ardentis constantisque desiderij: pariterque quoties anima intrare in cor Divinum voluerit, eaq; frui, liberè similiter possit, pandente illi ostium eodem desiderio, quia & ipsa nihil desiderat nisi Deum. Porro hæc clavis custodiri debet à parte animæ per vigilantiam, humilitatisq; suæ custodiam, qua anima adscribit Deo omne suum bonum quod habet: à parte autem Dei custoditur etiam per Dei potentiam seu protectionem atq; charitatem, quæ animam & ejus charitatem protegit, ne à diabolo supplantetur.

Hæc charitatis tuæ, quæ in te fortè est, affectiones dispice, & secundum eas tam tuam in charitate, quā charitatis in te perfectionem, perfectionisque profectum metire: omni tempore operam dans, ut istæ affectiones omnes & singulæ, in te quotidiano exercitio, adscitis etiam ultrò occasionibus exercendi, succrescant.



## C A P V T XIII.

### De varijs officiis perfectæ charitatis.

§ I. **P**rimum charitatis perfectæ officium est animam purgare, celesiter, à minimis nævis (à crassis enim peccatis, & voluntarijs delictis, licet venialibus purgare, non ad perfectam, sed ad initialem charitatem spectat) quos & tenerè sentit, & impotenter

tolerat, & tolerare nequit, donec statim remedium efficax adhibeat, neq; contenta remedio, etiam in abundanti compensat unum nævulum, pluribus, raris perfectionibus, ornamentisq; obruens: & cum lucro & fenore damnum multipliciter sarcians.

§ II Secundum charitatis officium est, ornare animam, ut enim ministri Regis Affueri, sponfas Regias futuras, omnimodo ornatu excolebant, quò Regis oculis quā maxime



mè placent: ita charitas perfectæ suas animas, Dei verò sponſas excolit, & expolit omni mundo ornatuq; ſuo, quò illa mirificè abundat: omni ſcilicet virtutum genere, omnibus ſanctis operationibus, in gradu excellenti, omnibus ſublimitatibus ſpiritualibus, & valde defecatis quos in modis operandi, & in intentionum puritate, & in intentionis ardore adhiberi facit. Quo fit, ut anima coram Divini ſponſi oculis amabilis, & admirabilis appareat: *Aſſiſtatq; ſicut Regina à dextris eius circumdata varietatibus &c.* Pſal: 44. 10.

§ III. Tertium charitatis perfectæ officium, quod eſt unire Deo: & quidem magna celeritate & facilitate, quia nimirum & cum uſitata valde coſuetudine atq; familiaritate. Sicut enim ad Regium intimum conclave, nemo admittitur, niſi jubeatur: at ſi Regina veniat, talibus cunctationibus uſus non eſt, ſed ultro panduntur ei portæ, & ipſa jure ſuo ingreditur fiducialiter, ita aliis quidem virtutibus ad Deum ſe conferentibus præſtatione opus eſt & examine: at verò ubi charitas perfectæ comparuerit, ſine ulla mora, tanquam Regina & Unica, & Columba, illico aditus pateſcit, & familiariffimum colloquium, converſatioq; eſt in promptu: Similiter ſicut quando igni imponitur aurum, argètum, ferrum, aut quidlibet aliud ab igne diverſum, ignis illi nequaquam ſtatim unitur, ſed prius in eo prævias facit alterationes & diſpoſitiones, at verò ſi aliud quidam conſimilis ignis igni admoveatur, illico ex duobus unus ignis propter ſimilitudinem naturæ ſunt. Sic aliarum virtutum affectiones ad Deum directæ nequaquam ſtatim animam uniunt Deo, Deumve illi: at poſtea quam charitas perfectæ in medium venerit: continuo illi etiam charitas, quæ Deus eſt unitur, unusq; ignis charitatis ex duobus efficitur, & anima Deo, Deus animæ intima ratione conglutinatur, & unitur.

§ IV. Quartum officium perfectæ charitatis eſt, dare animam Deo, & Deum viciffim animæ in proprietatem, in poſſeſſionem, in hæreditatem, in fruitionem, in gaudium, in ſatietatem. Hæc eſt enim amoris, maxime Divini, & quidem perfecti natura auferre amantem amanti, & transferre illum in amatum, eumq; illi dare, & inviſcerare; unde datur quod amantis anima, magis eſt ibi, ubi amat, quam ubi animat. Itaq; charitas, animam animæ ſurripit, & in Deum ipſam.

infundit: viciffim Deum Deo aufert, eum animæ infert, & facit unum ſpiritum ex eis ambobus, non quidem per ſubſtantiæ & Entitatem, ſed per voluntatum amorumq; affectionem. Quare amans Deum anima, tenet, poſſidet, hæreditat, habet Deum, fruïtur, gaudet, ſatiatur Deo pro bonâ ſua voluntate, & pro Divinâ in ſe liberalitate: viciffim verò Deus quoq; animam proprio quodam charitatis jure (quod charitas dat) obtinet, poſſidet, hæreditat, habet, fruïtur ipſâ, eamq; in omne placitum ſuum, uſum adhibet: de ejus præſentiâ & affectione gaudet, ejus ſuavitate, quam ab ipſo habet ſatiatur, & adhuc tamen eam amplius deſiderat, ideoq; etiam amplius dilatat, ornat, ſibi aſſimilat & adſtringit. Propter quod datur in cantico amantium: *Ego dilectio mea, & ad me converſio eius.* Cant.

§ V. Quintum officium perfectæ charitatis eſt, communicare cum aliis ſortem ſuam. Ad charitatem enim iſtam pertinet vox illa. *Si quis audit, dicat veni.* Apoc: Sors ejuſdem charitatis, & pars optima eſt Deum habere, guſtare, eodem fruï & gaudere. Hac ſorte charitas perfectæ, fruï ſola non ſolet, ſed ubi ipſa ſatiata fuerit, atq; experimento edocta, quam ſuavis eſt Dominus, & quam ſalubris eſt convictus ejus: mox convocat omnes ad communionem ſortis ſuæ, ſciens omnibus abundantiffimè ſuffecturam, & gnara illi fonti, cui jam ipſa inhæret, nihil gratius eſſe ſolere, quam & omnes ſitientes veniant, & hauriant, & bibant, & inebrientur ab ubertate fontis, ſiatq; in omnibus *Eons aque viæ ſalientis in vitam æternam.* Ioan.

Ergo charitas perfectæ, illa ſatietate, quam ipſa habet ex Deo, contrahit inſatiabilem famem ſatiandi, ſeu ſatiatos videndi, reddendive, quam plurimos (omnes etiam) ſatietate illa, adeoq; hac fame alienæ ſatietatis agitur & agitur, ut niſi videat alios etiâ ſatiari, ipſa ſatietatē ſuâ non æſtimet, parata carere ipſâ, ut alij abudent, non ſecus ac Mater ipſa famē ſuâ amat, modò filij paſcantur, & abudent. Talis certè charitas Pauli dicētis: *Optabam ego ipſe anathema eſſe à Chriſto pro fratribus meis.* Et Chriſtus gallinæ charitatem ſuam comparavit, non ob aliud, quam quia ſola ex avibus gallina mater cognoscitur, etiamſi pulli ejus non cernantur, ſola ad extremum vitæ exhauritur, modò pulli paſcantur, foveanturque. Quanquam liberalius oſtendit Dominus noſter hanc famem ſatietatis



ris nostræ: tunc quando dixit, & magis quam quod dixit fecit. Ego veni ad mortem usque Crucis, ut oves mee vitam habeant, & abundantius habeant, cujus vestigia subsequens Paulus proficitur. Ego autem impendar & super impendar pro animabus vestris.

§ VI. Sextum officium perfectæ charitatis est, nauseare omnia terrena, omnia creata, omnia (& hæc maxime) propria atque privata. Sicut enim qui lautè & opiparè passus saginatusque est, nauseat super cibis levissimis, super porcorum siliquis: ita charitas perfectæ, solius Dei cupida cum sit, solo Deo satuta, solo Deo dives, non tantum non cupit, quæ Deus non sunt, non tantum rejicit, sed etiam odit, horret, nauseat, quidquid extra Deum est: quidquid Deum non redolet. Ea propter, quæcumque alios capiunt & absorbent, quæ aliis famem & sitim validæ eient, quibus alii carere in animum inducere non possunt, hæc nec tangere, nec intueri sibi et charitas perfectæ, & anima tali charitate plena. Non secus quam si jam beata esset. Ut enim beata anima Deum habens, eoque fruens beatificetur: de hisce terrenis bonis atque delicijs, nec cogitat, nec dignatur cogitare, & indignissimum statu suo reputat cogitare: ita suo modo, charitate perfectæ redundans anima, Deum suum etiam nudissimum, etiam omni creatura spoliatissimum, etiam vilitate ipsa viliores, (qualis Christus IESUS fuit, vel in stabulo, vel in crucis patibulo) totum mundo, omnibusque mundi opibus, honoribus delicijs præfert, ita ut etiam comparationem facere absurdum ducat, cogitationem fecisse, medullitus nauseat, utpote in Deo uno, & solo habens omnia, & plus infinities quam omnia.

§ VII. Septimum officium perfectæ charitatis est, transformare, vel ut loquuntur Sancti Deificare, Deiformare, Deiformesque facere, non immutatione substantiarum, sed conformitate, atque unitate, imo identitate voluntatum, & placitorum, quæ sic homo instructus charitate perfectæ induat imbibatque voluntatem Divinam, ejusque gustum ita addiscat, ita ei insuescat, ita eo fermentetur, ut medullitus saporem omnem Divini placiti, Divinaque voluntatis habeat, retineat, omnibus aspiret, omnibus exhibeat, in omnibus exequatur. Ut sit quidem inter hominem & Deum infinita Entitatum & substantiarum distantia, at voluntatum tamen placitorumque nulla sit, nulla (quantum hæc mortalitas patitur) esse possit discrepantia, atque dissonan-

tia, eo quod Dei & hominis unum sit cor, & una voluntas.

§ VIII. Octavum officium perfectæ charitatis est, negligere, seu potius sepelire se in Dei Sapientia atque providentia: quæ in sui dispositione non fallitur, quæque melius omnia novit, quam ullus homo, melius homini vult & cupit, (præsertim amico sibi) quam ullus ipse homo sibi, potentior est ad præstandum efficaciter omne quod homini providerit: ad cujus providentiam homo, de suo, deque suis viribus, ne cogitationem, quidem aut desiderium adijcere potest; propterea perfectæ charitas hominem suum facit diligentissimè negligentem, & in nullo se se intromittentem, sed omnia Omnipotentissimo, Amantissimo, Sapientissimo, Optimoque amico, & Deo suo resignat, relinquitque curanda, transigenda, providenda. Unum hunc sibi laborem reservando, ut nihil sollicitus sit, ut omnibus Deo relictis, omnia ipse à Deo expectet, & acceptet, cum magnâ quiete suâ, ne dicam otio, sed valde tamen negotioso, effectuofo, & Divino gustui gratioso.

Facit etiam ista charitas inire, & initum servare pactum cum Deo suo. Cogita tu de me: & ego cogitabo de te. Quod quidem pactum si homo exactè & plenè servat, omnem sibi sapientiam, potentiam, charitatem, bonitatem, dulcedinem, fidelitatem Dei obligavit: ut impossibile sit ei bene non esse, voluptatemque ejus non impleri, tam in maximis, quam in minimis, tam in supernis & internis, quam in infimis & externis. Ex eodem que fonte, eadem charitas præstat illud in homine: quod nihil grave, nihil laboriosum, nihil impossibile, intolerabile nihil Deus imponere illi possit, quod ille non valeat, & non audeat aggredi, atque exequi: non quidem suis visus, aut usus viribus, quas sibi nullas, & ad nihil boni inesse scit: sed Divinis, quas ille tantò sibi magis obligatas, & habet, & agnoscit, & exigit, quanto grandiora sibi imperari à Deo intelligit, scitque non se, sed Deum ipsum magis (cui tamen grave nihil esse potest) gravari. Proinde ex hoc maxime atque evidentissimè colligit, cognoscitque magnas sibi vires Deum allaturum, quando quidem magnas res præstandas imponat. His itaque Dei magnis viribus omnia remittit, & de suis (quas nullas habere se scit) nihil admiscet: totum Deo faciendum relinquit, totius etiam facti gloriam & laudem consignat, sibi purum & merum nihilum retinens. § IX.



§ IX. Novum officium charitatis est facere animam suam, cui inest, in suis affectibus omnibus quasi mortuam, & tam motu, quam sensu, tam affectione, quam tendentia quavis destitutam. Anima enim quæ perfecta est in charitate Dei, ingressa est in Deum, in eoq; se amisit, & secum omnia, tam sua, quæ habet intra se, quam ea quæ sunt extranea sibi. Exinde mortuis in se, imò secum, omnibus affectionibus, immobilis quodam modo est ad omnia, usq; adeò, ut etiam ne in ipsummet quidem Deum, plus, aliterve feratur, quam Deum velle se ferri intelligit. Non vult Deum amplius nosse, non plus diligere, non plus gustare, non plus possidere, quam Deus nosci, diligere, gustari, possideri à se vult.

Pari ratione & ex creaturis nullam vult scire, nullam habere, nulla carere, nisi quia & quomodo Deus eum vult ab ipsa sciri, haberi, non haberi. similiter, & posse & non posse, mereri non mereri, esse non esse, plus vel diutius, hic vel alibi, sic vel aliter, se ipsam non vult, nisi juxta, & propter voluntatis Divinæ mensuram. Similiter laudari vel vituperari ab aliquo perinde habet. Et quòmodo turris, sive ab ortu, sive ab occasu vèto affletur nihil pensi habet. *Vivere illi Christus, & mori lucrum.* in cælo esse, aut in inferno non discernit. Severus vel blandus Deus, dulcis & amarus, liberalis & parcus, pauper & dives, gloriosus & humilis, idem ipsi est: & solus Deus illi est in oculis, adjuncta verò ejus, extra considerationem vel sensum.


Similiterq; in creaturis omnibus nihil illi elucet nisi Deus, idq; tam in ipsismet, quam in earum omnibus conditionibus, circumstantiisq; unde perinde illas amat æstimatq; sive ametur, sive odio habeatur ab eis: nihil enim in eis attendit nisi Deum, qui illi ubique, & semper, unus, idemq; & æqualis est: cujus etiam gloriam amoremq; quia suum reputat à creaturis eum non cupit, libenter eo caret, Divino contenta. Ista mors animæ, à charitate inflicta, admodum quidè rara est, attamen est omni hujus vitæ mortalis vita melior, pretiosior, optabilior.

§ X. Decimum perfectæ charitatis officium est, tam supradicta omnia, quam quævis alia, in animâ suâ custodire, conservare, augere, & hoc quidem 1. assiduâ Dei, tam ipsius perfectionum, quam beneficiorum cognitione. 2. Intima & perenni intra proprium nihilum miseriamq; habitatione. 3. Fidei omnium bonorum in Deum relatione, directione, ejusq; solius, quam maximè per omnia, & in omnibus laudandi, exaltandi; intentione. 4. Incessabiliter constanti virtutum omnium, in perfecto gradu, quantumvis in minimis actionibus & conditionibus per exercitationem possessione.

Hæc sunt perfectæ charitatis officia, quibus illa libenter occupatur: dum modò inveniat animam sibi obsequentem: amoven-tem à se omnia, quæ impedire, admittentem in se omnia, quæ collaborare officiis eius possint &c.

## CAPVT XIV.

De charitate perfecta, consistente potissimum in effectione operum perfectorum, tam quoad substantiam eorum, quam quoad operandi modum.

§ I.  Icut in arbore multa quidem reperiuntur, quorum omnia & singula ad integritatem, ad ornamentum, ad fecunditatem fructumq; arboris confe-

runt, neq; tamen aut ipsamet arbor, aut arboris fructus consummatus, sunt: sicut in homine plura quidem sunt quæ hominem integrum & perfectum constituunt: neq; tamen aut completus homo, aut vita hominis sunt. Sic in massa metallica auræ, plurima quidem



quidem & ea, nec inutilia, nec planè ignobilia metalla reperiunt: quæ tamen minimè omnia aurum sunt. Ita in charitate perfectæ multa satis reperiuntur, quæ charitati perfectæ multum congruunt, subserviunt, commodantq; non tamen ipsa charitas vera & perfecta sunt: sed eam oportet ab his quæ secum quidem bene sunt, ipsa tamen revera minimè sunt, separare, ac internoscere, ne contingat folium arboris aut florem pro fructu, corticem pro radice, corpus pro anima, sensum pro ratione, æs pro auro reputare, atq; acceptare.

§ II. Amor verò ille seu affectus cordis nostri erga Deum, quo afficimur, & complacemur in Deo, tanquam in bono simpliciter magno, ac summo, illudq; præferimus omni alteri bono, non ob aliud, nisi ob illud ipsum bonum quod Deus est, & quod esse Deum, agnoscimus, gaudemusq; amorem, inquam hunc Dei considera, & adverte, esse quidem charitas potest, nequaquam tamen charitas perfecta est, si ad ulteriora quæ sunt perfectæ charitati necessaria, atque propria non progrediatur. Est quidem iste amor simplex & simpliciter sibi in Deo summo & summè bono complacens omnino ad charitatem perfectam necessarius, perfecta tamen charitas ipse non est.

§ III. Desiderium Dei quo anima in Deum fertur, rapitur & æstuat, quo languet, & alleviatur ad Deum suum: sive tanquam ad absentem, sive tanquam ad præsentem, si quisq; non dubiis experimentaliter cogniti: esse quidem etiam charitas potest, nequaquam tamen perfecta charitas. Anima illa, sive charitas illa, quæ nuntiari jubebat dilecto, sequeq; fulciri floribus ac stipari malis, eò quod amore langueret: item anima & charitas illa, quæ cervi instar ad fontes aquarum anhelantis ad Deum fontem vivum festinare, & desiderio æstquare, se protestabatur: itè anima illa & charitas illa, cui lachrymæ suæ fiebant panis, tam dedie, quam de nocte, cū sibi quotidie dici audiret. Ubi est Deus tuus? Item anima & charitas illa, quam tædebat vitæ suæ, & desiderium habebat dissolvi, ac esse cum Christo: talis inquam seu anima, seu charitas, ex hoc præcisè statu suo, neque perfecta charitas est, neq; est perfecta in charitate. Bona est & bona valdè, & in charitate perfecta laudabilis valdè: ex eo tamen solo, quia talis est charitas perfecta minimè est.

§ IV. Proposita, resolutiones, animositates, vota ferventis & æstuosæ excessivæque in Deum dilectionis, non sunt simpliciter perfecta charitas. Itaq; grandia loqui corde vel ore, admiranda est stupenda & à communi sensu renat sentire, proponere & statuere qualibet ardua, vè vere & polliceri summè defæcata, & consummata. Offerre se Deo, pro Deo, ad horribilia difficiliaq; omnia, non solum factu, aut perpeffu, sed etiam ipso auditu & cogitatu depingere, designare, destinareq; animo perfectionis in vitâ, in moribus, in actionibus, in virtutum exercitiis, supremos quoq; apices, nequaquam est præcisè & absolute perfecta charitas: bona sunt hæc in charitate, & bona valdè fateor: charitas tamen perfecta, non sunt.

§ V. Cōsidera Supra dicta tribus proximis cōsiderationibus, potissimū ultimis duabus, charitatem perfectam non esse ideo in primis, quia talia omnia, hisq; plura similia, sine charitate perfecta esse possunt, cum imperfecta charitate esse possunt, ante perfectam charitatem esse possunt: charitas perfecta sine illis (præsertim quoad proximum & ætUALE exercitium talium) esse potest.

Itaq; ista talia: siue præcedent perfectam charitatem, per modum præviæ dispositionis quomodo flores præcedunt fructum, quomodo ver & sementis æstatem atq; messem; bellè charitati perfectæ serviunt, ipsa tamen perfecta charitas nequaquam sunt, cum & in ipsis incipientibus, recenterque justis, & injustitia adhuc crudis esse possint, siue etiam comitentur, aut sequantur charitatem perfectam, & ex ejus perfectionis plenitudine, ac fecunditate, excessuq; redundant, charitatis quidem perfectæ fructus & effectus quidem, (nimirum non simpliciter necessarii, nec substantiales) esse poterunt, perfecta tamè ipsa charitas non erunt. Quare ex horum talium, in se, vel in aliis præsentia, atq; experimento: de perfectæ charitatis possessione, atq; præsentia in animabus, statuendum non est.

§ VI. Supradicta omnia charitas perfecta non sunt, ideo in primis, quia charitati perfectæ simpliciter necessaria non sunt, & licet ad ejus ornatum, decoremq; possint aliquando accedere, eumq; illi addere: tamè de ejus substantia non esse. Deinde ideo, quia ista talia sine charitate perfecta esse haberiq; imò verò cum magnis & crassis imperfectionibus consistunt. Possunt enim haberi.



haberi ab ijs qui sunt amatores sui ipsorum, inimici Crucis Christi, quærentes quæ sua sunt, non quæ IESU Christi. Possunt ista esse in hominibus, vivas passiones habentibus, per desideria multa, & nociva, & infruita, inordinate, impotentiaque effervescentibus. Possunt ista ipsa insipientibus esse causa superbiæ, complacentiæ, & ruinæ, quando nimirum insolentia talium aucti, & delectati veniunt in admirationem sui ipsorum, fiuntque apud se ipsos magni, & rari, & supra communem mensuram homines Sancti. Unde pretiosi apud se sunt, honorari cupiunt: extolli appetunt, confundi dedignantur, humiliari (nisi forte spe amplioris exaltationis ad tempus) ferunt & oderunt, abundant in sensu suo, in iudicio proprio, in voluntate propria, in amore privato atque proprio.

Quamobrem manifestum est, hæc talia charitatem perfectam absolute non esse. Manifestum quoque est charitatem perfectam ab his talibus, propter jam dicta adjuncta incommoda, & pericula, libenter abstinere, ipsique carere. Quod diligenter notandum est ijs, qui charitatis perfectæ studio desiderioque tenentur.

§ VII. Charitas perfecta potissimum primariè, substantialiterque in effectibus, instructibus, in operibus, in exercitiis practicis, in laboribus Divinis sita & constituta est. Quia verò omnis vera charitas operativa esse necessario debet, ut vera sit, & quia charitas vera, alia est incipientium, & ipsa incipiens; alia proficientium, etiam ipsa proficiens; alia denique perfectorum, & ipsa quoque perfecta: sequitur cuilibet charitati suam efficaciam, suamque opera inesse, neque tamen inde sequitur omnem charitatem operativam, & efficientem licet, perfectam esse, sed potius sequitur, charitatis perfectæ non quamlibet efficacitatem, nec quamlibet opera, exercitia, esto à charitate procedant, indubitam notam esse, sed debere charitati perfectæ, proportionatam, id est perfectam efficaciam inesse, per quam etiam proportionatos, id est perfectos effectus, seu perfecta opera charitas efficiat, & producat; ut propter eorum productionem, non tantum vera; sed etiam perfecta charitas nuncupari possit, dives scilicet & abundans in operibus bonis, egregiis heroicis perfectis. Quoniam verò ad perfectionem operum, & charitatem, non pauca desiderantur alia, præter ipsam illorum substantiam sive internam, sive externam, idcir-

co charitas perfecta, non tantum ex eo perfecta esse censenda est, quod illa granditer & perfectè, quoad modum, quoad conatum, quoad alias circumstantias, conditionesque requisitas faciat. Possunt enim minuta, quantum ad substantiam, opera fieri, modo tamen valde sublimi atque perfectò: & erunt ista charitatis perfectæ: & possunt fieri opera, quoad substantiam sublimia, & heroica, & ardua, quæ tamen si modo quodam languido, & frigido, & sine opulencia mentis, & perfundiorè, & cum impuritate intentionis aliqua fiant: minimè ad perfectam charitatem pertinebunt.

§ VIII. Charitatis perfectæ efficacia sive efficientia perfecta, etsi tam quoad substantiam operum, quam quoad modum operandi attendenda sit: magis tamen penes modum, quam penes substantiam attendi, exerceri; à charitate debet, nec non apud Deum æstimari solet. Quid autem iste modus operandi, in perfectæ charitatis perfecta efficientia requisitus in se se contineat seu in quo positus sit? etsi hoc aliàs jam explicatum habetur tamen quia hoc etiam præsentis considerationis plenitudo exigit: hic quoque perstringi consideratione omnino debet. Itaque modus opera perfectæ perfectè operandi, in quo præcipue charitatem perfectam huius vitæ excellere, semperque etiam proficere (nunquam enim in hac vita ad ultimam summum perveniri in charitate, & in sua operatione, aut operandi ratione potest, sed semper proficiendum est) debere dicimus, & volumus, hæc continet, & in his consistit. 1. In intentione, puritate, simplicitate, unitate. 2. In affectionis æstu & ardore. 3. In effectiois atque operationis ingenuitate atque liberalitate. 4. In Divinitatis seu Divinarum in agendo rationum, normarumque accurata imitatione. 5. In dilatata, capacique multorum, imò omnium, gloriæ voluntati; Divinæ congruentium, sive objectorum, sive circumstantiarum, sive perfectionum sublimitatumque complexione. 6. In humili & obliuiosa omnium, quæ hæcenus acta sint, intra vilitatis, infructuositatisque propriæ sepulchrum, coram Deo tumulatione. 7. In gratuita, fidei, & se penitus nuda, in Deum autem divite, insatiabili, perseverantia.

Quæ omnia magis minute ac ideo magis explicatè hunc in modum possunt proponi. Supposito ergo quod liberum agens, sit in charitate, atque gratia, seu amicitia apud Deum,



um, & quod opus natura sua sit, vel simplici-  
ter bonum, honestumq; vel saltem non illi-  
citur: ad perfectam charitatis perfectum ope-  
randi modum pertinebunt omnes circum-  
stantiæ operationis, quæ quantò erunt tum  
ab imperfectionibus quibusq; illicitis, aut le-  
vibus, tum à proprietatibus, & ad operan-  
tem ipsum, ejusq; commoda quælibet priva-  
ta, conversionibus seu respectibus, tum ab  
omni creaturarum commercio remota, & va-  
cua: quantò item erunt purius, simplicius,  
intimius ex Deo hausta, inq; Deum directa,  
tantò perfectiorem facient operationem, tan-  
tò dignius opus, tantò gratiorem operatorem,  
tantò grandiore consummationemq; cha-  
ritatem, tantò gloriosiore glorificationem-  
que Deum.

Itaq; agere (& in agere, nunc includimus  
etiam pati) quælibet siue magna, honorifica,  
obligantia, interna, siue minuta, humiliati-  
va, vilis, spontanea, externa, agere inquam  
hæc in conspectu Dei intentione planè purâ,  
& rectâ, & sublimi (quæ est exaltare quàm  
maximè Deum propter ipsummet Deum.)  
agere diligenter, & omnibus numeris opera-  
ti, operationi, operiq; debitè absolute agere  
non tantum in charitate, nec tantum ex cha-  
ritate, nec tantum cum charitate, nec tantum  
propter charitatem, sed etiam ipsamet chari-  
tate, tam imperativè, quàm etiam elicitive  
quoad fas, agere cum humilitate, perditio-  
ne, oblivione sui, privati commodi, hono-  
ris, agere cum intenso extensoq; ardore fer-  
voris, agere cum cõplexione, complicitateq;  
cujusvis congruæ operanti & operationi,  
& operi ipsi virtutis ac perfectionis: agere  
strenuè, robustè constanter inter medias li-  
cet operandi difficultates, agere pacatè, qui-  
ete, liberè, liberaliter, delectabiliter: agere  
constanter, fideliter, non quasi ad oculum,  
non quasi ad præmium, non quasi ad tempus  
agere dignè Deo, agere instar Dei, seu quo-  
modo vel agit, vel ager, vel ageret Deus,  
agere transmutatè & transmutativè in De-  
um; agere cum gustu & contentatione pro-  
prij cordis quo ad præsens, cum fame, cum

proposito, cum conamine parato, atque  
etiam exerto, seu excito ad ulterius, ad am-  
plius, ad perfectius, agere cum quieta  
solicitudine atque indagine, ecquid ad-  
huc, ecquomodo adhuc, in gustum & in-  
gloriam, & in suavitatem, & in voluptatis  
initiationem, Divino cordi agi possit? age-  
re non unum aliudve, non semel, iterumve  
sed agere omnia, at semper agere ex habi-  
tu, per usum in naturam verso, agere abs-  
que negligentia remissione; agere cum de-  
suetudine & oblivione trepiditatis, & ne-  
glectæ perfunctoriæq; occupationis; agere  
cum strenuitate atq; heroicitate tanquam  
connaturali, agere omnia & singula quæ se-  
se offerunt, siue adducunt necessitate, siue  
spontaneâ delectatione, siue munerum, ope-  
rû obiectorumve exigentia, siue lege obe-  
dientiæ, siue communis vitæ, charitatisq;  
mutuæ suggestionis, illo uno præcipuè di-  
scrimine atq; fine: quia Deus est, cui &  
propter quem agitur. Sic agere viven-  
do, & vivere agendo, ubiq; & semper &  
omnia: hoc ni fallor, est agere juxta per-  
fectam Charitatis perfectum modum, hoc  
demum est habere genuinam perfectionem  
effectivæ efficacisq; Charitatis: quæ in hac  
vita, tunc demum perfectè habetur, quan-  
do semper perfectius haberi desideratur &  
quæritur.

Hæc consideret, imo hæc quærat, hæc  
agat, his & in his vivat assiduè, & semper  
quisquis perfectam Charitatem perfectè ha-  
bere quærit & sitit, quodsi etiam ita in se  
liberalem experiri contigerit Divinam il-  
lam & superessentialem Charitatem, quod  
DEUS ipse est, ut omnimodam istam Cha-  
ritatem: omnibus supradictis hac meditatio-  
ne punctis recompensavimus cordi infun-  
dat, atq; indulgeat, agnoscere Dei beneficen-  
tiam, & gratitudine omni possibili repen-  
dere Deo nunquam cesset. Semper tamè in-  
ter substantiam præsentiamq; Charitatis, &  
inter necessaria ejus, debitum discrimen æ-  
stimationis conservet.



## CAPVT XV.

De charitate perfecta, malorum victrice,  
per modum prædominantis & super ex-  
cedentis.

§ I.



Ita præsens nostra cuiuscunq; conditionis & status sit, militia & pugna est contra hostes seu visibiles, seu invisibiles, seu contra nos, seu intra nos positos, à quâ militia vacare nemini penitus licet dum vivit: quod non semper eadem conditione militet, iisdemvè armis certet. Affirmatè loquitur Iob, tam de se, quàm de alijs: *Militia est vita hominis super terram.* Idem est nobis militare quod vivere: nec aliud, neq; brevius est tempus militandi, quàm vivendi: ubicunq; vivimus, ibidem & militamus? Unde etiam id S. Iob ait: *Cum his diebus quibus nunc milito, expecto donec veniat immutatio mea.* Idem militandi opus & onus agnoscit Apostolus hortaturq; nostrum quemlibet: *Milita bonam militiam.* *1. Tim: 1. 18. Et labora sicut bonus miles Christi Iesu. 2. Tim: 23.* Cum autem militare necesse sit, consequens, imò antecedens est, hostes nos semper & ubiq; habere, quorû capita vulgò sunt nota, demon scilicet caro, mundus in quorum castris militant contra nos peccata, tentationes, concupiscentiæ, & passiones, habitus pravi, inclinationes, occasiones.

§ II. Licet verò omnes militare necesse habeamus, quamdiu in hac vitâ sumus: valde tamen diversis conditionibus, modis, armisq; pugnamus prout variè unusquisq; nostrum constitutus est. Militant quidâ malam militiam: ut illi qui pro diabolo contra Deum, pro carne contra spiritum & animam. Militant aliqui bonam militiam, sed nò omnino benè, nò omnino legitime: non induti arma militiæ congruentia. Militant aliqui militiam bonam & benè, & alij alijs melius, ordinatius, felicius, ro-

bustius, iuxta mensuram spiritûs & gratiæ, iuxta etiam gradum, in quo constituti inveniuntur, Divinæ Charitatis.

§ III. Eorum, quæ bonam, & benè militiam militant contra hostes suos, variæ sunt classes. Et primo quidem aliqui taliū militant seu decertant cum hostibus tanquâ inferiores, & infirmiores, & imperitiores, cum superioribus, robustioribus, peritioribus, tales sunt noviter conversi ad Deum, quibus peccata adhuc sunt facilia commissu, difficilia vitatu, in quibus passionibus vehementes & feroces, concupiscentiæ vinci insuetæ, dominari solitæ, habitus adhuc robusti, & vix aliquando infracti cessatione malorum, usu bonorum oppositorû actuum, tales enim pugnant quia oppugnantur, & provocantur, pugnant cum difficultate, cum periculo, cum dubia victoriâ, interdum nec sine aliquo vulnere. In quorum typo fuere filij Israel egressi nuper ex Ægypto: quos cito cepit tadere itinerâ, & corde redibant in Ægyptum, & invasit eos Arad Rex Chananea, duxiq; ex eis prædâ. *Num: 21. 1.* Hi sunt, in quibus charitas tenera, modicâq; adhuc est, propria adolescentulorum, & incipientium.

§ IV. Alij sunt ex militantibus bonam & benè simul militiam Domini contra hostes suos, qui pugnant cum eis veluti viribus paribus: qui jâ scilicet non ignorant astutias & dolos, & artes, consiliaq; hostium suorum: qui ex praxi exercitationeq; prudentiam iustorum assecuti sunt, bonis actibus contra peccata, virtutum habitibus contra vitiosas consuetudines, ferventibus sanctitatis desiderijs contra concupiscentias malas, amore caelestium contra tentamenta extrinsecus titillantia, rationibus & motivis æternis contra secularia & tempo-



& temporalia dictamina, Sapientia Dei contra sapientiam mundi, Spiritu & gratia contra sensum & naturam decertant. Nec jam defensivo tantum bello contenti sunt, sed etiam aggressivo impetu in hostem ipsi audent, in eumque irruunt armati nomine fortissimi Dei Israel. 1. Regi. 14. 13. Horum figura fuit Ionathas filius Saul, qui solo comitatus armigero suo aggressus est: *stationem Philistini: manibus & pedibus sursum reptans, itaque alii cadebant ante Ionatham, alios armiger eius interficiebat sequens eum, & facta est plaga prima. Psal. 17. 38.*

§ V. Aliqui militant Dei militiam bonam bene, ita ut superiores hostibus, atque terribiles eis sint, tanquam excedentes eos plurimum viribus, & armorum usu: & contemptui eosdem habentes, atque iridentes, eorum conatus eo modo, quo gigantes robustissimi, per millionum, & puerorum vanas sive viribus iras, minasque invident. Talis pugnator fuit David, quando dicebat: *Persequar inimicos meos & comprehendam illos: & non convertar donec deficiant. confingam illos, nec poterunt stare, cadent subter pedes meos. Et comminuam eos ut pulverem ante faciem venti: ut lutum platearum delebo eos. 1. Reg. 17. 11.* Non potuit magis explicasse, quam viles, & parvi essent in oculis eius hostes, quam quando eos pulveri, a ventis dispergendo, & luto platearum, pedibus concutendo assimilavit.

Talis pugnandi militandique modus proprius est charitatis perfecta quam ita est robusta, ita super hostes suos, Divinosque elevata, ita ut bellis Domini exercitata, ita vincere & triumphare docta assuetaque: ut omnes hostium conatus, omnes insultus tentationum ipso contemptu debelleret, velut pulverem dispergat, velut lilia concutiat: ita ut non relinquatur simul ex eis duo pariter. Taliter pugnantium cum hostibus spiritualibus figura fuit: *Banaia filius Ioiada viri fortissimi, magnorum operum, de Capseel: ipse percussit duos leones Moab, & ipse descendit & percussit leonem in media cisterna in diebus nivis, ipse quoque interfecit virum Egyptium, virum dignum spectaculo, habentem in manu hastam, itaque cum descendisset ad eum in virga, vi extorsit hastam de manu Aegyptii & interfecit eum hasta sua. 2. Reg. 23. 20.*

§ V. Tunc vero Homo charitate perfecta praeditus est, hostibusque superior, ac per modum praevalentis superexcedentisque mala

universa, quae verè mala, id est, moris vitia sunt, expugnata ac debellata, pulverisque vanissimi, ac luti vilissimi loco habet & calcit, quando ad eum statum pervenit: ut vitia, non solum idcirco oderit, quia poenalia sunt, neque solum, quia aliter quocumque modo damnosa, & boni cuiusque privativa, sed etiam quia & simpliciter vitiosa, & primae summæque rectitudini rationi ac voluntati repugnantia exosaque sunt. 2. Deinde quando non solum ipsa vitia modo praedicto odit: sed etiam materiam ipsam vitiorum, circa quam illa versantur, vel fastidit ac nauseat, vel nihili facit atque despicit: vel tanquam terribila lamenta puerilia, infantibusque obijci solita deridet, ac timere erubescit. Cum enim omnis nostra malitia, seu omnis nostra ad vitia peccataque subiectio ex eo nascatur, partim quia peccata committimus crebro, libenter ac facile, difficile autem ab eis abstinemus, & confurgimus, partim quia materiam peccatorum impense, inordinatè, & impotenter amamus: peccatorum autem materia duplex sit: una quidem in bonis huius vitae, hoc est, in voluptatibus, honoribus, ceterisque vitae ac sensus, voluntatis, & amoris proprii commo dis posita: altera autem in adversis ejusdem amoris proprii, voluntatis, sensuum, honorisque constituta.

Exinde sit ut nisi vera virtus hominis desiderit exhorrescere adversa omnia sensui, honori, amorique propria, contemnere autem & odisse inceperit omnia blandientia amoris, voluntati, sensuique: non possit ullo modo fieri ut non dico per modum superexcedentis, superdominantisque despiciat, sed vel etiam ex æquo & pari collato pede resistat aggrediaturve vitia & morum omnia mala. At ubi eo virtutis processerit, ubi ascensiones illas in corde suo disposuerit, ut vitae praesentis bona voluptates sensus, honores, libertatesque amoris sui aestimare desinat, adversitates autem, damna honoris & amoris, aspera carnis & sensuum despiciere, imò & amare, appetereque propter Deum incipiat, tum revera tanquam ex alto Gigas, pumiliones viliorum, delectationum, adversitatumque contemnet, velut lutum platearum delebit, velut pulverem a facie venti disperget, dissipabitque. Sicut enim timor malorum, & amor bonorum propriorum huiusque vitae, sunt omnium nostrorum hostium maximi, sunt fontes omnium nostrorum periculorum inexhausti, sunt ruinarum nostrarum antesignani. ita hu-



ius timoris amorisq; everfio, ac jugulatio, est summus supra omnes hostes nostros ascensus summusq; & absolutus ex eis deportata victoria gradus & triumphus. Quo potita charitas excedit tyrocinium, transcendit juventutem proficientium. Obtenet principatum veteranorum, & vinci, quasi nesciorum, vincere triumphareq; insuefactorum Hero-um.

Ex his ergo quæ dicta sunt condiscat charitas nostra profectus progressusq; suos, nempe tyrocinium suum si adhuc confortantur super eam vitia sua, ad adolescentiâ juventutemq; suam, si calcatis, & debellatis malignis operibus, oppugnat & expugnat habi-

tus pravorum, inordinatasq; passiones. Maturitatem & virilitatem, Heroicitatemq; suam, si jam mala opera nescit, habitus pravorum eiecit, passiones sub jugum misit, bona sensus & mundi despexit, adversa & horrida vitæ istius aut irrisit, aut etiam amavit, atq; desideravit, dicens cum illis robustissimis fidelissimisq; Deo suo. *Non timeamus populum terre huius: quia sicut panem ita eos possumus devorare recessit ab eis omne presidium Dominus; autem nobiscum est.* Num. 14. 9. Hoc est enim charitatem prædominari, & superexaltari omni hosti suo, omni peccato, & vitio & tentamento adversario.



## CAPUT XVI.

De charitate perfecta in bonorum operum exercitio dominante, atq; etiam triumphante.

**C**haritas perfecta non tantum modo jam supradicta mala debellat, prædominativo quodam & supereminenti: sed etiam opera bona, hoc est, virtutum sublimium, sublimes actus operatur, ratione ac via quoq; superexcessiva & supergredienti. Datur enim in humana spiritali perfectione, scilicet in charitate, dominium quoddam & potestas virtutis, seu exercentium opera virtutum. Illud nimirum, quo qui præditi sunt, facile possunt sugere mel de ipsâ petrâ, oleumq; de saxo durissimo, possunt etiam immolare victimas Iustitiæ, inundatione maris quasi lac sugere, & thesauros absconditos arenarum recondere Deut: 33. 19. Satis enim mare esset (si quæ tamen esset) charitas nostra, quæ robusta quidem esset ad non faciendâ malâ, ad eaq; expugnandâ, & exsufflândâ, tanquam pulverem à facie venti: invalida autem aut negligens, incuriaq; foret ad faciendâ iustorum & perfectorum opera.

Est autem prædominium charitatis in virtute quadruplex, in quorum quolibet quamvis charitas perfecta suo modo sit: est tamen

in singulis, alio alioq; modo perfecta, & in alio super alium valde perfectior, ut videre est in sequentibus punctis.

§ II. Constat virtutum opera fieri posse ac solere, quædam, seu quandoq; ab ijs, qui ad ea patranda impares adhuc & infirmi sūt: qualis fuit Iether primo genitus Gedeonis: qui iustus à Patre interficere Zebee & Salmaan Principes Madian Non eduxit gladium, timebat enim, quia adhuc puer erat. Iudic: 8. 20. Quandoq; patrantur opera virtutum ab ijs, qui ad ea patranda pares & idoneas vires habent, tum gratiæ cœlestis, tum exercitationis propriæ: quales operarii virtutum esse solent (debent certè) illi, qui complures annos conversionis numerant, & multum satis in studio perfectionis operæ posuerunt, qui debellatis in se vitiis, subjugatisq; passionibus, afferunt, offeruntq; Domino fructum sanctarum virtutum, permanentem in vitam æternam, non tantum tricesimum aut sexagesimum, sed etiam centesimum. Talis sibi visus est fuisse David ad debellandum Goliath: cum quo aliis videbatur valde imparibus viribus congressurus, eò quod David quidem puer esset, ille autem vir bellator ab adolescentiâ suâ.



1. Reg. 17. 33. sed David in Domino confisus, & ab anteriore sua experientia, quā cum leonibus luserat, quasi cum agnis, & in urfis fecit similiter: non temere, sed prudenter animatus, affirmavit parē se viribus Goliath congressurum, dicens: Et leonem & ursum interfeci, ego servus tuus, erit etiam & Philistaeus hic incircumcissus, quasi unus ex eis. Nunc vadam & auferam opprobrium populi. 1. Reg. 17. 36. 37. & addidit praeerea sanctissimus humillimusque juvenis Dominus qui eripuit me de manu A leonis, & de manu urfi, ipse me liberabit de manu Philistaei huius.

§ III. Constat etiam quandoq; opera virtutum patrari ab ijs, qui ad ea peragenda plus quam satis virium tam gratiae, quam fervoris, quam exercitationis facilitatisque habent. Hi sunt homines in charitate perfecti, Domini, & potentes, atq; heroes in virtute, pulchritudinis studium habentes, quorum semita virtutis atq; perfectionis processit, & increvit, usq; ad perfectum diem. Hi sunt illi sexaginta fortes, qui ambiunt lectulum Salomonis, ex fortissimis Israel, omnes tenentes gladios, & ad bella doctissimi, unius cuiusq; ensis super femur suum, propter timores nocturnos. Cant. 3. 7. Hi labore in virtutibus superato, delectabilem, & veluti naturalem sibi omnē virtuosam actionem reddiderunt. His bona mundi, vitæq; praesentis, opes sive honores, delitiae, ita viluerunt, ut eas etiam intuitu, aut contactu sibi indignas repulerit, ita adversitates huius vitæ, nimirum egestas, contemptus, dolor, persecutio, mors detereso omni horrore, naturam mutarunt in sensu eorum, ut omnibus divitiis, deliciis, honoribus, gaudiisq; huius vitæ praeferantur. Hi medullitus illud monitum ebiberunt, Omne gaudium existimate fratres cum in variis tentationes & tribulationes incideritis. His tribulatio, consolatio, inopia, abundantia, dolores, delitiae, opprobria, gloria, contemptus, honores, convitia, laudes, crux, triumphus, mors vita reputatur. His deniq; Deus est omnia in omnibus. Deus est ubiq; & semper, super omnia, Deus est solus, reliqua autem extra Deum nihil omnia.

§ IV. Hi autem praepotentes, atq; praedominatores in virtute, habent nihilominus suas differentias, atq; gradus in charitate ista licet perfecta. Est enim servus fidelis, & prudens, & bonus amans Dominum suum, charitate minimè servili, seu minimè serviliter sordida, sed servitute liberali, & inge-

nua, quæ durum illum foras misit timorem. Est servus cui non formidat Dominus credere omnia bona sua, totamq; familiam suam, ut det illi in tempore tritici mensurā. Est servus succinctus lumbos, & lucernam ardentem in manu tenens, omni hora vigilans ut quacumq; hora Dominus venerit, januamq; pulsaverit, confestim aperiat ei. Est servus velox in opere suo, indefessus in labore Domini, totus ad fructus, & lucra Domini multiplicanda conversus, talentis Domini omnis negotians, æquè super pauca & parva, atq; super multa & magna fidelis. Deniq; servus est, qui nunquam manumitti à Domino vult, neq; egredi ab illo, eo, quod diligit Dominum, & domum eius, & benè sibi apud illum esse sentiat. Deut: 15. 16. cui etiam Dominus libenter dicit: Euge serve bone & fidelis: quia super pauca fuisti fidelis, super multa te constituam, intra in gaudium Domini tui. Et hic est unus gradus charitatis perfectæ.

§ V. Secundus charitatis perfectæ gradus. Est enim Filius patrem diligens, patri semper adhærens, patri semper serviens, patris mandatum nullum unquam præteriens, patris amatot. non hæreditatis exactor: patrem ob hoc solum diligens, & in honore habens, quia Pater est, ex Patris nutu, auctoritate & voluntate totus dependens: cuius cibus est, ut faciat voluntatem Patris, & ut ea quæ placita sunt Patri, agat sustineatq; sèper, est filius qui paternis maximè delectatur encomiis, honoribus, compendiis, uritur autè peracerbè ejusdem injuriis, detrimentis, contumeliis, est filius omnem in rem Patris anticipans servitutem, nullam unquam defugiens obsequendi ansam, inexpletam semper Patri conservans pietatem, est filius ad formam & mores natus factusq; Patris, non minus animi, quam naturæ indole. Est filius cui etsi Patris placent omnia: ipse tamen Pater est supra omnia, imò est omnia. Denique est filius cui Pater semper est Pater, sive ille exhibeat filio dilectionem: sive adhibeat correctionem, sive tribuat hæreditatem, sive exigat subjectionem. Talis filius bene satis, imò & supra quàm satis robustus est, ad immanendum his semper, quæ patris sui esse intelligit: ad immoriendum his, quæ à Patre, vel præcepta, vel disposita esse cognoscit. Talis & tu esto, ut filius esse, ut filialis charitatis gradum perfectum possidere atq; exercere omnibusque numeris explere possis.

§ VI. Tertius perfectæ charitatis gradus est,



est, quem Sacra scriptura in sponsa ad sponsum representat effectu. quia de re totum amoris canticum loquitur, nec aliquid dici multo minus adduci potest, quod ibi non sit. Aliquid ex Bernardo delibemus, quod proderit considerasse ser. 83. in can: in Med. Exigit Deus timeri ut Dominus, honorari ut Pater, ut Sponsus amari. Quid his prastat? Nempe amor, absq; hoc, & timor penam habet, & honor gratiam non habet. Neutrum horum acceptabit Deus, si melle amoris condita non fuerint. Is per se sufficit, is per se placet, & propter se ipse meritum, ipse premium sibi est, prater se non requirit causam non fructum, fructus eius, usus eius. Amo, quia amo, amo, ut amem. Magna res amor si ad suum recurrat principium. Solus est amor ex omnibus animarum moribus, sensibus, atq; affectibus, in quo potest creatura (etsi non ex æquo) respondere auctori, v. g. Si irascatur mihi Deus num illi similiter irascatur, non utiq; sed pavebo, & veniam deprecabor. Ita si me arguat, non redarguetur à me, sed ex me potius iustificabitur, nec si me iudicabit, iudicabo eum, sed adorabo. Et salvans, non querit à me ipse salvari &c. Nunc jam videns de amore quam aliter sit. Nam cum amat Deus, non aliud vult quam amari: quippe non ad aliud amat, nisi ut ametur, sciens ipso amore beatos qui se amaverint. Magna res amor, sed sunt in eo gradus. Sponsa in summo stat, amant enim & filij, sed de hereditate cogitant. Suspectus etiam firmus est amor, cui spes suffragatur, qui spe subtrahita extinguatur aut minuitur. Parus amor, de spe vires non sumit, nec tamen dissidentia damna sentit. Sponsa hic est, quia hoc sponsa est, quacunque est: sponsa res, & spes, unus est amor, hoc sponsa abundat, hoc contentus est sponsus. Nec is aliud querit, nec illa aliud habet, hinc ille sponsus, & sponsa illa est, is Sponsus proprius est, quem alter nemo contingit, ne filius quidem. Esto quod honor Regis iudicium diligit, sed sponsi amor, imò sponsus amor, solam amoris vicem requirit & fidem, quidni ametur amor.

Meritò cunctis renuntians affectionibus aliis, sola incumbit amori, quæ ipsi respondere amori habet in retribuendo amore. Nam & cum se totam effuderit in amorem: quantum est hoc ad illius fontis perenne profluvium? Non planè pari ubertate fluunt amans & amor, anima & verbum, sponsa & sponsus

creatura & creator, non magis quam sitiens & fons. Quid ergo? Peribit propter hoc, & ex toto evacuabitur nupturæ votum, quia non valet ex æquo currere cum Gigante, dulcedine cum melle contendere, levitate cum agno, candore cum lilio, claritate cum sole, charitate cum eo qui charitas est? Non. Nam etsi minus diligit creatura, quoniam minor est, tamen si ex tota se diligit, nihil deest, ubi totum est. Propterea sic amare, nupsisse est, quoniam non potest sic diligere, & parum dilecta esse, ut in consensu duorum, integrum fieri perfectumq; connubium, nisi quis dubitet à verbo animam & prius amari & plus, prorsus & prævenitur amado, & vincitur. Felixq; meruit præveniri in tantæ benedictione dulcedinis: felix, tantæ cui suavitatis complexum experiri donatum est. quod non est aliud quam amor sanctus & castus, amor suavis & dulcis, amor tantæ serenitatis quantæ & sinceritatis, amor mutus, intimus, validusq; qui non in carne una, sed uno planè in spiritu duos jungat, duos faciat, jam non duos, sed unum dicente Paulo. *Qui adheret Deo, unus Spiritus est.* Hactenus Bernardus de sponsali charitate, quæ tantum præstat filiali charitati, quantum major est unio sponsi & sponsæ, quam patris & filii. Et quia major est unio, idcirco etiam est robustior operatio, necesse est enim ut obtineat majus ad agendum & in agendo prædominium: quandoquidem certior habet in dilectione triumphum.

§ VII. Quartus perfectæ charitatis gradus est, cui facilius est invenire officium, quam nomen, debet namq; præstare ea omnia, quæ supradicti gradus tres, & insuper aliquid si non amplius, certè expressius. Tres prædictæ charitates quantumlibet sublimentur, semper tamen habent in se aliquid, si non suum, saltem sui. Manent enim semper id quod sunt, sive id sit servus, sive filius, sive sponsa, at iste quartus amittit non tantum omnia sua, verum etiam totum se transiens & transformans se in amatum, seu potius amorem suum, nihil retinens, nihil querens, nihil sentiens, nihil intuens, nihil reminiscens, sive suum, sive sui, sive sibi. Vivens etiam ipsa perditione, & oblivione & exinanitione, & annihilatione sui, ad hoc solum, & unum in esse suo existens, ut habeat quod perdat, quod prodigat in amorem, ad solum hoc vivens, ut possit esse, vivere, mori, & gaudere, & gloriari in Cruce, in ignominia, in-

miser-



miseria, in dolore, in morte propter amorem.

Itaq; quisquis quartum hunc charitatis perfectæ gradum obtinuit, is in amatum, seu potius amorem Deum transivit, seu transformatus est; amisit apud se suum esse, amisit inquam sui curam, sui amorem, sui intuitum, suarum rerum, suæ vitæ, suæ mortis, suæ gloriæ, suæ beatitudinis, suæ existentie: sed hæc omnia sepelivit in Deo perdiditq; in ipso, sicut gutta perit in mari, aut atomus in sole. In hoc gradu quisquis consistit, res omnes prorsus nihili facit, nec ullum respectum earum habet sive illæ prosperæ sint, sive adversæ, sive pertineant ad ejus conservationem in esse, sive ad ejus honoris, reputationis, amorisve apud creaturas integritatem, sive denique ad quidlibet aliud, quod ejus, & ad ipsū propterq; ipsum quoquomodo sit. Una & sola est ejus cura, glorificare, & portare Deū, tam in corpore, quam in spiritu suo, per gloriam & ignominiam, per bonam famam, & infamiam, per penuriam & abundantiam, per vitam & mortem, per amorem & odium, per cælum & infernum.

In hoc gradu quisquis consistit, vulneratus & penetratus, & transformatus à charitate in ipsam charitatem, esurit, & sitit contumelias, calumnias, injustas accusationes, falsa testimonia, pro stulto haberi & existimari, purgamentum mundi, opprobrium hominū, & abiectio plebis fieri. Vulnera, vincula, plagas, vulnera, carceres, iniqua judicia, virgas, flagella, crucem, sanguinis effusionem, tormenta, mortem, partim non timet, partim expetit, partim pro præmio & beatitudine reputat. Et tantū abest ut his absterreatur ab amore, obsequiis, operibusq; Dei, ut potius ista timere timeat erubescatq; & his ipsis carere, vitamq; suam non condiri formidet. Talis amator, dolet quia non dolet, affligitur, quia non affligitur: magis eligit non vivere quam non tribulari, aut mori aut pati verū ejus.

Tali æstu arsit Christus Dominus in totā vitā suā mortali: usq; dum eam exiit: in primo conceptionis suæ momento, hunc ignē concepit, semperq; eo momentis omnibus flagavit, neq; sibi eo abunde saginatus, ebriusve etiam in ipsius passionis incendio visus est: sed post omnem illam charitatis indulgentissimam in tormētis sufficiens propinandisq; ebrietatem, sitire se, magisq; siti Crucis quam cruciatu, & morte crucis, affli-

gi protestatur. Hunc æstum Domini ignorans Petrus, ad iniectionem ab eo mentionem Passionis, quasi amoris zelum, sed non secundum scientiam exerens, Absit ait, à te Domine, non fiet tibi hoc: at enim qui pro amore isto gratiam sperabat, retulit repulsam, & durum illud verbum. *Vade retrò sathana: scandalum es mihi.* Hunc ipsum ignem Dominus postquam de cælo misit in ossibus discipulorum suorum: mox illi contumeliosissime virgis cæsi, jussu magistratus, triumphantes gaudio abeunt à conspectu concilii, eo quod digni facti essent pro nomine IESU contumeliam pati. Has ipsas flammās eructabat Christi servus Ignatius Antiochenus: ejus scintillæ sunt. *Vitam suam bestis: quas oro mihi veloces esse ad interitum, ne sicut aliorum Martyrum non audeat corpus attingere. Quod si venire noluerint, ego vim faciam, ego me urgebo, ut devorer. Nunc incipio Christi esse discipulus, nihil de his que videntur desiderans, ut Iesum Christum inveniam, tota tormenta diaboli in me veniant, tantum ut Christo fruatur.* Hieronymus in Script: Ecclesi: Alter quoq; Ignatius Societatis IESU parens, ejusdem planè spiritus flammis ventilabatur, vel ustulabatur potius, cujus incarcerationi catenatq; vicem aliquando cum amici miserarentur, in illas prorupit flammās. *Non tot sunt in Historia tota, non tot in orbe terrarum custodie & catene, ut non plures multo in Christi gratiam ego concupiscam.* Tom. 1. l. 1. Hist. Soc. n. 62.

§ VIII. Comparati ad invicem isti gradus omnes sunt in hoc similes, quia quandā unionem cum Deo important: sed alius alio arctiorē. Adstringitur charitate bonus & fidelis servus Domino suo: sed tantum magis filius Patri adstringitur: & magis utriq; unū sunt, quam servus & Dominus ejus. Porro sicut absq; dubio maior est unitas inter sponsum & sponsam, quam inter patrem & filium: ita etiam hic gradus tertius, secundo illo perfectior est. At quartus gradus amantem inter ac Deum, non inducit unionem, sed unitatem, ac veluti identitatem: transfert enim, seu potius transformat hominem amantem in Deum amatum, facitq; perire sibi hominem in Deo.

Rursum autem tres primī gradus (uti supra dictum est p. 7.) semper aliquid retinent de se: imò & de suo, nam utiq; servus apud Dominum mansionem, sustentationemque habet, præmiumque ac mercedem sperat & obtinet. Filio quoq; manet apud Patrem sui cura, manet hæreditas. Sponsa denique in-

utri-



utriusq; fortuna communionem assumitur à sponso: ut scilicet socia, particepsq; sit non tantum tribulationis, sed etiam consolationis: imò magis ad delicias & gaudia adsciscitur, quàm ad mæiores vel labores: ut nempe Sponsus habeat, ubi post curas & labores respiret, recreeturq; quod minimè sit absq; bono sponsæ ipsius. At verò qui ad quartum gradum assumptus est: is in Deum absorptus & transformatus est, exuit naturam, mutatque fortitudinem, perit ipsi sibi tam quoad alia omnia: totus est Dei, totus divinus, seu divinatus, deificatusque, totus pene ipseque Deus. Qui enim quærebat sua ante, jam perdidit etiam ipsum se, qui quærebat dulcia fugiens amara: jam fastidit & ridet dulcia, omniaq; prospera, amat autem & appetit omnia amara, pascitur adversis, saginatur patientiâ. Deniq; fidelis servus impendit Domino industriam. Filij & Sponsæ exhibet affectum.

Quartus iste Amator Anonymus, Christi formis, Deificatusq; impendit, & super impendit, tam se ipsum, quàm omnia sua. Servum labores superare non possunt; filium, non absterret disciplina. Sponsam zelus seu zeletypia non fatigat: Anonymus autem ille certus est, quia neq; mors, neq; vita, neq; Angeli, neq; potestates, neq; alia creatura, possunt eum superare, atq; separare à charitate Dei, quæ est in Christo IESU Domino nostro. Et quamvis certus sit: imò, melius dicam, quia certus est, quod separari non possit, usque eò progreditur, sanctâ quadam, & mirâ audaciâ, an astutiâ nescio: ut velit separari à Christo. *Cupio* (ait unus talium:) *anat ema esse à Christo pro fratribus meis.* Hoc ne cupit, qui nuper de non separatione certus & gloriatus fuit? Ita est, separari vult, quia separari non timet, quia inquam non separari certus est, paratus est Christum propter Christum deferere: & deserit delicosum gloriosumq; Christum, propter dolorosum,

contemptum, crucifixumque subtrahit sibi Christum, seq; Christo: & delicias mutuas: ut lucretur Christo, per suas cruces, novas prædas, novas sponfas, novas delicias.

Hoc spiritu, hoc astu, hoc æstu, illa quæ quondam dicebat. *Nunciate dilecto, quia amore langueo, sulcare me floribus, stipare me malis.* &c. jam mutata loquendi, & amandi, & audendi formula: animosè prope imperat, *Fuge dilecte mi.* facit hoc quia sobriissime ebria est. Crevit in amore, mutuata est, mutavitq; fortitudinem, & robusta est: quare deliciis solatiique rennaciens, nova virtute induta, & armata, suis viribus unâ cum ipsa se, orba, Divinis verò impleta, in quibus post omnia, provocat omnia tormenta diaboli, aspernatur omnes delicias sensuum, ridet omnia mundi bona, nec ea pluris facit, quàm pulverem quem projicit ventus à facie terræ, quàm lutum, & stercora platearum, pedum, ipsorum contactu indigna.

Ex his quæ dicta sunt, discat perfectæ charitatis ambitiosus amator, atq; exercitator: quæ & qualis est illa charitas, quæ per modum potestatem habentis, jure prædominantis, atq; supereminentis operatur opera virtutû, ad id enim præstandum compendiosissima via est, transformativa, ista & deificante imbui, induiq; charitate: quæ exercitatus & armatus homo, tanquam speciali, secretissimaque amantis & amoris Dei disciplina, omnia tam horrida quàm dulcia mundi, veluti lutum platearum conculcet, veluti palles comminuat, veluti pulverem dispergat. Sapientissimè stultus fiat, discretissimè indiscretus, diligentissimè negligens, robustissimè debilis, humillimè superbus, suis viribus omnino vacuus, Divina virtute ex alto indutus & repletus: operetur opera Dei, opera virtutum, opera charitatis primæ & ignitæ, opera dilectionis morte & inferno fortioris: securè glorians in Domino. *Omnia possum in eo qui me confortat.*





## CAPVT XVII.

De charitate perfecta huius viæ, imitante  
charitatem beatam Patriæ.

Quamvis charitas viæ à charitate patriæ, tantum differat atq; distet; quantum ipsa inter se via patriæ distat & differt: quia tamen charitas perfecta huius viæ sine dubio est suo modo vicina (& saltem respectu nondum perfectæ charitatis vicinior) charitati Patriæ: sicut quædam viæ pars vicinior est termino suo, quam alia, ejusdem viæ ad eundem terminum: idcirco non absurdè possumus charitatem perfectam viæ huius cogitare atq; æstimare tanquam imitatricem charitatis beatæ. Maxime quando charitas perfecta huius viæ, non aliunde perfecta esse diciq; meretur similis ac vicina charitati beatæ, nisi ex eo, quod ad illam magis magisq; accedat, deq; illius perfectionibus participet. Ex quo etiam illud consequens habetur, charitatis huius viæ id esse ex præcipuis officiis unum, tendere ad quam maximam similitudinem charitatis Patriæ: & etiam ex eo ejus perfectionem maiorem, minoremq; desumendam esse, quod charitatis patriæ major vel minor imitatrix, ejusq; perfectioni, & consummationi plus minusve intra statum viæ vicina esse comperiatur.

§ II. Charitas Patriæ quæ aliàs beatitudo coelestis charitas consummata, aliisq; nominibus appellatur) constat his veluti partibus atq; gradibus. 1. Cognitione intuitiva Dei, sive sicuti est ac facie ad faciem. 2. Dilectione ejusdem beatificâ. 3. Fruitione sive gaudio possessivo Dei. 4. Unionem cū Deo perfectâ, & æternum indissolubili. 5. Laude Dei præmiali. 6. Gratiarum actione plena est. 7. Congratulatione securâ & æternâ. In his septem partibus gradibusque, charitatem beatam, charitas perfecta huius viæ atq; vitæ, suo modo, quantum conditio præsens sinit, imitatur, atq; consecratur. Primo enim charitas perfecta, (& anima quæ ipsam habet) cognoscit Deum fide quidem

& speculum: fide tamen quadam majori, & elevatori, & per experimentum, quod habet de Deo, evidenciori: quàm ordinaria fides facit, quo sensu dictum de Moyse novimus: *quod facie ad faciem Dominum videre, cum eoq; Dominus loqui, sicut solet amicus ad amicum suum, consuevisset.* Exodi 33. 11. num: 12. 8. Nimirum animabus excellenter puris, charitateq; perfecta ornatis, Deus intra gradum fidei atq; viæ statum, communicat lumen quoddam uberius, limpidius, atq; oculum animæ in Deum intromittens intimius: in quo homine anima videt lumen: in Deo scilicet (seu per Deum) videt Deum, & quæ sunt in Deo, seu potius, quæ sunt Deus: duciturque eorū, sive ejus visione in Deum, eo modo quo trahitur stipula ad succinum, ferrum ad magnetem, nebula ad solem, aqua in spongiam. Tunc anima quicquid credit in altiori quodam lumine sese omnia credere agnoscit: creditura sine dubitatione omni, etli & scripturæ, & omnia magisteria testimonia que deficerent: etli miracula nulla essent. Tunc etiam anima in tali fide sua conquiescit cū quadam inquietudine. *Conquiescit enim quia testimonia Domini facta sunt ei credibilia nimis:* sive pro utilitate, firmitateq; sua propria, sive pro manifestatione gloriæ Dei. Non tamē absq; inquietudine: quæ enim ita firmiter, robustè, elevatè, & tantum non plane evidenter credit: ijs inescata, & lambere tantum, gustareque non autem ad satietatem sumere, edereque permessa, ad ipsam sine velo, innubem, revelatamq; faciem contemplandam, admitti ardescit.

§ III. Hæc cognitio charitati perfectæ indulta est continuum perenneque incentivum ejusdem ad dilectionem Dei beatificam quidem in voto, & conditione (si nempe Deo ita placeret, atque ut ita quam primum placeat) transformativam autem, amicitissimamque in ipsa praxi & executione. Talis enim anima, est ex illis, quæ confidenter dicunt



cum Paulo. Quia charitas Dei diffusa est in cordibus nostris per spiritum sanctum qui datus est vobis. Rom: 5. Itaque anima charitate fidei instructa, mox etiam incedit charitate non tantum vulnerata, sed etiam alterata, atque adeo transformata, totis medullis amat, & amando se absque satietate satiat, habens amoris perennem, quodammodo fontem, non tantum suam affectionem, verum etiam Sancti Spiritus presentiam intra se. Neque enim tantummodo ipsa amat Deum, sed etiam amatur à Deo, neque tantum amat nomine veluti suo, sed etiam munere Divino, non solum amat quasi ipsa priores in amando partes habens (id enim fieri non potest simpliciter) sed redamat quasi respondens, & rependens vicem in amore ei, à quo prior dilecta est. Simile quidem & ad mensuram sui limitati esse, quantum ex parte suae infinitè verò & immensè aliquo modo, quantum ex parte Spiritus Sancti in ipsa inhabitantis, eamque per charitatem sanctificantis, & illi de suo amore communicantis, cum ipse sit primus & increatus amor.

Atque hac una impletur in animam illud: Qui manet in charitate, in Deo manet, & Deus in eo. 1. Ioan: 4. 16. quia scilicet amor charitativus ducit animam in Deum, vicissimque Deum in animam. Quae quidem est praeclara animae beatitudo huius vitae: sentire nimirum amari se toto quasi Deo, omnibusque viribus ejus, quasi aliud nihil amaret praeter ipsam, & vicissim sentire quoque amare se Deum, totis etiam viribus suis, à charitate Spiritus S. absorptis, & in Deum conversis: ita ut Deum amet non intuitu ullo sui: nec ideo quia Deus illi bonus, misericors, liberalis, & quocumque modo commodus, sed excluso quolibet participante de Deo respectu, fertur & tendit in Deum propter Deum, propter simplicem & nudam propriamque illius, ac in eo ipso sistentem bonitatem, plenitudinem, perfectionemque. Quae ratione anima sinceritate amoris sui in Deum, rependit pro suo modulo sinceritatem ejus amoris, quo & ille animam amavit, non quasi inventa ulla bonitate, sanctitate, dignitate, in animam: sed à sua propria, ingenta, sibi redundantia bonitatis, ut eam in se ipso animae communicaret beatificè, aeternaliterque pro cuius etiam communicatione tanta tamque profusa dilectione laboravit, ut de bonis quidem omnibus suis nullum retineret, non animae communicatum, de malis autem animae nullum.

non susceptum, (si peccata, & peccaminosa excipias) relinqueret. attingens hoc modo, à fine ad finem, à summo ad imum charitatis, supra quod ascendere, infra quod descendere amplius propter creaturam non posset. Amando enim dedit se ipsum quod summum in Deo est, amando item pro amatis seu amicis mortuus est, quod item ultimum & infinitum in creaturis est, infra quod pro amore illarum descendere non potest.

§ IV. Charitas perfecta via, æmulatur charitatem patris in fruitione possessiva Dei. Etenim charitas est, quae unit amantem & amatum, & quia unit, facit presentem alteri, absentia enim uniri non possunt, quia verò facit presentem utrumque mutuo, facit etiam delectationem in utroque mutua, facit gaudium, facit denique fruitionem. Nam fruitio aliud non est, quam gaudium, atque delectatio de bono presente amanti & cognoscenti illud, & inhaerenti illi propter ipsius bonitatem. Certum autem est charitatem, praesertim perfectam: non delectari bono, scilicet Deo, propterea quia ille, seu anima, bonus est Deus, sed propterea, quia ipse sibi Deus bonus, & super bonus est. Quae in re, praevia est cognitio, huic succedit, vel potius accedit dilectio, utraque facit praesentiam, intimamque unionem, ex hac possessio, delectatio, gaudium, fruitio Dei. Licet autem ista fruitio proportionetur cognitioni, qualis esse potest in hac vita: nempe cognitioni per fidem cum spe, attamen sicut perfecta charitatis fides est vivacior, altior, puriorque quam ordinariarum iustorum, ita quoque & dilectio, & unio, & praesentia, & delectatio & fruitio, intimior, est absorbens & transformans magis, est deficiens quam maximè, atque sincerissimè animam: ita ut nudè inhaereat Deo propter Deum, & propter excellentiam ejus majestatisque manifestationem, obliviscens non tantum omnem ex creatura consolationem, verum etiam ex Deo suam (quatenus sua est) delectationem, atque beatitudinē.

Quam ad rem introducit, inflammaturque, anima charitate instructa, non tantum tunc, quando Deum ejusque bona, & perfectiones in ipso Deo contemplatur, & reperit, sed etiam quando eundem, ejusque perfectiones invenit, & intuetur in creaturis, omnibus quidem, sed praecipue rationalibus. Omnes enim creaturae plenissimae sunt Deo, & ejus bonis, atque excellentiis: neque ex alio ullo fonte, aut sunt, aut bonae sunt, aut perfectiones, opera.



operationes, excellentiasve habent ulla, nisi ex Deo: quo fit ut animæ diligenti, Deus sit omnia in omnibus, sit præsens in omnibus cognoscatur ab eâ in omnibus, diligat, teneatur, possideatur ab illa in omnibus, gaudiû, fruitionemq; Dei, & de Deo inveniat in omnibus, & ex omnibus. Quod, si quæ anima non habet, neq; in se experitur, scire debet, charitatem suam adhuc tam valdè procul esse à sua genuinâ indole charitatis perfectæ, quàm valde est imperita & rudis invenire, diligere, possidere Deum, fruique, & gaudere de Deo propter ipsum Deum, ex creaturis, & ex operibus, ex bonis, & donis ejus omnibus. Quin imò audeo dicere, quæ anima, in, & ex creaturis, Deum nosse, diligere, possidere, eoq; frui, & delectari non didicit, eam vix, ac ne vix quidem posse commodè, competenterque Deum invenire, & diligere, & possidere, eoque frui, ac delectari in semetipso. Quomodo non possit aut sciat invenire, & apprehendere Deum in eo, in quo illum nullatenus videt: scilicet in semetipso: quem nescit, nec potest invenire, & capere, atq; possidere in imaginibus, in operibus, in domiciliis, atq; adeo templis, & cælis, ejus quæ videt. *Anima iusti, sedes est sapientie.* in eodem sensu quotidie dicimus: *Pater noster, qui es in cælis: hoc est in nobis,* quin & Paulus ait: *Templum Dei, quod estis vos.* & alibi ait: *ad hoc homines factos à Deo, ut quærant Deum, si sortè attrectent eum, aut inveniant: non enim longa est ab uno quoq; nostrum: in ipso enim vivimus, movemur, & sumus.* Præposterè ergo & parum sapienter anima agit: quæ Deum semper tanquam absentem, aut remotum quatit, desiderat, invocat, in oratione tanquam procul distitum alloquitur: nunquam autem eum cælum & terram implemtem, nunquam ubiq; & omnibus intimè præsentem, nunquam illum in se, & in aliis, alia

& se in illo inhabitantem, & veluti innatantem apprehendit, agnoscit, amat, capit, possidet, eovè delectatur, gaudet, fruitur. Talis anima similis est homini, thesaurum domi defossam habenti, sed eum ignorantem, & præ ejus ignorance inopiam patientem. Quanquam talis anima isto homine infelicior, aut potius stolidior est, quia ille quidem ignorans bonum suum præsens, eo uti non potest at anima bonum suum, id est Deum suum sibi intimissimè cum omni bonorum plenitudine, præsentem habens, & sciens, eo prout dignum est frui & nescit & negligit.

Hæc expende diligenter o anima perfectæ charitatis cupida: & quoad in ista vita fas (fas est autem plus quàm vulgo homines cogitant, aut credunt, cum manus Dei, in Electos, præsertim in charitatis alumnos non sit abbreviata, imò plus quàm libenter, liberaliterq; gaudet esse effusa) insuefac palatû tuum, osq; & fauces cordis tui, fruitione Dei tui, omniumq; bonorum, imò universæ bonitatis ejus, quæ omnes quidem creaturæ ejus plenæ sunt, eamq; totis se propinant omnibus volentibus: sed tamen nemo plenior est, quam ille ipse cui comparatæ omnes creaturarum bonitates, bonæ non sunt, imò malitiæ sunt. *Delectare Psal. 36. 4.* in hac bonitate Dei tui, propter ipsum Deum tuum, propterq; eandem ipsam bonitatem ejus, & ipse dabit tibi omnes petitiones, & expetitiones cordis tui. quæ cor tuum non intrabunt tantum, sed etiam tu intrabis in eas: & tunc videbis & afflues, & mirabitur, & dilatabitur cor tuum. *Isa: 60. 5.* non tantum ut suscipias ad plenum bonitatem Dei tui: verum etiam ut ingrediaris in omnem plenitudinem bonitatis ejus: ita ut de abundantia magnitudinis necesse habeas confiteri Domino infirmam adhuc tantæ plenitudini capacitatem tuam, infinitè autem excessivam liberalitatem suâ.





## CAPUT XVIII.

De aliis dotibus charitatis perfectæ, quibus æmulatur dotes charitatis beatæ.

§ I.



Charitas viæ perfecta æmulatur charitatem patriæ in unione perfectâ, & indissolubili cum Deo. Certum est enim quod Beati in patria perfectissimè uniantur & adglutinentur Deo, & fiant unū cum ipso unitate per omnia perfectâ, æternūq; indissolubili. De qua indissolubilitate, certi & securi sunt, per hocq; tantò amplius Deo adnectuntur, quantò se cum Deo, Deum secum, & esse, & fore unum in æternū indubitantius sciunt. Hanc unitatem Electis suis Dominus IESUS postulavit, & impetravit, sic Patrem suum orans, *Sicut tu Pater in me, & ego in te, ut & ipsi in nobis unum sint.* Ioan: 17. 21. Non solum autem unitatem hanc Beatis suis in patria, pro patria impetravit, sed etiam & pro præsentī vitâ atq; viâ, quandoquidem hic prius uniri Deo necesse est, ut quis ibi in patria uniri possit, & Dominus ipse IESUS, qui ad hoc principaliter, imo & finaliter homo factus est, ut nos æternaliter Deo conjungeret, primum nos secum, & per se Deo uniri voluit in hac vitâ, ut eâ unione disponderemur ad unionem in altera vitâ, imo ut unio hujus vitæ, esset inchoatio, unionis consummandæ in futurâ vitâ. Quâ de causâ se quidem vitem, nos autem palmites, se caput nos membra, se Patrem nos filios, se sponsum nos sponsas esse voluit. Propter quod Paulus huius se unionis participem, atq; etiam alios sui similes sciens, Non dubitat profiteri. *Certus sum enim quia neq; mors, neq; vita, neq; Angeli, neque ulla creatura poterit nos separare, à charitate (consequenter ab unitate Dei) quæ est in Christo IESU Domino nostro.* Rom. 8. 38.

Et est quidem fatendum, quod unio quâ in hac vita unimur Deo per charitatem, quantumlibet perfectam, & excellentem, semper sit dissolubilis de lege ordinaria, cum homo hic vivens possit peccare, tentationibus subiacet, & creaturarum (quarum usu omnino

carere non potest) illecebris pateat, neq; possit semper actuali delectatione incessabiliter in Deum ferri: quorum nihil est in charitate patriæ: nihilominus ea est Divinæ bonitatis circa Electos suos, præsertim eximie perfectos ac delectos liberalitas, ea in eis custodiendis sedulitas: ut quanquam possint, ex vi status viatorum illa incommoda pati, defecto tamen non pariantur: ita ut à Deo separatur simpliciter esto separatur ab actu dilectionis aliquatenus ob fragilitatē, esto labeculas contrahant ob infirmitatē: in ijs tamē non hærent, sed celerrimè charitatis suæ in Deum ardore, & ad meritōrū Christi usum participatione ab ijs emūdantur, assequunturq; ut etsi non semper, non raro tamen sint, absq; ulla tam culpâ, quàm pœnæ obligatione coram Deo suo: ita ut de eis dicere Domini veritas non dubitet. *Tota pulchra es amica mea, & macula non est in te.* Cant. 3. 7. Atq; ita, etsi non simpliciter, & absolutè charitas hujus viæ inducit unionem indissolubilem cum Deo, inducit tamen suo modo. Non enim sine causâ tribuitur charitati illud privilegium, quod nunquam excidat, tum etiam illud robur, quod & Morte fortior, & inferno durior, & aquis multis, id est omnibus potentior efficitur, atque appellatur. Cant: 8. 6.

§ II. Quibus modis ista charitas hanc unionem cum Deo hac in vita assequatur exerceat, conservet. Certum est unionem hanc cum Deo, quam charitas operatur non esse substantialem, ita scilicet ut amans creatura in substantialia Dei transeat, vel contrâ id enim, nec Beatorum charitas præstat, & fieri hoc de creaturâ simpliciter absurdum, soliusq; charitatis Divinæ ad intra, quâ diligit Deus semetipsum proprium est. Est igitur hæc unio animæ Deum charitate diligentis, à Deoq; dilectæ, non per substantialia, sed per affectum, atq; voluntatem, ita nimirū ut per voluntatem suam creatura, perq; affectus suos, tota transferatur, transformeturq;



turq; in Dei voluntatem, ut utriusq; voluntas sit unum: non esse sed velle, unum amare, unum probare, unum gustare: ut quod Deus vult, creatura quoq; velit, & ideo, quia Deus vult, velit: aliud velle possit, posseque velit, & inde fiat, ut etiam Deus reciprocè hoc velit quod creatura vult, neq; dedecet Deum velle idem quod ipsa. Hæc conformatio atq; similitudo voluntatum increata & creatæ, volitionumq; quantum est perfectior, plenior, absolutior, & idior, sincerior, securior, tantò est unio, creaturæ cum Deo, Dei cum creatura simplicior, seu major, tantò charitas perfectior.

Declaratur hæc voluntatis creaturæ in Divinam transformatio, notis illis, ac Bernardo usitatis similitudinibus, æris à luce illuminati, ferri ab igne candentis, guttæ aquæ in magnam vini quantitatem immixti: Nam ut aer sic luce penetratur ut lux videatur, ut ut igne ferrum sic canderet ut ignis appareat, ut aqua à vino sic afficitur ut à vino non differat esto substantiæ omnium integræ sint: sic voluntas creatura amans, à Dei amantis voluntate, ita penetratur, absorbetur, possidetur, ut salva Entitate, affectu, nihilominus, una, eademq; appareat, & effectum comprobetur.

Hæc ergo conformitate mediante charitas perfectæ, mores Divinos tam circa se, quam circa nos per omnia quantum potest æmulatur: ingenium in omnibus probat, decreta omnia veneratur consuetudines tenet, ductum ut umbra corpus sequitur. Inter amara & dulcia, inter prosperos adversosq; eventus, inter honorificos abiectionesq; status, nihil differentiæ alterius recognoscit præter unam illam: *Quoniam tu fecisti. Et vita in voluntate eius. Sicut Domino placuit ita factum est &c.*

Hunc amorem similitivum voluntatis creaturæ cum Divina, ediscit charitas, edocetq; animam ab IESU Christi exemplis: quæ primariè intuetur, æmulaturque: proinde ad exemplum ejus dicentis: *Meus cibus est ut faciam voluntatem Patris:* & ipsa quoq; in cibum victumq; suum quotidianum, imò continuum, assumit Dei voluntatem: & quia naturæ alimentum alita induunt: inde etiam anima voluntate Dei assiduò cibata, voluntatē suā, perpetuo Divinam voluntatem refert, sectatur, profitetur, æmulatur, induit, exprimit, repræsentat. Non secus ac aer illuminatus lucem, ferrum candens ignem, aqua vino infusa vinum, ita ut nec aer tenebras su-

as, nec ferrum qualitates suas, neq; aqua insipiditatem suam videatur retinere, prædominante in se eo, quod nobilius est & absorbente, vel abscondente in se quod vilius est.

Quo fit, ut Augustino teste atq; Bernardo: talis creatura sit omnipotens, & omnia in eo qui eam confortat, in seq; conformat potēs, & etiam præpotens, sive id sit naturale sive supernaturale: quoniam cum participatione voluntatis Divinæ, usq; adeo in se prædominans ipsa etiā vicissim particeps sit Divinarū virtutum & perfectionum: nempe sapientiæ, potentiæ, bonitatis, veritatis, quietis, quin, & gloriæ, atq; etiam beatitudinis: ita tamē ut non in se, sed in Domino gloriatur. *Charitas enim non querit, imò nec videt, nec meminerit quæ suæ sunt: sed tantum quæ Dei: ut sit fidelis ei cui se probavit.*

§ III. Charitas perfectæ viæ æmuletur charitatem beatam in laude Dei. 1. Beati omnes, ad hoc beati sunt, ut Deum laudent: & per hoc ipsum Beati sint. Sic enim David loquitur. *Beati qui habitant in domo tua Domine in secula seculorum laudabunt te.* Charitas viæ maximè perfectæ, nihil aliud agere vult, scit, potest, nisi Deum laudare. Hæc est quippe charitatis anima, & vita, laus Dei. *laude mea infrenabo te.* (ait Dominus) *ne intereas.* Interiret ergo si non laudaret: laudat, ideo vivit: & bene dicitur frenari laude: ut enim freno reguntur animalia, ne in præcipitum eant, utq; sint in potestate regentis, ita charitas laude Dei regitur, & in potestate est Dei, & vicariorum Dei.

2. Beati Deum laudant jugiter: ex nimia delectatione, quam in Deo habent, delectatio autem ex charitatis incenso & necessitatis ardore in Deum consurgit. Pariter charitas viæ, quoniam super omnia solum, totumq; ex tota se, viribusq; omnibus suis Deum amat, & amando necessario ex eo, in eoq; delectatur: sit ut laudet eum, & laude ejus non expleatur, quo delectatur.

3. Beati laudant Deum incessabiliter, sine tædio, sine fastidio, sine fatigatione: quia hæc est merces eorum: & non labor qui finem habere debet, merces autem non potest. Charitas viæ, non potest quid incessabiliter omnino, quantum ad actualitatem laudare Deum: laudat tamen quantum ad habitum, quantum ad desiderium, quantum ad propositum: ita ut etiam cessationem ab actuali laude, suscipiat, patiatque in laudem, & propter laudem, & cum laude Dei: sed neq; fatiga-



fatigatur amando, quia præmium suum collocat in amando. Amat enim quia amat, & amat ut amet.

4. Beati laudant Deum cum delectatione, non tamen propter delectationem aut si propter illam, non tamen propter suam, sed propter Divinam: sicq; suo modo respondent Dei in se charitati, quâ is ordinavit ab eis laudari se in æternum, non propter suam beatitudinem (quâ minimè indiget, neq; in ea ullatenus crescere ex creatura potest) sed propter ipsorummet Beatorum delectationem, beatitudinemq; magnificandam. Pari ratione charitas perfectæ huius viæ, amat laudatque Deum & laudando delectatur, neq; tamen laudat vel amat ut delectetur ipsa, seu anima, sed ut amplius ampliusq; delectetur, & lauderetur, & ametur Deus, discitq; hanc puritatem animæ, ab ipsius Dei charitate, qua ille animam dilexit, diligitq; pura charitate, purè scilicet propter bonum purum animæ & non propter suum.

5. Beati laudant Deum, sine ullo ad se ipsos, propter se ipsos respectu: sed totaliter & plenissimè, & fidelissimè, se, omnia sua, in Deum, propter Deum infundunt, quod signatur in Apocalypsi, illa coronarum quibus Sancti coronati incedunt, missione ante thronum sedentis in throno: similiter & adoratione eorundem, atq; confessione illa. *Dignus es Domine Deus noster, accipere gloriâ, & honorem, & virtutem, qui creasti omnia, & propter voluntatem tuam erant, & creata sunt.* Pari ratione, & hic charitas perfectæ, exspoliât animam tota ipsa, & facit ut nec in ullo opere, nec potissimum in laude Dei, quidquam suum attendat, sed nudata omni ad se affectu & respectu propter se, & sese, & omnia, & Deum, respicit, laudatq; propter Deum.

6. Beati Deum laudant laude inexplibili, & inexplicabili, inexplibiliter, & idcirco in omnibus vicis supernæ Hierusalem, nocte, & die, id est, sine cessatione, resonat Alleluia. quod significat, laudate Deum, significat autem non quomodo liber, sed laude, creatis viribus inexplibili, & inexplibili. Eadē ratione & charitas perfectæ, imperat ijs quos possidet, inexplibilem Dei laudationem, inexplicabilemque: ejus enim est vox illa. *Glorificate Dominum quantumcunq; potueritis: super valebit enim adhuc, & admirabilis magnificentia eius. Benedicentes Dominum, exaltate illum quantum potestis: maior enim est omni laude. Exaltantes illum replemini virtute, ne laboretis. Non e-*

*nim comprehendetis.* Eccl: 43. 32. Quare, in ore mentis & corporis animarum diligentium Deum, etiam in hac vita, nihil crebrius, nihil suavius, resonare debet, quam verbum, Alleluia. Hac est lingua Beatorum. Hanc in ista vitâ edisci par est consuetudine incessabili. Hanc tota se pro rota se, proq; toto universo, & pro omnibus atomis ejus universalizatis, omnibus momentis eructare, & resonare amans anima debet.

7. Beati Deum laudant, & totum simul, & omnia simul, & omnia æqualiter, & omnia sigillatim, & unum in omnibus, & omnia in uno bono Dei, & tam hoc quod apparet in creaturis operibusq; ejus, quàm hoc, quod ad extra, à Deo depromptum non est, & est omnibus depromptis infinitè amplius: Nam si more nostro loquendum est, certum est: quod quidquid sapientiæ, potentiæ, bonitatis Divinæ elucescit in creaturis omnibus & singulis, elucescetq; per eorum æternitatem, id quantumcunq; coram nobis magnum est, revera tamen comparatum ei quod in Deo latet, quodq; manifestatum non est, gutta solum una est sapientiæ, gutta potentiæ, gutta bonitatis, justitiæ, pulchritudinis &c. Nec tam hoc mirum est, quod Deus talia fecerit, tam magna, mira, stupenda, in terra, in cœlo, super cœlum, in natura, in gratia, in gloria, quàm potius mirum est, quod tam parva, minuta, exigua; fecerit per potentiam infinitam, per sapientiam infinitam, &c. quodque eam non nisi tantillis rebus adstrinxerit, quod per omnem æternitatem eam (etsi alioqui naturâ sit communicatissimus sui Deus) ab omni ad extra opere profusioneque continuerit &c. Eadem quoq; ratione charitas perfectorum ab eis laudari Deum facit & docet: ad minimum in voto, atq; desiderio, quo jubet, atq; facit, ut Deum laudare conentur, desiderantque, secundum omnem laudabilitatem Dei, secundum laudativitatem suam, in se se concludendo omnem, & singulam universaliter etiam creaturam: & non creaturam tantum, sed etiam quantum desiderio fas est, totam ipsam Deitatis essentiam, laudantes & totis se, & toto universo sibi impersonato, & toto Deo, totum Deum, propter solum unum, totumq; Deum.

O utinam animæ perfectæ charitatis possessione gaudentes in huiusmodi Deum laudandi arte, à Beatis laudatoribus eruditæ multiplicentur, & Ecclesiam Dei sanctam, militantem repleant! Utinam ô laudabilissime



sine Deus, sicut in cœlo, ita & in terrâ secundum admirabile & superexcelsum nomen tuum, sic & laus tua, resonet per ora omnium, non tantum hominum, sed etiam, creaturarum! Utinam in omnibus, & ex omnibus atomis, universi omnibusq; momen-

tis, labentis per tempora seculi, resonent Alleluia! Utinam cessent, & conticescant ubi que reliqua omnia creaturæ rationalis vota, curæ, & studia: & in locum vicemq; omnium, succedat unum, & solum, Alleluia. &c.

## CAPUT XIX.

De duobus dotibus charitatis beatæ, in quibus eam æmulatur charitas viæ perfecta.

**C**haritas perfecta viatorum æmulatur charitatem Beatorum in opere affectuq; gratiarum actionis, cui affectui, in tantum totaliter: plenè, assidue, fideliter, profusè, vacant in cœlo Beati, ac si alium nullum, circa Deum, & propter Deum affectum haberent, exercerent. Quia enim in Deo vident perfectè, tum Deum ipsum omnium bonorum fontem, atq; donatorem, tum ipsius Dei donantis affectum sincerissimum, tum donorum ipsorum magnitudinem, varietatem, utilitatem, tum etiam eorundem donorum, gratuitam, & in nullam omnino donatoris utilitatem, necessitatem, commoditatemq; derivabilem, collationem. Tum deniq; eorum, quibus tanta, talis, à tanto donatore, facta est donatio, utilitatem, indignitatem, ingratitude, malitiam, inutilitatem: ex horum omnium plenissima in ipso veritatis fonte hausta cognitione, mentes Beatorum, in immensam, quandam rapiuntur gratiarum actionem, exaltationemq; Divinæ bonitatis, sapientiæ charitatis &c.

His ipsis capitibus consideratis, ob oculosq; propositis sibi anima charitate perfecta, in quantam maximam, assiduam, cordialem, sinceramq; potest, prorumpit gratitudinem, atq; gratiarum effusionem. Agit ergo gratias Deo anima, pro omnibus singulis, que bonis & gratiis, naturalibus, supernaturalibus, corporis & animæ, internis, externis, gratiæ & gloriæ. Præteritis, presentibus, futuris. Communibus & privatis seu

propriè sibi indultis, per se, perq; creaturas alias concessis, pro usu tantum proprio, & pro usu etiam auxilioq; aliorum datis, pro gratis, atq; sine merito, sine oratione, sine dispositione, atq; etiam contra dispositionem, & demeritum; itemq; pro impetratis, pro emeritis, & præviæ aliquomodo, dispositioni, de congruo, saltem impetratis, pro propriis & alienis: pro propriis tanquam in omnes, pro alienis tanquam sibi & propter se donatis. Pro omnibus deniq; in genere, specie, numero, quæ in Dei mente, donorum, bonorumq; rationem habent.

**C**ertum est autem pro his, quoq; omnibus Beatos gratias agere, non tantum ardentius, quam nos in hac vitâ: sed etiam non per partes, nec cum successione, sed simul & semel pro omnibus in communi, & singulis in particulari, qui modus nobis non competit in hac vitâ, eo quod non est nobis concessa talis cognitio in hac vitâ, qualis conceditur Beatis in beatâ vitâ. Illi enim cognoscunt in Deo simul omnia, & singula, non per partes, nunc quod has, deinde illas, ac postea alias, sed simul omnia vident in Deo sigillatim: atq; ideo etiam simul omnia, inq; omnibus Deum amant, laudantque, Deo fruuntur, & gratias agunt, congratulanturq; sigillatim.

Præterea Beati gratias agunt Deo, primū quidem pro ipso Deo, ut est ille in ipso se quia ipsum se dedit, donavitq; fruendum, tum per naturam, tum per gratiam, tum novissimè finaliterq; per gratiam Beatis. Deinde per ipsum Deum plenè à se possessum. Dein-



Deinde pro Deo ut incarnato, perq; Deum incarnatum, quam ibi in patria plenissime habent, ab eoq; habentur & sunt ejus perfectissimo modo membra, & ipse est caput eorum: proinde etiam ipse est gratiarum actio eorum: & ipse est os & lingua, & cor eorum: ipse est fons & mare, ipse fluvius & aqua ductus omnis boni eorum, ipse est sapientia & sapor, veritas & gustus omnis beneficii eorum, per quem cognoscunt omnem qualitatem, quantitatem, nobilitatem, circumstantiam quamlibet, beneficiorum Divinorum.

Præter hæc agunt Beati gratias Deo, pro seipsis quisq; privatim, pro substantiali beatitudine sua primum, deinde pro omni accidentali & accessoria. Post hæc agunt etiam gratias Deo beati, pro aliorum omnium solidum suorum tam substantiali quam accidentali gloria, & agunt ita ac si omnium gloria essent unius, & unius gloria esset omnium. Insuper Beati agunt gratias Deo, pro omnibus creaturis etiam irrationalibus, etiam reprobis, & damnatis, supponentes vicem earum.

In his omnibus, pro conditione hujus viæ, charitas perfecta, imitatur Beatos, in gratiarum actionis ardore, fidelitate, assiduitate, universalitate: gratias agens Deo, & pro ipso Deo, & per ipsum Deum. Itemq; Christo. Homini Deo, pro Christo, per Christum, propter ipsum Christum. Itemq; pro omnibus Beatis, pro omnibus creaturis, pro se sigillatim, per ipsos Beatos, per omnes creaturas, per se ipsam: pure, per omnia, propter solum Deum, ejusq; immensam liberalitatem, atq; profusionem sui.

§ II. Charitas viæ perfecta, æmulatur charitatem Beatorum in eo, quod pro ipsdem bonis gratias agat peculiariter Deo in viâ, pro quibus illi peculiariter etiam agunt gratias Deo in patria.

1. Agunt gratias Beati pro beneficio creationis, tam sui, quam aliarum omnium rerum.

2. Pro beneficio Electionis, & prædestinationis suæ omniumque Electorum.

3. Pro beneficio Incarnationis, & descensus Filii Dei in mundum proq; universa cœconomia, & gestis ejus omnibus in carne, usq; ad mortem.

4. Pro beneficio exaltationis Christi, seu humanitatis ejus, primum quidem ad unionem usque Hypostaticam, dein ad gratias omnes hanc unionem consequentes, dein ad officium Redemptoris, & Salvatoris, & lu-

stificatoris & Glorificatoris, deniq; ad hunc quem de facto possidet beatitudinis gradum, vicinitatemque ad Sanctissimam Trinitatem.

5. Pro beneficio exaltationis, electionisque Preiosissimæ Virginis M A R IÆ, ad Maternitatem Dei, ad omnesq; gratias, & glorias, & prærogativas Matris Dei dignas.

6. Pro beneficio efficacis applicationis omnium mediorum ad salutem, quibus finaliter, efficaciter, inter tot impedimenta, denique tamen ad salutem beatitudinemq; perducti sunt.

7. Pro dono Spiritus Sancti in Pentecostes die, toti Ecclesiæ Christi missio, cum omnibus ejus donis, & fructibus: per quem, à baptismali gratia incipiendo, deinceps omnibus donis, ac virtutibus, gratiisq; sanctificati, atq; etiam inhabitati, & demum finaliter salvati sunt.

8. Pro beneficio Sanctissimi Sacrificij atq; Sacramenti Altaris instituto, & usque ad consummationem sæculi indulto, & conservato: cum adeo infinitis dignationibus Dei Homini, cumq; adeo innumeris gratiis, in omnes, tam qui usi sunt hoc Sacramento dignè, quam qui aut usi non sunt, aut indignè usi sunt, effundi paratis quantum erat ex parte Christi.

9. Pro beneficio sustententis, a q; patientiæ Dei, quæ sustinuit omnes quidem peccatores, omniaq; peccata eorum, sed nominatim ipsos Beatos, eorumq; cum in viâ essent, multiplicem ingratitudinem, & indignitatē, & ex professo quodammodo, cum Dei benignissima patientia luctam. In qua denique tamen, sapientia, bonitas, misericordia, patientia Dei, vicit malitiam vilissimæ creaturæ.

10. Pro beneficio Revelationis veritatum, mysteriorum, perfectionumq; suarum, pro beneficio Verbi Dei, tam traditi, quam scripti: per quod, & naturam suam Divinam, in unitate trinam, in Trinitate unam, nullis creatis viribus cognoscibilem, & alias perfectiones suas innumeras, & decreta consiliaque voluntatis suæ, potissimum in ordine gratiarum & arcana justissimorum judiciorum, miserationumq; suarum, & IESU Christi Dei Homini arcanissimum adventum, tot figuris, tot prophetis, tot vocibus, sacrificiisq; præmissis, ac dein ad unguem, ut apicem expletis, & infinitorum donorum, gratiarum, virtutumq; meritorum, atq; Sacramentorum, inestimabilem dignitatem, & utilitatem: & denique certissimam, simulq; mirissimam, &

ab omni



ab omni humano sensu elevatam salutis viâ, in Christi doctrinis, præceptis, consiliis, meritis, exemplisq; demonstravit.

11. Pro beneficio Ecclesiæ Catholicæ institutione conservatæque, ab origine quidem mundi, sed maxime à Christi in mundum adventu, usq; ad seculi consummationem.

12. Pro beneficio beatitudinis æternæ, omnem fidem, omnem spem, omne meritum, omnem cogitationem excedente, definito, & etiam actualiter Electis omnibus concessio, cum tanta providentiæ Divinæ admirabilitate, simulq; efficacitate.

13. Pro beneficio particularis, & propriæ unicuiq; beato gubernationis, & ad salutem, beatitudinemque deductionis, adeo minutæ, adeo mirabilis, adeo efficacis, adeo occultæ, & occultatæ ab omnibus creatis cogitationibus: adeo infinitis implexæ, & concatenatæ circumstantiis, adeo insperatis, creatoq; sensu inconnexis, impertinentibus, imò & impediuntibus, re tamen ipsa proficuis perfectæ, & ad exitum deductæ mediis.

Pro his ipsidem omnibus beneficiorum generibus, ac individuis, charitas in hac viâ, & amat, & laudat, & exultat Deum, gratiasque agit: monente Apostolo. *Omne quodcumque facitis, in verbo & in opere, omnia in nomine Domini IESU Christi, gratias agentes Deo, & Patri, per ipsum.* Col. 3. 17.

§ III. Charitas viæ perfecta, æmuletur Beatam in gaudio, & congratulatione Dei. Beati enim summe, & semper, & totis se, gaudent, congratulanturq; Deo, quo fruuntur beneficere, quod sit Deus, quod scilicet sit id quod est. Congratulantur Deo, quia ab æterno, & in æternum est, quia unus, Trinus, solus est, & aliquando apponitur ad eum, quia ex se, & se est, & quidquid est, nulli debet. Congratulantur Deo, omnem beatitudinem ejus, quâ se solo, solus Beatus est, ab æterno: nullius egens: sibi plenus sibi sufficiens, nulli obnoxius. Congratulantur Deo, omnia opera ejus ad extra, facta, & facienda, tam in naturâ, quàm in gratiâ, quàm in gloria. Opera tam misericordiæ, quàm justitiæ, in quibus par est, imò eadem est bonitas, atq; sanctitas, majestas, atq; dignitas, perfectio, atq; conformitas. Congratulantur Deo, specialiter prædestinationem Christi, & universum opus, consilium, fructum, exitumq; Incarnationis. In quo solo, plus est admirabilis, plus potens, plus bonus, plus sapiens, plus misericors, plus justus, plus dulcis, plus

dives, plus pulcher, plus verax & verus, denique plus Deus, quàm in omnibus simul creaturis existentibus, & possibilibus. Congratulantur Deo Beatissimam pretiosissimamq; Dei Matrem, in qua unâ, & solâ, (excepto Christo) plus est amabilis, & laudabilis Deus, quàm in omnibus simul sumptis, quales sunt Electis. Congratulantur Deo omne opus creationis, redemptionis, salvationis, justificationis, glorificationisq; suæ, hoc est, omnium & singulorum Beatorum. Congratulantur Deo, omne opus justitiæ effusa tam in hac, quàm in altera vita, super peccatores, damnatosq;que, demones & homines. Congratulantur deniq; Deo omne, & totum id, quod Deus in se, ex se, sibi, propter se est, vult, scit, potest, tam intra, quàm extra se: cupiuntque Deo totum hoc, adeo fideliter, sincerè, plenè, ut si possibile esset Deo, vel unicam atomum, etiam pro unico tantum momento superaddi, id libenter emere velent sua omni omnium perditione, gehennâ & annihilatione æterna, & quia hoc impossibile vident atq; sciunt hoc, propterea, Deo, totis se, tota sua beatitudine congaudent, atque congratulantur, propter ipsummet Deum.

In his omnibus charitas viæ, pro suo modulo, exerit, exercetq; gaudium, & congratulationem suam ad Deum, & quidem non propter ullum bonum, aut meritum, aut præmium suum, sed purè tantum propter solius Dei solum purum omnimodumque gustum. Cui exhibendo vel ad momentum, tam se, quàm creaturam omnem, quàm omnes Electos, si fas, & opus foret, annihilare, & exinanire, optat, paratæque est.

Hunc affectum, (sicuti & omnes alias supra notatas, dotes, charitatis Beatæ) discit, & haurit charitas nostra, ab ipsa quæ Deus est charitate. Charitas enim ista exhaustit se se, & (ut loquitur Apostolus) exinanivit se se, usq; ad formam servi, ad formam usque Crucifixi, ad formam usq; mortui & sepulti, & non existentis in rerum natura: & quidem propter hominem, eumq; peccatorem, eumque insuper iratum, & contemptorem, eumque deniq; persecutorem, & exinanitionis ministrum, atq; autorem. Exinanivit autem se, non ad periclitandum eum, sed ad salvandû, vivificandûq; sanguine, & Cruce, & morte sua. Quod charitatis Divinæ in hominè monstrum, adeo stupendum est, ut si omnes creatoræ verterentur in corda rationalia, non possent satis per omnem æternitatem demerari



rari illud. Deus certe plus pro sua ipsius salute facere non posset, quam pro humana fecit


Quidni ergo anima, charitatem hanc Dei in se propositam habens, non etiam deside-

ret totam se quantam quantam, etsi esset tanta, quanta est omnis simul creatura, impendere vel momentaneo (si possibile esset) Dei bono?



## CAPUT XX.

De charitate perfecta licet, semper tamen. crescente, deq; stimulis ejus, quos ad hoc habet, ab ipso suo statu.

**§ I.**  Considera, quod etsi dubium nullum sit charitatem Beatorum quantumlibet parvam, feliciorum esse charitate viatorum quantumlibet magna, adeo ut omnes charitates viæ, in unum collectæ, comparatæ uni charitati, quam minimus quis Beatorum habet in cælo, sint veluti gutta ad mare, veluti granum arenæ ad totum universum: Habet tamen charitas viæ, unam prærogativam, quam charitas Beatorum habere non potest. Est autem hæc: quia charitas viæ, quantumlibet excellens, perfecta que sit, semper tamen magis augeri, & crescere possit: charitas autem Beatorum proficere, & augeri nunquam amplius valeat. Habuit sine dubio Paulus Apostolus charitatem in hac vita valde perfectam, ferventem, Heroicam, triumphantem, & tamen non dubitat profiteri se in ea, proficere adhuc posse cum ait: *Non quod iam acceperim* Phil: 3 12. adeptusq; sim consummatum amorem, aut quod iam perfectus sim in charitate, quæ non possit in me amplius & amplius crescere, sequor autem si quomodo comprehendam. Fratres, ego me non arbitror comprehendisse &c. Neque verò hoc solus ille sentit, sed etiam omnes alios quoslibet Sanctos sentire de se ipsis vult, ideo concludit. *Quicumq; ergo perfecti sumus, hoc sentiamus.*

**§ II.** Charitas hujus vitæ, non tantum in se ipsa crescere potest, toto vitæ hujus tempore, omnibusque momentis ejus: verum etiam quod una secum memorie facit cresce-

re charitatem Beatam sibi in patria exhibendam, & exhibendam quidem supereffluenter. Constat enim pro mensura charitatis hujus vitæ, exhiberi Electis charitatem beatitudinis in patria: & quidem non ad æqualitatem tantum, sed etiam ad excessum, & gradem quidem, multiplicemque excessum. Quod discrete Dominus noster explicare dignatus est, dicens: *Videte quid audiat, in quâ mensurâ charitatem vestram hac in vita mensi fuerit, remittetur vobis, & adicietur vobis charitas in altera vita.* Mar: 4 24. *Mensurâ bonam, & conferam, & coagitatam, & super effluentem, dabunt in sinum vestrum.* Luc: 6 38. **B** Igitur uno eodemq; pretio, uno eodemq; labore in hac vita & paratur augmentum charitatis viæ: & obtinetur incrementum cum multiplici favore charitatis patriæ. Et quis est vere avarus bonorum cælestium: quem tanta opportunitas ditescendi, tam compendiosa occasio, & in terra, & in cælo simul, pro tota æternitate in ultimâ summis, in ipsius Dei possessionem beatificam involventibus bonis, thesaurisque crescendi, non ad se rapit, non sibi captivat, non ad se adstringit? O quam parvæ res, quàm magnas impediunt! O quam multum operæ virium, vitæ, temporis ponimus, perdimusq; in minimis: quod longè sapientiore, & fructuosiore consilio poneremus in maximis, in æternis, in beatificantibus, atque Divinis.

**§ III.** Hæc autem facultas, commoditasque crescendi in charitate, dum sumus in hac vita est potissimum posita in potestate, atq; veluti manibus charitatis perfectæ. Quantò



Quantò enim est charitas hic perfectior, tantò est in operando robustior in merendoque facundior, in proficiendo liberior. Sicut enim mercator, quò est ditior, eò facilius in gentia lucra facit, ad maximasq; divitias pervenit, intra breve valde tempus, & in unà quandoq; solà occasione: ad quantas pauper mercator plurimis etiam annis sudans non pervenit: eò quod ille per impensas ingentes, longè ingentiora lucra acquirit: iste autem minutis sumptibus nonnisi etiam minura lucra obtinere potest. Sic perfecta charitas, uno aliquo actu, secundum sui v. g. intensi- onem exercito, tanto incremento & sui hic, & gloriæ in futuro (præter gratiæ sanctifican- tis, & virtutum omnium, donorumq; Spiritus Sancti incrementum insimul adjunctum) ditatur, quantò minus perfecta, minusque perfectè operans charitas, plurimis actibus, etiam per plures annos non augetur.

Quæ quidem consideratio, animam quamlibet quidem, ad curam charitatis perfectæ accendere debet, sed præcipuè animam charitate perfecta præditam, ut quàm maximè inflammet oportet, quandoquidem modico conatu, ex privilegio charitatis perfectæ, & ipsam charitatem promovere maximè, & alia Divina bona, ipsiusq; beatificæ gloriæ divitias super effluenti (ut loquitur Christus) mensurâ & honoreq; supra modum ditissimo locupletare potest.

Hæc omnia expende, & penetra, ô anima

mea, quàm penitissimè, atq; ad proficiendum semper amplius, ampliusq; in charitate accedere. Omnem adhibe, & effunde diligentiam, ut nullam penitus vel occasionis, vel vitæ, vel temporis, vel operationis particulam prætermittas, in qua, & per substantiam, operis, & per modum operationis, charitatem in te non promoveas. Æmulare præ divites, similiterque peraveros mercatores, thesaurizandi finem nullum facientes, Æmulare Paulum, Oceani instar, omnium profectuum, laborum, perpeffionum, meritorumq; suorum flumina absorbentem, & se- pelientem, nec redundantem. *Que retro sunt obliviscens* (inquit,) *ad ea verò que sunt priora extendo me ipsum.* Æmulare ignem, tanto magis crescentem, quantò magis oleo, ligno, aliove pabulo abundantem.

Hanc famem charitatis in hac vita diligit Deus: hac pascitur, hac glorificatur, hac gloriatur. *Gaudium enim Domini fortitudo nostra,* & ejus est illa etiam vox: *Diligit anima mea robustos.* Ergo ô anima: dum tempus habemus, operemur bonum, bonum super omne bonum, creatum, charitas est. Æmulemur charismata meliora: charisma per optimum charitas. *Quidquid potest manus tua operari, instanter operare, quia tempus breve est, tempus non erit ultra: & venit nox, in qua nemo operari proficue ad meritum, etiam beatissimus potest.*



## C A P V T XXI.

De stimulis ad proficiendum in charitate quos adhibet nobis Deus.



**E**A est Domini Dei nostri redundantia bonitatis super nos, ut sciens, quia omne bonum nostrum, post gratiam suam, dependeat à nostra in ipsum dilectione- & volens bonum nostrum, præsertim ultimum, summum, atq; beatificum esse nobis, quàm copiosissimum, eam utrumq; ob

Hhh 2

causam, omnia adhibeat media, quantum ex parte sua, ut nos, & in dilectione, & in gratia sua, dum hic vivimus, quàm ditissimos, opulentissimos, perfectissimosq; faciat. Et primum quidem, totum hoc visibile universum, implevit ac inserit beneficiis suis, quæ omnia usibus nostris concessit: non ob aliud: nisi ut gratissimi, & Authorem eorû super omnia diligamus, & sic à dilectione nunquam



nunquam cessemus, sicut à beneficiorum fruitione nunquam vacamus. Sicq; in delectatione semper magis magisq; crescimus, sicut beneficiis ejus quotidie magisq; indigemus, simulq; innatamus.

§ II. Præter hanc infinitam & inexhaustā bonorum naturalium farraginem, quibus sanè, vel si bruta, saxaq; essemus, possemus ad dilectionem benefactoris, etiam obtorto collo trahi, & protrahi. Excogitavit Deus, aliam longè diviniorem beneficiorum suorum redundantiam, qua nos ad eandem imò celsiorem, perfectioremq; sui dilectionem vocat, ducit, trahit, stimulat, impellit, cogit. Vide vel semi apertis oculis fontes hos, tuniculos istos, stimulos istos: & tu ipse judica apud ipsum te, an sis excusabilis, si non amas, si non validè amas, si non ardèter amas, si non famelice, & incessabiliter amas, si non amplius ampliusq; semper amare, in amandoq; inexplebiliter proficere amas, si non nudè, nudum: solum, solitariè, purissimè, fidelissimèq; illū, propter illum amas, quem amas?

§ III. Notanda primum humiliora, magis nota, magis nostra, magis nostri humiliativa, & ad Deum compulsiiva excitamenta: sunt autem potissimum quinque. 1. Miserima nostra entitatis, vitæq; nostræ conditio: ex nihilo sumus, nihil sumus, vilissimi, imò vilitas sumus, paupertas, & mendicitas, infirmitas, & miseria, pura, puta; sumus: siue Deo, ejusq; opere ac miseratione, absolute nihil, nisi nihil sumus. Compendiosissimè & simul sapientissimè David: *Verumtamen universa vanitas omnis homo vivens.* quid addas huic definitioni amplius? Totum, quod sumus (quidquid demum sumus) in excursu, & elapsu positum est, & eo non æterno, non centum seculorum, sed brevissimo, & ad finem currente cursu citatissimo, nulla vi sistendo, & super ista omnia incertissimo, deq; fine, ac excursu sui tempore prorsus ignotissimo. Sumus, & in essendo effluimus, rapidissimo effluxu, incertum, quando finiēdo, certum solum, quod omni momento effluere idoneo, & quod æternitas dependeat, ab ultimo effluxus momento. Hæc omnia, quid tibi o homo in aurem cordis (si illam habet) insufurrant, nisi, Dilige Deum omnis, hujus miseriæ medicum unum solum, summum, certum, & indubitatum? Nec medicum tantum, sed etiam Abolitorē plenum, & in æternam felicitatem, beatitudinemq; transformatorem. Quis non amet

te Domine, & non summè, totis viribus amet, qui ex miserrimo beatissimum facis: & irasceris, & punis acerbè, si impedimentum stulti nos, ingratiq; ponimus, quominus facere possis?

§ IV. Sordes peccatorum nostrorum: nova hæc, summa, sola, & omni miseria miserior, miseria nostra est. Sicut mare aquis & monstris, scatemus peccatis multis, magnis, absurdis, quæ assidue multiplicamus, aggravamusque repetendo, amando, calando, excusando, defendendo, prædicando, glorificando, impenitendo, à quibus eorumque suppliciis erui, ablui, expiari, redimi, supra omnis creaturæ vires, merita, dignitates est. Præter hæc autem omnia: Deo, a quo, & in quo solo nostra salus: & viles sumus. & nulli omnino usui, & rebelles, & confiteri scelera veniamq; petere ignavi, ad ultro oblarā, datamq; ingrati. Et quid hoc monstro (nèpe nostrum quolibet) monstrosius? Et tamen nos tales, & infinites tales, Deus miseratur, tantumq; de suo proprio invenit, ac desumit, unde, & propter quod miseratur. Lavat nos à peccatis, redimit à poenis, sanat gratia, ornat virtutibus, ditat donis, induit charitate, coronat beatitudinis gloria, & eā quidem æterna. Nonquid habes o homo quod te impellat & cogat ad amandum Deū, & summè quidem, & solum, & semper, & totis viribus possibilibus amandum? Ergo sordes peccatorum nostrorum, docent, imò agunt nos amare Deum nostrum: cujus solius, solo quidem amore, excoqui debet, ac potest ex parte nostra (nam ex parte Dei, gratia & meritis Christi opus est) omnis immunditia peccatorum nostrorum.

§ V. Ad eundem Dei summum amorem, perfectamq; charitatem, impellit nos ipse Deus suppliciis peccatorum: suppliciis inquam non tantum condonatis, aut dilatis, aut imminutis, sed etiam inflictis & exaggeratis. non tantum hujus vitæ, sed etiam alterius: ejusq; non tantum temporalibus purgatorii, sed etiam æternis inferni. Non tantum corporis, sed etiam animæ. Non tantum propriis, sed etiam alienis, non tantum voluntariis, sed etiam coactis, non tantum per se ipsum, sed etiam per omnes creaturas immixtis, permixtisq;. Omnia enim hæc quanta quanta sunt in hanc demum vocem, definant, quam omni, seu pœnam patienti seu patientem scienti inelamant. Hæc est merces non diligentium Deum. Ama Deum



ne puniaris, ama, quia punitus es, ama, quia punitus nondum es, ama, quia puniri meruisti, ama, quia infra meritum punitus es, ama, quia ex amore infinito tui puniris & punitus es, ama, quia ad hoc ut ames, & quia minus amas, quam debes punitus es, ama, quia in te, non in alio: in alio, non in te punitus es: ama quia comminatus est tibi pœnas, proposuitq; ut scires: hoc enim fecit, ne eas subires. Minatur enim pœnam, ne infligat pœnam: si enim vellet infligere, vellet & occultare: propalat illam, quia inferre non vult illam: non vult autem, quia amat, amat verò, ut vicissim ametur, amatusq; ab omni pœnæ inflictione avocetur.

Deniq; castigat punitq; Deus: quia amat, quia filium cognoscit esse, quia filium, dignū se Patre, vult esse quem castigat. Propter quod nemo obliviscatur consolationis, quæ nobis tantumquam filius loquitur. Fili mi, noli negligere disciplinam Domini, neq; fatigeris, dum ab eo argueris quem enim diligit Deus castigat: flagellat autem omnem filium quem recipit: igitur in disciplina perseverate. Prov. 3. 11. & autorem omnis disciplinæ, tanquam amantem amabilemque patrem, studiosissime amate, in ejusq; charitate ac dilectione, semper amplius crescendo perseverate, & perseverando crescite.

§ VI. Tentationes & pericula, præsertim salutis & animæ, stimuli sunt profectus nostri. In medio temptationum, in medio laqueorum, in medio periculorum, in medio scopulorum, & naufragiorum, in medio venenorum, in medio præcipitiorum, in medio hostium, in medio cruentarum bestiarum, sanguinem nostrum sitientium, in medio venatorum insidiatorum, persecutorumque habitamus, & vivimus. Tentatio est vita nostra super terram. Quantus hostis mundus? & in ejus centro vivimus, quantus hostis diabolus: imò dæmonum exercitus? & ille tanquam leo rugiens circuit, ut devoret. Quantus hostis caro cujusq; propria? quæ tamen non tantum vestis nostra, non tantum domus nostra, sed etiam pars portioq; nostra existens, idem nobiscum quod sumus nos, est. Quantus hostis homo ipse, unusquisque sibi ipsi? & quid tam mihi meum quam ego ipse? Si ipse mihi met hostis, & quidem periculosissimus non essem: nullam aliunde hostilitatem timerem, De me enim imò de corde meo, exeunt cogitationes male, dicit Dominus: omnesq; laquei, omnes ruinæ, omnes

mortes meæ. Quis ergo potest salvari? nemo certè potest, nisi ille salvet, qui solus, & unus & totus salvator est, salus est, potens ad salvandum est. An fortè dubitas non quidè quod potens, sed quod volens sit? Si non amas, meritò dubitas, ama, & volentem, imò salvantem, imò salutem habes. Deus enim charitas est, & qui manet in charitate, in Deo manet, & Deus in eo. Igitur multitudo temptationum atq; periculorum, pellunt nos, atq; trahunt ad diligendum Deum, qui solus salvare ab omnibus potest, & sola charitate ad salvandum invitari, induciq; solet.

§ VII. Incertitudo salutis æternæ, est unū horum mediorum, quibus vos Deus ad standum, crescendumq; in charitate, non invitatur tantum, sed etiam impellit. Esto enim sed cum Paulo Apostolo. nihil mihi conscius essem: esto plus omnibus laborassem, tolerassemq;: esto fidem servassem, bonum certamen certassem, cursumq; consummassem, adhuc tamen non in hoc iustificatus, non in hoc salutis æternæ certus essem: etenim qui iudicat me Dominus est: qui discernit me, etiam solus Dominus est, apud quem simne odio an amore dignus, non tantum nescio, sed etiam quod sim amore indignus, odio autem plus quam dignus, indubitata scio. Et ut hoc nescirem (quod tamen non possum nescire) nihilominus cum sciam multos vocatos, paucos autem electos. quis scit, an ego ex his paucis sim? certè pronius est inter multos, quam inter paucos esse.

Deinde cum non sit volentis, neq; currentis, sed miserentis Dei. Rom. 9. 16. quis scit, an non cum Pharaone in hoc ipsum excitatus sim, ut ostendat in me virtutem, iustitiamq; suam? quis scit, an non cum necdum natus essem, aut aliquid boni malive egissem, dictum sit de me, non sicut de Iacob. Dilexi, sed sicut de Esau: odio habui? Habet enim potestatem figulus luti, ex eadem massa facere aliud quidem vas in honorem, aliud verò in contumeliam. O altitudo divitiarum sapientiæ & scientiæ Dei: quis enim cognovit sensum Domini? aut quis consiliarius eius fuit? aut quis prior dedit illi: & retribuetur ei. Rom. 11. 33. Quoniam ex ipso, & per ipsum, & in ipso sunt omnia bona, ex nobis autem solum nihil, & peccata. Ipsi igitur soli gloriæ: ipsi amor & exaltatio, quoniam per misericordiam suam salvos facit nos. Misericordia autem eius super exaltat iudicium: & ipsa est super omnia opera eius. Faciamus nos quod nostrum est, hoc est totum quod vult, iubetque adoranda voluntas ejus. hæc est autem volun.



voluntas ejus, ut *Diligamus eum ex toto corde, ex tota animâ, ex totâ mente, ex totâ fortitudine, ex totis viribus nostris.* hoc inquam nos faciamus, & semper tota vitâ faciamus, & in hoc opere semper amplius excrefcamus: & *Deus, qui diligentes se diligit, per misericordiam suam salvabit nos.*

Hæc sunt excitamenta, hæc calcaria, quæ

diligens nos, diligiq; à nobis amans Deus, subdit charitati nostræ quâ tumlibet perfectæ. Hæc quisquis es, diligenter recole: & ex eis partim quidem *humiliare sub potenti manu Dei,* ex infirmitate tua, quæ est magna valde: partim ad diligendum amplius & amplius Deû, totis visceribus tuis inflammare, ex misericordia ejus, cujus non est numerus.



## C A P V T XXII

De alijs adhuc incitamentis, quibus Deus urget charitatem nostram ad profectum.



**V**rgent, super jam allata, alia ad charitatis perfectionem Divina incitamenta, latiora, amantioraq; prioribus, utpote ad illuminativam, proficientemq; partem spectantia: quæ ideo etiam magis charitatem ad proficiendum urgere debent, ac solent, quia proficientium quasi propria sunt. Primum horum est, excellentia, multitudo, perpetuitas, gratuitaq; collatio donorum, & auxiliorum, ad omnia quidem hominis bona utilium, at potissimum animæ saluti, profectuiq; charitatis in Deum deservientium. Mitto hic, quæ tamen omittenda considerationi non sunt bona externa, quæ fortunæ, temporaliaque vocamus; quorum numerus iniri nequit, & in eis dandis consilium Dei non aliud est, quàm ut sint media nobis, ad noscendum, amandumq; quàm maximè Deum datorem eorum. Mitto & corporalia bona, quæ quâto viciniora sunt, & animæ, & homini, tantò sunt oportuniora ad omne obsequium, quo homo seu obligatur, seu occupatur, feriturque in Deum suum. Animæ bona, quæ naturalia, quæ supernaturalia, ad memoriâ, intellectum, voluntatem liberam, & rationalem pertinentia, tot, tantaq; sunt, ut nec numerus, nec pretium, nec pondus, nec utilitas, nec honestas, nec dulcedo, nec promptitudo, nec efficacia, à quo quam satis dignè perpendi, æstinariq; possit.

Hæc omnia Deus alio nullo fine, consilio-

que dedit, quàm ut essent instrumenta, supra captum, sed non supra experimentum commodissima, Deo super omnia diligendo, æstimando, colendo, laudando, ac demum, suo tempore, etiam fruendo, & possidendo. Igitur anima cum suis omnibus potentijs, donisque, quæ naturæ, quæ gratiæ, est sibi, est Deo, vehemens calcar ad amandum Deum.

Incrementi vim habent multitudo & varietas & salubritas, ornatus & splendor, usus & efficacia virtutum naturalium, supernaturalium, Theologicarum, & Moralium, donorum insuper fructuumq; Spiritus Sancti, tam quoad habitus, quàm quoad actus suos: quibus omnibus Deus implet animas nostras ornans, & significans, & instruens, & obarmans, & perficiens eas, ut fiant dignæ se suâque inhabitatione. Quantum quæso boni habemus à Fide Divina, quæ credimus non solum Deum, & de Deo, ac Divina, sed etiam in Deum, tanquam Authorem & fontem omnis veri & boni, tanquam in supremum finaleque bonum nostrum &c. Quantum boni à spe similiter Divina, quæ evincimus quidquid est in via salutis difficultatum? De charitate Dei, simulq; propter Deum, tam nostri, quàm proximi, superfluum est dicere, cum illa sit vita animæ, illa mater virtutum: illa corona donorum, illa radix, illa corpus, illa vertex, & corona perfectionis, atq; adeo ipsamet perfectio, illa deniq; inchoata, & hujus vitæ beatitudo, soror gratiæ, aut ipsa etiâ fortasse gratia, illa deniq; jus, quasi hæreditarium



tarium possessionis, & fruitionis Dei, ac vitæ æternæ. Mittamus Religionem ac devotionem erga Deum. Mittamus cardinales virtutes, earumque species ac filias. mittamus dona illa magna, capitaliaque septem Spiritus Sancti, ejus denique fructus. Mittamus & gratias gratis datas. Quibus quæso vehementius urgebitur ad diligendum, & vehementer quidē diligendum Deū tantorum bonorum fontem anima nostra si his non urgebitur omnibus: cum si vel singulis esset ditata, esset ad incensissimē diligendum superobligatissima.

Incitamenta sunt specula & exempla, exemplariaque Sanctorum, sive Angelorum, sive hominum, eorumque, sive jam in cœlo Beatorum, sive adhuc in terra degentium. Ad quid Deus, horum omnium, primum quidē vitas, mores, virtutes, opera, passionēs, merita: deinde glorias, & præmia, & honores tam cœlestes, quàm hujus vitæ nobis proponit: nisi ut quali nobis inclamet, inculcetque ecce isti sic dilexerunt me. Sic honorati sunt à me: Tu autem quantulus es in charitate erga me? Quid ab his minus tibi ego præstiti, in creatione, in gubernatione, in redemptione, in vocatione, in justificatione, in gratiarum assiduitate, & in omni omnino ad amandam me, serviendumque mihi oportunitate? Hoc etiam amplius præstiti tibi quàm illis, quia illos tibi in exemplum dedi. Quidni ergo imitaris, quos miraris? quidni exa-quas, quos laudas? quidni sequeris eos, ad quos aspiras? An tu non potes quod isti? an isti in seipsis, & non in me potuerunt, quod vides potuisset an infirma facta est manus mea, sive ad auxilium dandum, sive ad præmium reddendum uni tibi?

Incitamentum est donum sanctificantis gratiæ. donum super omne hujus vitæ donū, donum quod est tons aliorum donorum, donum quod solum verè & vitale est donum: donum sine quo nullum aliud aut habetur, aut fructuosè habetur donum: donum ex quo pendet, vivitque & operatur, & prodest, omne aliud donum. Donum quod solum dat vitam animæ: donum quod dividi nequit à charitate, donum quod secum infert omne aliud, supernaturale donum, quod hominem Deo, Deum homini donat, donum quo participamus Dei naturam, & esse Divinum, donum quo filij & hæredes Dei, coheredes autem, & fratres efficiamur Christi. Donum quod & charitatem, & omnem aliam

virtutem, ad sui incrementum incrementum facit, donum quod est Beatitudinis æternæ meritum condignum, fundamentum solidum, jus pignusque hæreditarium. Denique donū, quod Deus dat nobis tanquam charitatis seminarium, tanquam nostri in Christum, membrorum in corpus, palmitum in vineam implantarium. Per gratiam ergo sanctificantem crescat charitas, per incrementum charitatis crescat gratia, & mutuis reciprocationibus augeantur, donec charitas viæ, transeat in gloriam beatificantem.

Incitamentum est Præmium vitæ æternæ, de quo licet vere, admodum tanten modicè dictum est: *quia nec oculus vidit, nec auris audivit, nec in cor hominis ascendit, quod præparavit Deus diligentibus se* 1 Cor. 2. 9. O diligentes, nolite esse in diligendo negligentes: quanto enim ardentius diligitis in via, tanto serenius videbitis in Patria. O diligentes, si diligitis, diligenter diligit: erit enim merces operi vestro: Merces magna nimis, merces Deus ipse, si tamen non ideo diligatur ut sit merces. Non enim ad mercedem diligendus est Deus, etsi absque mercede nunquam diligitur. O diligentes, si diligitis, diligit diligentes, diligit ardentem & serio diligentes, diligit dilectionem ipsam vestram diligentes diligit dilectionem vestram semper proficere cupientes, semper in diligendo proficere satagentes. Parum enim diligit, si tamen etiam diligit, qui se satis diligere credit, ille verè, ille multum, ille satis diligit, cui nunquam satis, cui nunquam multum, cui semper parum est, quantumcunque est illa dilectio ejus, qua diligit. Ergo diligentes, diligit diligentes, diligit enim diligentem, diligit diligenter gratis, diligit diligenter spontaneè, diligit diligenter immensè. Amat enim vos charitas Deus, diligit vos immensitas Deus, vos autem quantumcunque diligitis, diligitis semper cum mensura, & ejus tamen mensuræ, habebitis mercedem sine mensura.

O anima mea: magna quidem sunt (Sera-phicus agebat Franciscus) quæ promissimus, sed majora promissa sunt nobis, verè majora, quia omnibus maximis nostris majora. Majora, quia omnibus meritis majora. Majora quia etiam quæ minimus Beatorum percipit, omnium Sanctorum meritis sunt in rigore majora. Majora, quia ne Deus quidem, licet omnipotens & inexhaustus est, præstare potest his omnino majora. Majora denique quia Deum



quia Deum ipsum in se concludunt, Deoque ipso constant, ista majora. Ergo anima, Deum ama, ardentem ama, magis ac magis semper ama, magis ac magis semper amare desidera. Ama illum, qui amanti tibi tanta premia promissit: Non tamen ama, quia pro-

missit, nec ideo ut datur quæ promissit, sed ama, quia dignus est ut ametur omnibus amoribus purissime gratis: etsi nihil promitteret, nihil exhiberet eorum quæ amantibus promissit.



## CAPVT XXIII

De duobus adhuc stimulis, quibus Deus urget charitatem nostram, ut crescat.

**D**uo adhuc sunt residua, & quidem suprema per omne modum motiva, quibus Deus charitatem nostram, perurget ad crescendum semper amplius, & amplius.

Primum est IESUS Christus, Deus Homo Deus ex homine virgine Incarnatus, in terris natus, in terris conversatus, in humilitate, & contemptu in paupertate & rerum omnium defectu, in frigore & aestu, in fame & siti, in labore & sudore, in vinculis & carcere, in insidiis & perditione, in flagellis & spinis in colaphis & conspuatione in tormentis & dolore, in obedientia, non tantum Dei, sed etiam hominum, eorumque etiam hominum, eorumque etiam hostium, etiam carnificum, & latronum, in Cruce & morte, tanquam Archilatro, in medio latronum. Denique conclusus in sepulchro, tanquam unus e populo mortuorum. Quid sibi vult, quæso te o Homo, iste Deus Homo? an aliud clamat præter illud, dilige Dominum Deum tuum: dilige quia sic dilectus es: dilige sicut dilectus es?

§ II. Considera quia Deus Homo factus est. Dignatio certa sine exemplo, sine merito, sine spe, sine desiderio, sine contemplatione, sine cogitatione. Quis enim si cogitet, quis sit Deus, vel quis sit homo: quantum chaos inæqualitatis inter Dei dignitatem, & hominis indignitatem: quis inquam si hæc cogitet, cogitare possit Deum

hominem, non dico factum esse, sed fieri posse. Et ecce tamen factus est Deus Homo, cui comparatus homo, prout nihil est homo. quæposito, quid obsecro aliud, jam potest, & debet cogitare homo, nisi ut toto corde amet Deum, per quem tanto, tam incomprehensibili honore dignatus est Homo? An igitur Deum Homo, quia Deus fieri dignatus est homo, & tam diu in amando pergat, crescatque, desiderando amore adæquare dignitatem dignationemque hæc, quam homo accepit, quamque Deus subiit, quando Deus factus est homo: ad quam adæquationem, quoniam homo amando nunquam pervenire poterit: propterea etiam à crescendo in amore cessare nunquam debet.

§ III. Considera, quia Deus propter hominis amorem factus est Homo & quidem non propter amorem illius solius hominis quem suscepit, sed propter amorem omnis & cujuslibet hominis de cujus medio unum hujus individuū suscepit. Non enim tantum ideo hominem suscepit, ut esset Deus quidam Homo, sed ideo ut Deus hominis frater & filius, & coheres, imò & *Divine nature cōfessus*, esset omnis homo. O homo, si antea non audebas diligere Deum, quia ille quidem Summus Deus, tu verò vilissimus eras homo: certè vel nunc jam aude, condisce, consvesce, cogere, & coge te ad diligendum Deum, quoniam video, quia propter amorē tui factus est Deus Homo. Ama igitur Hominem Deum, & in eum transfer omnem amorem



amorem tuum, quoniam tuo amore nihil aliud dignius reperies, nisi Hominē Deum.

§ IV. Considera, quod Deus Homo factus est propter hominem peccantem, propter hostem, & rebellem suum, propter diaboli mancipium, & inferni pabulum, propter damnatum, & perditum in æternum: propter vilissimum, & tam superbum, propter creaturam, & tamē inobedientem, propter inutilem, nec necessarium, & tamen ingratum, propter perditum, & tamen inimicum. Propter talem hominem, Deus factus est homo: & ex massa talium hominum assumptus, delectus est à Deo homo, & assumptus ideo, ut per hunc Deum Hominem, liberaretur, salvaretur, redimeretur, reconciliaretur, glorificaretur omnis perditus periturusque aliās homo. Quælo capite hanc tantam Dei erga se dilectionem misellus homo? Et nunquid poterit negare honorem suum, huic Deo Homini homo? Nunquid poterit aliquando satis redamare tantum amatorem sui homo? Nunquid poterit aliquando cessare ab amore huius tanti sui amatoris, etiam si in æternum vivat, & amet homo?

§ V. Considera, quod Deus Homo factus est homo propterea, ut peccatorem, rebellē, ingratum, damnatum omnem hominem, redimeret, salvaret, justificaret, glorificaretque per susceptum à se hominem, hoc est per suscepti à se hominis vilificationem, exinanitionem, humiliationem, pauperiem, contemptum, famem, sitim, dolorem, tormenta, crucem, & in cruce mortem. Quæ quidem omnia re ipsa suscepit, pertulitque Deus Homo: & non pro uno tantum homine, non pro paucis, non pro uno populo, sed pro omnibus simpliciter atque singulis. Et licet potuisset, aut purā, absolutaque suā voluntate, sine illa humiliatione, ac passione, licet potuisset unius oculi ictu, aut digiti motu, licet potuisset unicā sudoris gutta, sufficere, efficaciter, condigneque salutem omnium perficere: tamen ut expleret amorem, non fecit tantum quod satis erat potentia, sed etiam quod satis, superque satis esset suæ in nos omnes charitati, propterea copiosam & copiosam immensè fecit nostram redemptionem.

Hoc portentum amoris, qui potest capere capiat: capiet certè nemo tam hominum, quam Angelorum, præter solum illum Deū, Hominem, qui illud & invenire, & velle, & perficere potuit, reque ipsā perfecit. Tu au-

tem homo, sic dilecte, tali redemptione redempte. Tu inquam, si potes, nega isti amatori tuum amorem. Si potes, circumscribe tuum aliquā mensurā, amorem in hunc amorem. Si potes, non universam totalitatem tuam effunde, atque exere, ad propagandam magis semper ac magis charitatem tuam, erga tantum tuum amatorem.

6. Considera, quod Deus Homo, pro tanto suo in hominem amore, aliud penitus nihil exigit, nisi ut Deum super omnia amet sic amatus homo. Ecce tantillum præmiū, tantū meriti, tantillam mercedem, tanti laboris; tantillam mercem, tanti pretij, vult solum ab Homine Deus Homo. Et audet tamen (heu quā audet, quā sæpè audet, quā rarus hominum non audet) audet inquam negare amorem, tanto pretio apud se emptum, à Deo Homine emptum, homo ingratissimus Deo. Quis infernus satis erit puniendæ, quæ patientia satis erit sufferendæ, tantæ ingratitudini, hominis sic dilecti, sic redempti, & ideo tantum sic dilecti, sicque redempti, ut vicissim tantum amorem sui, a suo (an quam vili in se se, atque prorsus nihili!) refundat, & refundere nunquam cesset amatori? Hanc certè sufferentiam, mercatur apud Deum, ipsa passio pro homine, & amor in hominem ipsius Dei Hominis amatoris, alioqui, sine omni dubio, vel Noëticum diluvium, vel pluvia Sodomitica, vel poena Core Dathan, & Abironis absorberet, & deglutendo porrigeret inferno sceleratissimè ingratos. Nimirum is sanguis qui ex immenso omnium peccatorum amore pro eis fusus est, validus est etiam omnem sustinere, imò & abolere ingratitudinem eorum pro quibus fusus est.

7. Considera quod Deus homo non tantum se fecit redemptionem nostram ex amore nostri non tantum dedit in mortem Crucis animā suā ex eodem amore: verum etiam in Sacramentis suis reliquit nobis merita omnia sua, in sanitatem & sanctificationem nostram: etiam instituit stupendè amabile, tum sacrificium, tum convivium, de se ipso, de corpore scilicet & sanguine suo: a quo abesse noluit animam & Deitatem suā, totumque se.

8. Quo putas vel autore, vel fine. Autore quidem non alio, quā amore, nec alio etiam fine, nisi amore. Sufficiebat semel Christum sacrificatum esse pro nobis in Cruce: & amor instituere cōegit: ut in toto mundo immolaretur, sub panis & vini specie, nō alio



alio utiq; effectu & fructu, quam illo ipso, quem fortita est immolatio illa unica cruenta in cruce. Sufficiebat semel Christum impendisse nobis merita sua; ac amor instituit sacramenta, Sancta scilicet & sanctificantis gratiæ effectiva, collativaq; signa, quibus pro usu, arbitrioq; nostro sanctificaremur. Sufficiebat Christum per 33. annos vixisse nobiscum in terris: ac amor invenit, & instituit modum, quo etiam visibiliter descenderet à nobis, ad usq; Patris dexteram, invisibiliter tamen, sed æquè ut in cælo corporaliter, maneret, & habitaret nobiscum in Eucharistico Sacramento, usq; ad consummationem seculi. Neq; satis ei fuit nobiscum manere; placuit illi etiam in nobis corporaliter habitare, placuit dicio, per modum cibi, atq; potus, in viscera nostrorum non tantum cordium, sed etiam corporum, sub speciebus panis & vini subingredi, sicq; nostras animas alimonia vitæ pascere, nutrire, impinguare, saginare: & hoc quidem non semel in vita tantum, sed omni die vitæ.

Congregamini omnes sapientiæ creaturæ, etiam Cherubinorum, etiam Seraphinorum, excogitate similem huic amoris Christi in nos (ah quales!) amorem, amorisque inventionem, excogitate condignum huic eidem amoris pretium, amatoriq; præmium. Steriles sunt ad hoc omnes intellectus, sed non sterilis ad pretium præmiumq; suum inveniendum assignandum exigendum amator noster. Non vult aliud quidquam à nobis, nisi ut ametur, ut amari nunquam cesset à nobis.

§. Ultimum Dei medium, quo nostram

ad profectum provocat charitatem. Est autem Deus ipse. Deus inquam, quantus quantus est. se ipso provocat nos, eum ut amemus, summe amemus, infatigabiliter, incessabiliterq; amemus, magis ac magis semper amemus, semper amare conemur, solum illum, propter illum solum amemus. Provocat nos Deus ad amorem sui entitatis suæ, Un-Trinitatis suæ, dignitatis suæ, voluntatis suæ, perfectione suæ, bonitatis suæ, beatitudine suæ. Deus est Deus, ametur. Deus est unus in Essentia, Trius in personis, ipso & Nomine & Entitate amorem sonantibus & poscentibus, ametur. Deus dignissimus, & ipsa dignitas est, ametur. Deus vult amari, ametur. Deus perfectissimus per omnia est, ametur. Deus bonus, & bonitas est, ametur. Deus Beatus, beatitudoq; suæ, & omnium est, ametur. Deus in omnibus bonis suis amabilis est, ametur. Deus in toto se, & in omnibus perfectionibus, bonisq; suis infinitus, immensus, æternus est, ametur, & infinito, immenso, æterno, in æternum amore ametur. Denique Deus se amantibus, fideliter seipsum exhibet, tum in exemplum amandi se: quo opere nunquam expletur, & semper tamen expletur, atq; ideo beatificatur: tum in præmium amantibus se, & amare semper studentibus, atq; gaudentibus. Igitur ametur, & sine cessatione, sine mensura, sine modo, sine præmio ametur. Hoc amore, charitas nostra semper exerceatur, se operi crescat, & nunquam fatigatur, quia dignus est Deus: & quia finis non est, dignitatis, & amabilitatis ejus.





## CAPVT XXIV

De passibus animæ seu charitatis perfectæ,  
quibus ad ardentissimum statum pervenit.



Charitas, siue anima habet charitatem perfectam, habet suos quosdam passus, quibus ad ferventissimum, ardentissimumque suum statum currat, & perveniat, ita tamen, ut in eo non stes, sed assidue amplius crescat. Horum passuum.

§ I. Primus est, jugis & amabilis Dei præsentia, seu Divinæ præsentia memoria: cum enim Deus sit unicum delictum, unicum bonum, unicum centrum fieri non potest, ut charitas, si charitas, & quidem perfecta, seu magna & vehemens est, vel ad momentum (quoad hæc vita finit) possit, certè velit, non habere cognitionem suam conversam ad Deum, memoriamque defixam in illum. Ignis indefesse sursum tendit, quia ibi ejus locus est. Lapis deorsum perpetuo gravitat, quia ad centrum suum, acus navica septentrionem assidue aspicit: Ita omnino charitas vehemens assidue ad Deum respicit, tendit anhelat, voluntariè quadam necessitate, aut potius necessitata voluntate. Anima enim magis ibi est, ubi amat, quam ubi animatur: quia scilicet amore fertur in id quod amat. Hinc ardentè amantium est, perpetuo de re amata cogitare, jugem ejus imaginem in phantasia habere, cum absente licet tamen loqui, ad eum dirigere omnia studia, curasque & quid non? quæ si amantes non patiuntur: certè aut non amantes, aut frigide valde amantes sunt. Quare fieri non potest, ut anima charitatem perfectam habeat, & Dei non quam maxime assidue memor sit, quod si memor est: ut etiam ejus amore incendatur, consequens est.

§ II. Alter ad ardorè charitatis, passus est, jugis oratio seu meditatio. Non stant enim amare ardentè, nec tamen colloqui (cum eo quem ames) libenter, dulciter, frequenter. Ergo si amat anima Deum, sine ejus

colloquio esse non potest. Si autem colloquitur, sine dubio inflammatur, ut enim flatu carbones, sic colloquio mentes incenduntur, & ignescunt. Eam rem sicut expertus, ita & confessus David, dicit. *In Meditatione mea exardescet ignis.* Psal. 38. 4. Dixerat idem ante in alio Psalmo. *Meditatio cordis mei in conspectu tuo semper.* Psal. 18. 19. Ubi videre licet, passuum horum duorum de quibus jam dictum est connexionem. Habebat David Deum in conspectu suo: & mox meditatio cordis ejus erat in conspectu Dei. Meditationem in Dei conspectu quid secutum est? Hoc nimirum. Concaluit cor meum intra me, & in meditatione mea exardescet ignis charitatis ardentioris. Igitur qui crescere vult in charitate, non desiciat à meditatione neque à colloquendi cum Deo assiduitate.

§ III. Tertius charitatis passus, qui est perenne ac inflammatum desiderium: Et si enim charitate, perfecta anima, & scit Deum suum dilectum magis sibi intimum esse quam ipsam se, & præterea jugem ejus memoriam in se fovet, minimè tamen in hoc statu acquiescit, sed continuis inflammatisque ardet, ac æstuat desideriis fruendi illo non per speciem, & in enigmate solum, neque per fidei spei que diligentis tantum, sed etiam per saporem penitiorum, ac simul pleniorum, donec tandem aliquando liceat facie ad faciem. Itaque anima talis, etsi ex parte propter gustum quiescit, ex altera tamen propter fructus, possessionisque desiderium, expertus quietis est, non secus ac ignis, qui quatenus pabulum habet, hic detinetur: quatenus locum seorsum habet, illuc semper evolat. Atque hic desideriorum flammascens conatus, est animæ, charitatisque ejus, vita, sine qua si esset, frigida valde, aut etià mortua, nullaque esset, quocirca quantum in desideriis charitas crescit, tantum & in semetipsa augebit.



§ IV. Quartus charitatis passus qui est, elongatio ab omni eo quod Deus non est, quodq; ab eo separare potest. Tunc enim vera sunt, & esse comprobantur, desideria charitatis in Deum, si nullis se se teneri, immiserive patitur rebus, quæ sibi præpediunt evolutum ad ipsum. Nam si creatum quidpiam adhuc appetit, manifestum, quod nec plene, nec ardentem Deum diligit. Oportet ergo ut anima quæ in charitate, seu perfecta est, seu perfectior esse desiderat, det totum, quidquid est creatum, pro toto quidquid est increatum: oportet ut deferat, perdatq; totum quod Deus non est, pro eo toto quod Deus est. Atq; id à se præstitum aiebat Propheta, qui de se testabatur. *Ecce elongavi fugiens, & mansi in solitudine: expectabam eum qui salvum me fecit.* Psal. 54. 8 Frustra enim expectasset, imò ne quidem expectasset Salvatore, si non elongatus à mundo fugisset, elegissetq; solitudinem. O solitudo & Elongatio, quam pretiosa, & simul quam rara es! Nimirum non sit absq; illius auxilio qui cuiuspiam promissit animæ, diligenti, simul ac dilectæ. *Ducam eum in solitudinem, & ibi loquar ad cor: ibi lactabo eam.* Ose 2. 14.

Hanc elongationem, atq; solitudinem, charitatis, assimilavit dilectus ejus sponsus noster cum dixit. *Fortis est ut mors dilectio.* Cant. 8. 6. Ut enim mortis proprium est, elongare nomen, non tantum à mundo exteriori non tantum à proximo quolibet, & quamlibet conjuncto, verum etiam à corpore proprio, atq; penitus à se ipso: Ita & amoris Divini propriissima energia est, expellere, & elongare animam, & ab omni creatura, & à proprio corporis, sensusq; cura, & deniq; à semetipsa. Etenim ut hoc præstet amor, fortis esse debet ut mors: imò & ipsa morte fortior, ut idem sponsus amoris testatur.

§ V. Quintus charitatis perfectæ, ad ardentissimum suum statum, passus est, assimilatio, seu imitatio ejus, quem unice, ardentem que amat, Dei. Innatum est enim amori, ut & ex similitudine nascatur, & similitudine crescat, & similitudine perseveret, & similitudinem querat, & similitudinem impeteret & similitudinem inferat. Anima ergo quæ amat Deum, assimilari vult, studet, conaturq; e, quam maxime ad ipsum: Et quando n. quidem similitudinem sponsi, non ambit in præfenti, sed reservat futuro nempe si similitudinem gloriæ, potentia, beatæ vitæ, quæ-

dam verò vehementer exornabit, & desiderat, ut Iustitiæ, misericordiæ, bonitatis, veritatis, amoris. Et quia non hanc solum sibi in sponso elucescere, propositamq; admirandū esse assimilationem intell. g't: sed illam etiam, quam videt ex immensa ipsiusmet charitate, de humilitatis nostræ assumptæ vilitate adscitam, perfectæ charitate prædita animæ, in hujus potissimum similitudinis studium ardescit, quia illam sui causâ à dilecto suo imperante (ut dixi) immensa ejus charitate, assumptam agnoscit. Ergo humiliari, ergo pati, ergo deficere, ergo contemni, ergo illudi, ergo consui, ergo nudari, ergo flagellari, ergo opprobriis, calumniis, contumeliis, maledictis, blasphemis saturari, ergo cum latronibus deputari, ergo ad mortem deponi, ergo ad Crucem damnari, crucem ornari, cruci affigi, in cruce mori, non tantum non erubescit, non tantum non horrescit, non tantum non deprecatur: verum, etiam optat, postulat, diligit, mercatur, gloriatur, exultat. Sciens hæc demum ratione æmulari se charismata meliora: sciens hac demum viâ & perfici, & ordinari, & in triumphum victoriæ designari in se se sponsi charitatem, sponsi similitudinem, sponsi effigiem, sponsi virtutem, sponsi vicinitatem, sponsi unionem. Ita ut non minus verè, quam magni si è possit toti mundo testari. *Cruxio consui in Cruce.* Gal: 2. 19. Stigmata Domini mei IESU, in corpore porto, proinde de cætero iam me nemo d. spiciat. Felix anima quæ hucusq; ascendit, felix charitas, quæ hucusq; succorevit, felix dilectio, cui talibus deliciis à Sponso suo passis, talibus dignationibus vestiri: in talia cellaria introduci, talibus vinis potari, talibus signaculis obfignari, insigniriq; donatum est.

§ VI. Sextus charitatis perfectæ ad altiora passus progressusq; est descensus & inclinatio ad proximos juvandos, sponsosq; suo lucrandos & adducendos. Sicut enim sponsus charitatis nostræ suâ charitate victus, inclinavit calos, & descendit: & exultavit ut gigas ad currendam viam, à summis cælorum egressus, atq; 99 ovibus relictis in montibus, descendit in planam, & humiliter miserie mortalis, ut quæret perditam oviculam: quam inventam, magno utiq; labore, & sudore imposuit humeris suis, & deportavit ad ovile suum: fecitq; exultare vicinos de felicitate scilicet sua in oviculæ recuperatione: Ita & anima,

charita-



charitate Dei perfecta, quantumcunq; sublimata, imò quanto magis sublimata, inque adyta Dei intima introducta, impellente charitate descendit ad fratres suos; eorumq; fortem miseratur, ijs orationem, ijs exhortationem, ijs suavitatem, ijs patientiam, ijs sufferentiam, ijs indulgentiam, ijs consilium, ijs suffragium, ijs exemplum, ijs laborem, sudoremq; ijs famam & honorem, ijs substantiam huius mundi, ijs corporis vires ac vitam, ijs totam se impendit, omnia omnibus fit, ut omnes lucrifaciat, pro ijs etiam de libro vitæ deleri, etiam anathema esse, etiam impendiatq; superimpendi, non tantum non gravatur, sed etiam impensè delectatur.

In quo descensu, non tantum anima non deserit locum suum, sed potius audit dici sibi, *Ascende superius*: & per charitatis sobole atq; fecunditatem *Cresce in mille millia*, Et pro eo quia eduxit pretiosum de vili, quasi os dilecti sponsi efficitur. Non secus ac de supernis aqua, in ima deducta cum fuerit: tantò ab imis illis assurgit altius, quanto ex altioribus deducta fuerat inferius. Sic anima, quanto se à summo, altissimoq; Sponso quasi descendens ad proximos demittit inferius, tantò per facta opere ministerioq; charitatis, ad ipsum suæ charitatis fontem, suum scilicet sponsum assurgit, ascenditq; sublimius.


§ VII. Septimus passus ad altiora charitatis nostræ perfectæ est fortitudo, atq; victoria omnium, nimirum adversitatum, & adversariorum, & talis quidem victoria, ut omnes vertat in contrarium, hoc est, ex adversariis obsequentes, ex adversitatibus prosperitates faciat: perinde ut boni Medici ex venenis theriacam, boni nautæ ex adversis ventis pro speram navigationem, facere norunt. Sic

enim etiam charitas ex miseriis beatitudines ex fletibus cōsolationes, ex inimicitias amicitias, ex odiis amorem, elicere in more, & deliciis habet. Nimirum aquæ multæ tribulationum, & vasta flumina persecutionum, charitatem non tantum non possunt extinguere, aut obruere, sed potius faciunt magis magisq; inflammas & incendia crescere inde videas virum charitate plenum, cum infirmatur tunc potentem esse. Gloriantem in tribulationibus: scientem abundare & deficere, Vincentem in bono malum. Videas nihil habentem & omnia possidentem, quasi mortuum & ecce viventem & adhuc superantem. Videas à paupertate ditari, à contumelia honorari, & in tormentis deliciarum in ignominia glorificari, calcari à mundo, & mundum despiciere. Deniq; in vivere suo, Christum, in mori suo, lucrum habere, de ultimo loco, de extremo contemptu, tanquam pro summa dignitate contendere, mærare in prosperis mundi, exultare in periculis: & omnia quæ mundus amat, miratur, amplectitur, tanquam scruta vilia despiciere, tanquam insana & stulta ridere, tanquam detrimenta, & stercorea, ne calcaneo quidem dignari.

Hæc est victoria charitatis, quæ non tantum vincit mundum, sed etiam transcendit, quæ si potest, & quamdiu spem habet, Deo conatur lucrari mundum: ejus autem loco eligit, amplexatur, induitq; Iesum Christum, & hunc Crucifixum. Quo ex animi sententiâ potita, hic quidem Beatis cælum suum non invidet: quoniam Christo suo, non tantum in illo ipso pro se, sed etiam in seipsa pro illo crucifixo, beata est.

# CAPUT XXV.

## De similitudine charitatis perfectæ cum Spiritu Sancto.

§ I. haritas omnis quidem, at præcipuè perfecta, & (quantum hæc vita patitur) summa, consummataq; est præcipua primogenitaq; Filia Spiritus Sancti. Ut

enim ipsemet substantialis essentialisq; charitas est Patris in Filium, & Filij in Patrem, ita quoq; dum se ad creaturas porrigit, primum omnium quod ijs infundit, seu quod in eis gignit, est charitas. Quemadmodum enim



enim ab igne non nascitur nisi ignis: sic à Spiritu Sancto, qui vivus & verus, vitalisq; ignis est charitatis, nihil aliud in nobis progignitur nisi consimilis ignis charitatis. Hoc luculenter attestatur Paulus dicens: *Charitas Dei diffusa est in cordibus nostris, per Spiritum Sanctum qui datus est nobis.* Rom. 5. 5. quasi dicat, quoniam Spiritus Sanctus, qui charitas est ipsissima, donatus est nobis, etiam charitas Dei indita, infusa, ingenta est in nobis. Neq; enim potuit quidquam aliud enasci in nobis per Spiritum Sanctum Dei, quàm charitas Dei. Probat autem hoc ipsum, quàm maximè similitudo multiplex charitatis nostræ cum Spiritu Sancto, ita ut attentis ijs similitudinibus, nemo possit negare, charitatem esse filiam Spiritus Sancti.

§ II Prima charitatis cum Spiritu Sancto similitudo, quod sit hostis, victrix, triumphatrixq; mundi, sicut est etiam Spiritus Sanctus. Esse hostem de-bellatoremq; ac triumphatorem mundi Spiritum Sanctum: testis est ipsa veritas nostra Dominus IESUS Christus, dicens: *Cum venerit Spiritus Paraclitus, arguet mundum de peccato & de iustitia, & de iudicio.* Ioan. 16. 8. Et alio loco: *Ego rogabo Patrem & alium Paraclitum, dabit vobis, ut maneat vobiscum in eternum, Spiritum Veritatis, quem mundus non potest accipere, quia non videt eum, nec scit eum.* Ioan. 14. 16. Hoc ipsum Apostolus indicat, cum ait: *Animalis homo non percipit ea que sunt Spiritus Dei, stultitia enim est illi, & non potest intelligere, quia spiritualiter examinatur.* 1. Cor. 2. 14.

Atq; id re ipsa usq; hodie loquitur, ac ostendit: Etenim ex quo Spiritus Sanctus à Patre & Filio missus in mundum venit, in die Pentecostes, super Apostolos, reliquosq; qui tunc erant Christi fideles, ex eo tempore, usq; huc, idem Spiritus Sanctus decernat, & debellat, & detriumphat mundum, ejusque omnem sapientiam, & potentiam, convertens eam in stultitiam & vanitatem. Hoc verò ipsum est opus charitatis, dicente Apostolo confidentissimè inter alia *Certus sum, quia neq; mors, neq; vita, neq; Angeli, neq; principatus &c. neq; creatura alia poterit nos separare à charitate Dei, que est in Christo IESU Domino nostro.* Rom. 8. 38. At verò Ioannes Apostolus expressius & crebrius idem repetit. *Nolite diligere mundum, neq; ea que in mundo sunt. Si quis diligit mundum, non est charitas Patris in eo. Quemadmodum inter ignem & aquam, inter solem & noctem, inter vitam &*

mortem perennis pugna atq; rixa est, ita inter charitatem & mundum seu amorem mundi, qui concupiscentia dicitur & est.

Ob quam etiam causam, inter Dei charitatisq; filios, & inter mundi huius amatores implacabile est odium, & sine fine certamen, quo filii quidem charitatis, mundi amatores expugnare contendunt, ut eos Deo lucrifaciant, reconcilient, & tanquam legitimo Domino reddant dicente Apostolo: *Charitas enim Christi urget nos.* 2. Cor. 5. 14. ad quid autem urget inferius mox exponit hoc modo. *Omnia ex Deo, qui nos reconciliavit sibi per Christum, & dedit nobis ministerium reconciliationis.* En ad quid urgeat charitas Christi, nempe ad ministerium reconciliationis mundi cum Deo explendum propter quod addit idem Apostolus. *Quoniam quidem Deus erat in Christo mundum reconcilians sibi, non reputans illis delicta ipsorum, & (seu etiam) posuit in nobis verbum ministeriumq; reconciliationis. Pro Christo ergo legitime fungimur, tanquam Deo exhortante per nos. Obsecramus pro Christo, reconciliamini Deo.*

Et quis non videt quantis se certaminibus periculis, passionibus, tormentis, laboribus, mortibus objecerint, objiciantq; Filii charitatis stimulat à charitate Dei, quæ est in Christo, ad hoc unum, & ob hoc solum ut reconcilietur mundus, ut filii huius mundi eruantur à mundo, & reconcilientur Deo? Contra autem Filii huius sæculi, & pulli amatoresq; huius mundi cum suo Domino mundo, cumq; sui mundi principe diabolo, quis non vider totos esse in hoc & positos & intentos, ut à Deo, à Christo, à charitate avertant, avellant, alienentq; filios Dei, & filios charitatis, & faciant eos gehennæ filios duplò amplius quàm se ipsos, ut ait Dominus.

§ III Secunda charitatis cum S Spiritu similitudo est, quia sicut *nescit tarda molimina Spiritus Sancti Virtus & gratia:* juxta S. Ambrosium: oditq; omnes dilationes, celsationes, fatigationes, & moras. ita juxta Sanctum Augustinum, *Sola est charitas que nomē difficultatū erubescit: (imò ignorat) obtendere atq; causari: Magna res amor, (verba sunt Thomæ Kempensis præsentī argumento aptissima) De imit. l. 3. c. 5. n. 3. Magnum omnino bonum, quod solum leve facit omne onerosum, & fert equaliter omne inaequale. Nam omnis sine onere portat, & omne amarum dulce & sapidum facit. Amor IESU nobilis, ad magna opera*

randa



anda impellit, & ad desideranda semper perfectiora excitat. Amor vult esse sursum, nec ullis infimis rebus retineri. Amor vult esse liber, & ab omni mundana affectione alienus, ne internus eius impediatur affectus: ne per aliquod commodum temporale implicationes sustineat, aut per incommodum succumbat. Nihil dulcius est amore, nihil fortius, nihil altius, nihil latius, nihil iucundius, nihil plenius, nec melius in cælo, & in terra: quia amor ex Deo natus est, nec potest nisi in Deo super omnia creata quiescere. Amor volat, currit, & latatur, liber est, & non tenetur. Dat omnia pro omnibus, & habet omnia in omnibus, quia in uno summo super omnia quiescit, ex quo omne bonum fluit, & procedit. Non respicit ad Dona, sed ad donantem se convertit, super omnia bona. Amor modum sepe nescit, sed super omnem modum fervescit. Amor omnes non sentit labores, non reputat, plus affectat quam valet: de impossibilitate non causatur, quia cuncta sibi posse & licere arbitrat. Valet igitur ad omnia, & multa implet, & effectui mancipat, ubi non amans deficit & iacet. Amor vigilat, & dormiens non dormitat, fatigatus non lassatur, arctatus non cunctatur, territus non conturbatur, sed sicut vivax flamma, & ardens facula sursum erumpit, securusq; pertransit. Hæc piissimus Autor de charitate Dei, cuius verba ideo plenius attuli: ut ex eis plures charitatis cum Sancto Spiritu similitudines, atq; innatæ ipsi proprietates pateferent, utq; conscientia, quantum forte adhuc sibi ad plenam perfectamq; charitatis possessionem desit, melius illucescere.

Maneat igitur firmum, charitatem perfectam, ignorare, erubescere, fugere omnem, fatigationem, omne tedium, omnem moram, omnem procrastinationem, omnem lentitudinem, negligentiam atq; incuriam. Non secus ac ipse Spiritus Sanctus omnia hæc averfatur, amat autem, & inserit mentibus alacritatem, fervorem, incessabilitatem, infatigabilitatem. Quales effectus videmus extitisse in Christo Domino: de quo in Psalmo dicitur: Exultavit ut Gigas ad currendam viam, à summo cælo egressio eius, & occursum eius usq; ad summum eius, & non est qui se abscondat à calore eius. Psal: 18. 7.

§ IV. Tertia charitatis cum Spiritu Sancto similitudo in eo est; quod quemadmodum Spiritus Sanctus terrena, carnalia, sensualia, privata & propria, seu potius proprietaria, averfatur & fugit: attestante scripturâ, Quia Spiritus Sanctus discipline effugiet fictum, & auferet se à cogitationibus quæ sunt sine intellectu.

Sap: 1. 5. in cuius figura, Noetica columba non inveniens in aquis diluvij ubi requiesceret pes eius Gen: 8. 9. mundè & intaminatè, reversa est ad Noe in Arcam: ad eundem planè modum charitas perfectæ nullis rebus, nullis curis, nullis cogitationibus, desiderisve terrenis inharere, immisceri, capi, delectari vè potest: adeo ut non solum absurdarum ejus generis sollicitudinum, cogitationumve consortium horreat, verum etiam illarum, quæ alioqui in eo genere licitæ esse possunt commercium timeat, quantumq; prævalet excutiat. Nimirum charitas Ignis quidem est, qui in infimis teneri non potest, verum ijs partim absumptis, partim excussis alta petit, nulli rei penitus quæ ignis non sit admixtus. Sic enim charitas eximia, quidquid sibi proponitur nauseat, despuat, & respuit. illud Davidicum accinens omni creaturæ: Renuit consolari anima mea. Memor fui Dei & delectatus sum. Psal: 76. 3. Itemque illud Beati Iob: Consolatores onerosi omnes vos estis. Iob: 16. 2. Propter quod robustissima ista charitate præditus Paulus Apostolus fidentissimè protestatur dicens: Quis nos separabit à charitate Christi tribulatio? an angustia? &c. Certus sum, quia nulla creatura poterit nos separare à charitate Dei, quæ est in Christo IESU Domino nostro. Rom: 8. 35.

Atq; hæc absoluta charitatis nuditas, omnifq; creaturæ vacuitas, non in eo tantum sistit, ut animam quam possidet, omnibus creatis, quæ extra hominem animamvè sunt, exspoliet ac denudet, verum eo usq; progreditur, ut hominem ipsum semetipso exuat, oblivisci sui ipsius faciat, mori; & perire sibimet, Deoq; cum omni jactura sui proprietatisq; suæ amissione servire faciat. Cujus exemplum in se ipso Paulus præbet, dum ait, imò præcepit. Sine offensione estote, Iudeis, & Gentibus, & Ecclesiæ Dei, sicut & ego per omnia omnibus placeo, non querens quod mihi utile est, sed quod multis, ut salvi fiant. quam clausulam opportunè addit, per eam enim docet quousq; progredi charitas debeat in placendo hominibus, scilicet non ultrà, non aliter, nisi ut salvi fiant. Alio autem loco id ipsum præcipiens, Christi exemplo præceptum suum firmat. Debemus nos firmiores, imbecillitates infirmorum sustinere, & non nobis placere, unusquisq; proximo suo placeat in bonum, ad edificationem, Etenim Christus non sibi placuit. Deniq; alibi rotundissimè dicit, Charitas non amulatur, non est ambiciosa, non querit quæ suæ sunt. Cor: 13. 4.

Hæc



Hæc eadem charitas illud quoque præstat animæ per ipsam ob omnibus denudatæ atque evacuatæ, quod anima nullis hujus mundi, nullis creaturarum, nullis propriis incommodis, detrimentis, mutationibusve afficiatur, alteretur, varietur. Sed quemadmodum nullis talium rerum commodis vel percellitur, vel capitur, inhiatque sic etiam nullis earundem jacturis, & ruinis, amissionibus, amaricationibusque læditur, arctatur, contristatur, amisit enim sensum earum omnem, siue quatenus delectant, siue quatenus infe-

stant. Instar cadaueris, aut statuæ, aut sili-  
cis, rupisve, cui siue blandiaris, aduleris, le-  
vissimèque adflaveris, siue maledixeris, siue  
convitiatus fueris, siue procellas immiseris,  
perinde semper est. In omnibus Deum lau-  
dans, & superans propter eum qui dilexit nos  
& omnium bonorum, rerumque, siue rapinam, si-  
ve ruinam, cum gaudio sustinens. Hunc in-  
modum charitas perfecta Spiritum Dei San-  
ctum, Originem scilicet suam, exatissimè  
imitatur, &c.



# CAPUT XXVI

## De eadem similitudine charitatis cum Spiritu Sancto.



Quarta est similitudo cha-  
ritatis, quod quemadmo-  
dum Spiritus Sanctus est  
insatiabilis: ita & charitas  
satiatatem scire nescit.  
Est autem Sanctus Spi-  
ritus dupliciter insatiabilis, & inexplebilis.  
Primo quidem in semetipso, etsi enim sit na-  
tura ac essentia sua amor atque amoris ardor,  
quo essentialiter substantialiterque Pater & Fi-  
lius, imò tota Sanctissima Trinitas ardet in  
se se, & erga sese, explendo & exsaturando se  
se amore sui in omnem partem, seu po-  
tius capacitatem suam Divinam: ista tamen  
ipsa expletio, & exsaturatio talis est, ut sem-  
per seipsam sitiatur, & esuriat, & expletionem  
sui, quasi assiduo per omnia æternitatis sue  
momenta incipiat sicut ignis quidam maxi-  
mus, ardorem suum sic perpetuo diffundit,  
ac si eum in momenta omnia diffundere in-  
cipiat: aut sol lucem suam, sic perpetuo (ut  
sic dicam) eructat, quasi eam in omnibus su-  
is momentis eructare inceperit.

Hunc insatiabilitatis inexplebilitatisque  
Sancti Spiritus in amando modum, pro mo-  
dulo suo charitas perfecta imitatur: quia  
quanto est perfectior & major, tanto & in-  
Deum amatum suum effunditur profusus

atque prodigaliter, & nihilominus tanto am-  
plius famelicit, sititque eam ipsam sui, in pro-  
fundendo ac prodigendo se, profusionem, &  
prodigaliter: semperque sibi videtur incipe-  
re, semper conatur, quasi de novo, & quidè  
amplius ac amplius in amando procedere,  
imò excedere. Est tamen in hac imitatione  
multa & magna disparitas, ac illa potissimum,  
quia Divinus Spiritus immensus & infinitus  
est in amando, actualiter semper talis exi-  
stens, qualis esse in Deo potest, semperque se  
se cum sua infinitudine infinita possidens, &  
possidendo eructans, & quasi innovans. Cha-  
ritas nostra porro in hoc toto negotio ad  
mensa, & limitata est, esseque cogitur, quia  
creata est.

Imitationis porro istius luculentum exem-  
plum habemus in charitate Beatorum, Deo-  
que non in ænigmate & perspeculū, sed facie  
ad faciem fruendum, quem sua charitate ita  
amant, ut totis se ament, neque amare unquā  
cessent, ita tamen amorem suum sitiunt, si-  
tiendoque reassumunt, & in amatum Deum  
profundunt, ac si in momenta singula pro-  
fundere atque eructare incipiant.

§ II. Modus hic quo Sanctus Spiritus  
insatiabilis & inexplebilis est, respectu scili-  
cet creaturæ: adhuc bifariam dividi potest.

1. In



1. In eum quo Spiritus Sanctus amat creaturam, amat enim illam insatiabiliter & inexplēbilitē, ita ut se ejus amore nunquam expleat, sed eam semper plūs & plūs amare, amabilemque sibi facere & fieri cupiat, quod illam plūs semper amare possit. Inde quantum ad Spiritus Sancti desiderium attinet, semper eo flammescit, ita ut faciat optetque sibi creaturam amplius ampliusque amabilem, dummodò ex parte creaturæ impedimentum non fiat, partim à naturali ejus limitatione & fragilitate, partim à miserā tepiditate, partim à necessariā ad alias res conversione &c. Qua in re creatura multū circumspēcta esse debet, ne suā quantulacunque culpā Spiritus Sancti desiderium frustretur, sed se illi amabilem amplius ampliusque tum ipsa reddere conetur, tum reddi ab ipso patiatur.

2. In eum quo Spiritus ipse Sanctus à creatura amari vult & debet, quo etiam modo ac sensu Spiritus Sanctus in amando insatiabilis & inexplēbilis est, dupliciter 1. quia cum sit infinitē amabilis, & immenso amore dignus, creatura autem tota quanta est, finita & limitata sit, nunquam tantum potest in amore Spiritus Sancti procedere, quin adhuc infinitum infinities remaneat, quo progredi & excrefcere in amando possit sive intensiōnem, sive extensiōnem amandi spectes. 2. quia Spiritus Sanctus ex providentissimā dispositione suā, ita charitatem hujus vitæ atque viæ quantumvis consummatam, perfectam, ætuosam, ætuantemque moderatur, ut licet ab eā amari infinitē desideret, licet in eā inexplētam amandi sitim excitet: occultis tamen suis & charitati salutaribus consiliis, ita illam satiat, ut tamen non exsatiētur. Et hoc variis quidem modis, sed illo imprimis, quo nunc se se charitati in manus & quasi potestatem possessionemque tradit, sic ut perennaturus in manibus charitatis, animæque amantis ab eadem reputetur & nihilominus interea, dum maximē plenē possideri videtur, elabitur, dumque plenissimo sinu haberi & hauriri creditur, abesse sentitur. Unde mirabili dispositione & abest & adest, & absens queritur, & tamen qui queritur, imò quia queritur, præsens habetur, non enim quereretur nisi àaretur, quia ergo amatur, habetur sine dubio, & tamen ideo queritur, quia absens vel creditur vel sentitur.

Nimirum hic est ille ludus Sapientiæ Sancti Spiritus ludentis in orbe terrarum. Qui ludus Spiritui quidem Sancto gratissimus, ani-

mæ autem & charitati ejus saluberrimus est: hac enim varietate famis ac satietatis, & conservatur humilitas, & augefcit charitas, & excluditur tepiditas, & devitatur periculosa securitas.

§ III. Quinta est charitatis perfectæ cū Spiritu Sancto similitudo, in eo sita, quod sicut Spiritus Sanctus Deum ubique invenit, ostendit, diligit, apprehendit, extollit, Spiritus enim Sanctus omnia scrutatur etiam profunda Dei. Et Spiritus Domini replevit orbem terrarum. Et Verbo Domini cæli firmati sunt, & Spiritu oris eius omnis virtus eorum. Et Repleti sunt omnes Spiritu Sancto, & ceperunt loqui variis linguis, prout Spiritus Sanctus dabat eloqui illis. Act. 2. 4. Et ipse est qui suggerit omnia nobis, docetque nos omnem veritatem, & habitans in nobis, postulat pro nobis gemitibus inenarrabilibus, ad eundem modum perfectæ charitas Deum suum in omnibus omni tempore scrutatur, vestigat, odoratur, agnoscit, apprehendit, amplectitur, tenet, possidet, fruitur, non tantum in rebus supernis, spiritualibus, æternisque, sed etiam in infimis, in materialibus, caducis: Nec solum in prosperis & ex vero fluentibus, sed etiam in adversis & amaris.

Neque tantum in suis, verum & in alienis, reperiens amatum Deum omnia in omnibus. Si enim sensualis suæ naturæ ductu & pondere bruta omnia quocunque se se converterint ubique pastum, ubique aliorum sensuum suorum aut oblectationem, aut expletionem querunt, quanto magis maximum (post Deum) præcipuumque rationis bonum, quale charitas est id præstabit in animā suā, ut ubique locorum rerum, temporum, actionumque suarum, unicum & summum, & ultimum deliciosissimumque pastum seu bonum suum, & querat & inveniat? Et sensus quidem brutorum non sunt adeo felices, ut ubique quod delectet vel pascat eos, reperiant: at charitas eam felicitatem de cælo hausit, quod ubique summas delicias suas, Divinam scilicet essentiam, præsentiam, bonitatem, dulcedinem, pulchritudinem, majestatem, sapientiam, potentiam, dilectionem, misericordiam, veritatem, justitiam, Trinitatem, unitatemque, infallibiliter, & superambundanter inveniat, obtineat, & fruatur: Non aliter quam oculus sanus & illuminatus ubique quod aspiciat habet: aut certè non aliter, quam Beatorum Spirituum quisque semper ubique videt faciem sui Patris qui in cælis est: ita enim & charitas



charitas perfecta vel in ipsis inferis, in ipsis maledictis spiritibus, in ipsis peccatis Deum quo pascatur, quemq; diligit, obtinet. Quia nimirum, diligentibus Deum omnia cooperantur in bonum, non in aliud profectò, quàm in dilectionis, estimationis, venerationis, laudationis, fruitionis, exultationis, prædicationisq; bonum.

§ IV. Sexta charitatis perfectæ cum Spiritu Sancto similitudo, in eo sita est, quòd sicut Spiritus Sanctus omne medium inter Deum & animam tollit, & animam ipsam, quantum creaturæ fas est, immediate Deo adglutinat & adjungit, ita charitas perfecta sibi subditam animam constantissimo conatu, efficacissimoq; effectu, ad Deum facit adhærescere, excluso prorsus omni quò ad hæc vita finit medio. Quantum valeat Spiritus Sanctus in uniendo hominem Deo, habemus maximum exemplum in Deo Incarnato per Spiritum Sanctum. Sic enim opera Spiritus Sancti conceptus est de Pretiosissima Virginis, purissimis sanguinibus Christus IESUS ut simul & conciperetur secundum carnem, & assumeretur seu associaretur hypostaticè ad Deum secundum personam, fieretq; unus & idem realiter Deus-Homo, Verbum Caro, cujusmodi unionis cum Deo creaturæ alicujus nullum quidem aliud exemplum habemus præterquam in Christo IESU Domino nostro: attamen vel ex hoc uno satis discimus, quantus unitor sit Spiritus Sanctus creaturæ cum Deo.

Exstant verò & aliæ, infinitè quidem disparæ, ab hac unâ Hypostatica, uniones, quas idem Spiritus Sanctus inter Deum & creaturam operatur, multum tamen eximie & singulares, quarum una est Maternitatis Divinæ, seu Matris & Filij Dei unionis, quàm idem Spiritus Sanctus, usq; eo produxit, ut Virgo fieret Mater, & Mater quidem Dei Filij, ita ut qui erat Filius Dei ab æterno, fieret etiam Filius Mariæ Virginis ex tempore. Unio creaturæ & Dei sanè stupenda, & soli Matri Dei, à solo Spiritu Sancto danda. Altera similiter magnarum admirabiliumq; unionum est, quas Spiritus Sanctus inter creaturas & Deum operatur, unio, visio, possessio, tentio, fructio beatifica, quâ Sancti in celo ad Deum uniantur perfruunturq; Unio verè beata, verè beatificans, per æternitatem omnem durans: quâ Deus in Sanctis suis vicissimq; Sancti in Deo suo inhabitant, Sicut dicit Deus: *Quoniam inha-*

*bitabo in illis, & inambulabo inter eos, & ero illorum Deus, & ipsi erunt mihi populus.* 2. Cor. 6. 16.

Est & tertia quædam unio, quam Spiritus Sanctus operatur inter creaturam & Deum: unio nempe gratiæ sanctificantis, à quâ unionis Filij Dei nominamur & sumus, quâ ite Deus speciali, & solis justis, gratiaq; sanctificante dignatis proprio modo, justorum animas inhabitat, eosq; reali & intimâ ac internâ præsentia sua dignatur, & amicos Hæredesq; suorum bonorum omnium constituit.

Est insuper alia quoq; Spiritus Sancti unio quâ creaturam Creatori unit, scilicet per Sanctissimum Eucharistiæ Sacramentum, per quod creatura corpore sanguineq; Domini IESU cibatur, & alitur, alta autem & cibata eidem unitur. De quo tam Mysterio quàm beneficio grandis nobis sermo & in interpretabilis. Heb. 5. 11. sed non hujus loci, ostendisse illum & memorasse sufficiat.

B In hisce unionibus creaturæ ad Creatorem, imitatur charitas perfecta Spiritum Sanctum. Præterquam enim quod in supra dictis omnibus unionibus, per Spiritum Sanctum factis ac fieri solitis intervenit suo modo etiam charitas nostra, de qua loquimur: ipsa quoq; etsi non absq; Spiritu Sancto, suas uniones operatur, quibus animam unit & adglutinat Deo. Etenim unâ cum gratia sanctificante animam in Deum, & Deum in animam introducit, mansionemq; mutuam. C intra se se constituere facit, juxta illud: *Ad eum veniemus & mansionem apud eum faciemus.* Item: *In me manet, & ego in eo.*

Deinde non contenta quomodolibet & cum gratiâ Deum & animam conjunxisse, illud ulterius operatur, ut anima renuntians omnibus quæ possidet, sive in rebus mundi hujus, sive in rebus corporis proprii, sive intra semetipsam, nudata prorsus omni & re, & spe, & curâ, & desiderio, & potestate, & deniq; possibilitate, solam soli Deo uniat, desponsat, maritet vinculo votivo, æternum durativo.

D Præter hæc autem, eadem charitas perfecta unit animam Deo suo, partim in exacta abnegatione & mortificatione sui ipsius, passionumq; & desideriorum ejus, partim in disciplinata & desecata, morum, virtutum, actionum, passionum, voluntatumq; Christi imitatione enitendo usq; ad exemplarium Christi Domini Virtutum summitatem, cui accedit unio per Sacratissimi Sacrificij & Sacra-

menti



menti usum, itemq; per purissimam cordis munditiem, pacem & ardorem, itemq; per assiduum & insatiabilem amplius ampliusq; in perfectione vitæ operumq; quotidianorū, magnorum juxta & parvorum, atq; adeo etiam minimorum proficiendi, excrescendi conatum.

Quibus omnibus partim innectitur, partim adstipulatur, partim succedit resignatio in Dei voluntatem & placitum absoluta atq; perfecta, transformatioq; creatæ voluntatis in increatam ac Divinam, non quidem secundum Entitatem, attamen secundum affectionis identitatem, volente anima aliud nihil, nisi quod vult, & quia vult Deus, vicissim. Deo nec indecorum, nec indignum, se se reputante, facere voluntatem timentium & diligendum se, exaudireq; desideria, imò

& radices desideriorum eorum.

Atq; istas & similes uniones suas quibus, charitas animam

Deo conjungit, eadem charitas lactat, nutrit, fovet, firmat & solidat, assidua Dei præsentis amariq; ardenter memoria, tum oratione & colloqui familiaris assiduitate. Meditatione item, & contemplatione defæcata & perseveranti Divinarum tum misericordiarum, tum perfectionum, suarum verò miseriarum & obligationum. Insuperq; zelo ardenti tam gloriæ Divinæ, quam salutis perfectionisq; non minus alienæ quam propriæ. Ut zelo isto lucrâdi animas amato amatoriq; suo Deo easq; ad observationē & executionē, seu mandatorum, seu etiam consiliorum adducendi in eaq; stabiliendi, efficiatur anima zelatrix, & frater, & soror, & Mater Christi.

O charitas sancta, o charitas perfecta, o charitas beata, o charitas filia Spiritus Sancti, o charitas viscera Christi, o charitas Deus, posside nos, nutri nos, inflamma nos, de, pascere nos, in Deum transforma nos, cui gloria in secula, Amen.

Domus  
Græciensis  
ad S.




Profepd  
Sol. J. J. U.  
Barbaram




















gctium.

in sero factum esset quia

quod est ante factum ve

Abba nobilis D. curat qui

regnum Dei Et au

Pila tum et petuli corpus

Abbatum si cum